

W168

61



AMERICÆ

Nona & postrema Pars.

QVA DE RATIONE ELEMEN-

TORVM: DE NOVI ORBIS NATV-

RA: DE HVIVS INCOLARVM SVPERSTITIOSIS
cultibus: deq; forma Politix ac Reipubl. ipforum copiosè per-
tractatur: Catalogo Regum Mexicanorum omnium, à primo
vsq; ad vltimum Moteçumam II. addito: cui etiam ritus eo-
rum coronationis, ac sepulturæ annectitur, cum enu-
meratione bellorum, quæ mutuò

Indigesserunt.

HIS ACCESSIT

DESIGNATIO ILLIVS NAVIGATIONIS, QVAM

5. naues Hollandicæ Anno 1598. per fretum Magellanium in Moluc-
canas insulas tentarunt: quomodo nimirum oborta tempestate Ca-
pitaneus SEBALT de WEERT à ceteris nauibus dispulsus,
postquam plurimis mensibus in freto infinitis ærumnis misere iacta-
tus fuisset, tandem infectare post biennium An. 1600. domum re-
uersus sit.

ADDITA EST TERTIO

NAVIGATIO RECENS, QVAM 4. NAVIVM PRAE-
fectus OLEVIER à NOORT proximè suscepit: qui freto Ma-
gellanico classe transmissa, triennij spatio vniuersum terræ orbem
seu globum mira navigationis sorte obtiuit: annexis illis, quæ in itine-
re isto singularia ac memorabiliora notata sunt.

Omnia à Germanico Latinitate donata, & insuper elegantissimis
figuris æneis coornata editaq; sumptibus

THEODORI de BRY p. m. Vidua & binorum filiorum.

FRANCOF. Apud MATTH. BECKERVM. 1602.



QUA DE TACTICIS

LIBER PRIMUS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS

DE TACTICIS



ILLVSTRISSIMO ET PO-
TENTISSIMO PRINCIPI AC DOMI-
NO, DN. CHRISTIANO II. DVCI SAXONIÆ,
ac S. Romani Imperij Archimarschallo Electori, Domino
nostro clementissimo, S. & F.



ILLVSTRISSIMO ET
REVERENDISSIMO PRINCIPALIS
NO. DN. CHRISTIANO II. DVCI SARDINIE
ac Roman Imperij Archicamerario electo. Domino
nobis clarissimo. S. C. P.



ONAM & postremam hanc Americanæ hi-
storiæ partē edituri, princeps illustrissime, cur
eandem Ill. T. Cels. nomini inscriptam ac dica-
tam voluerimus, causæ pol sunt, nec pauca nu-
mero, nec (ut opinamur) leues pondere. Quas
si longa serie sigillatim hic pertexere aggredere-
mur: iure merito benignissima tua clementia
temerè abuti velle videri possumus. Dicemus
tamen strictim ac (quod aiunt) tribus bolis, quæ rationes huius insti-
tuti nostri fuerint palmaria. Ex primis autem festiva Ill. T. Cels. inau-
gurationis solennitas est. Ad quam, cum uniuersus propè orbis CHRIS-
TIANVS, qui vel ex nomine tuo omnia facit auspiciatissima, vota
sua certatim conferat: nobis quoque votiuæ congratulationis ius eo-
dem exemplo licere, plena fiducia freti existimauimus. Cumque Per-
sarum ritu ignominiosum fore duceremus, si sine munere ac donario
ad Ill. T. Cels. solum gratulabundi ingrederemur: hoc qualicunq; mu-
nusculo (quo certè vel grandius vel pretiosius tenuitas nostra non ha-
bet) pium animi nostri sensum ac adfectum apud Ill. T. Cels. testari
ante omnia voluimus.

Altera instituti ratio à pientissimo Ill. T. Cels. parente, iam in-
ter pias animas tranquillam sine omni inuidia vitam agente, proflu-
xit. Cui, cum huiusdem operis partem primam (licet alia lingua) pri-
dem nuncupassemus: omnino conueniens esse arbitrati sumus, ut po-
strema hac pars, nulli alij nisi vni Ill. T. Cels. præseruata cederet: quo
nimirum tam præclarum opus, quod felicissimis CHRISTIANI Pa-
tris auspiciis inceptum est, CHRISTIANI filij insigni autoritate ac
splendore clauderetur veluti, ac ad calcem perduceretur.

Quod si denique rerum magnarum ac præstantium, maximos
quoq; ac præcellentissimos præsidēs esse oporteat: tum certè vel hac ipsa
de causa operi huic, propter rerum plurimarum arduitatē ac rari-
tatem multorum insultibus obnoxio, patronus Ill. T. Cels. dignior as-
seri nemo vel potuit vel debuit: qui & ad obrectatorum temeritatem
retundendā virium satis, & ad gratiam libro conciliandam autorita-
tis plurimum tenes. Adeo, ut tanto ac tam illustri vindice ac assertore
non dubitemus, quin genio hoc opus felicissimo diutissimè peruictu-
rum sit.

Accipe ergo, Illustrissime Princeps Elector, Mecenas amplif-
sime, pro candido ac votiuo felicissima tua inaugurationis, munuscu-
lo hanc rerum Indicarum congeriem iucundissimam sanè ac lectu uti-

)(3 liſſimam



liſſimam: in qua certè colligenda, adornanda. ſculpenda ac edenda, nos
humilimi Illuſtriſſ. T. C. clientes, & operis & ſumptibus deſudauimus
haud modicis. Quorum tamen omnium hoc vnum nobis ſolacium
largiſſimum erit, ſi deuotum piūque noſtrum hunc gratulandi &
gratificandi adfectum, ea, qua ſperamus, clementia acceptum eſſe in-
tellexerimus. Pro qua clementia *DEVS*, perpetuæ bonitatis fons &
prima uſa origo, ſaſcibus regni tui floridiſſimi recens acceptis, diuina
ſapiētia calitus demiſſis radius tam largiter benedicat, vt ſubditis, qui
velut in numen quoddam ingenti ſpe oculos ſuos in Ill. T. Celf. defixe-
runt, Pater: finitimis nationibus columen: ac toti deniq, orbi *CHRIS-*
STIANO tutor ac Proſtates fidiſſimus ſis. *AMEN.* E nobili Fran-
corum Emporio. 23. Martij An. æræ *CHRISTIANÆ* 1602.

Illuſtriſſ. T. Celfit.

Clientes humillimi.

THEODORI de *BRY* p. m. Vidua
& bini Filij, *IOAN. THEODO-*
RVS & *IOAN. ISRAEL*, ciues
Francofurtenses.

LECTO.



LECTORI BENEVOLO

SALVTEM.



IRACVLA Dei, candide Lector, profunda admodum, abstrusa ac omninò imperscrutabilia esse, præter rerum quotidianam experientiam, tam ex hac recenti nostra, quàm alijs aliorum de rebus Indicis historijs editis, clarissimè ac abundantissimè intelligi potest. Quæ certè vniuersim hoc sine in lucem datæ sunt, vt ex illis passim informati plurimi, tremendam Dei munificentissimi maiestatem deuotè agnoscere: Sapientia eius admirandæ profunditatè rimari: & deniq; diuinæ illius dextræ augustissima & auspiciatissima opera subinde magis magisq; extollere atq; deprecicare conètur addiscâtq;.

Quæ verò & qualia in hac historia præcipuè tractentur, ipsemet autor in præfatione sua præcisè his verbis explicat, inquires: Autorum quidem multi multa, eaquæ varia de nouo hoc reperto orbe, Hispanorumquæ in illo rebus gestis, commentati sunt. Cæterum, qui de primordijs ac primis quasi incunabulis istius gentis, dequæ orbis recentis natura, genio, ac proprietate exactius & velut ex fundamento tradiderit hoc seculo nedum repertus quisquam vspiã est. Mihi quoq; nullus adhuc visus liber est, in quo primæ-norum Indiæ indigenarum historia expediantur, aut terræ eius singularia excutiantur. Nam cum pleraque ex penitioribus Naturæ adytis oriantur ac emergant: ideò à veteribus nec capi facilè, nec literarum monumentis commodè tradi potuerunt. Nam quis de Zonæ torridæ abundantæ humiditate, quicquam vnquam cōmentatus est? Quis de terrarum illarū exquisita aëris temperie scripsit? Quis terram, quò soli propior est, eò crebrioribus imbribus obnoxiam existere, edidit? Quæ certè omnia scriptores vniuersi valdè sicco pede transilierunt: quod vel Indicæ linguæ ignari, horum nihil ex Indorum cōmentarijs excerpere potuerint: aut prolixam istarum rerum tractationem ignauiores non affectarint, verum in ijs, quæ vtcunq; obiter acceperunt, breuiter saltem immorari studuerint. Quibus tamen ego minime contētus, quæcunq; summa & accuratissima diligentia vndecunque colligere atque corradere, vel à peritissimis rerum ac sapientissimis viris frequentibus institutis colloquijs conquirere potui, augendæ, amplificandæ, expoliendæ, ac perficiendæ huic historiæ insérere ex compacto operam dedi.

Itaque etsi nouus iste quidem orbis, iam non nouus amplius sed vetus sit: hæc tamen eius descriptio propter inserta noua, memorabilia & miraculosa plurima, aliàs nunquam euulgata, noua optimo iure habenda est. Vniuersum siquidem opus in septem libros diremptum atq; distinctum est: quorum duo priores de cælo, deque aëre, ac horum natiuis virtutibus, temperamentis ac proprietatibus tractant. Tertius ac quartus de Elementis cæteris, ac plantis seu stirpibus, vt & de animalibus terrestribus, aquatilibus ac aëriis tradunt. At tres reliqui libri de Indorum ortu ac religione, & Republica, bellisque & similibus alijs commentantur. Et hæc hæctenus ex præfatione autoris.

Quibus ex verbis colligere licet, hoc opus propter plurimarum rerum exquisitam deductionem & explicationem perfectum, ex imo fundamento veritatis vniuersæ Indiæ Occidentalis proprietatem ac naturam edisserere atque extruere: non quidem, vt integra hîc historia tradatur, quomodo & quando Hispani eas terras occuparint, & quæ in eius expugnatione memorabiliora gesta sint, cum ea omnia in Americæ nostræ parte quarta, quinta, sextaquæ fusiùs antè recensita inueniantur: sed vt ea saltem comprehendantur, quæ Indiæ ipsius naturam, rationemq; ac huius indigenarum regna, templa ac Respubl. concernant, quorum in libris prioribus obiter saltem mentio facta est, hoc verò fusiùs ac perfe-

P R A E F A T I O A D L E C T O R E M.

perfectior descriptio ac designatio inseritur. Quam nonam Americae partem cum totius historiae quasi quoddam complementum esse peruideremus: eam artificiosissimis figuris ac tabulis etiam insignitam voluimus, fore sperantes, ut candido Lectori, ac rerum peregrinarum rararumque audio, studium nostrum ac labor, sumptusque (quos haud tenues impendimus) maximè probentur. Hanc enim qui historiam legit, is vel in thalamo suo cubans, vel in Musæo oberrans, vniuersam Indiam veluti peragrarè, ac viuis oculis vsurpare potest: cum non saltem plenam ac perfectam eius descriptionem peruoliter, sed & sigillatim quasi libet ciuitates, ac insulas ad viuum depictas perlustret ac contueatur.

Qua causa quoque Omnipotens rerum vniuersarum conditor ineffabili laude attolendus est, qui mortalibus tam præclaram artem amplissima dote impertiuit, qua ad viuum monstrari ac exhiberi palam ea possunt, quorum cognitione ne millesimus quidem vti fruique posset, nisi ipse immensis sumptibus, periculisque certissimis, ac laboribus durissimis itinera ea conficere vellet. Vbi id iuxta quoque comprimis dolendum est, quod tam nobilis ac diuina ars teterrimo abusu hodie plerumque ijs ferè rebus impenditur, quæ aut ad nefandas libidines, aut execrabiles superstitiones (quarum infinita hæc historia exempla promit) hominum otiosas mentes agant ac præcipitent. Nec enim vllum ferè in Romana Ecclesia festum, aut solennitas ritusque celebratur, cui simile quidpiam luridus Sathanas superstitiosis Indis illis non effinxerit ac præstituerit: sicut huius libri autor, Iesuiticæ societati addictus, manifestè id testatur. Quam sanè ad rem effigiationis ac picturæ ars Indis haud parum contulit. Idola siquidem ac simulachra innumera illius ope effinxerunt, quibus quotannis innumera cæsis hominibus sacrificia, spectaculo sanè horrendo ac foedissimo exhiberent.

Cæterum, cum in huius historiae adoratione versamur, ad manus nostras cõmodè venit, Hollandica lingua descripta nauigatio quædam, quam Hollandi An. 1598. per fretum Magellanicum susceperunt: quæ quidem historia lectu ideo dignissima est, quod in ea mira, ac ærumnosa fors infinitaque pericula adumbrantur, quæ Capitaneus Sebalt de Weert exantlauit. Qui cum biennio integro à patria exulans, continuis laboribus, dira fame, madore iugis ac naufragijs præsentibus obtrititus esset, tandem infecta re ad suos reuersus est. Quorum certè ex exemplo liquet, non indignam illam Indorum admirationem fuisse: qui cum Hispanos, America primum potitos, nudi auri argentique causa istuc allectos cognouissent: stultam eam audaciam rati sunt, quod propter res tam leues ac contemptas, tam longinquæ nauigationes, cum tantis tum opum tum corporum impendijs susciperentur. In huius nauigationis historia addidimus quoque delineationes seu effigies, nonnullarum insularum, ac ciuitatum, castrorumque, ut & velitationum quarundam ab Hollandis cum Lusitanis designatarum: & tandem etiam habitus expressimus illorum Indorum, quos in transitu Hollandi viderunt.

Spem autem nobis certissimam facimus, Lectorem beneuolum impensum nostrum laborem sumptumque tanto fauore applausuque probaturum esse, ut illius indicio ad maiora ac plura quoque, alio tempore in lucem edenda inuitemur ac addu-

camur. Deo, rerum omnium creatori ac seruatori sit laus, &

honor, & gloria in seculum, A M E N.



DE NOVI ORBIS NATURA ET RATIONE,

LIBER PRIMVS.

Cap. I.

Fuisse nonnullos, qui noui orbis cælum, ceu fabulosum, ex omni natura rerum exterminarint.



NTIQVORVM haud pauci, suis ducti opinio-
nibus statuerunt, in nouo reperto orbe planè
nullos habitare homines. Multi etiam eò abre-
pti sententiæ fuerūt, vt hac mundi parte ne vl-
lam quidem terram aut regionem collocatam
arbitrarentur. Quod verò maximum est, non-
nulli cælū hoc, sub quo hīc nos degimus, planè
cōmentitium & fabulosum esse, professi sunt.

Etsi verò ex aduerso horum, aliqui, adeoq; ex grege philosophorum
præstantissimi acutissimiq; prægnantibus rationibus, cælum sphæ-
ræ, seu globi figuram (vt reuera habet) obtinere demonstrarint: ni-
hilominus tamen, quasi ex compacto hos redarguentes quidam, au-
tores sanè dignitatis maximæ, contrarium omninò asseruerunt, do-
cueruntq; vniuersum hunc mundum domui potius cuidam simi-
lem esse, quæ vnica saltem, eaque suprema parte, non verò vndiqua-
que tecto obducta sit; præter omnem rationem id statui putantes,
quod terræ immēsa moles in medio aëre quasi suspensa libretur; Cæ-
lum verò, ceu ædificij tectum à terra, vt fulcro & sustentaculo suo,
quàm longissimo interuallo disseptum & auulsum distet. Sed & præ
cæteris Ioannes Chrysostomus in commentariis super Epistolam ad
Hebræos editis, aliquoties sententiam eorum altissimè ridet, qui cæ-
lum rotundum & sphæricum finxerunt, prætendens, sacram scriptu-
ram, tabernaculi potius cuiusdam, à Deo formati & conditi mentio-
nem facere. Qua adducta sententia illud asserere velle videtur, quasi
cælum haudquaquā moueretur, Sol verò & astra cætera volucrum
more per aëra ferrentur, nec vt rotæ radij circa axem suum in orbem
voluerentur. Huic Diui Chrysostomi sententiæ Theodoretus Cy-
rensis quoque astipulatur, vnā cum Theophylacto, idem argumen-
tum firmiter vbique tenente. Lactantius autem, qui ætate his omni-

Chrys. hom.
14. & 27. in
Epist. ad Hebr.
c. 8.

Idem hom. 6.
& 13. in Gen.
& Hom. 12. ad
pop. Antio-
chen.

Theodor. &
Theophyl. in
comment. ad
Hebr. 8.

Lact. 3. lib. di-
uinar. inst. c.
24.

bus prior est, in suis diuinarum institutionum libris, æquis rationum momentis expressè Peripateticorum & Academicorum Philosophorum opinionem explodit, qui de motu & figura cæli orbica priuatim quid sentire ausi sint: sententiam Epicuri, qui terram hanc immensum Chaos quoddam statuit, longè saniores & perceptibiliores agnoscens. Quin imò re propius conspecta Diuus quoque Hieronymus id tangere videtur, dum scribit hæc ferè verba: Physicus per-
scrutator oculos trans cælum leuat, & vltra profundum terrarum & abyssi quoddam inane demergit.

Hier. libr. 2. in
epist. ad Ephes.
in c. 4.

Sixtus Senen.
libr. 5. Biblior.
annot. 3.

De Procopio tradunt, eum in commentariis super Genesin Aristotelis sententiam de cæli figura & motu circulari (quæ opinio præter autoritatem S. literarum sit) explicite fouere & defendere: cuius tamen me scripta nunquam legisse citra pudorem fateor. De quorum omnium autorum tam dissentanea opinionum cõflictatione ideò me leuior admiratio subit, quod pro constituto sit, eos longè grauioribus & sublimioribus rebus occupatos, Philosophica istis demonstrationibus & subtilitatibus non vsque adeò vacare potuisse. Saltem de Augustino id admirari liceat, qui, cum doctrinæ naturalis, vt Physicæ & Astronomiæ arcanorum peritissimus fuerit, nihilominus tamen de hac re vbique hæsitat, & vtrum terra circumcirca à
cælo ambiatur, dubia pronuntiatione nutat: Quid ad me pertinet, inquit, vtrum cælum, sicut sphæra vndique concludat terram in media mundi mole libratam, an eam ex vna parte desuper velut discus operiat? Eodem ipso autem loco, quo hæc scribit, cæli figuram omninò sphæricam esse, simul expressè fatetur: & tamen de eius motu circulari sententiam, vt incertam & penitus ambiguum, tum ibi tum alibi, vicissim promulgat.

Aug. libr. 2.
super Gen.
c. 9.

Cap. II.

*Cæli figuram vndiquaq; rotundam esse, & illud in se-
ipsum reuolui.*



Sap. 13.

VETERIBVS autem, propter hanc potissimum causam id meritò donandum est, quod, dum in Creatoris sui cognitionē cultumq; verum penitus incubuerunt, de creaturis eius, numero & cognitione, propè infinitis, errare & ambigere facile potuerint. Rerum verò mundanarum scrutatores, qui ingenij sui ala cõ cognitionis prouolarunt, vt & quid mundus esset, reuera sciuerint, & vniuersi huius ordinem naturamq; certis argumentis & regulis præcisè comprehenderint, hac potissimum causa infelices censendi sunt, quod ad sola Dei externa opera attendentes, creatorem suum cognoscere aut penitus nō laborarunt, aut eum cognitum iusto cultu non

tu nō venerati. Sed in vanis suis cogitationibus deridiculi facti sunt. *Rom. 1.*
 Ipse quidem Aristoteles cum affeculis Peripateticis, qui in hoc cum
 Stoicis faciunt, de figura & reuolutione cæli huiusmodi tradidit, *Plutarch. de
 Plac. Philos. li. 2. c. 2.*
 quæ nos in hisce regionibus multò clarius & certius ipsis contuemur
 oculis, quàm vt eadem ex præceptis & regulis discere possimus phi-
 losophicis. Atque adeò quidem, cælum ipsum globosa figura con-
 ditum formatumque, terram ipsam ex omni parte cingere & ambi-
 re, à nemine quoquam nisi cum certo pudore & confusione negari
 vel potest vel debet. Eam enim nos hodiè terræ partem spectamus,
 quæ veteribus omninò ininspecta fuit. Præterea, vtrosque non-
 nunquam mundi vertices, seu polum tam Borealem quam Aus-
 tra- *August. libr. 2. Gen. ad lit. c. 10.*
 lem (de qua re Diuus Augustinus valdè dubitabat) videre nobis con-
 tingit, quotiescunque nauigantes lineam æquinoctialem transmit-
 timus. Quin imò, nos 60. gradus tam cis quàm vltra lineam æqui-
 noctialem pronauigauimus, vt reliquos hoc loco silētio transiliam,
 qui longinquioribus nauigationibus 70. gradus versus septentrio-
 nem attigerunt. Sed & nauis quædam, Victoriæ nomine insigni-
 ta, velis vniuersam terram obiuit, & hoc facto veterum opinionem,
 quasi terra immensum quoddam & inane Chaos esset, vt erroneam
 falsamque infregit. Eius nauigationis duratione nautæ Oceani
 magnitudinem dimetientes, indubitatis quasi vestigiis quibusdam
 terram, licet vastam, attamen Oceano longè minorem depressio-
 remq; obnotauerunt: id quod ceu nouum præter multorum fidem
 esse possit. Ex quibus hætenus recensitis omnibus audacter conclu-
 dimus, cæli figuram orbicam, & perfectissimam omnium esse. Ter-
 ræ autem & aquæ, quæ se inuicem quasi bracchiis complectuntur,
 collectus globus, ex omni parte sensibilis, sua certa dimensione con-
 stat, cuius extrema & termini omninò ambiri & comprehendique-
 unt: Quod ipsum non tantum Philosophicis & Astronomicis argu-
 mentis, veluti tecmeriis quibusdam indubitato demonstrari, sed &
 veluti digitis intentis manifestè ostendi potest. Nam vt hîc accura-
 tiores & subtiliores demonstrandi vias declinemus, qualis præcipua
 ea est, quod perfectissimo corpori figura quoque debeatur perfectis-
 sima: id hoc loco saltem exempli gratia constitutum sit, motum sci-
 licet in orbem factum, minimè æqualem aut sibi semper cōstantem
 esse posse, si in angulum fiat: quod ipsum tamen necessario eueni-
 ret, nisi Sol cum cæteris astris omni sua parte circumageretur aut
 conuolueretur, sed alicubi in latus intorqueretur & inflecteretur.
 Huius sanè rei vel vna Luna nobis testis esse possit locuples, quæ
 tum demum deficit & obscuratur, quoties ipse terræ globus intra
 hanc & solem se medium interiicit, & solares radios Lunam illu-
 straturos densitate sua intercipit. Id quod nullo pacto fieri pos-
 set vsquam, nisi terra ceu centrum in medio locata, orbibus cæ-
 lestibus vndiquaque obuoluta & cincta esset. Sunt quidem

Aug. epist. 109.
c. 4.

Aug. lib. 2. de
Gen. ad lit. c.
10.

Psalm. 148.

nonnulli, qui, an Luna lumen suum à Sole mutuetur, haud obscure dubitent. At istorum dubitatio temeraria est. Nam quid noctem obsecro constituit aliud, quam terræ umbra, à Sole sese infra globum eius recipiente, relicta? Quod si Sol non infra terram deuolueretur, nec se aliquantisper absconderet dum recens iterum prodiret, sed potius versum in angulum quendam impelleretur: tum certè, terram à cælo disci seu quadræ modo integri aut obduci, nec orbis aut pilæ forma ambiri, necessariò consequeretur: Quo dato, cōficeretur iterum, noctes à Sole, nec longiores, nec breuiores, nec vlllo pacto æquales constitui in quibusdam locis posse. Illud autem, quod Diuus Augustinus scribit, quod omnes conuersiones, oppositiones, depressiones, aspectus, & similes aliæ siderum affectiones, nihilo incommodius fieri possint, etsi cælum ipsum quidem per se immobile perstet, in eodem verò sola astra seorsim moueantur: id illi quidem, cui quiduis fingendi & imaginandi licentia est, captu haud est difficile. Verum eodem exemplo quoque comminisci liceret, vniuscuiuslibet astri corpus à peculiari Angelo seorsim proferri, non secus ac Habacuc simili latione traiectum in Babyloniam legimus. Et quis vsquam tam animi hebetis, aut iudicij corrupti est, qui huiusmodi variationes omnes non intelligat ad eius arbitrium fieri posse, qui illorum ita præsumptus motor sit? Quorum tamen nihil ita concludi potest, ab illis, nisi regio illa cæli, per quam astra comitantur, elementalis adeoque corruptioni obnoxia statuatur: Siquidem per vacuum seu inane moueri minimè possunt. Isto concessio, ipsa quoque astra secundum naturam suam corruptibilia erunt, quæ tandem temporis decursu alterationem patiantur & destruantur: quod tamen contra æternitatem eorum manifestè pugnat, quam DOMINVS, creator illorum, (spalte attestante) primitus ipsis indidit. Sed & idem contra expressam Dei ordinationem, adeoque rerum omnium prouidam conseruationem manifestè pugnat. Quod si quis has rationes fors vilipendere volet, is tamen oculorum testimonio refragari nullo modo poterit, quorum beneficio & intensione non solum astra verissimè rotari & circumuolui videmus, sed & ipsum cælum vniuersum, non solum partes eius lucidas, qualis è cæteris est via lactea, verum & nonnullas alias, tenebricosas nimirum & obscuras, in orbem agi contuemur. Siquidem insignes quasdam cælo impressas maculas alicubi mihi videre contigit, quas dum in Europa degerem, nusquam me notasse memini, quæ Lunæ, Eclipsin patientis, imaginem eminus exprimunt: vnde indubitata experientia obseruare didici, maculas easdem perpetuò & indefinenter cum ipsis astris quibus confertæ sunt, reuolui & in orbē cieri. Ex quo verò principio (vt sic loquar) istæ cæli maculæ nascantur, si meam quis roget sententiam: eius proferendæ licentia data, statuere nihil possum aliud, quam quod, sicut firmamenti seu ipsius cæli corpus densius, quatenus illuminatur, Galaxiam

xiam constituit, sic vicissim partes eius rariores & magis diaphanæ, cum lumen fundant debilius, atriores appareant. Sed, quacunque tandem à causa huiusmodi maculæ emergant; accurata tamen & diligenti obseruatione, astra ipsa cum suis orbibus indiuisim iustoque ordine progredi, irrefragabiliter notatum est. Adeò vt citra impietatem haud à quoquam vspiam, orbis cælestes terram ipsam vndique includere, & in sese ipsos assiduò reuolui, negari queat.

Cap. III.

Terram in mundi medio sustineri, sacrarum quoque literarum testimonio confici.



VÆ de terræ loco, & cæli reuolutione hætenus à nobis fusius commemorata sunt, ipsarum quoq; sacrarum literarum auctoritati consentanea, probari facile possunt. Nam vt hîc breuitatis studio taceam, quod Hest. 13. in istis frequenter terrarum orbis mentio fiat: quod omnia cætera corpora à cælo contingantur: quid Ec- Cap. 1. v. 3. clesiastæ sententia planius & luculentius inueniri potest? Oritur Sol, inquit, & occidit, & ad locum suum reuertitur, ibique renascens gy- “ rat per meridiem, & flectitur ad aquilonem: lustrans vniuersa in cir- “ cuitu pergit Spiritus, & in circulos suos reuertitur. Quæ sententia se- “ cundum paraphrasin Gregorij (siue is Nazianzenus siue Neocæsariensis fuerit) ita habet: Sol, vniuersam terram postquam obiuit, con- “ uersus ad eundem terminū seu punctū circumuoluitur. Quod sanè nulla fieri ratione posset, si terra vlla parte cælo exclusa esset. Porro & Hier. lib. 2. in Ep. ad Eph. c. 3. Diuus Hieronymus in explicata Epistola ad Ephesios his ferè verbis scribit: A plerisque iuxta Ecclesiasten affirmatur, cælum rotundum “ esse, & sphæræ modo reuolui: Sed eius tamen rotunditas nec latitudinem nec lōgitudinem, nec altitudinem, nec profunditatem habet, “ sed secundū omnes sui partes coæqualis est, &c. Quibus verbis Hieronymus nihil aliud velle videtur, quàm quod maxima sanctorum “ interpretum pars, iuxta tenorem sacrorum Bibliorum mundum orbicularem seu sphæricum statuerit. Et si verò Basilius, & qui huius in- Basil. hom. 1. terpres est, Ambrosius in Hexam. dubij nonnihil obhæreant; nō ob- Hexa. prope finē. Ambros. lib. 1. scurè tamen in hanc sententiam, mundum videlicet esse sphæricum, Hex. c. 6. inclinant: nec Ambrosius quicquam aliud, quam quintam vocatam essentiam, ab Aristotele cælis ascriptam, reprehendit. Porro mirum est, qua elegantia & venustate de situ & firmitudine terræ, vt & de ineffabili virtute, sapientia & maiestate creatoris eius, sacra pagina loquatur, saltem vt illarum rerum pensitatio nos in summam admirationem adducat, & nos ex creaturis illis mirificis summa oblectatione perfundamur. Dicit enim aliàs Iehoua, quod columnas terræ sus- Psal. 74.

Lib. 1. Hexac.
6.
Iob 9. & 26.
Hebr. 1.

Psal. 133. 23.
& 24.
Aug. in Psalm.
133.

fundauerit & confirmauerit; nimirum vt inde intelligamus, quod immensa hæc & vastissima moles dextra potētiae diuinæ sustentetur, sicut id eleganti narratione Diuus Ambrosius explicuit. Pagina quidem sacra nonnullibi fulcra cælo substructa esse ait. Quo verbo non illa Atlantis sustentacula, à Poëtis ipsi assignata, sed potius ipsissimum verbum lehouæ, sua potentia hæc omnia sufferentis & moderantis, intelligendum supponit. Sed & terram elemento aquæ adhærere, & ab eo magna ex parte circumdari, valdè sapienter eadem asserit. Nam, firmauit, inquit, terram super aquas, & orbem terrarum super maria fundauit. Quanquam Diuus Augustinus verba hæc (super aquas) in aliū sensum detorquere conetur, ne scilicet rata & in sacris literis confirmata illa opinio habeatur, quod terra aquæ commixta in medio mundi suspensa hæreat. At enimuero sensus verborum Psalmi tam clarus & perspicuus est, vt nulla interpretatione contraria obscurari possit. Vult enim expressè, terram à nullo alio quàm aqua fulciri: quæ etsi suapte quidē natura fluxilis, loco facilè moueatur, nihilo tamen minus singulari Dei summi & sapientissimi Architecti prouidentia vastum hoc terræ opificium firmum & immotum sustineat. Terra quidem ipsa super aquis fundata scribitur. Veruntamen, si exactius loqui consilium sit, potius sub aquis eadem constituta est. Nam prout cogitatio seu imaginatio hominis est, illud, quod terræ à nobis habitatae ex altera parte oppositum est, respectu eo non nisi infra terram positum esse videtur: ideoque nos aquas & ipsum immensum mare ex aduerso terræ, eidemque subiacerere imaginari solemus, cum tamen ibidem nihil aliud, quàm mundi pars dimidia locetur. Sacra ergò pagina pro communi hominum opinione loquitur. Iam si quis sciendi cupidus vltèrius quærat, cuinam tandem fundamento ingens & vastissima illa terræ marisque machina innitatur: huic plenius rem intellecturo simul & admiraturo eadem sacra scriptura ita respondet: Extendit aquilonem super vacuum, & appendit terram super nihilum. Quæ verba nerui sanè & sapientiæ habent quamplurimum. verè enim terra de nihilo suspensa est, & eadem cum aquis commixta in medio aëre libratur. Arduum hoc miraculum Deus cordibus hominum multò illustrius & sublimius præfigurat, cum ad Iobum ita loquitur: Vbi eras, quando ponebam fundamenta terræ? Indica mihi, si habes intelligentiam? Quis posuit mensuras eius, si nosti? vel quis tetendit super eam lineam? Super quo bases illius solidatæ sunt? aut quis demisit lapidem angularem eius? Vt ergò pulchritudo & venustas huius ædificij omnibus mortalibus innotesceret, diuinus ille diuinorum operum speculator & mystes Dauid, in eo Psalmo, quem de hac re deuotissimè meditatus est, his modulis cecinit: Qui fundasti terram super stabilitatem suam, non inclinabitur in seculum seculi. Hæc nimirum causa est, cur terra, mole & pondere immensa, ac in medio aëre pendula, nec ruat vsquam nec quoquam nutet, quod videlicet

Iob 26.

Iob 38.

Psal. 103.

delicet natiuæ suæ firmitatis aut stabilitatis fundamenta certissima habeat, à sapientissimo rerum omnium creatore sibi parata, vt in sese ipsa stabilis consisteret, nec quoquam alio extraneo adminiculo vnquam egeret. Humanas ergò cogitationes quam longissimè errare necesse est, quotiescunque diuinorum operum maiestatem, ad rationem captumque humanum metiri fatagunt. Nec cuiquam opus est metuere, vt, licet in medio aëre suspensa terra libretur, propterea huc illuc vel abascatur. Non enim, vt psaltes ait, in seculum seculi inclinabitur. Non ergò immeritò Regius Propheta, postquā admiranda Dei opera quasi ex catalogo recensuit, & collaudauit, in hunc hymnum erumpit: Sit gloria Domini in seculum, Lætabitur Dominus in operibus suis. O quàm magnifica sunt opera tua Domine; omnia in sapientia tua fecisti, & plena est terra operum tuorum. Quotiescunque mihi diuersis nauigationibus peregrinanti immensam vastitatem magni Oceani, vel etiam portentosam hanc mundi machinam contemplari licuit, non saltem ex isto rerum aspectu ingenti gaudio voluptateque perfusus, verum etiam vniuersa hominum, quantumuis regia opera, cum istis diuinæ manus opificio extructis collata, vilissima & abiectissima pronunciare coactus sum. Et spectaculorum istorum seria meditatione abreptus, sapientissimè in hæc verba erupi: Delectasti me, ô Domine, in factura tuas; & in operibus manuum tuarum exultabo. Et, vt, quod res est, fatear, nescio equidē, quid secretæ & abconditæ maiestatis diuina omnia opera in sese cōtineant, cum, quò frequentius & intentius ea contueamur, plus semper nouæ voluptatis mentibus nostris refundant: cum contrà humana opera, quantumuis præclarissima & subtilissima, si crebrius aspiciantur, facile displiceant, & sui contemptum in nobis excitent. Quod si hortos amantissimos, aut templa augustissima, arces superbissimas, aut effigies vel dædala manu artificiosissimè exsculptas iterum atq; iterum quis spectauit: Aspectu illorum vsque adeò confatiatur, vt ne oculos quidem deinceps admouere saturos dignetur. Mare autem, & in eo prominentes vastos scopulos, aut floribus vernantia prata, aut flumen aliquod prærapidum, aut implacidum, & horrendum vorticem, cum saxi perpetuo colluctantem & mugientem, & cætera huius generis spectacula, si quis cominus contueatur, semper noui quid in illis reperiet, & voluptatem singularem capiet, tædio omni seposito: vt rerum illarum meditatio inexhaustæ cuiusdam sapientiæ suæ ue quoddam conuiuium esse videatur planissimè.

Cap. IV.

Solutio eorum, quæ contra cæli rotunditatem ex sacris literis depromuntur.



Hebr. 3.

”

AM ad mundi figuram reuertor: quam non esse perfectè rotundam, neque cælum in seipsum conuerti, nescio equidē quibusnam ex sacrarū literarum verbis quidam euincere conati sint. Quod enim D. Paulus cælum vocat tabernaculum, quod fixerit Dominus & non homo: non video quid id ad hanc rem faciat.

Nam, etsi quidem Deus tabernaculum extruxisse legatur: nō tamen id ita accipiendum est, quasi terra, sua natura immobilis, ex vna saltem parte desuper intecta cælo sit. Vbi enim Apostolus similitudinem tabernaculi veteris testamēti tractauit, vnā docuit, tabernaculum noui testamenti esse ipsum cælum, in quod summus pontifex noster, I E S V S Christus in sanguine suo semel ingressus sit: quod illo veteris testamenti tabernaculo tantò præstātius sit, quantò Deus, illius conditor, homine veteris constitutore, melior maiorque sit. Et tamen interim vetus tabernaculum sine Dei sapientia & ordinatione nullatenus factum est, quæ deinde Beseleelum hunc impleuit. Quin imò similitudines, parabolas, & Allegorias non præcisè ad literam intelligendas venire, ipse quoq; Diuus Chrysostomus, vir consummatæ eruditionis, planissimè monstrauit. Porro autem, quod pro nonnullorum opinione Diuus Augustinus contra cæli rotunditatem hunc

Exod. 36.

6. 20. in Matt.

Psal. 103.

”

Aug. 2. de Gen.

6. 9.

Psalmi contextum: Qui extendit cælum sicut pellem, obiiicit, quasi inde cælum non rotundum, sed conuexa parte planum esse sequeretur: ex eodem ipso sancto Doctore facili negotio monstrari potest, quod per adducta verba nō ipsam cæli figuram intendat aut faciem: sed quod potius hoc velit, fuisse Deo immensum hoc cælum fabricare tam facile & promptum, quam procliue nobis est, conuolutā aut cōplicitam pellē pandere vel explicare. Aut illud dicendū est quoq; facta hæc esse verba, ad diuinæ habitationis maiestatem innuendam, vt, quod nobis tabernaculum è pellibus est, idem Deo sit cælum, vsque adeo magnificum & durable. Quod ipsum poëta quidem hemistichio curto elegāter simul & breuiter exprimere voluit, canens, Nitidi tentoria Cæli. Quale & illud Prophetæ est; Cælum mihi sedes, Terra autem scabellum pedum meorum. Iam si Anthropomorphitarum similes essemus, difficilis quæstio moueri posset, quo id fieret modo, vt, cum Deus omnia impleret, terram tamen pro scabello pedum suorum haberet, quæ ipsa in medio mundi consisteret. Sic etenim necesse esset, & Dei pedes sibi ipsi oppositos esse, & capita illius plura comminiscenda forent. Quæ tamen omnes nugæ ad risum potius & cachinnum, quam seriam & sobriam disputationem cū spectent,

Esa. 66.

fatis

satis nobis sit, in sacris libris non literam nudam, quæ occidit, verum ipsum Spiritum potius, qui viuificat, quærendum esse.

Cap. V.

De Conditione Cæli Antartici.



ASSIM per Europam multi quærūt, quæ Cæli huius australis facies aut ratio sit, cum ea de re veteres Astrologi nihil commentati sint. Qui etsi intentis speculationibus eò quidē vsq; pertigerint, vt cælum meridionale reuera esse, exploratè nouerint: quæ tamen eius genuina facies ratio ve sit, assequi nōdum potuerunt.

Canopum quidem, stellam vt lucidissimam, sic maximā ex iis, quæ *Plin. lib. 6. 6.* apud nos conspiciuntur, admodū deprædicant. Et qui ex literatis nostratibus mare sulcauerūt, de cælo & stellis tū plurimis tum ingentibus, nobis conspicuis, multa cōmemorant. Ego verò & multò plura, & lucidiora & maiora circa polū Antarticum cōspici astra haud dubitāter assero: aioq; quæ hic à nobis spectantur, stellis meridionalibus, & iis, q̃ à poëta Vergilio nominantur, haudquaquā præferenda esse. Ex cæteris autē sideris eius, q̃ crux dictum quatuor lucidissimis, & à se inuicē certis interuallis, crucis in modū distat, splendor & species pulcherrima est: q̃ astrum quidam rerū imperiti & ignari polum Antarticum statuunt, q̃ nautas cursum suum secundū illud moderari & tenere obseruant: sicut vltra æquinoctialem metā tenent polum Arcticum. Hoc autē hac de causā ita fit, quia polus Antarticus à nulla fixa & notabili stella nautis describitur. Ideoq; eos illi proximam aliam captare necesse est, q̃ pedem Cruisæ nomināt, quæ, vt à peritissimis nautis accepi, à polo gradibus circiter 30 distat. Dimensionis ergo in hoc hemisphærio ratio multò difficilior est. quoniā ad stellam hanc cursus exactè dirigi non potest, nisi rectā in vertice sit, quod semel in nocte euenit. Sed & eadem diuersis anni tēporibus diuersum situm obtinet: & quod nauigationes multò laboriosiores facit, hoc est, quod maxima anni parte de nocte Zenith exactè non assequitur. Ideoque industrij & prouidi gubernatores prope solem meridianum punctum quoddam iuxta astrolabicum instrumentum seorsim annotare consueuerunt. Hac in arte quidem Lusitani peritia cæteros mortales omnes exuperant: Vt qui & ingenij acumine, & longis diuturnisque nauigationibus omnium sunt peritissimi. Sunt autem ibi & alia quædam tū maiora tū splendentiora astra, quæ poëtarum Helicam & cynosuram æquant. Lactææ quinetiam viæ excursus lucidissimis, & maculis nonnullis de quibus suprà diximus, insigniter distinctis hoc loco obseruatur. Sed hæc & alia alij vberius penitusque explorent: nos hic contenti iam ad alia diuertamus.

Cap. VI.

*Quod iuxta utrosque mundi polos tùm terratùm
mare sit.*



Hieronym. ad
Paulin. Et de
Hierosolymis
& de Britan-
nia equaliter
patet aula ca-
lestis.

Vide Plat. lib.
3. de Plac. Phi-
los. c. 9. 10. &
11.

Libr. 16. de ci-
uit. Dei. c. 9.

Gen. 1.

IRMIS & irrefragabilibus argumentis hætenus de-
monstratum esse arbitror, non soli Europæ, sed & A-
siæ Africæque cælum diuinitus datum esse, nosque
omnes ac omnia ab eo integri. Hoc iam pro illis facit,
qui hinc in Hispaniam contendunt: quibus patria
sua assiduò in ore est, & econtrà mirantur, imò indi-
gnantur, quod nostra nobis æquè patria non curæ cordiq; sit, vt in
illa vitam & degamus & ponamus. Contra hos nos superius dicta
contorquemus, respondemusque, nobis in Europam reuertendi id-
eò non animum esse, quod cælum Americæ tam videamus propin-
quum & beneficium esse, quam Europæ. Quanquam verò cælum
vndiquaque terram includat, non tamẽ inde continuò, terram quo-
que vbiq; locorum esse, consequitur. Siquidem, cum ex duobus e-
lementis, terra nimirum & aqua, vnus globus constituatur, quod &
ipsum antiquorum sapientissimi ita crediderunt, & demonstratio-
num momentis firmissimis confecerunt: in hanc iure merito con-
cedendum sententiam est, mare quoquouersum ad polum Antar-
cticum diffusum, nec ibi terræ loci quicquam relictum esse: quod i-
psum Diuus Augustinus contra eos præclare disputat, qui Antipodas
in naturam inuexerunt. Is, Non attendunt, inquit, etsi figura con-
globata & rotunda mundus esse credatur, siue aliqua ratione mon-
stretur, non tamen esse consequens, vt etiam ex illa parte ab aqua-
rum congerie nuda sit terra. Quod verè & probè dictum est. Id e-
nim necessariò ex mundi rotunditate consequitur. Contraria verò
opinio ratione nulla refelli opus habet, cum experientia ipsa iam du-
dum rem & dubitationem planam fecerit. Aquæ elementum qui-
dem, etsi huius globi partem quam maximam constituat: nihilo-
minus tamen alicubi terræ cedit, adeò, vt nec hoc latere sola aqua,
nec illo mera terra sit, Sed mutuis extensionibus in totum permisce-
antur, & vnum aliud mutuis quasi bracchiis interfertis vndiquaque
complectatur. Qua re sanè admirabili, immensa industrij archite-
cti Dei sapientia hominum oculis præfigitur. Scripturæ sacræ auto-
ritate fideque notum est, initio aquas vno quodam loco collectas
fuisse, & extra hanc terram se protinus protulisse. Sed eadem nos
quoque docet, congeriem istam aquarum nominatam esse ma-
ria, quæ citra dubium plura fuerunt. Nam & mediterranea maria
plurima sunt, ceu Euxinum, Caspium, Erythræum, Persicum, Hesper-
ium, & si quæ alia suis appellationibus distincta, & terminis disclusa
sunt: Et Oceanus ipse Magnus, in sacro libro Abyssus dictus, quamuis
reuera vnus est, attamen & locis & appellationib. multiplex est, veluti
in Ame-

In America hac videre licet. Alius enim Oceanus est Borealis, alius Australis, alius Orientalis, qualis est Indicus, alius Synensis. Mihi autem tum longinquarum nauigationum beneficio, tum aliorum peritiorum institutione probè compertū est, terram nullo vsquam loco à mari vltra 24000 stadia seu leucas Hispanicas mille distare: atque adeò altissimū mare, quo loco latissimè panditur, suprascriptam tamen mensuram non exuperare. Non equidem eo inficias, Oceanum ipsum multò longius fulcari posse, cum certa experientia constet, classes Lusitanicas metam quadruplo porrectiorem attigisse, & nostro quoque hoc seculo totum Oceanum feliciter circumnauigatum fuisse. Hoc saltem aio, hætenus diligenti obseruatione notatum esse, continentem à continente aut insulis, ac terram à terra alia, vbi sese quamproximè contingunt, nusquam maiore spacio discreta esse, si ab vna ad aliam recta linea ducatur. Insulæ enim fortunatæ, cum aliis pluribus, illa regione locoque conspicuis, ab vltima Europæ Africæque parte 300 ferè Leucis distant. Ab his deinde, ad Indiam Occidentalem tendentibus, postquam Leucæ 900 exuperatæ sunt, Insulæ Dominica, Virgines, & Beata dictæ cum aliis nonnullis occurrunt: quæ longo ordine protensæ ad insulas vsque nautis Barlouenti dictas, exporriguntur. Ab his porrò continens 200 Leucis circiter abest: vbi tandem se pandit regnum Floridæ, immenso intervallo ad regiones Patagonum vsque distractum. In Oceano autem hoc Australi, terra à freto Magellanico vsq; ad promontorium Mendocinum excurrit, nusquam tamen latior, nisi hîc in Peru, quo loco iam degimus. Huic ex aduerso posita est regio Brasiliæ, 24000 circiter stadiis à nobis distans. In hoc eodem Oceano, ab indigenis Mar Del Sur vocitato, etsi fines quidem nulli certi sciantur: attamen haud ita pridem & multæ & magnæ insulæ in eo detectæ sunt, quæ Salomonis dictæ, ab America 800 Leucarum spacio dissitæ sunt. Cum verò in totius terræ dimensione diligenti indagine obseruatum sit, vix vnquam magnas & multas repertas insulas fuisse, quibus non illicò continens, quædā propinqua adhæserit: hac de causâ tum mihi, tum aliis omninò persuasum est, à prædictis insulis Salomonis quandam continentem admodum latam diffusamque haud longè abesse, quæ cum hac America ex latere Occidentali cōnectatur, & forsan ad fretum Magellanicum declinet. Nam & Guinæam nouam aiunt continentem esse, quam doctiores & peritiores quidam prædictis insulis annumerant. Ex quibus hætenus dictis haud ineptè cōcludi possit, magnam orbis partem latentē nobis adhuc incognitam esse. Nostræ quidem classes hodiè in Australi mari ad celeberrimum & potentissimum regnum Chinæ vsque excurrunt, quæ distantiam non maiorem æstimât ea, quæ est Europæ & Indiæ Occidentalis, à nobis nauigatione tentatâ. Quin imò certissimis documētis exploratum est, vtrumque Oceanum, tam Borealem quàm Australem tandē sibi coniungi. Inter

hos verò media America interiacet, ad polum Antarcticum gradibus quinquaginta eleuata, quo situ decantatissimum illud fretum Magellanicum est. An verò vterq; Oceanus hinc ad polum Arcticum vsque extendatur, & illic tandem iungatur, multorum quidem tentatum periclitatione est, sed, quod ego sciã, hætenus à nemine ququam exploratum. Indicia quædam & coniecturæ haud leues suadent, supra ipsam quoque Floridam isthmum seu fretum aliquod, Magellanico simile esse. Verū ista, quæ hætenus indubitata cognitione detecta & nobis prodita sunt, interea nobis sufficiant ad fidem struendam huic sententiæ, quod terræ pars aliqua, quæ vniuersa Europa amplior & patentior, ipsa verò Asia Africaque non minor est, ex isto latere extet, & quod vterque mundi polus tùm aquas tùm terram æquè sibi vendicet. Quod ipsum veteres quidem seu maiores nostri sua quadam licentia inficiari facile potuerunt. Nos tamen, literarum & rerum naturalium non vsq; adeò periti accuratiorem & profundiorum harum rerum disquisitionē doctioribus iudiciis excutiendam relinquimus.

Cap. VII.

Opinio Lactantiij, Antipodas negantis, refellitur.



Lact. lib. 7. di-
uin. inst. 6. 23.
Aug. lib. 17. de
ciuit. Dei 6. 9.

RIS CIS seculis, à curiosioribus contentiosæ quæstiones motæ sunt, an mundi ea pars, quæ circulo Antartico opponitur, habitabilis esset, & ab hominibus incoletetur. Quam disputationem quidem attingentes Lactantius Firmianus & Aurelius Augustinus eos, qui antipodes statuebant, falsè riserunt, & rem fabulosam esse, omninò affirmarunt. Attamen, cum ingeniis inter sese vtrique discreparent, diuersis quoq; rationibus ducti & abrepti sunt. Et vt de Lactantio prius dicam, eum plus quam puerilis & futilis ratio in errorem egit. Is eo loco, quo Philosophos cælum vndiquaque conuexum globosumq; , terram autem in medio pilæ instar pendulam statuentes explodit, hæc verba habet: Qui esse cōtrarios vestigiis nostris antipodas putant, num aliquid loquuntur? aut est quisquam tam ineptus, qui credat esse homines, quorum vestigia sunt superiora quam capita, aut ibi, quæ apud nos iacent, inuersa pendere? Fruges & arbores deorsum versus crescere? pluuias & niues & grandinem sursum versùs cadere in terram? Et iterum paulò pòst: Sic pendulos istos antipodas cæli rotunditas adinuenit. Nescio equidem, quid de iis dicam, qui cum semel aberrauerint, constanter in stultitia perseuerant, & vanis vana defendunt. Nos verò, qui contrariam Asiæ orbis partem incolimus, qui Antichthoni sumus, neque pendere nos videmus, neque vestigia nobis esse superiora, quam capita: neque fruges nostras & arbores aliorum crescere, neque niues atque imbres aliter cadere,

cadere, quam in Europa cernimus. Citra summam admirationem « stuporemq; dici non potest, eam esse humanæ rationis (proh dolor) imbecillitatem, vt, quod verum rectumq; est, citra imaginationem & meditationem seriam intelligere nequeat: Et tamen interim, si imaginationis ductui obsequatur, persæpè grauissimè hallucinetur. Ita, cælum rotundum esse, & terram in eius medio locari, citra mentis agitationem concipi intelligique nequit. Huic verò speculationi si homo intentius indulget, imaginationis verò suæ luxuriam certis & axiomaticis regulis non frenet includatque, tum fieri non potest, quin graui errore intricatus, ipsum veritatis neruum incidat, & à recta semita quam longissimè aberret. Quod vt accommodato exemplo illustremus, an non re ipsa quasi manibus palparamus, quod in nobis diuinum quoddam lumen cælestesque igniculi existant, quibus omnes res, ad cōsiderandum nobis propositas diiudicare, & aut easdem approbare, aut rejicere valeamus? Nam quicumque hominum aut ignorat, aut sanè in dubium vocat, cor seu Spiritum nostrū, corpore ipso multò nobiliorem esse; & virtutem animæ, quæ in homine principatum tenet, lumenq; suum de primo illo ac supremo perfectissimoque lumine defluxisse testatur immortalē esse: is, inquam, homo, se hominem esse aut penitus ignorat, aut proteruè ambigit. Iam, si homo, qui animo suo formam seu ideam rei huius concepit, rogetur vt respondeat, an cælum rotundum sit, nec ne, nihil aliud quam cum Lactantio affirmabit, si cælum omninò rotundum statuatur, tum necesse fore, vt Sol cum astris reliquis ad occasum caderet, surgeret verò in meridie: quod ita terra ex aëre suspensa hæreret: quod hominum, oppositam nobis terram terentium, vestigia, capitibus illorum superiora essent: quod niues & pluuiæ non desuper caderent, sed ex inferiore loco sursum versus proiicerentur, & si quæ ridicula huiusmodi alia essent. At enim verò si de his princeps & summa animæ vis consulatur, tum non tantum facili negotio huiusmodi deliramenta omnia extricabit, verum etiam omnem hanc speculationem vt nugacem & veteratoriam acriter despuet. Quin imò iustis veritatis stimulis incitata mens purior, eos quam turpissimè falli exclamabit, qui vniuersi huius mundi naturam pro sui arbitrij modulo condunt, adeò, vt illum domui cuidam similem statuere audeant, cuius fundamento nihil nisi terra, tecto autem nihil nisi cælum superius sit. Hæc eadem plana ratione fidelique institutione doceret, quomodo omnes creaturæ, quæ viuunt, capita superiora habeant, etsi animalium alia ab aliis diuerso situ eadem gerant (quædam enim erecta illa habent, vt homo: nonnulla depressa seu prona in terram, vt quadrupedes: aliqua in sui medio, vt polypus & araneus.) Et tamen ea perspicuè demonstraret, pari ratione quoq; ipsum cælum, vbi vbi sit, supra nos esse: terram autem ecōtrā infra nos esse. Cum verò imaginatio nostra loco & tempori plerunque alligata sit, tempus autem

& locum absolute non percipiat, sed saltem finite: ideo fit, ut cum eadem non ubique deprehendat, sed alicubi deficere videat, continuo deerret & præcipitetur: ac nisi certis quibusdam conclusionibus, rationi consentaneis suffulciatur, erigaturque, ne momento quidem unico firma & inconcussa stare valeat. Idem ipsum quoque accidere necesse est, quoties phantasia nostra tempus quoddam ante conditum mundum, & locum, mundo superstruendo idoneum concipiat. Quæ conclusiones omnes manifestè euincunt, nec ante motum tempus, nec locum ante vniuersum vllum vnquam extitisse. Et ipse quoque Philosophus, rationem hanc à mundi vana imaginatione deductam, contraque terræ situm detortam, perspicuè & neruose confutat, hancque terræ molem locorum locum & intimum & medium & infimum esse, solide demonstrat.

Arist. de calo.

Cap. VIII.

Antipodas ut esse negaret, quam ratio Augustinum impulerit.

NONCE verò alia causa ingeniosissimum impulit Augustinum, ut Antipodas esse inficias iret. Nam rationem superiorem de contrario ingressu illorum ipsemet confutat in libr. Categoriarum. Veteres, inquit enim, asserunt, quoqueuersum terram esse subter, cælum supra. Nam & antipodes nostri, qui nobis dicuntur figere aduersa vestigia, cælum supra se habent. Quod si ergo hæc Diuus August. Philosophicè edisseruit, quid obsecro aliud hominem tam eruditum in contrariam pellicere opinionem potuit? Sed ex Theologia ita respondet: Sacra scriptura, omnes promiscuè homines ex vnius Adami femine prognatos docet. Iam verò homines immensum Oceanum transfretare ausos esse, & in eas terras, quæ priori suæ sedi oppositæ sint, venisse, id nulla fieri potuisse ratione manifestum est. Accertè, nisi cum indubitata experientia ipsa quoque oculorum fides, hanc aduersariorum rationem, ut stramineam discuterent, nullo dubio vel hodiè ista instantia firma & inconcussa persisteret. Nunc autem, etsi certissimis rerum documentis, ac falsissima demonstrari possit, labore tamè & ingenio opus est haud tenui, ad dicendum docendumque id, quibusnam viis gens Indica in Americam progressa, ibidem sedem fixerit: quod ipsum deinceps secutura disputatione multò planius & enodatus persequemur. Nunc hoc loco venerandum patrem Augustinum audiamus, cuius verba in libr. de ciuit. Dei

Lib. 16. c. 9. ita habent: Quod verò & Antipodas esse fabulantur, id est, à contraria parte terræ, ubi Sol oritur, quando occidit nobis, aduersa pedibus nostris calcare vestigia, nulla ratione credendum est. Neque hoc vlla historiae

historiæ cognitione didicisse se affirmant, Sed quasi ratiocinādo con-
 iectant, eò, quod intra concaua cæli terra suspensa sit, eundemque lo-
 cum mundus habeat, & infimum & medium. Ac paulò post iterum:
 Nullo modo mentitur sacra scriptura quæ narratis præteritis fidem
 facit, eò, quod eius prædicta complentur. Nimisque absurdum est, vt
 dicatur, aliquos homines ex hac in illam partem Oceani immensita-
 te traiectam nauigare & peruenire potuisse, vt illic etiam ex vno illo
 primo homine genus institueretur humanum. Sic ergò immensus
 pator & infinita vastitas Oceani sola Diuo Augustino hanc credendi
 difficultatem peperit. Eiusdem tamē cum hoc factionis grauissimus
 aliàs author Gregorius Nazianzenus quoque fuit, qui homines mare
 vltra Gades penetrare non posse, pro demonstratissimo iactitat. Sic e-
 nim in epistola quadam eum scribere meminimus: Porro vltra Ga-
 des mare hominibus non esse permeabile Pindaro docenti assentior.
 In funebri itidem oratione Basilij: Neq; vltra Gades transmeare cui-
 quam cōcessum est. Quod etsi prouerbij vice (Quod vltra Gades est,
 equè sapientibus & stultis inaccessum est) ex Pindaro transsumptum
 sit; illius tamen origo prima abundè satis indicat, hanc veterum de-
 cretam & immotam fuisse sententiam, quod vltra Gades nauigatio-
 nibus transmittere non liceat. Vnde etiā in omnibus tam poetarum,
 quàm historiographorum Chorographorumq; libris ad Gades Hi-
 spanicas terrarum orbis fines seu termini constituti sunt: ad quas et-
 iam Herculis columnas, vltimum Romani Imperij, imò vniuersi or-
 bis limitem collocant. Huiusmodi diçteria non in profanis magis,
 quàm diuinis quoq; libris expressa leguntur. Biblia quandoquidem
 sacra vulgi dicēdi consuetudini sese oppidò accommodant, dum re-
 censent; Edictum euulgatum esse ab Augusto Cæsare, vt describere-
 tur vniuersus mundus. Alio loco quoq; legitur, Alexandrum Mace-
 donem ad vltimos vsque terræ fines pertigisse, suoq; imperio vniuer-
 sum orbem subiugasse. Nonnullibi quoque sanctum Christi Euan-
 gelium in vniuerso orbe creuisse & fructificasse dicitur. Quibus in
 locis tamen omnibus nomen mundi communi loquendi more pro
 maxima eius portione tum tēporis cognita, acceptari scimus. Nam
 promiscua vniuersorū hominum opinio fuerat, quod nec vllis hu-
 manis viribus, nec quoquam ingenio ausūve Oceanus Indicus, vt &
 Atlanticus transmeari aut penetrari possit. Plinius de hac re tanquam
 de cōpertissima scribit his verbis: Oceanus, diuiduo huic globo vn-
 dique circumfusus, partem aliquam orbis nobis aufert, neque hinc
 illò, neque inde huc peruiò tractu. Quod ipsum Cicero quo-
 que, & Macrobius, Melaque cum cæteris plerisque
 pariter commentati sunt.

Epist. 71. ad
Posthum.

Luc. 2.

1. Macchab. 1.

Coloss. 1.

Plin. lib. 6.
6. 32.

Cap.

Cap. IX.

De alterius orbis habitatione, quæ opinio Aristotelis fuerit, & quæ in re lapsus errarit.



RÆTER dicta superius alia quoque veteribus causa fuit, cur pro opinione vulgari, hominibus ad hunc nouum orbē non patuisse accessum, statuerent: nempe quod præter indictam Oceani immensitatem cælum ipsum quoque, Solis intolerabili æstu flagrantissimum, & circuli meridionalis torridi, igne inaccessum, penitus obstaret: cuius ardor audentissimos quosque homines, hanc viam per mare transmissuros, violenter arceret & dispelleret. Nam & illi ipsi, qui terram (vt reuera est) rotundam censentes, ad vtrumque polum eam habitabilem professi sunt, nihilo tamen minus mediam hanc & longissimam Zonam, vtroque Solstitiali circulo inclusam, hominibus planè & omnimodò habitabilem esse, constanter inficiati sunt, nempe propter æstuosissimos & assiduò sine interruptione durantes ardores, à Solis vicinia, proxima in confinio illo omnia comburentis, causatos: cuius nimirum violentia fiat, vt neque animalibus necessaria pascua, neque hominibus optabilia cætera aliphita, neque ad sitim arcendam requisita vnda proueniat. Quæ quidem sententia suam à summo & acutissimo rerum omnium indagatore Aristotele originē traxit. Quæ tamen in re ab ipso veritatis scopo exorbitare videtur haud parum. De situ verò, natura que mundi, quid iste verè prauèq; philosophatus sit, hîc iam breuiter tradituri sumus. Is quidem, quo loco de austro vento quærit, an ex ipso meridie, an potius ex vltimo verticē poli Antarctici emergat, hæc ferè verba » tradidit. Rationis quidem fide constat, habitabilem terræ partem in » latum definitam extendi, cum per cæli temperationem accadat, co- » pulationem in orbem fieri, quando ipsi vel torrentes æstus, vel infesti » rigores, non in longum sed in latum vrgeant. Ex quo fit, vt per omnes » terræ partes commeare possint homines, nisi fortè redundans mare » alicubi impedimento sit. Quæ autoris optimi verba huc vsque haud improba sunt: cum à nemine quoq; negari possit, terram secundum sui longitudinem, id est, ab ortu versus occasum, habitatu commodiorem esse, quam secundum latitudinem, id est, ab aquilone versus austrum. Nec hoc (vt Aristoteles refert) propter solam temperiem ita euenit, cū ibi perpetuò æqualis cæli temperatura ab ortu in occasum sentiat. Nam vnus idemque Solis calor versus meridiem, & idem frigus versus septentrionem diffunditur. Verum huius euentus causæ quoque sunt aliæ. Nam si secundum cæli longitudinem commeas, tum æquales seu iustos semper dies noctesq; senties: quod in latitudine similiter fieri non potest, sed in perpetuas vmbas labaris necesse est, cū ibidem anni dimidij integri spatio meræ noctes gliscant.

Sed

Sed pergit Aristoteles aduersus sui temporis Geographos id planius docere, inquit: Idem quoque fide eorum probatum est, quæ tum nauigationibus, tum terrestri itinerum cursu apparēt. Magno enim interuallo longitudo ab latitudine discreta est, quādoquidem id spatii, quod ab Herculis columnis vsque ad Indorum oram patet, maiore proportionē id superat, quod ab Æthiopia vsque ad Mæotim & extrema Scythiæ loca est, quā quinque ad tria, si nauigationis, terrestriumque itinerum mensus computaueris, quatenus ad exactam huiusmodi rerum disciplinam percipiendam satis esse contigerit. At qui terræ habitabilis pars vsq; ad non habitabilem in latum explorata nobis est. Altera enim cultoribus caret, quod frigore rigeat: altera quod nimio vratur calore. Hoc quidem in loco, rigore misso, bono Aristoteli ideo indulgenda venia est, quod suo tempore propter historiarum inopiam de nulla alia Æthiopia, quam ea, quæ sub Africa & Arabia sita erat, sciuerit: Vltimam siquidem Æthiopiam penitus ignorauit. Præterea ipsius sæculo immensa illa quoque & spatiosissima regio pretiosi Ioannis nondum reperta constabat: vt taceam hoc, quod nemo quisquam tum sciuerit, quæ vltra Equatorem & Tropicum Capricorni vsque ad promontorium Bonæ spei extarent, quæ omnia serioribus annis Lusitani suis nauigationibus primum detexerunt & euulgarunt. Iam hinc porro, si latitudinem vsque ad extremam Scythiam seu Tartariam capias, nullo dubio eadem totam à Columnis Herculis vsque ad ipsam Indiam longitudinem æquatura est. Maiores etiam nostri nequicquam de Nili fontibus & scaturiginibus compertum habebant, vt & tantundem de vasta illa Æthiopia. Qua de causa Lucanus ab ea exploratione Cæsarem retracturus, vt hanc voluntatem exuat, suadet, dicens:

Qua tibi noscendi Nilum Romane cupido?

Idem poëta Nilum ipsam his verbis alloquens, ait:

Et te terrarum nescit, cui debeat, orbis.

Lucan. 10.
Pharsal.

At verò Scripturæ sanctæ autoritas, nos, vt credamus has quoq; regiones habitatas esse, iurè compellit. In Propheta siquidē Sophonia ita legimus: Vltra flumina Æthiopiæ filii disperforum meorum deferent munus mihi. Quo loco Propheta de vocatione gentium vaticinatur. Sed, vt ante dictum est, Aristoteli in his merito condonandum est, qui sui sæculi Historicis & Topographis fidem nimis quā facile stipulatus est. Iam nos porro, quæ sequuntur, pari diligentia expendamus. Altera pars cultoribus caret, quod frigore rigeat: altera autem (sub solstitio sita) quod nimio vratur ardore. Quæ ab India & columnis vltiora patent, non videntur ob mare ita posse coniungi, vt omnes terræ partes, quas incolere possumus, continenti tractu cohæreant. Quæ omnia extra dubium verissima sunt. porro pergit: Sed cum sit necesse, cuiusdā omnino loci situm perinde

C ad

» ad alterius verticis situm se habere, vt eius, quem nos incolimus, ad
 » verticem, qui supra nos assurgit, perspicuum est, cum alias omnes
 » res, quæ ibi sunt, proportionem cū nostris conuenire, tum ventorum
 » descriptionem & ordinem. Quibus verbis cum paucula alia inter-
 » seruisset, tandem de austro & aquilone ait: Neceffe est, ventum qui à
 » solstitiali signo & combusta regione impellitur, austrum esse. Hæc
 » enim propter solis propinquitatem tum aquis, tum etiam quasi al-
 » tricibus pascuorum scatebris caret, &c. Hæc vt scribit Aristoteles; sic
 ratio quoque fortassis humana certius & exploratius nihil assequi
 potuit. Ex quo contextu (vt religiosius quid dicā) sæpe id mecū cogi-
 tare animo soleo, quantopere Ratio humana, seu philosophia, in re-
 bus diuinis cæca sit, cū in his quoq; terrenis & viliorib. multo rebus
 tam longis erroribus abducatur à veritate. Aristotelis opinio est, ter-
 ram polo huic (vt Plinius vocat) austrino subiectā secundum lon-
 gitudinem, id est, ab Oriente in Occidentem plenissimè: secundum
 latitudinem verò à polo australi ad lineā vsque æquinoctialem ste-
 rilissimè habitata esse: Quod ipsum tamē omnino falsum & erro-
 neū est. Nam nouus orbis secundum latitudinem, id est, à polo vno
 ad alterū fere vniuersus incolitur: qui tamen secundū longitudinem
 minor est, ita vt latitudo lōgitudinem ea proportionem exuperet, qua
 denarius numerus maior est ternario. Iam verò, quod ait, Zonā me-
 diam, quam Torridam vocāt, cultoribus omnino carere, ideo quia
 Soli propinqua, eius ardoribus penitus conflagret, & tū pascuis tum
 aquis orba sit: id longè præter rerum euentiam & experientiā esse,
 hodiè discitur. Maxima enim noui huius orbis, quæ colitur pars v-
 berrimè, inter vtrumq; Tropicum conclusa tum pascuis, tum aquis
 supra omnes alias terrę partes latissimè abundat, cuius portio quoq;
 maxima, optimè temperata, ita salubris est, vt vel in hoc ipso mundo
 Deum Opt. Max. hominum sapientiā, stultam efficere voluisse com-
 pareat. Zona ergo torrida, sua natura habitabilis, frequentissimè in-
 colitur, etsi huic veritati veterum haud pauci contradicant. Illa verò
 Zona, quæ intra hanc & polum interiacet, etsi hominum culturæ
 accommodatissima sit, & opportunissima, tamen haud ita frequēti-
 bus exculta hominibus est, nec præter regionē Chylen, ex hoc maris
 latere sitam, quicquam vsque adeo cultum conspicitur. Plurimi ta-
 men, inter quos & ego nomen meum profiteor, existimant, terram
 istam quæ regioni Chyle ex aduerso est, vltra Tropicum Capricorni
 extendi quidem, sed nobis hætenus incognitam esse. Nec dubium
 est, quin regio illadem, vt optimum & temperatissimum situm te-
 nens, medium nimirum inter torridam & polarem, sic quoque re-
 bus omnibus abundè præstet, vtpote quæ Europæ, optimæ or-
 bis parti æqua ratione respondeat. Et hoc quidem pacto senten-
 tia Aristotelis non vsque adeo probrosa & in consentanea censen-
 da est. Nihilo tamen minus, ceu antea quoque memoraui, &
 hæte-

hactenus multorum experientia confirmatū est, hæc Zona breuissima, torrida verò maxima & longissima est,

Cap. X.

Plinium quoque, & veterum quamplurimos huic Aristotelis sententia suffragatos esse.



ARISTOTELIS sententiam Plinius quoque capeffuit, Lux, dicens, media terrarum, qua Solis orbita est, exusta flammis & cremata, cominus vapore torretur. Inter has geminas, exustam & rigentem, duæ Zonæ temperatæ interiacent, à quarum tamen vna in alteram propter torridæ obiectum, transitus liber minime est. Hæc veterum nempe fuit opinio, à poëta quoque carmine eleganter cantanta: qui inquit:

*Quinque tenent calum Zona, quarum vna corusco
Semper sole rubens, & torrida semper ab igne.*

Verg. in Georg.

Eadem idem quoque poëta alio loco repetit:

Et si quem extenta plagarum

7. AEn.

Quatuor in medio dirimit plaga Solis iniqui.

Sed & alius poëta adhuc apertius illa succinit:

Totidemq; plaga tellure premuntur:

Ouid. i. Metam.

Quarum quæ media est, non est habitabilis æstu.

Hæc autem veterum sententia (vt opinabantur) certæ & immotæ rationi superfundata erat. Lōga siquidem exploratione compertum habebant, quod, quò regio quæq; meridiei vicinior esset, eò grauiorē solis exustionē pateretur. Id adeò veritati consonum est, vt in Apulia, quæ regio Italię est, longè maior æstus, quā in Liguria, gliscat. Ardoris autem & frigoris longè maius discrimen percipitur in Hispania. In Bætica sol longè ardentior, quam in Cantabria: etsi vtræq; regiones vix octo gradibus sibi inuicem distent. Ex quibus plana deductione conficitur, quod Zonæ seu loca, quæ rectà solis radiis subiacent, vniuersa solis intolerando & assiduo ardore exurantur.

Videbant præterea etiam veteres, quod in ordinario anni decursu, hyemis, veris, æstatis, autumnique vicissitudines, à nulla realia, q̃ solis accessu & recessu fieri. Pensitantes itaq; secum, quod vel à circulo solstitiali, longius amoti æstatis flagrantiam perferre non possent: ideò concludebant, quod, si solem ita vicinum habituri essent, vt is desuper rectà suos radios vibraret, adeoque toto ferè anno id ipsum duraret, tum, necesse fore vt humanum genus ab ingenti & perpetuo æstu exustum penitus absumeretur. Et hæc ipsissima causa fuit, quæ veteres, vt torridam seu mediam Zonam inhabitabilem crederent, incitauit. Quæ quidem ratiocinatio Physica seu Mathematica, vel

*Seculi nostri
quam superio-
rum maior fe-
licitas.*

nosmet hodiè ad assentiendum impelleret (prout humana ratio vel ad mera naturalia quoque intelligenda debilis est) nisi magna nostra felicitate his seculis duo eximia naturæ miracula nobis manifestata fuissent: Tuta nimirum per spatiosum Oceanum transmeatio: & secura commodaque sub ipsa torrida Zona habitatio: quod veteribus credere, minimè pronum erat. De his verò geminis miraculis, diuina fauente gratia, in sequenti libro prolixius tractaturi sumus: vbi tempestiuum quoque explicatu erit, quibus viis modisque transmittendus Oceanus sit, quæ materia huic tractatui præ cæteris vernacula erit. Antequam verò rem hanc aggrediamur, operæpretium arbitror, vt explanemus, quidnam veteres de nouis his hominibus, à nobis Indis vocatis, senserint statuerintque.

Cap. XI.

Veteres de nouo orbe aliquid compertum habuisse, ex eorum monumentis liquere.

*Plutarch. libr.
3. de Plac. Phi-
los. c. 11.*



MAIORVM nostrorum nonnulli, inter quos Lactantius & Augustinus præcipui, vltra circulum Cancrī homines vllos habitare, omni modo inficiati sunt. Aut, si omninò illic quidem essent homines, quod tamen circa mediam regionem diutius morari non possint, prætenderunt. Quæ sententia ipsius quoque Aristotelis, & Plinij, Parmenidisque, his ætate prioris, fuit. Hodiè verò Sole meridiano clarius est, vtramque illorum sententiam falsam & erroneā esse. De nouo verò orbe, plurimi anxie & scrupulosè inquirunt, an is quoque veteribus aliquatenus cognitus fuerit. Prodigij enim quid simile videri queat, orbem tam magnum, tam cōmodum & fœcundum, nec hoc ipso nostro minorem, tanto tempore maioribus nostris incognitum, latere potuisse. Qua de causā nonnulli, quasi de compacto suum nostris seculis honorem famamque inuidentes, de nouo orbe ipsis quoque priscis quid constitisse, demonstrare fatagunt. Et notitiæ quidem huius eorum, documenta non per omnia
 6.2. „ nulla apud ipsos venari licet. Diuus enim Hieronymus in epistola ad
 „ Ephes. Quærimus quoque, inquit, quid sit: In quibúsnam aliquan-
 „ do ambulastis secundum seculum mundi huius: Vtrúmnam & a-
 „ liud seculum sit, quod nō pertineat ad mundum istum, sed ad mun-
 „ dos alios: de quibus & Clemens in epistola sua scribit: Oceanus &
 „ mundi, qui trans ipsum sunt. Quæ hæc quidem epistola Clementis
 Clem. Roma-
 nus super Ep.
 ad Corinth. fit, ignoro: ab eo autem huiusmodi ad Hieronymum perscripta esse,
 America &
 India Orient. longissimè di-
 stant. libr. 2. c. 67. minime falsum esse, putandum est. Nam America & Orientalis In-
 dia à se inuicem quam lōgissimis interuallis disiecta sunt. C. Plinius,
 saga-

sagacissimus rerum memorabilium omnium scrutator & cōmentator, literarum monumentis traditum reliquit, Hannonem quendam Carthaginensem à Gadibus ad vltimos vsque Arabiae fines circumnauigasse, & hunc suum cursum literis mādasse. Quod si verum est, Hanno certè eo vsque mare emensus est, quo vsque Lusitani hodiè, nauigationibus suis lineam æquinoctialem bis transmittentes, peruenerunt. Cornelius quoque Nepos sui temporis quendam Eudoxum commētatur, cum minas Latyri Regis fugeret, eandem quoque nauigationem confecisse, sed itinere inuerso, ita vt ex sinu Arabico soluens, ad Gadas tandem appulerit. Historicorum quidam etiam haud triuiales meminierunt, nauem quandam Carthaginensium, ventorum violentia in Oceano agitatam, tandem in incognitam quandam nouamque terram impulsam esse: & inde domum reuersam, Carthaginensibus eius adeundæ mirum desiderium instillasse: Sed eam tamen peruestigationem euulgato magistratus interdicto deinceps omissam esse, ne inuēto illo antiqua Carthaginensium gloria splendorque offuscaretur. Ex quibus vniuersis haud inconuenienter elici potest, non omninò nihil veteres de hoc nouo orbe olfactos esse, etsi de hac India Occidentali & America nihil memorabile traditum ab illis reperiatur. De India quidem Orientali, nobis citeriore, antiquis verò vltiore, edita haud pauca leguntur. Namque quis maiores nostros de aurea Chersoneso, de promontorio Cori, de celeberrima Taprobana, quarum omnium nomina hodiè cōmutata sunt, non plurima tradidisse ignorat? Quis nescius est, eosdem vtriusque etiam Æthiopiæ, & Brachmanum, & gentis Synarum, aperte commemorasse? Quæ quidem veterū scripta, de his tractantia, vt in dubium minimè vocamus: Sic vicissim de India Occidentali, de qua Plinius nihil tradidit, sic statuimus, vltra Canarias (ab ipso Fortunatas dictas) neminem transiisse: quæ, vt Plinius ait, à canibus, ibidem magna copia repertis, sic dictæ, cæteris nobiliores semper habitæ sunt. Hinc se immensus vastusque Oceanus pandit, quē haud immeritò nautæ vocant Magnum. Hunc veteribus cognitum fuisse, nulla cōiecturā capitari potest. Quosdam peculiari momēto illud Senecæ carmen mouet, quo in Anapæsticis de noui orbis rebus vaticinari videtur. Sic enim eius habet Medea:

Sen. in Med.
act. 2. in fin.

*Venient annis secula seris,
Quibus Oceanus vincula rerum
Laxet, & ingens pateat tellus,
Typhisque novos detegat orbes,
Nec sit terris vltima Thule.*

Porrò hæc ita omnia facta esse, negare non possumus. Nam feros annos 1400 à Tragico, à Medea verò plus 2000 iam numeramus. Videmus etiam Magnum Oceanum vincula rerum laxasse, & ingen-

tem nouam tellurem patefecisse, omni Asia & Europa maiorem, & orbes quoque alios detexisse, sicut chorus suprà prædixit.

Hic à quoquam quæri posset, an Seneca Prophetico spiritu ista prædixerit raptus, an vi poëseos ita futura omnia præsciuerit? Ad q̃ vt respondeam, mihi quidem diuinasse seu vaticinatus esse videtur, sed eo tamen prædicendi genere, quod viris prouidis & sagacibus familiare est. Viderat ille, suo iam dum seculo mare nouis nauigationibus tentari: Philosophiæ etiam præceptis edoctus, aliam terram, Antichthonam dictâ, & suæ oppositam esse didicerat. Vnde haud præposterè rationis ductu colligere poterat, fore, vt hominum satagentia & habendi sciendique libidine ipse quoque Magnus Oceanus tandem velis tentaretur, ad nouos orbes aperiendos & manifestandos. Ipsius quoque seculo de naufragiis aliquot, in magno Oceano factis, iam dum homines compererant, quorum ipse quoque Plinius mentionem facit. Nam quo loco Seneca veterum quietam & tranquillam vitam deprædicauit: antithesi quadam nonnulla de sui seculi hominum iam dum gliscente audacia & confidentia addit, Nunc iam, in-

Qualibet altum, Cymba pererrat.

Terminus omnis, motus & vrbes

Muros terra posuere nouos,

Nil qua fuerat sede reliquit

Peruius orbis. Indus gelidum,

Potat Araxem, Albim Persæ

Rhenumque bibunt.

Cap. XII.

De India Occidentali quid Plato senserit.



VIDETUR Plato autem multò clarius in Timæo suo noui huius orbis, versus occidētem, situm explicuisse. Tunc, inquit, pelagus illud nauigabile erat (de Atlantico loquitur) Insulam enim ante ostium habebat, quod vos columnas Herculis appellatis. At insula illa & Libya & Asia simul maior erat, ex qua ascensus ad alias insulas, tunc proficiscentibus contingebat: ex insulis autem in omnem ex aduerso continentem circum verum illum pontum sitam. Hæc apud Platonem Critias ait. Porro qui Platonem historiam narrare, aut rem veram cōmemorare censent, hi verba ista hoc modo interpretantur: Insula, inquiunt, quam Plato Atlanticam vocat, vniuersa Asia Africaq; maior, magnam Oceani Atlantici partem, quem hodiè Hispani fulcant, complectitur.

Cæterum, illarum insularum, per quas in Atlantidem ingressus patebat,

patebat, nomina (vt à nautis induntur) erant ista, Barlouenti, Cuba, Hispaniola, S. Ioannes, Puerto Rico siue Borique Iamaica, & similes hoc ordine sitæ. Continentem verò (quam nos terram firmam indigetamus, fuisse prædicant illam, quam nostrates hodie terrā firmam Peru & Americam appellant. At ipsum verum pontum, quem terra firma in ambitu cingit, nos pro mari Australi habemus, quod vulgato aliàs nomine mare pacificum, seu mare Del Sur, id est, meridionale nuncupatur. Hoc Platoni aiunt, Pontum vocatum fuisse, cum tantæ immensitatis sit, vt cum Mediterraneo collatum aut Atlantico, infinitis partibus eadem exuperet. Hoc certe ab acuti ingenii viris, & antiquitatis amantibus argutè excogitatum, & speciose admodum asserum est. Quod an per omnia veritati rerum consentaneum sit, & ratum haberi possit, suo loco trutinabimus.

Cap. XIII.

Quosdam extitisse, qui sub nomine Ophir, cuius in S. Scriptura mentio fit, Peru nostram indicatam fuisse censuerint.



Eius fuere sententiæ haud pauci, sacra quoque Biblia Indiæ huius Occidentalis mentionem sub nomine Ophir fecisse. Robertus Stephanus, seu potius Franciscus Vatablus, vir Hebraicæ linguæ peritissimus (sic-
ut à præceptore meo, ipsius olim discipulo comperi) in scholiis super cap. 9. lib. 3. Regum commentatur, Ophir, ex qua Salomon 420. aut 450. talenta auri purissimi nactus legitur, esse insulā Hispaniolam, à Christophoro Columbo detectam, in cuius fodinis Cibaio præstantissimum & purissimum aurum foditur. Sunt ex præstantissimis quoque & literatissimis viris haud pauci, qui arbitrantur, Ophir, cuius in S. Scriptura tanta prædicatio est, esse nostram Peru, quod verbum ipsum quoque in contextu Hebraico reperiri aiunt, creduntque, illud regnum, vbi Paralipomenon historia exarata est, hoc nomen obtinuisse. Peru autem pro Ophire siue Opire literarum transpositione scriptum esse, quam figuram Rhetores Metathesin appellare solent. Et quod pro re confirmanda facit idem etiam hinc patet, quod S. Scriptura dicat, aurum præstantissimum finissimumque, & hebenum nobilissimam, gemmasque pretiosissimas ex Ophir allata esse: quæ omnia regio Peru copiosissima proferat. Quæ tamen mihi sententia per omnia non probatur. Et si enim mihi compertissimum sit, in hac America aurum copia magna crui: eius tamen non est ea quantitas, vt Indiæ Orientali præferri debeat. Quin etiam, in Peru nōdum tam insignes gemmas, & hebenum tam præstantem & odoratam reperire licuit, qualia nunquam

In Biblii.

*In apparatu
Bibiæ Regiæ
in phaleg. c. 9.
& in Bibl. Roberti Stephani,
2. Paral. 6.
9.*

1. Paral. 9.

1. Reg. 10.

2. Paral. 8.

1. Reg. 22.

1. Reg. 9.

in Hie-

in Hierosolyma ante visa legimus. Smaragdos quidem virides, & robustum quoddam odoratumque lignum alicubi vidi: sed copia non admodum magna. Nec speciem veritatis habere id mihi videtur, quod Salomon, relicta spreteque India Orientali, classem suam in Indiam Occidentalem extremam acturus fuerit. Quod si quidem factum fuisset, nullo dubio tam augustæ nauigationis, tamque frequenter iteratæ, certa quædam vestigia relicta essent.

Etymologiæ rationem quod attinet, similitudo vtriusque nominis Peru & Ophir non magnopere memouet. Nam Peru vocabulum in hisce terris non admodum antiquum est aut vulgare: cuius nati haud dubio eadem fuit ratio, quæ est aliorum quoque. Cum quibus id accidit, ut per orbis noui inuentionem regionibus singulis, de suis natiuis nominibus non cognitis, id appellationis indere-tur, quod primò obuium acciderat. Et erant eiusmodi vocabula plerumque accidentaria. Id similiter in hoc regno Peru euenisse credibile est. Proauorum nostrorum aliqui commemorauere nobis, regionem hanc Peru à fluuio quodam, fortuitò inuento, fuisse denominatam. Id à vero tantum abest, ut indigenæ ne nomen quidem Peru adhuc nouerint. Quorum etsi quidem aliqui hoc iam nomen teneant, id tamen ab Hispanis didicere, nec à parentibus hausere. Quin imo appellationis similitudo plerumque leuem coniecturam affert: nisi fors dicamus, quod Romani quoque has terras triuerint, & quod Principes, qui Ingæ dicti, in Peru regnarunt, Titi vel Pauli nomen à Romanis aut Christianis hæreditario quoque acceperint.

Porro quod scriptis quidam mādant, Tharsin & Ophir prouincias non fuisse: contra hos quartus liber Regum in cap. 22. cum lib. Chronicorum cap. 20. collatus producit. Quod si quis vrgentior ex me sciscitetur, quamnam regionem illam Ophir, ad quam Salomonis naues, moderantibus eas nautis Tyriis Sidoniisque, auferendi auri causa contenderint; ad quam etiam simili fine classis Regis Iosaphati currens, ad Asiongabar naufragium fecerit: his ex Flauio Iosepho respondeo, dicente, Ophir sedem quandam Indiæ Orientalis extitisse, ab Ophir filio Iactan, cuius in libr. Geneseos mētio fit, dictam, auro purissimo & pretiosissimo locupletissimam. vnde in sacris quoque literis aurū Ophir siue Opham, siue Obrizum ceu Ophirism admodum prædicatur. Et cum apud Hebræos, auri septem tum genera tum nomina reperiantur, attestante id diuo Hieronymo: Ophir tamen inter ea summum locum tenet, non secus ac apud nos aurum Valdinæ seu Carabaia cæteris præfertur. Cur autem in Orientali potius quam Occidentali India Ophir sitam esse arbitrer, palmaria causa hæc est, quod classem Salomoniam ad nos pertingere impossibile fuerit, nisi infinitis circuitibus & erroribus per Indiam Orientalem & regnum Chinæ penetrasset. Nec mihi facile probabile fiet, Sidonios tot leucarum millia immensis spatiis auferendi auri in re-

motissi-

Iosephus lib. 8.
antiqu. Iud. ubi
aurum Ophir
disci scribit.
Genes 10.

Hier. in princ.
3. Tom.

motissimam & penitus incognitam regionem meaturos fuisse. Taceo, quod vel deinceps argumentis quibusdam immotis & irrefutabilibus, nostrarum nauigationum artem, modumq; ac ordinem maioribus nostris ignotam fuisse penitus, demonstraturus sim.

Cap. XIV.

Tharsis & Ophir, quid in sacris libris significent.



I omnino coniecturis & suspicionibus aliquis locus dandus sit, tum mea ita fert sententia, Ophir & Tharsin in sacris libris nō peculiarem definitumq; quendam locum designare, sed commune potius vocabulum esse, & Hebræis idem significare, quod nobis plerumque vocabulum Indiæ indicat. Nam sub Indiæ nomine nostrates ferè nihil aliud, quam remotam quandam terram, opulentam, & à nostrarum regionum moribus naturaque differentem, recepto vsu intelligunt. Hispani autem nomen Indiæ Americæ quoq; vt & Mexico, & Chinæ, Malaccæque ac Brasiliæ, quæ tum locis situque, tum consuetudinibus ritibusque inter sese distant quàm longissimè applicant. Fatendum tamen nobis simul est, Indiæ vocabulum ex eo natum & nouo huic orbi inditum fuisse, quia India, sic verè & genuinè dicta, à proavis nostris pro extrema orbis terra habita fuerit. Ea ratione solent homines Indos & extremam orbis partem vnum idemque æstimare. Hoc eodem modo Tharsis quoque apud Hebræos non certum quendam definitumque locum, sed plerumque omnes remotissimè distantes regiones, hominum opinione mirabiles & opulentas significare, mihi planè videtur. Quod autem Iosephus cum nonnullis aliis Tharsin, & Tharsum Ciliciæ ciuitatem, idem faciunt, satis probatum nondum est, Hieronymo quoque id docente; non hanc solum ob causam, quod hoc scriptio-
nis genus in aspiratione per θ. & τ. valdè dissonum est, sed quod multa etiam, quæ de Tharsi in sacris literis traduntur, cum Tharso vel in minimo non conueniunt.

Hier. ad Marcell. Tom. 3.

Et licet Tharsin in Cilicia sitam aliquoties scriptura dicat, sicut de Holoferne in libro Iudith scriptum est: Cum pertransisset fines Assy-
riorum, venit ad magnos montes, Ange seu Taurum, qui sunt à si-
nistrolatere Ciliciæ, ascenditque omnia Castella eorum, & obtinuit
omnem munionem, & cōfregit ciuitatem fortissimā Melothi, &
expoliauit omnes in Tharsi, & prædatus est filios Ismael, qui habita-
bant ad desertū, & ad austrū terre Chellon, & transiuit Euphratē, &c.
Sed, vt dictum est, hæc & alia, quæ de Tharsi scribuntur, Tharso diffi-
cillimè accommodari possunt. Theodoretus quoq; cū nonnullis aliis, q-
70. interpretū versionē amplectūtur, affirmat, Tharsin in Africa esse
sitā, vultq; à nostratib. eā Carthaginē appellari: quò Ionā Prophetam
D confu-

*Theodoretus
super Ioan.
Arias Montanus
ibi, & in
Alphab.*

Hieronym. lib.
1. super Eſaiā
6.2

Tharſis quid
ſignificet.

2. Reg.

confugiſſe aſſerunt, cum à facie Domini aufugeret in Tharſis. Ego verò, certam quandam in India regionem eſſe, quæ pro ſentētia diui Hieronymi Tharſis vocetur, non inficias ibo: ſed vbique tamen proprię; eo nomine definitam regionem indicari, audacter planeque nego. Docet etenim S. Scriptura, Reges Tharſis, vt Pſalmus habet, Chriſto munera ſua oblaturos, qui certè Magi erant ab Oriente profecti, natione Sabæi, Ephæi, & Madianitæ. Quidam doctiorum, eos Æthiopias, Arabes & Perſas fuiſſe, cõtendunt. Ego interim diuo Hieronymo ſuffragiũ do, qui Tharſin vocabulum eſſe homonymum, & in ſacris literis plura, eademq; diuerſa designare aſſerit. Alias enim Chryſolitum, ſeu Hyacinthum, nonnunquam regionem Indiæ, interdum ipſum quoque mare, quia cæreuleum eſt, & cum Solis radiis illuſtratur, prædictarum gemmarum fulgorem refert, ſignificare demonſtrat. Idem excellens Doctor, in commentariis ſuper Eſaiam, iuſtis rationib. negat, Tharſin (quo Ionas profugiebat) regionē Indicam eſſe; Ionas enim, inquit, de Ioppe nauigans in Indiā nō poterat peruenire, ad quā illo mari nō poteſt nauigari. Nā maris mediterranei non rubri, vnde in Indiā nauigari poteſt, olim Ioppe, nūc Iapha portus eſt. Classis Salomonis autem longe alia via perrexit, aut verſus Ophir, aut Tharſin vltra mare rubrum. Certiſſimum enim eſt, ab Aſiongaber, vbi regis Ioſaphati naues fractæ perierunt, portum eſſe Idumææ ciuitatis, ad Elamiticum ſinum iuxta fretū, apud quod mare Erythræum in Oceanum effunditur.

Legimus etiā, Salomoni Regi iſta triennali nauigatione, ex India, aurū, argentum, ebur, ſimias pauonēſq; allata eſſe. India enim metallorum varii generis, vt & Elephantorum, rerumq; aliarum pretioſarum feraciſſima eſt, ſicut id tum Plinius atteſtatur, & fama publica, teſtis haud inops, vociferatur. Ex noſtra verò America ebur nullū auferri ſolet, cum Elephantos nullos nouerit. Aurū autem, & argentum & ſpecioſas ſimias maxima copia promit. Quę ſuperius, eadē & nunc mea eſt ſententia, nimirum quod per vocabulū Tharſis aut immenſum ſpacioſiſſimumq; pelagus, aut certè terra diſtantiſſima & remotiſſima designetur. Quare haud quicquā dubito, quin de Tharſi quæ dicta alicubi ſunt, ſpiritu prophetico nonnunquam huic nouo orbi accommodari probè valeant.

Cap. XV.

Quidnam pro nonnullorum opinione de nouo orbe vaticinatus Abdias ſit.

Guid. Boderianus in epiſt. ad Cathol. Regē Philippum, Tomo 5. ſacr. Bibl. & Zumarraga in Hiſpanica Hiſtoria.



RETENDUNT nonnulli, ante longinqua tempora per abditas & ſecretas literas quaſdam prædictum eſſe, fore, vt nouus hīc mundus fidem Chriſtianam amplexurus, idque ſuaſu nationis Hiſpanicæ ſit, poſtremamque Abdiæ Prophetiam ita interpretantur:

Et

Et transmigratio exercitus huius filiorum Israël omnia Chananæorum vsque ad Sareptam, & transmigratio Hierusalem, quæ in Bosphoro est, possidebit ciuitates austri, & ascendent saluatores in montem Sion iudicare montem Esau: & erit Domini regnum. Sic versio vulgata habet. Ipsi autem (vt aiunt) ex Hebraico ita legunt: Et transmigratio exercitus huius filiorum Israël, qui Chananæi sunt vsque Sarphat (id est) Galliam, & transmigratio Hierusalem, quæ est in Sepharad (hoc est) Hispania, hæreditate possidebit ciuitates austri, & ascendent salutem procurantes in montem Sion, ad iudicandum montem Esau, & erit Domino regnum. Sed nec ex patribus, vllum testimonium adducunt, nec causam reddunt, cur Sepharad ab Hieronymo Bosphorus aut fretum, à 70. verò interpretibus Euphrata verum, Hispaniam significet, vt & ipsum vocabulum Sarphad, de quo itidem nec auctores allegant, nec præter leues quasdam coniecturas, causam vllam probabilem afferunt. Guido quidem amore patriæ suæ Gallicam reddidit id verbum. Nos verò, qui de linguarum proprietate contendere non possumus, haud immeritò quærimus, quid sit illud, q̃ moueat vt credamus, ciuitates austri seu Nageb secundum 70. interpretes pro noui orbis incolis habendas esse: quid itidem persuadeat, vt per transmigrationem Hierusalem in Sepharad gentem Hispanicam intelligamus: nisi forte sit, vt Hierosolymam spiritualem, id est, Ecclesiam imaginemur: vt nimirum ea ratione spiritus S. per transmigrationem Hierosolymæ, quæ in Sepharad est, filios Ecclesiæ sanctæ, in extremis mundi angulis habitantes, aut ipsis maris portubus, indicet. Sepharad enim lingua Siriaca id sonat, quod & cum Hispania admodum conuenit, ad quam veteres orbis fines collocasse notum est. Nec quisquam est, qui Hispaniam mari vndiquaque cinctam esse ignoret. Ex quo fortasse colligent, hunc orbem, qui nouiter inuentus, & sub meridie situs, polum australem potissimum spectat, per austrum seu Nageb intelligitur.

*Sepharad quid
Syris sit.*

Verba autem quæ insequuntur, Eos nimirum, qui salutem procurant, in montem Sion ascensuros, vt montem Esau iudicent, &c. intellectu haud admodum sunt difficilia. Indicant enim illos, qui damnatos populorum (qui per Esau notantur) errores excisuri, per fugium suum ad doctrinam seu arcem Ecclesiæ habituri sunt. Et tum temporis regnū illud, non tam Hispanorū aut Europæorum, quàm ipsius saluatoris Christi futurum est. Itaq; qui Abdiæ prophetiā, hoc sensu accipit, reprehendi haud poterit: cum verissimum sit, spiritum exploratissima habere omnia: & simul euidentib. documentis monstrari possit, huius tam arduæ rei, id est, noui huius reperti, & Christo subditi regni, vestigia quædam in sacris quoq; literis reperiri. Væ alis, exclamat Esaias, nauium trās Æthiopiā. Apparet autē per alas, id est, veloces naues trās Æthiopiā nihil aliud Prophetā intelligi voluisse, quā classē mare Atlanticū fulcātes, q̃ ab Æthiopib. longius quam Indis

*Esaias 18. sec.
70. interp.*

Ieph. 3.

abest. Etsi verò instructis & superbis illis nauibus Propheta magna mala denunciet; nihilominus tamen & Propheta alius has domino fructum facturas testatur. Ultra flumina, inquit, Æthiopiæ inde supplices mei filii disperforum meorum deferent munus mihi.

Esaia 66. iux-
ta 70. interp.

Porro quod Esaia inquit, qui ex Israël saluati fuerint, eos ituros ad insulas remotas & Tharsin, & domino multas gentes congregaturos: ibi Græciam, Italiam, Hispaniam, Africam & regna multa recenset. Id verò cur non ad vocationem gentium quoque referri possit? Nam Tharsis, & similes remotissimæ insulæ, & fines orbis, hanc mundi primam partem designant. Iam verò cum Saluator efficacibus verbis testetur, Euangelium per omnem mundum prædicatum iri, in testimonium contra populos, & tum mundi finem fore: illis pol manifestè probat, quod, quamdiu finis mundi restat, tam diu Christus aliquibus adhuc prædicandus sit. Maioribus nostris mundi maxima pars incognita fuit: nobis itidem eius pars haud exigua adhuc noscenda superest.

Cap. XVI.

Quomodo primi homines in Indiam peruenerint, & quod non beneficio primo susceptarum nauigationum eò penetrarint.



PORRÒ autem & iis nunc satisfaciendum est, quibus, Antipodas esse, & terram hanc, quam iam incolimus, habitabilem esse, astipulari difficile est. Prodigiosa Oceani immensitas valdè mouit Augustinum, vt crederet, nulli mortalium in hunc mundum perueniendi licentiam esse. Nos verò qui iam nouimus, hoc aliquando loco homines habitasse, sacramque insuper Scripturam docere, omnes generationes ab vno procedere homine, contradicere nullo modo possumus: nec affirmare nobis integrum est, an homines illi ex Asia an Europa in illas regiones peruenerint. Qua de causa vel dum hodiè admiramur, & scrupulosè inquirimus, quo modo, per quas vias, quibusve vectoribus innumera ista gens Indiam adiuerit. Etenim neque alteram quandam Noë arcam huc appulisse, imaginari licet: nec primos horum Indorum satores per angelum quempiam crinibus suspensos transque aërem peruectos, hinc depositos esse, sicut olim Propheta Habacuc ex Palæstina in Babylonem transpositus legitur. Neque hoc loco, quid Deus efficere possit, quaeritur: sed tantum, quid ratio humana capere, & per semel à Deo institutum ordinem fieri possit.

Vtrumque ergo iure merito inter eximia Dei miracula, & abscondita eius consilia referri debet, genus nimirum humanum per mare
tam

tam vastum per vias & regiones aditu tam periculosas eò appulisse: & terras has tam longo tempore incognitas latuisse, etiam si earum longitudo & latitudo in magnam orbis partem excurrerit. Responde mihi obsecro, quónam tandem consilio, quibusve ex causis, quâ vi manūque gens isthęc immensum Oceanum transmittere potuerit? Aut quis ductor, eos in has terras, inæstimabili interuallo disiectas, prouehere sciuerit?

Mihi quidem & diu & seriò rem hanc meditantis; & cum aliis doctioribus conferenti, causa rei tam admirandæ dari certa adhuc nondum potuit. Etsi verò ad stabiliendā apud animū meum conceptam sententiam testimoniis nullis me munitum aut adiutum sciam; nihilominus tamen pro exactiùs enodanda re, ex coniecturis quibusdam licet prima specie leuibus, conclusiones quasdam eliciam, hoc modo.

Ratum omnino, imo necesse est, gentem Indicam in Americam *Methodus inuestigandi veritatem questionis proposita.* vno ex his tribus modo peruenisse: aut itinere pedestri: aut incitatis nauibus. Si hoc: iam iterum aut fortuito, aut deliberato terras eas adierunt, hoc est, vt strictiùs dicam, primi harum terrarum incolæ aut vi & tempestate maris, contra suam mentem eò coniecti sunt, aut nouarum rerum studio paratas naues eò impulerūt. Præter hæc tria quartum non reperio, si quæ humanarū virium sint, trutino, nec volens prodigiosa quædam poëtarū fabulamentis similia comminiscor. Nec enim huc figmentum de Ganymedis aquila, aut alato Pegasi equo, aut Syrenibus, aut Nicolais adducendum videtur. Iam porro verò, nisi tædium sit, specialiùs horum modorū vnumquemque eo modo, quo propositi sunt, expendamus. Ex qua consideratione, sua tum delectatio tum utilitas quoque emerget haud spernenda.

Probandæ vero rei hæc via videtur omnium esse & planissima, & efficacissima, quod, sicut hodiè naues Hispanicæ, suis gubernatoribus, astrorum situm, & cæli cōuersionem; vt & ventorum mariumque rationem noscentibus & obseruantibus instructæ viam in Indiam securam facilemque obtinent: sic olim quoq; maiores nostri, harum rerum omnium gnari sedes istas quæsiuisse, & inuentas occupasse, putentur. Quid enim? an nostri saltem sæculi homines sulcandi Oceani industriam habuisse dicentur? An non & veteres classem adornare, eaq; Antichthonam (terram nostræ oppositam) quam certissimis rerum documentis extare sciebant, quærere potuerint? pol vero: nec pilo quidem difficilius, quam haud pridem classis quædam, cui Aluarus Mendauius præfectus erat, ex portu Limæ soluens, *Aluarus Mendauius præfectus.* per immensum Oceanum versus occasum nauigauit, vt illa orbis loca, quæ ex hoc latere versus occidentem Americæ nostræ opponuntur, detegeret. Quæ felici sæpè trium mensium decursu & multas simul & patentes insulas, Salomonias post vocatas, aperuit. Quas, ad

nouam Guineam magnam fitas esse proditū est fama publica. Hæc itaque vt constarent certius, senatus regii decreto sub ipso iam dicto præfecto, classis quoque secunda adornata & emissa est. Præter rem autem rectumque hoc nihil est admittere, si, quod iam fieri videmus, idem vetustioribus quoque sæculis ante nos patratum fuisse cogitemus.

His ita statutis, si porrò accedat ipsa quoque S. literarum autoritas, Salomonē nempe à Tyriis & Sidoniis, rei classicæ peritissimos nautas accepisse, qui tribus annis integris Oceanum pererrarint, cui deinceps nostra sententia non probabilis futura est? Quò enim ista nautarum tam industria solertia peritiaque laudibus exaggeraretur; quò itidem longinquæ istius navigationis mentio introduceretur, nisi classis Salomonia magnum Oceanum traiectura fuisset? Haud abs re ergò plurimi arbitrati sunt, Oceani vastitatem eius momenti non fuisse, vt propter eam diuus Augustinus à rationabili aliorum sententia abscederet: cum potius id secum colligere debuisset, trienniali isto tempore Oceanum, quantumcunque sit, facilè tam prorsum quam vorsum permeari potuisse.

Ego verò longe aliud sentio, nec, vt credam, adduci possum, primos Indorum præcise huc suum cursum rapuisse, aut certa deliberatione prægressoque consilio in nouum hunc mundum penetrasse. Quin nec hoc verum videtur eadem rei nauticæ peritiam nobiscum habuisse veteres; qua certè nostrates inaudita quadam cum velocitate, tum securitate vastum Oceanum quoquo versum pererrant: cum apud veteres ne vestigia quidem aliqua artis alicuius præclaræ & expeditæ inueniam. Nam nec magnetis seu acus nauticæ mentionem in vetustis monumentis inuenio; nec vsum eius illis familiarem vnquam fuisse, persuaderi mihi patiar. Cuius tamen beneficio opeque si vel semel destituamur, tum per Oceanum omnis nauigatio, vt infelix, sic planè impossibilis est. Quæ dissero, ea vel indoctis & imperitis plana sunt. Nam, quò versum cursum suum dirigere debeat nauta, si in Oceano fulcando magnetica acu destituatur? certè nihilo certius sciet, quàm si cæcus, qui digito extento, quæ in citimo & remotissimo alicubi monte sint, demonstrare conetur. Verè autem mirabile quiddam est, facultatem virtutemque magnetis tam diu veteribus fuisse incognitam, & postremis demum sæculis nostratibus innotuisse. Latuisse autem hæc illos, ex sequentibus rationibus clarè planeque confici potest. Plinius enim rerum naturalium indagator diligentissimus, etsi de magnete varia commentatus est, tamen ne vel verbulo maximam & nobilissimam illius vim naturamque hanc attingit, quod ferro illita astrictaque, illud versus septentrionem assiduò spectare faciat. Nihil quicquam etiam de lapidis illius hac potestate vel Aristoteles, vel Theophrastus, vel Dioscorides, vel Lucretius, vel quisquam alius tum historicorum, tum philosophorum memi-

*Vsum magnetis,
præcis nauticis
ignotum.*

Probatur.

Lib. 36. cap. 18.

Et lib. 34. c. 14.

Et lib. 37. c. 4.

meminit. Et licet ipse quidem Augustinus, in libro, quem de ciuitate Dei condidit, memorabilia & mirabilia multa adducat: ista tamen omnia, si cum hoc secreto Naturæ miraculo conferantur, leuia & vulgaria videbuntur. Huc & illud accedit, quod, dum Plinius autores rerum nauticarum, & ad has requisita necessaria maximopere deprædicat, de magnete totus fileat, & Phœnicibus pro explorata siderum natura situq; meritas gratias habendas esse saltem moneat.

Aug. lib. 21. c. 4. vbi de magnete multa. Lucret. libr. 6. Plin. lib. 7. cap. 56.

Vt verò summatim, quod res est, comprehendam, scire opus est, omnem veterum nauigadi Oceanum solertiam in notitia stellarum, promonteriorū, terrarum litorumq; diuersitate fuisse positam. Qui si fortuito in alto mari, vbi præter ærem vndamq; nihil pateret, aliquando corripiebantur: nauis dirigendæ gubernandæq; disciplinam nullam tenebant aliam, quàm quæ astrorum, Solis nimirum Lunæq; ratione ipsis commonstrabatur. Quod si cælo nebuloso & obscuriore existente, astrorū institutione vti non possent; tunc aut ventorum naturam impetumq; sequi, aut itineris antea eo transitu confecti opinionem, aut imaginariā eius loci, ad quē pertendebant, conceptionem ducē quærere cogeabantur. Quo ingenio vel ipsi Indi hodiē imensa maris spatia percurrere norunt.

Plinius quidem autor & testis est, Insulæ Taprobanæ, nunc Sumatræ dictæ, nautas, nouum quendam fulcandi maris modum & inuentum excogitasse. Nam, Septentrio, inquit, non cernitur, sed volucres secum vehunt, emittentes sæpius, meatumque earum terras petentium comitantur. Qui mecastor, si vim & potentiā Magnetis, quemque in vsum is lapis faceret, compertam habuissent, auib; istis ad continentem volatū ipsarum prodendam, neutiquam opus habuissent. Postremo omnium, vt vim Magnetis veteribus incognitam fuisse demonstremus, vel id vnicum satis nobis sit, quod nec apud Latinos, nec apud Græcos, nec ipsos etiam Hebræos nautici instrumenti, nobis Compassi, Hispanis verò patrio idiomate Aguia de marear dicti, vocabulum vsu iam apud autorum quemquam reperire liceat. Quod si quidem, vt est res sanè memorabilis, vllibi notum fuisset, nomine suo pol nunquam caruisset, aut mentione merita nunquam destitutum fuisset. Hoc ergò seculo nauium patroni, ceu ad gubernaculum, in sola puppi confidere solent, vt illis, qui remos ducūt, ex inspecto Compasso, cursum moderentur: sic veteres olim in prora, vnde terræ vestigia & maris rationem exactius speculari poterant, stabant. vnde apud Græcos quoq; proretæ dici consueverant.

Plin. lib. 6. c. 22. Mira veterum ars nauigadi.

Compassi notitia recens.

Cap. XVII.

De mira magnetis virtute, & eiusdem in hodiernis nauigationibus usu, veteribus penitus incognito.



Quid distantissime nauigationes hodiernis temporibus in Indiam tam tutè & facile conficiantur, id vni magneti nullo dubio acceptum ferendum est. Videre etenim hodie aliquam multos liceat, qui Vlysbona in Goam, Seuillia Mexicum siue Panamam, & per ipsum australem Oceanum Chinam usque; & ipsam viam Magellanicam itinere tuto faciliq; persæpe commearint. Ipsi hi oculi nostri visorū testes sunt illorum, qui vice decima tum quinta, tum octaua Oceanum ipsum emensi sunt. Insuper & de quibusdam narrant, qui vicies eō tum abierint, tum inde sospites redierint, cum tamen in Oceano prioris nauigationis nulla vestigia impressa relinquuntur, & qui breuissimam viam cōmonstrent, viatores nulli obuiam dentur. Nauis siquidem (vt Sapiens ait) pertransit fluctuantem aquam, neque eius, cum præterierit, vestigium inuenire est, nec semitam carinæ eius in fluctibus. Beneficio autem ductuque Magnetis Oceanum quoquo versum transmittere possunt hodiernæ nautæ; cui à sapientissimo rerum omnium creatore ea insita implantataque vis est vt ferrum, eius affricu obtritum, ea parte, qua delibutum est, quocunque loco, quocunque terrarum situ sit, perpetuò partem mundi septentrionalem spectet, & eandem commonstret. Cuius quidem euentus, qui curiosius causam modumque scrutantur, nescio quas rerum sympathias obtendant. Ego verò, quotiescunque hoc ita fieri attentius considero, effusa in stuporem & admirationem mente, summi & immortalis Dei conditoris potestatem prouidentiamque infinitam, intimè deprædico: arbitrorque, hinc sanè ad collaudandum summum Archetypum cum Salomone meritò exclamari posse: Tua pater prouidentia lignum gubernat, quoniam dedisti in mari viam, & inter feros fluctus semitam firmissimam, ostendens, quoniam potens es saluare, etiam si sine rate aliquis adeat mare. Sed vt non essent vacua sapientiæ tuæ opera, propter hoc & exiguo ligno credunt homines animas suas, & transeuntes mare per ratem liberati sunt. Eodem etiam spiritu Psaltes canit: Qui descendunt mare in nauibus, facientes operationem in aquis multis, ipsi viderunt opera Domini, mirabilia eius in profundo. Etenim ex operosis Dei miraculis id non postremum est, tantilli lapilli vim in abyssu maris dominari, & Oceani immensam vastitatem quasi sceptro quodam ita coercere, vt quo nauium transitus vergat, loco is cōfestim cedat. Quod ipsum tamen, quia & frequenter, & facile fit, hominibus magnæ admirationi non est, nec admodum æstimari solet: idemque hic accidit, quod apud

Stupenda potius magnetis vis, quæ causa eius operationis peruestiganda.
 Sap. 14.

Psalm. 106.

Frequenter sepe contempta sunt.

apud homines fatuos: quos, quo pluribus muneribus cumules, eò gratiam eorum despectiorem & contemptiorem redditurus es. Nobis tamen econtrà, quos magis frugi esse cōuenit, hæc profunda Dei sapientia cum magni æstimanda, tum laudibus meritis omninò cohonestanda est. Cum enim diuino consilio id decretum esset, vt nostrates homines quoque ad gentem Indicam, tot iam annorū seculis ignotam, penetrarent, & hoc fine cum ipsis, vt ad salutem æternam, in Iesu Christo promissam, versarentur: ad metam hanc, tantis interuallis semotam, permeandam, idem Deus quoque certum ducem & indicem nobis largiri voluit: Quem ipso magnete fidiorem & exquisitiorem quidem condere non potuit.

Quo autem præcipuè tempore, nauigantibus vsus illius innotuerit, & à quibus annis inceperit, scire vsque adeò promptum non est. Ex firmis tamen & indubitatis coniecturis (quarum partē aliquam priore capite attigi, partem aliam hîc addo, nempe, quod veteres in Horoscopis suis magnetis ne vna quidem litera meminerint, cum tamen in automatis seu horologiis immobilibus vis eius primaria sit) equidem colligo, scioque, vsus eius non admodum vetustum esse. Quidam ex Lusitanicis Historiographis palmarii tradunt, Ga-

Lib. 1. de Ital. illustr. Reg. 13. Plin. lib. 2. cap. 72. & 76. Et lib. 7. c. vlt. Orosius de reb. Emman. gestis.

mam quendam, Indiæ Orientalis primum exploratorem, apud promontorium bonæ spei Barbaricos nautas attigisse, qui magnetis vsus scirent, & eius monstratione mare permearet. Vnde verò istam notitiam Barbari acceperint, non addunt. Scriptorum quinimò nonnulli sententiæ nostræ apertè astipulantur, remque hanc veteribus omnimodò incognitam fuisse perhibent.

Apud imperitos Notabile.

Sed de magnete miraculum adhuc multò illustrius & insignius, (meo quidem iudicio) addam. Quod fidem quidem nullam meritum scirem, nisi & à viris præstantissimis illud assertum, & meo ipsius experimento certum inuentum intelligerent. Acus nautica, seu illa ferri acies à magnete tacta & delibuta, versus polum Arcticum & assiduò & vbique se conuertit: veruntamen non vbique directè. Climata namq; sunt quædam, ex quibus rectà septentrionem respicit. Ultra verò aut citra ista, acus in latus nutat, tanto quidem longius, quanto à climate abscedit magis. Et id suo more nautæ nostri Nordestear aut Noriuestear, vocare solitāt: quæ duo sibi ita quidem opponuntur, vt illud quidem secundum longitudinem versus Orientem, hoc vero versus occasum declinet. Nec parum interest, has instrumenti declinationes probè intelligi. Quarum si nauis gubernator imperitus sit, facili occasione aberrans, longè aliā metam, quàm sibi in principio præstituerit, triturus erit.

Mihi vir quidam Lusitanus, rei nauticæ sanè peritissimus, pro exploratissimo recensuit, in vniuerso orbe quatuor saltem climata reperiri, in quibus acus nautica directò polum aspiciat: quorum quoque tum nomina tum situs mihi explicuit vna: Quæ meam tamen

E

iam

iam memoriam ferè effugerunt. Istorum climatum vnum in eo situm est tractu, in quo Insula El Chueruo dicta, memoratur. Ex illa qui versus septentrionem vela faciunt, acum versus occasum non nihil inclinare nutareque, haud obscure animaduertunt. Contra verò qui ad lineam meridionalem excurrunt, hi acum versus ortum aliquatenus dirigi obseruant. Quanta verò mensura, quòve spatio, compertius illi norunt, qui eò iter fecerunt.

Hoc loco mihi illos in colloquium offerri optarem, qui de diuinis operibus temerariè sibi iudicium sumunt, suisque viribus nimis quam multa ascribentes, omnium rerum scientissimi haberi fatagunt. Ex his, mirum est, quantopere scituriam, quam tandem huius rei reddituri causam sint, quòd lamella ista tam vilis & contempta, si lapillo Magnetico vel tantillū confricetur, tantas illic vires fortia-
tur, vt septentrionem rectà perpetuoque tum respiciat ipsa, tum aliis commonstret: quod regiones seu climata mundi tam probè discernat: quod omni Philosopho aut Cosmographo, quo loco fixa stare, quo itidem in latus inclinare debeat, exquisitius percognitū habeat? Cuius quotidie quidem ita euenientis, cum rationes veras & immotas indagare non valeamus: cur eò insanix prouoluimur aut leuitatis, vt res merè diuinas, & longè supra captum nostrum constitutas, ignauis nostræ mentis alis venari aut assequi plerumque conemur? Multò verò (vt eleganter Gregorius Theologus differit) æquius esset, vt fidei concederet ratio, quæ suis aliàs terminis angusta est & imbecillis. Sed hætenus dicta satis sint. Quibus in medium afferendis, postquam à scopo paulò longius euagati sumus, iam postliminiò ad priorem materiam reuertamur, & quod hætenus argumentis pluribus cōfecimus, certò statuamus, Magnetis vsum veteribus planè incognitum fuisse. Ex quo secundario id quoque consequitur, olim nauigationes per magnum Oceanum in hunc nouum orbem ex consilio certo & deliberatione decreta non susceptas & institutas esse.

*Credendū, vbi
ratio deficit.*

Cap. XVIII.

Obiectionum quarundam, cur vetustis quoque temporibus Oceanus magnus nauigationibus, nostris similibus obitus sit, confutatio.



Væ de classe, à Salomone missa, attulimus, parum memouent. Nec enim S. Scriptura id innuit, quod tribus annis integris quælibet nauigatio durauerit: sed potius, quod ternis quibusque annis semel classis eò amandata fuerit. Porro etsi & id largiremur, de duratione trium annorum: nihilo minus tamen & hoc, ceu credibilius quoque, cogitare nobis integrum fuerit, quod prædicta classis in Indiam Orientalem excurrerit, & in transitu diuersos portus

portus, regionesque confines omnes adierit: qua ratione sanè & hodiè per vniuersum australem Oceanum à Chile vsque in nouam Hispaniam nauigationes instituuntur. Quæ quidem nauigandi ratio secura comprimis tutaque esse videtur, cum nauigantibus terra ex conspectu nunquam auferatur: sed eadem ipsa tamen, propter moras in portibus longiores factitandas, longè tædiosior est & diuturnior.

Ex veterum quidem commentariis haud constat, quod tum temporis per altum Oceanum naues incitari sueuerint: nec mihi probabile fit, eos fulcandi maris alium olim tenuisse modum, quàm quo nostrates hodiè mare mediterraneum transmittere solent. Quinimo doctiorum haud pauci, maiores nimirum nostros quoquo versum secùdum littora saltem naues remis incitatas egisse, haud abs re censent. Ad quem modum sacra quoque Scriptura, in longinqua illa à Iona suscepta nauigatione, alludere videtur, dum in cætera, nautas tempestate maris & vi procellarum coorta concussos illicò naues remis versus littus impulisse, indicat.

Cap. XIX.

Credibile esse, noui orbis incolas, præter animi deliberationem, tempestatum vi illuc coniectos & expulsos esse.



VM haftenus in mediū allatis abundè satis demonstratum sit, Indorum maiores aut satores primos certo deliberatoque consilio neuiquam in Indiam Occidentalem migrasse, & ibi sedes sibi commodiores molitos esse: ex contrario iam sequi necesse est, eosdem casu fortuito, sine omni electione illic appulisse, modò transmissio Oceano istuc venerint. Ad quod quidem largius persuadendum multa aliunde assumi possent, non obstāte eo, quod ingens Oceani vastitas in opinionē contrariam quem illicere posset. Sicut enim tempestas fremitusque Oceani ad noui orbis littora compellere potuit nautam illum, qui Christophoro Columbo, hospiti suo, moriturus condito testamento, suæ istius tentatæ nauigationis incognitos aliis successus, nouamque quasi cognitionem legauit: pari aut sanè non admodum dissimili ratione fieri potuit, vt greges aliquot hominum, ex Europa aut Africa commeantium, præter votum deliberationemque suam vltra ipsum vastum Oceanum in has regiones dispellerentur aut disicerentur, quas antea nulla notitia compræhendissent.

Sed nec & id incognitum est, plurimas alias quoque noui orbis oras, meris Oceani tempestatibus potius, quàm humana industria, detectas esse. Interim tamen, ne huiusmodi euentuum felicitas aut

Lib. 2. c. 67.

nostrarum nauium magnitudini, aut hominum vectorum multitudini fors ascriberetur, mira & memorabilia quoque nonnulla, similia, vel maioribus nostris accidisse, ex Plinio cognoscere licet. Is ita commentatur: In sinu Arabico res gerente C. Cæsare Augusti filio, signa nauium ex Hispaniensibus naufragiis feruntur agnita; Et post paucula deinceps: Nepos de Septentrionali circuitu tradit, Q. Metello Celeri, C. Afranii in consulatu collegæ, sed tum Galliæ proconsuli Indos à Rege Sueuorum dono datos, qui ex India commercii gratia nauigantes in Germaniam essent tempestatibus abrepti. Quod si ergò Pliniana verba vera sunt, tum sanè in propatulo est, hodie Lusitanos suis nauigationibus non longiùs procedere, quàm fecerint olim vel Indi, qui in Germaniam: vel Hispani, qui in Sinum vsque Arabicum velis procurrerunt.

Lib. 6. c. 22.

Idem Plinius alio quoque loco tradit, Annii Plocanii libertum, qui maris rubri vectigal à magistratu redemerat, iuxta Arabiam vela facientem, Aquiloniis que tempestatibus secundum littora de Carmania propulsum, dierum 15. spatio vsque in portum Hippuros in Taprobana situm inuectum fuisse. Sed & alia quædam nauis Africana memoratur, aquilonibus validis per mare Mauritanicū iactata, nouum orbem quàm proxime in suo conspectu habuisse. Nec quisquam nostrum est, qui ignoret, quæ ventorum in Oceano frementium vis, quæve pertinacia sit: ita vt aliquam multis per sæpe diebus de violentia sua ne tantillum quidem remittant. Tum & mihi die primum decimo quinto noui orbis insulas spectare cōtiguit, quas certè citiùs multo vidissemus, si vela nostra Euro aquilonibus agitantibus perpetuo turgida volassent: tantopere nos vis illius aduersa distingere valuit. His itaque de causis admodum mihi simile vero videtur, quod olim homines per altum Oceanum fluctuantes, volentes nolentes, ventorum violentia, ex illo orbe in hunc nouum disiecti fuerint. Per omnem hanc Peruensẽ prouinciam solemnis fama volitat, eo nimirum loco, quo iam Manta & portus vetus, exigua ciuitas ab Hispanis extructa visitur, quædam Gigantum ossa erui, tantæ magnitudinis & proceritatis, vt expensâ proportionẽ, corpora illa duplo aut semiduplo modernis Indicis fuisse, clarè compareat. Hos memorant olim mare peruagatos in littus erupisse, cumque incolis bella exitialia gessisse, & ædificia insolitæ raræque altitudinibus extruxisse: cuius generis iste quoque abruptus & profundus puteus, ex molis maximæ saxi conditus, ac vel hodiè conspicuus esse dicitur. Tandem verò fœdos & prodigiosos istos homines, propter fœdas & monstrosas agitata libidines fulmine cælitus tactos & excisos esse. Quin & ab Icam & Aricam indegenis expressè memorari aiunt, veteres incolas, pluteis, ex coriaceis folli-
bus inflatis, concinnatis, colligatisque non secus ac nauibus quibusdam ad insulas etiam distantissimas traiecisse, eodẽque habitu do-
mum

mum ad suos reconfecta commeasse. Indicia etiam haud leuia sunt, monstrantia, australem Oceanum, longè antè Hispanorum quoque appulsum, transnauigatum fuisse. Ex quibus haud incommodè colligere possumus, nouum hunc orbem, qualiter nunc detectus est, antea quoque habitatum fuisse ab hominibus, aut naufragio, aut Oceani tempestate, aut aquilonis procellis eò coniectis.

Qua in rei consideratione id comprimis admirandum est, quod dona naturæ primaria & illustrissima semper fortuito potius casu, quàm ratione & industria humana inuenta sint, aut collecta. De viribus siquidem herbarum plerarumque, quæ ad salutem hominis faciunt, quæ prodita sunt, maxima ex parte aliunde potius & accidentariò, quam ex arte & disciplina cōstant. Radicum quinetiam & lapidum vis facultasque eodem potissimum modo explorata est: vt & natura eorum omnium, quæ è terra eruuntur, ceu sunt mineralia, gemmæ, venæ auri, proprietas magnetis, succini, Adamantis, & similibus. Quæ vniuersa hunc saltem in finem ordinata ita sunt, & disposita, vt hæc non in hominis, sua natura ambitiosi, sed in vnius Dei, cuius prouidentia inæstimabilis viget, laudèmq; & celebrationem cederent.

Cap. XX.

Primos noui orbis habitatores terrestri potius itinere eò venisse, longè probabilius existere.



AVLÒ verò accuratiùs & circumspectiùs retrutinata, videtur homines illos, qui has terras primi incoluerunt, tempestatum inclementia ibi eiectos fuisse. Cui tamen ita credenti, id econtrà obiici facile potest, quod, si quidē ipsos homines, tam mares quàm fœminas, ad genus suum ferendum & propagandum Oceanum transmittentes huc concessisse, largiamur, innumera tamen & portentosa animalia illa, quæ terra ista fouet, nauibus imposita huc traici minimè potuerint. Et vt sua S. scripturæ autoritas fidesque sarta sit, fateri sanè cogimur, omnes huius orbis incolas ex alio priore omninò commigrasse, ne nouos fors homines, quàm ab Adamo progenitos, comminisci cogamur. Sed porrò & eadem S. pagina, tum omnia animalia, tum quicquid vspiam viuens erat, cataclysmi vniuersalis tempore suffocatum esse docet, iis exceptis, quæ in Gen. 7. arcam Noë assumpta, & seruata fuerunt. Hinc ergo iam quæstio emergit, quomodo animalia illa in cataclysmo seruata, & in monte Ararat, vbi arca constitisse legitur, exposita, genus suum propagarint. Velut ergo ipsis hominibus: sic animalibus quoque ex veteri in hunc nouum orbem digressis, certas transmigrationis vias peruestigare

Aug. in libr. de
ciuit. Dei, 6.7.

cogimur. Diuus quidē Augustinus alicubi in hanc quæstionem ex-
currit, qui fiat, vt in nonnullis Insulis, Lupi, Pantheræ, & feræ imma-
nes aliæ, quæ generi humano nec vsui sunt, nec ab iis appetuntur aut
educantur, reperiantur. Nam quod elephantos, equos, boues, canes,
& generis huius animalia cætera attinet, hominum necessitatibus
commodantia: ea hominum deliberato consilio nauibus in has o-
ras conuecta esse, quiuis facilè secum reputare potest: cum & hoc
nostro tempore institutis in regiones Orientales longinquis nauiga-
tionibus hinc in Europam, & ex Europa rursus in Americam huius-
modi multa traiciantur. Illa verò, quæ humanis vsibus adeò nihil in-
commodant, vt feritate & immanitate sua potius noceant, vt sunt
lupi, & similia, quò nimirum pacto vel tramite in Insulas istas deue-
nerint, cum tamen cataclysmo vniuersus orbis inundatus fuerit, hoc
præcipuè loco inquiritur.

Ex his angustiis & difficultatibus, in quas coniectus erat, vt sese
extricaret diuus Augustinus, perfugium sibi ita molitur, vt dicat, fe-
ras illiusmodi tranando Oceanum in has terras, migrasse: aut in ve-
nationum illecebras ab hominibus studio eò importatas fuisse, vel
diuina procuratione ex ipsa terra enatas esse, æquo ferè modo, ac in
Gen. 1. „ principio conditi mundi, quo Deus dixit: Producat terra animam vi-
„ uentem, in genere suo, iumenta, & reptilia, & bestias terræ secundum
„ species suas. At enim uerò, si hæc quæstio hoc modo soluatur, eius no-
„ dus multò intricatior futurus est. Nam vt postremum prius refella-
mus, id nec Naturæ & proprietati rerum, hæc ordinationi diuinæ,
qua vniuersa regit & gubernat Deus, consentaneum est, vt animalia,
in suo genere perfectissima, ceu Leones, Tygrides, Lupique sunt, citra
congressum suiq; permixtionem murium aut ranarum, vesparum-
ve, aut aliorum insectorum more è terra nascantur. Porro quid id
Gen. 7. „ causæ fuerit, vt Deus Noë expressè dixerit: Ex omnibus animantibus
„ tolles, sed & de volatilibus cæli septena & septena, masculum & fœ-
„ minam, vt saluetur semen super terram: si post diluuium terra noua
& varia animalia ex seipsa iterum productura omninò fuisset? Sed &
ex responso isto noua quæstio emerget, cur non omnes promiscuè
terræ insulæve huiusmodi animalia nouerint, si non naturalis & or-
dinaria eorum generatio, verum effusa Dei bonitas extra ordinem
spectanda sit? Præterea, venationis & aucupii gratia certa quædam
animalia in hæc loca ab hominibus illata esse, id quidem ita con-
cipere haud difficile est: siquidem & Leones, & vrsos, & animalia his
similia magnificentia suæ ostentandæ gratia Reges vel dum in suis
caueis scrobibusque alere comperimus, ex terris distantissimis accita
& inducta. Credere tamen nimis quam durum est, tum lupos, tum
vulpes, tum alia inutilia & nocentia, nec ipso corporis decore deside-
rabilia, sed cæteris exitiosa, venationis causa quoque eodem illata es-
se. Et cui persuaderi posset vnquam, homines quosdam in hunc no-
uum

um orbem longissimis & periculosis navigationibus hoc fine contendisse, vt in Americam vulpes, comprimis verò eos, quos An- Annas vulpes
feridissimus.
nas indigetant, animal omnium foeditissimum & spurcissimum, inueherent? vt in sui oblectationem tygidres & leones haberent? In quibus navigationibus tanto tempore continuatis id ex se prodigiosum videtur, quod vitam suam seruare potuerint: ne quid dicam, aléduum luporum & vulpiū amore id discriminis eosdem subiisse.

Quibus ita cōfectis iam nihil aliud relinquitur, quàm quod transnatando animalia illa has terras inuasent. Nam & his nostris oculis vidimus, & aliorum quoque experientia confirmatum scimus, quod illiusmodi feræ, imminentibus aut instantibus à tergo periculis incitatae, integros sæpè dies noctesque in vnda obnatarint, dum tandem iterum terram assequerentur. Hinc itaque probari posset, in aliquibus id insulis sic euenire, quæ à se inuicem aut à continenti non longè admodum absunt. Noster tamen hic Oceanus natatorum istorum teretismata haud leuiter displodet. Nam in abyssu tam grādi velocissimarum quoque auium alas deficere necesse sit. Haud quidem falsum est, volucres quasdam 1500. stadia volatu suo exuperare posse. Nam cum aliquando per immensum Oceanum in Indiam nauigantes, in ratis prora confedissemus, in malo supremo persæpè turtures quiescentes animaduertimus, quæ ex littore Africæ auolauerant. Vt tamen hæc se habeant, vniuersus Oceanus nec volatu nec natatu vllō transmitti quoquo pacto potest.

Hic ergo quid nobis dicendum restat? Quas vias, quos transitus, tum auibus tum animalibus in Americam transgressuris pandemus? Hæc mecastor difficultas eò me sententiæ aliquoties impulit, vt statuerem, nouum hunc orbem à cætero nequaquam quoquo versum auulsum discretumque esse: diuque hanc sententiam animo foui, vtrumque orbem aliquo saltem loco extremitatibus cohærere, nec à se inuicem tantis interuallis distare. Cui sententiæ etiam, quod sciam, hætenus nemo quisque contrariam certis fundamentis opponere potuit. Nam omnis ea longitudo quæ ad polum vsque Arcticum est, tota nondum explorata est, multique Floridam ipsam longo tractu versus septentrionem excurrere, & ad mare vsque Germanicum seu Scythicum exporrigi arbitrati sunt. In cuius rei confirmationem quidam nauem quandam testem adducunt, quæ inde aduecta est: dicuntque, Baccalaos ad extremos vsque Europæ fines extendi. Quæ etiam latitudine terra, quæ vltra promontorium Mendocinum sita est, pandatur, satis planè nondum compertum est. Eam tamen amplissimam esse prædicant. Nec quisquam hætenus explorauit, quousque continens, quæ citra Patagones ad polum Arcticum sita spectat, diffundatur. Episcopi Placentini nauis, quæ per fretum Magellanicum aliquot hominum millia transuexit, terminos nullos patere illic, retulit.

Mea

Mea ergò opinio, de terra alicubi locorum cohærente, aut ad minimum non longius distâte, ratione nulla firma infringi potest: nec huic contrariam probabiliorem quisquam attulit. Quæ si se dicto modo habent, vt vero valdè cōsentiunt: iam intellectu perfacile fiet, quo modo genus humanum ex veteri notoq̃ue orbe in hunc nouum numero exiguo primū, paulatim sensimq̃ue pedestri itinere confluxerit, ibidemq; nouas habitationes quæsiuerit, & illis inuentis gregibus maioribus appulerit, dum tandem vniuersam istam terram, occupatis locis præcipuis, compleuisset. Ex quibus primis factoribus deinceps tot nationes, tam populi diuersi, annorum iusta serie interlabente emerferunt.

Cap. XXI.

Quibus viis modisq; ipsa quoque animalia ex veteri orbe in nouum commigrarint.



AD superius commemoratæ sententiæ probationem, haud frigide quoque ea faciunt argumenta, quæ à ratione modoque habitationis Indorum petuntur. Nam si quædam insula, à continente & aliis finitimis insulis paulò distâtior sit, cuius generis Bermunda dicta est, istis distantioribus nihil commercii intercedere inuicem, obseruatum est. Huiusce verò rei causa est, quod veteres non nisi secundum littora ad sedes vicinas commeabant, nec quoquam longius, quàm oculorum prospectus esset, nauigabant. Nec in vlla noui orbis parte grandiores naues inuenire licuit: verum ipsi Indi pro mari permeando canois suis, aut peragius, seu Balsis, id est, lintribus, scaphis aut cymbis saltem vti reperti sunt: quibus citra euidens periculum maris altum tentare minime poterant. Quod siquidem grandior aliquando ipsis nauis obtigerat; tamen vsus magnetis non callebant, nec rationem astrolabii seu quadrantis edocti erant. Qui si non singulis octodecim diebus terram cōspiciam habuissent, in proposito suo toti ambigui hæsisent. Terras has nos ingressi, eas populosas quidem, & ipsum mare nauiculis permeabile reperimus: sed, vt diximus, Indi nudis suis scaphis, citra magnetis beneficium, quò poterant, procurrebant.

Qui in Peru habitant Indi, iuxta Tumben, cum naues aduenientes Hispanicas, suis pansis velis vndiquaq; turgidas primū conspexissent: rei nouitate perculsi, naues eas onerarias esse, minimè credebant, sed potius eas rupes & crepidines esse, maris æstu agitatae statuerunt. Quas tamen moueri, nec mergi videntes, penitus obstupuerunt, quoad viros aliquos barbato per naues currere conspicerent: quos Deos existimarunt. Ita in totum maiorum nauium vsus Indis innotuitus erat.

Porro

Porro animalia hominum opera in has terras non esse delata, id perspicue clareq; euincit, quod feræ illæ per vniuersam quidem reperiuntur continentem: in insulis verò à continente quatuor dierum itinere absitis, nusquam obseruantur. Id quod summa exquisitaq; diligentia explorauit egomet: quod momentum firmissimum haberet ad probandum id, quod vterque orbis extremitatibus suis alicubi coëat & cohæreat. In hac America nostra istorum animalium complura genera extant. Eadem & Leones nutrit, nec tamen mole corporis, aut animi feritate, aut coloris fuscitudine Africanis æquiparandos. Tygrides quoq; tanto numero ibi visuntur: vt rei memoratio præter fidem esse videatur. In quibus hoc admirabile notatū est, quod erga Indos animo immanissimo & ferocissimo, contra Hispanos tamen longè mitiore sint. Regio hæc paucis vrsis pererratur: aprorum tamen & vulpium multitudo frequentissima visitur. Quæ vicissim animalia, si in Cuba, in Hispaniola, in Iamaica, in Margarita, in Dominicæ insulis quærantur, ne vnum quidem reperietur. His adde, quod ante hæc tempora nec vtilium pecorum greges inibi fuerint: qui tamen, postquam Hispani has insulas occuparunt, nūc numerosis gregibus oberiāt, siue tauros, siue equos, siue porcos velis, canesve. Vaccarum greges tot tamq; frequentes sunt, vt nullo domino priuatim addictæ quoquo versum cūulatè vagentur, & ab incolis ferarum modo indiscretè figantur capianturq; saltem corii causa, quod detractum exiccant, & merce istiusmodi negotiationes suas agitant. Canum genus breuissimo tempore in tantam sobolem excreuit, vt multis myriadibus passim oberrent; à quibus omne genus pecudū multò atrocius infestatur, quàm ab ipsis lupis. Adeoq; canes huiusce insulæ pernicies sunt maxima.

Ipsæ aliàs insulæ quadrupedibus nullis, vt nec auibus abundant. Psittacorum tamen magna copia: qui & perniciter, & gregatim per aëra volitare solent. Passeres quoq; sua copia volant: sed perdices rarissimæ. Quarum similes in Peru me nunquam vidisse memini: vt nec Guanacos siue Vicunnas, quod genus caprarum syluestrium est, summæ pernicitatis: in quarum ventre lapides Bezaar dicti, magni apud multos æstimati reperiuntur. Horum nonnulli parte dimidia oui magnitudinem excedunt gallinacei. Insula hæc quoq; animali caret, admirabili sanè & vtilissimo, quod Indi Lama, Hispani vero ouē Indicam vocant: quæ præter lanam, vestibus idoneam, & carnes victui aptas, portandis quoq; omnis generis oneribus valdè vtilis sunt. Nam dimidium onus muli proferre possunt. Harum alēdarum non magnæ impensæ requirūtur. Neq; enim solea ad sufferrandos pedes: neq; loris, ephippiisq; ad dorsum internēdum: neq; hordeo ad victū egent. Hæc enim omnia, prouida natura, Indis alias pauperculis, in vsum cōmodiorem, animalib. istis addidit, vt suis dominis pluribus modis prodesse. Ipsa quidē continens, tū harum, tum aliarū quoq;

Bezaar lapis.

rerum summā vbertatē habet: nec singula, ita strictim percēseri queunt. Insulæ contrā istorū omnium inopia premuntur, nisi eadem à nostratibus eodem inuehantur. E nostratibus quidam, qui miserabile naufragium fecerat, commemorare nobis sueuerat, quod in nonnullis insulis tygrides aliquot obseruasset, Rogatus ergò, quanto spatio eæ à continenti distarent: respondit, interuallum non longius sex aut ad summum octo milliaribus Hispanicis esse. Iam vero nemini ignotum est, tygridis id robur esse, vt tantam metam nando facile euincere possit. Ex quibus omnibus & singulis argumentis hætenus percensitis euidentissimum fit, Indos aut itinere terrestri, aut nauigationibus certe nec longinquis, nec laboriosis, in nouum hunc orbem penetrasse: & hunc cum priore omnino terminorum nexu cohærere & continentem esse, id est, locis ali- quibus ceu extremitatibus summis omnino agglutinari, aut inter vtrumq; tamen spatium seu interuallum non admodum longum latumque intercedere.

Cap. XXII.

Gentem Indicam non per Atlantida, vt nonnulli opinati sunt, in Americam peruenisse.

Plat. in Critia
& Timæo.



VNT haud pauci, qui Platonis sententiam, superius tactam, verissimam existimant, Gentem nimirum Indicam ex Europa aut Africa per Atlantidem illam vbiq; decantatissimam peruectam, ab vna insula in aliam, & tandem in continentem illam, quam hodiè incolunt, appulisse. Nam horum omnium ita Critias in suo Timæo meminit. Si ergo Atlantis illa, tum Asia ipsa, tum Libya coniunctis, pro Platonis sententia maior foret: tum in nullo poni dubio deberet, quin totum penè Atlânticum Oceanum vsq; ad noui orbis insulas occupauerit. Porro autem Plato quoq; refert, cum Atlantis inundatione maxima, tota submersa esset, quod tum temporis mare propter cœni & scopulorum frequentem obiectum nauigationibus incommodum factum sit: quæ pelagi species talis, suo quoq; tempore adhuc durârit. Paulò tamē post, huius insulæ reliquias totas & ipsas subsedisse, & sic mare rursus nauigabile factum fuisse. Hæc quidā magni acuminis viri, vt seria & sobria referre non verentur. Quæ tamen, si velleuiter ad exactiorē veritatis lancem appendantur, meræ illico nugæ apparebunt, Ouidianis fabulamentis potius, quàm Philolophicis discursibus similes. Interpretū Platonis quidem nonnulli id contendunt acriter, quod omnia à Critia narrata, vtcumque tum inusitatissima: tū monstrosissima videantur, ceu sunt illa, quæ de primordiis, incremētis, fortuna, bellisq; populorum Atlanticorum cū Europæis gestorum percēsentur, verissimæ historiæ loco

loco habēda sint: cum & ipse Critias prædixerit in Timæo, narrationem eam quidem mirabilē visum iri. Sed eam tamen nihilominus esse certam indubitataque. Platonici autem cæteri, illa commenti potius quàm historiæ speciem habere expedientes, isthæc omnia à summo & præstantissimo Philosopho allegorica ratione ita dicta esse censent: inter quos primarii sunt Proclus, Porphyrius & Origenes. Nonnulli enim vsque adeo in Platonis verba iurarunt, vt verba eius non secus ac Moyſis ipsius aut Eliæ oracula acceptanda censeant. Cumque videant, in multis verba illius ab exquisita veritatis puritate discedere, diuinum quendam & mysticum sensum illis assignendum contendunt. Ego verò, etsi Plato diuini elogium apud plerosque obtineat, tantæ tamen illum dignitatis esse, mecum sapere non possum. Creditu quidem perfacile est, omnem illam de Atlantide commemorationem pro vera venditari historia posse, & posse tamen simul purum figmentum esse, ideo præcipuè, quod Plato Critiam, cum adhuc puer fuisset, hanc narrationem inter veterum cantilenas audiuisse, fateatur. Quid? An non id quoque purum putum fabulamentum est, Neptunum Clytüs amore illectum, ex compressa ea quinquies gemellos suscepisse, & collem quendam in quinque partes orbicas distinxisse, quarum tres aqua, duæ terra fuerint: non secus ac hæc tornario opere ita condita successissent? Quid quæso est templum eius illud, longitudine stadii, trium iugerum latitudine seu amplitudine: cuius omnes partes externæ argento, summæ autem auro esse obductæ: in cuius interioribus fornices eburnei, toti auro, & argento, & orichalco conspicui niteant? Et quàm accommodata sodes Timæi illa clausula est finalis? Vna, inquit, die ac nocte, graui incumbente diluuiò, apud nos totum militare genus aceruatim terra absorbuit, & Atlantis insula similiter in mari subuerſa disparuit. Nempe sic iustum & fatale erat, scenicam nimirum illam & fabulosam insulam, quæ ipsa Asia & Africa tanto amplior erat, vnica nocte euanescere, & in nihilum redigi. Illius verò ruinas, sub aquis extantes, quis quæso Lynceus videre solas potuit, ad eas cum nauibus non concessus vllus aditus fuerit. Nam figmento isti valdè accommodato subiungit hæc verba: Quapropter etiam nunc innauigabile & intentatum manet illud pelagus, luto paulatim impediente, quod insula submersa euexit. Mirum autem est, quanto desiderio id rogem, quòdnam illud pelagus fuerit, quod tantam & tam vastam terræ molem, quæ omni tum Asia tum Africa maior & prodigiosior, ad hunc vsque nouum orbem exporrecta fuerit, tam facili hiatu ceu bolum ita absolutè absorbere potuerit, vt ne eius quidem vlla vestigia relicta sint, nec ipsi nautæ propter profundissimam abyssum iacta bolide fundum attingere queant.

Sed ridiculosa mea hæc est opera, quam in diluendis iis fumo, quæ aut ioculari animo monumentis literarū illita: aut certè (vt summæ

Plin. lib. 6. c. 5.
Es lib. 6. c. 31.

Platonis auctoritati modestiores non nihil consulamus) philosophico more sic in medium coniecta sunt, picturæ aut parabolæ cuiusdam similitudine, de quadam ciuitate vel cretura in altum, vel ruitura in imum. Quod enim quidam reperiantur, qui Atlantidem insulam fuisse ex eo fundamento probare satagant, quod mare quoddam vel dum hodie Atlanticum dicatur: id admodum puerile est. Notum enim est quibusuis, Atlantem montem in extremis Mauritanix situm esse: de quo Plinius mare illud id dictum esse, industriè contendit: additque, in eius aduerso Atlantidem insulam sitam esse, humilem tamen & exiguam, nec admodum nobilem aut celebratam.

Cap. XXIII.

*Quod multi falsissimè illud statuunt, Indos ex genere
Iudeorum defluxisse.*



4. Esdr. 6. 13.

LONGE autem diuersa per Atlantidem quærenda via est, qua Indiani in hunc nouum orbem pertigerint. Augurantur itaque nonnulli, huius semitæ indicium apud Esdram reperiri: in cuius lib. 4. hæc ferè verba leguntur: Tu autem vidisti eum colligentem ad se aliam multitudinem pacificam; Hæ sunt decem tribus, quæ captiuæ factæ sunt de terra sua in diebus Osæ Regis, quem captiuum duxit Salmanasser Rex Assyriorum, & transtulit eos trans flumen, & translati sunt in terram aliam. Ipsi autem sibi dederunt consilium hoc, vt dereliquerent multitudinem gentium, & proficiscerentur in vltiorem regionem, vbi nunquam habitauit genus humanum: vel ibi obseruare legitima sua, quæ non fuerant seruantes in regione sua, per introitus autem angustos fluminis Euphratem introierunt. Fecit enim eis tunc altissimus signa, & statuit venas fluminis, vsquequo transirent. Per eam enim regionem erat via multi itineris anni vnus & dimidii: Nam regio illa vocatur Arsareth. Tunc inhabitauerunt ibi vsque in nouissimo tempore, & nunc iterum, cum cæperint venire, iterum altissimus statuet venas fluminis, vt possint transire. Propter hæc vidisti multitudinem cum pace.

Hæc itaque Esdræ verba Indis aptare satagunt, dicentes à Deo illos eo perductos esse, vbi nunquam habitauit genus humanum: & terram illam, quam ingressi sint, tanto interuallo distantem esse, vt ad eam obtinendam vnus & dimidii anni profectioe opus fuerit: gentemque illam natura pacificam esse. Hinc indubitata consequentia obtinere volunt, Indos omninò de gente Iudaica esse, quod plerique meticulosi & timidi, superstitiosique & acuti, ac mendaces sint. His annectunt, Indorum quoque habitum vestesque ac facies, Iudeorum omninò similes esse. Nam & ipsos simplici tunica, & quadrato pallio amictos, aut nudis omninò pedibus incedere, aut soleis leuib-

bus, supernè tantùm reuinctis, inambulare. Iam verò, hanc ipsam quoque Hebræorum fuisse vestiendi rationem modumque, tum ex Iudaicis historiis, tum ipsorum quibusdam pigmentis, tabulisque antiquis patere aiunt: ex quibus omnibus haud difficulter monstrari posse autumant, maximam eorum partem hoc modo vestitam olim fuisse. Samsonem ipsum quoque olim, Indorum similia vestimenta saltem poposcisse, tunicas nempe & syndonem, hoc est, vt Hispani vocitant, Camisettam & Mantam, contendunt.

Sed hæc mihi omnia, conceptus animi videntur merè puerilis & phantastici: quæ & ipsa tamen contra ipsorum sententiam longe durius depugnat, quàm vt eã quoquomodo stabilire possint. Primum enim satis probè nouimus, Iudæos vsos esse typis & literis. At his carent Indi. Iudæi auidè pecunias corradunt conquiruntque. At Indi pecuniæ summi contemptores sunt. Iudæi, cum se non circumcisos videbant, circa præputium, Hebræos se aut Iudæos haberi posse apertè inficias ibant. At Indorum præputia in totum integra sunt, nec de ista superstitione quicquam compertum habent: etsi Æthiopes quidem & populi Orientales circumcisionem sibi adhibuerint. Hęc iam ergò inter sese collata, quo modo & qua obsecrò ratione plenè intelligi queunt? Quamabo fit, vt, cum Iudæi de origine & antiquitate sua tantoperè gloriantur, & eandem in altero quoque orbe sedulo asseruent descriptam continuatamque, soli hi in India degentes sui generis, ceremoniarumque & Messiae & Iudaismi, tam turpiter obliti fuerint.

Quod verò deinde dicuntur timidi, superstitiosi, ingeniosi & mendaces esse: ad id prima hæc responsio datur, non omnes promiscuè barbaros ea ingenii malitia esse: sed maximam eorum partem ab his nãuis intimè abhorrere. Nationes quoque quædam Indorum supra modum audaces & confidentes sunt: alię contra fegnes, pauideque. Gentes verò omnes in vniuersum superstitionibus semper deditæ indulgentesque fuerunt. Simplicibus autem vestimentis ideo vtuntur, quod ad faciendâ ea operæ industriæque minimum adhibent: & similia his non solis quidem Iudæis, verum omnibus absolute hominibus primò vsitata fuerunt.

Historia verò ex Esdra citata, si quidem apocryphis libris quid credi par est, sententiam eorum potius destruit, quàm erigit. Decem enim tribus illæ ideò gentium multitudinem fugisse dicuntur, vt suis ceremoniis puriore cultu studere possent. Hi vero Idololatrias superstitiones amplexi sunt. Ipsi vero nostri aduersarii videant, quomodo Euphratis ostia ad nouum hunc orbem aditum fecerint: & an per eadem Indis olim iterum remeandum sit, sicut in allegatis verbis vaticinio prædictum est.

Tandem, quis populum illum quæso pacificum dicturus sit, qui tamen assiduis dissensionibus, bellisq; continuis sese nunquam non

proterere cessauit? Ex quibus haud inconuenienter elicitur, Esdræ apocryphum Euphratem, Platonis de Atlante fabulis nugisq̃ue nihilò felicius & directius homines in nouum orbem deducere posse.

Cap. XXIV.

*Cur prima Indorum origo certò & indubitato
sciri non possit.*



VL Tò autem promptius est ac facilius iis contradicere, quæ ab aliis de Indorum origine in medium afferuntur, quàm proprio Marte indubium quiddam & constans asserere. Nam cum literarum vsus Indi non habeant, nec maiorum suorum, qui fuerint, rata & immota documenta ostendere possint: apud nostros denique scriptores quoque de nouo isto orbe vsque adeo nihil scriptum extet, vt pro certo nonnulli affirmare ausi fuerint, ne homines ibi quidem esse, nec ibi vel terram vel cælum vsquam extare: temeritatis certè is haud leuis accusandus veniret, qui constans quiddam & inambiguum de primis noui orbis habitatoribus proderet sibi præsumeret. Ex iis autem, quæ superius commemorauimus, multò probabilius fiet, homines initiis primis numero rariore quasi sparsim in hunc orbem deuenisse; terræque secundum sua extrema quendam connexum, occasione huius rei dedisse quam maximam: tum principia prima nauigationes quoq; secutas esse, quibus numero vberiore in ea loca homines tandem transuecti fuerint.

Sed & naufragia insignia facta alicubi, huius rei causa esse possunt. Ita vt vtrumq; horum ad occupationem noui orbis concurrere potuisse, haud absurdum videatur. Cum enim illic infinitæ maximæque regiones, adeoque innumeri populi reperiantur: illarum vnâ hoc, aliam alio tempore inuentam occupatamque fuisse, haud inconuenienter statui potest. Vicinitas tamen locorum, & extremitatum cohærentia de Indorum origine omnium certissimè attestantur, quo nimirum modo viaque illò pertransierint. Quod ipsum maximi apud me momenti est, vt adducar credere, nouum hunc orbem haud à multis retrò annorum millibus habitatum fuisse, primosque eius incolas feris & agrestibus potius hominibus, quàm politicis & mansuetis similes extitisse. Causam autem huius eorū transmigrationis hanc fuisse, quod aut de terra natiua sua aberrarint, aut sedes nouas quærere coacti fuerint: quodq; cū illas attigissent, paulatim easdem excolere cæperint, Solius naturæ ductui, cuius tamen lux in ipsis nonnihil quoque obscurata fuerit, parentes, gentilesque patriæ suæ mores quadamtenus retinentes. Et licet fortassis exculta, probeq; morata Republica illuc quoq; venerint, à vero tamen haud absolum est, potuisse eos diuturnitate temporis, & hominum defu-

desuetudine plerorumque rituum & patriæ statutorum obliuisci. Clarius enim est, quàm vt demonstrari debeat testibus adductis, in ipsa quoque Italia Hispaniaque tam agrestes ferosq; homines reperi-
ri, qui præter faciem formamque exteriorem humani nihil omni-
nò habeant. Sic ergo successu temporum fieri potuit, vt apud eos to-
talis tandem barbarismus & plena feritas inundârit.

Cap. XXV.

Quid de origine sua ipsi Indi tradant.



VID de primordiis gentis suæ ipsi Indi sentiant pro-
dantque, scire quidem haud est admodum operæpre-
tium. Nam sua potius illi somnia quàm veram histo-
riam narrare videntur. De magno quidem diluuiio
quodam, in his terris, fama publica fertur. An verò id
vniuersalis ille cataclysmus, quo vniuersus orbis, te-
stante sacra Scriptura inundatus est, fuerit, an verò alius priuatim has
saltem regiones gentesque attigerit, satis clarè non patet. Et quidem
ingentis cuiusdam inundationis factæ expressa quædam vestigia
doctiores obseruant. Ego verò ita arbitror, apud istos barbaros anti-
quissimæ illius Noëticiæ inundationis nulla vsquâ vestigia apparere,
sed id potius diluuium esse, de quo Plato testatur, quod poëtæ Deu-
calioneum appellarunt.

Indi quidem fatentur, diluuiio isto magno vniuersum genus hu-
manum extinctum fuisse. Comminiscuntur etiam quidam, ex vasto
lacu Inticaca olim prodiisse quendam Viracocham, qui sedem sibi
in Tiganace elegerit, quo loco antiquissimorum & præstantissimo-
rum ædificiorum quædam adhuc hodiè rudera visuntur. Hinc au-
tem porrò illum in regionem Cusco pertendisse, vbi genus huma-
num latius propagare cæperit. In eodem lacu Insulam quoq; quan-
dam commonstrant, vbi Solem conditum esse affirmant: quo loco
manifestum est, illam ob causam eos plurimo profuso sanguine
tum ouium, tum hominum mactatorum superstitionis ergò li-
tasse. Nonnulli ex antro quodam per fenestram, sex aut nescio quot
homines à Sole exclusos profiliisse, qui genus humanum ferere
inceperint, nugantur. Vnde locum vel hodie sic dictum, & Pacari-
tambo vocatum esse testantur. Quin & communis opinio ex hoc
inualuit, Tambos ante cæteros omnes homines extitisse, & ab
illis postea Mangacapa, primum gentis Ingarum autorem descen-
disse. Ex duabus hisce principibus familiis secundum illos orti sunt
Hanan de Cusco, & Brincuscque. Narrant porrò, Ingarum Reges,
cum cæteras huius orbis gentes bellis infestarent, hanc suæ expedi-
tionis vnicam & palmariam causam asseruisse, quod æquum esset,
mortales in vniuersum omnes sibi subiici aut subiugari, vt ex quo-
rum

rum familia patriaque omnes orti essent, quibusque vera & genuina religio à Deo patefacta vigeret.

Sed quid istis, longè petitis fabulamentis, ad rem nihil facientibus, opus est? Docti quidem literarum monumentis scriptum reliquerunt, Indos ultra annorum 400. memoriam non habere. ultra quod tempus quicquid sit, eos omninò ignorare. Id quod nemini videri mirum potest, si cogitet, illos literarum vsu omninò caruisse. Quibus hac de causa quoque, quod gestorum suorum nullas historias condiderint meritò donandum est. Et tamen id meritò nobis admirandum est, quod Quipocamaiorum supputationem tam sedulò diligenterque ad hæc usque tempora nostra memoria sua retinuerunt.

Cum aliquando diu auideque percontatus essem, an Barbari isti de primis suis autoribus satoribusque quicquam scirent: ad rem quod faceret, nihil insigne responderunt mihi: credideruntque se in hisce terris natos & educatos esse, nisi fide Catholica reuocarentur, ut dicerent, ex vno semine genus humanum vniuersum defluxisse, ordinante & disponente ita Deo. Authorum quidam haud ignobiles ex causis non leuibus persuasum habent, Barbaros multis seculis regibus omninò caruisse, nec vllam probè ciuilerque institutam Rempubl. habuisse, sed confuse promiscuoque congressu cohabitasse, non secus ac hodiè Floridiani, & Brasilienses, Chiriguani que, & populi Indorum alii quoque, qui nullis certis regibus gubernantur, sed prout belli pacisque ratio poscere videtur, in momento citraque vllam de liberationem Ducem sibi eligunt, & illud omne, quod libidinis petulantiaque stimulus suadet, bonum salutareque arbitrantur. Posterioribus autem seculis viri magnanimi & robusti per tyrannidem ipsis imperare cæperunt, non secus ac olim Nimrod: qui tandem paulatim ita crescentes auctique, huiusmodi quandam Rempubl. instituerunt, qualem nostrates apud Peruanos & Mexicanos offenderunt: qui etsi & ipsi Barbari essent, cæterorum tamen Indorum feritatem confusionemque brutalem oppidò detestati sunt. Sic ergò gentē hanc ex Barbaris potissimum hominibus primum sparsim confluxisse,

genusque suum deinceps ita in immensum protulisse & ampliasse, meritò concludimus.

LIBRI PRIMI FINIS.

DE



DE NOVI ORBIS NA- TVRA ET RATIONE, LIBER SECVNDVS.

Cap. I.

De natura circuli æquinoctialis tractandum esse deinceps.



VM noui orbis pars maxima sub media cæli regione, quam veteres ardētissimam, & ob id inhabitabilem statuerunt, sita sit: plurimum sanè refert, ad naturam moresq; Indorum penitus noscendos, de istius Zonæ conditione & qualitate, tractationem paulò exactiorem institui. Nec enim illorum sententia, qui notitiam rerum Indicarum à cognitione æquinoctialis seu meridionalis circuli dependere arbitrantur, oscitanter temnenda est. Quicquid enim nouus hîc orbis à prisco diuersum habet, id omne à vi & qualitate circuli æquinoctialis illi profluit. Regio verò illa omnis, quæ duobus solstitialibus circulis includitur ad mediam lineam, ceu amussim & regulam, in qua Sol positus vbicunq; terrarum dies noctibus similes facit, censenda & æstimāda est. In his autem tam mira & varia est diuersitas, vt illius consideratio hominem ad indagandas causas veras & propinquas, promptissimè suscitet & erigat: idq; fit multò facilius ex certis & demonstrabilibus conclusionibus quibusdam, quàm ex illis, quæ de his vetus Philosophia tradidit.

Cap. II.

Cur veteres Philosophi Zonam torridam inhabitabilem esse, statuerint.



AM ergò vt à primordiis nostram disputationem deducamus, omnibus in confesso est, tum demum terram incalescere, cum Sol ei propinquior sit. Cum verò longius recedit, eandem iterum frigescere. Et hæc à vicissitudinibus diei noctisque, tum æstatis & hyemis perspicuè docentur. Quò enim Sol terræ vi-

G

cinior

cinior est, eo directius radii eius impingentes, terram vrunt. Id vt media dies, sic cuiuslibet anni æstas euidenter commonstrant.

Hinc iam legitima concludendi ratione extruitur, quod, quò distantius regio quælibet à Solis conuersione recessit, eo naturâ frigidior sit. Sic terras versus aquilonem sitas, omnium gelidissimas esse comperimus: cum e contra, Zodiaco propiores hac ratione calidiores sciantur. Hoc itaque ordine Æthiopia, Arabiam & Africam, Africa Bæthicam, Bæthica, Castellam & Arragoniam, & hæc binæ iterum Cantabriam & Galliam ardore superant.

Hac iam seruata Methodo, necessario consequitur, cæteras provincias, sub conuersione Solis rectâ decumbentes, & eius radiis directis illustratas, absitis longè calidiores & æstuosiores esse. His radiis Solis nonnulli quoque addunt, causam accessoriam hanc, quod intra tropicos duos cælum velocius & citatius, iuxta polos verò tardius moueatur: vt tota illa regio, quæ sub Zodiaco est propter vicini Solis rectâ defluentes radios, & velocissimam cæli conuersionem, & assiduo & grauissimè exuratur. Et quidem hoc isto modo omnia fieri, tum sensus iudicio, tum rationum documentis euinci operose possit.

Quid verò iam de siccitate & humiditate dicemus? Idem certè, quod de qualitatibus prioribus. Euidens etenim est, Solis accessum ficcare, recessum verò humectare. Sed & in temporibus anni, humiditatem cum frigiditate, caliditatem cum siccitate concurrere notum est. Et sicut nox die frigidior est, ita quoque humidior: & iterum, sicut dies calidior nocte, ita siccior quoque. Hyems frigidissima & plerumque pluuiis minans est, cum Sol longius abscessit. Æstas verò, Sole vicinius appropinquante, tum calida, tum sicca est. Quo enim copiosior & intensior ignis est, eo plus coquit, calefacit, siccatur. Quæ Aristoteles & cæteri Philosophi expendent, Zonæ mediæ ardorem intensissimum assignarunt, eamque ætuosissimam, flagrantissimam, aridissimamque esse, scriptis mandarunt. Ex quibus porro recto aporemate cōficitur, quod illic nec vnda, nec pascua quæri, nec pro hominibus idonea habitacula condi extruique queant.

Cap. III.

*Zonam torridam contra veterum opinionem admodum
vdam & humectam esse.*



TSI verò hætenus dicta singula indubitata veritatis speciem habere videantur: nihilominus tamen quod ex illis concluditur, falsum est. Zona enim, quam torridam vocant, reuera inhabitantibus hominibus exulta est: quam pol nos, habitationi commodissimā esse longo tempore experti sumus. Cum

autem

autem ex vero falsum nihil extrui possit: pedem omninò referre, vestigia trita repetere, diligenterque inquirere debemus, vbinam locorum extra veritatis rectam semitam exorbitauerimus. Idcirco primum, quæ rei ipsius veritas, experientia certè patefacta, sit, indicabimus. Deinde (quod difficilius erit) causas, ex intimis Philosophiæ penetralibus eductas, explanare conabimur.

Principio autem certum raturumque videbatur, quod, quò Sol terræ vicinior sit, eò illi siccitas maior inducatur. Et hoc inter priora assumptum erat vltimum: quod tamē ambiguum & falsum est. Nam vel in ipsa Zona torrida nullis vnquam temporibus, frequentioribus imbribus aër horridus est, quàm cum secundum anni rationem Sol illi vicinissimus est. Hoc etsi quidem dictu credituq; mirum aliquibus videatur: citra contradictionem tamen omnem verissimum est, totam Zonam Tropicis inclusam eo saltem anni tempore amænissimam esse, si Sol ab illa longissimè absit. Sic & e contra, nulla anni parte imbres niuesque frequentiores copiosioresque deriuunt, quàm si Sol vicinior adsit, Id quod illis, qui nouum hunc orbem non nouerunt, impossibile citra dubium videbitur. Sed & illis res hæc noua auditu erit, qui quidem terras has triuerunt, sed tamen ita euenire non animaduenterunt. Quorum tamen vtrique experientia infallibili contra vociferante, veritati facilè cessuri sunt.

Prouinciæ Peru, quæ versus polum Antarcticum sita est, Sol longius tunc abest, cum Europæ vicinior est. Id mensibus Maio, Iunio, Iulio, & Augusto, vbi Cancrī Tropicum attingit, accidit. Istis verò mensibus cælum illic tam clarum serenumque visitur, vt spectantes satis mirari nequeant. Tum temporis nec imbres cadunt, nec sparguntur niues; flumina imminuuntur: eorumque nonnulla penitus siccantur: Procedente verò paulò post anno, si Sol ad Capricorni Tropicum diuertit, tunc & niuium imbriumque vis inundat, & flumina augescunt. Vicissim, Sole verticem nostrum rectà tenente, & ex Capricorno egrediente, tum æstus fiunt validissimi: quod à Ianuario ad medium vsque Martium euenit. Nec quisquam est, qui perpetuò istiusmodi in his terris contingere ignoret. In terris autem, vltra æquinoctialem sitis, polumque arcticum spectantibus, planè contrarium experimur, sed per causam tamen eandem contingens. Nam siue Panamam & finitimum illi omnem tractum, siue nouam Hispaniam, siue Insulas Cumbā, Hispanicam, Iamaicam & sanctum Ioannem spectes; clarè certè perspicias, ibi ab initio Nouembris, vsque in Aprilem cælum semper pacatissimum serenissimumque esse, quod Sol apud hunc Tropicum ab iis locis se maximè disiungat. Econtra verò, horribiles tum nimbi tum imbres à Iunii principio vsque in Septembrem fiunt, quod radii solares, eo tempore vigentes, obliquè mi-

nus, magisque propinque ea climata feriant. Idem illud in India Orientali quoque annotare licet, quantum quidem ex literis, inde allatis intelligere potui. Et licet alicubi fors contrarium ex causis diuersis aliquando eueniat, ea tamen, quæ dixi, pro regula perpetua & immota retinenda sunt, nempe quod in media Zona torrida magna siccitas ariditasque Sole recedente sit: & quod eodem redeunte, humiditas vberissima accidat, ita vt vna quælibet regio, prout Solem vel vicinum vel remotum habet, pro eo vel humida vel arida existat.

Cap. IV.

Extra Tropicos humiditatis abundantiam propter Solis recessum potissimum fieri: cuius contrarium fit in Zona torrida.



XTRA tropicos autem contrarium accidit. Nam & imbres, & frigora, æstusque & siccitas plerumque concurrunt. Id & in Europa, & orbe illo omni manifestum est: nec secus habet etiam in hoc nouo orbe. Regio id testatur comprimis Chyle, quæ etsi vltra Solstitium Capricorni totidem cum Hispania gradibus alta sita sit, attamen easdem & æstatis & hyemis leges habet, hoc vno excepto, quod æstium, & brumale tempus inter se diuersa sint. Polum siquidem eum respicit, qui Hispanico oppositus sit. Ita ergo, si Sol longius abscedit, tunc copiosi imbres, & emergens frigus hyemem faciunt, ab Aprilis initio incipientem, & in Septembrem vsque excurrentem. Æstus verò ac siccitas fiunt Sole conuersim eodem redeunte, non secus ac in Europa fit. Hinc fit, vt Chyle regio, tum fructibus, tum hominum ingeniis, Europæ similis sit. Idem in ea terræ parte quoque accidere dicitur, quæ intimam Æthiopiam cuspidis modo vsque ad celeberrimum promontorium Bonæ spei exporrigitur. Et hæc verissima quoque immodicè Nili exundantis, de quo tam multa & anxia disputantes veteres, nihil tamen certi scire potuerunt, causa fuit. In illa quandoquidem regione, circa Aprilem, Sole Arietem occupante, brumales imbres increbescere incipiunt, qui partim ex niualibus, partim ex pluuiialibus aquis paludes, ex quibus Geographorum vera commonstratione fontes Nili emergunt, opulentes, Canalemque turgescientes, longo tractu profluunt, & circa æstatem potissimum, post mensium aliquot spatiū oras Ægyptiacas, ad alterum Tropicum sitas, profusè irrigant, easdemque exundationibus suis foecundas reddunt. In America Pariguay fluuius est, qui & ipse quotannis Nili more effunditur turgescens, postquam imbribus copiosis, in montanis præcipuè diruentibus, nimio operè auctus est. Hic nonnunquam ita exuberat, vt omnes omnino campos perfluat,

Nili exundationis quæ causatur.

Pariguay fluuius.

fluat; adeò, vt homines suas sedes aut habitacula deferere, eoq; temporis decursu in linitibus se continere omninò cogantur.

Cap. V.

Intra binos tropicos æstiuo tempore imbres frequentes cadere: & qua hyemis æstatisq; ratio vel supputatio sit.

PRÆDICTO modo ver calore & siccitate, hyems autem frigore & humiditate, in duabus illis regionibus similes: In Zona autem torrida dissimiles sunt. Imbres enim multò frequentiores sub æstatem cadunt: & cum frigore (ita voco calorem tēperatum) gliscit serenitas. Ex quibus consequitur, in Europa hyemem imbribus & rigore squalidam, & vicissim æstatem calore & siccitate lætiorē esse. Vnde quoque communi more loquendi tempus imbriferum hyemem; siccum verò aridumque æstatem appellare fuerunt. Sed falluntur. Prætendunt etenim, in montanis Peruensibus ab Aprili in Septembrem durare ver, quod eo temporis decursu pauci imbres pluuiæque aërem turbent, & optata plerumque serenitas sit. Hyemem verò à Septembri in Aprilem definiunt, quod frequentes imbres in illa cadant. Sic ergò statuunt, in montanis Peruensibus æstatem tunc esse, cum in Hispania nec æstas nec hyems sit. At si Sol nobis viciniſſimus, rectà supra verticem constitutus sit, tū mediam hyemem esse credunt, quod imbres copiosiſſimi sint. Hoc quidem, etsi ridiculum: attamen nimis vulgatum est. Æquæ enim ac dies noctesque solis in nostro hemisphærio tum accessu tum recessu definiuntur, nimirum secundum primi mobilis motum: sic necessario quoque, tum hyems, tum æstas definientur ex solis vicinia vel distantia, secundum circumuolutionem annuam, soli propriam & genuinam. Sic reuera hyems est, cum longius Sol recessit: & reuera æstas, cum nobis iterum vicinus sit. Sed & æstus & frigus quoque solis accessum discessumque de necessitate comitantur. Humiditas tamen & siccitas haud æquè necessariò. Ex quibus omnibus iam euidentissimum cuius est, hyemem apud nos Americanos (quod præter opinionem vulgatam est) lenissimam & lætissimam, æstatem autem pluuiosissimam: nec vt vulgus putat, hyemem nōnihil calidiorem, verò frigidiusculum esse. Pari quoque errore hyemem montanam à maritima in Peruensi hac prouincia disseparant, dum aiunt: in humiliore hac & maritima ora hyemem vigere, cum in montana ver est, mensibus nempe Aprili, Maio, Iunio, Iulio, & Augusto, ideo, quod montana illa omnis regio tum temporis serenis solibus collustretur. cum tamen iisdem mensibus, loca maritima densis & obscuris ingruentibus nebulis frequentissimè offuscentur.

Hyemis verò æstatisque rationem à solis accessu recessuque de-

finiri, nobis scitu omninò opus est: quæ cum eodem tempore in tota hac prouincia fiant, non est cur alibi hyemem, alibi ver esse arbitrentur. Sed de verbis nobis nulla litigatio suscipitur. Nomina illi suo libitu imponant adimantque, tum & æstiuæ hybernæque tempora à serenitate potius & lenitate quàm calore definiant: dummodo, quæ ipsa rerū veritas sit, certò compertū & exploratum constet.

Cap. VI.

In Zona torrida tum aquatum pascuorum abundantiam esse, quicquid reclamatione Aristoteles.



ZONA quidem torrida ita humida est, vt viuis copiosissimisque scaturiginibus tractus cæteros plerosque longè exuperet. Ea hîc loca excipio, quæ aut sabulosa omninò, aut penitus deserto solo exusta sunt: quod in cæteris quoque mundi regionibus similiter experimur. De cælestis quidem aquæ abundantia, vt de imbribus, de niuibus, de pruinis, in Peru frequentibus, satis nobis in superioribus dictum est. De terrenis verò, vt sunt lacus, fontes, fluuij, paludesque, hætenus nihil commemorauimus. At enim verò, cum inferiores aquæ superioribus plerumque coæstimentur, res intellectu haud ita difficilis erit. Viuarum ergò scatebrarum tam numerosa frequensque soboles in his terris est, vt ne in vlla quidem vniuersi orbis parte aut plures aut latiores fluuij reperiantur: nusquam palustrium locorum maior molestia sit. Loca siquidē in America quàm plurima lata diffusaque propter obstantem aquarum copiam habitari non possunt. Flumina enim, imbibitis frequentissimis æstiuis imbribus turgescunt, exundantiaque, omnia quoquo versum operiunt. Idem & limosæ paludes facientes, in causâ sunt, vt ne tutum quidem in quamplurimis locis vestigium ponere liceat. Hinc fit, vt, qui ingentis fluminis Paraguay (de eo supra quid diximus) accolæ sunt, si annum eius incrementum præsentiant, in lintres & scaphas suas se recipere cogantur, in quibus, succensis pro vsibus necessariis ignibus, tribus ferè mensibus integris sese continent. Fluuio decrescente, & in alueum se recolligente, ad vda sua & cœnosa habitacula redeunt. Fluminis huius tanta nobilitas est & magnitudo, vt vel cum Nilo, Gangève, aut Euphrate collatum, ea coniuncta omnia longè exuperet.

Paraguay magnitudo immensa.

Fluuus Magdalena insignis.

Quid autem de flumine Magdalenæ, iure magno vocato, & intra S. Marthæ Carthaginisque portum in mare se exonerante, dicam? A quo cum ad stadia 120. adhuc abessemus in alto mari, discrimen fluuiialis vndæ, à maritima nondum euctæ aut cum eo commixtæ, stadiis circiter 60. exactè interstinximus: quod nobis haud leui admirationi fuerat. Sed de præsigni hoc fluuio filescentes, hoc loco de alio,

alio, Amazonico dicto, aut Maranonio, aut Orellano, verba faciemus. Is ab Orellana & Maranono, viris Hispanicis repertus est. Quē tamen an fluuium commodius dicam Oceanumve, ambigo. Imbres ille excipit, ex montanis Peru deuolutos, vt & flumina alia, vndecunque in eum se insinuantia. Patentissimos autem campos, regionum Paytiti, Terræ aureæ, Amazonumque permeans, tandem iuxta insulas, Margaritam & Trinitatem in mare se effundit: qui ante influxum suum in tantam latitudinem excurrit, vt multas magnasque insulas in medio sui relinquat. Et, quod incredibile sit, si ex medio fluuio oculos quoquo versum contorqueas, præter fluuii vndam & aërem nihil vsquam apparet. Aiunt præaltos quoque montes, in littore positos, non conspici posse. Hæc ex societatis nostræ quodam, ita comperta habemus, qui, adhuc infans olim, naufragio & seditioni Petri Orsuæ, & peruersi Didaci Agirrii interfuit. Ex quibus tamen diuina prouidentia in commodum nostrum opportunè seruatus est.

Huiusmodi itaque fluuii in Zona torrida frequentes sunt. quam tamen Aristoteles, & cætera antiquitas omnis, aquarum pascuorumque omnino inopem credidit. Quia verò à me mentio facta aquæ Maranonii est; non inconueniens arbitror, vt & de lacu Intitacaca, vulgatè quidem, sed tamen perperam Titicaca dicto, nonnulla perensem. Hic medius in superiore prouincia Peruana Collao situs est: & plus quàm decem magnos fluuios ebibit: exitum habens non latum quidem, admodum, sed tamen pro communi opinione profundissimum, propter cuius profunditatem pons nullus superstrui commodè potest. Sed & rapidissimi illius vortices impediunt, quo minus supernè nauibus traici queat tutò. Indi tamen peculiari quadam & admiranda industria illum transmittunt, hoc modo: Pontem, ex meris iuncis contextum, aquæ imponunt. Is nullis fulcris incumbit, sed suberis in morem vndæ innatat, nec propter leuitatem suam vnquam mergitur. Hæc traiectio & tuta ipsis & facilis est. Ambitus lacus 2400. stadiorum est: latitudo verò, qua maxime patet, 220. stadiorum. In hoc insulæ quædam sunt, olim quidem habitatæ & fœcundæ: nūc verò desertæ certi generis iuncos immensa copia ferunt, Indis Totoram dictos, & ad plurima vtilis. Nam Totoram, tum suis, tum pecoribus aliis pro pabulo est. Ex eadē hominibus quoque gratus cibus quæritur. Eadem domibus quoque focisque, & vestibulis, ac nauibus condendis seruit. Imò vna Totoram Vris (id nomen est circa lacum habitantium) vniuersa propè vitæ humanæ commoda sufficit. Hi à cæterorum hominum consortio ingenioque se vsque adeò segregarunt, vt aliquando, quānam essent, interrogati, serio nobis responderent, Se vros esse, non homines: arbitrati nimirum sibi longè genus aliud quàm hominibus, nec cum his sibi quicquam commune esse. Vrorum discreti greges aliquot, in medio

Amazon fluuius vastus.

Intitacaca lacus.

Totoram iunci genus, commodissimum.

Vri, qui?

medio lacu, iunceis in scaphis, ceu domibus habitare inuenti sunt. Harum plures colligant, & ex rupe seu fude reuinciunt. Vrorum gens vniuersa nonnunquam loco suo emigrat, & patriam commutat. Eadem cum aliquando quæreretur, sedem suam pridianam deseruisse ita visa est, vt ne illius vestigium reliquum fuerit. quo facto inquisitorum curiositatem & laborem eludere voluit.

Paria lacus.

Ab hoc lacu milliarium 50. spatio distat alius, multò minor, Paria dictus, tam magnus tamen, vt aliquot insulas contineat. Cuius quò excursus sit, nemini exploratum est. Multi sibi persuasum habent, quod per abditos subterraneos cuniculos in mare australe se surripiat: in rei fidem faciendam fluuium alium magnum adducentes, qui desubito in mare se præcipitet, nullo tamen fonte, vnde scaturiat, conspicuo. Ego autem id magis vero cõsonum arbitror, aquam illam lacustrem, ab efficacissimis solis radiis exorberi.

Sed hîc se nostra digressio contineat. Nam ex hæcenus dictis perspicuè demonstrari potest, mediam hanc Zonam, immerito aquarum inopem aridissimamque accusari: cum & cælesti aqua, & è terra erumpente plus aliis locis abundantissimè irrigetur.

Cap. VII.

Causa propter quas Sol, intra Tropicos decurrens, humiditatem: extra eosdem verò decurrens, ariditatem inuehat.



I, cur æquinoctialis regio contra omnium veterum sententiam humidissima sit, longa & attentiore disquisitione apud me causas inquirō: certiores fanè & firmiorē aliam nullam inuenio, quàm solis ipsius radios flagrantissimos quidē & efficacissimos, quorum vi ex vasto immensoque Oceano vaporum vis maxima subinde eliciatur: qui elati continuo in aëria regione cogantur, & in aquam vertantur. Nam & plurimis & potentissimis rationibus euinci potest, quod flagrantissimi ardoris vi imbres in Zonam torridam frequentiores deruant. Ex præcipuis autem illa est, quam superius adduxi, quod eo nimirum anni tempore, quo Sol supra verticem consistit, imbres frequentius cieantur: deficient autem cessentq; eo longius recedente. Sic ergo pluuiæ à Solis vi valida producantur. Præterea longa quoque experientia obseruatum est, quod in America circa meridiem, cum solis radii violentissimi sunt, imbres emergere soleant: cum tamen illorum per omnem auroram nullus metus sit. Quæ causa est, cur peregrinantes de mane iter suum conficiant, & illud vsque ad diem medium tuto continuent. Et hoc omnibus quidem Peruanis notum est. Quid verò de illo hîc commemorabo, quod à sapientibus viris percensitum est, vsu longo nimirum

mirum ita cognitum esse, in his regionibus tum demum imbres frequentissimos esse, cum Luna in vigore suo perstat? Nam & nostra id confirmatum experientia est. Itaque & annus, & mensis, & dies, hoc idem æquo suffragio attestari videntur, quod scilicet, intra ipsos tropicos summa ardoris vi imbres potissimum generentur.

Postremò in artibus quoque idem similiter vsu venire videmus: comprimis autem in Medicina, si ex herbis aquæ in vsus sanitatis eliciuntur. Ignis enim violenta vis magnam copiosamq; vaporum abundantiam progignit, quos tandem in aquam cogit. Idem fit etiam, si argenti viui opera aurum argentumque depurantur. Namq; si debiliior sit ignis, nihil propè exudat, si fortior sit & intensior, liquoris multum profluit, materiaq; illa, quæ in fumum primum resoluebatur, post alterata inq; aquam conuersa, desuper destillat. Ideoq; si vis ignis materiam sibi commodam aptamq; nacta est, hanc vna secum arripit; & si quid obstet, quo minus extractum id absumatur, in pluuiam continuò cogitur. Etsi verò hæc sibi quadamtenus cōtraria videantur, solem nimirum propter vicinitatem suam in Zona torrida pluuias excitare, & extra illam easdē sedare: probè tamen considerata inter se non pugnant. Effectus enim Naturæ plurimi à diuersis omnino causis, modo diuerso, producantur. Vestis vda & madida à vento frigido æquè exiccatur, ac à calente igne. Lateres tam à frigore, quam calore coquuntur. Motus temperatus somnum inducit: nulla verò aut immodica exercitatio somnū tollit. Ignis, si materia aut fomite careat, extinguitur. Idem fit, si materia iniiciatur copiosior. contra, lignis æquis & sustentatur & alitur. Oculis si quid vel nimis propinquum, vel nimis distans sit, non cernitur. Mediocri interuallo distans, rectè videtur. Solis radii ignauiores ex fluminibus nebulas nō attollunt. Fortissimi, quod extraxerunt, consumunt. Mediocres & trahūt non nihil, & seruant. Qua de causa etiam nebule nec per noctem, nec per meridiem generantur, sed plerunq; sole clarius splendente.

Simili profectò ratione ipsa natura plurima nobis exempla suppeditat, vt modum intelligere possimus, quo ex cōtrariis causis aliquid fieri vel non fieri queat. Qua de causa non admodum miremur, si sole absente à nobis, pluuiæ sint, & simul eodem viciniore eadem incumbant, mediocritate autem illius eæ potius discutiantur. Sciendi tamen cupido interim animos nostros assiduò vellicat, quæritq; quæ causa sit, quod & longius à torrida distans Sol pluuias inducat, & idem faciat quoque Sol torridæ intimus. Sed quantum ego intelligo, proxima rei hæc causa est, quod solis in regionibus extra tropicos sitis, tanta vis non sit, vt vapores à terra prolectos & eleuatos absumere possit. Magna itaque copia in sublime euolant, & occurrentis frigoris vi condensati, paulatim in pluuias fatiscunt. Nam & Sol à locis illis longius distat, & dies breuiiores, noctes autem productiores sunt. Sol verò si iam propior fiat, tum caloris tanta vis est, vt

H humo-

humores quoque vndeunque proliciat, segreget, & in halitum dissipet. Cui deinde accedit etiam dierum longitudo. Intra ipsos e contra tropicos, seu in Zona torrida Sol ipse vel absens quidem tantæ efficaciam est, quantæ est in locis aliis præsens. Vnde etiam tunc eadem ratione siccitas fit. Solis verò radii si rectà in nos ibi incidant, non propterea, vt fieri necesse esse videtur, magna siccitas sequitur, sed repentinè potius & violenti imbres producuntur. Sol enim exquisito suo calore ardoreque ex immenso Oceano terræ humoris quàm plurimū attrahit, qui in halitum solutus, nec ventorum impetu diffusus, facilè iterum coit, & in pluuias magnas degenerat. Intensa enim caliditas leui momento vim vaporum maximam elicere potest, quam tamen æqua facilitate, non potest dissipare. Sic ergo fit, vt vapores, sursum eleuati, propterque copiam suam non euiecti, in pluuias cogantur. Id quod ex opposito exēplo cōmodius intelligi potest. Nam quādo aut suillæ, aut vitulinæ, aut pingues aliæ carnes ad ignē torrentur, tum si is paucus sit, adipem destillare videbimus, hac ex causa, quod calor humorem attrahere quidem, sed præinopia non absumere valeat. Igne contra & multo & vicino existente, nihilominus tamen guttatim caro extillat, sed ex causa tamen contraria, quod nimirum maxima ardoris vis tantam humoris copiam proliciat, vt stillatim ille defluat. Moderato autem igne subiecto, & eodem longius distante, carnem quidem iustè coqui videmus, sed ita, vt nulla propè humiditas exudet. Vnde coquinariæ artis hæc regula est, vt nec nimis validus, nec nimis languidus, sed temperatus ignis subdatur, & vt is sibi semper æqualis sit. Ita enim sensim imperceptibiliterque humores absumuntur. In cereis candelis idem nobis obseruare licet. Nam si eius flamma æquo maior sit, ceram liquat. Lignare enim potest, non absumere. Flamma autem cum cera æqua proportionē concurrente, liquatæ eius nihil defluit: quod, quantum flamma dissoluit, tantum continuò absumit.

Ex his itaq; iam id clarè elucet, cur in æquinoctiali intensissimus ardor humiditatem conciliet, quam in aliis tamen locis caloris inopia producere solet.

Cap. VIII.

Quomodo, qua hætenus de Zona torrida dicta sunt, intelligenda veniant.



SIC VT in Phisicis causarum disquisitionibus nō perpetuò immotus Mathematicusque demonstrandi modus exigitur, sed id, quod vt plurimum ita euenit, pro iudicationis lege normaue persæpe admittitur: sic in hoc quoque casu, quo Zonam intra ipsos tropi-

tropicos inclusam, humidiorē esse, aëremque tum temporis im-
bribus tristiorē fieri, si sol proquinquissimus est, dicimus, ita dicta
accipiēda sunt, quasi hæc, vt frequentissimè aut parte maxima ita
contingant, euentusque certa obseruatione notari possint. Nec ta-
men, quod in his natura sibi reseruauit, inficiās ire possumus, quod
in hac ipsa quoque Zona loca nonnulla valdè arida reperiantur. Vt
enim commemoratum est superius, Æthiopix incolæ, & illi, qui in
Peru secundum maris littora versus austrum confederunt, istius plu-
uiarum beneficii omninò orbi sunt, nisi fors valles aliquot excipias,
à fluminibus montanis irrigatas. Cætera omnis regio sicca & arida
est, rarissimis scatebris donata. Quarum etsi fors alicubi quædam e-
mergant, paludum tamen profundissimarum speciem potius nactæ
sunt. Cur verò hæc terra pluuiis perpetuo careat, cū mirentur quam-
plurimi, eius rationem exactissimam deinceps pandere decreui.

Pro hoc ergò exemplo nonnunquam fors accidere potest, vt intra
vtrumque tropicum, Sole etiam absente aliquando pluat: aut eodem
propinquate, siccitas sit. Quod sanè, si perpetuū esset, tū ipsius terræ,
adeoq; subiectę materię qualitati singulari id omnino ascribendum
foret. At verò, cum iam hoc modo, alias alio isthæc eueniant, intelli-
gere haud difficile est, naturales causas aliis contrariis fortioribus o-
mninò impediri. Sol quidem etsi pluuias cieat, eas tamen obortus
ventus dissipare facillè potest: quod ita fieri sæpè videmus. Idem quo-
que ventus, contra naturam suam, maiores vicissim pluuias suscita-
re potest. Ventorum enim tum origines tum virtutes operationesq;
diuersæ sunt, qui propterea persæpè consuetum anni temporum or-
dinem immutant. Et cum vbiuis locorum pro diuersorum planeta-
rum & aspectuum ratione insignes mutationes fiant, nemo nos bo-
no iure reprehendere poterit, si in nostris de æquinoctiali habitudi-
ne obseruationibus, similem quoque rationem prætendamus. Illud
autem, quod comprehensum est, veritatem perpetuam habet, quod
intra tropicos existens Zona multò humidior sit, & quod tum ma-
ximè humiditas exuberet, si Solei vicinissimus est.

Cap. IX.

*Zonam torridam non excessiue, verum moderatè
calidam esse.*



ACTENVS de Zonæ torridæ passiuis qualitatibus,
siccitate nimirum & humiditate differuimus. Iam
porrò de actiuis quoque, calore & frigore nonnihil
dicendum est. Eam autem in extremis gradibus tum
calidam tum siccam à veteribus definitam fuisse, in
disputationis initio attigimus. Nos contra apertè
profitemur, æquinoctialem quidem humidum & calidum esse; sed

calorem tamen maxima ex parte temperatum obtinere. Id quod impossibile dici possit à non experto. Ego, cum in Indiam primum nauigare, Philosophicis placitis ita edoctus antea, metuebam, vt, si æquinoctialē lineam traiecissem, eius intolerabilem ardorem sustinere possem. Sed breui mihi contrarium experiri licuit. Ita enim me frigora concutiebant, vt quærendis non effugiendis solis radiis mihi rigenti opus esset. Et hoc patiebar tum, cum Sol in media linea seu Ariete decurreret, mense Martio. Hinc ergò omnem Philosophiæ Aristotelicæ de Meteoris doctrinam explodere mihi occasio fuit: cum præter me, comites quoque experientiores nostros frigus intentum vreret eo loco & tempore, quibus secundum Philosophi opinionem summus ardor, summa flagrantia glisceret. Ita verò res habet: Nulla in vniuerso orbe terra temperatior, nulla delectabilior aut clementior regione est æquinoctiali. Quæ tamen & ipsa diuersa est, nec vbique sibi perpetuò similis. Hoc enim loco, ceu in sui medio, terra variè, non secus ac apud nos, temperata est: alibi mirè frigida & rigida, vt apud Potosienses. Alicubi ardentissima est, vt apud Æthiopas, Brasilianos, & Maluchianos. Quæ omnia si quis diligenter accurateque expendit, longè aliam quàm solis radios, caloris frigorisque causam quærere cogitur. Manifestum siquidem est quod eodem anni tempore persæpè in locis nonnullis, sub longitudinis eodem gradu sitis, summus ardor æstusque sentiatur, in aliis calor temperatus sit, in aliis iterum frigoris nulla remissio speretur. Atlantidem suam quidem, quam Critias tantoperè deprædicat, Plato vltra Tropicum exporrigi tradit, additque, eam quibusdam anni temporibus soli subiacere: & tamen nihilominus, eam felicem, temperatam, & rerum omnium feracissimam pronunciat. Plinius ait, Taprobanam sub linea æquinoctiali sitam esse, vt reuera est: & tamen iuxta illam non solum opulentissimam & feracissimam, verum etiam tum hominibus tum pecoribus plenissimam esse subiungit. Ex quibus apparet, veteres, etsi quidem vulgatam illam de summo Zonæ torridæ ardore sententiam animo aluerint, secum tamen ipsis contrario bello sæpe depugnasse, & contraria attulisse: cum certè retrò collecta cogitatione, Zonam illam habitationi hominum non esse incommodam, faciliè concludere potuissent.

Hæc res, eximio quidem Cosmographo Ptolemæo, nonnullis aliis sanioribus Philosophis, ipsique Auicennæ aliquatenus quasi per somnium in mentem venit. Nam literarum monumentis post se reliquerunt, sub æquatore habitationem longe suauissimam esse.

Cap. X.

*Natiuam Zona torrida caliditatem partim frequentia im-
brium, partim dierum æstiuarum breuitate
attemperari.*



Am ergò, hæc ita se habere, nemo dubitat: maximè ab orbe nouo toties & à tam multis peragrato. Veruntamen naturæ prouidæ ordinatione ita cõstitutum est, vt quantò incredibilius quoduis, hominum experientia præter vulgarem opinionem patefacit; tantò maior cupido in nobis suscitandarum causarum illarum oriatur. Nam scire omnes desideramus, cur quædam regio, quæ solem sibi oppositum in propinquo habet, non saltem sæpius temperata, verum & nonnunquam tota frigida sentiatur. Zonæ quidem torridæ conditio duas plerumque causas habet, propter quas inæstimabilis eius ardor admodum temperetur. De prima iam dictum est, nimirũ, quia magna ex parte pluuiosa est. Iam verò omnes in vniuersum imbres refrigerare, cum aqua natura sua frigida sit, facile credi potest. Et licet ipsa quoque aqua, si extrinsecus vis ignea appellat, incalcescat: nullo tamen dubio eadem immensum ardorem, à Solis flagrantissimis radiis inductum, refrigerat aut extinguit. Id omnes terræ siccæ & aridæ, cuiusmodi interior est Arabia, quæ à solibus ætiosissimis & ardentissimis ideo quasi torretur, quia illorum vis ignea nullis imbribus alternis corrigitur, docent. Ideo nubes etiam vrentis solis feruorem arcent: & imbres ex nubibus prognati, tum aërem, tum terram abundè humectant refrigerantque. Imbres enim etsi quidem calidi delabantur, nihilominus tamē pota eadem aqua, tum sicim tum ardorem extinguit, cuius rei experimentum nostrates aliquoties in magna vndæ inopia fecerunt haud friuolum. Sic ergò tum rationibus tum experientia consentiente constitutum sit, pluuias ardoris æstusque mitigandi manifestam vim habere. Et cum suprà euicerimus, torridam regionem præ cæteris pluuiosam esse, iusta causa est, cur opinemur, in illis non leuem temperandi feruoris causam vimque collocatam esse.

Sed vt ad causam secundam quoque progrediamur, sciendum est, eam ita compositam esse, vt ad quæstionis præsentis difficultatem explanandam non parum factura sit. Quam vt paucis includam, dico, Æquinoctialem soles quidem ardentissimos perpeti, sed feruores tamen esse breuissimos. Ex quo fit, vt, cum diurni caloris tempora minora aut breuiora sint, non vsque ad eò exurant & inflament. Sed curtiore hæc & obscurior sententia longius dducenda, & clarius explicanda est.

Qui de rebus Sphæricis tradunt, verè recteque docent, quando est

obliquior Zodiaci ascensus in nostro Hemisphærio, dies noctesque inæqualiores fieri : Et vicissim, sphæram rectam tempora facere æqualia. Hac de causa omnis hæc Tropicis inclusa regio minores diei noctisque inæqualitates patitur. Quod quidem tanto certius fit, quantò illa Æquatori propior est. Id nos hic agentes indubitato ita comperimus. Nam Quitenses, lineæ omnium viciniissimi, toto anno dierum noctiumque ne tantillum quidem discriminis experiuntur. Limenses autem, sub gradu ferè duodecimo agentes, in Decembri & Ianuario dies noctibus vna hora longiores habent. In Cusco degentes & Potosi, longitudinem & breuitatem dierum, tum æstiuum, tum brumalium, exquisitè internoscere possunt. At verò qui extra tropicos confederunt, dierum longè maiorem certioreque dissimilitudinem experiuntur. Qui, quò à linea æquinoctiali absunt longius, & ad polos propius concesserunt, eo per æstatem dies habent longiores. Hac quoque de causa, in Germania & Anglia dies æstiu longè productiores sunt, quàm vel in Italia aut Hispania.

Hæc ergò omnia cum & ex fundamentis Sphæricis ita constent, & expertis vsus idem confirmet quotidianus : illis alia quoque propositio, æquè manifesta & certa addenda est, nempe, quod ad omnia naturalia effecta causa efficiens, diu perseueras, & operi incumbens, plurimum polleat.

Porro, cum in regione æquinoctiali subiecta, dies æstiu breuiiores sint quàm in vlla alia Zona: cumque nox ipsa, suapte natura frigida & humida, diei æqualis sit: ideo, si ex me quis quærat, sub torrida Zona cur non tanti æstus incidant, quanti (exempli causa) in Bæthica mensibus Iulio & Augusto: his equidem paucis responsurus sim, Bæthicam eo tempore soles habere longiores, noctesque concisiores. E contra verò Peruenfis nostra prouincia in æstate media dies breuiiores, noctes verò longiores, quàm Bæthica habet: ita vt dies omnium longissima vix horas completas tredecim habeat. Apud illos autem dies horarum quindecim completarum est. Itaque, etsi, quod calorem attinet, propter solis vicinitatem iis præstemus: attamen & ipsi nos solis diuturnitate aliquantò superant. Et certè, mediocris ignis, diutius durans, grauius vrit, quàm maior, flagrans tempore breuiore, maximè si à causa frigida, & vi contraria diutius inhibeat. Has ergò veras & genuinas duas obseruationes, nempe de torrida pluuiis frequentibus, & dierum æstiuarum breuitate, qui lance equa exactaque trutinat, is haud dubio existimaturus est, rectitudini & propinquitati radiorum solarium in ratione caloris mouendi sedandi que, duo illa non magnopere cedere.

Cap. XI.

Temperata torrida Zona alias quoque priuatas causas, atque ex ijs Oceani vicinitatem primariam esse.



Væ à nobis hætenus dicta sunt, ad temperatæ Zonæ torridæ demonstrationem communia fuerunt. Sed non omnis tamen regio, sub meridiano sita, vbi-que æqualiter temperata est, verùm omninò in locis aliquibus valdè calida, in aliis frigida sentitur: vt non immeritò quis admirari queat, Clima idem hoc loco feruidum, illo frigidum, alio temperatum esse, idque tempore planè vno eodemque. Hinc itaque summa necessitate compellimur, vt præter generales hætenus allatas causas, alias quoque peculiare adducamus, cur torrida plaga huiusmodi euariationes & diuersitates admittat. Et quidem penitus accuratiusque rem istam pensanti, causæ ferè tres euidentiores, & quarta obscurior sese offerunt. Inter notas autem tum Oceanum magnum, tum terræ situm conditionemque, tum ventorum vim naturamque refero. Præter quas deinde abditam quandam secretamque regionum proprietatem, & peculiarem à cæli dominantis desuper moderatione vim efficaciamque addendam censeo. Considerandum autem est expendendumque, sub Zona torrida non tantum Manomotapam, verum & ipsum pretiosi Ioannis regnū vi solis aduri grauitur, vt omnes istarum terrarum incolæ atro colore tincti existant: idemque in iis etiam insulis, quas mare vbi-que sustinet, fieri consimiliter. Eius generis sunt, Insulæ S. Thomæ, sub linea media. Et Cabo de Verde: in quibus æquè manifestus ardor, homines atro colore inficit. Econtra autem sub eadem quoque linea insulæ & continens prouinciæ Peru, à Granata & Popaiana prouinciis, vsque ad Limæ prouinciam sitæ, temperatæ sunt, & nonnunquam frigidæ, ita vt in illis homines colore albo nascantur. Tum & Brasiliensis prouincia, quæ Oceanum Borealem spectat, valdè calida est: Peruana verò nostra, quæ & ipsa æquè sub eodem climate versus Oceanum australem sita est, temperata est. His iam documentis generalibus, qui non acquiescere potest, is scrupulosius rem secum ipse euoluēs istius summæ diuersitatis causam sibi ipsi accuratius sub oculos deponat. Mare verò etsi quidē sua natura falsum sit, nihilo tamen minus reuera frigidum est. Cuius rei causa longius quidem minimè petenda est, sed ex qualitate, omni aquæ natua & genuina, simpliciter desumenda venit. Ea autem gelida frigidaque est, nemine dubitante. Radii verò solares, ab aqua, quæ & fluida & tenuis est, multò leuius, quàm terreæ materiæ obiectu refringuntur: id quod ad caloris vel intensiorem vel remissionem demonstrandam plurimum facit. His & illud accedit, quod immensa

Oceani

Oceani profunditas obftet, quò minus illæ aquæ vi & ardore solis probè incalescant: velut id in minoribus fluminibus videre licet. Eodemq; modo, vt ab iniecto nitro (quod genus salis est) aqua oppidò refrigeratur: Sic marinam aquam refrigerationis potestatem habere, experientia discimus. Vnde bibuli, & strenui potatores, lagenas aut scyphos suos, aqua vinove completos, ad maiorem frigiditatem illis conciliandam, in vndam marinam demergere sueuerunt.

Ex quibus omnibus perspicuè emicat, quod ad caloris vim restinguendam frigusq; inducendum Oceanus momenti plurimum habeat. Quod vel eo confirmatur vberius, quia supra terrā omnes magis, quam super vndam meantes æstuamus, modò cætera quoque paria sint. Omnes etiam maritimæ regiones mediterraneis tum temperatiores, tum habitatu suauiores esse sciuntur. Cum verò pars orbis noui maxima, etiam ipsi torridæ subiecta, aut ad ipsum Oceanum sita sit, aut ab eo ad minimum humectetur: omnimodò statuendum est, quod beneficio & operatione aquarum finitima omnia temperentur & corrigantur.

Cap. XII.

Terram, quò altior, eò frigidior esse: & quæ huiusce rei causa sit.



Æc si cogitatione seriore examinemus, æstum non modò similem, sed omninò dissimilem inuenimus in terris, eadem distantia tum mari vicinis, tum eidem amotis. Hæc ergò, qua fieri ratione putabimus? Hac certè vnica, quod terra depressior ad solis calorem accipiendum aptior sit: elatior verò, penetrantibus frigoribus magis pateat. Et quis est, qui ignoret, suprema mōtium cacumina profundis vallibus multo frigidiora esse? Quod non ea saltem ratione euenit, quia solis radii in cauis vallibus fortius refringuntur, & hoc pacto ardorem maiorem inducunt, verum etiam quia aëris regio ipsa, quò altius supra terram ascendit, eo nullo dubio frigidior fiat.

Hæc autem se ita verè habere, planities campestrium prouinciæ Collæ & Popaian id liquido docent: quæ sanè admodum frigida sunt, & nihilominus tamen præaltis vndiquaq; montibus circumuallantur, solisque radiis magis subiiciuntur. Quod si quispiam sit, qui scituriat causam, cur planities prouinciæ huius Peru, mari vicinæ, calidæ sint: & e contra, quæ in montibus plana sunt, tantopere frigeant: nescio equidem an inuenturus aliam sit, quam quod planities montana elatior, illa verò humilior iaceat.

Aëris porro regionem mediam perfectè frigidam esse, id partim
summa

summa montium præaltorum cacumina, eo vsque porrecta, & perpetuis tum niuibus tum frigoribus rigentia, luculenter demonstrat: partim id quoque Physicorum placita stabiliunt, quod nimirum per antiperistasin terræ frigida, & elementi ignis feruorem, omne frigus in mediam aëris regionem quasi cogatur & compellatur. Vnde à Philosophis etiam infima & suprema aëris pars calore definiuntur, media verò frigore determinatur. Quæ, si, vt videntur, vera sunt, ad temperiem Zonæ torridæ stabiliendam, haud parum momenti hinc nobis accedere potest. Pleraque enim Indiæ terra montibus præaltis cōspicua est, qui & suapte natura frigent, & vnà, quælibet vicina contagione sua frigefaciunt. Hic niues iugi perpetuitate decumbunt: illic aquæ maximo frigore congelatæ sunt: alibi pruinæ crebræ fremunt: nonnullibi tandem tantus algor sæuit, vt ex eo campi omnes longè lateque exusti, cernantur omnes herbæ quasi excoctæ squalidæ sint: imò ipsi tum homines, tum equi vectores propter intensum gelu persæpè corruant. Atque hoc, quod dixi, in media torrida accidit, eo grauius, quo Solei vicinior decurrit.

At enim uerò cur montana loca conuallibus frigidiora sint, id & antea explicui, & hic nunc resumo, quia nimirum media aëris regio, in quam montes propius ascendunt, omniū frigidissima est. Sed & hoc ipsum cur ita sit, addidi, quod videlicet regio aëris suprema, igneæ plagæ feruoribus vicina, quicquid (secundum Aristotelis sententiam) frigoris illic est, à se quasi dispellat, & omne mutua reactione, quasi vinculis quibusdam in mediam aëris regionem deligat. Præter hæc forsan quis curiosior porro instet, exquiratque, vndè nam, cum aër sua natura & temperie calidus humidusque sit, regio media huiusmodi frigus concipiat tandem? Nam & infernè aër calidus est, & supernè propter viciniam ignis flammeus. Vt id potius verum videatur, regionem infimam aëris, quia tum terræ, tum aquæ elementis frigidis vicina est, omnino media algidiorem & frigidiorē existere. Ad hæc responsurus ego, haud fateri erubescō, quod hæream non mediocriter: parumque abest, quin eorum sententiæ astipuler, qui Aristotelicas illas Symbolas ac dysymbolas qualitates despiciatui habent, easque potius ingeniosè excogitatas fictasque, quam ex ipsa experientia erutas arbitrantur. Qua causa etiam aërem sua natura frigidum esse, censent: idemque multis simul & euidentibus documentis euincere conantur.

Nam, vt cætera omittam, si Sol flagrantissimus est in æstate, flabelli vibratione ventulo facto, nos refrigerari omnino videmus. Sic illi concludunt, voluntque nullum elementorum sua natura, præter ignem (qui secundum Dionysii sententiam rebus omnibus permixtus est) esse calidum. Id autem, siue hoc, siue illo modo se habeat, nec enim facile nisi in re certissima exploratissimaque Aristotelis sententiæ repugno) in hoc tamen omnes consentiunt, & idem longa
I quoque

Dionys. c. 15.
de caelest. Hierosol.

quoque experientia confirmatum est, regionem illam aëris, hac nostra euectiorem & altiore, admodum frigidam esse: unde quoque tum niues, tum grandines, tum pruinae, & cætera omnia intensissimi frigoris indicia desumimus. Cum itaque longè maxima Zonæ torridæ pars, ex vno latere ab immenso vastoque Oceano, ab altero verò à sublimibus & altissimis montibus contingatur: ad solis feruorem leniendum & contemperandum duas prædictas causas sufficere, meritò nobis videri debet.

Cap. XIII.

*Zonam torridam præcipuè quoque beneficio ventorum
attemperari.*



ONÆ torridæ temperies inter cætera quoque singulari cuidam & geniali vento, lenissimè perflanti, accepta ferenda est. Ita enim Sapientissimus conditor singulari beneuolentia hanc orbis partem maximam beavit, ei que tanto studio consuluit, vt vbi solis, omnia perdentis & exurentis, vis esset maxima, ibidem venti assiduo spirarent frigidi, qui sua suauitate caloris excessum ad mediocritatem reducerent. Ad scopum quidem veritatis quidpiam illos dixisse videri posset, qui Paradysum Eden sub ipsum æquinoctialem collocarunt, modò causas quasdam aptas & probabiles suæ opinioni attexuissent. Ideò enim hanc Zonam temperatam esse arbitrati sunt, quod, quæ dierum noctiumque æqualitas est, feruorem nimio perè augeri non facile patiatur. His verò alii multò probabilioribus rationibus contradixerunt: quorum poëta præcipuus ita canit:

Verg. 4. Geor.

--- *Quod Zona corusco
Semper sole rubet, Et torrida semper ab igne.*

Nec enim tam intensa noctis frigiditas est, vt immoderatum diei ardorem tantopere lenire queat. Sed id ex priuatæ cuiusdam auræ beneficio proficiscitur, quæ continenter & assiduo spirat, ita, vt Zona ea, quæ veteribus torrida dicebatur, quasi perpetuo durans ver merito videri possit. Hoc reuèra ita habere, rerum documenta quædam euidentissima largè euincunt. Sub eodem enim climate videmus prouincias & ciuitates alias aliis calidiores esse, quod minore venti perfrigerantis copia fruantur. Alias autem prouincias, vbi ventus aut nullus spirat, aut certè terrenus pressusque flat, qualis Vulturnus Hispanico similis est, vi solis in tantum exuri scimus, vt altè accensas fornaces credere possis. Huiusmodi verò in
magna

magna Æthiopia, in Brasilia, in Paytiti & Paraguay campis accidere, omnibus notissimum est. Nec terra solum, verum & ipsa maria illic hanc vim perpetiuntur. Maria siquidem quædam sunt, præ immenso calore æstuosissima & importunissima: ex quorum classe Mozambique & Ormus mare versus ortum, Panama verò & Brasiliense versus occasum sita, censentur esse. Hisce porro ex aduerso maria alia locantur, admodum temperata, cuius generis mare nostrum est Peruense, in quo vela nos facientes, maximopere friguimus, sole vel dum rectà nobis in vertice posito, circa mensem nimirum Martium. Imaginari autem ex his nihil possumus aliud, quàm quod ipsum cælum mareque congeneribus qualitatibus consentiant inter se, & quod hæc medio ventorum fiant, qui aut gelidi, aut ardentes ibi perspirant.

Hac ergo vnica, de venti ratione naturaque, concepta demonstratione, ex ea dubia multa explanari poterunt, quæ in hisce regionibus incidentia, non immerito prodigiosa aut memorabilia videri solent: vt sunt, Quæ fiat, vt cum Sol hoc loco ardentissimus sit, longeque penetrantius quàm sub canicularibus diebus in Hispania exurat, flagrantia tamen ista inæstimabilis leuissimo quodam vmbaculo aut tegumento arceri queat, ita, vt sub porca, seu tecto stramineo longè tutius & suauius, quàm in Hispania sub lateritiis tectis agamus? Cur apud nos æstiuæ noctes non sunt calidæ? Cur in ipsis montium iugis inter medios niuium cumulos intolerabilibus persæpè æstibus adurimur? Cur in Collao prouincia, etiam sub debili vmbra friguse est, & in sole proximo illico tantus ardor? Cur prouinciæ Peruanæ ora, mari confinis, tantoperè fabulosa & glareosa, & tamen interim ad miraculum vsque temperata est? Cur ciuitates Potosi & Plata, non metis longis à se inuicem distantes, & vtræque similiter montosæ adeoque sub eodem penitus climate sitæ, in caloris frigorisque gradu tam dissimiles sunt, vt Plata tota lenis, temperata & foecunda, Potosi verò tota aspera, rigidaque & infrugifera sit? Vna certè ventorum diuersa natura, diuersitatis huius multiplicis causa est. Nam si alicubi gelidè perspirantis venti inopia sit, tum solis confestim ardor tam acris & vehemens est, vt & in mediis niuium aceruis vrentissimus sit. Quamprimum verò spirare incipit, tum facilè omnem ardorem retropellit. Quo autem loco venti origo est, nulla ratione terrenos halitus cogi patitur.

Et hæc vnica causa est, cur in Europa noctes æstiuæ ipsis diebus ferè æstuantiores sint. Nam terra, de die Solis flagrantia exusta, sub noctem densos fumososque halitus aut vapores, non secus ab ardente fornace eruëtat. Hoc verò loco aura frigidiuscula diem suauissimè attemperat, modo qualicunque parata vmbra radios solis declinare valeamus. In Europæis tractibus per æstatem auroræ tempus sua-

uissimum est. A meridie, omnia grauiora. At in his regionibus omnino contrarium euenit. Nam, quia marinus ventus nunquam, nisi sole iam flagrante, spirare incipit: ideo matutino tempore æstus grauior sentitur ab hora 6. ad 9. vel 10. Quo tempore vento à mari exurgente, diei reliquum suauiter transigi potest. Nos, cum in insulis Barlouenti, moraremur, huius rei periculum fecimus certissimum. Nam sæpissimè matutino tempore sudabamus, & circa meridiem suauiter iterum refrigerabamur, quo temporis momento Euroaquilo (quem nostrates Brysam vocabant) illi loco admodum familiaris spirare incipit.

Cap. XIV.

*In media torrida regione vitam suauissimè
degi posse.*



I, qui Paradysum sub ipsum æquinoctialem collocant, hoc sibi argumento persuaderi paterentur, verisimile quid certè in rem adducere possent: non quidem, quod in hac regione hortus ille voluptatis iaceat (nam id purum commentum, & friuolum somnium esse arbitramur) sed quod locus iste, usque adeò suauiter & exquisitè temperatus, iure merito pro horto amænissimo, voluptatibusque omnibus plenissimo, adeoque pro altero Tempe haberi possit. Humanæ naturæ siquidem nihil acerbius aut molestius aura cæloque vitioso accidere potest: ut contra eius omnis sanitas, & tum corporis tum animi promptitudo & alacritas à cælo clemente & suaui dependet. Ex omnibus Elementis nullum largiusque penitusque haurimus aëre. Is corporis humani sustentator & præses, leui momento omnia eius viscera adeoque penitissimum corpus peruadit, & illud pro natura qualitateque sua mouet afficitque. Is corruptus, & vitio aliquo contaminatus, promptè iugulat: salubris, expeditè vires reficit & roborat. Ab eo solo pabulum & neruus vitæ humanæ. Et licet rerum omnium abundantissimi essemus; vitam tamen ærumnosam squalidamque omnino traheremus, si aura frueremur tabida & infecta. Vice versa, cælum clemens & serenum, auraque suaui & mulcebris, vel inopem, ditem fortunatumque facit. Et quidem, quoties perpetuum hoc ver, quo neque hyems gelu obtristat, neque æstas ardore conficit, imò leui cespite omnes aëris iniuriæ declinari possunt, nec vestibus vllis propè opus sit, mecum attentius expendo: hæc mea animo sententia obuersatur, quod si prauarum cupiditatum vinculis homines sese exuere vel vellent, vel possent, hoc ipsissimo loco vitam agere felicissimam beatissimamque facillè possent. Quicquid enim
de Ely-

de Elysiis, & Tempe poëtæ; & quicquid de Atlantide sua poëtæ finxerunt aut pinxerunt, id vniuersum certè in his ipsis regionibus inuenissent, nisi plus auri cupiditatem, quam regiam animorum libertatem nobilitatemque curæ cordique habuissent.

Sic ergo hætenus de æquinoctialis Qualitatibus, vt calore, frigore, siccitate, pluuiis, & cæteris temperiebus abundè pertractauimus. Porro autem, iuuante Christo, de diuersis ventorum, aquarum terrarumque, vt & de metallorum, herbarum, animaliumque in his repertorum natura viribusque in sequentibus libris trademus:

& quid de singulis horum vel auditu, vel visu, vel experientia perceptum tenemus, paucis complectemur.

LIBRI SECVNDI FINIS.

I 3 NATV.





NATURALIS ET MOR-
 RALIS INDIAE OCCIDENTA-
 LIS HISTORIAE,
 LIBER TERTIVS.

Cap. I.

*Rerum Indicarum historiam, Lectori tum utilem admodum,
 tum delectabilem esse.*



VANQVAM historiarū omnis in vniuersum
 cognitio ex se non saltem certam tum volu-
 ptatem, tum gratiam, verum etiam ingentem
 vtilitatem Lectori pariat, quatenus attenta &
 studiosa cogitatione illis perfruitur: Ex omni
 tamen illarū genere, nullę nobis vel plus gratiæ
 vel vtilitatis habere videntur, iis, quę de rebus
 instituuntur naturalibus: quod hoc modo non
 solum cuiuslibet rei naturę proprietatesque, sed & ipsius Dei, rerum
 omnium clementissimi conditoris, immensa potentia & maiestas,
 animis nostris suppeditentur. Vnde in eius laudem & encomium
 erumpendi ansa nobis fidissima porrigitur: sicut hoc spiritu quoque
 sanctos & religiosos Dei viros inflammatos fuisse compertum ha-
 bemus. Regius Propheta Dauid in discretis quibusdam Psalmis, sum-
 mam Dei maiestatem propter manuum condita opera valde opero-
 se deprædicat. Pius Iobus & ipse de secretis conditoris operibus exul-
 tat: cui Dominus ibi respondet copiose.

*Psal. 103. 135.
 91. 32. 18. 8.*

*Iob. 28. 38. 39.
 40. 41.*

Quicunque ergo mirabiles Naturę effectus operaque, quorum
 infinita sunt, secundum varietates suas cognoscere satagit: is sui de-
 siderii abunde quidem satietatem capiet, si historiam hanc no-
 stram mente attentiore percurret. Historia autem multo illustrior
 erit, si quę percensebuntur opera, non humanis viribus rationique,
 sed soli creatori Deo ascribantur. Sic enim pius Lector ad causas eo-
 rum, penitus & diligentius excutiendas excitabitur: quas demum
 accurato examine nactus, institutionē in rebus Philosophicis haud
 leuem impetrauerit. At qui mentem suam longius extollit, inq; pri-
 mi seu principalis motoris aut operatoris horum miraculorum co-
 gnitionem penitus incumbit, is & boni Theologi officium simul
 faciet,

faciet, eaq; tantarum rerum speculatio contemplatori suo deinceps in plurimis vsui erit.

Attamen, proh dolor, quamplurimos experimur hodiè eo incogitantia deuolutos, vt in rerum potius nouarum istiusmodi cognitionem (curiositatem vocant Latini) incumbant, quarum comprehensio vel in minimo nihil quicquam ipsis commodet. Hæc autem historica relatio, & rerum naturalium commemoratio præter communem oblectationem, suauitates alias plurimas in se continet, earum sanè rerum, quales nec à veteribus, nec modernis huius materiae commentatoribus vllibi traditæ sunt. Est enim Indicarum rerum harum ea conditio ratioque, vt si singulæ seorsim ea, qua par est, observationis diligentia trutinentur, non dubitemus, quin tractatio illarum in tantum volumen excretura sit, quod vel ipsius Plinii, aut Theophrasti, aut Aristotelis operibus haud iniquè conferri possit. Sed nos tantæ industriæ nobis nec conscii sumus: nec si essemus quidem, tractatio ea nostro instituto consentanea esset: cum nonnullas solummodo res, in India partim visas, obseruatasque, partim fide dignorum relatu cognitæ, indicare decreuerimus. Eas autem comprimis, quæ memorabiliore, nostro iudicio, in Europæis aliis locis minimè cognitæ sunt. Nam cæteras, de quibus alii iam dum copiose tradiderunt, aut quæ à nobis exactiorem & altiore viribus tractationem exquirunt, omnino transfiliendas decreuimus.

Cap. II.

De ventorum causis in genere: & de priuatis eorum proprietatibus.



OST QVAM hætenus in genere, duobus distinctis libris de cælo & habitatione Indiæ pertractauimus: iam deinceps de tribus Elementis, aëre nimirum, aqua, & terra, vt & de iis, quæ ex illis nascuntur, ceu sunt Metalla, herbæ, animalia, &c. tradituri, singulorum naturas & proprietates explicabimus. De quarto siquidem Elemento ignis peculiare in India nihil notari potest, cum is & cæteris promiscuè locis omnibus communis sit. Nec hoc loco de singulari illa memorabilique, quàm Indi habent, proliciendi ignis ratione (qua duos baculos in feruente cucurbitæ aqua mutuo confricant, & candentes filices in illam iniiciunt) vt & de cæteris nonnullis eiusmodi trademus: verum vt illa consulto præterituri sumus, sic de iisdem iam dum alibi copiosè perscriptum esse, beneuolum Lectorem admonitum volumus. De eo autem igne, quem in Vulcaniis aut montibus igniuomis Indi habent, isto dicemus loco, quo de diuersitate regionum, huiusmodi Vulcaniis præditorum, differentes, quæ de earum naturis memorabilia erunt, percensēbimus.

Iam

Iam, quod propositam nobis de ventis doctrinam attinet, mortaliū sanē omnium sapientissimus Salomon Rex cognitionem hanc longē præclarissimam iudicat, dum tam dextrē & artatē de ventorum natura & viribus differit. Naturis enim illi persæpē admodum contrariis sunt; vt admirationem nobis haud leuē multoties inducant. Alius siquidem pluuiosus, alius siccus est: alius salubris, alius morbosus existit: hīc calidus, ille frigidus spirat: quidam tumultuosus, nonnullus placidus lenisq̃ue est: hic sterilitatem, ille fœcunditatem inuehit: Et vt verbo dicam, naturæ eorum proprietatesq̃ue modò non infinitæ sunt. Sunt venti, qui in determinatis regionibus assiduo spirant, adeò, vt illorum locorum, quasi moderatores regesq̃ue, vel adiutorem, vel aduersarium nullum admittant alium. In quibusdam locis certis tantum anni temporibus aliqui flant, aut vincentes, aut à contrariis victi. Nonnunquam plures diuersiq̃ue simul spirant, & eodem tempore, quorum tamen cuilibet peculiaris suus impetus est. Interdum hīc supernè, ille infernè flat: qui deinde violenter sibi quasi occurrentes implicantur permiscenturq̃ue: quod genus ventorum nautis in mari correptis plerumque exitium fert. Venti alii procreationi animalium felicitatem ministrant: alii contrā eorum interitum cient. Ventis quibusdam peculiaribus spirantibus, in certis locis aut littoribus pulices deplui visum est: ita vt omnis ora littoralis isthoc infecto scateret. Aliis locis bufones deciderunt. Quæ quidem tam rara & memorabilia si aliquando eueniant, tum iis ferè locis ascribi solent, per quæ venti spirauerunt.

Sed & reliquas qualitates, vt frigus, siccitatem, humiditatem, caliditatem, salubritatem & insalubritatem, & si quæ sunt aliæ, ventis à locorum proprietatibus inuri, certa longaq̃ue experientia notum est. Et tamen nonnunquam contrarium quoque fieri, euidenti obseruatione certum est. Nam vnus eiusdemq̃ue venti, breuibus persæpē interuallis ingentes diuersissimasq̃ue effectuum varietates esse, documentis pol constat haud friuolis. Dicamus quid exempli gratia: In Hispania, Solanus seu Eurus plerumque feruens est, & molestus. In Murcia verò (quæ iuxta Granatam est) ventus est & saluberrimus & gelidissimus eorum, qui illic spirant. Suum enim impetum per hortos quosdam & gelida prata facit, in quibus se quasi refrigerat & reficit. Idem ventus, non admodum longè hinc excurrent, nempe flans in Cartagena, tum laboriosus admodum, tum oppidò insalubris euadit. Abrego ventus, ab Oceani accolis Zuyden, à mediterraneis autem Mezoiorno dictus, cum pluuiis plerumque hominis animum grauiorem ac tristiore reddit. In dicta tamen regione omninò clarus serenuscq̃; est. Plinius tradit, in Africa Aquilonem pluuias, austrum verò serenitatem ciere. Et hæc exempli tantum loco de quibusdam ventis percensere voluimus, vt iis adductis demonstraretur, vnum eundemque ventum in diuersis locis, etsi breuissi-

mis

mis spatiis à se inuicem distantibus, persæpè diuersissimorum planèque contrariorum effectuum causam esse.

Ex quibus haud absurdè concludi queat, regionem illam, quam ventus quilibet permeat, suam ipsi proprietatem & qualitatem omnino impertire. Hæc etsi quidem vera sint, & ipso euentu quoque confirmantur: non tamen ideo hæc causa principalis habenda est, cur ventorum secundum eam proprietates diuersitatesq; cōstituantur. In regione enim siue prouincia aliqua, in ambitu 30. milliaria habente, ventus per omnia sibi congener & similis, nempe calidus & humidus reperitur: alio verò in loco frigidus siccusq; cum tamen regiones illæ, per quas commeant, non adeò diuersæ naturæ aut constitutionis sint. At si exactius de rebus istis loqui cōsiliū est, tū longè aliis inquisitis causis opus erit, si modo ventorum quilibet peculiarem suam proprietatem, nomenque primum seruare debeat. Quæ enim hodiè nomina tenent, ipsis iam ab antiquo quasi propria facta sunt. Exempli causa: Septentrio, seu Cierço, siue aquilo (quæ nomina omnia vnum eundemque ventum designant) appellationis suæ originem ab eo habet, quod frigidus siccusque, nubes dissipet & disgreget. Huic oppositus autem Abrego, Leuecho, siue Auster, planè contrariæ naturæ est, humidus nimirum & calidus, nubes in sublimē attollens. Vt, cum hæc vulgatissima sint, nobis omnino alia quedam in medium afferenda sint, si veras, primas, genuinasq; tot tamque diuersorum effectuum causas planas facere nobis constitutum sit. Nec enim ad hanc rem id satis est, vt dicamus, loca, per quæ venti meant, hanc ipsis suam proprietatem naturamque indere, cum sciamus, in ipso perflationis actu diuersas illos operationes, effectusque planè contrarios in vna eademque regione edere solere: verum ipsa potius necessitate compulsi fateri cogimur, ætheriam regionem potius, ex qua ceu ex principio proueniunt proruuntque, hanc illis naturam vimque omnino inferere & complantare. Hac enim de causa Cierço, quia ex septentrionali regione, à sole omnium logissimè remota, suscitatur, sua natura frigidus est. Contrà Abrego, qui à meridie spirat, sui ortus ratione calidus existit. Cūque feruore suo caliditatem & vapores proliciat, aut secum rapiat; ob id simul humidus, pluuiarum pincerna & est, & apto nomine appellatur. Vicissim, quia Cierço siccus est & subtilis, ideo penetrationis vi halitus alicubi concrefcere minimè patitur. Simili modo & de aliis ventis cogitandum est, illisq; virtutes aut proprietates, à regione locoq; aëris, vnde spirant, assignandæ veniunt.

His tamen non vsquequaque contenti aliqui vltèrius instantes ex nobis quærere possent, quid aut quænam sint illæ regiones aut principia, vnde venti emanent? Nam quis, inquit, nobis illic ipsorum naturas manifestaturus est? His nos rem plenius declaraturi, in pauca illam conferemus. In Germania Abrego seu Auster calidus & pluuiosus:

fus: in Africa, Cierço seu Aquilo frigidus siccusque est. Et verissimum est, fines seu regiones quasdam Germaniæ, in quibus Abrego generatur multo frigidiores esse, quam sit vlla alia in Africa, ex qua aut Cierço aut ipse Abrego oriatur. Quid ergò impediatur, quo minus Africæ Cierço, frigidior sit Abrego Germaniæ, cum à regione calidiore nascatur? Hæc fors aliquis ita dissoluatur, ut dicat, flare illum à septentrione qui frigidus sit. Sed nec id satis est, nec cum rei veritate conuenit. Nam si omnino id ita esset, fieret necessario, ut Cierço, in Africa spirans, per omnem regionem usque ad Aquilonem perflaret; quod tamen haud quaquam experimur, cum vno per sepe tempore in regionibus, non longè distantibus Aquilones frigidi spirare soleant. Præterea Vendauali (venti sunt ex austro & occasu flantes) pluribus gradibus calidiores sunt, quod longa experientia omnibus iam notum est.

Ex quibus iam dictis, nostro iudicio clarè intelligi queat, non id ad rem satis dictu esse, quod regiones, per quas venti transeunt, iis vim & proprietatem suam infundant. Nec insuper in hoc quiuis acquiescere potest, si prætendi audiat, quod venti suas diuersitates à differentiis & varietatibus aeris regionum, ex quibus spirant, sortiti sint. Nam etsi vtrumque suo quidem more verum sit: nihilominus tamen neglectis istis, palmaria princepsque & intima tam diuersorum effectuum, aut ventorum operationum causa nobis penitus perquirenda est. Quam rem, vtcumque longa accurataque meditatione euoluamus; eius tamen veriore constantiorumque causam nullam indagare possumus, quam quod ipsa efficientia, seu vis, ventos producat, primam & principalem proprietatem illis communicet.

Materia namque, ex qua venti fiunt, pro Aristotelis sententia habitus seu vapores sunt, ex imis elementis emergentes aut prolecti. Quæ cum & ipsa varietate diuersa contineantur, fieri potest, ut & effectus aut operationes diuersæ sint. Ut enim vapores alii crassiores, alii subtiliores: alii sicciores, alii humidiores ascendant: sic ex hoc maximæ varietatis initium existere, creditu haud absurdum sit. Porro verò, etsi horum effectuum hactenus varias, easdemque plures causas enumerauerimus; non tamen omnis controuersia illis sublata videtur. Compertissimum enim est, quod in eadem frequenter regione: (in qua exhalationum similis eademque omnino generatio est) nihilominus venti consurgant, naturæ operationisque planè diuersæ.

Ideoque porro nihil nobis satagentibus relinquitur, quam ut ista omnia ad supremam cælestemque efficientiam (quæ in sole, eiusdemque & cæli reuolutione, ac æthereis influentiis à diuersis astris diuersimodè sese insinuantibus consistit) postliminio referamus. Huiusmodi verò operationum aut influentiarum modum mortalibus nobis quidem incognitum, rationique omni nostræ abditum esse, id regius Propheta David spiritu Dei raptus, inter cætera creatoris mira-

miracula profunda perspicuè testatus est. Cui Ieremias quoque Prophetam ^{Ierem. 10.} adstipulatur, dum ait: Qui profert ventos de Theauris suis, &c. Et verè hi absconditi domini Theauri sunt, quos omnipotēs rerum conditor in omnibus suis creaturis nobis ostendit, dum pro diuina sua voluntate, nullo anxio labore homines aut punit plectitque, aut recreat & reficit, ventos pro suo consilio emittens, non Æoli quidem more, quem poetarum vanitas ventos in antro (sicut feras in caueis solemus) conclusos habere, commenta est. Nec nos ventorum originem videre possumus: nec, quam diu, aut vnde, aut quo vsque spiraturi sint, præscire nobis integrum est. Eorum verò effectus & operationes diuersas ipsis his oculis verissime contuemur, prout sapientissimus rerum omnium conditor conseruatorque verissime testatus est, dum dixit: spiritus, vbi vult, spirat, & vocem eius audis, & nescis vnde venit, aut quo vadat.

Ex quibus omnibus confectario quodam illustri colligere possumus: quod, cum ad illa ipsa, quæ perpetuo apud nos sunt fiuntque, imò in intimis oculis obuersantur, intellectus noster tam crassus & ineptus sit, valdè nobis difficile & probrosum futurum sit, si quæ à ratione nostra quàm longissimè remota & abscondita sunt (veluti sunt causæ & operationes S. spiritus) mentis nostræ alis rimari aut assequi satagamus: Quibus hoc conueniat potissimum, vt illius virtutem, quatenus quidem nobis in sacris literis prodita sit, cognitam æquibonique consulamus.

Quæ ergo hætenus in genere de ventis, & eorum natura viribusque pro modulo nostro philosophati sumus; aut de eorum generibus & differentiis, vt summatim fieri potuit, nempe de locis, quæ perflant aut transeunt: de regionibus seu principiis, vnde oriantur: & de virtutibus æthereis, vt proximis ventorum omnium motoribus & agitatoribus, percensuimus; hæc inquam nobis pro instituti nostri consilio abundè sufficiant.

Cap. III.

De ventorum nonnullorum, in nouo orbe spirantium, peculiaribus viribus & proprietatibus.



Vnde anxius & scrupulosus est Aristotel. in hac quaestione dissoluenda, an auster, quē nos Abrego Leueche, siue Zuyd vocamus, ab ipso polo Antartico, aut à sola linea æquinoctiali seu meridie flare incipiat. Cuius quidem quaestionis hæc vis sensusque est: an qualitates & vires caliditatis & pluuiositatis, ipsi austro natiuæ, si lineam æquinoctialē transpirauerit, remaneant. Quæ dubitatio non omnino nullius momenti est. Auster enim, etsi quidē lineam dictam pertransierit, nihilominus tamen auster est manetq̃s,

quia ab ista orbis parte egressus est: non minus quidem, ac ipse aquilo non esse definit, etsi quidem Zonam torridam perspirauerit. Hinc ergo liquet, vtrumque ventum congenitam sibi proprietatem naturamque seruare, & austrum calidum humidumque, aquilonem vero frigidum siccumque reuera manere: Itemque, austrum pluuias nubesque ciere. Boream vero, easdem difflare, cælumque turbidum serenare & illustrare. Aristoteles autem ex illorum potius stat partibus, qui superius dictis contrarium sentiunt. Aquilo enim in Europa frigidus fiat, quia à poli regione frigidissima processit. Contrà, Abrego feruidus est, quia à meridie, quæ regio omnium calidissima est, proflauit.

Quibus ex verbis id sanè colligi potest, quod ii, qui ad lineæ alterum latus habitât, abrego seu austrû frigidû, Cierco verò seu boream calidum nanciscantur. Illis enim auster à polo, his verò aquilo à meridie ortus spirat. Iam etsi cuipiam videri queat, austrû illic gelidiorem esse quàm hic sit Cierco, seu Boreas, cum polaris regio ab omnibus ipso polo frigidior (quod fit, quia Sol singulis annis in latere tropici cancri septem integris diebus longius, quàm in latere Capricorni, moratur, sicut illud ex æquinoctiis, & solstitiis, in dictis geminis circulis contingentibus, clare coniici potest) censeatur.

Ex quibus iterum coniectura idonea concludere liceret, quod hoc pacto Natura prioritatem & nobilitatem dimidiæ orbis partis, versus aquilonem sitæ præ altera austrum spectante, expresse indicare voluerit. Quo constituto, concessoque, videri quidem posset, ventorum naturas, lineam transgressorum, ob id necessariò mutari, alterarique. Sed reuera id non fieri, longè certissimum est, apud nos comprimis, qui multorum annorum diligenti obseruatione, peregrinationibus crebris à linea versus austrum in hisce regionibus factis collecta confirmataque, contrarium præcisè animaduertimus. Verùm quidem id est, ventum aquilonem illic in genere nec ita frigidum nec serenum flare, vt hic facit. Tum & circa Peru, regiones sunt, in quibus boreas insalubris pariter & admodum grauis spirat: non secus ac in linea terrarum planarû, & locis mari finitimis omnibus, ad quingenta circiter millaria excurrentibus, contrarium accidere notum est. Illic enim auster frigidus valdeque salubris hauritur, adeoque vbiuis limpidus & serenus est. Nec enim vnquam ibi pluuiæ fiunt. Quæ tamen omnia omninò contrario modo in hac Europa, cis lineam sita, euenire vsus & dies docent. Iam, etsi quidem, quæ in Peru locis maritimis fieri diximus, nullam nobis regulam condant, & vt singularia Naturæ meritò excipiantur, vtpote quod in omni tractu maritimo nunquam pluât; quodque vnus ventus ibidem assiduò incessanterque spiret, nec vlli alii, contrario sibi, vel latum vnguem cedat, sicuti de his, fauente diuina gratia, deinceps vberius, & quantum ad rem facere putabitur, dicturi sumus: in hoc tamen con-

stans & immota veritas persistit, quod Aquilo in lineæ æquinoctialis latere altero, proprietatem illam non habeat, quam auster habet in hoc latere, etsi vterque quidem similiter à meridie ortus, ad regionem oppositam impetum faciat. Ibi enim minimè vulgatum est, vt boreas calidus & pluuiosus sit, sicut hîc austrum existere nouimus: sed flante illic austro, pluuiæ omnino frequentiores sentiuntur, sicut id per vniuersa montana Peru in Chile, & in Congo terra, vltra lineam longè in mari absitam, obseruare cuius licitum est. In Portos, Tomahari ventus (qui meo censu noster Cierco seu boreas est) siccus, frigidus & asper est, æquè ac in hisce terris. In istis tamen locis Cierco nubes promptius & expeditius disgregat, quam in his nostratibus: in quibus, mea quod memoria fert, pluuias ciet.

Sed & illud extra dubium est, quod loca, per quæ venti feruntur, & proximæ regiones aëris, ex quibus spirant, istam ingentem diuersitatem, contrariosque euentus omnino producant, sicut id ex mille locis euidenter obseruari potest. Sed tamen, si in genere de qualitatibus & naturis ventorum loquendum est, tum id omninò comparet, quod multò magis in illis orbis partibus aut regionibus, in quibus nati sunt, spirent, quàm vel in hac vel illa lineæ parte: sicut eadem quoque, vt nostra est opinio, Philosophi sententia esse cernitur. Cardinales hi venti, vt Euris & Zephyrus, nec hic nec alibi, aut proprias aut communes qualitates, quales duo prædicti possident, habent: nisi quod Solanus seu Euris hic obscurus & insalubris, Zephyrus verò salubris admodum & resectorius sit. In India autem, & per vniuersam torridam, ventus ab Oriente spirans (ipsis Brysa dictus) vt priori oppositus, admodum salubris & serenus est. De Zephyro verò nec priuatim nec communiter quicquam statui potest, ideò quod sub torrida aut nunquam fiat, aut certè perrarissimè.

Nam in omni spatio seu regione intra tropicos sita, iugis quidam perpetuoque spirans ventus Brysa dominatur. Cum ergo hoc ex naturæ stupendis miraculis nō postremum sit; tum eius cognitionem, ex imo, quod aiunt, fundamēto, vt factum est, hauriri, omninò conueniens, imò necessarium esse videtur.

Cap. IV.

Quod intra Zonam torridam assiduo Brysa, extra eam vero Vendrauali & Brysa spirent.



Vnde, quæ in mari conficitur, non eadem est ratio, quæ terrestri itinere. Hanc, quâ perrectum est, in reditu eandem terere liberum est. A Thebis, inquit Philosophus, via est Athenas: & ab his rursus via Thebas. Maritimi autem itineris, longè diuersa fors est. Alià enim metâ velis abitur, alià reditur. Qui Indias, tam Occi-

dentalem quàm Orientalem primi sua periclitatione repererunt, diutius multumque defudarunt prius, quàm longa experientia, artium omnium magistra discerent, non eodem modo Oceanum transmitti, quo mare Mediterraneum in Italiam tendentibus fulcari solet, in quo tam abeuntes quàm redeuntes eodem portus tenent, repetuntque, nec aliud, quàm sibi cognitum optatumque ventum, qui pro anni ratione varius est, expectant. Vento autem deficiente, tum illi remis vtuntur, quorum incitatione triremes suas prorsum vorsum ad arbitrium suum liberrimè promouent.

In Oceani autem certis definitisque quibusdam locis ventos alios nullos expectare licet: nautæque præcisè cognitum habent, an ventus, qui eo momento spirat, aut copiosior aut parcius post flaturus sit. Tandem, etsi nonnunquam abeuntibus ventus commodus sit, reuertentibus tamen plerunque aduersus & periculosus existit. Nam quamprimum vltra Tropicum in torridam deuentum sit, tunc in Oceano venti certi, exurgentes à solis ortu, quasi reliquorum omnium domini, soli, & incessanter ibi spirant, nec contrariis ventis ullis vim concedunt maiorem, quàm quæ contactu leui sentiri queat.

Hac in re ergò duo illustria miracula posita sunt. Vnum ex eo elucet, quod in regione seu Zona, quæ ex quinque illis, in quas orbis diuiditur, omnium maxima est, Euri, quos Brysas indigetant, dominantur, nec vlllo anni tempore à meridie aut occasu venti spirantes, (quos Vendaualos nuncupant) ibidem vsquam sentiri queant. Alterum miraculum est, quod Brysarum nullo vsquam tempore ibidem inopia sit, quodque, quò propius ad lineam accedatur, eo illi certiores habeantur. Et licet videri posset, necessariò ibi perpetuam tranquillitatem vigere; quia regio ista omnium maximè solis ardoribus subiecta est: nihilominus tamen contrarium omnino accidit. Nam non tantum rarissimè mare à ventis tranquillum euadit: verum & Brysæ illic multò frigidiores & periculosiores inundant. Quæ omnia, si ab Indis rogentur, ita reuera se habere, omnino confirmabuntur. Hinc fit, vt ex Hispania nauigationes in Occidentalem Indiam multò faciliores tutioresque fiant, quàm ex hac in illam rediri queat. Quin & nauium ex Sicilia soluentium, labores & pericula maxima sunt, vsque dum ad Canarias pertigerint: idque his ex causis, quoniam Golffo de Las Ycguas, id est, Sinus de Merrien seu Ciuitatum, turbidus, inconstans, & multis contrapugnantibus ventis periculosus existit. Quod si Canariis transmissis in torridam vltèrius procursum sit, tum illicò se Brysæ offerunt, cæterosque ventos anteuertunt aut anticipant tanta quidem rapacitate aut celeritate, vt per omnem istum cursum directis velis ne vel semel opus sit. Isti freto nomen Golffo de Las Damas, id est, Sinus seu mare virginis, propter quietem perpetuam, & constantem vndarum æquabilitatem inditum est. Ab his porrò in Insulas La Dominica, Guadalupe, Desseada, Marigalante

lante & finitimas alias, quæ Indicæ terræ quædam quasi suburbia sunt, pertenditur: quo loco classes plerunque dirimi solent, ita, ut illæ naues quæ ad nouam Hispaniam tendunt, ad rectum latus, versus insulam Espannolam deflectentes, angulum S. Antonii adeant, & hinc vltèrius in portum S. Ioannis de Lua decurrant. Ad quæ omnia Brysæ felicitas ipsis quàm plurimum commodat.

Cæteræ verò ad læuam declinantes, iuxtaque præaltum Taizona montem nauigantes, tandem in Carthagera appellunt: vnde porro versus Nombte de Dios, id est, Nomen Dei, velificantes confidunt. Ex quo terrestri itinere deinceps versus, Panamam, & hinc iterum per Oceanum australem versus Peru contendunt. Sed ex Peru in Hispaniam iterum nauigaturi nautæ, hanc sui cursus ferè rationem instituunt. Ex Peru ad Cabo seu angulum S. Antonii iuxta Cubam insulam situm, nauigant. Hinc in Hauennam, portum eiusdem insulæ tutissimum, se conferunt. Flota autem, nouam Hispaniam aditura, ad Vera crus insulam, aut ab insula S. Iuan de Lua versus Hauannam peruenit, non tamen sine maximis & euidentissimis difficultatibus. Nam Brysæ ibidem ordinarii sunt, & cursui nauium instituto obluçantur. Quod si ergo flotæ in Hauana congregantur, iunctæ prius in Hispaniam commeant, captandæ altitudinis causa, ut ex tropicis se expedire deinde dexterius valeant, si ibidem Vendaualos offendant. Hinc vltèrius in insulas Açores seu Flaminias pertenditur. Vnde iterum in Seuilliam inusitata festinatione procurritur, quia meta ista nullam altitudinem attingens, semper infra gradus 20. subsistit, nec vsquam tropicos transcendit. In reditu autem eosdem transcendunt gradibus ad minimum 28. aut 30. Cuius causa, ut antea quoque dictum est, hæc esse putatur, quod ex ortu venti perpetui spirent, qui intra tropicos suum quasi imperium agunt, valde commodi aliis & optati iis, qui ex Hispania in Indiam Occidentalem procurrunt. Nam tum cursus ab ortu in Occidentem vergit. Extra tropicos, ad gradus ferè 23. Vendauali sese inferunt. Vnde, quò altius conscensum est, eo nauigatio securior est. Iidem iis quoque optati vtilisque sunt, quibus ex India retro commeandū est. Nam à meridie & occasu versus ortum & aquilonem nauigaturis, maximopere seruiunt.

Eadem hæc meta ex noua Hispania seu Peru in Philippinas aut Chinam nauigaturis, tenenda est: Et vicissim, si ex Philippinis aut China in nouam Hispaniam nauigatur. Quod quidem iter, cum ex ortu in occasum suscipiatur, sine omni quidem labore aut difficultate conficitur. Nam iuxta lineam, semper venti secundi flare sueuerunt, qui ipsi sunt Brysæ dicti. Anno 84. ex portu Callao de Lima nauis quæpiam soluit in Philippinas, & in Oceano milliaria 2700. confecit, priusquam terram vllam conspectui oblatam accepisset. Prima verò quæ apparebat terra, Insula erat Lusón, ad quam concedens nauis, in portu aliquantisper quieuit. Tantum verò viæ bino-

rum

rum mensium spatio naus illa confecerat, nec ventis vsquam destituta commodis, nec vllis vnquam tempestatibus concussa. Cursus suum maxima ex parte secundum lineam tenebat. Ex Lima siquidem, 12. gradibus apud austrum sita soluerat, & Manillam, totidem versus aquilonem gradibus constitutam, appulerat.

Æquè felicem & expeditam nauigationem Aluaro quoque de Mendanna habebat, cum primum insulas Salomonis detectum abiens, easdem bona fortuna attigisset. Nam iugi constantique assiduò vento utebatur, vsque dum insulas illas occupasset, quæ à Peru, vnde nauigationis principium erat, spatio mille circiter milliarium, sub eadem versus austrum latitudine aberant. Reditus idem est, cum eo, qui ex India in nouam Hispaniam patet. Nam vt Vendaualos assequantur, qui ex Philippinis aut China versus Mexico comitantur, varias fortiri altitudines sueuerunt, donec altitudinem Japon teneant; qua impetrata terram Californiæ facile inueniunt, & secundum maris tractus littorales vsque in portum Açapulco, vnde soluerunt, procurrunt. Ex hisce nauigationibus pro certo compertum est, quod intra Tropicos ab Oriente nauigatio facilis sit, quoniam Euri ibi ferè dominantur. Quod si verò à solis occasu versus eius ortum via relegendam sit, tum Vendauali seu Zephyri extra Tropicos querendi sunt, gradibus nimirum altitudinis 27. sicut id à Lusitanis in Indiam Orientalem nauigantibus re ipsa comprobatur, etsi nauigationis istius contraria ferè ratio sit. Nam ex Lusitania si eo nauigetur, cursus laboriosus & difficilis est. Reditus verò in Lusitaniam promptus & expeditus. Inde enim soluentes ab occasu versusque ortum tendentes, tam diu in altum ascendunt, donec ventos assequantur generales aut communes, à gradu 27. in altitudinem agentes. In reditu insulas Flaminias prætercurrunt: quæ nauigatio idè expeditior est, quia ab ortu egressis Brysæ aut austri auxilio veniunt.

Porro, vt rem concludamus, nautis mare fulcantibus ea regula indubitata est, quod intra ipsos tropicos venti Orientales dominentur, vnde in occasum cursus facilis sit. Extra verò tropicos, nunc Brysæ, nunc Vendauali spirant. Ab occasu ergò versus ortum nauigaturo sedulo ea opera danda est, vt extra tropicos euagetur, & altitudinem 27. graduum omnino attingat. Hac arte instructi adiutique nautæ, nauigationes in distantissimas terras istiusmodi confecerunt, de qualibus, prioribus seculis ne quidem vnquam quicquam auditum fuerat.

Cap. V.

*De differentiis Brysarum, Vendauarum, & ventorum
nonnullorum aliorum.*



VM ergo, quæ hactenus commemorata fufius funt, reipfa verè feita habeant: fi iam porrò tantorum arcanorum caufas, cur in torrida nimirum Zona tanta facilitate ab ortu verfus occafum, nec econtrà nauigationes cõficiantur, rimari fatagamus, operã pol nec infructuofam nec inamabilem nos facturos arbitramur. Idem enim erit, ac fi quis rogitet, cur illic loci Brysæ potius, quam Vendauali. Nam cum id fecundum Philofophorum dicendi leges, perpetuum, vniuerfale, adeoque, vt loquuntur, per fe fit, fiatq;: tum eius quoque caufam talem effe debere, omnino vero confentaneum eft.

Sed antequam quæftionem hanc, notabilem certè & arduam, vt nobis quidem videtur, excutiamus: nominũ iftorum, Brysæ & Vendauali, quid fignificent, explicationem præmittendam effe, omnino neceffarium ducimus. Illud enim tam ad propositam materiam, quam ad illud negotium, quo de ventis & nauigationibus tractaturi fumus, fumme conferet.

Qui rerum fatagentes Oceanum fulcant, ventos diftinctos 32. numerare folent. Quod fi enim quem fors portum incurfuri fint, tum ventorum differentias accurate attendere coguntur. Nam fi negligentia quapiam aut incuria vel tantillum in latus dextrum læuũque deflexerint, tum in longitudine à præfumpto fcopo quam longiffimè illicò aberrant. Ideo verò 32. tantum venti numerantur, quod ifti ad nauigationes feliciter obeundas fufficere videntur. Et licet nonnulli his plures quæritent, ad dictorum tamen rationem omnes conferendi erunt, vt qui ex illis educantur. Sic à 32. ad 64. à 64. ad 128. & ab 128 ad 256. continuata duplicatione, vfque in infinitum afcendi poffet. Locus enim, quo naus capitur, non fecus ac centrum quoddam eft, ab vniuerfo Hemifphærio circumferentia feu ambitu fuo vndiquaq; circumdatum: vt nemini ambiguum effe debeat, quin in illud cẽtrum ex omnibus Hemifphærii angulis infiniti venti impingere poffint: ficut cuilibet ifta ita imaginari, & apud fe cogitare liberum eft.

Nonnullis autẽ, cum quibus & facra Scriptura facit, quatuor ftatuere ventos vifum eft, qui nimirum quatuor mundi angulos conftituant, binis ductis lineis decuffatim fe fe interfecantes: quarum vna ab vno polo ad alterum: altera ab æquinoctialis vna parte itidem ad alteram ducatur. Venti autem hi funt: Aquilo feu Boreas, & huic oppofitus Auster: Oriens feu Eurus ad ortum folis, & Ponente feu Zephyrus ad eiuſdem decubitum fitus. Sacra tamen pagina adhuc

L

pluri.

plurimum meminit, & inter reliquos vnum Euroaquilonem nominat, quem magni Oceani accolæ Nordost, maris verò mediterranei habitatores Gregalem vocant. Huius & in navigatione diui Pauli mentio fit. Venti ergo Cardinales, omni mundo iam noti, & sacrarum quoque literarum monumentis celebrati, sunt, vt dictum est, Septentrio, Auster, Eurus, Zephyrus: quorum hîc alias Ponente, alter Oriente vocari solet. Dum verò ortus, tres notabiles differentiæ sint: quarum duæ à solis Declinationibus maximis, tertia verò in harum medio describuntur: propter hanc causam duo adhuc peculiares venti Euro annotantur, Oriens nimirum æstiuales, & Oriens hyemalis: & in horum opposito rursus duo alii statuuntur, Ponente seu occasus æstiuales, & occasus hyemalis. Sic ergò ex octo cæli punctis diuersis, nimirum duobus polaribus, duobus æquinoctialibus, duobus solstitialibus, & duobus aliis in circulo sibi originaliter oppositis, venti octo discreti distinctique primùm educuntur, qui pro diuersis tum terræ tum maris regionibus, diuersa quoque nomina sortiuntur. Qui propius ad Oceanum confederunt, ventum à polo spirantem, eodem cum ipso polo nomine Nord, insigniunt. Huic verò proximum, ab Oriente æstiuale flantem, Nordost: ex ipso autem ortu & æquinoctio procedentem Ost: at ex Oriente hyemali egredientem Zuydost: tandem quæ à meridie exeuntem Zuydpolum seu Antarcticum Zuyd: ab Occasu hyemali emergentem Sudvvest: ab ipso æquinoctio surgentem VVest: ab occasu æstiuale enatum Nordvvest, appellitauerunt. Reliqui autem intra hos collocantur, & appellationem suam ab iis mutantur, quibus propinqui sunt, quales existunt: Nord, Nordvvest, Nord Nordost, Ostnordost, Zuydost, Zuyd, Zuydvvest, Zuyd, Zuydost, VVest Zuydvvest, VVest, Nordvvest. Hoc modo suis appellationibus venti suas naturas proprietatesque produnt, sicut etiam loca, ex quibus orti sunt. Iuxta mare mediterraneum, etsi quidem hunc ipsum numerandi quoque modum sectentur, ventis tamen longè alias appellationes indunt. Boream enim Transmontanum (seu per montes transpirantem) Austrum verò huic aduersum Mezoiorno siue meridianum: Eurus, Leuantem, id est, Orientem: Zephyrum, Ponentem, id est, Occidentem indigetât. Intra hos medios locant interseruntque Austroeurum, quem Xiroque seu Xaloque vocant. Huic oppositus aquilozephyrus, ipsis Maestral dicitur: Aquiloeurus, Greco vel Gregal; huic aduersus austrozephyrus, Leueche; Latinis Libycus vel Africus nuncupatur. Primarii hi venti apud Latinos puriores hæc nomina inuenerunt: Septentrio, Auster, Subsolanus & Fauonius: quorum laterales sunt, Aquilo, Vulturinus, Africus & Corus. Pro sententia Plinii Vulturinus seu Eurus est is, quem nos Zuydost siue Xaloque nominamus. Fauonius, qui ab Occidente siue Ponente flat. Aquilo & Boreas, qui nobis Nord, Nordost siue Gregal, Transmontanus. Africus & Libycus, qui
ab me-

ab meridie & Occidente seu Leueche flat, Auster & Notus. Qui ab austro seu meridie oritur Corus & Zephyrus. Aquilozephyrus, Mæstral. Aquiloëurus, Gregalis. Nec aliter quam Phœnicias vocant. Sed & ventorum horum apud alios alia denominatio est.

Cum verò nostri iam instituti non sit, Latina vëtorum cum Græcis vocabula conferre: hoc loco de iis saltem ventis, quos nautæ nostrates per magnum Oceanum in Indiam nauigantes, Brysas & Vendaualos nuncupare solent, quantum ad rem faciet, tractabimus. Quod ergò ipsam nominum rationem attinet, in illorum appellationibus nos diu multumq; primū obhæsimus, quod ista nomina longè diuersissima ratione vsurpari intelligeremus: dum tandem rata quadam obseruatione cognosceremus, isthæc communia potius quam singularia aut propria cæli regionum aut ventorum nomina existere, earum comprimis, qui in Indiam nauigaturis secundiores spirant. Nam sub Brysis dictis complectuntur vniuersos eos, qui ab Oriente spirant, cum omnibus sibi isto genere cognatis, aut ex istis ceu primariis exortis. Quibus verò in reditu suo commodis vtuntur, hos Vendaualos nominant. Et isti à meridie versus ponentem æstiualem hoc fere modo perflant, vt ceu binis ordinibus segregati, quique suo quasi priuato impetu seorsim ferantur. Et horum qui corporales seu primarii sunt, ex vno latere aquilozephyrum siue Gregalem, ex altero vero Austrozephyrum siue Leuechen iunctum habent. Porro autem & id scitu operæpretium est, quod ex octo iam enumeratis partibus seu ventis, tantum quinque nauigationibus faciendis vtiles sint. Terni enim superstites ex causa nullum commodum præstant: hoc est, si naus quæpiam per mare fertur, tum quinque ventis spirantibus, propositam sibi metam attingere potest: etsi quini isti venti non promiscuè vniuersi æquè conducibiles sint. Externis autem cæteris si quis perspirauerit, naus, quò instituit, appellere minimè potest. Et sicut aquilone incitata aut inflata naus versus austrum feliciter decurrit; sic illius laterales venti ad similiter oppositum latus impellunt. Contrà, Austro perspirante, naus meridiem attingere non potest, cum cursui instituto ventus omnino aduersus sit. Eadem & austri collateralium ventorum qualis est Austroëurus & austronotus, ratio est. Sed hæc sunt nautis ita certa & comperta, vt hoc loco commemoratione non indigerent, nisi demonstrari opus fuisset, ipsum Orientalem ventum cum lateralibus sociis eos esse, qui in torrida perpetuo flantes, Brysæ dicantur. Ventorum eorum autem, qui ex meridie versus occidentem, & ab occidente versus ortum nauigaturis commodi sint, in Zona torrida paucissimi & rarissimi inueniuntur. Solent itaque nautæ extra tropicos

excurrentes, eos inquirere: quos maritimi Indi

plerumque Vendaualos nominare solent.

Cap. VI.

*Qua causa sit, quod nauigaturis assiduò venti Orientales
præsto sint.*



AM verò deinceps ad superius quæstionem propo-
tam redeamus; causasq; veras expediamus, cur intra
torridā ab Oriente versus occasum facilimus transi-
tus sit, ab occasu autem in Orientem reditus diffici-
limus. Principio autē hīc duo immota & indubitata
axiomata ceu fundamenta nobis præstituenda sunt.

Primum est, motionem seu conuersionem cælorum, à primo mo-
bili causatam, & raptam ceu diurnam vocatam, non ætherias saltem
regiones sibi subditas secum ciere & conuertere, sicuti quotidie id
in Sole Lunaq; & cæteris astris perspicue videmus: sed reuolutionem
illam ipsa quoq; Elementa attingere, modò ab aliis causis id non im-
pediatur. Nam terra quidē, cum cæteris Elemētis raptum primi mo-
bilis ideo communem non habet, quod & pondus nimis graue mo-
tioniq; ineptū fortita, & à primi mobilis loco, distantia admodum
longa remota sit. Sed & ipsa aqua, terræ proximum elementum, di-
urnum illam conuersionem mobilis primi non sequitur, quia terræ
quasi limitibus quibusdam inclusa, cū eadem iunctim vnā sphæ-
ram conficit. Quin nec terræ situs aut ratio patitur, vt in orbem cieri
aqua possit.

Cætera verò reliqua Elementa, vt ignem & aërem quod attinet,
cum & naturæ subtiliores, & situs ad globos cælestes vicinioris sint,
ideo primi mobilis conuersionem facilius participant, & cælestium
corporum more in orbem versantur. Atque de igne quidem, quod
sphæram perfectam habeat, dubitandi nemo causam habet; cum
præter alia, ipse Aristoteles cum infinitis aliis illud affirmatè testen-
tur. Aër verò, de quo hoc loco nobis tractatio instituta est, quoti-
diè ab Orientē versus occasum voluitur aut rotatur. Cuius rei docu-
mentum firmissimum à Cometis nobis offertur, quos expressissime
ab Oriente versus occasum, tum oriendo, tum ascendendo, tum oc-
cidendo, moueri versariq; ac circa Hemisphærium nostrum, non
secus ac omnia reliqua astra ad firmamenti ipsius morem agitari vi-
demus. Cum verò Cometæ in regione seu sphæra aëria, vt in qua et-
iam generantur, tum appareant; tum dispareant; ideo aliquibus fors
videri posset impossibile, eos in orbem cieri aut reuolui, si aëris regio
conuersionem superiorem non sequeretur. Aëris enim sphæra stan-
te, tum & ipsam Cometæ in aëre accensi molem stare necesse foret:
nisi fors angelos aliquos aut cælestes intelligentias, Cometarum per
aëra motores & rotatores phantastico modo introducere velimus.

Anno salutis nostræ partæ 1577. illustris & admirabilis Come-

res quidam fulsit, facie pennæ pavoniæ ab ipso Horizonte dimidiam ferè cæli conspicui partem occupans. Hic à Calendis Nouembris usque ad diem octauum Decembris micuerat. Dum autem Calendas Nouembris, tempus primæ eiusdē apparitionis pono: de nobis, hoc loco degentibus, id intelligi volo. Nam Hispanis ille vix dum nono Nouembris die conspectus est, sicut id ex historiarum fide patet: quem tamē nos, hic in Peru, octo integris diebus citius, per omnem finitimam oram lucentem animaduertimus. Cuius quidem diuersitatis causam nos aliis, enodandam relinquimus. Quadraginta verò illis diebus, quib. Cometa fulsit, tam ab Europæis, quàm hic à nobis in India ille integer conspectus est: cuius reuolutio non secus ac Lunæ cæterorumque astrorum ab Oriente in Occidentem fiebat. Ex quibus sanè liquet, sedem seu locum Cometæ, sphæram omnino æream fuisse: & hoc ipsum Elementum quoq; superiorum corporum impetum raptumq; sequi.

Sed accuratioribus obseruationibus factis, multis nobiscum innotuit, quod præter communem hanc motionem, peculiarem quoque alium motum, quo cum Planetis ab occasu in ortum reniteretur, haberet. Singulis enim noctibus ortui plus appropinquabat, sicut idem & Soli & Lunæ, Venerique ac aliis quoque stellis errantibus accidit. Similiter & tertium quendam alium illius motum obseruauimus, ut secundum Zodiacum nonnihil versus septentrionem declinaret. Antequam enim deflagrasset omnino, postremis noctibus signis septentrionalibus longè propior concurrere visus est, quam cum primum oriretur. Cuius rei hæc fors causa fuit, quod ingens iste Cometa omnium primò iis apparuit, qui austro viciniore, ut Peruenfes, habitabant. Nam postea demum Europæ quoque visus est, cum iam ad septentrionem accessisset propius. In genere tamen diuersitatis huius causa patere posset omnibus, si cogitaremus, cælestium corporum diuersas motiones ad ipsam usque æris sphæram virtutibus suis extendi. Nec enim vllum dubium superest, quin credamus, ærem ipsum ad conuersionem cæli ab Oriente versus occasum omnino moueri. Et hoc propositionis nostræ primum fundamentum sit.

Alterum iisdem per omnia veritatis fulcris nititur. Aëris enim sub linea æquinoctiali aut circa illam siti conuersio, definitos planè suos respectus habet. Quantò enim aer lineæ viciniùs subest, tantò rapidius mouetur: quantòque à lineâ ille versus polum distantius abest, tantò segnius & tardius agitur. Id quod extra omne dubiū est. Nam si isthæc vera & genuina efficiens causa est: tum omnino necesse est, cælestium corporum motum eo loco rapidissimum esse & incitatissimum, quo loco eadem velocissimè conuertuntur. Iam verò Zonam in cælo torridam omnium velocissimè rotari, & super lineam cæteris omnibus cæli partibus concitatus reuolui, id ex eo manife-

stèliquet, quod in rota extremæ partes, axi propioribus, longè eele-
rius versentur; quodque spatiosiores eius ambitus nihilo segnus cir-
cumagantur breuioribus. Qui ergo in Oceano ab Oriente versus au-
strum commeant, hi, si non nihil altius ascenderint, perpetuò ven-
tos secundos adipiscuntur. Et quò æquatori fiunt viciniore, eo se-
curiores ventos accipiunt. Contrà verò ab occasu versus ortum na-
uigaturi ventos perpetuo aduersos habēt; siquidem æquatoris rapi-
da conuersio Elementum aëris secum vnà rapit. Sic ergò aër semper
cæli diurnam conuersionem sequitur, ab ortu nimirum versus occa-
sum, mutatione nulla interueniente. Aëris vicissim velox & incitata
conuersio aut vis, fumos seu exhalationes, è mari surgentes, secum
pariter impetu quodam abripit; qua de causa fit vt Brysæ, venti Ori-
entales, per illam regionem assiduo spirent.

Eiusdem nobiscum religionis consors fraterque Alonso Sanches,
vir experientiæ multifariæ, qui diu in India tam Occidentali quàm
Orientali egit, multoties mihi narrare solitus est, quod infra lineam
æquinoctialem, & in eius confinio assidui venti spirent aduersi &
periculosi: adeo, vt sententiam conceptam sibi dicturo, omnino vi-
deretur, eos veros & natiuos ventos, ei loco familiares, neutiquam
esse, sed esse meram conuersionem aëris, à diurno cæli motu factam.
In cuius rei confirmationem idem hoc afferebat quoque, quod in
Golffo de Las Damas seu virginis, vt & in aliis fretis pluribus, quibus
sub torrida nauigatur, tum temporis tum tempestatis perpetua æ-
qualitas sit. Quà de causa quoque vela ibi non pro consuetudine a-
liorum suspendi aut attolli dicebat, quia iis ferè per omnem cursum
mutatis opus esset. Vnde porrò concludebat, nisi is ventus, mera au-
ra seu aër, à cæli conuersione suscitatus, esset, tum sanè futurum ali-
quando, vt aut is aliquando minueretur deficeretque, aut nonnun-
quam tempestates & turbines surgerent.

Et si verò hæc opinio, aut sententia admodum proba & idonea sit
negari tamen nullo modo debet, eosdem quoque ventos esse certos
& veros, cum & exhalationes ibi ex Oceano ascendere videantur, &
Brysæ nonnunquam impetuosiores, interdum remissiores spirare
sueuerint. Tanto enim illæ persæpè impetu flare sentiuntur, vt ne ve-
la vlla vim illorum sustineant. Sed & id simul concedendum est aut
expendendum, quod agitatus aër, clatos vapores suo secum impetu
quoquo versum pertrahat & diripiat. Illorum enim violentia tan-
ta est, vt contra eam nihil sufficiat. Optabiliores itaque Brysæ sim-
plices sunt, qui tum infra tum circa lineam spirāt, vt & circa omnem

Zonam torridam, quæ illa est via seu regio, in qua Sol, duobus
tropicis Cancrī & Capricorni inclusus, cursum
suum conficit.

Cap. VII.

Qua de causa Vendauali plerumque extra torridam in altitudine suprema inueniantur.

IAM porrò, si quis, quæ hætenus in medium allata sunt, probè assequitur: is pari ratione quoque excursum seu euagationem ab occasu versus austrum, extra tropicos in maximam altitudinem factam, commodè intelliget: vnaque operâ, Vendaualorum eandem rationem omnino esse percipiet. Cum enim æquinoctialis reuolutio tam velox sit: aërem quoque sibi subditum impetu isto vnà incitat, secumque volutat, & eodem ab ortu versus occasum raptu illum rotat. Tum & vapores seu halitus, confertim ex vasto Oceano surgentes, eodem secum motu abripit. His halitibus, si ex aduerso exhalationes in parte æquatoris torrida eleuatæ, & repercussionis vi vibratæ, potentia quadam contraria occurrât, tum Vendaualos seu austronotos ventos, illic loci admodum frequentes, & validos, suscitant. Vnde videre persæpè licet, fluctus alios, ab aliis contrariis, adeoque potentioribus concussos, aduersa quasi semita declinare, & potentiorum impetu in diuersum locum abscedere. Pari quoque modo fumî seu halitus, ventis occurrētibus vel huc vel illuc dispulsi, veluti seipsis fortiores redduntur, & de nouo quasi exuscitantur. Vendauali autem hi magna ex parte sub altitudine media, sub gradu videlicet 27. aut 37. dominari sueuerunt: etsi eorum non tam certa & comprehensa regula sit, quæ est Brysarum in altitudine minore. Nec enim Vendauali, ab æquæ rata & cōstanti cæli conuersione iuxta lineam æquinoctialē gignuntur, ac Brysæ. His tamen plerumq; frequentiores, adeoque persæpè quoque importuniores existunt. Quod si per altitudinem 40. graduum nauigetur, tum nec terra nec mari tutos securosque amplius expectare ventos liceat. cum nonnunquam Brysæ, interdum verò Vendauali conuersis vicibus spirent. Et hac de causa, ex illis locis nauigationes factæ, difficiliores & periculosiores ferè euadunt.

Cap. VIII.

De nonnullis exceptionibus superiorum Regularum: vt & de ventis & malacia, illic tum in Oceano, tum in terra notandis.



QUÆ de ventis hætenus, tum intra tum extra torridam ordinariè spirantibus, à nobis dicta sunt, ea de aperto Oceano & fretis insignioribus saltem intelligenda sunt. Nam terræ longè alia ratio est, vt quæ diuersis plerumque ventis perflatur, propter maximam

mam illius inæqualitatem, consideratam tum secundum montes diuersos, tum valles profundiores, tum fluentia, & lacus paludesque frequentes, ex quibus plerumque peculiare crassique aut densi vapores eleuantur, qui pro varia ortus sui ratione naturaque vel in hanc vel illam partem dispulsi, variorum diuersorumque ventorum causa & principium fiunt. Taceo hoc, quod aeris à cæli rapida conuersione incitati vis, iugi tractione eisdem secum quoquo versum abripere queat.

Diuersos autem tantopere ventos non solum in terrestri regione, verum & in ipsius Oceani tractu sub torrida, tum eodem modo, tum ex iisdem causis flantes obseruare licet. Illic enim tum è terra spirantes venti sunt: & sunt, qui è medio mari enati, ordinariè in Oceano dominantur. Et è mari quidem geniti, suaues salubresque sunt: è terra verò suscitati plerumque insuaues & insalubres. Maritimorum tamen ventorum, sua pro littorum diuersitate differentia est. Terreni magna ex parte à septentrione flant, vsque dum Sol in vertice sit. Maritimi verò tum maximè spirant, cum sol ardentissimus flagrat, vsque dum occidat. Cuius rei hæc quidem causa esse possit, quod terræ moles densissima tum demum omnium copiosissimè effumet, si Sol, vnde incaluit, iterum abscessit. Sicut id æquè in lignis adhuc viridibus obseruatur: quæ vberiore fumum emittunt, cum flamma non admodum lucida ardenteue aduruntur. Mare verò, quod corpus subtilius & tenuius est, nisi alicunde incalescat, nec vaporem nec fumum vllum emittit. Eademque huius rei ratio est, quæ & fceni straminisque non probè resiccati: quod igne subdito succensum, fumum fundit quoquo versum copiosissimum. Flamma verò deficiente, tum & fumus cessat. Et hanc huius veram genuinamque causam esse, inde nobis confirmari potest, quod terreni venti de nocte potissimum: maritimi verò de die spirare soleant. In maris littoralibus nonnunquam aduersi, nonnunquam impetuosii venti per vices flant: interdum & summa aeris tranquillitas est, adeò vt ne leuissimæ auræ spiramen sentiatur. Per summum verò Oceanum nauigantibus sub linea æquinoctiali, adeò nulla malacia obtingit, vt à gnarissimis equidem nautis acceperim, quod vniuerso ætatis suæ decursu tranquillitatem omnimodam illic nunquam experti sint. Vnde paucis quoque illuc cursus est, propter aerem, qui rapidissima cæli conuersione tam violenter ibi torquetur, vt naues in aduersum eius minimè propelli possint.

Inter cætera etiam hoc meminimus superius, nauem quandam à Lima vsq; in Manillam, spacio 2700. milliarium perpetuo sub linea decurrisse, ita vt ab illa vltra 10. aut 12. gradibus nunquam deflexerit. Id autem mēsis Febuario & Martio, quibus Sol rectà in Zenith illis est, factum est. Hoc vniuerso in spatio nullam vnquā tranquillitatem, sed perpetuas frigidiusculas auras nacti, duorum mensium decursu

decurſu citius, tam longinquam nauigationem confecerunt. Supra terram verò, aut iuxta littora, aut vbi vapores inſulas terramve firmam attingere poſſunt, tum intra tum extra ipſam torridam malacia frequenter longiſſima & durabiliſſima perſentitur. Similiter autem derepentè copioſi imbres, aliæq; horrendæ tempeſtates in aëre ſuſcitantur, quæ plerunque iuxta littora potius, & ea loca, in quæ vapores ferri ſolent, deſæuiunt, quam in amplo vaſtoque Oceano. Sed hæc de torrida ſaltem vera ſunt. Nam extra illam haud leuior perſæpè tranquillitas eſt, quàm in ipſomet Oceano. Nihilominus tamen & interdum ſub linea intra ipſam torridam tam repentini, præcipientes, effuſiq; imbres ruunt, vt magnam quoq; Oceani partem omnino peruagentur. Cui aëris affectioni introducendæ vni vapores, ex mari confertim erumpentes, & in altū euolantes ſufficiunt: cum ex iisdem & fulgura, & tonitrua, & procelloſæ tempeſtates plerunque gignātur. Quæ tamen omnia ſupra terram potius, quam in Oceano contingere, notum eſt.

Nos, cum aliquando ex Peru in Hiſpaniam vela facientes, iuxta littora maris alicubi decurreremus, toto illo tēpore aërem ſerenum, placidum, & coruſcum habuimus: cuius cauſa ventus auſtralis erat, qui ibi iugiter ſpirare ſolet. Hoc eodem vento ex noua Hiſpania in veterem tranſmitti ſolitum eſt. Poſtquam verò obliqua declinatione verſus Oceanum altum, vltra lineam æquinoctialem tranſcendiſſemus, aura frigidiore & nobis ſecūdiore vſi ſumus. Hinc porrò in Nicaragua finitima deuecti, cum iuxta littora iterum decurreremus, ventos aduerſiſſimos, denſis nebulis, frequentibuſq; pluuiis & tempeſtatibus crebris permixtos naſti ſumus. Et nihilominus tamē noſter iſte decurſus intra torridam iugis & perpetuus erat: niſi quod ab aſtro 12. gradibus, qua altitudine ciuitas Lima ſita eſt, declinantes, ad 17. gradum, quo ſitu Guatulco nouæ Hiſpaniæ portus eſt, contenderemus. Nec dubito, quin, ſi meta à nobis ſub torrida decurſa, accuratioſe ſupputatione numeretur, graduum dictorum iſ numerus præciſe proditurus ſit.

Et hæc, de ventis in Zona torrida, & in ipſo Oceano dominantibus hætenus in genere percenſita, nobis ſufficiant.

Cap. IX.

De miris quibuſdam operationibus ventorum, in India editis & notatis.



VI vniuerſos, adeoque memorabiles & prodigioſos illos omnes effectus, quos in India diuerſis diſcretiſque locis venti edere ſolent, digna tractatione explicare vellet, hunc ſublimi quodam atque ferè diuino mentis intellectu præditum eſſe, neceſſe foret. Sunt enim inter alios venti, qui aquam marinam in

M

aliam

aliam naturam mutantes, eam sub viridi colore tingunt. Eandem alii vicissim ita eluunt, clarificantq; vt speculi læuorem habeat. Ventus alius corpus expedit recreatque: alius idem obturbat & suffocat. Qui ferici causa bombyces alunt, hi Vendaualis flantibus, fenestras exquisitè occludūt eorum conclauium, in quibus seruantur. His verò contrariis ventis spirantibus, easdem prouidè referant: cū indubitata longi temporis experientia didicerint, ventorū alios insectis istis damnosos & noxios, alios verò iisdem admodum salubres esse, & eorum multiplicationem procurare. Quod ipsum vel à nostrum quouis priuata experientia facta comprobari potest. Venti enim diuersi, omnino diuersas corporibus animantium dispositiones inducūt, iis comprimis, quæ naturæ aut partium sunt teneriorū aut molliorum. Hæc enim quò infirmiores, eo alterationibus magis obnoxia sunt. Sacra Scriptura quidē ventos alios vrentes & tabeficientes vocat: alios è suauitate spirantes. Nec mirum est, tantam à ventis mutationem, tum herbis, tum animalibus ac hominibus ipsis impendere: cū si familia metallorū quoq; solidiori generi, vtpote ferro, accidere cōpertum sit. Nam in discretis Indiæ locis crates ferreas, fenestris prætedi solitas, ventorum vi penitus obtritas, & quasi eliquatas multoties vidimus. Quarum quidem fragmentum, cum aliquando tentandi causa digitis pressis obtereremus, nō secus, ac fœnum stramenve aridissimum in tenuem puluerem fatiscebat, ita intimā omnem eius substantiam penetrantissima venti vis exederat. Contra quam etiam illius iniuriam nullum vsquam indigenis istis remedium prostat.

Sed ex maximis & comprimis admirandis ventorū energiis, duas saltem hîc virtutes illorum commemorabo. Vna est, quod, etsi venti nonnulli ipsa morte acerbius torqueant, homini tamē vim non admodum magnam inferant. Altera, quod sine sensu & dolore omni homines vita exuūt. Et quidem homines, qui primo per mare nauigaturi sunt, illicò ægrescere, id vt notissimū, sic nulli damnosum est. Quod ni sic necessario fieri compertum haberēt homines, nullo dubio, se morbo lethali occupatos esse, persuasum haberent. Namq; ea ægritudine omnis ventriculi substantia tam iugi & infesta rosione, & diuulsione distorquetur, vt dolor ipsa morte acerbior persæpè sit. Hinc immanissimi capitis dolores: & tandem symptomata infinita consequuntur alia: quæ omnia, ceu iam notissima mala, ab vno nouo & infueto maris aëre, hominum corporibus ingeruntur. Et licet incitatio nauis commotio, eiusdemq; crebra quasi succussio, sentineq; praua & molesta expiratio ad istiusmodi morbum gignendum momenti haud parum conferant: aëris tamen marini halitus ex omnibus istis causa princeps est, quæ inassuetorum hominum ventriculos tantoperè infestet & rodat. Nam, vt accuratius de his differamus, notum omnibus est, aërem vitæ nostræ pabulum esse. Eo inspirato, cordis natiuū feruorem quasi attemperamus & reficimus. Nec

quic-

Exod. 10. 14.

Job. 17.

Ion. 4.

Ezech. 13.

Dan. 3.

quicquam est, quod hominis corpus aut promptius aut violentius mutare possit ipso aëre: sicut id in constitutionibus anni pestiferis clarè cernitur. Marini verò aëris haustum insolitæ illius perturbationis vim maximam habere, id lōga omnium obseruatione liquidius est, quam vt scrupulosius enodandū sit. Nam & id à diligentioribus persæpè obseruatum est, quod aura è mari expirans, hominibus vel in ipsa terra habitantibus, similem ventriculi peruersionem incusserit: ex quorum numero vel ipsum me profiteri liberè audeo. Hi, quò mari deinde fiunt propiores, eo ægriores euadunt. Id nobis contigit in illis notare hominibus, qui, iuxta mare in fluminum ostiis nauigantes, cū aura marina afflarentur, illicò nauseam similem passi sunt. Idem eorum quoq; nonnulli experiuntur, qui aut bigis, aut curribus iter iuxta mare confecerunt, prout illorum natura aut complexio affectui isti affinior fuit.

Sed utcumq; isthæc se habeant, certè ratū, & extra omne dubium nobis id esse debet, ab aura marina illos omnino ægrescere, qui mare primum tentant. Quæ omnia hunc saltem in finem à nobis prolata sunt, vt intelligerēt rerum abditarum cupidi, Indorum multos, imò partem maximam à vicinia saltem maris aura grauius affligi, quam si ipsum mare tererent aut fulcarent.

Sed sunt, qui istiusmodi pro nugis & fabulis habent. Alii, nos rem parū & humilē, nimio operè exagitare: aut exaggerare clamitant. Sed istos, & eorū similes quis admodū curet? Quin potius, quod res est, & quod ipsi sinet nobis experiri licuit, contra ipsos proferimus? In Peru prouincia mons quidā insignis altitudinis est, Periacacca dictus. Hu-
Periacacca
montis vni-
uersa
ius cum ab aliquibus miram efficaciam deprædicari audissemus, visendi & adeundi eius nobis libido succreuit. Pro eorum ergo, quos Vasquianos seu Peritos nominant, institutione, nos rebus omnibus, ad hoc iter & periculum sustinendum, necessariis, abundè instruximus. Probè ergò rebus omnibus muniti, cū ascendendo Scalam (ita locum montis editiorem appellant) attigissemus, tantus derepentè tamq; acerbus nos horror inuasit, vt omnino de equis desultādum, in humumq; decumbendum esse, nobis videretur. Et licet nostrum numerus haud exiguus esset: quisque tamen pro se sociis non attentis, quantum poterat, per locum istum perrumpebat, vt pauorem illum panicum velociter exuperaret. Ego verò, qui cum nonnullis aliis rem istā exactius experiri desiderabam, postquā cum Indo quodam ductore soli ibidē restitarem: illum vt casurū me de equo suffulciret, amanter obsecraui. Quo factò, vix tantilla mora elapsa vsq; adeò me nausea sollicitauit, illicò, vt quicquid vel cibi vel pituitæ in ventriculo & intestinis esset, vomitione vniuersum redderetur, dum tandem violentiore exagitatione proleētus quoq; cruor emanaret. Quæ ventris irritatio si diutius cōtinuata fuisset, nullo dubio ipsi vitæ certum periculum attulisset. Vix quatuor à principio elapsis horis,

tandem auram temperatiorem nacti, socios nostros plerosq; admodum cōsternatos & percussos, numero 14. vel 15. offendimus collectos. Nonnullos etiā istiusmodi laboribus penitus expirasse intelleximus. Alios eorum videbamus per solum porrectos, præ immuni dolore, ex montis Pariacacca halitu concepto, terram horrendo aspectu raderet: alios verò conuolutis gyris se quoquo versum versare. Plerumque tamen accidentia ascensuris grauiora nulla obtingunt, quam quod vomitione eorum ventriculi quatiantur, & dolores ventris acutiores lacerent.

Huiusmodi verò effectus aut mala, non in ipso saltem ascensionis tramite peregrinantes obruunt; verum eadem vis montanis vniuersis illis, longitudine sua ad 500. milliaria excurrentibus congenita est: ad quæ quam primum appropinquaueris, huiusmodi peregrinam & intolerandam temperiē illico senseris. Quæ tamen malignitas aliis ac aliis locis vel intēsiōr vel remissiōr existit. Sed & his malis ij promptius affliguntur, qui à maritimis profecti ascendunt, quàm, qui ex montanis descensuri planam terram petunt. Nos quidem etiam extra Pariacaccæ montana per Lucanas & Soras, & alio item loco per Collaguas, & rursus alio per Cauanas peregrinati fuimus, adeoque tum ascendendo, tum descendendo loca varia & diuersissima transiuius: & tamen in omnibus locis huiusmodi noxas perpeffi sumus: etsi in dicto primò transitu symptomata omnium truculentissima sustinuerimus. Idem eodem modo & cæteri experti sunt, senseruntque, ventos seu aërem, illis locis vernaculum in consuetæ & admirandæ huiusmodi alterationis, omnino autorem existere. Sed contra huiusmodi corporis subuersiones truculentas, quod excogitari potuit remedium omnium optimum est, vt tum nares tum aures exquisite, quantum licet, obturentur, & vestibis idoneis vniuersum corpus, comprimis verò vētriculus, probè muniatur: Cū ea illic vigescentis aëris tenuitas & subtilitas sit, vt essentia eius ad intima vsque penetralia viscerum promptissimè peruadat & penetret. Superius autem commemoratis accidentariis malis non homines solum, sed ipsa quoque pecora tentantur & corripuntur, quæ vsque adeo doloribus obrigescunt, vt nec calcibus incussis, nec ferulis adactis quoquam modo compelli possint, vt pedem vel vnum è loco proferant.

Regio ista, de qua hæctenus talia percensuimus, locus videtur non saltem eius confinis, verum & vniuersi orbis editissimus & altissimus. Tanta etenim illius sublimitas est & eminentia conscendenda, vt cum loco illo, niuib. profundissimis vndiquaq; obsepto, si vel Pirenæi montes in Hispania, vel Alpes in Italia conferantur, comparisonem aliam non habere videantur, quam quæ vulgare domorum est, cum præaltis turribus collatorum. Quæ de causa quoque, vt mihi quidem videtur, aëritas subtilis & penetrantis naturæ

turæ fit, vt nulla cum hominibus aut pecoribus, crassiore & tēperatōre nimirum aura indigentibus proportione conueniat. Quæ ipsa quoque nostra sententia vnica & proxima causa existit, cur ab illo aëre vis & robur ventriculi tantopere affligatur, & proteratur.

Europæ quidem alpes, quas videre mihi contigit, etsi propter auræ frigiditatē vehemētem quidem faciant, vt cumulatīs & multiplicatis vestibis admodum opus sit: gelu tamen istorum locorum animalium appetitum adeò non destruit aut euertit, vt potius ciborum desiderium maius conciliet & inducat. Præterea nec nauseam aut anorexiam, nec vllum alium ventriculo affectum vnquam imperit, præterquam quod in manibus pedibusque doloris aliquantum concieat. Et vt summatim dicam, Alpium Europæ quas dant, noxæ, partium saltem externarum sunt. Indicarum verò iniuriæ, nec manus, nec pedes, nec partes vllas exteriores, sed sola viscera interna & penitiora attingunt. Quà sanè in re & id comprimis admirabile stupendumque videtur, quod etsi quidem in istis regionibus, tum summa amœnitas, tum lucidi solis radii nonnunquam micent, aëremque calefaciant, nihilominus tamen peregrinantibus istiusmodi dolores infligantur. Vt vel fixa & immota nobis stet sententia, prædictas ægritudines à sola aëris inspiratione hausti attractique, qualitate & proprietate corporibus introduci. Vsq̃ue adeò enim essentiæ tenuis & penetrantis est, vt nec confertim irruens, vlla sensus acrimonia percipi queat.

Cæterum, quod montana Pariacacca porrò concernit, magna ex parte illa inculta desertaque adeoque sterilia sunt, vt vix vsquam Tambos seu Casam, ibidem pernoctaturis commodam, reperire liceat. Sed nec vllum ibidem animal, prauumve bonumve inuenitur, præter Vicunnas, quarum nimis mira natura aut proprietas est, sicut à nobis suo loco fufius explicabitur. Herbae & gramina aëris vi exusta & nigricantia apparent. Deserta illius loci alicubi viginti, nonnullibi etiam triginta in latitudine: in longitudine verò vltra 500. milliaria occupant, sicut supra nos dixisse meminimus. Sed ibidem & alia inculta inhabitataque loca sunt, quæ Peruani Punas nominant.

Sed iam ad prænarratum alterum miraculum explicandum diuertamus, quo qualitas visque aëris, citra omnem sensum humanum corpus peruadit & permeat, & ipsum tamen suffocat aut perimit. Elapsis aliquam multis annis Hispani ex Peru prouincia in regnum Chilæ migraturi, viam terrestri itinere per montana sibi moliebantur. Nunc autem nauibus paratis eò plerunque contenditur, cursu ferè per littorum longitudinem instituto, etsi hæc via tum laboris tum periculi plenissima sit. Et tamen terrestri itinere naualis tutior & securior est. Nam montana transeuntibus multæ subinde planities occurrunt, in quibus cadauera, aëris violenta incursione suffocata spectantur. Nam per illa meatuorum alii bona fortuna

peruadunt: alii verò membris resoluti & apoplexia concussi, ibidem expirant. Illic leuis quædam & tenuis aurula spirare sentitur, quæ tanta vi penetrat, vt priusquam homines aliquam eius vim persentiscant, iam exanimes in terram prouoluantur. His nonnunquam è manibus, illis frequenter ex pedibus digiti truncati decidunt. Quæ, etsi quidem commēti aut fabulæ speciem habere ignaris videri queant: tamen ipsa veritate omnia veriora sunt. Hieronymo Costilla, veterano in Custo ciue, viro approbo, valdè semper humaniter & familiariter vsi sumus. Hic tribus aut quatuor in pedibus digitis carebat, quos frigus, per desertum in Chilam olim contendenti ipsi ademerat. Hic cum digitos istos suos auræ immanitate acerrimè afflatos & concisos spectare vellet; eos frigore rigidissimos & iam emortuos, non secus ac matura è malis poma, non citra acerrimum dolorem, decussit. Prænominatus Capitaneus mihi quoque commemorare solebat, multos militum greges, primo anno per desertū hoc in prædictum Chilæ regnum, ab Almagro ipsis monstratū, pergentes, maxima ex parte ibi occubuisse, quorum numerosa cadauera seipsum adhuc vidisse deierabat, addebatque, nihil quicquam foetoris illa exspirasse, aut quamcumuis aliam corruptionē putredinemve subiisse.

Sed quod inter cætera admodum notabile videbatur, hoc erat, quod affirmaret, ex gregibus istis se superstitem adhuc puerū quendam vidisse viuentem spirantēque: quem, cum rogasset, quonam præcipuè præsidio is se solus tamdiu seruasset, respondisse illum referebat, quod se interea in tabernaculo quodam seu casula fortuito inuenta sustentasset, ex qua quotidie excursum fecisset, & de cornice mortua adacto cultro particulam quandam, quæ ipsi hætenus pro alimento satis fuerit, auulsisse. Sociorum verò suorum neminem vspiam superstitem relictum esse, sed hunc, hodiè, cras alium, animi defectione enectum, misera strage occubuisse, vitamque exspirasse. Nunc verò & sibimet post alios moriendi vnum votum superesse, vt qui iam nihil amplius appetitus vel cibi vel potus, quibus reficeretur, reliquum haberet. Quam rem ita in veritate gestam esse, ab aliis quoque nobis sanctè affirmatum est. Qui casus sanè, si penitus expendatur, meritò miraculi instar est, frigus quidem hominem interficere, sed tamen eius corpus ab omni corruptione & putrefactione immune tueri. Hoc ipsum nobis post alios æqua narratione quidam Presbyter, Dominicanorū ordini addictus, etiam percensuit: qui suis oculis isthæc omnia vidit, cum per desertum iter fecisset. Is commemorabat, quod nocte quadam in dicto deserto pernoctare coactus fuerit. Et cum præsidii nihil haberet, quod spiranti illi tam penetranter auræ obuèteret: tum se cadauerum, sparsim illic per humum fusorum disiectorumque ingentem struem comportasse, & post eam veluti post murum in latibulis iacuisse iurato attestabatur.

Aurulam hanc quidam haud insipidi statuunt frigoris quoddam genus esse, virtutis aut qualitatis vsque adeò permeabilis & penetrantis, vt calorem corporum natiuum & genialem, vel in imis partium medullis suffocet & extinguat. Quæ cum iunctim summæ quoque siccitatis sit; quò minus cadauera putredine tabescant & diffuant, prohibet. Nam omnis putredinis principium à calore est & humore.

Tandem verò, quod illud genus auræ, sub terra fluctuantis & perstreptentis, adeoque eius succussionem & tremorem facientis (cuiusmodi in India longè frequentius, quam locis aliis eueniunt) attinet. De eo illo sigillatim loco tractaturi sumus, vbi ex professo de terræ Indicæ qualitatibus examen suscipiemus. Hic ergò iam ventis & aëre missis, ad huic finitimum aliud elementum, nimirum aquam diuertamus deinceps, & quid in ea scitu memorabile sit, propius intueamur.

Cap. X.

De Oceano, ipsam Indiam circumcirca ambiente: vt & de boreali australiq; Oceano, nonnulla.



De aquis tractationem suscepturis, ante omnia id incumbit curandum, vt primò de Oceano seu magno mari, vniuersam Indiam cum cæteris promiscue omnibus terris, succingente aut ambiente, sermonem instituatur. Omnes enim in vniuersum terræ, siue illæ insulæ, siue continentes sint, ab Oceano omnino disseparantur, ideò quia in nouo orbe mediterranea adhuc nulla maria reperta sunt, sicut eadem in Europa, Asia, & Africa inueniuntur, in quas mundi nimirum partes bracchia quædam ex magno Oceano sese efferunt, & maria illic distincta constituunt, quæ postmodum diuersas appellationes ab iis prouinciis seu regionibus, quas aut aluunt, aut statione sua attingunt, sortiuntur. Mediterranea autem ista omnia & singula maria propè conueniunt, & cum Oceano iunguntur vniunturque iuxta fretum Gibraltâr, quod veteres Herculis columnas vocatum voluerunt. Mare verò rubrum, à mediterraneis seiunctum, in Oceanum Indicum se exonerat. Caspium mare nulli quidem alii permiscetur & confunditur. Sed in India tamen, vt dictum est, mare aliud non est præter ipsum Oceanum, qui in duas partes ita dirimitur, vt alia Oceanus australis, alia borealis vulgatè dicatur. Indiæ porro Occidentalis terra, nuper reperta, cum illa, quæ versus Hispaniam Oceano finitima est, omnis in parte mundi Boreali sita est: & per hanc alterius quoque partis detectus est Oceanus, Australis hodiè appellatus, ideò, quoniam, dum nautæ eum sulcantes deorsum vltra lineam æquinoctialem portenderent, polum Arcticum ex conspectu suo amiserunt, & pro illo polum Antarcticum,

alias

alias australem, nacti sunt. Vnde factum est, ut mare in altero latere, nimirum in India Occidentali detectum, australe vocaretur, etsi illud magna ex parte in latus boreale excurreret, sicut est omnis Cusæ seu tractus in noua Hispania, Nicaragua, Guatimala, & Panama.

Multorum hæc sententia est, quod Vasco Nunnes de Valboa australem Oceanum, omnium primus inuenerit, per illam nimirum terram, quæ hodiè Firma nuncupatur, quo illa loco angustissima & contractissima fuisset. Bini etenim isti Oceani tam vicinis limitibus sibi iunguntur, ut interuallum vtriusque non plus septem miliaribus euagetur. Et quamuis plerique à Nombre de Dios, vsque in Panamam 18. miliaria completa numerent: id tamen hanc solum ob causam fit, quia tot ambagibus & circuitibus obeundis opus est. Quod si verò illud interstitium ad exquisitam latitudinis amussim reuocetur, plures septem dictis miliaribus nunquam supputabuntur. Consilium id verò nonnullorum fuit, ut interiecta hæc septem miliarium terra penitus perfoderetur, curareturque, ut tantillo spatio intersepta maria sibi inuicem coirent. Quæ certè ratio commodissimam in Peru nauigationem præstaret. Nam quæ merces octo- decim illis miliaribus per terram traiciendæ sunt, sumptus longè grandiores requirunt, quam si nauibus ad miliaria 1300. proferrentur. His verò ex aduerso nonnulli respondent, si id fieret, tum nullo dubio vniuersam illam regionem aquis submersum iri. Cum vnus Oceanus altero multo pressior & humilior decumbat. Et ex historiis intelligitur, quod propter dictam vnicam hanc causam tempore Sestoris Regis, & postea sub Ottomannico imperio Nili in mare rubrum deductio intermissa fuerit. Nos verò etsi id, quod iam dictum est, quò minus terra perfoderetur, minimè obstaculo aut impedimento esset, laborem istum omnem non saltem frustraneum, sed nullis omnino humanis viribus euincibilem audacter statuimus. Quis enim obsecrò compagem illam saxosam, tot rupibus & solidissimis cauitibus, firmissimisque montium eminentissimorum vinculis, mirabili diuinæ potentiae artificio quasi ferruminatam, & ut æstuosissimis frementis maris furoribus quasi aheneus murus resisteret, in medium coniectam, carneis suis manibus diffringere, & solo æquare posset? Et licet id quidem humana industria facile confectum dari posset, ab ausu tamen tam arduæ & periculosæ rei meritò, tum pietas honestasque, tum impendentis poenæ metus nos auocare debebat: ut quibus probrosum omnino & piaculari futurum sit, si, quæ opera Deus inexhausta sua sapientia & infinita prouidentia in creando mundo ita condita & constituta voluit, eadem nos temerario & nefando molimine destruere, euertere, & in creatoris contumeliam emendare satageremus. Taceo hoc loco ipsam rei leuitatem: ideo nimirum perrumpendam & suffodiendam terram esse, ut vnus Oceanus alteri quacunque ex causa

coniungi queat. Et licet vna quidem plaga altera tutior securiorque sit: valde tamen metuendū & formidandū est, vtrū duæ hæ abyssī in vno eodemque orbis loco commodè colligi & conuenire valeant.

Per hanc viam olim primus transiit Ferdinandus Magellanes Eques Lusitanicus, qui tū propter summū ingenii acumen, tū miram animi constātiā amplissima laude dignissimus est. Is multa abdita & hominibus incognita mira sagacitate inuenit: inter quæ & angustia seu fretum Magellanes, ab autore suo, primoq; inuentore ita appellatum, numerari debet. Eius non miraculum leuius est, quam vilius in vniuerso orbe partis. Existimant nonnulli, fretum illud, quod versus australe celum à Magellane detectū est, aut nihil omnino esse, aut quod grādiōr quædā & porrectior in Oceano obturatio aut obstructio sit: sicut talia Don Alonso d' Arcilla in sua Araucana tradidit. Quin & nostro hoc seculo fuerunt, q̄ audacter profiteri ausi sunt, fretum illud nusquam vnquā extitisse, sed id meras fuisse insulas, continētēq; illic suos terminos habuisse: cuius reliquæ seu extremitates omnes in insulas, in hoc aut illo mari quoquo versum dispersas degenerarint: aut quod cōmodius dictu est, illud vniuersum mare extitisse. Sed longè certissimū est, reuera ibi tum angustias seu fretū, tū terras, secundum longitudinē ab vno latere in aliud excurrentes, existere: etsi, quousq; terra in latere australi secundum fretū illud exporrigatur, nemini adhuc cōpertum sit, per fretū hoc Magellanes, Episcopus Placentinus Don Gutierre Caruaial naue perrupit: cuius malus, vt fama est, vel dum hodie in Lima ciuitate ante palatii introitū suffixus aut asseruatus cernitur. Porro & classis quæpiam, à Don Garcia de Mendoça, tum tēporis in Chila Governatore, instructa & emissa est, ad partē illam Australem certius peruestigandam. Quæ omnia sic reuera se habere, à Capitaneo Ladrillero, cuius Relationem nobis legere contigit, cōperta sunt. Qui tamē suis cōmentariis hoc quoq; inseruit, quod nunquā ausus fuerit, per freti aduersa sursum nauigare: verum quamprimū Oceanū borealē interstinxisset, quod ventorum fluctuumq; grassantibus procellis retropulsus sit, cū iam dū hyems in illis locis vigeret, fluctusq; maris aquilonaris violēto impetu insultarēt, tantoq; fremitu & agitatione subigerentur, vt quoquo versum vnda concussionis furore spumesceret. Nostris tēporibus idē quoq; fretum Frāciscus Draco, Anglus: & post hunc Capitaneus Sarmiento, qui secūdū partem australem decurrit, pernauigauerunt. Et anno à partu virginis 1587. has ipsas angustias nonnulli quoq; alii Angli, à dicto Draco edocti & instructi, transmiserunt: qui iam secundum Peruensia littora habitare creduntur.

Cum verò commemoratio ista, quam nobis summus noster Gubernator de hac re fecit, memorabilis admodum & fructuosā videatur; eam huic loco inferere placuit: ideò comprimis, quod is ipsemet quoq; iuxta latus australe fretum illud permensus fuerit.

Cap. XI.

*De freto Magellanes, & quomodo per id in latere australi
transitum & per nauigatum sit.*



N N O salutis humanæ Franciscus Draco per fretum
 Magellanes transmissurus, secundum littorum Chi-
 læ & Peru longitudinem decurrit, nauemque S. Ioan-
 d' Antona, tabulis seu orbibus ex puro argento fufis
 oneratā prædatus est. Tum & Prorex Don Francisco
 de Tolleto, ad eundem sinū patefaciendū duas gran-
 des naues expediuerat: quarū præfectus Pedro de Sarmiento, Ocea-
 ni peritissimus simul, & Astronomiæ gnarissimus constituebatur. Is
 ex Collao de Lima in initio mensis Octobris soluens, cum iuxta lit-
 tora ventis impeteretur aduersis, ibi ab austro assiduò spirare solitis:
 versus altum Oceanum ascendens, intra 30. dies feliciter regionem
 istius freti attigit. Quam tamen cum internoscere difficilimè liceret,
 vela versus terram vertentes, tractum quendam oblongum peruase-
 runt, dum Arce, Pelagus quoddam (vt vocant) insularum tenerent.
 Ratus ergò Sarmiento, ibi necessario quæsitum transitum sinū mve-
 situm esse, laboriosis explorationibus plus integro mense confecit,
 varias interim vias & incursus diuersos sibi moliens, & nonnūquam
 præruptissimos quoque montes, spectandi causa conscendens. Vi-
 dens ergò sibi inueniendi aditus nullam copiam restare, tandem col-
 legarum sollicitationibus victus, ex loco dicto iterum in altum O-
 ceanum secessit. Eodem adhuc die tempestate immani vsque ad se-
 ram vesperam cōcussi & iactati, prætorix nauis, faces succensas con-
 spicati sunt: quas tamen temporis breue interuallum confestim eo-
 rum cōspectui eripuit iterum, ita, vt nauis ne ramētum quidem mi-
 nimum procul dispectare amplius possent. Postridiè, durante adhuc
 nonnihil vento dicto, è nauis summitate terram pandi quampiam
 viderunt. Ideò ad illam rectā nauem impellere, & tutum contra pro-
 cellarum insaniam receptum sibi ibi quærere decreuerunt. Cum er-
 gò iuxta terram illam pergentes curiosis oculis omnia quoquo ver-
 sum dispicerent, eam quàm longissimo tractu prorsum exporrigi
 animaduenterunt. Vnde non immeritò, illud hoc ipsum quæsi-
 tum fretum esse, suspicati sunt. Loci ergò altitudine captata $51\frac{1}{2}$. gra-
 dus numerarunt, quæ ipsa vera istius sinus altitudo erat. Porro au-
 tem, vt rem adhuc certius compertam haberent, celo ce expedita e-
 missa que secundum longitudinem marini huius bracchii multo-
 rum milliarium metam permenfi sunt. Cuius cum nullos terminos
 assequerentur, iam dum inuenti detectique freti sententiam immo-
 tam & ineuariabilem conceperunt. Ergò pro iniuncto munere fre-
 tum manifestatum per nauigaturi, eo loco crucem ex ligno subli-
 mem

mem crexerunt, infraque litteras quasdam exsculperunt, venturæ naui alteri, im dudum vi fluctuum disiectæ, indicaturas, quod hæc scilicet metâ perrexerint. Commoda itaque tempestate, citra laborem, fretum omne transmittentes, cum tandem in Oceanum borealem inuecti essent, & ibidem quasdam insulas attigissent, ex iis pro necessariis vsibus porabilem vndam hauserunt. Quo peracto, porro iter suum versus Cabo Verde, & hinc iterum, suasu impulsuq; gubernatoris primarii per Cartagenam & Panamam in Peru vela direxerunt, reperti freti conditionē omnē Proregi delineantes, & quid in ista exploratione successus habuissent explicantes. Quibus exactè cognitis, quod æquum erat, Prorex exploratori amplissima munera obtulit. Capitaneus verò Pedro Sarmiento, ea ipsa naui, qua fretum traiecisset, à Cabo Verde in Seuiliam, & hinc vltèrius ad aulam Regiæ concessit: vbi à maiestate regia non solum honorariis opulentissimis illicò donatus est: verum pro eius sollicitatione, valida classis insuper instructa, ipsi ac Diego Flores de Valdès tradita & mandata est, vt nimirum illâ fretum repertum occuparent, & idoneis munitionibus erectis, locum habitabilem constituerent. Quæ tamen classis emissitia nihil admodum commemoratione dignum præstitit, etsi varia eademq; grauiâ in transitu illi occurrerint.

Sed iam deinceps de altera naui quoque, quæ ad vice Almirantem spectans, prætorix focia comesque fuerat, non nihil dicendum est. Eam autem superius commemorauimus, tempestatum aduersitate mirè concussam, & à focia prætoria dispulsam fuisse. Quo facto, ipsa nihilominus, qua maxima fieri potuit diligentia, pro metâ in Oceano recta tenenda, fortiter & animosè annisa fuit. At verò, postquam à latere venti obliqui violentissimè irruerent, quin vno quasi momento naui funditus mergeretur, vix tantillum aberat. Et iam dum vniuersi sese morti præsentaneæ præparauerant, sibi sua peccata inuicem confitentes, & extremum vale dicentes. Cum verò immanis hæc tempestas citra vllam remissionem triduo integro fremeret: subinde tamen, vt solent desperati, spem sibi faciebant, tandem aliquando fore, vt in littus aut oram aliquam, quam de longinquo prospiciebant, expellerentur. Sed & hæc illorum spes vana erat. Quin imò oram illam sensim longius è conspectu auferri, planè notabant: donec sub diei tertii exitum sedata ventorum vi, solis altitudinem dimetientes gradus 56. numerarent. Re ergò cognita, quod vsque adeò non in oram disiecti essent, vt ab ea potius quam longissimo interuallo discefferint: oppido euentum admirati crediderunt (ita attestante nobis Hernando Lamero Gubernatore) terram illam, quæ vltra fretum sit, secundum longitudinem Oceani australis procurrentibus, non eadem vsque ad ipsum fretum metâ exporrigi, verum ad Ortum potius aliquantulum deflecti. Nam si secus esset, tum se isto triduo vento non vsque adeo infelicitè vsuros fuisset,

se, arbitrabantur. Quibus ita constitutis, longius pronauigandi consilium mutare cæperunt. Siquidem, an illuc terræ termini essent, nec ne, scire non possent: & insuper nonnulli affirmarent, terram, iuxta fretum sitam, meram insulam esse, apud quam vterque Oceanus tum Australis, tum borealis colligeretur aut coiret: aut certè terram illam versus Orientem ad fines illos exporrigi, in quorum opposito Cabo de bona Esperanca (vt nonnulli autumant) sita sit. Sed hæc res nec ad hunc vsque diem certò confirmari, aut explorari potuit; nec quisquam adhuc inuentus est, qui secundum illius terræ longitudinem velis procurrit.

Indiarum Prorex Don Martin Henriques commemorauit nobis, quod famam, quæ publicè fertur, quasi in vltiori freti parte insulæ reperirentur, & vtrumque mare illic conflueret, pro puro putoque Anglicorum pyratarum figmento habeat. Namque (ita referebat) cum Vicerex aliquando in noua Hispania fuisset, Lusitanicum illum nautā, quem ibi Franciscus Draco in terrā exposuerat, de hac re seriò & diligenter interrogauit. Qui hoc illi constanter respondit, ibidem omnino veras angustias esse, ad quarum vtrumq; latus solida & firma terra existeret. Reuersa itaque nauis prætoria, fretum illud, de quo Hernandus Lamerus, cōmemorauerat, exactè internoscere potuit. Hæc autem propter magnæ cuiusdam insulæ, Lacampana à similitudine dictæ, & in introitu obiectæ, altitudinē maiorem, per aliam quæsitam viam in fretum incurrerat. Prænominatus gubernator, vt cum narrantem audiuius, per fretum istud vniuersum transmittendi, fixum consilium habebat. Sed eius hoc propositum à Vicealmirante cæterisque militibus seriò dissuasum est: cum videretur illis & serior annus esse, & metus maioris periculi plerisque haud inauguratus obuersaretur. Sic ergò in Chilen & porrò in Peru reditum est.

Cap. XII.

*De freto illo, quod pro sententia aliquorum ad littora
Florida sit.*



VM curiosa nonnullorum exploratione fretum Magellanes in Oceano australi detectum esset: successus iste multis animū ausumq; ministravit, alias quoq; angustias, versus aquilonem sitas, patefaciendi & indagandi. Et quidem quæ in Florida angustia sit, hanc dicunt tanto interuallo exporrectam & productam, vt eius nulli termini sciantur. Adelantado Petro Melendes, vir præstantissimus & nauta peritissimus, affirmavit nobis illuc omnino transitum aut fretū quoddam esse, ad quod certius peruestigandum à Rege sibi negotium datum esse referebat. Id quod summa quidem prom-

promptitudine aditurus esset. Ille suam de hoc freto conceptam sententiam his in medium allatis rationibus stabiliebat: quod nimirum in Oceano Boreali nauium, Chinesibus simillimarum quædam fragmenta reperta & visa aliquando sint. Quod nulla fieri ratione potuisset, nisi ex vno Oceano in alterum via quædam, aut transitus certus pateret. Deinde qui in Bay seu sinu quodam spatiofo, in Floridae terram ad 300. milliaria excurrente, certis temporibus, Balænae appareant: quæ tamen non nisi ex altero Oceano illuc migrare possint. His argumenta quoque alia annectat. Ex quibus tandem omnibus colligebat, quod pro summa sapientissimi creatoris Dei sapientia, aut Naturæ instituto laudatissimo vtrorumque Oceanorum par vbique & vniformis ratio esset. Æquo enim modo, ac Oceanus vterque sub polo Antarctico coniunguntur: sic pariter sub Arctico quoque polo vnum cum altero coire, à Deo sapienter ordinatum esse.

Huius freti notitiam habuisse Franciscum Dracum, nonnulli pro certo affirmant: dicuntque, illum ista consignasse & obseruasse, cum aliquando secundum littora rectè per Oceanum australem in nouam Hispaniam commeasset. Præter id & rumor est, eandem quoque metam naues quasdam Anglorum triuisse quondam, qui anno 1587. nauem aliam, grandi auri & gemmarum vi oneratam, & à Philippinis profectam, adorti spoliarunt. Quam quidem opulentam prædam apud terram Californias, vbi naues, ex Philippinis & China rursus in Hispaniam nouam traiectionem, semper in conspectu versantur, adepti sunt. Cum ergo hominum res nouas explorandi, opesque cumulandi infatiata libido sit: hac de causa spem nobis facimus certissimam fore, vt intra paucos annos, ista hæcenus obscura adhuc, planius in lucem ventura sint. Et de hominibus id quidem admirandum est, quod cum rerum nouarum quid odorati sunt, formicarum more inquieti non cessent prius, quam id, cuius desiderio tenentur, certius affecuti sint. Quo quidem naturali instinctu in hominibus Deus quoque ad Euangelii sui lucem accendendam vitur, vt eos nimirum hoc pacto illuminet & illustret, qui in tenebris & cæcitate adhuc versantur.

Porro autem etsi de freto isto sub aquilonari polo sito, nondum exquisitè omnia constituta sint: nihilominus tamen nos operæ facturos pretium arbitramur, si naturam, rationem & proprietatem freti polo antarctico subditi, quantum quidem ab illis, qui ipsi eius primi inuentores, aut saltem proximi spectatores fuerunt, accepimus, explicemus.

Cap. XIII.

De natura & ratione freti Magellanes.

FRETUM id, de quo nobis iam sermo instituitur, gradibus 52. iuxta austrum situm, in longitudine 90. aut 100. in latitudine autem, quā angustissimum est, vnum ad minimū milliare habet. Regi Hispanorum nonnulli id consilii dederunt, vt eo loco arcem seu castellum quoddam munitum extrueret, ad transitum illum occupandum quod sufficeret. Ipsum alioquin fretum nonnullis locis tantæ profunditatis est, vt nullus captari fundus queat. Alibi contrā tantum 18. nonnullibi rursus 15. solum orgiarum profunditas est.

Ex centenis illis milliariis, ab Oceano vno ad alterum interiectis, expressis indiciis triginta ad mare australe pertinere elucet. Nam quousque id mare porrigatur, id ex sinibus abundè satis spectari potest. Reliqua milliaria 70. suis sinibus & ipsa designata, ad mare aquilonare spectant. Huius verò discriminis hæc ratio est, quod dicta 30. milliaria ab austro per præruptos & asperrimos scopulos excurrant, quorum cacumina seu extremitates niuibz vestitæ propter immensam altitudinem non aliter comparent, ac si firmiter cohærent & iunctæ essent. Qua etiam de causâ Oceani australis fretum tam difficulter internosci potest.

Triginta dictorum milliarium mira profunditas est, adeò, vt illic diuertere haud facile sit. Cæterum 70. alia milliaria, quæ in Oceanum borealem sunt, fundū præbent idoneum. Ad freti verò vtrumque latus campi seu plagæ spatiosissimæ patent. Quin & in hoc fretum flumina quamplurima, magna simul & limpidissima se exonerant: iuxta quæ mirabiles quædam arbores, nobis hisce in terris ignotæ, quarum ligna fragrantia valdè sunt, enascuntur. Qui ex Peruanis illic pertransierunt, illarum genus vnum secum ad nos attulerunt. Versus terram, vt diximus, campi magni & amœni patent. Sed in freto medio multæ insulæ conspicuæ sunt. Indi verò, qui versus partem australem habitant, numero pauci, statura breuiiores aut humiliores, at animo mali & crudeles sunt. Contrā verò, qui in parte boreali confederunt, hi staturæ maioris & robustioris existunt: quorum aliquot captos secum in Hispaniam auexerūt. Eodem loco fasciculi aliquot panni Veneto colore imbuti reperti sunt: ex quibus euidenter colligi potuit, illâ aliquando populos Europæos pertransiisse.

Indi aduenientes nostrates nomine Iesus salutabant. Sagittarii expeditissimi sunt, & pellibus ferinis vestiuntur, quarum ibi miracopia. Tractus quidam, tum à boreali, tum australi Oceano, insigniter quidem deflectere videntur, illis comprimis locis, vbi vterque, sicut diximus,

diximus, terminatur. Quæ res insigni periculo non carere videtur. Sed tamen tuta est. Nam cum Almirans Sarmiento illuc transiret, non solum nullo periculo tentatus est, verum etiam nauigationem multò faciliorem & tutiorem habuit, quàm fieri posse credidisset. Nam præterquam quod tempestate admodum commoda vteretur, fluctus etiam ex aquilonari Oceano inundare soliti, admodum refracti per 70. vniuersa milliaria impulerant. Et quod Oceanum australem attinet, cum fretalis vndæ mira profunditas esset, ideò & istic omne periculum procul erat.

Verum quidem est, fretum hoc hyberno tempore minimè nauigabile esse. Nam propter inusitatam turbinum sæuitiam fluctuúm-que violentum impulsus, aliquot naues perierunt, quæ in freto isto saluum latibulum quæritabant. In latere australi vnica saltem naus fretum peruasit, quæ Almiranti ascripta fuerat: à cuius gubernatore Hernando Alonso multò certius & exploratius de omnibus rebus instituti sumus, quam à quoquam alio vnquam factum sit. Is, quæ hætenus percensuimus, omnia nobis explicite ita enumerauit, & freti insuper certam delineationem seu descriptionem nobis ostendit, quam se confecisse aiebat, dum rectà per illud decurrisset. Et eiusdem descriptionis exemplar Regi quoque Hispaniarum, vt & eius in Peru vices agenti, oblatum scimus.

Cap. XIII.

De aestibus, seu accessu & recessu Oceani Indici.



X admirandis naturæ arcanis id non minimum est, quod statis temporibus Oceanus tum increseat, tum minuat: non hanc solum ob causam, quia res ple-
risque incognita ea est: nec ob illam quia ipse incre-
menti modus inusitatus existit: sed vel præcipuè ideò,
quia talia in diuersis tum maribus tum littoribus si-
bi constanter eueniunt. Maria siquidem sunt aliqua, quæ non quo-
tidie accessum & recessum patiuntur, sicut in mediterraneo mari,
quâ parte humillimum est, fieri compertum est: cuius pars superior,
nempe Mare Venetum, quotidie tum augetur, tum minuitur: quæ
sanè res admiratione omnimodò digna est. Nam cum mare vtrum-
que mediterraneum sit, nec Venetum altero vastius: Venetum ta-
men ordinarios suos tum accessus tum recessus omnino habet: qui-
bus cæterum Italicum mare destituitur. Mediterraneorum marium
quædam insignia & incrementa & decrementa sustinent: quædam
eadem singulis mensibus patiuntur: nonnulla nunquam. Alia, qua-
le est Hispanicum, quotidianos suos accessus recessusque habent: &
præter hos duos insuper alios peculiare, singulis mensibus secun-
dum Lunæ vel silentium vel faciem plenā accidentes. Hos subsultorios
vocat.

vocant. Ex classe autem illorum marium, quæ quotidianos suos non menstruos (quid id rei sit, propter miram diuersitatem intercidentem, equidem ambigo) motus habent, vnum præ cæteris in India celebre est, in quo multa admiratu digna eueniunt. Illic etenim loca quædam sunt, quibus vnda marina quotidie duorum milliarium spatio saltem defluit: sicut id in Panama fieri videmus. Quod si verò motus subsultorii sint, tum id frequentius contingit. Quin & fines nonnulli sunt, quibus accessus recessusque vndarum tam exigui fiunt, vt ægrè percipi queant. Omnium verò communissimum est id, quod Oceanus seu mare magnum, tum quotidianos, tum menstruos suos motus patiat, idque in die naturali pro rato ordine bis, ita tamen, vt pro Lunæ latione singulis diebus tres horæ vnus quadrantes successiue minuantur. Fuerunt huius nonnulli sententiæ, motum hunc eius generis esse, quo marina vnda ita à loco altero defluat, vt quod defluxit, in altero inundet: sicut id in Cacaborum ebullitionibus fieri videmus: quorum aqua feruens, si alicubi attollitur, alia parte omnino deficit. Contra hos nonnulli diuersum statuunt, asserentes, maris incrementa vbiuis locorum æqualia esse, & his sua decrements ex aduerso æquo modo respondere, sicut in ollis feruida aqua per omnes partes se simul diffundit, & feruore cessante æquabiliter subsidit. Quæ postrema sententia, ceu verior, ab omnibus me iudice acceptanda est, non propter eas tantum causas, quas Philosophi suis Meteoris assignant: sed propter certam & infallibilem experientiam, qua hæc omnia ipso euentu & opere talia deprehenduntur.

Nos ergo vt ad huius dubii dissolutionem certum & axiomatice quidpiam edere possemus, ex gubernatore prænominato diligenter percontati sumus, quæ eius æstus, in freto accidere sueti, ratio modusque esset: an tum demum australis Oceanus suum incrementum haberet, cum borealis minueretur, & vice versa. Nam si isthæc tali modo euenirent, iam porro facile cuius planum fore, vndarum in loco vno affluxum, alterius loci exundantis omnino causam esse: quo pacto primorum sententia per omnia rata staret. Sed is mihi responderat, huius rei veritatem longè aliam esse, Oceanumque tum borealem tum australem simul & vno tempore insigniter augescere, vsque dum in medio iungantur, à quo tunc æquabiliter deficient, vno quolibet in suum locum separatim refluyente: & accessus seu incrementi, quam recessus aut decrementi nullum vsquam discrimen esse: quam rem singulorum dierum propior fides stabilire possit. Idem his addebat, occursum geminorum Oceanorum seu fluctuum à mari boreali 70. ab australi verò 30. milliariis accidere. Ex quo ipso quoque haud inefficaciter elici possit, accessum aut recessum istum localem motum neutiquam esse, sed potius alterationem quandam & ebullitionem, qua extra dubium simul omnia maria

vno eodemque tempore augescant, fluantque, & deinde suo modo iterum deficient aut minuantur: sicut ebullitio in olla facta, pro huius rei exemplo præstituta est. Quam quidem rem tam acri & industria exploratione nulli certam facere licuisset, nisi in ipso freto, in quo vterq; Oceanus maior coit, viua & indubitata observatio facta fuisset. Nam vt à stantibus in vtroque littore hominibus huius rei documentum capteretur, id ob hanc causam comprimis impossibile est, quia nec ipsi conspectum suum ad tam immensum locorum intervallum præferre possunt: nec si possent quidem, incitatissimam istam fluctuationis pernicitatem, quæ sex horis conficitur, internoscere vlla industria valerent.

Cap. XV.

De diuersis generibus & formis piscium, in India nascentium.



OCEANVS immensam piscium copiam alit. Quorum tum genera, tum naturæ à solo illorum conditore perfectè explicari possint. Plurimi tum generis tum generationis eiusdem sunt, cum illis, quos maria Europæa ferunt, vt sunt accipenser, quos Elste vocant, ex mari in flumina ascendentes: Dorades, quod nomen inauratum significat: Sardinii, & his similes alii. Sed & alij ibidem pisces inueniuntur, qui in nostris, quod sciam, regionibus, omnino noti non sunt. Ex quorum classe numerantur Cabrillæ, quæ Truytis dictis quadamtenus similes sunt, aut iis etiam, quos in noua Hispania Bobos nominant, qui ex Oceano per aduersa flumina ascendunt. Besugas seu Prasemos, vt & Truytos nos hîc quidem ipsi non vidimus: quos tamen in Chile frequentes esse, comperimus. In littore Peruano Atuni, etiam, sed pauci reperiuntur, creditumque est, eos statis temporibus ascendere, vt semen seu oua in freto Magellanico excludant, sicut iidem in freto Gibraltâr Hispanico congregi sueuerunt. Vnde eorum quoque copia maxima in Chilæ littoralibus captari solet. Quanquam qui ex his locis efferruntur, illis, quos Hispania fouet, non admodum similes sint. In insulis, Laudatis dictis, ceu sunt Cuba, Espannola, Puerto Rico, & Iamaica pisces Manatii dicti, inueniuntur, quod genus piscium admodum infrequens est, modò hoc nomine dignum sit. Hoc nimirum animal est, viuos foetus edens, quos tum cibus tum lacte nutrit. Idem camporum gramina depascitur: sed ætatis tamen partem maximam in aquis degit: vnde quoq; pro pisce & habetur & editur. Carnis eius sapor colorq; vitulinam apprimè æmulatur. Piscis huius dissecti ossa, vaccinis non valdè dissimilia sunt.

Hayen verò seu Tiburonum admirandorum satietas nos nunquam capere potuit: quorum vnum in portu capi vidimus, in cuius capite lanionis culter, cum magno ferreo hamo, & grandi capitis bo- uini suo cornu adhuc stipati, portione, reperta fuerunt. Spectaculum quoddam iucundum visuri per otium, quartam occisæ gruis partem supra lacum proximum, in mare effluentem, suffixam appendebamus. Quo factò, dicto citius odoris vi illectus Tiburon aliquis ad- natauit. Ergò vt spectaculi ex diuturnitate gratia maior esset, cura- tum erat, vt esca altius attolleretur. Nihilominus tamen Tiburon, vno momento illico prædam nactus erat, in sublime se tanta faci- litate surrigens, vt propè aduoluisse videretur. Prædam arreptam mi- nutim illico discerpserrat: vt qui dētibus acutissimis & fortissimis do- natus sit. Circa Tiburones assidue pisciculi minuti frequētes, Rome- ri vocati, obnatant, quos Tiburones à se arcere non satis queunt. Hi ex prædarum detrimentis, quæ Tiburones amittunt, victum sibi pa- rant. Boladores pisces volitantes sunt, quos intra tropicos reperire li- cet. His infesta insectatione Dorades insidiantur. Quos dum illi ef- fugere student, persæpè longius extra vndam in aëra se attollunt aut euolant. Vnde à volatu volatores (indigenæ Boladores corruptè ap- pellant) nominantur. Alas etenim habent instar lintei crassi aut pergameni, brachiis subtenfas, quarum ope se aliquandiu per æ- rem librare & promouere possunt: sicut piscium horum vnum, in nostram nauem illapsum intentis oculis contemplati sumus.

De Lagartis autem vel Caymanis, vt ibi vocantur, multa quidem in historia Indica tradita leguntur: quod certè animalis nullum ge- nus aliud est, quam à Plinio & antiquioribus vocatus Crocodilus. Hi in littoribus & fluminibus calidis, stabulantur. Nam in gelidio- ribus istiusmodi locis, illorum nulla vestigia reperiuntur. Vnde in omni quoque Peruano littore vsque in Paniam nulli offenduntur: sed in paulò calidioribus fluminibus frequentes sunt. Est autem Croco- dilus animal rigidum, & admodum inagile, iuxta tamen robustissi- mum & crudelissimum. Prædatum illi ituri, in campos aut ripas sese efferunt. Quod arripuerunt, in flumen secum abripiunt, & suffo- cant. Nectamen illius quicquam infra vndam degustant, sed vora- turi in terram omnino egrediuntur: cum eam faucium constitutio- nem à natura habeant, vt in aquis rictum aperturis, vnda confertim irruens suffocationis periculum faciliè ciere possit.

Cum Caymanis his fatali odio tigres immaniter sæpè præliantur. Nostrorum enim sociorum quidam commemorare nobis solebat, quod Caymanum cum tigre auida vtrinque insultatione facta hoc pacto depugnantem aliquando conspexisset: Caymanum nem- pe violento caudæ verbere seu vibratione, tigrem in vndam præcipi- tare voluisse. Tigrem contra violentis vnguibus obluëctatum, ho- stem suum in terram extrahere studuisse: dum tandem velitatione

acrius

acrius aucta, aspiranteque tigridi casu, Crocodilus dilaceratus, victori suo fortitudinis præmium dependisset. Quam tamen dilacerationem à ventre initium sumpsisse necesse fuit, quæ sola pars in hoc animali mollis & domabilis est. Nam dorsum tam crustosum, rigidum & firmum habet, vt ne hastæ cuspidi, aut sclopeti glandi penetrabile sit.

Cum simili Crocodilo alia quoque Indici viri pugna certata memorabilis est. Ea ita cæpta dicitur. Crocodilus quispiam puellum, fortè in littore confidentem, corripuit, & infra vndas secum abripuit. Id Indus, qui in vicinia erat, animaduertens, illicò quasi furiis percitus in Crocodilum irruit, cultrumq; quem manibus gestabat, tam violento iactu in eius abdomen extorquet, vt propter vulneris grauitatem Crocodilus in littus enatare coactus, infantem, etsi iam dum suffocatum, rursus dimitteret.

Sed cum de Indis pugnacibus hîc mentio inciderit, non abs re futurum arbitror, si alia quoq; exempla illorû fortitudinis in medium adducam. Inter cætera autem ea pugna admiratione dignissima est, quam Indi cum Balænis aggrediuntur. Et si verum fateri fas est, mira pol ea bonorum apud Deum dispensatio est, quod Indis, genti tam inermi & imbelli, tantum tum ingenii tum roboris largitus sit, vt cum immanissimis & truculentissimis quibusuis bestiis pugnam non saltem ordiri ausint, sed de iis quoq; miris modis triumphare possint. Quam quidem rem quoties his oculis nostris propius contuiti fuimus, toties Regii Psaltis egregium illud dictum, Draco iste, quem formasti ad illudendum ei, nobis in mentem rediit. Nam quod vspiam spectaculum ridiculosius esse queat, quam si videas, vnicum, eundemq; pusillum virum Indum Balænam, montis instar vastam, leui quodam funiculo religatam, ceu cum triumpho captiuam adducere? Sed quo piscationis genere in captandis Balænis, quas Florida numerosas exhibet, Indi vtuntur, hoc ferè se modo habet. Canoam seu scapham inscendunt, & eam vsq; ad dorsum conspectæ Balænæ impellunt. Post Indus è naui super piscis ceruicem exiliens, & illic aliquandiu ceu in equo sessitans opportunum tempus venatur, quo acuminatum palum, secum in hunc vsum allatum, in eius narium vnâ profundius defigere possit. Nares autem hoc loco vocamus ea foramina, per quæ tum aërem bestia introspirat, tum conceptam aquam copiosius eructat. Succedente ergò primo ausu, arreptis fustibus aut sudibus eam vndiquaq; alacriter contundit Indus. Quibus irritator balæna reddita plagis, immani habitu ceu furere incipit, & nunc huc, nunc illuc per vastum mare sese iactat, ingentiq; fremitu magnam aquarum molem in montes excutit: nonnunquam magna succussatione in profundam maris abyssum se demittit: paulò post iterum in altum seu aëra erumpit, & motus præ infania miros & aspectu horrendos edit. Interim nihilo-

minus Indus cœu expeditissimus eques in equo suo immotus confidet, & vt dolorem ferocienti bestię ingeminet, aut acerbio rem reddat, palum secundum quoq; in nares alteras pisci abstrudit, tamdiu repetitis ictibus incussum, vsque dum omnes trahendi aëris meatus ei præcluserit. Ita probè confecta re, pisce relicto in suam rursus insilit Canoam, quam secum interim assiduò pertraxerat redalligatam. Ea ergò paulò longius à pisce secedit, funemq; quo illum ligauit, aliquantò extensius remittit, sensim tamen post se piscem non nihil attrahens. Ita piscis, quamdiu satis profundas aquas habet, mirè furit, suum ductorem lentè insequendo. At in humiliorem locum maris excussus, propter corporis inexpediti vastam molem illicò immobilis iacet, nec se prorsum vorsumve mouere potest. Hoc viso, Indorum magnus numerus prædæ spe dicto citius appropians, balænam conficit: cuius postea dissectæ carnes viritim ex æquo partiuntur: ex quibus resiccatis deinde probam farinam, & ex hac tandem panes, longo tempore durabiles, pîsunt. Sic ergò, quod in alio Psalmo de Balæna dictum est, Dedisti eam escam populis Æthiopum, id hoc pacto apprimè completum videtur.

De hoc piscationis genere Adelantado Petro Melendes nobis frequenter admodum iocundè fabulatus est. Illiusdem quoq; meminit Modardes. Sed Indis alius quoq; in mari piscandi ritus solennis est. De quo etsi dicere æquo prolixius videri queat: meo tamen iudicio non erit inconueniens, cum de piscatione semel dici cæptum sit, si cursum institutum paulò longius vrgeamus. Fasciculū ex iuncis, quos Balsas vocant, firmiter colligant aut connectūt. Huic in vndas iniecto, cœu equo equites, insident, & vtraq; manu festucas agitan-tes, ad duo miliaria versus Oceanum altio rem se promouent. Ibi retia sua, eodem fasciculo aduecta, iactant, piscanturq; tum interdiu tum noctu, dum piscium numero petito capto, lætidomum remigent. Piscatores huiusmodi in Collao de Lima iucundo spectaculo aliquando spectauimus: quorum cum plurimi simul piscarentur, mirum erat, quanto studio alter alterum anteuertere satageret. Nam in Balsillis seu fasciculis suis cœu agglutinati sedentes, etiam ingentes fluctus trans mittebant: vt piscatores hi meri Neptuni & Tritones putari potuerint. Ab opere si terram rursus attigerunt, rates iunceas ex vnda extrahunt, humerisq; ad loca destinata proferunt: quas tandem resolutas in littore, vt siccentur, dispergunt. Cæteri verò Indi, qui in vallibus Yca habitant, pellibus lupinis folliū instar exufflatis, ne mergantur, piscationes suas obeunt.

In valle Canniette, olim Guarco dicta, piscatorum ingens multitudo habitauerat. Quam terram, cum post Inga occupasset, foedus, sed simulatum & insidiosum, credulis viris obtulit. Illius ergò in honorem Indi quid molituri, memorabilem piscationem decreuerūt & instituerunt, ita, vt simul vnà aliquot virorum millia piscatum, suis

fuīs Balsis in altum maris excurrerent. Sed à piscatu reuersos, militibus inductis Inga eos vniuersos trucidari curauit, vt quæ aliàs admodum culta fuisset, terra, postea sterilis & inhabitata tota relinqueretur.

Sed & alium piscationis modum spectauimus, cui nos Don Francisco de Toledo Vicerex adhibuerat. Is non in mari, sed flumine quodam, quod El Rio grande, id est, fluuiū grandem vocant, fiebat. Fluuius autem iste in prouincia Charcas situs est: cuius incolæ, Chiriguani, aquis se mergentes, admiranda velocitate pisces insectantur. Manu dextra aculeos ferreos gestabant. Sinistra ad natandum utebantur. His armis, hac arte in venatu pisces medios transfigunt, & correptos in aëra efferunt. Sed hi homines è piscium potius quam hominum genere orti videantur.

Cæterum cum hætenus de Oceano dictum sit: iam deinceps etiam de fluminibus & aliis aquis non nihil percenseamus.

Cap. XVI.

De Lacubus & paludibus Indicis.



Lacuum marium mediterraneorum, quæ veteris orbis regna habent, prouidus rerum omnium creator nouum hūc orbem quamplurimis stagnantibus aquis dotauit. Quarum nonnullæ tam diffusæ sunt, vt bono iure Lacus vocari possint. Aqua enim, quæ in Palæstina est, in sacra scriptura lacus appellatur. Lacus omnium maximus Titicacca est, in Peruana prouincia Collao situs, de quo superius diximus. Huius ambitus 80. ferè milliarium est: in quem flumina magna duodecim feruntur. Hic an scaphis transmitti posset, aliquando tentatum est. Sed prima illic scapha fluctuum collisionibus obruta periit. Illius aqua non perinde vt marina acris est: crassior tamen & turbidior illa, nec ipsa potabilis existit. Duo piscium genera alit, quorū vtrumq; multis gregibus producit. Vnum Suches dicitur: qui pisces graciles, & insalubres, palato tamen admodum sapidum gustantur. Alterum Bogas vocatur. Hi minores & spinosiores, prioribus salubriores sunt. Hoc in lacu, tum anserum, tum anatum innumera copia visitur. Quod si fors Indi alicuiquam, ex Chucuito aut Osmafvio venienti, honorarium spectaculum exhibituri sunt: tum quamplurimis Balsis coactis collectisq; , circulum formant, in quem anates aut anseres ita concludunt, vt vel manibus, quot volunt, leui negotio præhendant. Hoc venationis genus Chaco indigerant. In lacus huius vtriusq; latere, vici totius Peru omnium amœnissimi iacent. Idem lacus, etiam alterius magni pater & quasi genitor est: cuius nomen Paria. Illic numerosæ pecudes aluntur, compressis verò porcunno (genus aprorum est) qui ibi saginantur & ad-

modum pinguescunt esitata Totorā: quod pabulum ex lacu pro istis animalibus valdè commodum enascitur.

Ex montanis plurimi limpidissimi riuī & fluuīi scatent. Ab Arequipa versus Collao tendentibus, superiore in loco duo lacus limpidissimi in transitu visuntur, qui medio intercurrente tramite separati sunt. Vnus eorum fluuium parturit, in mare australe decurrentem. De altero verò affirmant nonnulli, quod illustris fluuius Aporima suos in ipso fontes accipiat: vt alios hoc loco, qui ex eodem metprofluunt, silentio obuoluam. Ex iisdem montanis etiam magni nominis fluuius, de Las Amazonas, aliàs Marannon dictus, scaturit. Nos quidem impendio persæpè admirati fuimus, quī ex montanis istis tot lacus emergere possent; cum tamen incurrentibus aliunde fluminibus illi non augerentur, sed ex ipsis numerosi fluuii etiam insuper pernaſcerentur: maximè cum nulla anni parte vel tantillum ipsi minui viderentur. Et licet nonnulli respondere soleant, quod ex niuib. in montium præcipitiis solutis, & in decliuiora defluentibus isti lacus augeantur: istorum tamen ratio non per omnia accuratioribus indagatoribus satisfacit. Nam aliquamulti montium nec niues aut pluuias fundunt: & tamen subiecti illis lacus nihilo minuuntur. Ex quo concludi par est, illos ex viuis & insignibus scatebris potius generari, ali, foueri quæ, quæ in illorum meditullio à natura ipsa productæ sint. Nec tamen interim inficias imus, pluuiarum aut niuium frequentia ipsos iunctim quoq; magis augescere.

Lacus huiusmodi in summis quoq; & præruptissimis montium fastigiis, tam frequentes & numerosi sunt, vt paucos, qui insignes sint, fluuios deruere videas, qui ex lacubus non profundantur & erumpant. Ipsa aliàs vnda lacustris admodum limpida & pellustris, paucis habitata piscibus est. Et qui in illis capiuntur paucissimi propter intensum frigus præcipitiis istiusmodi familiare, omnes minuti sunt.

Vicissim autem prodigiosum quippiam videtur, lacus quoque nonnullos admodum calidos reperiri. In conuallium Tarapay extremitatibus iuxta Potosi, lacus visitur, ita rotundus exquisitè quasi ea forma circino descriptus esset. Et licet terra illa, vnde aqua nascitur, constitutionis frigidæ sit: aqua tamen ipsa nihilominus feruidissima sentitur. Ad ipsas lacus ripas quidem lauari homines queunt: penitior autem loco, aqua propter summum feruorem intolerabilis omnino est. In medio lacu aqua spatio 20. pedum ebullit & altè attollitur: quo loco eius scaturigo est. Et licet ista quidem scatebrâ vndarum vis maxima eructetur, nemo quisquam tamen illius lacum tumidiorem factum vnquam animaduertit: vt credibile sit, quantum illius eructatur, tantum abditis cuniculis illicò iterum defluere. Sed nec vnquam minui visus lacus est: etsi ex eodem proleſtus riuus sit in molam, metallario opificio necessariam. Quo riuo cum

cum lacui aquæ copia maxima detrahatur, vt tandem minuatur, omnino necessarium videri possit.

Cæterum Peruana prouincia iam relicta, ad nouam Hispaniam commicemus. Cuius lacus, vt in hac quoq; historia celebrentur describanturq;, Peruanis non minus digni sunt: Ex illis autem primarius est lacus apud Mexico, qui ex duplici aquæ genere constat: Salsa nimirum, qualis marina: & dulci, quæ à fluminibus, in illum incumbentibus, generatur. In lacus medio rupes amœnissima prospicit, supra quam balnea calentis aquæ, sponte sua profluentis, & sanitatis causâ bibitæ celebrantur. In rupis ambitu seu radicibus agri seu plagæ circumductæ sunt, quæ seminibus diuersis conseri solent. Quod non conspiciatis impossibile videri possit. Hoc ipso in lacu ciuitas Mexico fundata est, etsi Hispani omnem eius ambitum, iniecta terra expleuerint, & vix pauculos fluuios ciuitatem tum ambientes, tum peruadentes reliquerint. Horum fluuiorum beneficio, quicquid opus est, ad vsus quotidianos, ceu sunt ligna, herbæ, lapides, frumenta, & similia, in ciuitatem infertur. Ferdinandus Cortesius cum hanc ciuitatem occuparet, duabus Bergantinis (nauium paruarum genus est) in lacu fabrefactis vsus erat. Quarum tamen postea vsus iterum abrogauit. Hodie Canoas, easque maximo numero habent. Admodum pisculentus est hic lacus: sed pisces omnes viles, minutiq;. Hinc qui reditus fiunt, non vltra 300000. ducatos æstimantur. Ab hoc lacu alii multi non admodum longè distant: ex quibus piscium quantum opus, in Mexico inuehitur. Regio ideo Mechoacon nominatur, quia admodum piscosa est. Nam in ea lacus infiniti sunt, piscium optimorum maximorumq; promi largissimi. Regio aliàs ex se frigidiuscula & salubris existit: cuius lacus vniuersi propter multitudinem immensam singuli describi non possunt. Et hoc comprimis notabile est, quod sub ipsa torrida plures lacus reperiantur, quam in vlla vniuersi orbis plaga.

Cap. XVII.

De diuersis India fontibus, & riuis.



IC V T in aliis plerunq; locis, ita in India quoq; magni perennesque riui, & fontes, aquæque passim reperiuntur: quorum sua cuique proprietas, mirabilesque operationes competunt. In Peruana Guancauelica, vbi mineræ hydrargyri sunt, fons quidam feruidam aquam euomit: quæ in auram eiecta, lapideam duriem subit, aut, vt verius dicam, verè lapidescit. Ex quo lapidum genere vniuersa propè, modò dicti pagi, domicilia extructa sunt. Lapis ipse ferro, non secus ac lignum domatur, & in quamuis formam scinditur. Et licet portatu facilis sit: diuturnè tamen admodum longin-

longinquitatis existit. De hac aqua si vel homines vel bruta obbiberint, breui intereunt. Vnde enim, ceu in aura, sic in ventre vniuersa lapidescit: id quod ex equis aliquibus, potu eius enectis, comperiri licuit. Eiusdē ergo naturæ vi, qua aqua in auram protrusa, lapideam substantiam induit, eadem sibi effluxus ostium seu fauces persæpè obstruit: vt nouis cuniculis aut scaturiginibus subinde perruptis omnino opus sit.

In S. Helenæ sinu fons viuus est, perpetuò bitumen (in Peru Copey dictum) eructans aut euomens; cuius generis extra dubium illi quoq; fuerunt, de quibus S. Scriptura mentionem facit: dum desertum quoddam, bitumen fundens nominat. Qui in mari versantur, huius bituminis certissimos vsus norunt. Illo enim tum vela tum rudentes nauium oblinunt: quod ipso effectū pice Hispanica non est inferius. Cum aliquando à Peruana prouincia secundum porrecta littora in nouam Hispaniam traiceremus: gubernator nauis mihi insulam quandam, à lupis cognominatam ostendit, in qua ipsa vel dum fons huiusmodi Copey seu bitumen, quo Camelos illinant, profundat. Quin & picis promus ibidem alius fons visitur. Idem Gubernator referebat iuxta, quod cum olim longius extra metam euagatus, nesciuisset, quo loco esset, vnus bituminiferi fontis elato fumo conspecto, vbi moraretur, edoctus fuerit. Nam eructationem Copey fumum densum semper consequi.

Prope thermas de Inga dictas, Canalis quidam perpetuas feruentes aquas fundit: in cuius propinquissima vicinia aqua, ipsa niuali gelidior, erumpit. Statio ergo vtriusque effluxum suscipiens, omnino temperata sit oportet: id quod comprimis memorabile est, res duas, tam aduersæ & dissidentis naturæ tam propè iunctas perennare. Similium aquarum infinitas adhuc recensere nobis procliue sit: vt inter cæteras in prouincia Las Charcas, aqua tantæ distemperantiæ est, vt in ea ferri manus, nec breuissimo interuallo possint: sicut deposito pignore à nostrum aliquibus de ea re decertatum est. In Cusco aqua saluginosa quæpiam, ad primum quidem effluxus ostium in salem admodum candidum probumque abit. Qui fons, si in locis aliis haberetur, magni certè Thesauri instar esset: qui tamen hoc loco propter miram salis abundantiam nihili æstimatur.

Fluenta Guayaquil, in Peru sub linea æquinoctiali sitæ, contra venereæ luis, & affectuum contagiosorum aliorum quoq; malignitatem, indubitatum remedium præstant. Qua de causa infiniti homines è locis quoq; distantissimis eo migrare sueuerunt. Medicatæ verò huius aquæ hanc causam afferunt, quod vniuersa illa regio, quam dicta fluenta pererrant, radicis Sarsaparillæ, cuius virtus, contra dictam luem notissima est, feracissima sit.

Bilcanora locus montanus est, pro vulgi opinione in omni Peru eminentissimus, cuius editiora spatia niue constrata alibi sunt, alibi carbo-

carbone atriora comparent. Ex huius diuersis principijs duo diuersi fluuij emittuntur, qui aliquo vsque progressi, grandiores fiunt: adhuc paulo longius euagati, in flumina abeunt maxima. Eorum vnus in Collao, & hinc in lacū insignem Titiacacca: alter vero in d. Andes, Yucay dictum profluit: vbi hic cum fluminibus alijs confusus fluctuum magna exagitatione in mare boreale se effundit. Quo loco fluuius hic primum ex rupibus & scopulis Bilcanora elabitur, eius aqua lixiuij colore aut cineris tincta, quoquo versum fumū seu halitum combustæ rei cuiusdam expirat, vsq; dum fluminum imbibitorum qualitate, fuligo, ipsi natiua, mitigetur & sopiatur. In Hispania noua aquas nobis videre contigit, atramento fuso similes, sed ad cæruleum moderatè declinantes. Et in Peru fluuius est totus sanguinolentus: vnde fluuius quoq; ruber aut sanguineus dicitur.

Cap. XVIII.

De Fluminibus.

INTER omnia, cum vniuersæ Indiæ, tum vniuersi orbis flumina nullum celebrius Marannono aut Amazonio, de quo in lib. i. non nihil pertractauimus, reperitur. In hoc diuersis temporibus Hispani nouas terras quæsitura nauigarunt, quas etiam opulentissimas attigerunt: qualis inter cæteras & regio El Dorado, id est, aurea, alias Payititi dicta extitit. In hos fines Adelantado Iuan de Salinas illustres quidem exercitus eduxit: sed memorabile admodum nihil præstitit. Fluuius hic vt præter omnem fidem vastissimus est: ita, quod fretum habet, omnium in vniuerso orbe periculosissimum & funestissimum est. Situs eius intra duos elatissimos seu præruptissimos scopulos est: & vnda desuper ceu ex ipso cælo in profundissimam abyssum tam horrendo præcipitio, & fremitu immanissimo deuoluitur, vt rapidissimo illo spumescantis aquæ vortice naues transaturas vniuersim & simpliciter absorptum iri nulli non videri possit. Nihilominus tamen insatiata hominum cupido, spretis & contemptis omnibus periculis, hoc fretum peruadere ausa est. Nam celeberrimam illam terram Dorado adeundi studium, hæc omnia viliora mortalium animis præstituit. Itaque veriti non sunt per hoc præcipitium fluminis raptu se demittere, ita vt mordicus arreptis & præhensis suis Canois, velut agglutinati adhærescerent. Et licet in stupendo isto præcipitio funditus quidem demergerentur: nihilominus tamen tum vi, tum miro ingenio eluctari, & in auram se proferre meditati sunt. Et vt verbo dicam, extraiecto per hoc fretum vniuerso exercitu, vix pauci merse perierunt: quod stupenda admiratione nunquam non est dignissimum. Sed & hoc admiratione multò dignius esse videtur, quod post per

idem præcipitium ascendentes, nihil quicquam vel commeatus, vel pulueris pyrii, quæ secum rapuerant, perdididerunt. Nam laboribus infandis, & periculis funestis per rupis sublime non alio modo subrepere poterant, quam, ut pugionibus suis, in cautis poros defixis, innixi conscenderent.

Præfectus Pedro de Orsua secundum exercitum huic flumini imposuit. At ubi interea fatis concessisset, seditione inter milites & cæteros capitaneos suscitata, per brachium quoddam huius fluminis in mare boreale secessum & declinatum est. Cui navigationi, post aliquod tempus quidam Iesuita, cum laicus esset, se interfuisse, mihi iuratum affirmabat. Percensebat idem, huius fluuij tractum ad centena usque milliaria extendi. Nam quo loco in mare exturbatur, aut sub ipsa linea, aut ab ea non procul esse, testabatur. Os verò eiusdem septuaginta milliarium esse. Quod fieri nullo modo posse videbitur: nisi latitudo eius ipsum mare mediterraneum exuperare statuatur. Contra alij, fauces eius non ultra 25. aut 30. milliaria latas esse profitentur.

A fluuio hoc secundus est El Rio de la Plata, id est, argenteus seu Paraguay vulgatè nuncupatus. Hic è montanis Peruenfibus in mare illabitur, sub gradu australi 35. Idem, ut fama est, Nili more sua incrementa habet, quamuis vberiora. Nam quoties exundat, ex campis, quos tribus integris mensibus obducit, meros lacus aut maria efficit. Quo tempore elapso, intra alucum se recipit. Iste nauigia quoque grandia sustinet. Sed & alii ibidem fluuij memorabiles sunt: qui etsi non usque adeò magni sint, Europæis tamen non cedunt, & nonnulli maiores illis habentur, ut qui Madalena apud S. Martham, Rio grande, Aluarodo in noua Hispania nominari solent. In parte australi iuxta montana Peruensia fluuij plerumque non magni sunt: nec sui cursus tam metam amplam habent. Attamen, quia de montibus deruunt, præcipientes sunt, & euidenti periculo nauigantibus submersiōis facilitatem spondent. Æstuate nimium aëre, fluctuationibus increscunt. Nos aliquando in huius fluuij littoribus 27. milliariibus denauigantes, traiectionem securum nusquam impetrare potuimus. Indis autem huius transmittendi multæ artes sunt. Nonnullis in locis funes per flumen traijciunt, quos utroque in littore deligant aut firmant. Extensio fune corbem suspendunt, in quem traiectionis confidens, à stantibus in littore attrahitur. Alibi verò Indus Balsæ iuncæ inequitans, eum qui transuehi vult, post se collocat, & festuca vndam frangens, vnum hoc pacto post alterum traijcit. Nonnulli struem quandam ex aridis cucurbitis concinnant, quibus transitorium peruehant. Eodem vehiculo & bona seu merces traijciunt. finita opera Balsas cucurbitinas humeris imponunt, & flumen ipsi membrorum incitatione tranant: id quod frequenter in flumine Peruano Santa fieri vidimus. Per flu-

men nouæ Hispaniæ Aluarado, asseribus impositi transuecti sumus. Illos deinde Indi humeris imponentes per flumen pedant. Solo deficiente, reliquum natando exuperant. Qui huiusmodi nauigandi artem non vidit antè, is haud parum horrescit. Indi tamen suæ artis peritissimi sunt. Nec pontem vllum alium quòdam, quam ex iuncis factum, nouerant. Nunc verò Gubernatorum nonnulli passim pontes extruxerunt, multò tamen pauciores, quam vsus poscat. Nam ob defectum horum subinde multi homines in vndis submerguntur: cum tamen ipsissima hæc terra tam grandem auri vim ministret, vt ea non in Hispania sola, sed passim in alijs quam plurimis prouincijs integra palatia extrui possint. Ex fluminibus, & montanis deciduis, Indi frequentes & satis magnos riuos deriuant, ad campestrium & conuallium ariditatem irrigandam, quos tanta dexteritate & industria producunt, vt nec in Murcia aut Milano melior ratio sciatur. Et hæc diuitiæ sunt omnium maximæ, quas Peruanæ planities, & cætera Indiæ loca similia habent.

Cap. XIX.

De terra Indica natura proprietateque in genere.



AT VRA ipsius terræ Indicæ (quoniam hoc tertium & vltimum Elementum est, de quo nobis tractationem superius imposuimus) magna ex parte illorum repetitione, quæ superius de Zona torrida dicta sunt, planius intelligi poterit: quoniā maxima pars Indiæ sub dicta plaga sita est. Quæ, vt expressius intelligatur, sciendum est, nos tres diuersas regiones terræve, per quas profecti sumus, designasse. Alia enim humilis: alia edita: tertia, his interiecta, bona feraxque est. Humilior tota secundum littora Indica exporrigitur, plerumque humida & feruida, ob id admodum insalubris, & inculta, etsi quondam insignia oppida ibidem floruisse Annales Peruani & Nouæ Hispaniæ attestentur. Nam in eodem solo tum nati, tum educati, quondam illic percommode agere poterant, piscationibus maritimis, & agrorum cultura victum quærentes. Hi inopia pluuiarum diutius continuante, ex fluminibus riuulos campis insinuabant. Nam iuxta littora pluuiæ rarissimæ sunt: alicubi omnino nullæ. Humilioris huius terræ fines quidem ampli & porrecti sunt, sed propter arenam tamen, vbiuis cumulatissime congestam, inculti & steriles. Nam ex sabulo integri illic montes visuntur. Sed & loca econtrà quamplurima nimio opere lacustria & vliginosa existunt: cum è cælo delapsa aqua, nonnullibi peruadere omnino nequeat, sed intra se ipsam collecta & coacta, necessariò stagna faciat. Cui quidem malo nullo remedio

obuiam iri potest, cum littorum Indicorum pars maxima ita se habeat, cum primis verò illa, quæ sunt ad mare australe.

Nostra ætate humilium littoralium locorum incolæ tanta ruina decreuere, ut ex triginta vix vnus reliquus manserit. Et qui in viuis reliqui sunt, hi certò sibi persuasum habent, vniuersos illos terminos breui temporis decursu desolatum iri. Et huius præ sagii causæ quoq; à nonnullis adducuntur. Alii enim interitus causam illis imputant, qui iugo assiduè nouo & intolerabili Indos conficiunt. Nonnulli ciborum potuumque, quibus ab Hispanorum ritibus & moribus acceptatis vtuntur, commutationem accusant. Quidam crebræ ebrietati eorum, & patratibus excessibus, momentum imputant: quæ in sententia & nos perstamus, inordinatam nimirum & intempestiuam viuendi rationem causæ illius vim magnam præstare. In humiliore isto tractu, vniuersim insalubri, & ad habitandum in idoneo, loca sunt quidem nonnulla temperata & fertilia, comprimis autem in planis Peru campis, vbi valles passim frigidiusculæ & feraces inueniuntur. Littoralium verò locorum habitatores maxima ex parte victum quærunt, opera mercenaria nauigando in Hispaniam. Is enim vitæ illorū status præcipuus est. Quæ in littoralibus populosiores vrbes sint, hæ ferè numerantur: In Peru est Lima, Truxillo, Panama & Carthagera. In terra firma est Santo Domingo, Puerto Rico, & Hauana insularis. Sed & vici nonnulli celebriores sunt, vt Vera Crux in noua Hispania, Yca, Arica, & alij in Peru plures, quibus plerumque portus vicini sunt.

Altera verò terra admodum alta & edita, plerumque frigida & sicca est, sicut montana solent. Hæc nec amœnitate nec fertilitate laudata est. Sola aëris salubritate priore melior, homines ad sedes ibi firmandas allicit. Tum pecorum tum pascuorum proma largissima est: quibus incolæ potissimum victum parant. Nam pecoribus magna commercia instituunt versus maritima. Sed & diuites metallorum fodinæ præcipuè in causa sunt, quod hæc pars præ altera habitatio sit: quandoquidem notum est auro argenteo omnia allici, omnia retineri. Sunt nonnulla oppida, quæ propter fodinas has tū ab Hispanis, tum Indis promiscuè habitantur, vt sunt Potosi & Guanta uelica in Peru, ac Cacatecas in noua Hispania. Ipsi alias Indi sparsim in montanis habitant. Fodinis autem plurimi frequenter homines conficiuntur: tum & morbis Epidemicis quamplurimi occumbunt, velut inter reliquos Cocolistæ in noua Hispania. In hac admodum frigida siccaque regione, Dei munera duo insigniora sunt, pascua & aurifodinæ. Vnde hæc terra, si ex redditibus suis exactè æstimetur, duabusque cæteris maritimis terris, vt quarum vna negotiationem in mari institutam, altera vberimum vini, cuius nullibi tanta copia est, ac in his calidis regionibus, prouentum habet, confertur: tum nullo dubio hæc vnica duarum cæterarum pretium, aut ali-

aliquanto exuperabit, aut ad minimum omnino æquabit.

Porro intra dictas duas terras, præ cæteris celebres, tertia quædam interiacet, quasi media tū loci situ, tum aëris tēperie. Humilior enim est illa editissima: elatior autem humiliore. Hæc plurimū tritici, hordei; ac Maijs (quæ fruges in altiore terra non proueniūt) profert. Eadem & pascuis & pecoribus ditissima est. Quin & arborū, fructuūque viridum varij generis copia est: & ipsa insuper regio habitatu tam amœna, quàm salubris est. Locorum omniū maximè excultorum, communis ferè illa ratio est, qualis in noua Hispania, quæ extra cōtrouersiam terrarū omniū, quas Sol collustrat, optima est, visitur. Per eam profecturi, ab humilioribus sedibus, semper altius ascendūt. Et licet alicubi quoque descendatur, meta tamen per exigua est, tetraque littore semper elatior est. Ea situs ratio est, omnium Mexico finitimorum, vsque ad montem igniuomum, quæ terrarum Indicarum optima est. Eodē modo & prouinciæ Arequipa, Guamanga, & Cusco habēt, etsi aliæ aliis meliores sint. Imò, omnis terra edita & montosa est, subiectis vallibus inæqualis. Eadem dicta etiam de Quinto & Santa fē intelligantur.

Vt verò corollarium quoddam addamus, summa sapientissimi conditoris hæc prouidentia fuit, quod huius terræ partē maximam editam & sublimem positam voluit, vt eo nimirum temperatior & tolerabilior foret. Nam si omnino humilis, pressa planaque, fuisset, propter Zonam torridam, cui subest, non potuisset non esse vrenissima & flagrantissima, maximè, qua parte à mari longius abesset. Sæpissimè quidem nobis locum quædam offerri optaueramus, ex quo vniuersum Horizontem prospectare, cælumque & terræ planitiem interstinguere possemus, sicut id in Hispaniæ millenis locis facile fieri potest. Sed in omni tamen India id impetrare nullibi licuit, siue de insulis loquar, siue de terra firma, etsi per illius longitudinem 700. milliaria peregrinati simus. Sed, vt comprehendimus, admodum necesse est, præaltos montes & colles editos ibi poni, ad solis immoderatum feruorem attemperandum tantoperè idoneos.

Quo ergò iam modò dictum est, vniuersa habitabilis India se habet. De qua vt in genere dicamus aliquid, ad supra dictorum confirmationem, firmiter tenendum est, eam esse terram, admodum viridem & graminosam, pascuis abundantissimam, & frugiferis arboribus passim confertissimam. Quæ omnia, contra Aristotelis & veterum aliorum sententiam pugnant euidentissimè. Nam ex Europa in Indiam qui commeant, hi admirari satis nequeunt, terram illam tam amœnam, salubrem, viridem & herbosam existere. Quamuis

& hæc ipsa regula suas alicubi exceptiones patiat: sicut de

Peruana prouincia, cuius alia ratio est, deinceps
percepturi sumus.

Cap. XX.

De natura & conditione terra Peru.

DE Peru si loquamur, non vniuersam quidem illam terram, quam Americam vocant, & in qua Brasilia, regnum Chile & Granada comprehenduntur, intelligendam volumus, cum eorum nullum vera Peru sit; sed Peru pars ea Indiæ est, quæ versus austrum sita, à regno Quito incipit, quod recta sub linea sitû, longitudine sua ipsum tropicum attingit, quod spatium in longitudine 600. milliarium censetur: latitudo verò eius non maior est, quam ad Andes quæ excurrit, quod interuallum 50. circiter milliarium esse putatur. Quanquam hæc latitudo in aliis plagis, vt in Cachapoyas est, aliquanto maior existat. Ist hæc ergò mundi pars, quæ propriè Peru appellatur, vt ante cæteras diligenter æstimetur & magni fiat, omnino dignissima est: idque propter singulares quasdam dotes & proprietates, quas præ cæteris Indiæ locis omnibus sibi peculiare vendicat. Primò enim, omnes dictæ terræ plagæ vnum saltem ventum agnoscunt, sub torrida neutiquam spirantem, sed illius planè aduersarium, nempe austrum & austroeurum. Qui quidem ventus, etsi aliàs omnium insaluberrimus, grauissimus & importunissimus sit; idem ipse tamen nihilominus, quasi omni natiua proprietate exutus, in Peruana prouincia, suauis, familiaris, salubris, mulcebrisque tanta lenitate perspirat, vt huic vni acceptum ferendum sit, quod illa regio ab hominibus excolatur & habitetur. Aliàs enim ea feruidissima, & molestissima, humanæ societatis omnino inops esset. Secundò, in huius tractus littoralibus nec pluit, nec tonat, nec grādinat, nec nungit, vllò vnquam tempore. Id quod prodigij simile videri queat. Tertiò, paulò à littoribus remotius, tum imbres violentissimi, tum niues copiosissimæ decidunt. Quartò, etsi duo montium series sibi inuicem similes sint, & sub eadem poli constitutione versentur: nihilominus tamen ex illis vnica saltem series, arborum multitudine insignis est, & in eadem pluuiæ per omnem ferè annum gliscunt, aërisque feruor maximus est. Alteri verò ordini omnino contrarium euenit, vt qui aridus, sterilis, frigidus & desertus sit. Et in hoc annus in æstatem & hyemem, in pluuias & frigora diremptus concernitur.

Vt verò quæ iam dicta sunt, intellectui planiora fiant, attendendum diligenter est, Omnem Peru, in tres partes, eeu oblōgas & æquales fascias aut tæneas distinctam esse: nimirum in terram planam & æqualem; in montes, & in Andes. Terrarum planæ secundum littora excurrunt. Montes autem sunt conspicuæ eminentiæ & colles, suis subiectis vallibus notabiles. Andes verò sunt loca montana editissima & præcipitatisima. Planities latitudine milliarium vt maximè decem

decem determinatur: etsi alias pauciorum, aliàs, plurium. Montium latitudo plerumque viginti milliarium est: vt & Andium. Longitudo earum ab aquilone in austrum pertendit: latitudo verò ab oriente versus occasum. Non potest non admirationem hominum mentibus instillare huius rei commemoratio, quod in tam leui distantia, vt est 50. milliarium, duo loca, tum sub linea, tum à polo æquis gradibus sita & absita tam contrariæ aduersæque constitutionis sint, vt vnus perpetuis pluuiis & imbribus horridus sit: alter verò nullis vnquam pluuiis rigeretur: & tertius, aliquando perpluatur, aliquando minus. In plana terra expressè nunquam pluit, nisi quod aliquando vdor, seu vapor aliquis decidat, quem Garua vocant. Idem in Castilia Mollinam, id est, humidum vaporem, aut nebulā, in guttas aliquando degenerantem & deruentem, nominant. Hoc in tractu nullis relictis ex lateribus aut aliis lapidibus opus est. Nam nulla vnquam tam densa nebula cadit, vt penetrare possit. Ideoq; stoeas saltem aliquot superiori ædium contignationi iniiciunt, quas tenuiter terra quasi obiter saltem inspergunt: sub quo munimento abundè satis tuti latent. In Andibus totius ferè anni decursu pluuiæ cadunt, quamuis ibidem plerumque aer lucidior sit, quam in locis aliis. At verò montes, his interiecti, pluuias cum Hispanis easdem habent, nempe à Septembri in Aprilem stillantes. Cæteri menses limpidiores & sereniores ferè sunt, quibus Sol remotior iis est. Huic autem omnino contrarium euenit, sicut in priori libro demonstrauius.

Regio montosa, Andes dicta, vt & altera Collina, nihil aliud, quā ductus aut ordines duo separati montium sunt, ad quos constituentes, montes collesque vltra 1000. concurrunt, ita siti positique, vt ex vno semper alij prospici queant. In montanis istis innumeri greges Vicunnarum degunt, animalia damis aut capreis similia. Ibidem & Guanacos siue Pacos dicta animalia oberrant, quæ sunt illæ oues, quas oneribus ferendis & transportandis præficiunt: de quib. suo seorsim loco tractabimus. In Andibus simij quoque & Cercopithecii valdè formosi sunt: vt & frequentes Psittaci. Iisdem in locis herba quoque Coca dicta prouenit, quam Indi propter admirandas operationes maximi æstiment. Infra montes nonnullibi campi patentes subiacent: cuiusmodi loca habitatu in Peru omnium sunt commodissima. Ex horum classe sunt Xauxa, Andaguayalas, & Yucay. In hisce Maiis cum aliis frugibus vbertim prouenit, quanquā in aliis magis minúsve. Vltra Cusco, vbi hoc ante tempus sedes Regia fuerat, duo illi montium ordines aut protractus, de quibus hætenus diximus, aliquanto longius ab se inuicem abscedunt, & in sui medio campū planum, latè extensum pandunt, quæ prouincia Collao dicitur. In plano hoc flumina plurima celebria sunt, vt & ipse lacus Titicacca, sed & pratis hortisque locus admodum amœnus est.

Iam verò etsi terra hæc plana sit, cum montanis tamen eandem altitu-

altitudinem obtinet, & cum illis æquè intemperata est. Nec frugiferas arbores, nec alia ligna producit. Panis loco radicibus vtuntur, seribi aut plantari solitis. Eas Papas indigetant, panem verò inde confectum, Chunno vocant. Quo solo in hac regione vtuntur. In cibum verò alias quoque radices & herbas assumunt, quas quotannis magna fobole ferere sueuerunt. Terra hæc admodum salubris, & exulta, adeoq; per omnem Indiam opulentissima est, propter multos pecorum greges, ibidem valde pinguescentium. Nec verò propter solas vaccas, oues, caprasque, quas numerosas illic alunt, sed propter alias quoque pecudes, quas ea terra priuatim producit, vt sunt Guanácos & Pacos, quarum paulò ante meminimus, habitatu eadem commodissima est. Terra eadem numerosas quoque perdices promit. Vltrà Collao, charcas inueniuntur, qui campi admodum calidi & foecundi sunt. Ibidem deserta quoque & inculta montana sunt, in quibus aurifodinæ tam nobiles sunt, vt meliores in vniuerso terrarum orbe reperiri nequeant.

Cap. XXI.

De causis, facientibus, vt in planis regionibus non pluat.

IAM à nobis aliquoties in præcedentibus affirmatum est, in locis quibusdam, cum primis verò planis & æquatis nec pluerè, nec tonare. Itaque haud immerito istorum euentuū efficientes causæ inquiruntur. Nonnulli, qui profundius rem & ex intimis causarum penetralibus meditati sunt, affirmant, ideò illic nō pluerè, quia materia huius meteori absit. Nam ex littoribus nullos humores aut crassos vapores eleuari aut suscitari aiunt, qui faciendis pluuiis idonei sint: sed tenues nimis halitus esse, qui solum nebulas seu (vt loquuntur) Garua causari possint: sicut in Europa quoque videmus sæpè copiosas exhalationes ascendere, qui tamen non in pluuias, sed meras nebulas abeant. Hoc vt in Europa aliquoties fit: sic in Peru accidit perpetuo. Cuius hanc causam arbitrantur esse, quoniam Europæa regio admodum sicca, humores crassiores emittat. Siccam autem esse, ex terra sabulosa, cuiusmodi tractus plerique sunt, colligitur & ex eo patere certius, quod illic nulli fontes sint, nisi profundius orgiarum 15. aut plurium spatio eruantur. Hoc porro ad proximum quendam fluuium fieri oportere aiunt, vt ex eo fontium scaturigo alatur. Id quod ipso quoque euentu declaratum sit, cum aliquando ex canali suo flumina alio deriuata sint: Tum enim illic scatebras eius exaruisse, nec sibi redditas esse prius, quam in canale pristinum fluuius reductus sit. Quod non pluat, dicunt id à defectu materiæ esse. Efficientiam vero, vt ita dicam, montium altitudini adsignant, quod rectà sub rectitudinem littorum decurrât, illi & camporum

porum planities à ventis ita tutentur, vt nisi, à mari, nulli ibi perspirare possint. Qui, cum contrarium non habeant, vapores ibi elatos, soli in altum promouere non possunt, sed eosdem in inferiore statione relictos, tantum in nebulas disponunt.

Hanc nostram sententiam autem porrò exemplis confirmemus. In nonnullis tum montibus tū collibus littoralibus, vt & in montanis Arica & Arequipa idè pluit, quia illa loca nudiora ab editissimis montibus nihil tutelæ accipiunt. Tum & flantibus Aquilonibus aut Brysis ibidem aliquoties pluit: Sicut id anno à partu virgineo 1578. in planis campis Truxillo accidit, vbi copiosissimæ pluuiæ deciderunt: quod ab incolis antè nunquam visum erat. Adde, quod in illis quoque locis plerunque pluat, quæ à Brysis aut aquilonibus attinguntur, sicut in Quayaquil, & illis cōfinibus, in quibus terra altius attollitur, ita vt à montibus satis tutelæ non possit habere, sicut vltra Aricam fit. Hæ ergò, vt nonnulli autumant, veræ causæ sunt, cur in planis non pluat. At verò certissimum est, quod à mōtanis in planos campos descendētibus, res ita appareat, quasi nempe duo colles essent, quorum vnus in fastigio clarus & illustris, alter verò pressior, obscurus, & latè extenso cinereo flammeo, quod vniuersum littus obduxisset, similis fit. Et licet non pluat, nebula tamē illa apprimè utilis est. Nam & graminis incrementum præstat, & fruges producit. Etsi verò vniuersa huius terræ loca, vndarum, ex fluminibus eductarū, magnam copiam habeant: ros tamen & natiua cæli humiditas plus efficaciam possidet præstatq;: sicut id indubitato signo colligi potest, quoties garuæ seu nebulæ defectus sit. Tum enim agricolarum res laboriosa. Eo enim rore, sola arenosa, admodum alias arida & sterilia, non solum splendide virescunt, sed pabulum etiam vberimum nanciscuntur, quo pecora promptè & facilè pinguescunt. Cuius rei singulare documentum ex illo monte captare licet, qui arenosus nuncupatus, ciuitati de los Reyes, id est, Regum, proximè adiacet.

Cap. XXII.

De noua Hispania proprietatibus, vt & de conditione Insularum eius, terrarumq; singularium.

DALMA noua Hispania vniuersis reliquis terris facile præripit. Ditissima enim est tum ab equis, tum vaccis, ouibusque, & fructibus, agrisq;: adeò vt regionibus aliis Indiæ longè præferatur: nisi quod Peru à vini copia felicior sit, quod ibi & promptè & vberimè prouenit: cum & ibi campestria admodū calida sint, & secundum vineas plerunq; scrobes aqua oppletæ existant: ex quibus vites iugiter irrigari sueuerunt. Etsi verò vuarum prouentus in Hispania noua quoque sit: nunquam tamen illæ integrè ita maturescunt, ex illis

ex illis ut vinum fieri queat. Huius rei causa est, quia mensibus Iulio & Augusto illic perpetua pluvia gliscunt, quo alias tempore vix omnium maxime excoqui, & ad maturitatem produci solent. Pluvia vero, ut vniuersis notum est, hanc naturae operationem omnino intercipit. Et si omnino ex vuis vinum in noua Hispania fieret, Lombardico id omnino simile futurum esset, quod usque adeo aridi & astringentis saporis est, ut, an ex vuis expressum sit, iure dubitari possit.

Laudabiles dietae insulae, ut sunt la Espannola, Cuba, Puerto Rico, & his finitimae aliae, admodum sunt virides, & tum pratis tum pecoribus cumulatissime abundant. In illis innumeræ vaccæque porciq; oberrant, quæ ex mansuetis feræ factæ sunt. Harum regionum incolæ massis saccharinis & coriis bouinis commercia agitando sibi victum parant. Apud illos quoq; magna copia Canna fistula seu Cassia prouenit: & non rariore vbertate quoq; Zinziber. Quas merces, nisi quis ipsemet suis oculis nauibus imponi videret; tanta ibidem copia prouenisse nunquam crederet: ut hoc taceamus, quod omnis Europa rebus illis hinc instruat. Ex iisdem locis ligna quoque præstantissima & pulcherrima efferuntur, cuiusmodi inter cætera, est Ebenum, ad ædificia paranda admodum nobile: Item lignum sanctum, cui venereæ extirpandæ apprimè efficax. Quæcunq; aut in illis finibus sitæ sunt insulae (earum autem numerus frequentissimus est) ad aspectum omnes sunt amœnissimæ: Nā viridantibus vndiquaq; graminibus ac arboribus pratisq; variè depictis, toto anno rident, ut in istis locis, quæ nā hyems sit, internosci minimè possit. Quæ propter quotidianos rores, caloremq; suauem, à Torrida productos, ita eueniunt.

Porro etsi hæc terra quidem amplissima & cōmodissima sit: à raris tamen hominibus inhabitatur, quia syluis densissimis & vastissimis, sponte sua prodeuntibus (eas Arcabuci vocant) rigidissima est & asperrima. In planis autem, tum multi lacus, tum cœnosa passim terra viget. Causa verò præcipua, cur terra hæc admodum inculta sit, hæc est: quod paucissimi nimirum homines euaserunt, cū primò illa ab Hispanis occupata fuisset. Incolæ operis suis plerunq; nigros Æthiopes adhibent: quorum diurna merces quidem grandis statuta est: sed ipsi tamen agriculturæ non admodum idonei sunt. Insulae nec frumētī nec vini feraces sunt. Magna enim pinguitudo seu luxuries terræ facit, ut frumentum non in spicas abeat, sed in meram herbam fatiscat, & admodum inæqualiter erumpat. Sed nec frugiferas oleas habent. Etsi enim hæc tum folia tum fructus proferant, isti tamen nullo tempore maturescunt. Panem, quo vtuntur, Cacauij indigent, de quo suo loco agemus. Fluuius, qui insulam permeat, arenas aureas habet: quas nonnulli extrahunt, sed copia minore, cum præparationis periti artifices desint. Si quæ uspiā in India terra est, quæ Hispaniæ aut aliis Europæ regionibus faciem similem habeat: ipsum certè Chile regnum illa est, quod seriem cæterarū regionum quasi de industria egreditur, & Tor-

& Torridæ ac Tropico Capricorni sese insinuat. Id natiua dote fertile est & frigidiusculum: tum & frugibus omnifariis fœcundum est, sicut ipsa Hispania.

Vini frumentique, vt & pascuorum largissimorum, pecorumque numerosissimorū feracissima est. Ipsum eius clima salubre, & in calore frigoreque temperatum, æstate hyemeq; naturali interstinguitur. Aurum in eo quoque purum effoditur. Et nihilominus tamen à cultoribus ea terra paupercula est, quod propter assidua & funesta bella accidit, quæ cum Araucanis & eorum confœderatis continenter gerunt. Hi autem bellicosissimi, validi, præfractiq; populi ac libertatis suæ tenacissimi propugnatores sunt.

Cap. XXIII.

De terra adhuc incognita, & de diei integri discrimine, quod est inter eos, qui sunt ad ortum, & illos, qui ad occasum versantur.



AVD leues & irritæ nonnullorum coniecturæ sunt, quod in tēperata zona versus polum Arcticum, magnæ fœcundæque regiones aliquæ lateant, quæ nec dum hodiè repertæ sint. Nam in eadem zona præter regnum Chile, & fragmētum quoddam ad Cabo de Bona Esperanca exporrectū, nulla adhuc regio nota est: Sicut de his in libro primo differuimus. Quin nec certò cōstat, an cæteræ duæ zonæ polorum geminorum ab hominibus habitentur, nec ne. Tum & id absconditum adhuc est, an terra illa, quæ est vltra viam seu fretum Magellanes, vsq; sub polum Arcticum excurrat, an minus. Nam summa eius altitudo, de qua constat, graduum fuit 56. sicut superius testati sumus. Nec sciri id præcisè potest, quo vsque terra, quæ à Cabo de Mendocino & Californiis abscedit, sub polū Antarcticum extendatur. Porro nec termini seu fines Floridæ noti sunt, quousque versus occasum euagentur. Haud longum est, quod terra noua quædam, quam nouam Mexico appellauerunt, recens inuenta sit, hominum multitudine confertissima, qui eadem cum cæteris Mexicanis lingua vtuntur. Rerum nonnulli gnarissimi, Philippinas vnà cum aliis Insulis pluribus ad milliaria 900. exporrigi profitentur, Chinam verò Cauchinchinamque ac Sian cum similibus aliis regionibus quod attinet, eæ Indiæ Orientali annumerantur: quarum descriptio ideò nihil ad nos hīc spectat, quia de India saltē occidentali tradere, instituimus. In America illa, cuius fines iā omnib. noti sunt, multorum locorum sua adhuc deest cognitio, sicut eodē modo ora quoq; intra Peru & Brasiliā sita, nondū explorata est. De ea enim varia, eademq; diuersa narrantur. Aliis persuasum est, terram eam submersam esse, paludū & coeni plenissimā, Nonnulli contrā affirmant,

Regina ibi opulentissima & præclarissima reperiri: vt in quibus Paytiti, de Dorado & Cesares sint. Mira etiam alia ibidem reperiri narrât. Ex societate nostra quidam haud infimi ordinis, & fidei indubitatae vir, aliquoties nobis recensuit, quod ibidem magna quædam oppida hominibus habitata inuenerit, vt & vias aliquas patentes & insignes, ceu est via de Salamanca versus Valladolid. Id verò eo tempore factum aiebat, cum Pedro de Orsua & alij in grandi fluuio Amazonas aut Marannon nauigassent. Dorado verò, quæ adhuc altius absita erat, cum eam adituri tanto adhuc interuallo distare intellexissent, reliquerunt. Vt in genere hoc hîc dicam, nondum præcisè compertum esse, quæ in America loca hominibus vel exulta vel sterilia sint, si duas eius extremas partes excipias, Peru & Brasiliam, & quo loco regio contractior sit, quod est apud fluuium Rio de La plata, & quod ab hoc versus Tucuman excurrit, quod exquisito ambitu Chilen & Charcam concingit.

Haud ita pridem ex scripto quodam, quod nostratium sociorum quispiam in S. Crucis montanis exarauit, intellectum est, intra Peru & Brasiliam magna oppida, viris habitatoribus excultissima reperta esse. Vnde nobis certum factum est, homines quotidie plures terras tum exploraturos, tum nullo dubio inuenturos esse. Æquo enim modo, ac quod iam repertum constat, reperiri aut detegi potuit: ita & alia porro hominum industria explorari poterunt, vt nimirum hoc pacto sancti Euangelij vox per vniuersos mundi angulos sonare possit. Nam tum Oriens tum Occidens iam sese mutuò amplectuntur, & rotundo ambitu vniuersum orbis globum præhendunt: siquidem tum Lusitania, tum Castilia, tam diu trāsitum & accessum mutuò sibi molitæ sunt, dum tandem, quod mirum videtur, illum reppererunt. Altera illarum ab ortu in Chinam & Iaponiam: altera autem ab occasu ad Philippinas porrigitur. Intra Luzon enim insulam, (quæ Philippinarum primaria est, & in qua ciuitas quoque Manilla sita est) & Macao (insula apud Canton est) maris interuallum 80. aut 100. milliarium interiacet.

Admiratione verò comprimis dignum est, cum duo hæc loca tantillo interstitio distent, quod in vnius diei integri supputatione tantoperè discordent. Qui enim in Macao dies Solis, is in Manilla dies Saturni est, & sic consequenter per totam hebdomadam: vt qui in Macao & China habitant, perpetuò vno die priores sint: vt contra Philippinenses eodem posteriores. Frater Alonso Sanches, de quo supra quoque mentionem fecimus, commemorauit nobis, quod pro sua supputatione die Maij secundo in Macao venerit, & ibidem suas S. Athanasio horas recitare voluerit. Tunc verò incolas festum reperia S. Crucis celebrasse, quod sua supputatione diem Maij tertium iam agerent. Et sibi redeunti denuo ita accidisse. Hanc ergo dierum diuersitatem quamplurimi admirati, eiusq; alij hanc, alij aliam cau-

fam commenti sunt. Nos tamen hanc supputationem, rectam, veramque & legitimam esse, censemus. Pro diuersis enim duorum institutis itineribus, necessario consequitur, vt diuersum diem eo in loco nanciscantur, in quo conueniunt. Nam vt hoc planius declaremus, notum est, quod ij, qui ab occasu versus ortum vela faciunt, de die subinde aliquid lucrentur, cum illis quotidie Sol maturius oriatur. His verò, qui ab ortu in occasum pertendunt, de die in dies aliquid minuitur & decedit, quoniam Solem quotidie ferius orientem habent. Quò enim longius vel ad ortum vel occasum nauigatur, eo vel maturius vel ferius dies oriri cernitur. In Peru, quæ Hispaniam spectat, plus sex horis integris deperdunt, ita, vt quando in Hispania meridies est, in Peru dies primum oriatur: & si in Hispania deficit, in Peru iam meridies sit. Huius rei veritatem in Solis & Lunæ eclipsi certiores experti sumus. Lusitani quidem ab occasu versus ortum, Hispani contrà ab ortu versus occasum pertendentes, quo sibi loco inuicem occurrerunt, quod in Philippinis & Macao factum est, duodecim integras horas superfluas habuerunt: Cum totidem cæteri deperdidissent. Quæ omnia vno & eodem tempore fiunt. Ita ergò discrimen 24. integrarum horarum intercudit, quæ diem integrum constituunt.

Ex his iam liquidò consequi apparet, causam, cur, si quando hi diem Maij tertium numerent, illi vix dum secundum habeant. Pars vnà in vigilia paschatos ieiunium agit, altera carnes manducat, & festum celebrat. Et licet quidem ita instituerint rationes suas, vt potrò contendentes, nauibus suis orbem adhuc semel obirent, dierumque exactissimam obseruationem facerent; tamen in supputando tandem dies binos integros prodijisse animaduenerunt. Sicut enim superius dictum est, ij, qui versus Solis ortum commeant, diem subinde nonnihil maturiorem habent. Contrà, qui in occasum nauigant, diem aliquantò feriores accipiunt, quod Sol tardius subinde oriatur. Et vt rem cōcludamus, meridianorum differentia hanc dierum inæqualitatem omnino efficit. Et prout vel versus ortum vel versus occasum iter instituatur, ita Meridiani continuo mutantur, vt res tam promptè minimè sentiatur: cū in ea supputatione, quæ dici egressu instituitur, perpetuò maneat. Adeo, vt necessario sequatur, si totus orbis nauigatione obitus sit, diem vnum deficere.

Cap. XXIV.

*De vulcanis, hiatibus igniuomis, & montibus
sulphurinomis.*



QUANTUM in multis passim locis montes igniuomi & hiatus sulphuriferi quoque reperiantur, sicut mons Æthna in Sicilia, & Vesuuius in Italia, iam mons in Soma dictus, noti sunt: nihilominus tamē, quæ Indicarum regionum & illarum Vulcanorum singularia sunt, diligenter nobis attendenda & censenda veniunt. Vulcani itaque plerumque sunt montes, editissimi, & præ cæteris eminentiores: in quorum fastigijs planities sunt, quarum in medio os grande, faucium instar, hiat, cuius abyssus ad imum usque fundum pertenditur, spectaculo, vt insolito, ita horrendissimo. Ex hoc ore atra fuligo ructatur: sicut in India in monte Arequipa cernitur: cuius altitudo sanè stupenda, omnisque ambitus sale copioso perspersus visitur. Ad hunc conscendendum, bidui itinere opus est. Quod verò de hoc memorabile est, is igne magno non admodum conspicuus fit. Indi autem, cum vocem Euangelij nondum acceptassent, in eo sua sacrificia fecerunt, & ignes latè splendentes succenderunt. Apud pagum, de Los Angelos, id est, ad Angelos mons alius quoque, præ eminentissimus est, cuius ambitus milliarium 30. prædicatur. In hoc nihil admodum singulare est, quam quod nonnullis temporibus, aut singulis interdum diebus, fumus quispiam teli facie euolet, qui deinde pennæ more dilatatus vanescere videtur, dum tandem in atram nubem conuersus abeat. Fumus autem iste tum temporis potissimum eiacularur, quoties Sol oritur & iterum occidit. Sed & nonnullis aliis temporum articulis apparet. Cum fumo illo verò plerumque magna cinerum copia efflatur. Ignis tamen expressus egredi ad hunc usque diem nondum visus est. Incolarum tamen magna trepidatio est, metuentium fore, vt aliquando violentus quoque ignis subsequatur, qui terram vniuersam, eius regni omnium optimam partem crematurus incendio sit. Nonnullis affirmatissimum est, huius Vulcani cum Tlaxcalano, longius distante, quandam certam cognationem & familiaritatem existere, qua tonitribus, fulguribus, flammarum exsplendentijs & aëris accensionibus sibi propemodum respondeant. Hunc montem nonnulli Hispanorum ascendentes, sulphureos lapides secum attulerunt, quibus tritis pro puluere pyrio deinde vsi sunt. Recensuit nobis Cortees, quod laboris sibi plurimum sumpserit ad explorandum, si quæ ibi notatu digna eueniant.

Vulcani verò ad Guatimalam adhuc celebriores sunt, non tantum propter miram magnitudinem, qua ab in Oceano australi quoque

que nauigantibus è longinquo conspicitur: verum etiam propter vim & impetum stupendum, quo ignis plurimum eructat. Anno 1586. die Nouembr. 23. ciuitas Guatimala, terræ motu validiore concussa, propè vniuersa decubuit, hominum quamplurimis extinctis. Is sex integris mensibus, tam interdiu quam noctu ignes confertim eructabat, qui in casu suo ad radices montium in excisos lapides & cineres vertebantur. Nec dici credique potest, quantum materiæ ex hoc hiatu his sex mensibus eructatum sit. Ante id tempus, mons hic solum fumos quosdam efflabat, eosque non assiduos. Et interdum flamma quoque exigua quædam promicabat. Hanc verò historiam Secretarius quispiam Audientiæ (vt vocant) in Guatimala scriptam nobis communicauit, cum in Mexico versaremur, quo tempore illius efflammatio adhuc conspicua erat.

Cum in de Los Reyes, id est, ciuitate regia ageremus, mons ei vicinus, tantum cinerum cumulum excussit, vt per aliquam multa milliaria meri cineres depluerent, adeo vt toto die tenebræ essent, nec satis commoda luce per plateas incedere liceret. Vix etiam alibi Vulcani sunt, qui nec fumos, nec flammæ, nec cineres eructarint: quorum tamen fundus perpetuis & incessantibus ardoribus conspicuus erat. Accidit aliquando, vt sacrificulus quidam avarus, ad horum Vulcanorum vnum approximaret. Videns ergò eos ignes assiduis ardoribus non absumi, sed constantes perdurare, ratus merum id aurum existere, quod tot annis flagrans nunquam deflagret: ideo sibi cacabos, aliquot parari curauit: quos catenis religatos demittens, aurum illis extracturus erat. Cacabi tamen prius, quàm ignem proximè attingerent, iam dum cremati erant. Et si verò hoc molimen sacrificulo non successerit: de sua tamen sententia vsque adeò dimoueri non potuit, quin semper auferendi auri cupiditatem in animo superstitem aleret.

Cap. XXV.

Qua causa sit, quod ignes fumiq; in his Vulcanis tam diu durent.



VLLA necessitas poscit, vt de pluribus Vulcanis hoc loco dicamus: cum ex hæcenus dictis cæterorum quoq; natura & conditio facile intelligi queat. Causarum verò, cur tum fumus, tum ignis in illis tanta diuturnitate perennent, inquisitio, omnino necessaria videtur. Nec enim humana capere ratio potest, vndenam tam copiosa materia fomesque illis suppeditetur, vt eructatio illa tam iugis esse queat. Sunt, qui arbitrentur, Vulcanos eam materiam absumere, quam à natura per proprietatē suam intimam & congenitam habeant; persuasumq; omnino habent, eos aliquando

do deflagraturos, omninoq; suos fines habituros. Pro cuius rei confirmatione montes nonnullos adducunt, ex quibus lapis levis eruitur, ædibus extruendis idoneus, qualis est Mexicanus: cuius montana olim ignes aluisse apparet. qui tamen idè nunc deflagrarint, quia materia, qua viuerent, defuerit. Lapides autem istiusmodi ignis integros & incontractos reliquit.

Sed hîc nobis commodè in mentem venit, quod nulla vspiam ratione fieri possit, vt omne illud, quod Vulcani eructarunt, in ipsorum interaneis conclusum esse potuerit. Præterea, montes nonnulli igniuomi sunt, quorum eructatio non centum saltem, verum mille annis & vltra, iugi perpetuoque vigore durauit, qui vel dum hodiè tum fumos, tum flammæ, tum cineres confertim eructant. Plinius, naturalis historiæ scriptor diligentissimus, vbi tempore quodam attētissimè & intimè speculari sategisset, quid fieret, vt huiusmodi montes assiduo arderent: hiatui se nimium propinquè offerens, fumorum halituumque immanni violentia confectus occubuit: sicut id Plinius secundus, illius patruelis scriptis mandatum reliquit. Nos verò contrà illos ita statuimus, quod, sicut sub terra loca quædam sunt, quæ halitus etiam distantes ad se alliciunt, eosque in aquam conuertunt, vnde iugis fontium scatebra nascitur: pari quoque ratione locorum nonnullorum ea proprietas visque sit, vt calidos aridosque fumos prolecent, quos deinde in ignes commutent, à quibus tandem generatus cinis & res similes foras excutiantur.

Hæc verò seita habere, ex eo colligi potest, quia montes istiusmodi non assiduò, sed interdum, aut fumos aut ignes euomunt, cum ad eos elidendos non perpetuo fomitem sufficientem habeant. Simile quoque in fontibus euenire videmus, qui per hyemem magnam vndarum copiam, per æstatem vero pauciorum fundunt: quique nunc cumulatius, nunc parcius profluunt. Sic montes quoque nonnunquam ignem quamplurimum, interdum paucissimum aut omnino nullum eructant. Sunt alij, qui prætedunt, ignem hunc ex ipso inferni barathro ascendere, nostroque in conspectu ideo efflagrare, vt eo perterrefacti à peccatis, ignem æternum euitare studeamus. Cum vero inferni, vt Theologi tradunt, sedes intimum terræ centrum sit, cuius diameter 2000. milliarium longitudinem habeat: certè concedi nullo modo potest, ignem illum ex ipso centro produci: cum ignis inferni, sicut S. Basilius & reliqui Patres docuerunt, achuius Vulcanij longè diuersa ratio naturaque sit: Ille

enim non nostri ignis more lucet, & tamen hoc corporeo multo penetrantius & violentius vrit.

Cap. XXVI.

De terra motibus.

NONnulli opinati sunt, terræ tremorem, à Vulcanis Indicis, qui ibi multi sunt, suam originem trahere. Cum verò terræ motus in illis quoque regionibus sentiantur, vbi Vulcani nulli vspiam existunt: terræ motus ea ratio vera & genuina concedi minime potest. Attamē similitudinis aliquid & familiaritatis inter se habent. Videtur enim calidos vapores, in terræ interaneis conclusos, præcipuam ignis in Vulcanis materiam esse, qua crassior materia, quam ea, quæ ignis & halituum specie eructantur, redolent, aduratur. Quod si ergò dicti vapores arctius intra terram conclusi, eruptionis nullum locum inveniunt, tum agitationis impetu terram violenter succutiunt, vt quasi tremat & nutet: quo etiā modo cernimus, puluerem pyrium succensum in fodinis scopulos & cautes solidissimas findere & perrumpere. Similiter & castanea nux cum fragore quodam diffilit, si carbonibus iniecta torretur. Terræ motus autem omnium maximè contingunt in locis littori vicinis, aut alijs aquis finitimis. In alijs verò regionibus, tam Europæis quàm Indicis, ab Oceano & vndis distantioribus, huiusmodi terræ accidentia admodum infrequentia sunt: portus autem, & littora, & quæ terræ his finitimæ sunt, hanc affectionem frequentius sustinent. Cuius quidem rei in Peru euidentissimum exemplum prostat. A Chile vsque in Quito, quod spatium 500. milliarium est, terræ concussiones tam crebræ sunt, vt vna aliam subinde excipiat: etsi aliæ alijs quoque violentiores sint. In Chile littoralibus tempore quodam terræ tam portentosa succussatio accidit, vt ea toti montes euerterentur, fluuiorumque transitus ita intercluderentur, vt latius exundantes lacus facerent. Quin & aliquot vrbes pagosque subuertit, & hominum magnum numerum iugulauit, fecitque, vt marè multorum milliarium spatio exundaret, nauesque longè à statione sua in terram compellerentur, quæ omnia aspectu horrenda erant. Et si rectè meminimus, terræ motum hunc ad 300. milliaria secundum littora excurrisse, fama erat.

Post paucos interlapsos annos terræ motus in Arequipa insecutus est, quo vniuersa propè ciuitas subuersa periit. Anno 1586. die 9. Iulij alius terræ tremor apud ciuitatem Los Reyes, id est, Regis accidit, qui, vt Viceregis ex litteris patet, secundum littorum longitudinem 170. secundum latitudinem verò 50. milliariibus portendit vsque ad ipsa montana media. In eo autem singularis Dei misericordia eluxit, qui homines immani progressu strepitu & sonitu de futuro pe-

R

riculo

riculo præmonuit, vt sibi expeditius cauere possent. Signis inuasuræ commotionis acceptis solent illi desertis ædibus in vias publicas, camposque & hortos, vt sub aperto dio sint, sese recipere, adeò, vt tetum nullum verticibus incumbens habeant. De illo terræ motu narrarunt, etsi quidem omnium maxima & præclarissima ædificia euerfa corruerint, vltra 20. tamen homines non occubuisse. Eodem mare quoque exagitatum, iuxta Chilen duorum milliarium spatio exundauit, aquis 14. orgiarum altitudine fluctuantibus. Qua quidem inundatione, omnia quoquo versum ligna è littore abrepta defluerunt.

Sequente illicò anno alius quoque terræ motus in regno Quito obseruatus est, adeò vt insignes aliquot concussationes sese inuicem exceperint, cuiusmodi malis omnis illa plaga subiecta est. Etsi enim plana Peruensia nec tonitrua nec fulgura sentiant desuper: ex ipsa tamen terra noxæ illis imminet, vt hos quasi iustitiæ diuinæ vindices obseruantes, Deum metuere discant, sicut Psalmus ait: Fecit hæc, vt timeatur. Sed ad propositum nostrum.

Terræ in Oceani littoralibus sitæ, concussioni omnium maxime obnoxia sunt. Cuius euentus causæ, quantum quidem æstimare licet, hæc sunt, quia pori & cauernæ terræ, per quas halitus egressuri erant, aqua obturantur. Tum & superficiiei humiditas in causa est, quod feruentes vapores humoresque interius conclusi & quasi captiuati maneant: qui si post nimio opere incaluerunt, latissime diducuntur & quasi difflantur. Nonnulli obseruarunt, terræ motus tum potissimum excitari, cum siccum annum frequentes pluuiæ post insequuntur: id quod cum sermone priore conuenit. Diligenti etiam obseruatione notatum est, in illis locis, vbi paludes frequentes sunt, terræ motus rariores incidere. Sunt, qui affirmant, terræ motum in Mexico ex lacu, in quo fundata ciuitas sit, emergere & fuscitari. Verum quidem est, in locis nonnullis à mari longius distantibus terræ motus quoque nonnunquam fieri, sicut in India apud ciuitatem Cachapoyas, & in Italia apud Ferraram accidit. Sed qui apud hanc terræ motus fiunt, à flumine quodam non longè à mari Adriatico fuscitantur: vnde à nobis merito illa inter ciuitates maritimas connumeratur.

In Chuquiauo, aliàs Lapâz, ciuitate Peruana res memoranda accidit, anno 1581. quò derepentè magna pars pagi Angoango, in quo Indorum cõiuratorum & sortilegorum ac Idololatrarum multi habitauerant, corruit, & eorum quamplurimos obtriuuit. Quin & terra ipsa non, non secus ac vnda aut cera liquata facta, ad sesquimilliaris spatium procurrit aut profluxit. Eodem terræ motu lacus omnes expleti, & regio vniuersa, terra iniecta oppleta est.

Cap. XXVII.

Quo modo terra & mare sese inuicem complectantur.



Elementis autem dicendi finem facturi, quomodo terra cum aquis vniatur, prius explicabimus. Vtriusque autem elementi amplexus varij & diuersissimi sunt. Nonnullis in locis terra ab vndis violentissime ceu ab hoste alliditur & quatitur: alibi quasi amico plexu, eadē ab aquis leniter cingitur. Nonnullibi ma-

re magnis tractibus quasi tentandi causa, in penitiorem terram ingreditur. Terra vicissim alicubi suis angulis aut extremitatibus longē in mare extuberat, & eius velut ilia penetrat. Hic vnum elemētum terminatur, & alteri quasi stationis principium impertit. Illic, vbi vtraque sibi inuicem iunguntur, vtriusque immensa est profunditas: sicut in mari australi & boreali insulæ reperiuntur, in quibus fundi demersio 70. aut 80. orgiarum est. Eandem rationem quoque insularum de Lobos, id est, luporum & in littoribus nouæ Hispaniæ Cocos dictis, esse, à gubernatore edocti sumus. In magno Oceano nonnullibi ad multa milliaria nulla terra peruisitur: & tamen duo editissima & altissime prominentia fastigia saxea conspiciuntur, iuxta quæ nec vlla terra nec fundus sentitur.

Quæ autem verè sit forma aut facies Indiæ, nemini satis comperitum est, quoniam extremi eius fines necdum hodiè cogniti aut explorati sunt. Quod si tamen vtcunque quid fingendum sit: cordis figuram aliquo modo exprimere videtur. Latissima terra Brasilia est, vsq; in Peru. Eius terminus seu apex fretum est Magellanes. Basis, qua perficitur, est terra firma. Hinc paulatim vsque in Floridam expanditur, & ad illa loca, quæ nondum nota sunt. Quæ de India porro quis scire volet, is eadem ex commentarijs, quæ Hispani de suis gestis & inuentis ediderunt, comprimis autem ex peregrinatione, à sociorum nostrorum aliquo facta & descripta, in qua multa memorabilia leguntur, hauriat. Iam ergò materiam seu tractationem de elementis, quibus omnes plagæ & regiones mundi constituuntur & ambiuntur, finiamus.

LIBRI TERTII FINIS.

R 2 NATV.



NATVRALIS INDIAE OC-
CIDENTALIS HISTORIÆ,
LIBER QVARTVS.

Cap. I.



OSTQVAM in antecedente libro de Elementis & corporibus simplicibus, vt & eorum affectionibus, per Indiam peculiariter notis, pertractauimus: nunc deinceps in hoc quarto libro de compositis & mixtis quoque, quantum instituti nostri ratio exposcere videbitur, tradendum esse existimamus. Porro cum rerum quidem mixtarum multa eaque diuersa genera sint: nos in tres ordines vniuersas partiemur: nimirum in Metalla, in stirpes, & in animalia. Metalla autem sunt quasi abditæ in terræ visceribus venæ aut radices, quibus propter variè quoquo versum dispersam sobolem quadamtenus similes sunt. Nam tum maiores tum minores suas propagines ceu ramos & surculos stirpium instar possident. Vnde ipsa quoque metalla non secus ac herbas virere, vigere & augefcere nonnullis persuasum est: non quod reuera augefcant, & vitam internam habeant (quod solis stirpibus contingit.) Sed quod ad horum similitudinē sub ipsa terra generentur, & cum solis tum cæterotum Planetarum vi & energia augeantur & quasi excrefcant. Sicut ergo metallum non nisi planta in terra abditæ existit: sic vicissim stirps vel planta nihil aliud est, quàm animal, in loco suo fixum & immotum persistens, vitamque ex eo alimento, quod natura ex terræ sinu ipsi offert, trahens. Animalia tamen plantis nobiliora sunt. Sicut enim illa tum formam tum substantiam perfectiorem & præstantiorem adepta sunt: sic alimento quoque nobiliore & commodiore omnino indigent.

Qua de causâ Natura solers animalibus tum sensum tum motum quoque impertiuit, vt ad cibum suum quærendum se promptius promouere possent. Æquo modo, terram quoque sordidam & sterilem metallis pro alimento esse, nouimus. Terra autem fecunda, alimentum plantis ministrat. Plantæ vicissim animalibus cibo sunt: vt animalia hominibus. Et ea ratione semper res viliores aut imperfectiores, perfectiorum salutis & conseruationi commodant.

modant. Quod ipsum in se perfectum non est, perfectiori subiacet.

Ex quo discursu iam commodè intelligi queat, aurumque & argentum, & his similia alia (quæ homo turpi avaritia miserè excæcatus tanti æstimat) non verum finem, propter quem homo conditus sit, existere: siquidem isthæc vniuersa ipso homine, qui Soli Deo creatori suo & architecto subiectus est, multo inferiora & abiectiora sunt. Et qui hoc quidem modo res vniuersas creatas secum expendit & trutinat, is vtilitatem inde haud leuem percipiet. At verò qui obiter saltem & quasi per transennam easdem introspicit, & quæstus saltem emolumentique causa easdem rimatur: huic pro Salomonis vaticiniò accidet, vt pedes eius laqueis, in quos fatui incurrūt, *Sap. 14.* irretiantur. Ideo & nos quoque hunc de rebus Indicis commentarium propter vnicam istam causam condendum sumpsimus, vt à creaturis suis Deus hoc pacto celebraretur; & non, vt, quæ de metallis, plantis & animalibus scitu necessaria essent, tantummodo operosa & affectata explanatione traderemus. Ideò, quid de singulis istorum in India tum ipsi comperimus, tum à fide dignis aliis narrata accepimus, breuiter saltem & tenui filo decurremus.

Cap. II.

De Metallorum in India opulentia.



ET ALLA à sapientissimo creatore Deo, tum ad Medicinam, tum ad tutelam, tum ad ornatum, tum ad instrumenta varia condita sunt. Quæ omnia illustribus adductis exemplis confirmari possent. Sed postremus metallorum finis omnium certissimus & præstantissimus est. Non enim solum homini id impositum est, vt quam bruta non minus suum sectari alimentum cogatur: sed pro ea quoque ingenij solertia, qua à Deo Opt. Max. cælitus donatus est, operari debet. Porro vt rationis humanæ acumen artes infinitas comminiscitur: sic Deus conditor varias etiam materias produxit, quibus homo in diuersis artibus exercendis, & seipso ceu expoliendo & illustrando vti posset. Etsi vero idem Creator diuersas tum species tum naturas metallis terræ indiderit aut incluserit: quæ tamen in vitæ & sanitatis humanæ commodum collatæ sunt, omnium primæ habendæ veniunt. Sic alia metalla corporum morbos & vitia persanant: alia arma pro propulsanda vi externa ministrant: alia ad ornatum, habitationem commodiorem & cætera faciunt: alia vasa & instrumenta, ab hominibus temporum decursu inuenta, suppeditant.

Inter omnia vero, quæ natura produxit, metalla, nullum humanis vsibus plus seruit, ac pecunia, quæ, vt Philosophus ait, omnium rerum mensura est. Etsi vero pecunia seu aurum res in Natura sim-

Arist. 5. Ethic. c. 1.

Eccles. 10.

plex seu singularis existat, virtute tamen & operatione sua idem est omnia. Aurum enim est cibus, vestitus, domus, currus, equus, & quicquid vspia homini opus est. Ideò, vt sapiens ait, auro omnia subiecta sunt. Metalla autem, pro medio seu arrha rerum vniuersarum parandarum acquirendarumq; ideo electa & constituta sunt, præ substantiis aliis, quia illa rerum cæterarum omnium solidissima, corruptioni & mutationi minus subiacent. Sed & inter ipsa metalla aurū principem ex durabilitate locum occupauit: & ab hoc argentum: sicut id non solum apud Hebræos, Assyrios, Græcos, Romanos, ac nationes tum Europæ tum Asiæ cæteras quoque videre licet: sed populorum quoque remotissimorum idem sensus est, velut Indorum, qui metalla huiusmodi in templis & palatiis, in Regum, Deorum, & virorum fortium honorem suspenderunt.

Plin. lib. 6. c. 27.

Etsi barbaræ quædam gentes extiterint, quæ nec aurū nec argentum nouerint, sicut de Floridanis traditur, quod nec faccos nec peras, auro confertas, è littore abstulerint, verum, vt rem nihili vanamque omnino reliquerint. Et de Babitacis Plinius scribit, eos aurum tam grandi odio prosectatos fuisse, vt vniuersum humo defoderint, ne id in vsum hominum veniret. Sed istorum Floridanorum & Babitacorum hodiè magna penuria est: vt contra eorum, qui aurum & argentum infanius venentur, copia certissima. Id, vt ab iis, qui ex India apulerunt, commonefiamus, operæ pretium est. Et quidem Indorum cupiditatem ac auaritiam nostra multò minorem & parciolem esse, nemini non notum est. Quin & iidem auri satagentia, non tanta sacrilegia committunt, etsi cultores Idolorum fuerint: quanta nostrum aliqui, qui Christo nomen dedimus, frequenter patrare sustinemus. Ideoque sapientissimi Dei prouidentia probè ita constitutum esse apparet, vt in locis remotissimis, quorum Respubl. non admodum bonis legibus fruuntur, fodinæ omnium ditissimæ & opulētissimæ reperiantur: quibus nimirum homines velut esca quadam illicerentur ad ea loca accedenda, vt hoc nimirum consortio gentes, veri Dei cultus ignaræ, vera religione imbuerentur, & ad salutem æternam vocarentur. Vt hoc pacto diui Esaiæ prophetia impleretur, dicentis: Di-

Esa. 54.

„lata locum tentorij tui, & pelles tabernaculorum tuorum extende,
 „ne parcas: longos fac funiculos tuos, & clauos tuos consolida. Ad de-
 „xtram enim & ad læuam penetrabis: & semen tuum gentes hæredi-
 „tabit, & ciuitates desertas inhabitabit. Quæ verba, sicut diuus Hieronymus autor est, id sonant, Euangelium nimirum non ab iis solum, qui simplici zelo ex misericordia id faciunt, prædicatum iri: sed ab iis quoq; spargendum esse, qui rebus Politicis & negotiationibus mundanis studeant. Ita reuera constat, præ cæteris eas oras quoque Indicas, quæ fodinis præstātissimis & ditissimis dotatae sunt, in Christiana religione omniū primas institutas fuisse. Vnde, Deum sapientissimum pro singulari suo placito omnia optimè disponere liquet.

Et in

Et in hoc casu ſapientiffima illa ſapientiffimi viri ſententia valet, dicentis: Sicut pater, filiam ſuam elocaturus, dotis ei plurimum imperit: Sic Deus adoptandæ in gratiam ſuam huic terræ fodinarum theſauros locupletiffimos, metallaque copioſiſſima, vt cuprum, ferrum, plumbum, ſtannum, hydrargyrum, aurum & argentum promentes, largiſſimè donauit. Et ex omnibus quidē Indiæ regnis, Peruano nullum opulentiſſum eſt. Tanta enim auri, argentiſque ac hydrargyri ibi abundantia eſt, vt fodinæ recentes nouæque indies attingantur. Tum & ex conditione ſoli animaduerti poteſt, quod multò frequentiores, iam dum repertis, fodinæ inueniendæ adhuc reſtent. Et vt ſummatim dicam, omne ſolum quaſi metallis conſitum & cumulatiffimè conſeminatum apparet: Cum nullus in vniuerſo orbe tractus metallorum opulentiſſor, quam iſ vnicus, promus ſit.

Cap. III.

De qualitate & conditione terræ metallifera: & quod in India non omnia metalla parentur: & de horum apud Indos uſu.



VR India tantis metallorum theſauris ſcateat, à Dei voluntate, qua ſola ſua munera diſpenſat, id eſſe ſuprà diximus. Quod ſi verò de his Philoſophorum more loquamur, veriſſima illa Philonis ſententia eſt, dicentis: aurum, argentum & metalla naturali principio ortus ex ſteriliſſimis & deſertiſſimis terræ locis progredi maximè, vnde non inepta deductione confici poſſet, eas terras, quæ temperatiores, frugum, herbarum fructuumque feraciſſimæ ſint, rarò aut nunquam fodinis iſtiusmodi abundare. In hiſce etenim locis, quod ſolum fruges fructusque, ad hominum ſuſtentationem neceſſarios proferat, natura eatenus contenta eſt. Id vt re ipſa verum eſſe comperimus: ita contraria ratione viciffim inferimus, aurum, argentum, hydrargyrum & metalla ſimilia, in aridis, incultis & ſterilibus alias locis, omnium copioſiſſimè prouenire: vt in quibus montes vaſtiores, præruptique ſcopuli, & aër intemperatior gliſcant.

Quæcunque ex India occidentali in Hiſpania hætenus illata Metalla ſunt, omnia ex iſtiusmodi deſertiſ locis eruta fuerūt: quæ tamen terræ, aliàs quidem rigidæ, propter ſuauem pecuniæ odorem ab hominibus excultiſſimæ factæ ſunt. In India etſi quidem metallorum vniuerſim omnium venæ abundant: nullorum tamen maior captura aut venatio inſtituitur, quàm quæ aurum, argentum, & hydrargyrum fouent. Hydrargyro enim opus, in auri argentiſque diſgregatione facienda. Ferrum autem eò ex Hiſpania Chinaque inferri ſolet. Olim quidem Indi Cuprum quoque ſeparare & parare ſolitabant. quod inſtrumentis armisque non ferreis ſed cupreis communiter vterentur.


rentur. Iam verò ab Hispanorum in Indiam ingressu, cupri parum eruunt, etsi eius magna passim copia proftet: Sed in pretiosiorib. metallis effodiendis omnem potius operam sumptumque impendunt.

Plin. libr. 33. c.
5.

Ex nullo vsquam documento suspicio captari potest, Indos auro, argentove ac aliis metallis pecuniæ in permutandis mercibus loco vnquam vsos fuisse, sed eadem decori saltem ornatusque gratia adhibuisse, & tum templis, tum palatiis ac monumētis insignioribus intulisse, in varias tum ex auro tum argento formas, & infiniti generis vasa conficta. In contractibus vēditionis & emptionis, pecunia nulla utebantur, sed rem re simpliciter permutabant. Idem veteres quoque factitasse, Plinius & Homerus tradunt. Indis quinimò res quæpiam peculiæres erant, quas auro ac pecunia longè pluris extimabant, quibus pecuniæ vice utebantur: sicut is mos adhuc hodiè apud nonnullos viget. In prouincia Mexico, loco pecuniæ fructu Cacao vtuntur, quem emptionis & venditionis arrham habent. Huius vicem in Peru Coca supplet, quod folium est, Indis maximi æstimatum. In Paraguay, id est, Rio de la plata, ferreis orbibus monetæ loco vtuntur. In S. Cruce, iuxta montana, textum gossypium pro pecunia habent. Et sic, vt verbo dicam, rem re mercatores Indici permutant. Et licet mercatus seu nundinas alicubi celebriores agitēt, in quas hominum maxima multitudo confluat: pecunia tamen omni vacui veniunt, nec propolas vllos admittunt, cum mercium exquisite censendarum ipsi longè peritissimi existant, & ad æquitatis normam stipulari dexterimè possint. Hispanis autē in has terras delatis, tum & ipsi Indi in commerciis auro argentoque, vti cæperunt: quæ tamen metalla in principio cusa & signata non erant. Sed secundum pondus eadem appendebant, sicut à vetustioribus quoque Romanis olim factitatum legimus. Tandem in Mexico & Peru signari quoque moneta occæpit. In India occidentali nunquam moneta illa mercantur, quæ aliis metallis, vt cupro, aut ære permixta sit; Sed puro putoque vel auro vel argento commercia cōfirmant. Cum enim illa terra duorum istorum metallorum largitrix cumulatissima sit; non sustinent vsitatā monetam suam, quam Billioen vocant, aliis metallis confundi aut permisceri, sicut id in Italia & prouinciis aliis fieri consuevit. Nec ab re est, quod in aliquibus Indiæ insulis, vt Santo Domingo & Puerto Rico, moneta quoque ex cupro fabrefacta vtantur, quæ Hispanica existens, in solis tamen istis insulis tantum vsitata est, in quibus auri argentive magna penuria viget. Quæ etsi & ipsæ quidem suas fodinas meliores habeant, nemini tamen eadem aut eruendi animus, aut parandi dexteritas est. At verò, cum Indi saltem aurum, argentum, & hydrargyrum ex suis fodinis eruere soleant: nos quoque de istis tribus sal-

tem metallis tractationem eligentes, cæterorum conditionem missam faciemus.

Cap. IV.

De auro, quod in India colligitur.

VRVM omni tempore metallis cæteris prælatum, & eorum præstantissimum ab omnibus habitum est, quod omniū solidissimum & corruptioni minimè obnoxium esset. Ignis enim, qui vniuersa depascitur & comminuit, huic suam perfectionem potius confert. Nam in ignem aurum immissum, coloris sui natu-

tiuam probitatem omnino retinet. Tum id & metallorū omnium spectatissimum pulcherrimumque est, quod ob id secundum Plinij sententiam Obryzum nominatur. Auri sacra quoque pagina persæpè meminit. Vñs, qui omnia atterit, Plinio attestante, de auri pondere & substantia nihil decidit. Tum id nec rubigine aut vetustate exeditur. Et licet externa specie quidem consistens durumque appareat: leui tamen pressu flectitur, & malleo promptissimè dilatatur, vt res creditu mira sit. Quod qui tundunt, vim eius & naturam hanc compertissimam habēt, quod in omnes partes flectatur, nec frangatur facile. Has auri virtutes qui attentius considerat, is sensum sacrarum literarum penitus assequetur, quæ aurum amoris comparant. Cur verò auri tantum desiderium, & tam anxia operosaque conquisitio sit, aut admiratio, dicere hoc loco quidem nihil attinet. Nam, qua vi aurum maxima præstat, eadem omnibus notissima est: cum rerum omnium, quas mundus cōtinet, optimum & potentissimum censeatur. Sed ad propositum.

*Plin. libr. 33. 6.**3.**Apoc. 3. & 21.**Cant. 3.**Psal. 67.**Thren. 4.**3. Reg. 6.*

Auri in India tam cumulatus prouentus est, vt, sicut ex historiis noscitur, Ingæ in Peru vasis vel maioribus vel minoribus aureis, vt trullis, pateris, cyathis, lagenis, vrceis & hydriis grandibus minimè contenti essent: Sed & fellas & vehicula integra ex auro fabricari curarent. In templis eorum imagines solidæ ex puro auro stabant. Auri ipsa quoque Mexico proma est, sed copia minore. Qui primi has terras occuparūt, auri diuitias infandas & inæstimabiles adepti sunt. Sed, quod ex istorum conspectu Indi remouerant & abscondiderant, longè vberius erat. Primi isti possessores tot bonis aucti euaserunt, vt ferri loco, caballorum suorum pedibus soleas ex argento puro induerent. Pro vno vini cantharo Indi illis vltra 300. coronatos adnumerauerant, & his similia plurima fecerant. Quæ etsi quidē commenti speciem habere videantur, omnia tamen sunt quam verissima & attestatissima.

Aurum illis in locis tribus ferè modis separatur & conficitur: quos tamen omnes non frequenter vidi egomet. Nam aliud granorum specie in puluere & scopulis inuenitur. Et hoc, auri palas seu fragmenta vocant, quod solidum, nullique alij metallo confusum, ita

S

legitur,

legitur. Id nec liquari, nec igne depurari opus habet, sed est ex se purissimum. Ideò autem auri eæ particulæ grana vocantur, quia plerunque feminum melonum aut cucurbitæ molem adæquant. Et hoc
Iob. 28. est, quod Iobus ait: Glebæ illius aurum. Massulæ tamen nonnunquam grandiores quoque inveniuntur: quales mihi videre contigit, aliquot libras omninò appendentes. Et hæc est illa auri perfectio & nobilitas, sicut Plinius ait, quod solum ita purum & inadulteratum
Plin. lib. 3. c. 4. reperitur. Id quod similiter Metallis aliis non accidit. Omnia etenim cruda sunt, & spumantia, atque vt beneficio ignis depurentur, necesse habent. In India argentum vidimus, velut Escareham. Fragmenta quoque argenti in India conspeximus integra, quæ Papas vocant. Granorum horum aureorum pauca reperiuntur, si ad aurum cæterum conferantur. Aurum è scopulis faxisque dictum, vena seu minera est, ex scopulis faxisque eruta. In fodinis Carumanis iuxta Salinas lapides grandes vidimus, totos auro perfusos. Eorum nonnulli vna parte aurum, altera saxum erant. Istiusmodi aurum in puteis, sæpè, ipsisque fodinis, suas venas non secus ac argentum habentibus, reperitur. Cuius tamen præparatio difficilior est.

De modo id aurum præparandi, quod ex lapidibus eliquatur, Agatarchides libro historiarum quinto de lacu Erythreo seu mari rubro commentatur, sicut id Phocio in sua Bibliotheca meminit. Idem reges olim Ægypti quoque facere sueuerunt. Et quidem, res admiratione digna est, illud, quod memorat, cum iis, quæ de præparatione auri argentive dicta sunt, ita præcisè conuenire & quadrare. Auri pars maxima ex puluere seu arena ex fluminibus eiecta, aut superfluentibus diutius aquis irrigata, conficitur. Indiæ siquidem flumina huiusce auri admodum feracia sunt. Ex eorum numero est Taurus in Hispania; Pactolus in Asia: & Ganges in Orientali India: quæ omnia iam apud vniuersos nota celebrantur. Quod nos quidem aurum in puluere & arena repertum nominamus: id illi ramenta auri vocitant. Et huius è fluminibus extracti, isto tempore copia omnium maxima erat. In fluentis Insulæ Spaniolæ, Cubæ, & Puerto Rico, auri quoque magna vis alitur. Sed id tum propter indigenarum inopiam, tum & separationis difficultatem, inde in Hispaniam exigua copia infertur. Non minor eius quantitas in regno Chile, ac Quito, Granataque noua reperitur. Omnium verò nobilissimum ac pretiosissimum aurum in prouincia Peruenfi Carauaya, & in Chile Valdiuia reperitur. Eius enim (vt vocant) Alloij summum est, nonnunquam 23¹/₂. Carat, nonnunquam plures appendens. Quin & quod in Veragua est, præstantissimum habetur. Sed & ex Philippinis & China auri quamplurimum in Mexico importatur, leuiiores tamen censuræ, probæque. Aurum quoque aliquod argento Cuproque permixtum reperitur. Et Plinius expressè tradit, nullum vsquam aurum ita exquisitum purumque reperiri, quod argenti nihil sibi commixtum habeat.

habeat. Aurum quoque, quod argento permixtum est, eo, quod cupri mixturam habeat longè pauciorum carat putatur. Quod verò quintam partem argenti accepit, id pro Plinij sentētia verū electrum est: quod ad ignem tum auro tum argento purissimo longè clarius splendet lucetque: licet aurum ex cupro pretiosius sit & præstantius. Quod in fabulo arenisque aurum legitur, tam diu abluitur, dum arena, argillaq; vniuersa separata, aurum propter sui grauitatem in fundum vergat. Sed idem hydrargyro quoque, aut aqua forti disseparatur. Alumen siquidem, ex quo aqua illa confit, separandi à cæteris metallis auri facultatem certissimam sibi connatam habet. Aurum ergò hoc modo segregatum, & in placentas fusione concinnatum, in Hispaniam deinde conuehitur. Illud enim, quod arenis pulueriq; adhuc confertum hæret, ideò ex India afferri non potest, quia incertum est, quo pretio in telonio redimi debeat. Ex singulis enim quinis Marcis regi vna appendenda est: quæ quantitas certè, nisi in depurato auro, præcisè æstimari nunquam potest.

Plinius scriptum reliquit, Hispania nullam vsquam regionem auri feraciorem esse, comprimis verò Gallicia & Lusitania. Quibus tamen omnibus prouinciam Asturie præferri ait, quæ quotannis auri 20000. pondo Romam misit: cuiusmodi quantitas in nulla vsquam prouincia reperiri queat. His & liber Macchabæorum astipulatur, Lib. 3. c. 4. quo dicitur, eos diuitias suas vniuersas ex Hispaniæ auro argentoque collegisse. Hispanicæ verò opulentix hodiè Indorum quoque opes accedunt: quod prouida Dei conditoris cura & sapientia ita constitutum est, vt vna terra alteri subsidio veniret, suasque sibi mutuo diuitias conferrent & impertirent. Pretium auri eius, quod ex India in Hispaniam auehitur, numerari aut æstimari minimè potest. Certissimum tamē est illud, ea summa, quæ quotannis ex Hispania Romam importata à Plinio dicitur, longè grandius existere. In ea classe, quæ ex terra firma An. 1587. soluerat, qua & nos vehebamur, cistæ auro confertæ duodecim erant: quarum vna quælibet ad minimum quatuor Arroborum pondus continebat. Vnum autem Arrobum libris 25. constat. Ex noua Hispania marcæ auri 1156. auectæ sunt: quæ omnes Regi addictæ erant: excepta ea summa, quam quisque priuatus sibi corraferat, in tabellas publicas non relatam. Et tantum de Auro Indico. Nunc ad argenti considerationem deinceps descendamus.

Cap. V.

De Argento, quod India promit.

Job. 28.



IN Iobilibro scriptum legimus hoc modo: Habet argentum venarum suarum principia: & auro locus est, in quo conflatur. Ferrum de terra tollitur: & lapis solutus calore, in æs vertitur. Quibus verbis vir sanctus naturam proprietatemque quatuor principum metallorum, ut auri, argenti, ferri, cuprique admodum graphicè perspicueque describit. De locis quidem, quibus aurum nascatur, præcedenti in capite abundè satis diximus; quod nimirum in præruptorum montium scopulis & rupibus, infra terram reconditis, inveniatur: ut & in fluminum sabulo, ipsique arenarum cumulis, quos torrentes ex montibus deturbarunt: sicut hæc Indorum opinio vulgatissima est. Ex plebe multis vel dum hodiè persuasum est, aurum à cataclysmi tempore in montibus relictum mansisse, quod passim hodiè in fluentis & locis aliis reperiatur. Sed nos, ut constitutum est, hoc iam loco de argenti saltem venis narrationem instituiamus.

Primum autem id esse ratum apud omnes volumus, quod argentum inter omnia metalla secundum locum omnino obtineat, & quod ab auro proximum sit: quodque durabilitate metalla cætera omnia post se relinquat; ideò comprimis, quod de sua substantia ad ignis violentiam quam minimum deperdat, & tractari in qualibet formas commodissimè possit. Impulsum argentum sonitus claritate ipsum aurum superat. Tum & colore lucem æmulatur, ut sonitu penetrantius & suavius est. Sed & loca certa definitaque sunt, quibus argentum auro longè præstantius censetur. Veruntamen cum auri minor quantitas sit, idque multò parciore mensura ab ipsa natura dispensetur, isto veluti argumento auri præstantia meritò concludi debet: etsi alicubi quoque terræ (sicut de China narratur) reperiantur, quæ aurum facilius & copiosius, quam argentum, porrigant. In genere tamen argenti copia maior ubiuis reperitur. Porro autem Indiam Occidentalem, sapientissimus mundi architectus, tam ingentibus & opulētis diuitijs, cumulauisse videtur, ut vniuersa illa, quæ tum veteres tum recentes historiæ de Hispanicis argentifodinis prodiderunt, cum huius regionis diuitijs conferri non possint. Nam eius fodinæ passim in tesquis, syluis, montanis, & collibus se offerunt. Tum & in planis terræ argentum erutum est.

Argentum verò omne duorum generum est. Vnum separatum, alterum verò suis venis & ductibus cohærens vocatur. Separatum, argentum, fragmenta seu portiones eæ dicuntur, quæ separatim in certis locis eruuntur. Ad quarum terminos si semel deueneris, eius
ibidem

ibidem nihil reliquum inuenias. Continui verò ductus venæque suis propaginibus furculisq; tum per longitudinem tum profunditatem, terræ perreptant, non secus ac in arbore rami, maiores minoresq; quoquo versum sese diffundunt & disijciunt. Surculorum horum quocunque loco vnum reperiis, ei quam proximè alium quoque coniunctum esse, certò credere possis. Indi effossum argentum præparaturi, illud primò eliquant funduntque hoc modo. Vniuersam massam igni imponunt, vt liquecat: spumam interim eius excutientes. Hoc ingenio argentum, à plumbo, stanno, cupro, rebúsque permixtis alijs omnibus emundant purgantque. Hanc verò in rem singularia quædam instrumenta, ceu fornaculas, extruunt, in quas ventus vbertim irruere queat. Fornacibus verò ligna carbonésque ingerunt. Et hæ in Peru Guairas nuncupari solent. Postquam verò Hispani rerum potiti sunt, cæperunt argentum (quanquam & ipsi eliquationibus adhuc interdum vtantur) adhibito hydrargyro separare: qua arte plus argenti colligunt, quam eliquando fit. Metallū verò nonnullibi argentiferum offertur, quod nec vi eliquationis, nec beneficio hydrargyri expurgari possit. Et hoc plerunque metallum crudissimum & abiectissimum est, cuiusmodi ibi copia non infrequens offertur. Ex huius maxima mole, argenti paucissimum colligitur: sicut ex huic opposito quamplurimum aufertur.

Admiracione autē id omnino dignū est, quod ex vno metallo vi ignis, ex altero verò vi hydrargyri, citra beneficium ignis argentū extrahi possit. Sed & hoc mirabile obuenit, quod ex nonnullis metallis, quæ igne extrahenda sunt, argentum vento non factitio, sed omnino naturaliter flante elici postulet: adeo, vt folium nullus in hoc opere vsus sit, cum metallū ijs inflatis minimè eliquetur. Contra, metalla nonnulla sunt, quæ vento follibus factò promptius fundantur: cuiusmodi illa sunt, quæ ex fodinis in Porco eruuntur. Ex Potosi vero fodinis prompta, follibus adhibitis, minimè liquefcunt: sed vento eo opus est, quem requirunt Guairas: quæ fornaculæ sunt, in descensu montium vento ita aduersæ, vt eo afflari queant. In istiusmodi enim focus metalla dissolui solent, quos necessitas vsibus humanis ita promulgauit. Sed & aliæ innumeræ artes, metalla istiusmodi soluendi, distinctis temporibus, excogitatæ sunt: quarum nonnullas in sequentibus trademus. Quæ argentum loca in India promant, præcipua sunt Hispania noua, & Peru. Sed & ex his Peruenfes montes nobiliores sunt. Potosienses autem omnium in vniuerso

orbe præstantissimi sunt. Ideoque de istis priuatim paulò fufius tractaturi sumus.

Cap. VI.

De Potosi montanis : & de eorum primo inuentore

ELIBERRIMA Potosi mōtana, in prouincia Charcas regni Peru, versus æquinoctialē circulū ad partem australem, aut iuxta polum Antarcticum sub gradu 21 $\frac{1}{2}$. ita sita & cōstituta sunt, vt sub Tropico extremos Zonæ torridæ fines attingant. Iste verò tractus admodum frigidus existit: vt qui veterem in Hispania Castiliam, aut Flandriam frigore exuperet. Quamque pro poli ratione meritò temperatior, & aliquantò calidior esse deberet. Hanc verò illius frigiditatem, tum loci alta constitutio, tum ventorum frigidorum & intemperatorum (ibi Tomohau dictorum) perpetua perflatio causatur. Venti hi rigidissimi & gelidissimi mēsis Maio, Iunio, Iulio, & Augusto potissimum dominantur. Tum & natura sua siccissimi & molestissimi, impediunt, quo minus illis locis aut herbæ aut fructus enasci possint. Vnde etiam factum est, vt tum propter cæli summam intemperiem, tum soli omnimodam sterilitatem ibi vigentem, ab hominibus penitus deserta & desolata diu steterit. Nunc verò argenti (quod omnia allicit) virtute eō homines tracti sunt, vt in monte isto oppidum grandissimum & populosissimum condiderint, quod rebus omnibus ad vitam necessarijs, vt fructibus, conseruis, vino præstanti, frugibus, sericis pannis, vestibus & ornatibus alijs, cumulatissimè iam abundat, aliunde tanta copia inuectis illatisque, vt circa oppidum vniuersa ea enata esse, multi credere possent.

Montanæ terræ natiuus color, subrubeus est, tincti tabernaculi aut pyramidati sacchari faciem è longinquo exhibens. Mons ipse admodum præceps, cæteris vicinis omnibus editior est: cuius ascensus difficilimus est, etsi equis in illū aditus pateat. Fastigium eius acutissimum est. Radix autem milliaris vnus latitudinem habet. A summo montis vertice ad radicem cubiti 1624. in Hispania vacas seu virgæ dictæ, numerantur. Quæ altitudo si ad mensuram Hispanicam referatur, milliaris partem quartam constituet. Ad radices huius montis, alius etiam minor, ab illo ceu enatus, visitur. In hoc olim fodinæ metalli solitarii celebres erāt: cuiusmodi vel dum hodiè adhuc velut in vidulo non venis adhærens, reperitur interdū. Eæ fodinæ quondam satis opulentæ erāt. Monticulus ipse, Guaina Potosi, id est, minor seu iunior Potosi dicitur. Ad huius montis basim oppidum extructum est, commune tum Hispanis tum Indis diuerticulum, qui ex Potoso eruendarum opum causa illūc confluxerunt. Oppidi huius ambitus duo ferè milliaria habet: & in eo negotiationes omnium in Peru maximæ agitantur.

Huius

Huius montis fodinæ olim ab Ingis (qui ante Hispanorum aduentum Peru imperitabant) ideò non terebantur, quia iuxta Potosi, fodinam illam, quæ ad Porco sex milliarium, interiectu colebatur, subruebant. Cuius rei hanc causam arbitror, quod de illa nihil compertum habuerint. Nec fabulæ illi à quoquam addicenda fides est, qua persuadent: quod cum olim fodina illa suffodi cæpisset, vox quædam eruperit, & fossiores, ne montem, aliorum extraneorum commodis hæctenus reseruatum, vel extremo digito attingerent, admonuerit, Hispani, cū iam duodecim annis integris in Peru habitassent, montanorum Potosi opumq; in illis reconditarum ne tantillum quidem notitiæ habuerant. Cuius diuitiæ postea ferioribus annis hoc pacto innotuerunt.

Indus quispiam, Cualpa vocatus, ex Chumbibilca, Cusco regione oriundus, secundum solis occasum feras aliquando, versus montana se recipientes, sectatus erat. Cum vero in ascensu progredi posset difficilius: arbore quadam, Quina dicta, prehensa, cum se tractim promouere vellet, eandem radicitus euulserat. Qua re visa, cum rerum metallicarum peritus esset, venam ibi metalliferam insignem subesse, suspicatus est. Itaque cū eam diligentius rimaretur, confestim fragmenta aliquot metallorum inuenit, quæ euulsa arboris impetus eruerat. Ista tamen, quid essent, commodè nondum internosc poterant, quia color eorū tum à sole, tum aqua iam obscurior euasisset. Eiusdem metalli tamen portiones secum aliquot in Porco asportauit, vt igne adhibito illius genus exploraret. Quo facto, mineram eam nobilissimam deprehendit. Itaq; furtim se frequenter in montem recipiens, quantum opus est, effodit, domique subinde liquat & hoc metallo tam diu negotiatur, dum res alij cuidam Indo Guanca dicto, & ex conuallibus Xauxæ ad fines ciuitatis de Los Royes sitæ oriundo, suboleret. Prima autem suspicio Guancae hinc nascebatur, quia Gualpa, inuentor, orbes argenteos maiores fundebat, quam ex metallis in illo confinio parari solerent. Tum & Gualpa domi suæ iam splendidius viuere incæperat, qui vitam tamen aliàs paupertinam agere solebat. Tandem & à Gualpa fusa metalla, illis quæ in Porco à Guanca effossa erant, longè tractabiliora & generosiora apparebant. Quibus omnibus secum trutinatis, ad secretum Gualpæ thesaurum expiscandum, iam plena Guancae libido surrexerat. Etsi vero vicissim Gualpa id omni studio ageret, vt hanc rem sibi soli reseruaret, neque cuiquam vnquam proderet: instantibus tamen Guancae sollicitationibus obtusus victusque tandem, ipsum secum in Potosi montem abduxit, cum integro mense solus mineræ possessor ante fuisset. Conuenit ergo inter binos istos, vt Guanca venam peculiarem, à Gualpa & ipsam inuentam, & alteri vicinam, sectaretur. Ea vena hodiè Diego Centeno dicta, æquè ac altera opulenta, sed tamen paratu difficilior extiterat. Hoc dimensu bini isti Indi integrum

Potosi

Potosi montem, ceu thesaurum inæstimabilem inter se particbantur. Progressu verò temporis, cum venam suam Guanca duriorem & intractabiliorem esse sentiret: indignitate rei commotus, venæ; Gualpæ addictæ, omnino socius & particeps esse contendit. Gualpa vero acriter reluctante, cōtentio eorum eò vsque inualuit, vt Guan-ca rem omnem ad Villaroelem, Hispanum deferret. Is cum continuo in montem Potosi se reciperet, diuitias præsentis illas palàm spectauit, sicut à lanacona seu famulo suo edoctus erat. Guanca itaque illico in album relato, venam Centeno Hispanus cum ipso descripsit & diuisit. Describere vero nihil aliud est, quàm spatium quoddam virgis definitum designare, quod iuris autoritate illis appropriatur, qui fodinarum aut inuentores aut suffossores sunt: idq; hac de causa, quia ad iudicem ordinarium rem detulerunt. Ita ergo qui fodinarum domini constituuntur, eas suo libitu tractant: sed ita tamen, vt quintam quamuis partem Regi dependere cogantur.

Prima, vt vocant, Potosi fodinæ registratio facta est die 21. Aprilis Anni 1545. in finibus Porco, per prænominatum Hispanum Villaroelem & Guancam. A quo tempore deinde alia quoque vena detecta est, quæ à Tin dicta, longè ditissima & opulentissima erat. Eius tamen præparatio admodum laboriosa existeret, cum, quæ promeret metalla, silicum more durissima reniterentur. Eiusdem anni die 31. Augusti vena iterum alia Mendieta in album relata est. Et hæc quatuor venæ in Potosi celebriores & opulentiores numerantur. De prima verò inuenta vena narrant, molem eius altitudine hastæ, instar scopuli, è terra eminentis sursum exporrectam stetisse, specie ferè pectinis, cuius altitudo 300. latitudo verò 13. pedum fuerit. Referunt nonnulli, venam hanc à cataclysmi tempore sic denudatam mansisse, duricieq; & soliditate sua, impetuosissimæ vndarum concitationi, fortiter restitisse. Huius venæ metalla tam proba & nobilia erant, vt ex parte media purum argentum præberent. Quin & vena ad 50. vel 60. orgias in profundum exporrigebatur, dum aliquantum deficere inciperet.

Hoc ergo modo fodinæ Potosienses detectæ & manifestatæ sunt: quarum sanè diuitias Omnipotens rerum creator pro immensa sua & inexhausta beneficentia in commodum Hispanorum vsq; ad tēpora Caroli V. Romanorū Imperatoris & Hispaniarū Indiarumq; Regis, reconditas & abstrusas latere clemēter voluit. Repertæ huius tam diuitis & opulentæ in Potosi venæ, cum nuntium in Peru allatum fuisset: Hispanorum quamplurimi, præcipuè verò de La plata accolæ, à Potosi interuallo 18. milliarium distantes, continuò in Potosi irruerunt confertim, vt venam hanc occuparēt & eruerent. Eodem & Indorum multi ex prouincijs diuersis, velut sunt Guairadores in Porco, sese receperunt, ita, vt perexiguo tempore, Potosi oppidum in omni illo regno celeberrimum & populosissimum fieret.

Cap. VII.

*De diuitiis thesaurisq^{ue}, ex Potosi fodinis cum olim extractis,
tum vel hodiè eodem loco erutis.*



ÆPISSIME ambiguus obhæsi, an in vllis veterum historijs, de tam grandibus & insignibus fodinarum diuitijs, quales hoc seculo in Peru eruuntur, quicquam traditum sit. Et certè quidem, si vsquam in vniuerso orbe, opulentissimæ fodinæ extiterunt, easdem aut Carthaginenses, aut Romani in Hispania posse-

derunt: vt quæ non Ethnicorum saltem annalibus, sed ipsis quoque sacrarum literarum commentarijs celebratissimæ & præstantissimæ deprædicentur. Sed ex autoribus tamen omnibus, fodinarum nullus tam planam & euidentem mentionem fecit, ac ipse Plinius, qui in naturali historia hæc verba habet: Argentum reperitur in omnibus ferè prouincijs: sed in Hispania pulcherrimum. Id quoque in sterili solo, atque etiam in montibus. Et vbicunque vna inuenta vena est, non procul inuenitur alia. Hoc quidem & in omni ferè materia, vnde metalla Græci videntur dixisse. Mirum adhuc per Hispanias ab Hannibale olim inchoatos puteos durare, sua ab inuentoribus nomina habentes. Ex queis Bebelo appellatur, hodieque qui ccc. pondo Hannibali subministrauit indies. Ad mille quingentos iam passus cauato monte, per quod spatium Aquitani stantes diebus, noctibusque egerunt: aquas lucernarum mensura, amnemque faciunt. Hæc ipsissima Plinij verba sunt, adducta à nobis hanc ob causam, quod persuasum habeamus, metalli fodinarum gnaros ex illis magnam sanè voluptatem captaturos, dum intelligant, quo ordine modoque hodie singula aguntur, priscis quoque seculis pariter ea vsitata fuisse. Illarum tamen fodinarum, quas Hannibal in montibus Pirenæis inuenit, quasque deinde Romani vsque ad Plinij tempora (quod interuallum 300. ferè annorum est) possessas eruerunt, opes longè potentissimas fuisse, necesse est. Illarum enim profunditas 1500. passuum, id est, milliarium Hispanicorum duorum erat.

Plinius lib. 33.
cap. 6.

In principio tanta earum largitas fuerat, vt, quibus ascripta dominis esset, illis in dies 300. pondo, (pondo autè 12. vncijs constabat) largiretur. Quæ diuitiæ, etsi immensissimæ quidem æstimationis sint: nostro tamen iudicio cum Potosinis vel in minimo non comparari queunt. Ex libris enim Regijs, in domo (vt vocant) contractio- num asseruatis, tum doceri planè, tum fide dignorum hominum testimonio confirmari potest plenissimè, quod à tempore Licentiati, Polo vocati (quod tempus à prima fodinæ inuentione admodum seruum erat) singulis septimanis quintarum loco 150000. Pesos, vt i ap-

T pellant,

pellant, nonnunquam & 200000. consignati & numerati fuerint. Quæ summa, quotannis millionem vnam cum semisse, ad minimum constituit. Consequenter ergò pro dictæ supputationis modo ex prænominata fodina indies circiter 300000. Pesos proueniunt: ex qua summa regi quintarum vice 6000. Pesos in dies penduntur. Sed, quod ad insignes Potosi diuitias augendas facit, id quoque concurrat, quod supra dicti prouentus ex sola argenti appensione capiantur. Iam verò in Peru nemo quisquam est, qui ignoret, quod iam à bene longo tempore in isto regno argentum, quod signatum esset, à vectigali semper immune manserit: adeo vt ex omni illo argento, quod Potosi profert, vix tertia, aut dimidia pars quintarum loco regi cesserit.

Sed & verba Plinij nobis attendenda sunt, qui testatur, quod in Bebelo ad mille quingentos passus montem excavarint, per quod omne spaciū aquas cōtinenter egeri oportuerit: quod impedimentum fodinarum omnium grauiissimum esse solet. In Potosi autem etsi mons ad 200. æstados seu orgias excauatus quidem esset, aquas tamen in ista profunditate regurgitantes nullas attigerunt, quod pro maximo beneficio ducendum erat. Fodinæ etiam, in Porco notæ, hodiè propter influxam aquam non continuantur, sed desertæ relinquuntur. Nam & solidissimas simul cautes pertūdere, & iugem vndarum illuuiem egerere, res duorum maximorum & molestissimorum laborum est. In summa, ex argenti Potosi cruti, vectigali, Rex quotannis vnam ad minimum millionem colligit: vt de hydrargyro & cæteris bonis obfilescam, ex quorum æstimatione quotannis censum facit vberimum & ditissimum.

Rerum nonnulli & actorum peritissimi affirmare non dubitant, quod quantum quintarum loco à primo vsq; ad 74. annum (in quibus tamen non omnia ita exquisitè æstimata sunt) ex Potosi collectum, in arcā regiam immissum est, vno numero 76. milliones constituat: & quod iterum ab anno 74. vsq; in annū 85. in illas inditū est, 35. milliones, reddat. Sic ergo omnis summa, ab anno 74. vsq; ad annū 85. collecta, III. milliones, Ghcessa Veerde Pesos promit, sicut ex tabulis regijs videre est. Peso autē 13. vocatos Regales & eius monetæ partē quartam appendit. Et in omni tamen ista summa, eius non meminimus argenti, quod quintarum iure eximitur: aut quod in alias regis cistas alibi conditum: aut quod in vsus quotidianorum commerciorum signatum, sine vectigali liberum teritur. Nam & horū connumerata summa, quantitatem exprompti argenti immēsam constitueret. Et hæc supputatio prænominato anno ad Viceregem ita transmissa est. Nostro, quo in Peru morabamur, tempore fodinæ adhuc largiores vigeabant. Nam ea, qua anno 87. solueramus, navi, ex Peru & Mexico II. milliones vehiebantur, quæ ex dimidia parte regis erant. Et harum duæ tertiæ in Peru indebantur.

Hæc ergò sigillatim ita percensere nobis allubuit, vt ex ijs intelligeretur, quanta potentia summus Deus Hispanorum regem cummulauerit: in cuius vnus capite tot coronæ, tot regna incumbere. Singulari enim Dei prouidentia India Orientalis Occidentali vnita coiuit, vt nimirum hoc pacto eius sceptrum vniuersum mundi ambitum moderaretur, & in vnam quasi communionem populos tam diuersos cogeret.

Cap. VIII.

Quomodo artéve Potosi incola metalla effodiant.



OETIVS, quo loco in fodinarum primum inuentorem inuehitur, eleganter hæc verba edidit:

*Heu primus quis ille fuit,
Auri qui pondera tecti
Gemmaſq; latere volentes
Pretioſa pericula fodit.*

Pretioſa autem ideo pericula dicit, quia labores & pericula, quibus metalla, ab hominibus tantoperè æſtimata, eruuntur, maxima & præſentanea ſunt. Plinius quidem autor eſt, Italiam metallis copioſiſſimis opulentiſſimam fuiſſe: maiores tamen, vt effoderentur, & in apicum efferrentur, ideo prohibuiſſe, vt hoc nimirum pacto miſellæ plebis ærumnæ minuerentur. Romam vero metalla ex Hispania inferebantur ab Hispanis vectigalibus, qui tributi loco fodinas eruebant. Nunc quæ olim Hispanorum cum Romanis: eadem hodiè Indorum cum Hispanis ratio eſt. Eſſi vero nullo dubio metallorum in Hispania magna vbertas ſit: eorum tamē non admodum impenſam curam habent. Tum & illa ſuffodi ideò non eſt licitum, quia, quæ dāma illud inſtitutum conſequantur, omniū oculis expoſitum proſtet: comprimis vero hanc ob cauſam, quoniam ex India diuitiæ multò vberiores aduehuntur, quæ tum ſumptu leuiore, tum labore periculoq; longè minore eruuntur.

Potosi montana quatuor primarijs venis inſignia ſunt, ſicut in ſuperioribus dictum eſt: nimirum diuite, Centeno, Tyri, & Mendietā. Sed vniuerſæ hæ in montis parte Orientali conſtitutæ ſunt. Verſus occaſum, ſolum venarum ſimilium omninò ſterile eſt. Venæ autem Orientales verſus aquilonem & auſtrum exporriguntur, à polo vno ad alterum extenſæ: quæ quo loco diffuſiſſimæ ſunt, pedum ſenorum: quo verò anguſtiſſimæ, ſpithamæ vnus latitudinem habēt. Præter has autem aliæ quoque diuerſæ, ex illis, ramorum inſtar in arbore, enatæ reperiūtur. Vena quælibet definitos ſuos exporrectus, & quaſi diſtinctas partes habet: quarū ſingulę priuatim ſuis poſſeſſorib. ac dominis aſſignātur, ſecudū quos etiā peculiaria nomina ſortiūtur.

Fodina omnium maxima 80. Vacas siue virgas habet: præterquam mensuram iura nemini spatium latius concedunt. Minima quatuor virgis constat. Fodinæ autem indies profundius excauantur. In diuite vena fodinæ 78. numerantur hodiè: quarum profunditas alicubi 180. nonnulli etiam 200. æstados siue orgiarum est. In Centeno minera fodinæ 24. conspiciuntur, 60. aut 70. orgias plerunque profundæ. Et hæc ferè omnium in Potosi fodinarum ratio est.

Ad terram è profunditate fodinarum facilius & commodius egerendam, excogitarunt Socabones, id est, scrobes seu foramina, quæ inferius in latere quodam montis transuersim pertuderunt, vsque ad ipsam mineræ sedem pertingentia. Cum enim venæ, quæ austrum aquilonemque spectant, è supernis deorsum vergant, tum certè ductus eorum vsq; ad radices montis prosequi oportet: quæ profunditas, vt autumant nonnulli, 1200. æstados seu orgias habet. Porro, etsi quidem fodinarum ea profunditas sit: spatium tamen in circuitu sextuplo maius ambiendum est, priusquam ad ipsam montis basim deueniatur, quam diuitijs ingentibus dotatam, sicut de minerarum omnium principijs notum sit, prædicant. Contrarium tamen ipso euentu & opere experiri est. Nam semper, quò altiores & editiores venæ repertæ sunt, eo ditiores fuerunt. Contrà, quanto profundius mersæ descenderunt, tanto tenuiores & pauperiores factæ sunt. Ad mineras ergo tum labore, tum sumptu periculoq; minore effodiendas, tandem Socabones inuenerunt, per quas tum ingressus tum egressus facilis expeditusque datur. Harum latitudo 8. pedum est: altitudo vero stantis viri mensuram habet paulò maiorem. Hæ obiectis quoque foribus referantur aut occluduntur. Ex his metalla vniuersim omnia facili labore egeruntur: quorum pars quinta Socabonum dominis appendi aut numerari solet. Olim Socabones nouem extractæ erant: & subinde nouæ adduntur. Harum vna, Feniin dicta, ad venam diuitem procurrēs, spatio 29. annorum absoluta est. Nam anno 1556. à prima autem inuentione vndecimo incepta, vix dum 11. April. An. 1585. extremam manum fortita est. Socabon ista ad venam diuitem gradibus 35. pertingit. Interuallum à summitate ad imum, id est, ab eo loco, quo Socabon venis vnitur, vsque ad mineræ summam altitudinem, 135. orgiarum est. Quæ omnis profunditas in quærendis mineris perrumpenda est. Socabonis vniuersa meta ab introitu primo ad ipsam vsque mineram, quæ via transuersa dicitur, Hispanicis Vacas seu virgas 250. habet: quo in opere, ita constitucendo, anni dicti 29. integri insumpti sunt.

Ex quibus omnibus iam cuilibet videre facile est, qui labores ab operarijs impendantur, priusquam ex interaneis terræ argentum in apricum efferant. Qua quidem in re id quoque comprimis molestum est, quod sub terram quasi in perpetuas tenebras defossi, operas suas conficere cogantur, nec scire possint, qua hora vel dies sit, vel
nox

nox incumbat. Cumque ad penita illa terræ soli nullus vnquam accessus sit: non saltem in istis tenebris quasi consenescendum est, verum & aura gelida, grauiſque, naturæque hominum aduerſa, ſubinde inſpiranda offertur. Quo fit, vt, qui recens iſtis operis adhibentur, vel tractandis vel ſpectandis, affectu quopiam, nauſeæ marinæ ſimili corripiantur, ita, vt vel nolentes ad vomitum compellantur. Id vel noſtro teſtari exemplo queamus. Qui in fodinis operantur, iugiter ardentib. candelis vtuntur, ſed & operas ita inter ſe partiuntur, vt nonnulli interdum, alij noctu ſuffoſſioni vacent: qua viciffitudine etiam quietem ſomnumque captare ſueuerunt. Quæ eruntur metalla, pleraque duriffima ſunt, adeo, vt inſtrumentis ferreis contuſa cõminui opus ſit. Fracta & cõminuta, dorſis imponunt, & in hâc rem paratis ſcalis aſcendentes, foràs efferunt. Scalæ autem tribus ex corio bouino contortis funibus conſtant: quibus tranſuerſi baculi, graduum ſpecie inferuntur aut ſuffiguntur, ita, vt duo inuicem occurrentes, commodè ſibi cedere queant. Sclarum quælibet 10. orgiarum longitudinem habet. Eius extremis alia ſubindè connectitur. Ad ſclarum latera, nonnullibi ſcamna ex ligno confecta, aſcendentibus quieturis extructa ſunt. Cuiuslibet baculi mēſura duorum Arroborum eſt. Hoc pondus veſte, de pectore religata, geſtant: ternique ex ordine ſeſe ſemper inſequuntur. Eorum primus cereum ardentem in pollice deligatum præfert, vt lucem tum ſibi tum binis ſocijs præſtet. Sicut enim diximus, cæli nullus fulgor eò penetrat. Scalīs manibus correptis, ſeſe ſedulo firmant ſuſtinentque, cum ea profunditas immenſa horrendaq; ſit. Nam orgiarum. 150. interdum altitudinem exſuperant: quæ res vel obiter ſaltem contuenti horrorem incuteret. Plurimos autem auri cupido ad tam ærumnoſas operas incitat. Quade re Plinius tradens, ita ſcripſit: Imus in viſcera terræ: & in ſede manium opes quærimus. Idem in eodem libro ait: Labores in extrahendis metallis Herculeos obeunt aut Gigantæos. Cuniculis per magna ſpacia actis cauantur montes ad lucernarum lumina. Eadem menſura vigiliarum eſt, multiſque menſibus non cernitur dies. Sidunt rimæ ſubito, & opprimunt operarios. Et paulò poſt: Sæpius cædunt fracturas c. l. libras ferri terram agentibus, egeruntq; humeris noctibus ac diebus per tenebras proximis tradentes, lucem nouiſſimi cernunt. Haſtenus Plinius. Eſi verò, vt hiftoricus, iſthæc tradiderit: nō ineptè tamen ſtatui poſſit, eum de his temporibus ap-primè verè vaticinatum eſſe, & futuros euentus nobis quaſi digito commonſtraſſe. Huic & Phocion correfpondet: qui ad Agatarchidem ſcriptis explicat, quam ærumnoſos & ſiſyphios labores Criſij in auro egerendo parandoque ſuſtinere cogantur. Vndè non minus eleganter ab autore ac verè dictum eſt, aurum argentumque, dum egeratur, multò plus laboris periculi-que, quàm cum poſſidetur, voluptatis parere.

Plinius in præamb. lib. 33. 6.

4.

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

“

Cap. IX.

De metallorum separatione & preparatione.

MINERÆ, quibus, vt dictum est, argentum promitur, plerunq; intra duos scopulos, Casse nominatos, procurrunt: quorum alter subinde ita durus est, vt cum quouis filice certare queat. Alter verò perpetuò mollior & fragilior existit. Per horum media spacia metallum venarum ritu porrigitur, quamuis vbique nec simili mole, nec æquo ductu. Aliis enim in locis vena admodum crassa diuesque profluit, quæ tum Caçilla siue Tacana vocatur, quæ argenti quantitatem magnam largitur. Alibi eadem concisior, minus argenti præbet. Metallum, quod diues dicitur, hisce in montanis ambrae colorem refert. Aliud verò magis nigricat: vt vicissim aliud rosæ, aliud cineris speciem coloremque exhibet. Et, vt vno verbo dicam, cuius varij diuersiq; colores sunt, ad eò vt rerum imperitis & ignaris meri lapides videri possint. Illud autem à fossoribus ex puncturis, venulis, signisque aliis commodè internoscitur, an probum sit. Quicquid metalli ex fodinis eruitur, id vniuersum oues Peruanæ (quibus equorum mulorumve vice vtuntur) ad molas proferunt. Metallum quod pretiosissimum est, in fornaculis istis, quas Guairas vocant, liquatur. Et hoc vt facilius soluatur, Indi Soroehen iniiciunt, quod metallum plumbosum & admodum liquabile existit. Spuma liquatione excitata per medium ignem descendit. Plumbum verò vnà cum argento soluitur, ita, vt argētum plumbo incumbat aut innatet tam diu, dum sensim magis magisque depuretur. Ex metalli Quintali, vi eliquationis nonnunquam 30. aut 40. interdum & 50. Pesos argenti eliciunt. Massa nobis quædam aliquando metalli donata est, ex cuius singulis Quintalibus 200. aut 250. Pesos eliquando extraximus. Quæ summa Hispanicas libras 100. constituit. Huiusmodi verò fecunda metalla, aut nunquam aut rarissimè inuenire licet: crediq;, quæ diximus, difficilimè possent, nisi ipsissima experiētia eorum fidem stabiliret. Metalla tamen illa infrequentia sunt. Quæ metalla viliora aut pauperiora sunt, eorum Quintale quoduis, duos, ternosve, nonnunquā quinos ac senos Pesos elargitur. Quodque tale est, plerunque durissimum ac siccissimum, plumbi quam minimum admixtum habet. Qua de causa ad ignem non æquè facile liquefcit. Sed & propter hoc ipsum in Potosi vilioris istiusmodi metalli copiosissimæ strues congestæ, ceu inutiles & reiectitiæ abiiciebantur: dum hydrargyri tandem vi vsu cognita, paulatim & illud ipsum dissolui cæpit. Qua arte census maximus & opulentissimus factus est. Hydrargyrum enim ipsum argētum depurat emundatq;, ac incognita quadam abditaq; ratione ad solutionē siccissimorum istiusmodi metallorū momenti quam-

quamplurimum confert. Tum & ad horum, quàm præstantiorum metallorum eliquationem hydrargyri minus infumitur. Quo enim metalla meliora, eo hydrargyri plus absumunt vorantque. Et hoc seculo vniuersum prope argentum, quod in Potosi, fodinisque Caca-tecas, locisque nouæ Hispaniæ aliis effoditur, hydrargyri ope depuratur.

Olim in montanorum Potosi descensu, & in fastigij ambitu vltra 6000. Guairas, id est, fornaculas, fundendo argēto extructas, & facularum aut cereorum modo de longo flagrantēs numerare licebat. Quas qui de nocte è longinquo micare viderat, spectaculo non iniucundo afficiebatur. Hodie nō vltra 2000. Guairas superstites nouimus. Fusionis siquidem ars nimio opere inuilit, hydrargyro principatum sibi tam splendidum vindicante. Cæterum, cū natura visq; hydrargyri admirabilis sit, omninoque digna, quæ attentius consideretur in argenti depuratione: ideò deinceps de eius vsu & minera, quo pacto paretur, non nihil trademus.

Cap. X.

De hydrargyri admirandis virtutibus & operationibus.

HYDRARGYRVM, quod & argentum viuum dicitur, quia viuum argenti speciem refert, & quouis impetu ab vno loco in alium facile mouetur, præ omnibus metallis priuatam quandam miramque naturam accepit. Primò enim, etsi reuera distinctum separatumque metallum sit, aliorum more tamen non consistit & durum est, sed liquatura potius quædam est, quocunque mobilis & meabilis. Nec vt argentum aurumve, quod & ipsum ignis calore solutum liquor fit, quoquo versum fusilis: Sed hydrargyrum non aliena vi, verum propria congenitaque id omnino præstat. Quod etsi liquoris substantiā acceperit, cæteris tamen omnibus & singulis metallis grauius & ponderosius existit, adeò, vt metalla vniuersa illi innatent, ac propter leuitatem minorem in fundum non decidant. In ollam quandam argento viuo refertam, duas ferri libras aliquando iniici spectauimus: quod suberis in aqua fluctuantis modo, obnatabat. Plinius tamen hic exceptione vtitur, affirmatque, vnum aurum Plin. libr. 33. 6. in hydrargyro fundum petere, cum cætera metalla omnia in sublimi natent. Cuius rei nos tamen experimentum nullum fecimus: & ob id Plinio obloqui piaculum ducimus. Nam & hoc verum nouimus, quod hydrargyrum secreto naturæ instinctu ac sympathia aurū amplectatur, & in suum quasi sinum recipiat. Quæ eius virtus ferè primaria est, vt miro quodam consensu auro adhærescat, & illud prompte penetret. Hydrargyrum, si vicinū sibi aurum vel tantillum præsen sit, ad id se continuo mouet; nec hoc tantum, sed ei se adeò confert

fertè implicat permiscetque, vt eo plexu nudatum aurum, metalla alia, quibus permixtum erat, deponat & quasi excutiat. Hac de causa etiam, qui se ab hydrargyri malignitate tueri volunt, auro vtuntur.

Nonnullorum hominum, morti mancipandorum, auribus argentum viuum inditum meminimus. Contra quod malum præsentius & generosius remediũ nullum inueniri licuit, quã vt eorundem auribus massula auri infereretur; quo factum est, vt eius vi hydrargyrum rursus ex aurium cauernis extraheretur. Cuius signum in auro quoque euidens patebat. In extracto enim tandem auro, hydrargyrum vniuersum adhærescere visum est. Cum in Madrid animi gratia aliquando prodeambularemus, vt præclarum illud opus, quod Iacome de Trenæo, insignis ex Milano artifex, apud S. Laurentium in Escurial, struebat, conspiciaremur: accidit, vt eodem tempore partes quasdam, ex Bronso siue metallis factæ tabulæ ope hydrargyri inaurasset. Huius verò vapor seu fumus, cum certissimæ malignitatis sit: nonnullorum indicio cognoueramus, eos, qui circa opus illud tractandum versarentur, contra vim illam argenti viui venenatam aureum, vt vocant, Dobbloen, prius in scobem exactè tritum, vorasse: quod aurum in ventriculo obhærescens, omnem hydrargyri substantiam, tum auribus, tum oculis, ac naribus aut ore haustam, ad se proleçtet & attrahat. Hanc enim vnã hausti hydrargyri præseruatiuam existere: ita, vt quicquid illius in ventriculo ab auro attractum sit: cum eodem citra noxam per secessum iterum egeratur. Quæ res sanè admiratione non indigna videtur.

Plin. libr. 33. c.
6.

Porro autem, si hydrargyrum sua vi aurum depurauit, & permixta illi cætera, metalla disgregauit: tum id ipsum tandem ad ignem ab auro, ceu amico suo quoq; separatur, quod deinde purum & omnino impermixtum remanet. Plinius affirmat, hydrargyrum arte quadam ab auro separari solere. Sed eam his nostris seculis in vsu esse, nō meminimus. Tum & ipsos veteres hanc auri per hydrargyrum purandi notitiam habuisse, non arbitramur: quæ tamen ars hodie nobis vulgatissima simul & vtilissima est. Plinius quidem expressis verbis testatur, hydrargyrum metallorum nullum, præter aurum, amplecti. Etsi verò geminorum istorum magna & admiranda familiaritas sit: compertum tamen nobis est, deficiente aut absente auro hydrargyrum quoque ad argentum moueri, & illud firmitus amplecti, etsi non æquè promptè ac aurum. Quin imò idem argentum quoque à terra, cupro aut plumbo, quibus connatum adhæret, citra omnem ignis operam segregat depuratque: quo tamen iterum opus est, si ab hydrargyro argentum rursus vindicandum & extergendum venit: de quo deinceps dicemus.

Præter aurum verò ac argentum, metalla cætera hydrargyrum nihil curat: sed si eadem sua præsentia penetrauit, quasque perforauit, tum

uit, tum suo impetu defluit, & recedit, merita hominum admiratione. Hydrargyrum plerunque vasis, aut testis, aut pellibus animalium asseruatur. Nam cætera vasa omnia, siue ex ære aut ferro parata sint, exedit pertunditque. Qua de causa id à Plinio, rerum omnium venenum appellatur: quod omnia conficiat, consumat & deuoret. In sepulturis nonnullis argentum viuum inuentum est, quod cadauera integra absumpserat. Idem in nonnullorum quoque hominum pecudumque cerebris ac medullis repertum scimus: quod halitus specie naribus aut ore attractum primò, deinde ossa & medullas vniuersas peruaferat. Tam maligni itaq; metalli tractatio suo periculo non caret. Sed illius & hæc peculiaris proprietas est, quod fusum aut concussum in guttas sæpè infinitas disseparetur. Quæ etsi minutissimæ sint, nulla tamen earum perit facilè, sed vniuersæ continuo sese recoligunt, & in vnam quasi societatem expeditissimè se deuinciunt. Vt eius duratione velut æterna putata, nihil ferè vspiam occurrere videatur, à quo possit destrui & aboleri: vnde à Plinio quoque Liquor æternus appellatur.

Præter hanc autem dotem, vim & facultatem quoque aliam sortitum est. Nam, etsi quidem hydrargyri ope aurum à cupro & metallis aliis separetur: vicissim tamen ad eadem vnienda & conglutinanda, ipso omnino opus est: cum ad deaurandum id vnum commodum sit. Natura porrò eius vel ex hoc mirabilis censenda est, quod, etsi quidem rerum omnium, quas mundus continet, grauissimum ac ponderosissimum sit, leui tamen momento in substantiam volacissimam leuissimamque conuerti possit, si nimirum in fumum abeat. Quem si omnino disparuisse censeas: iam iterum desubito illum in substantiam grauissimam conuersum esse, cum stupore videas. Quamprimum enim fumus iste, altius elatus in densum quoddam & durum corpus impegerit, aut aërem frigidum attigerit, ex alto continuo specie formaque hydrargyri iterum decidit. Delapsum si iterum igni imponas, fumi illico specie vanescet; qui superius coactus, statim recidet, & hydrargyrum vetus reddet. Quæ sanè mutatio ac metamorphosis, rei grauissimæ in leuissimam, & vice versa, profunda admiratione omnino videtur dignissima. Propter quam stupendam metallorum naturam, sapiētissimus eorum creator meritò colendus & celebrandus est, qui cuiuslibet rei à se conditæ, priuatas suas vires & proprietates, quibus impulsæ pro semel instituto or-

dine citra moram & perplexationem omnem suo
architecto parent, indidit & com-
plantauit.

Cap. XI.

*Quo loco argentum vinum effodiatur: & quod haud ita pridem
huius metalli fodina opulentissima in Guan-
cauilcare detecta sit.*



Plin. libr. 33 c.
7.

PERITVR hydrargyrum in certo quodam lapidis genere, ex quo etiam Vermellioen siue Cinnabaris, priscis minium dicta, conficitur: Nam & hodiè imagines, opè hydrargyri in vitra crySTALLINA depictæ, miniatæ appellantur. Minium seu Cinnabaris magno apud veteres in pretio fuit: adeò, vt colorem illum Sacratæ esse religionis affirmarint. Huius etiam Plinius meminit, dum ait, Romanos Iouis ipsius simulachri faciè diebus festis, triumphantumq; corpora minio illeuisse. Tum & in Æthiopia, nō simulachrorum saltem, sed & procerum facies totas illo colore tingi solitas fuisse testatur. Idem insuper tradit, Cinnabarin, quæ ex sola Hispania, fodinarum istiusmodi proma largissima, afferebatur, Romæ in tanta fuisse autoritate, vt publico interdicto nō liceret id in Hispania excoqui ac perfici: Sed, ne ibi fors distraheretur, venam signatam, vt extracta erat, Romam mittendam fuisse, vt ibi lauaretur & pararetur. Huius quotānis ex Hispaniæ Andalusia ad dena millia ferè pondo Romam vehabantur: quā magni thesauri loco asseruauerunt. Et hæc ex præ-nominato autore adducere nobis volupe fuit, vt ex istis lector, quæ in Peru quoque hodiè fiant, facilius æstimare queat.

Narrant, Ingas in Peru reges, & loci eiusdem incolas, longo tempore in fodinis istis occupatos fuisse, etsi, quæ hydrargyri vis & natura esset, compertum non haberent: Ex minera siquidem ista nihil aliud, quam minium aut Cinnabarin (patria lingua Limpi vocant) quærebant, quam ad easdem ferè res, sicut de Romanis & Ægyptiis percensuimus, adhibuerunt, nimirum vt simulachrorum facies illa tingerent. Quod idem Indi quoque faciebant, in prælium egressuri. Sed nec hodiè vsus eius exoleuit. Festorū enim ac ludorum tempore minium vsurpant, quod Embixarse appellant. Persuasum autem habēt, facies suas, hoc modo embixatas aut delibutas, hostibus maiori terrori & consternationi futuras. Hoc sine in montanis Guancauilcæ, in Peru iuxta ciuitatem Guamanga sitis, fodinarum inusitatū quendam modum instituerunt, ex quibus hoc æs eruebant: quarum ea constitutio & ratio est, vt, si quis hoc tempore in vnam illarum Socabonum aut specuum ingrediatur, viam relegere & inde se rursus extricare haud facile possit. Cæterum, ipsum hydrargyrum, cuius sedes naturalis cinnabaris est, nō magni æstimabant, nec rem talem in natura esse, primitus compertum habebant. Nec ea Indorum tantum, verum & ipsorum Hispanorum ignorantia erat, vt longo tempore diuitia

diuitiarum suarum nullam notitiam haberent, dum tandem Peruanæ regni habenas Licentius Castro moderari cœpisset.

Cæterum hydrargyri fodinæ anno salutis nostræ 66. & 67. primū, ac hoc fere modo inuentæ sunt. Quidam Henricus Garcees, natione Lusitanus, vir peritissimus, Indici huius Limpi, quo facies suas pingebant, particulam fortè quandam nactus erat. Quam cum longa attentaq; inspectione considerasset, eam idipsum, quod Hispani Cinnabarin nominent, esse, liquido animaduertit. Ex quo collegit, eius originem necessario ex illo metallo pendere, ex quo hydrargyrū pareretur. Instituta ergo in ipsas fodinas profectio, cū exquisitiore examine omnia probasset, rem ipsam, vt animus prælagiuerat, constitutam deprehendit. Hoc ergò ingenio, cum fodinam Palcas in finibus Guamangæ detexisset: ad eam multi cōfertim homines migrarunt, qui hydrargyrum pararent, & in Mexico, vbi argentum hydrargyro subinde conficitur, importarent. Hoc itaque opificio multi passim breui tempore ditissimi facti sunt. Circa Guancauillæ fodinas multum Hispani tū Indi confederunt, qui solius hydrargyri parandi causa eò migrarunt, quod illic copiosissimè prouenit. Fodinarum tamen omnium, Amador Cabrera seu de Los Santos vocata, opulentissima existit. Hæc autem nihil aliud, quam rupis seu cautes solidissima & durissima, hydrargyro quoquouersum perfusa est, tantæ molis, vt in longitudine 80. in latitudine verò 40. Vacas seu virgas Hispanicas occuparit. Hæc forma quadrilatera effossa, 70. æstados seu Orgiarum profunditatem habet. Eius autem amplitudo tanta est, vt vno tempore 300. viros vna operantes, capiat. Minera hæc ab Indo quodam ex Amador de Cabrera oriundo, inuenta est: qui Maunicopa dictus, patriam Açoriam pagum habuerat. Amador itaq; suo nomini hanc fodinam inscribi contendebat. Quod ægrius ferens Fiscalis, litis actionem illi intenderat. Decreto tamen facto pronunciatum est, vt Amador inuentor, illius commodis omnino frueretur. Quam ergo is fodinam iure obtinuerat, eandem tandem 250000. ducatis vendidit. Postea, cum se in vendendo, dolo circumuentum prætenderet, contractu retractato, rem ad iudicem denuo detulit, fodinam eam 500000. Ducatis æstimans: cum & nōnullis aliis videretur, eam milione vna minus vendi nullatenus debere. Adeò præter hominum fidem est, in fodinis istis tantas diuitias latere sepultas.

Don Francisco de Tolledo in Peru regnante, quidam Pedro Fernandes de Vellasco, qui in Mexico aliquando egerat, prodiit, qui ibidem argentum vi hydrargyri segregari viderat. Is experimentū simile facturū, cū successum felicem, votisq; respondentem assequeretur: cæptum est in Potosi quoq; An. 1571. per hydrargyrum argentū extrahi, quod eò ex Guancauilca importabatur. Quod inuētum quidem tum temporis admodum tempestiuum optatumque inciderat. Ex metallis enim, quæ vt nihili, in magnas & editissimas strues con-

gesserant, ingens argenti vis extrahebatur. Nam, vt dictum est, hydrargyri opera illud quoque argentum promptissimè elici potest, quod in metallis etiam durissimis, nullaue ignis vi liquabilibus, conditum latet. Catholicus Hispaniarum Rex ex argenti viui fodinis ad minimum 400000. Pesos (quorum singuli 14. Regalibus aliquantò minores sunt) colligit quotannis, licet impensæ omnium maximæ fiant, & venæ non omni tempore æqualiter fœcundæ sint: vt id hîc taceam, quod ex metallorum præparatione in Potosi facta, accessorium exigitur, quod sanè summæ non temnendæ est. Hac ex Guancauilcæ fodina singulis in se collatis annis ad minimum 3000. Quintalia hydrargyri eruuntur & egeruntur.

Cap. XII.

*Qua arte & industria hydrargyrum extrahatur, eoq;
argentum deinde paretur.*



AM verò deinceps, quo modo hydrargyrum eliciatur, & eodem deinde argentum ipsum conficiatur, mentionem aliquam faciamus. Lapis itaque seu metallum, quo hydrargyrum conditum latet, probè tusus & comminutus in ollam inditur: quæ obturata deinde igni apponitur. Eo ergo modo vi ignis à lapide hydrargyrum quasi diuortium facit, & separatur, ac calore in sublimē elatum, cum densiori & solidiori corpori occurrerit, auramque frigidiorē senserit, illicò quasi destillat & deorsum ruit. Eo pacto prolecto hydrargyro, olla, quæ iam refrixit probè, referatur. Nam si ex calente adhuc olla hydrargyri fumus expirās hominem vel leuiter afflauerit: tum aut illicò periturus idem, aut ad minimum dētes suos perditurus sit.

Cæterum, cum ad metallorum solutionem ligni infinita copia opus esset: pro compendio huius faciendo fossorum quidam Rodri-go le Tores, opportunè admodum herbam quandam seu fœnum substituit, quæ in montanis Peruensibus vberimè proueniens Icho vocatur, & sparto (vnde corbes ficuum confici solent) quadantenus simile est. Hoc fœno ignis alimentū continuāt. Mira tamen huiusce herbæ vis, quam in eliquādo præstat singulariter, omninò attendenda venit. Nam & de auro Plinius simile quid narrat, quod flamma ex stramine suscitata liquetur, cum tamen carbonibus ex optimo ligno succensis non soluatur. Solutum porrò eliquatumque hydrargyrum coriaceo sacco (nam solo corio asseruari potest) inditur, & in Magasynum siue munitionum Regiarum domos infertur. Hinc nauibus in Aricam, & porrò ouibus impositum in Potosi deportatur. Eo loco, integro vnus anni decursu 6000. aut 7000. hydrargyri Quintalia pro parandis metallis impenduntur absumenturque, vt
eius

eius quantitatem illam taceam, quæ ex fordibus, quæ ablutionis primæ metallorum matrix aut sedimentum sunt, indies insuper colligitur. Sordes huiusmodi collectæ in fornacibus vruntur, vt, quod argenti viui retinuerunt, proliciatur & extrahatur. In terminis Potosi & Tarapaia fornacum harum circiter 50. sunt. Metallorum, quotannis paratorum quantitas, pro peritissimorum hominum suppuratione 300000. Quintalia constituit. Ex fordibus verò ac matrice ad minimum 2000. Quintalia hydrargyri excipiuntur.

Ex quibus omnibus videre licet, qualitates metallorum inter se admodum diuersas & dissentaneas existere. Metalla siquidem nonnulla cum leui hydrargyri impensa, argenti plurimum fundunt. Alia argenti simul multum largiuntur, & hydrargyri non minus absument. Contrà, quæ parcius dant, minus requirunt. Penitusque, vt metalla se habent; ita metallarij negotij vel proba vel improba fors, lucrumque aut iactura sequi solet. Illud interim, vt vulgatissimum, ita certissimum est, quò metalla ditiora sunt, eò plus hydrargyri requirere, & sic vice versa. Metalla in principio pilis mortariisque hanc in rem paratis, minutissimè tunduntur. Postea cribris, ex filis cupreis intortis, transcolantur. Quibus si probè & industriè confecta sint, horarum 24. spatio 30. ad minimum Quintalia transmitti possunt. Hoc modo colo metalla excreta, in amplum patentemque cacabum conijciuntur, ita, vt singulis 50. Quintalibus metalli, 50. Quintalia falis addantur. Quod hoc fine coadijcitur, vt pinguitudinem læuigati metalli natiuam absumat & exedat; & sic argentum ab hydrargyro facilius implicetur præhendaturque. Hoc facto, hydrargyrum per pannum canabinum exprimunt, vt roris aut sudoris specie in metalla fundatur. Interim metalla sudibus probè subagitant, vt cum hydrargyro portiones singulæ exactè permisceantur. Ante hanc artem inuentam, hydrargyrum cum metallo iugi subagitatione quasi pinsebatur, ex qua mixtura deinde pilas grandiores, non secus ac ex argilla concinnabant, quas diebus aliquot relictas, obiter exiccabant. Easdem postea iterum pinsebant. Et hanc subactionem tot vicibus iterabant, dum hydrargyrum cum argento probè exquisiteque commixtum censerent. Qua præparatione dies nonnunquam 20. ad minimum verò nouem conficiebantur. Hi postea à nonnullis edocti sunt, quod maximam laborum partem adhibitus ignis illis demere possit: cum hydrargyrum, ipsum argentum facillimè amplexetur & arripiat. A quo deinde tempore fornaces extrui cæperunt, quibus cacabos, salem ac hydrargyrum mixta continentes, imponebant, & illa permiscebant. Cacabis istis ignis subditur, dum die quinto sextove, argentum cum hydrargyro integrè vniatur & quasi incorporetur. Si ergò appareat, hydrargyrum suo officio defunctum esse, & cum argento exquisitissimè coiuisse, nec eius quicquam reliquum fecisse, verum vniuersum, spongiæ more, imbibisse, & terram insu-

per, plumbumve aut cuprum, quæ argento permixta erant, integrè separata esse: tum vasis orificium referant, mixturamque eximunt, argentumque ab hydrargyro purè præciseque separant. Id hoc vero modo faciunt.

Miscellam omnem in modium aqua plenum coniiciunt, paruaque mola adhibita metallum conuertunt aut subigunt, non secus ac sinapi moli terique solet. Qua commotione argilla fordesque à metallo defluunt cum ipsa aqua, argentumque ac hydrargyrum propter innatam grauitatem in vasis fundum subsidit. Et hoc, quod in fundo remanet, arenæ speciem exhibet: quod exemptum denuo lauant, vsque dum sordibus vniuersis excussis, argentum cum hydrargyro solitaria & pura remaneant. Caueri interim tam operose non potest, quin cum argilla, argenti etiam ac hydrargyri non nihil effluat, quod ipsi Relauēs vocitant. Sed elapsū illud, postea diligenter requirunt & recolligunt. Iam ergo argentoque ac hydrargyro ita exquisitè depuratis, vt splendescere incipiant: tum vtraque in pannum coniiciunt, & fortiter exprimunt. Qua pressura, quicquid hydrargyri cum argento non exactè vnitum erat, secedit & perfluit vniuersum. Quod verò relinquitur, compressæ pilæ speciem refert, non secus, quam qualem massam, expressæ amygdalæ relinquunt. Pilæ ergo huius residuæ probè expressæ, sexta tantum pars argentum verum est: cæteræ quinquæ merum hydrargyrum sunt. Vt, si exempli gratia, vnius pilæ quantitas librarum 60. sit; tum ex his decem saltem argentum, quinquaginta residuæ libræ verò vniuersæ hydrargyrum sunt.

Porro autem vt ab argento ipsum quoque hydrargyrum separant, massam coactam in validum ignem dant, vasque operculo fictili probè obturant. Opercula autem ista Ruanicarum vittarum similitudinem habent. Succenso itaque igne, hydrargyrum in fumum fatiscit, qui caloris & leuitatis vi elatus, si in vittas illas fictiles impegit, illicò cogitur, & crassescit, non secus ac vapores ex aqua feruente elati, in operculo ollæ guttescunt. Hoc itaque modo condensatum hydrargyrum, per canalem, huic rei destinatum, non aliter ac per alembicum defluit ac destillat. Sic quicquid hydrargyri metallorum fusioni impensum est, recuperatur, argentumque pristino suo colore fulgens adhuc, remanet purum simplèxque, sed quinta sui parte minutum. Id verò admodum rarum & spongiosum est, vt non conspiciatis antea, nescio quid speciei exhibeat.

Ex binis harum pilarum, pastillum seu quadram vnā fingunt, 65. aut 66. libras plerumque pendentem. Et hæc deinde, vt probentur, quintentur, & signentur, ad loca constituta deferuntur. Quod argentum hac per hydrargyrum industria prolectum est, id tantæ probitatis & puritatis est, vt nunquam 2380. Alloys leuius sit: tantæque
plerum-

plerumque nobilitatis & præstantiæ est, vt aurifices, qui id tractaturi sunt, mixtura facta aliquot Alloys illud minuere cogantur. Idem & in cudendo eo, atque in monetam conferendo factu quoque opus est. Has omnes ærumnas torturasque (vt ita dicere liceat) argentum sustinere cogitur, dum probum purumque euadat: quod primò attentius inspectum, massa seu pasta rudis est, ex qua argentum molitur, cernitur, pinsitur, fermentatur, & tandem excoquitur. Tum & lauatur idem, & siccatur, & iterum abluitur, coquiturque ac recoquitur, pilo subditur, cribro inditur, fornacesque, & orcas, & haustra, tandemque ipsum ignem aquamque experitur. Quæ omnia sigillatim minutimque ideo afferre in medium voluimus, vt ex his consideratis in animos nostros ea reducerentur, quæ de iustificatione hominum sacra Scriptura prodidit, dum inquit: Colabit eos, & purgabit quasi argentum. Quo sensu alio quoque loco dicitur: Sicut argentum purgatum terra, purgatum septuplum. Nam reuera septies quasi torquetur, dum purum finumque euadat. Talis ad vnguem Saluatoris quoque nostri doctrina existit, quæ animabus piis, claritatis diuinæ radiis omnino illustrandis, offertur & prædicatur.

*Eccles. 2.
Psalm. 11.
Malach. 3.*

Cap. XIII.

De structuris aut machinis, quibus æstunditur ac molitur: & quâ probitas argenti arte censeatur.



TRACTATIO, de argēto & hydrargyro suscepta, priusquam extremam manum impetret, duabus adhuc partibus amplificari & extendi debere, omnino videtur: quarum vna in machinis aut molis, altera in metallorum probatione versabitur. Metalla itaque, vt argentum viuum admittant, ingenijs ac structuris diuersissimis moluntur & quasi pinsuntur. Molarem autem nonnullæ, asinariarum instar, aguntur ab equis: aliæ vero aquarum impetu mouentur. Vtriusque generis magna passim multitudo reperitur. Cum vero istis in locis crebra vndarum inopia sit, nec alia, quàm pluuialis, huic operi adhiberi queat; ideo molarum harum tribus saltem in anno mensibus vsus est, nempe, in Decembri, Ianuario, & Februario. Iisdem ergo in finibus, quibus molæ statutz sunt, lacus seu fossæ amplissimæ factæ sunt, quarum ambitus 1700. profunditas vero 7. Vacas seu virgas Hispanicas habet. Molis itaque si ad metalla opus sit, tum fores, quæ fossarum labris obditæ sunt, recluduntur, & effluxuræ aquæ via panditur. Diebus vero Dominicis aut alijs festis, eadem rursus obserantur. Si à pluuijs, toto anno continenter delapsis, lacus turgidi pleni sunt: tum molarum vsus 6. vel 7. mensium esse potest. Hinc factum est, vt Potosini Deo de argento & pluuioso anno

anno supplicent: sicut alijs in locis frumentum fœcundumque annum votis suis erogant.

Similia ingenia seu structuræ in Tarapaia quoque reperiuntur, quæ vallis trium aut quatuor milliarium interuallo à Potosi distans, fluuium insignem accepit. Nonnullis in locis molæ sunt, quæ 12. aut 14. pilis insignes sunt. Metallum in mortarijs, diurna nocturnaque cōtinuatione tunditur. Hinc ad loca cribratoria effertur. In margine lacus Petosini molæ 48. visuntur, quarum quælibet pistilla 8. 10. aut 12. adhibet. Præter has quatuor etiam in parte, Tanaconnunno spectante, solemnes sunt. In valle Tarapaia 22. numerantur. Iuxta Potosin insuper molæ quoque asinariæ 30. conspiciuntur: vt aliquam multas hîc taceam, quæ extra Potosin sunt. Tantum, tum operæ tum sumptus ad occupandum argentum impensum est.

Argentum vt par est, præparatum, Gardinorum alicui (quorum à rege multi constituti sunt) probandum offertur. Is cuiuslibet placetæ Alloyn sumit, & singulas ex ordine suo numero designat. Nam cum simul vnoque tempore multi pastilli probentur, de quolibet portiuncula saltem deraditur aut præciditur, quam Gardinus exquisitissimè ponderat. Singulas postea portiunculas singulis ollis ex adusto cinere & puluerato osse concinnatis, & Carpopellis dictis, inijcit. Quo facto, ollas omnes & singulas ex ordine in fornacem disponit, succensoque igne, metalli fragmenta dissoluit liquatque. In his, quicquid plumbi est, fumo euolat & disparet. Cuprum verò & stannum absumentur. Ipsum autem argentum solum purum remanet, candenti carboni persimile. Hoc de argento id cognitum mirum certè est, quod nec liquatum profundatur. Etsi enim ollam penitus euertas, eius tamen ne vna quidem guttula profluat, sed vniuersum ollæ lateribus firmiter adhærescet.

Cæterum, argenti exploratores, eius primum colorem attendunt, si liquatum est. Postea ollulas fornace rursus eximunt, exactissimamque trutina quamlibet portionem seorsim examinant, & quantum ei decesserit, expendunt. Quod Alloy probæ est, hoc non multum perdidit. Quod autem vilioris censuræ est, hoc plurimo minutum est. Porro, quantum quidem de quolibet decesserit, id in pastillo annotant describuntque. Ponderum, quibus vtuntur, tanta exilitas est, vt digitis ægrè apprehendi possint. Itaque forpiculis gemmarijs ea tollunt ponuntque. Sed & ad facem aut cereum accensum ponderationes istæ fiunt, ne vel ventulus aut aura admissa bilancem motet, euertatque. Et secundum minutissima hæc pondera pretium integri pastilli taxatur. Ad quam certè rem accurata diligentia longoque vsu firmata experientia opus est. Harum verò rerum sacra Scriptura passim multoties mentionem facit, vt nos commonefaciat, quod miris nos quoque Deus tentationibus probet, animarumque nostrarum status dignitatis diuersissimæ existat. Quo sensu ipse quoque Ieremias

mias Propheta Excoctor vocatur, qui homines secundum opera sua expendat probetque.

Hæcce verò, quæ hætenus de argento, ære, & horum fodinis explicatius dicta sunt, æquus Lector boni consulat. Nunc enim & de alijs propositis partibus, vt de plantis & animalibus, dicendi tractandi; necessitas nobis incumbit.

Cap. XIV.

De Esmeraultis & Smaragdis.



PRÆTER rei ordinisq; dignitatem minime id esse videtur, vt principio de Smaragdis ordiamur: cum illi, quam aurum argentumq; de quibus hætenus tractatum est, pretij non vilioris sint: & vt cætera metalla, ipsi quoq; suis ex fodinis eruantur, sicut id Plinius explicitè testatur. *Plin. lib. 37. 6.* Olim quidem, vt dictus autor stipulatur, Smaragdi magna autoritas ac pretiū fuit: cum ab Adamante & vnionibus gemma tertia numeraretur. Hodiè verò propter summam gemmarū copiam, quam India gignit, nec Smaragdi, nec perlatum admodum magna autoritas est. Adamantis sua quidem dignitas & prærogatiua adhuc viget. Ab hoc secundi sunt flagrantès Rubini. Qui & ipsi tamen pro copia aut inopia sua æstimari solent: cum rara vniuersis hominibus ferè cara eueniant, & vulgaria, etiam si pretiosiora, plerisque fordescant.

Historia, quæ de Hispano quodā narratur, iam passim omnium ore teritur. Is, cū Smaragdi ex India primò efferrètur, Gemmario cuidam in Italia insignis magnitudinis Smaragdum obtulerat, & pretium eiusdem percōtabatur. Gemmarius lapide viso, cum animum ad eius magnitudinem aduertisset, cētenis Ducatis illum æstimauit. Pretio hoc audito, Hispanus Italo Smaragdū adhuc maiorem alium exhibuit: quem Italus 300. Ducatis censuerat. Id audiens Hispanus, Gemmarium suas secum ad ædes abducit, & Smaragdorum conferam illi cistulam promit proditq;. Quibus tanta copia visis, Italus ad Hispanū versus: Sennor, ait, hæc gemma pretium vnus Ducati non superat. Itidem & in Hispania Indiaq; sic factum est, vt propter admirandam copiam gemmæ etiam nobilissimæ vilescerent.

Smaragdi virtutes Plinius enarrans, eum visui confortando & *Lib. 37. 6.* acuendo apprimè vtilem esse, affirmat. Quod etsi quidē verissimum sit: ipsa tamen gemma propter miram copiam hodiè non magni fit. Regulis quidem Mexicanis eadē magno in pretio fuit. Nasum enim perforantes, Smaragdum insignē illi inferebant, quem ornatus maioris causa publicè ostentabant. sed & simulachrorum aut Idolorum suorum vultibus Smaragdos immittebant. Smaragdorum prouentus hodiè omnium felicissimus in regno Granadæ, & in regno Peru iuxta Mantam & Puerto Ricco, aut in vetustis portibus est. Quin &

locus quispiam in ea terra, à Smaragdorum summa vbertate denominatus est: quem tamen vel dum hodiè nondum ab Hispanis occupari licuit. Smaragdi in saxis, vt & Cryfalli conditi latent. Nos saxum quoddam vidimus, quod venæ aut mineræ speciem forinsecus exhibuerat quidem, sed paulatim tamen nitidius & flammantius euaserat. Eius nonnullæ partes ex dimidio albicabant, virebantque: aliæ solum candebant: cæteræ ex pallore virebant. Smaragdos vidimus nosmet, iuglandem nucem æquantes, aut hâc paulò grandiores. Non tamen recordamur, nostro tempore Smaragdum vllum in lucem prolatum fuisse, qui illum, in Clenodio Genuensi defixum, æquauerit. Qui certè iure merito ab ijs maximi æstimandus, nec pro Reliquiis (vt vocant) ducendus est: cum tantæ magnitudinis nullus vsipiam repertus, hodiè notus sit. De Smaragdo quodam Theophrastus tradit, à Babylonîæ Rege, Ægyptio muneri dato, qui 4. cubitorum longitudinem, & trium latitudinem habuerit. Commemoratur idem autor, in templo Iouis obeliscû ex quatuor Smaragdis, 40. cubitorum longitudine, latitudine verò in vna parte quatuor, in altera duorum fuisse. Seipsum quoque in Tyro Herculis templo stantem pilam è Smaragdo conspexisse. Nobis tamen cum Plinio id persuasum est, lapidem illum viridem quidem fuisse, non verum Smaragdû, sed Smaragdi æmulum: qui falso eo nomine indigetatus fuerit. Sunt, qui affirmare nihil dubitēt, in templo cathedrali Corduano multas pilas ex mero Smaragdo extructas stetisse. Qua naui nos ex Indiâ Anno 87. soluimus. in ea cistæ duæ Smaragdis plenæ inerant, quarum vtraque 4. ad minimum Arroborum pondus habebat. Ex quibus, quod India huius gemmæ feracissima sit, facile cuiuis colligere licet. Sacra pagina Smaragdum ceu gemmâ pretiosissimam apostolicè commendat, vt qui inter gemmas summi pontificis quoque cōnumeretur: & ad muros cælestis Hierosolymæ struēdos cōcurrat.

Exod. 29. 39.
Apos. 21.

Cap. XV.

De Unionibus, seu Margaritis.



Cum de pretiosis multis, ex India efferri solitis, hactenus pertractauerimus: propter argumenti similitudinem nunc quoq; de vnionibus, quos veteres margaritas vocauerunt, deinceps quid agamus. Tantæ autem olim autoritatis & æstimationis margaritæ fuerant, vt solis à regibus, aut regio sanguine ortis, gestarentur. Hodiè verò tam vulgares ac communes factæ sunt, vt atra quoq; & foeda Indorum mancipia, foeminæ, ex margaritis confertas corollas gestent. Hæ è piscium conchis eruuntur. Mihi ipsi hoc accidisse memini, vt, cum aliquândo Ostrea esitare, margaritas in conchis reperirem. Testæ seu conchæ iridis intus colorem ostendunt, ex quibus

quibus nonnullis locis cochlearia, Nicar dicta, conficiuntur. Margaritæ ipsæ tum colore tum magnitudine variæ sunt: secūdum quæ, pretio quoque maiori minorive veneunt. Nonnullæ Aue Maria vocantur, quod minorum coralliorum instar sint. Crassiores autem & grandiores, Pater noster vocantur. In vna concha duæ sæpè margaritæ depræhenduntur, tum specie, tum magnitudine, tum colore sibi omnino similes: quales, attestâte Plinio, idèò à Romanis vniones Plin. libr. 9. c. 35. dicuntur. Quæ geminæ in vna concha sibi per omnia similes margaritæ inueniuntur, in pretio magno haberi solent, & plerunq; aut annulis aut Clenodiis inseruntur. Par vnionum vnum persæpè multis Ducatorum millibus æstimatū nos vidimus. Quæ tamē geminis Cleopatæ illis margaritis nondum nobilitate correspoñdebant, quarū vnā Ibid. fatua procaxq; regina aceto solutam abligurierat, postquam cū Marco Antonio, se vna cœna centies sestertiū cōsumpturam, sponsionem fecisset. Alteram margaritā, in quam ipsam quoq; iam manus iniecerat Cleopatra, aiunt dissectā vtriusq; auribus Veneris Romæ in Pantheo appēsā esse. Quin & de Clodio Tragœdi Æsopi filio monumentis traditum est, eum in dapili quodam conuiuio inter cætera fercula, conuiuiis singulis, singulos vniones pretiosos aceto solutos ad gustādum exhibuisse, vt conuiuij gloriam ampliorem præstaret. Quæ etsi nobis hodiè ridiculosa admodum videantur: his tamen nihilo sapientius illi agunt, qui hodiè non saltem pileos, vittas, coronasque, sed & ocreas, Chapinos, & sordidos (vt vulgatissimæ quoq; Hispanorū fœminæ solent) calceos contrusis margaritis obserunt & exornant. Vniones diuersa quidē Indiæ loca promunt. Sed pars eorū maxima in Oceano australi iuxta Panāmam legitur: quo loco eæ insulæ sunt, quæ à margaritis nomen sibi vendicarunt. Qui in boreali mari iuxta fluuium de La Hacha, id est, de face, reperiuntur: illi tum propter præstantiam, tum magnitudinem omnium pretiosissimi existimantur. Illo enim loco continenter hoc negotium tractant: & ex trahendis margaritis vrinatoribus grandia sæpè pericula incumbunt. Ad Ostreorum enim venationem capturamque vberiore faciendam, sex nonnunquam aut nouem, interdum & duodecim orgiis infra aquam se mergunt, vt eadem ex saxis, & scopulorum hiatibus, quibus plerumque adhærent, auellant. Arreptis & collectis nonnullis Ostreis, in auram se recipiunt, & prædam in Canoas suas effundunt. Vices has subinde frequenterque repetunt. Domum deinde reuersi, conchas aperiunt, latentemque thesaurum promunt. Illic loci vnda marina quidem admodum gelida, adeoque toleratu grauissima existit. Longè tamē is labor grauior: quod ad horæ quadrantem, imò nonnunquam ad integram eius partē dimidiam sub aquis se continere coguntur, vt aliquā saltem concharū capturā faciant. Hi vrinatores, vt eò diutius cohibere animam possint, parcissimè edūt, nec quicquā præter cibos aridos siccosq; Tū & Veneri parcius studēt.

Margaritæ diuersis omnino artibus modisque præparantur perforanturque, vt filis traiectis colligentur. Harum passim omnibus in locis iam summa copia. Anno salutis nostræ 87. ex scheda quadam consignatoria visa intelleximus, Regi Hispanorum ex India, vna vice 18. margaritarum marcas, & tres integras in super arcas plenas afferri. Pro priuatis verò hominibus aduehebantur 1264. marcæ, cū septem refertis ollis grandibus: quæ omnes nec censebantur, nec ponderabantur. Et hæc ante secula nostra, mera fabulamenta & nugæ maioribus nostris habita fuissent.

Cap. XVI.

De Pane & Maijs Indico.



AM porrò ad stirpes seu plantas diuertemus. Principio autem de ijs acturi sumus, quæ huic terræ vernaculæ sunt. Deinde eas quoque attingemus, quas eadem cum Europa communes habet. Cum verò plantæ in initio ad hominis sustentationem conditæ sint: Panis autem ex cibis omnibus primum & solidum alimentum existat: non inconueniens futurum arbitramur, vt de pane, quo Indi, vtuntur, primitus sermonem instituamus. Panem in Peru Tantam; in aliis locis aliter appellant. Sed quoad substantiã & qualitates eius: is à nostro pane diuersus est. Nullatenus enim nobis compertum est, quod aut tritico, aut hordeo, aut milio, auenæve, aut granis aliis quoque, Europæis familiaribus, vtantur: sed granorum radicūque peculiare quoddam genus habent, comprimis Maijs dictum, quod iure merito tractationis principium sibi vëdicat. Fructus isthic in Cassilia, triticum Indicum: in Italia frumentum Turcicum appellatur. Sicut autem in veteri orbe, nimirum in Europa, Asia, & Africa ex frugibus vniuersis tritico frumentoque nihil vulgatius extitit: ita pariter in nouo orbe frugum omnium Maijs communissima tum fuit, tum adhuc est, quæ in omnibus Indiæ Occidentalis locis in Peru, in noua Hispania, in nouo Regno in Guatimala, in Chile, & vniuersa terra firma copiose reperitur. Sed in insulis tamen, Cuba, Espannola, Iamaica, S. Iuan, Maijs in vsu vnquam fuisse, nemo quicumquam nouit: cum veldum hodiè magna ex parte Vaca & Caçauī vtantur, de quibus deinceps nonnulla dicemus. Maijs autem frumento nostro viribus & alimentositate aliquantò inferius esse, nobis persuasum est. Crassius enim & durius illo est, & sanguinem copiosum gignit. Hoc qui primū vescuntur, aut id copiosius ingerunt, illi frequentibus abscessibus & scabie fatigantur. Ex arundine Maijs emergit. Arundinum autem quæuis quasi quandam botryn emittit, in qua grana figuntur. Grana, etsi quidem crassiuscula sint, abundantissimè tamen proueniunt: cum vno corymbo grana nonnunquam

quam 700. cohæcant. Sationis aut plantationis modus is est, vt digitis in solum defigantur, nec nostri frumenti more plenis manipulis excutiantur & dispergantur. Sed & ipsius Maijs, vt nostri fumentis quoque, suæ sunt differentiæ. Alterum enim crassius est: alterum subtilius & aridius, quod Morochen appellât. Ex foliis & virentibus arundinibus pabulum lætissimum equi capiunt. Resiccata planta, fœni aut straminis vice quoque defungitur. Grana Maijs, equis mulisque multò salubriora sunt ipso hordeo. Hisce in locis pecora prius aquatum ducuntur, quàm Maijs gustent. Nam si iam ab ingesto Maijs animalia potent, promptè intumescunt, & tussire incipiunt. Idem damnum triticum quoque præstat.

Maijs Indis pro pane est, quo plerumque coctò vescuntur. Grana adhuc integra & calentia, Mote vocitantur. Æquo modo Chineses & Iaponenses, oryza in aqua decocta, aut interdum tosta frixaque vescuntur. Ex Maijs nonnullum rotundum crassumque est, vt quod è Lucanis tollitur, quod sub cineribus tostum, Hispani in deliciis habent. Saporem id palato longè suauiore gratioreque quàm tosta pisa, offert. Quod si impensis non parcant, Majis molis frangunt, & ex farina aquis subacta placentas fingunt, quas, vbi igni imposuerunt, feruidas deinde mensis inferunt. Hoc genus panis nonnullibi Arepas vocatur. Ex eadem massa liba singulari arte ita conficiunt, vt diutius durent. Et hæc in delitiis sunt accupediis. Sed & artocreas singulari forma excogitarunt, cuius massa floribus & saccharo subigitur. E Maijs non solos panes, sed & vinum conficiunt. Ex eo siquidem potus quoddam genus parant, quo longe facilius inebriantur, quam poto vino natiuo. Hic ex Maijs confectus potus, qui in Peru Aq̃ua per omnē ferè aliàs Indiam Chicha vocatur, diuersis modis fit. Fortissimus, cereuisiæ modo hac ferè arte paratur. Grana Maijs in aqua macerant, dum germinent. Ea deinde arte singulari torrent. Ex his confectus potus tam validus euadit, vt bibentes faciliè prosterнат. Hic in Peru Sora nuncupatur: cuius haustus legibus interdictus est, propterea, quæ secum trahit, damna. Ad insaniam enim inebriat. Sed Indi, legibus excussis, non nisi hoc ebrij suas choreas ducunt, & tum dies tum noctes integras perpotant.

Huiusmodi ex maceratis granis, conficiendi potus ratio, priscis quoque temporibus (testante Plinio) tum Hispanis, tum Gallis, nationibusque cæteris familiaris & vsitata fuit: sicut & nostro tempore ^{Plin. lib. 14. 6.} in Belgio ex hordeo cereuisia optima conficitur. Indi porro Aq̃uam seu Chicham suam alia quoque arte parant. Maijs mastificant, & ex eo fermentum faciunt. Quod hoc modo mansum est, in potum excoquunt. Indis persuasum est, ad aciditatem manso Maijs maiorem conciliandam opus esse, vt à rugosis & sordidis vetulis masticeretur: quod audientibus non leuem nauseam incutere queat. Indi tamen isthæc non admodum curant, sed potum confertim ingerunt. Tosti

Maiis, omnium saluberrimus vsus exiſtit, vt quo quamminimū corpus turbetur. Idem tum Indi primarij, tum & Hiſpani medicinæ loco vſurpant. Nam & renibus id conferre, & non vrinam nimiam prolicere, vſu edocti ſunt: quod vitium Indis alias admodum familiare eſt, quia prædicto potu Chicha plerunq; vtuntur. Tenerum adhuc & in ariſtis concluſum Maiis, tum Indi tum Hiſpani pro delitiis eſitant: aut idem torrent, aut cum lacte decoquunt. Capſulis ſeu folliculis Maiis, admodū pinguibus & oleoſis, butyri & olei loco vtuntur. Sic ergo Maiis probum pabulum pecoribus: & hominibus panem, vinumq; & oleum miniſtrat. Qua cauſa quoque ViceRex Don Franciſco de Tolledo dicere ſolebat, Peruanos, quibus diſceſcerent & alerentur, duas potiffimum habere res: nimirū Maiis, & pecora. Nam harum duarum rerum vſus ipsis ad infinita eſt. Quomodo verò & quando Maiis primum in Indiam importatum ſit, quaque de cauſa Italici frumentum Turcicum appellitetur: quærere nobis, quam expedire procliuius eſt. De hoc ſiquidem frumētō veteres ne tantillum quidem tradidiſſe, animaduertimus. Milium verò, quod Plinius integro decennio citius, quam iſta commentaretur, ex India in Italiam importatum ſcribit, nulla cum Maiis ſpecie conuenit. Nam illud ait eſſe granum, in arundine, foliis ſtipata ac in cacumine filamētōſa naſcens. Plantam eam admodum foecundam eſſe, addit. Quæ certè omnia milio accommodari nō poſſunt. Vt corollarium addamus, ex his iam probè intelligimus, rerum vniuerſarum conditorem ſuas peculiareſ cuilibet terræ dotes contuliſſe, quibus frueretur ad vitæ maiorem felicitatem. Sic nobis frumētum & triticum, Indis verò Maiis largitus eſt: quod, poſtquā & hominibus & pecoribus largiſſimum alimentum præbeat, cū frumento noſtro conferri non iniquè poſſit.

Cap. XVII.

De Yuca, Caçauī, Papas, Chunnos, & Oryza.



Nonnullis Indiæ locis pane vtuntur, quem Caçauī vocant. Is, ex radice quadā Yuca dicta, cōſit. Hæc grandis craſſaq; eſt, quam minutim concidunt, & limant. Poſteà ſuccū exprimunt. Quod reliquum ſit, parmæ latiori ſimile eſt, Adaigam Hiſpanicā, qua equites vtuntur, quadamtenus exprimēs. Siccata hanc radicem panis loco eſitāt. Eſi verò ex ſe inſipida ſit; nihilominus tamen ſalubris, alimentum commodum corporibus præſtat. Quo tempore in Eſpannola verſarer: bulimiæ præſentaneum eam remedium eſſe, cōperimus. Tutus itaq; illius eſus, ſi caueatur immoderata eiufdē ingeſtio. Qui Caçauī eſuri ſunt, cū durū & aſperū exiſtat, prius emollire coguntur. Nā vel aquæ vel alij iuſculo iniectū, promptè molleſcit, & tumeſcit. Si in lacte aut hydromelite maceretur, liquorē nō imbibit, velut

velut is panis facit, qui ex frumento confectus est. Quin & edulium quoddam ex Caçau, cum floribus Xauxau, istis in finibus magni æstimatis, conficiunt. Cuius tamen loco nobis panis vel siccissimus gratioresu esset. Succum siue liquorem, ex radice Yuca pressum, venenum præsentaneum esse, admodum mirabile est. Quem, qui sorbet, nullo dubio morietur, cum tamen panis, eo succo liberatus, homini salutaris & commodus sit. Sed Yucæ quoque genus aliud est, quod succo isto venenoso caret. Hæc cum rebus omnibus pro cibo elixari assariue solet: gustatu certè non insuavis. Caçau longæ durationis est, & bis cocti panis vice in nauigationibus adhibetur. Cibus hic in insulas, Sant Domingo, Cubam, Puerto Rico, Iamaicam, & cæteras nonnullas finitimas admodum studiosè infertur, ideò, quod in dictis locis nec frumenti nec Maiis prouetus sit. Et licet ferantur quidem illic: ad frugem tamen non veniunt. Frumenti semina, si in terram cõdantur, emergunt quidem, sed admodum inæqualiter. Nam in vno eodemque subinde agro fruges, hinc semimaturas, illic aridas, nonnullibi primum ex solo erumpentes, alicubi aristis euectas, istic depressas, has virentes, illas liuescentes & flaccidas videas. Et licet quidem, qui solum colerent pararentque, eò periti agricolæ inducti fuerint: omnem tamen operam, suam isti, propter miram & imperceptibilem soli naturam temperiemq; frustra impenderunt. Quæ verò ex Hispania aut Canaria farina infertur: ea ab Oceano tantoperè humida & madida redditur: vt panes, ex ea confecti, omni sapore destituantur. Cum ibidem missæ fierent, hostia, manibus prehensa, vsque adeò humescebat, vt madidæ papyro similis fieret. Cuius effectus immoderata eius loci tum humiditas tum caliditas causa existit. Huic verò aduersa dispositio aëris, frigida nimirum & sicca, in montanis Peruensibus, & prouincia Collao, quæ vniuersum propè regnū ambit, dominatur. Eousque enim duæ istæ regiones frigidæ siccæque existunt, vt propter intemperiei excessum, solum nec frumenti nec Maiis ferax sit. Frugum ergo loco in dictis locis radice quadam Papas vocata, vtuntur, ollarum fictilium magnitudinem habente, & foliis ferè orba. Euulsam radicem, solique expositam, siccant: siccata in partes diffringunt, ex quibus deinde edulium, Chunno nuncupatum, admodum diu durans, conficiunt. Hoc Chunno aliqui ingentem quæstum faciunt, in Potosin peregrè illato inuectoq; Papas verò adhuc viridis interdum quoque vel cocta vel affata manducatur. Sed & aliud Papas genus in calidioribus fundis plantatur, ex quo fercula, Locro appellata, parant. Et hæ omnes radices ipsis panis vicem supplent. Quarum prouetus si quo anno felicior aut vberior sit, oppidò sibi gratulantur. Planta tamen, cum adhuc emergens est, à frigore pruinaq; nonnunquam grauiter percutitur. Vt enim diximus, frigus illarum regionum intensum admodum est. Maiis autem ex conuallibus & littoralibus oceani in hæc plerunq; loca conuehitur,

in qui-

in quibus propter siccitatem & frigiditatem natiuam facilius afferuatur, vt deinde melior ex eo panis fiat.

In cæteris Indiæ locis, velut in insulis Philippinis, panis loco Oryzam habent, tum illic tum in China copiosissimè nascentem, & alimentum vefcentibus probum solidumque præstantem. Coctam eam, cum suo iure in patinam effundunt, & sic cum cæteris escis permiscent. Nonnullis in locis ex Oryza potû, sicut in Belgio Zythum, & in Peru Aquam faciunt. Oryzæ vsus vniuersis propè nationibus, non minus quam frumentum aut Maiis, familiaris est. Nam vt de China, Iaponia, Philippina, & maxima Indiæ Orientalis parte hîc fileam: Oryza certè tum per Africam tum Æthiopiam vniuersam, cibus vsitatissimus adhibetur. Oryza solo gaudet humidior, & quasi vliginoso. Europæis, Peruanis, & Mexicanis, qui panes ex frumento habent, Oryza obsonij vice esitatur aut lacte aut aqua decocta. Omnium optima ex Philippinis & China offertur. Et hæc de pane, Indis familiari.

Cap. XVIII.

De diuersis in India nascentibus radicibus.

IN plerisque passim terræ partibus, tum plantarum tum fructuû generis promiscuè vniuersi summa quidem vbertas & opulentia est. In nouo tamen orbe, sicut hæc omnia feliciora proueniunt: Sic radicum quoque esilium, quam in aliis locis, copia multò ditior prouenit. Sicut enim alibi, raphani, rapa, Carotæ, Cichoreæ, Cæpæ, allia frequentes radices sunt: sic hæc omnia in illis noui orbis regionibus copia infinita promuntur. Quas verò radices, præter Papas, iam in memoria habemus insigniores, sunt, Ocas, Yanocas, Camotes, Batates, Xiquimas, Yuca, Cochucho, Caui, Totori, Mani, & innumeræ infinitæque aliæ, quas in præsentī memoria non omnes suggerit. Nonnullarum quidem species, vt inter cæteras Batates, quæ cibum suauissimum præbent, in Europam aliquando ferendæ illatæ sunt. Sed vicissim & ex Europa in Indiam nonnullæ importatæ sunt, vt periculum fieret, quónam in solo lætius & fecundius emergerent. Sed in India omnia melius enata sunt. Cuius rei hæc causâ esse videtur, quod Indici aëris tēperatura Europæo æquior & blandior existat. Nec in ipsa quoque Hispania tum cæpe tum allia vberius quam in Peru succrescunt. Raporum solum tam ferax est, vt ea in viis quoque publicis sponte proueniant. Et à fide dignissimis narratum accepimus, Indos, cum in locis nonnullis agros frugibus confituri essent, propter ingentem raporum propaginem, vbiuis maximo numero contrusam, prohibitos, ab instituto suo discedere coactos fuisse. Raphani frequentes, bracchij humani crassitudine proueniunt:

ueniunt: & tamen substantiæ teneræ, saporis suavis gustantur. Hi pro vulgari cibo sunt, vt & Camotes, qui tosti, pisorum loco esitantur. Aliæ plantæ cupidariæ sunt, vt exilis & dulcis radícula Cochuchō: quam nonnulli condiunt asseruantque. Radicum nonnullæ vim refrigeratoriā præstant, vt Xiquima, admodum frigida & humida. Hæc per æstatem messis tempore ad sitim compescendam & sanguinem feruentem perfrigerandum manditur. Nulla tamen Papas & Ocas alimentosior est. Ex omnibus Europæis radicibus Indi alium eligunt: quo ventriculum fouent & reficiunt, ex rebus crudis durisque, vt è terra enatæ sunt, continenter esitatis, prefrigeratum & corruptum.

Cap. XIX.

De diuersis viridium herbarum pisorumq; generibus: vt & de Cucumeribus, pipeis, fructu pomone ex Chile, & prunis.



DE plantis hucusque à nobis tractatum est. Iam meritò de fruticibus deinde dicemus, qui arbusta Latinis dicuntur, ideò, quod ad iustam arborum magnitudinem non perueniant. Horum genus quoddam in India, gustatum, saporem admodum suauem lingue indit. Qui primi Hispanorum has terras adierunt, multis rebus Indicis Hispanica nomina imposuerūt, prout quoduis cum hoc aut illo speciem quandam & similitudinem habere videretur. Ex hac classe sunt pineæ, Cucumeres, prunaque: qui tamen fructus hic longè diuersi, nec cum illis iidem censendi sunt. Nam & faciem formamque ab Hispanicis discrepantem præferunt. Pineæ nucs aspectu quidem externo & magnitudine Hispanicas æquant: interior tamen constitutio & substantia longè alia est. Non enim putaminibus interseptæ diremptæq; sunt, sed quicquid habent, pomum est, esui vniuersum aptum. Cortice detractō, fructus suauem pretiosumque halitum fundit. Is esitatus languentem stomachi appetentiam acuit, & gustum dulcem simul acremque offert. Esitandæ in lamellas seu orbiculos discinduntur, qui deinde sale & aqua macerantur. Sunt, qui dicant, fructum gignendæ cholæræ opificem, ac ob id insalubrem existere cibum. Cuius tamen veritas, nondum stabilita, in ambiguo nutat. Nam ipso effectū nihil adhuc istiusmodi deprehensum scimus. Nascitur in arundine, quæ è multis foliis, liliorum more, media emergit surgitque. Quin eadem & lilij altitudinem assequitur, paulò tamen eo crassior. In arundinis culmine poma erumpunt. Loco gaudent calido & humente. Optima omnium in supra dictis insulis proueniunt. In Peru non prodeunt:

Y

sed

sed ex Andes illuc inferuntur, nec sapidi, nec plenè maturi. Carolo V. Cæsari pomorum horum vnum aliquando munere datum est. Is quidem halitum odoremque illius fragrantem collaudauit: fructum tamen, quid sciret, gustare noluit. Ex pomis his in noua Hispania conseruas pretiosissimas paratas inuenimus.

Fructus, quem Cucumerem indigetant, non in arbore nascitur: Sed in hortis plantatur, vnoque anno debitam suam perfectionem subinde assequitur. Hoc verò ab Hispanis nomine vocati fuerunt, quod tum longitudine, tum rotunditate Hispanicos æmularentur: cum tamen in cæteris plurimis euariant. Primò enim, colore non virescunt, sed aut albicant, aut flauent. Tum nec aculeis rugisque horrent, verum glabri leuesque existunt. Porro autem, maturorum quoque gustus suauior est & delectabilior, cum sapore pineas quoque nuces anteuertant. Recentes succulenti sunt, & in stomacho facilè coquuntur, digerunturque; æstuantibus corporibus apprimè vtilis. In cibum venturi, cortice nudantur: quo pacto parati, iam esiles sunt. In locis fundisque temperatis lætius proueniunt, continentique irrigatione gaudent. Porro etsi quidem omnes in genere Cucumeres nuncupentur, nonnulli tamen figuræ exquisitè rotundæ: alij verò ita constitutæ sunt, vt cucumerum ne quidem in minimo similes existant. Nec nos vllò recordari nisi possumus, quod plantam huic similem aut in noua Hispania aut in Insulis vsquam conspexerimus, præterquam in planiciebus Peruensibus.

Frutilla, in Chile nascens, cerasorum ferè saporem offert: à quibus tamen multis modis differt. Nec enim arbor, sed planta est, è terra in altum surgens; ex qua dictus fructus dependet, colore morum exprimens, adhuc albidum, nec dum satis maturum. Sed tamen hoc grandius est: & in Chile campestribus sponte sua prouenit. Sed mihi quo loco plantam videre datum est, ibi ex teneris furculis, in terram defixis, plantatur, & herbarum hortensium modo succrescit.

Fructus, quem pruna dicunt, nostratium similitudine prunorum, in arbore nascitur. Huius genera varia & diuersa sunt. Nicaragua nonnulla vocantur, admodum rubentia & exilia. Pulpa, quæ circa lapidem, pauca modicæque molis est: etsi saporis haud iniucundi, imò ipsis cerasis gratioris & suauioris existat. Cibus salubris habetur adeò, vt ægris quoque, ad suscitandum appetitum frequentius offeratur. Huic similes fructus alij quoque, sed grandiores, in India promuntur, qui tamen crassi durique alimenti, & saporis non valdè grati sunt. In his mediis bina ternæve grana aut semina plerunque inclusa latent.

Sed iam ad plantas hortenses pergamus. Indis enim etsi fructus quam plurimi passim spontè proueniant: agros tamen in super peculiare iuxta fruges disponunt, in quibus peculiare quoddam herbarum genus, nobis hætenus indictum, serunt plantantque. Herbas

has Frisoles & Palares nuncupant, quas eo ferè loco censuq; habent, quo nos pisa, lentes, fabasque. Ante Hispanorum ingressum, pisa Europæis similia, nulla habuerunt. Nunc cum ab his semel illata sint, vberrimè proueniunt, tantaque fœcunditate & fœnore, vt agri in India reperiantur, hoc fructu ferendo ipsis Hispanicis longè feliciores. Quod & de Melonibus æquè affirmari potest; in Valle Peruana Yca tanta felicitate pronascentibus, vt radix caudicis truncive crassitudinem assequatur, & viua aliquot annis in solo vigeat. Hæc quotannis Melones profert; cuius luxuries non secus ac cæterarum arborū amputatur: quam rem in Hispania nunquam vidimus.

Porro autem & Calabassi seu cucurbitæ in India ad miraculum vsque augefcunt, quæ in hac sola prouincia nascuntur, & Capallos nuncupantur. Quadragesimarum tempore coqui, & cæterorum ciborum more esitari solent. Cucurbitarū autem species propè infinite sunt. Quædā immensa mole monstrosæ sunt: quæ dissectæ & reficcataæ excauantur, & ex iis deinde varia vasa, ad omnia ea, quæ mensæ necessaria sunt, recondenda idonea, effinguntur. Ex minoribus cucurbitis pocula aut pateras ingeniosa industria cælatas, concinnant.

Postquam verò hætenus de minutioribus plantis à nobis pertractatum sit: iam deinceps de procerioribus & maioribus sermonem faciamus. Sed prius, quam ordiamur, mentio facienda fructus Axi est, qui in priorum classem omnino referri debet.

Cap. XX.

De Axi, seu Pipere Indico.

IN Indiâ Occidentali nunquam prouenerant antè aromata, quæ species dicunt, vt sunt, Piper, Caryophylli, Canella, Nuces muschataæ, & Zinziber. Quanquā nostræ societatis quidam, qui varias longinquasque terras perlustrauit, nobis percensuerit, quod in nonnullis Insulæ Iamaicæ syluis, arbores, piper ferentes, conspexerit. Zinziber ad Indos primū in Insulam Hispaniolam illatum erat. Vbi semel plantatum tanto illic fœnore succreuit, vt eius in aliquibus locis extirpandi iam necessitas sit. Anno nati Christi ex India in Seuiliam 22053. Quintalia Zinziberis importata sunt. Quod verò aroma summa Dei largitate Indis solitarium enascebatur, hoc erat, quod in Castilia piper Indicum, nominabant. Id verò in India, ab insula illa omnium primò occupata, Axi vocabatur. In Cusco, Veho: in Mexico Chili appellatur. Quod aroma, cum iam passim omnibus notum sit; prolixiori eius enarrationi hîc supersedebimus. De eo tamen id noscendum est, Indis veteribus in magno pretio fuisse; vt quo ad multas res opus esset. Loca rigida & gelida,

ceum montana Peruensia sunt, horret. In vallibus aut campis calidioribus lætè germinat, crebræ irrigationis amans. Axi diuersis coloribus reperitur. Nam & viride, & rubrum, & croceum est. Nonnullum acrius est, quale Caribbe vocatum: id vehementer exurit & mordicat. Aliud itidem gustatu lenitus & moderatius. Sed & genus quoddam dulcissimum existit, quod è manibus vellunt eduntque. Præter hæc quoddam aliud exilius est, quod moschum fragrat, & gustatum admodum sapidum obuenit. Fibræ & grana, linguam vrunt & vellunt: quod substantia tamen reliqua non præstat. Axi, tum viride, tum resiccatum, tum pistum, tum decoctum in cibum datur. Et, vt verbo dicam, ex omnibus aromatibus condimentum Indis præstat suauissimum. Huius moderatus vsus, ventriculi coctionem firmat. Immoderatus ingestum nocet. Nam cum naturæ facultatisque feruidæ, humidæ & penetrantis sit: non saltem inflammatione iuuenum corpora pertentat, sed & animos ad libidinē & impudicitiam irritat. Et si verò hæc eius temperies natiua omnibus in tantum nota & percognita sit, vt vrere à nemine non dicatur: non desunt tamen, qui statuant, aroma axi nequaquam feruidum seu vrens, sed admodum temperatum existere. Cuius tamen suæ assertionis fidem haud facilem statuent. Nam manifesto sensu mordicatque, vritque. Qui qualitatis excessus vt in eo corrigatur attempereturque, salem addere solent, quo, cum vtriusque naturæ seu qualitates contrariæ sint, ad quandam quasi symmetriam Axi reducitur. Pro cibo Tomates quoque habent. Hæc grana sunt recentia & viridia, quæ cruda esitari solent. Ex ijs tamen plerumque condimenta parantur. Supradictum piper, in omnibus ferè insulis, vt in noua Hispania, & Peru omni que reperta terra, largè prouenit. Sicut enim ad panis vices sufficiens Maijs primarium est: sic quoque ad embammata & condimenta paranda omnium aromatum Axi commodissimum existit.

Cap. XXI.

De Platano.



ED iam ad Plantas grandiores diuertimus, arboribus connumerandas. Principium autem à Platani consideratione statuemus: quo nomine passim ab omnibus vulgariter appellatur. Nos verò diutina grauique dubitatione nutauimus, an Platanus, quam prisca tanto in honore habuerunt, cum hac Indica, specie eadem sit vel fuerit. Postquam verò tum huius faciem nobis propius contueri, tum illius descriptionem exquisitius conferre licuit: quanta vtriusque differentia sit, facili iudicio æstimare potuimus. Quod verò hoc nomen Hispani arbori isti imposuerint: hæc ipsis causa fuerat, quod inter vtramque Platanum quandam similitudinem deprehendisset.

hēdissent: sicut de prunis, pinis, amygdalis, cucumeribus & cucurbitis dictum est. Nam & vtriusque arboris foliorum facies quadantenus sibi similes existebant. Indica siquidem Platanus folia latissima & amplissima habet. Sed & propter insignem patorem priscorum quoque Platanus laudata est. Arbor hæc assiduas aquas postulat. Id quod cum sacra quoque Scriptura conuenit, dicente: Quasi Platanus exaltata sum iuxta aquam, &c. Si verò exquisitè accurateque inter se vtræque conferantur, ramulis omnino distare videbuntur, sicut ouum (quod prouerbij vice terunt) distat à castanea. Primò enim veterum Platanus fructum nullum edit. Aut si vnquam edidit, eum veteres non obseruarunt propter exiguitatem. Vnam ex illa vmbra quærebant; quam patore & diffusionē sua copiosam supeditabat, vt sub ea, ceu solido tecto à solis radijs tuti essent. Fructus autem apud Indos vnica causa est, propter quam ipsis tantopere grata existit. Nam eum oppidò suauem & gratum promit. Ad vmbra verò faciendam nihil conducit, cum sub ea vix sedere integrum sit. Tum & priscorum Platanus, ex crassissimo caudice ramos tam diffusos & spaciosos emittebat, vt (testante Plinio) Licinius Mutianus, *Plin. lib. 12. c.* ter consul, & prouinciæ legatus, sub vna cum duodeuicesimo comite commodè epulatum se esse gloriatus sit. Sed & Caius Caligula Princeps cum quindecim conuiuiis super ramorum tabulata splendide lauteque coenatus legitur. Contrà Platanus Indica, nec caudice nec ramis insignis est. His & illud accedit, priscorum Platanum in Italia & Hispania enatā, primum ex Asia in Græciam, hinc demum verò in Italiam Hispaniamque importatam fuisse. Indica verò Platanus nec in Italia nec Hispania emergit, etsi quidem illic plantetur excolaturque: sicut vnā in aula regia apud Seuiliam vidimus, nulla arte curaque produci potuisse. Foliorum ergò par facies non digna fuisse causa videtur, propter quam Indicā hoc nomine insigniuerint. Veterū etenim Platani folia vitium aut fici folijs similia erant, monstrante Plinio. Indicæ verò Platani folia tam vasta & grandia sunt, vt *Lib. 12. c. 16.* à vertice ad viri pedes vsque suspensa propendeant. Cæterum, etsi quidem nostra Platanus cum vetusta eadem specie non cōtineatur, propter singulares tamen vtilitates facultatesque quas præstat, merito nobis colenda videtur. Cretura primū, è terra furculum emit: ex quo diuersi post rami erumpunt: quorum quilibet (nisi quod inferius quasi cognati colligatiq; sint) peculiarem arbusculam constituit. Folia eius læuia & virentia, magnitudinem suprā dictam habent. Vbi sesqui orgiæ altitudine succreuit, tum ramulos densissimos profundit, quorum vno numero nonnunquam trecentos videre liceat, singulos palmo vel maiores vel minores, digitorum tenorum crassitudinem ferè habentes: quorum tamen non infrequēs differentia est. Cortex à fructu leui nisu separatur. Detracto eo, ille esitatus, salubris admodum, & nec calore nec frigore excedens. Fasci-

culi dicti, virentes adhuc, in magnas ollas aut cellas reconditi suspenduntur, dum maturecant. Quam in rem herbam quandam illis addunt, quæ maturationem accelerat. Maturitatem tamen in arbore adepti, saporis multò suauioris sunt, fragrantiam pomorum fundentes. Horum per omne anni tempus prompta copia est. Ex partibus enim inferioribus semper noui ramusculi erumpunt: ita, ut vno stemmate fructificare cessante, alter subinde nouos foetus edat. Sic ergo omni tempore maturos simul & semimatuos fructus ex illis carpere licet. Qui ramus semel fructus edidit: hunc præcidunt deiciuntq; stipite seu trunco illæso, qui nouis ramis subinde repullulat. Et hæc vicissitudo toto anno notatur. Arbor hæc solo gaudet feruido simul humidoque. Et ut feracior foecundiorque sit, radices eius adiecto fimo frequenter aluntur reficiunturque. Ab hac demptus fructus, omnium in omni India vsitatissimus editur, qui nationibus propè singulis in cibum venit: etsi sint, qui dicant, eum primò ex Æthiopia illuc importatum fuisse. Nigritæ vel Morini eo, panis loco vtuntur; ac ex eodem potus suos conficiunt. Fructus crudus, cæterorum more, ex manu arroditur. Sed & tostus, è culinis pro edulio promitur. Quin & in conseruas assumitur: qua ratione admodum salutaris euadit.

Sed & Platanos alias in India reperiri scimus, teneras, exiles, candentesque, quas in Insula Hispaniola, Dominicos vocant. Præter quas & alibi nonnullæ crassiores, solidiores, rubentesq; proueniunt. Sed hæc in Peru non durant. Ex Andes eò, & in Mexico ex Cuernauaca & campestribus alijs infertur. Quod si Platanus succendendis focis idonea esset, certè arborum omnium commodissima & utilissima futura videtur. Sed nec caudex, nec rami, nec folia ad alendum ignem quoquam modo apta sunt. Et ob id multò minus pro extruendis ædibus faciunt. Tota siquidem arbor caua, intus & inanis est. Folia pingendis literis seruiunt, quibus papyri inopia est. Nam latitudine sua folium papyri quoque æquant: longitudine verò id quadruplo superant. Don Alonso d' Erzilla, cum suam Araucanam in Chile conderet, papyro destitutus alia, ipsemet hæc folia assumpsit & usurpauit: sicut id publicè testatus est.

Cap. XXII.

De Cacao & Coca.



PLATANVS quidem, etsi ad plura cōmodior & quaestuosior sit: ipsi tamen Cacao arbor in Mexico, & Coca in Peru longè præfertur. Arbores hæc multarum superstitionum seruæ sunt. Cacao fructus minor amygdala, at ea crassior & asperior est. Tostus probum saporem fundit. Hic tum Indis, tum Hispanis in maximo

ximo pretio est, adeò vt pro merce præstantissima habeatur, qua in noua Hispania mercatores negotientur. Cum enim siccus & consistens sit, durabilior sit. Hoc integræ naues plenæ ex Guatimala afferuntur. Anno 97. ad portum Guatulco, in noua Hispania situm, fructus huius vltra 100000. onera à quodam Capitano Anglico combusta sunt. Cacao etiam pro moneta facit. Hæc enim res quinque, alia 30. & iterum alia citra inficiationem 100. Cacao emitur. Tum & stipis seu Eleemosynæ loco Cacao pauperioribus distribuunt. Potus ex hoc fructu paratus Chocolate nuncupatur. Ridendi videntur, qui hunc in tanto pretio habent: cum, qui præparationem eius non viderunt aliquoties, citra horrorem & nauseam illum gustare non possint. Ipsi tamen nihilominus, nobiliores viros, per eorum territoria proficiscentes, honorario hoc potu donare solent, ceu præstantia quædam singularis esset. Tum Indi, tum Hispani, Hispanicæque foeminæ, quæ diutius in India egerunt, sine hoc Chocolate vitam nullâ suauem ducunt. Potum hunc singulari quadam temperatura ita parant, vt calidior sit; qua causa ei quoque multum aromatum indunt, præcipuè Chilos. Quin & ex eodem pastam ac placentas coquunt, quas tussi, pectori, & ventriculo commodas esse, iactant. Vt autem hæc sint: certissimum sanè est, nisi quis à teneris ad hunc potum assuefactus sit, eius nullo desiderio facile capi. Arbor, quæ fructum fert, proceritatis moderatæ est, valdè speciosa, in cuius fastigio corona ex ramulis intorta emicat. Hæc substantiæ tam mollis ac teneræ est, vt semper propinqua firmiore arbore quasi suffulciri postulet, ne solis ardore nimio opere vsta tabescat. Collateralis hæc arbor Cacao Mater appellari solet. Agri & fundi, in quibus plantantur, Cacaotalen nuncupantur. Regio, qua fructus hic copiosius prouenit, Guatimala est. In Peru non enascitur: vbi illius loco Cocam habent. Hac tantas superstitiones exercent, vt alicubi res omnis merito anilis & fabulosa videri debeat. Ex negotiatione Cocæ, quotannis vltra dimidiam Millionem Pesos redundat aut colligitur. Nam ab anno 90. vsque ad 95. plus millenis corbis, hoc fructu plenis absumpti sunt. Anno 83. 100000. corbes impensi fuerunt. Pro quolibet Corbe, in Cusco à 2½. ad 3. Pesos in Petosi. 4. & 6. Tomyen, nonnunquam etiam 5. solidi Pesos pendendi sunt. Omnium propè mercium permutatio his fructibus fit: quorum nemo non est auidissimus. Coca autem foliolum exile est, ex arbore, erecti viri proceritatem habente, enascens. Ea in regionibus admodum feruidis feritur plantaturque. Folia eius singulis quaternis mensibus reuirescunt aut renouantur, quæ illic Tresmitas vocant. Hæc magna diligentia auelli postulant, cum admodum fragilia sint. Sed & decerpta lenius tractanda sunt, ne frangantur. Ordinata serie hæc in oblongos & angustos corbes disponuntur: quos deinde ouibus suis imponunt, quæ vno comitatu persæpe 3000. aut 4000. corbes baiulant: tanti greges vno numero agun-

aguntur. Copia huius fructus maxima ex Andes, & illis campestribus, quæ perpetuis solibus vruntur, & pluuiis potissima anni parte irrigatur, exportatur. In hoc fructu plantando, temporis Indi quamplurimum infumunt. Plurimis etiam, qui ex frigidis montibus ad harum arborum culturam conducuntur, vita impendenda est. Quæ causa à multis doctis & prudentibus viris diu multumque dissentientibus sententijs quæsitum est, an conducibile sit, omnes in vniuersum Chacaras seu agros Coca ferentes, excindi & extirpari. Agri tamen ad hunc vsque diem immoti durant: cum, vt diximus fructus apud omnes Indos in magno pretio sit. Ingarum seculo, è plebe nullus citra aut Ingarum aut Gubernatorum ordinariorum permissum, Coca vtiaudebat. Id ori inditum mandunt, & mansu expressum succum cum substantia reliqua deglutiunt: se ex eo efficaciter roborari & recreari attestantes. Non desunt, qui arbitrentur, hoc roborationis effatum merum somnium ac figmentum esse. Nobis tamen ex iusta causa videtur diuersum. Nam eos inde oppidò refici & roborari, longè euidentius ipso effectu constat, quam vt in dubium vocari debeat. Quod si enim Indorum quispiam huius Cocas vnum saltem manipulum gustarit: eo die certè duplum iter conficere potest, à cæteris tamen cibus in solidum non abstinens. Tustum & comminutum Coca, Indi cum ossibus in puluerem læuigatis, aut, vt aiunt, calce permiscet: quod remedium sibi ad plurima conferens esse, persuasum habent. Folia quoque illis pro pecunia sunt: quibus omnia, quæ postulant, permutant redimuntque. Quæ omnia quidem suo in loco statuque vigere possent: si cultura arborum non cum tot hominum cæde & interitu perficeretur. Ingæ, Coca epuli regij vice vescuntur. Hoc sua quoque sacrificia peragebant, & in Idolorum honorem cultumque eius quamplurimum cremabant.

Cap. XXIII.

De Manguey, Tunal, Greyn, siue Cochinillie, Anil, siue Indigo, Algodon siue Catoen.



MIRIFICA ea arbor, de qua noui Scriptores, siue (vt in India vocantur) Chapetones, tot miracula condunt, ante omnia nobis describenda offertur. Ex ea enim parantur, aquæ, vina, oleum, acetum, mel, syrapi, fila, acus, & res aliæ infinitæ. Ea patria voce Manguey dicitur. Nouæ Hispaniæ incolæ huic arbori quamplurimum tribuunt: quarum plerumque vnam domibus suis, ad vitæ sustentationem, consitam & applantatam colunt. In campis quoque, vbicunque feruntur, colunturque, proueniunt. Folia earum lata & crassa sunt, versus extremitatem acuminata. Hoc extremo, acus vice, ad pannos consuendos vtuntur. Apicem enim ex folio

folio extrahunt aut euellunt:quem extractum continuò quoque pilus seu filamentum consequitur, quo veri fili loco vtuntur. Caudicem arboris, adhuc teneræ, incidunt, & cauum foramen relinquunt. Ex hoc deinde liquor aquæ specie extillat, valdè dulcis & resectorius, quem potant. Idem liquor si decoquatur, vini saporem acquirit. Hoc sepositū aliquantisper, acescit. Apud ignē si decoquatur & depuretur, mel fit. Ex dimidio si saltē coquatur, syrapi consistentiam accipit. Vt sapor eius suauis est: sic ipse syrupus salubris existit, & meo arbitrio salubrior syrupo ex vuis parata. Eo quo diximus modo, ista omnia parantur, ex vno liquore: qui ex arbore tanta copia profluit extillatque, vt aliquot mensuræ integræ vno die colligantur aut excipiantur. Arbor eadem in Peru quoque prouenit: sed in Peru multò maiore diligentia excolitur. Ad fouendos ignes admodum accommodata est, cum fungi præparati more ignes alat, diutius viuentes.

Tunal, & ipsa celebris in noua Hispania arbor est, modò arboris nomine appellanda sit. Facies enim seu species eius cæterarum arborum omniū nulli similis existit. Primò enim foliū prodit vnicum. Ex hoc iterum aliud enascitur, & sic consequēter. Folijs supremis emergētibus, inferiora grandescunt & crassescunt, ita, vt foliorum ferè naturam formamq; exuant, & ramorum speciem induāt, dum spinosa, aspera & deformia fiūt. Vnde in locis nōnullis quoq; Cardi appellantur. Cardi quoq; seu Tunales syluestres reperiūtur, fructum nullum protrudētes: aut si eos egerant quidem, meræ tamen spinæ horrentes sunt. Tunales quoq; alij inueniuntur, fructus bonos promentes: qui magni quoq; in India æstimātur. Hi Tunas vocari solent. Fructus hic ceraso Halicacabi grandior est, æquè læuis. Cortex, quo crasso integri- tur, demptus intus nucleum seu pomum, ficus instar, prodit. Id saporis non insuauis est, maximè quod albicat. Hoc enim præter saporis suauitatem, iucundum quoq; odorem spirat. Rubra poma nō æquè sapida sunt. Præter hos Tinales quoq; nōnullibi alij emergūt, qui etsi quidem similes cum prioribus fructus non ferant, longè tamen præstātiores habētur, & cura maiore excoluntur. Nam etsi quidem Tunas nullas gignāt: sub folijs tamē fructum alium, Greyn, dictum fouent eduntq; si probè excolātur. Greyn autem vermiculi sunt, folijs ipsis adhærescentes, tenuiq; pellicula obducti. Horum legendorum Indi admodum periti & gnari sunt. Et hæc celebratissima illa Indiæ Cochinillia est, qua Greyne colorantur. Hanc si vendituri sunt, prius siccant: siccata in Hispaniam importāt, vbi magno venduntur. Vnum enim Arrobehuius Cochinillæ siue Greyn multis Ducatis venit. Classe ista, quæ Anno 87. in Hispaniam appulit, Arrobeh Greyn 5677. aduehebātur, quæ ad monetam relata, 283750. Pesos, siue Regales octonorum constituebant. Censu exijs similis ferè quotannis fit. Tunales locis temperatis, ad humiditatem & frigiditatem non nihil inclinantibus gaudent. Iam verò à longo tempore incrementum fe-

lix non habuerunt. Horum etsi nonnullos quoq; in Hispania viderimus, ad omnia tamen inutiles & inidonei fuerunt.

Ex qua planta Annil siue Indigo conficitur, etsi ex arborum cēsu non sit: tamē quia mercis specie cum Creyn siue Cochinillia diuen-
ditur, & in noua Hispania magna copia enascitur, de ea quoque no-
bis nonnulla dicēda videntur. Huius suprà dicta nauigatione, quan-
titas, 25263. Arroborum, qui totidem Pesos siue Regales octonorum
faciunt, aduecta erat. Algodon, Catoen siue gossypium in arbuscu-
lis tam magnis quam minoribus nascitur, in folliculis scilicet mar-
supijs similibus: quos si diffingas, intus latentem lanam inuenies.
Hæc carpta, neta, & in fila redacta, textitur: quæ tela deinde pretiosis
vestibus pannisq; conficiendis impenditur. Copiose prouenit in
locis feruidis, comprimis iuxta littora Peruēsia, & in noua Hispania,
in insulis Philippinis, in China, in prouincia Tucumana, in S. Crucis
montanis, in Paraguay, quæ in finibus Rio de La Plata sita est. Gossy-
pio Indicæ mulieres pro lino & lana vtuntur, ad vestes parandas. Præ-
terito anno gossypium 64. Arroborum quātitate ex insula S. Domin-
go auecta est. Quibus in Indiæ locis gossypium nascitur, eo tum viri,
tum foemine vestiuntur. Sed & mappas, & vtē filia cætera ex illo con-
ficiunt, vt & vela pro nauibus. Gossypium aliud densum crassumq;
est, aliud molle & tractabile. Coloribus varijs tinguntur panni, qui in
vsus multiplices accommodantur. Huius vicem apud Europæos la-
na complet.

Cap. XXIV.

De Mameyen, Guayanos & Paltos.



E plantis, quorum fructibus Indi plerumque nego-
tiantur, & vēditis illis victum præcipuè parāt, in præ-
cedentibus capitibus à nobis disertum est. Enume-
rādi nunc illi restāt, qui esiles pro cibo sunt. Inter hos
primi Mameyen, maximi apud vniuersos æstimātur.
Magnitudine Melocotones seu Persica æquāntve su-
perāntve. Intus nucleo vno ac altero stipantur. Fructus hic aliquāto
durior, species alias dulces, alias acidas sortitur, cortice solidiore vesti-
tus: qui saccharo cōditus, conditis cotoneis aut Marmelladæ similis
existit. Cibus is est sapidus approbè, sed conditū multò suauius. In In-
sulis potissimum enascūtur. In Peru nullas vidimus. Arboris sua pro-
ceritas est, externa facie spectatu non iniucundæ.

Guayanos alia arbor gignit fructus non vsquequa; optimos. Ea
granis duris, minora poma æquantibus, vndique prægnans est. Fru-
ctus, nec in Insulis, nec terra firma laudatus. Nam & foetere simul, &
insalubris esse perhibetur. In Sant Domingo & finitimis Insulis toti
montes Guayanos ferunt. Hispani iuratò affirmāt, cum primum ea
loca

loca occupassent, arbores illas nōdum regionibus ijs familiares fuisse. Quo itaque principio emerferint, incertum est. Breui tempore in numerosam sobolē excreuere. Nec enim, quę grana legant vorentq;, animalia illic vlla habitant. Facies in Peru huius arboris diuersa est. Nec fructus, vt alibi, rotundus & albus visitur. Odorem aduersum tetrūq; nullum fundit; & saporis iuxta blandi & amici est. Guayanorum nōnullarum fructus tam boni sunt, vt cum optimis quibuscvis Hispanicis certare, ausint. Ex horum classe Matos sunt, & parui albicantesq; Guay nauilli; qui facile coquuntur, & ventriculo grati sunt, quia naturę frigidiusculę, & substantiæ consistentioris. Ex aduerso horum Paltos calidiores & teneriores seu molliores sunt. Palto autem arbor grandis & speciosa, multisq; ramulis insignis existit. Fructus, si probē maturuit, pyra maiuscula referunt. Intus lapis satis grandis occulitur. Fructus reliquum admodum dulce est. Qui si exactē maturuit, butyrum tum liquiditate tum sapore æmulatur. In Peru Paltos grandiores sunt, putamine duriusculo inducti, quod totum detrahitur. Pars tamen eorum maxima in Mexico parua est, & tenui cortice velantur, qui pomorum more abraditur. Fructus ipse salubris, aliquantō calidior gustatur. Melocotones seu pyra Indica sunt, Mameyen, Guayanen, & Palten. Sed nos his missis, Europæos præferimus: etsi sint, qui propter assuetudinem aut affectus priuatos Indicos eligant. Certum interim est, eos, qui fructus hos nunquam gustarunt antea, saporis blandimentis ad ipsos esitandos tardē illectum iri. Nam & de his scribendi iam dum satietas nobis oborta est. Sepes ergo claudamus: cum omnium rerum plena tractatio nobis nec instituta, nec præstituta facilis sit.

Cap. XXV.

De Chicoçapotes, Annonas & Cepolies.



VIDAM, qui rebus Indicis nimio perē deprædicandis vnice student, prætenderunt, fructum esse quendam Cotoneis non absimilem: & item alium, instar Mangiar Blanco, quod in Hispania in artocreas indūt. Cotonea verò mala, siue Mermelada (nisi nos opinio fallit) ex eo fructu erant, quem Capotes, siue Chicoçapotes nominant, gustatu admodum dulcem. Colore condita citonia aut Mermelladas non inuenustē exprimit. Hunc fructum nonnulli Cariollos (sic Hispanorum posteros vocāt, in India prognatos) Hispanicis omnibus præstare affirmāt. Quod nobis tamē haud quam verisimile fit. Sed de hac re nullā nobis litē dari volumus. Chicoçapotes in locis feruidis nouæ Hispaniæ proueniūt. Faciem cū Capotes ferē eandem habent, quos in terra firma enatos conspeximus. Sed in Peru tamen nos fructum similem vidisse, non meminimus.

Mangier blanco est Annona siue Guanauana, in terra firma enascens. Annona autem pyri magnitudine est, oblongior, & non nihil hians. Eius interanea, butyri modo mollia, bonum saporem gustantibus dant, sed leuiorem Mangier blanco. Illi ergò præferendum hoc minimè videtur. Sapor aliàs ex se suauis est, & pro nonnullorum opinione, fructus hîc Indiæ optimus habendus. Intus grana nigricantia quamplurima clauduntur. Huius generis fructum optimum in noua Hispania gustauimus: vbi & capolies, cerasis similes reperiuntur. Cerasis quoque similes lapillos fouent, etsi carne ampliore sint. Gustus subdulcis. Capolies, præterquam hîc, alibi nullos vidimus.

Cap. XXVI.

De diuersi generis fructibus, vt Cocos, Amandelen fructu ex Andes, & Amandelen ex Cachapoyas.



AVD quoquam pacto fieri potest, vt omnes simul in hoc libro tum arbores tum fructus Indici enumerentur: cum magna eorum pars nobis incognita sit, & ex cognitis multi nobis in mētem non veniant. Fructus in India crassus quidam Lucumas dicitur: quem nihil aliud quam lignum esse dissimulatum aiunt. Pacayes, siue Guauas, & Hobos, multi pro nuce iuglande habuerunt. Sæpius transplantatas, nuces Hispanicis similes gignere aiunt. Veluti verò genus eorum syluestre est: ita, quas nuces protrudunt, esui ferè ineptæ sunt. Hoc loco iterum beneficentiæ & prouidentia diuinæ memores nos esse, æquum puto; qua Deus creator diuersis terræ partibus tam varia arborumque & fructuum genera distribuit, vniuersa in hominum, terram habitantium, salutem & sustentationem cedentia. Vbi hoc comprimis admirabile videtur, quod nunc tandem, tam in sapore, quàm natiuis proprietatibus tantoperè differentes res inueniantur, quæ ante reuelatas Indias ne in minimo quidem vsquam cognitæ fuerunt: & de quibus nec Plinius, nec Dioscorides, nec Theophrastus, nec quisquā alius literarum monumentis quicquam vnquam tradiderunt. Nostro vero seculo non defuerunt, qui de Indicis plantis, herbis, radicibus, & singularum operationibus medelisque, planè, eleganter copioseque scripserint. Quos, qui plura desiderat, ex ordine singulos euoluat. Nobis enim rerum harum quædam quasi summaria enumeratio saltem instituta est.

Palmam Indicam, cum miras & memorabiles proprietates habeat, hoc loco neutiquam silētio præterire possumus. Quam tamen non genuino & proprio, sed saltem Analogico vocabulo ita appellamus, quum palmæ instar procera & crassa arbor sit: quæ quo altius exurgit, eò ramos patentius fundat exeratque. Palmæ hæ siue Cocos, fructum

fructum quendam emittunt, & ipsum arboris nomine *Coco* vocatum, ex quo pocula, contra veneni haustus & lienis distentionem conficiuntur. Interanea huius fructus, si maturuerunt & siccata sunt, gustatu castaneæ saporem præbent. Sed si *Cocos* adhuc tener & molles ab arbore pendeat, interius illud lactis substantiam refert: quod pro nectare, feruidis anni temporibus gliscentibus potant. Apprimè enim perfrigerat. Arborem hanc in *Sant Ian de Puerto Rico* & *India* nonnullis locis alijs vidimus: & vnà intelleximus, eam singulis mensibus, nouos ramulos, fructu prægnantes protrudere: ita, vt singulis annis duodecies parturiat: quod huic simile videri queat, de quo in *Apocalypsi Ioannis* traditum legimus. Incolarum verbis ipsa quoque rei apparentia astipulabatur. Cuilibet etenim à nobis viso ramo sua peculiaris facies erat: cum hîc incrementum perfectum iam attigisset, ille vix ad medietatem excreuisset: cæteri autem vix dum protuberarent & erumperent. *Coco* fructus parui *Melonis* magnitudine erat. Sed & alia illis species *Coquillo* dicitur, quæ fructum suauiore gignit. Ea in *Chile* nascitur. Nuce iuglandæ & minor & rotundior est. Tertium quoque genus habent, cuius interiora non continua & vnius substantiæ sunt: sed carnis loco granorum amygdalis similibus definitum numerum fouent, quæ, vt in punico malo, suo ordine intus locata iacent. *Amygdalæ* hæ triplicem *Hispanicarum* quantitatem habent: saporis tamen durioris, humentioris & oleosioris sunt. Inter ciborum delicias numerantur, non secus ac panis *Martius*, ex amygdalis & rebus alijs concinnatus. Fructus isti, amygdalæ ex *Andes* nominantur, quod eo loco vberimè proueniant. Earum tanta soliditas & durities est, vt ad eximendum nucleum vix incussis lapidibus diffringi possint. Nulli nisi experto verisimile fieri queat, arborem istam, si pro sua mole consideretur, tanta amygdalarum copia prægnantem esse posse. *Amygdalæ* in vniuersum omnes, cum his ex *Cachapoyas* lectis bonitate conferri non possunt. Quas idè amygdalas indigetamus, cum vocabulum aliud idoneum nobis non præsens sit. Et nostro iudicio quidem, hoc fructu nullus in omni *India*, aut suauior, aut delectabilior, aut salubrior vspiciam reperiri queat. Tum & Medicus quidam primi ordinis apertè testatur, nec in *Hispania*, nec *India*, propter eximias dotes ququam vspiciam fructum cum hoc conferri posse. *Andesianis* quidem, de quibus antè dictum est, cæ minores: *Hispanicis* tamen maiores existunt. Gustatæ & mansæ molles sunt succulentæque ac butyri æmulæ saporem dulcissimum præbent. In proceris admodum arboribus, vndiquaque ramosis, proueniunt. Porro, vt hominibus hic fructus gratissimus obuenit: sic natura quoque eundem inducto cortice probè munitum voluit. Cortex is maior & spinosior est castanearum. Qui si inaruit, facile panditur, vt fructus auferatur. *Cercopithecus* aiunt huic fructui auidè insidiari, quos *Cachapoyas* re-

gio (in qua sola quoque hanc arborem reperiri putamus) copiosos alit. Hunc fructū exempturi Cercopitheci, ut digitos non vulnerent, ipsum ex arbore in subiecta saxa deturbant, ut eo casu cortex frangatur & secedat.

Cap. XXVII.

De diuerso genere Florum, & nonnullis arboribus, solos flores gignentibus: & quomodo Indi his utantur.



OVÆ Hispaniæ Indi, florum pulchritudine, suavius, vlla totius orbis natione afficiuntur. Ex floribus varij generis ferta & corollas texentes aut innectentes, eas Suchiles vocant, quas tanta solertia concinnare norunt, ut amœnius & venustius, nihil reperiri queat. Suchiles huiusmodi primoribus & peregrinis hospitibus honorario offerre solent. Cum per eos fines aliquando iter faceremus, tanto fertorum istiusmodi numero nos impertiebant, ut omnium asseruandorum nobis spatium non sufficeret. In hæc flores Hispanicos omnium splendidissimos conferunt, quos India nihilo infelicius Hispania profert. Huius generis sunt, Angiers, Rosæ, lilia, Iasmini, violæ & si qui similes ex Hispania eo illati sunt. Tempore quodam fortuito accidit, ut rosæ frutex exureretur. Is ab eo rosarum multo maiorem numerum gignebat. Hoc itaque casu edocti, rosarum frutices, luxurie sua liberare, eosque tempestiua amputatione vegetare cæperunt. Iam rosis omnia passim plena sunt. Præter rosas ex Hispania importatas, species earum plurimæ aliæ quoque conascuntur, quarum singula nomina nobis iam in promptu non sunt. Aliæ tamen earum rubeæ, aliæ croceæ, nonnullæ cæruleæ, quædam candidæ, visuntur: quas cristarum specie capitibus suis gestant.

In horum florum nonnullis præter coloris amœnitatem nihil laudatur. Nam odorem aut tetrum aut fortem habent. Etsi non desint, qui halitum quoque fundant suauissimum & fragrantissimum. Ex censu horum sunt, qui Floribondio dicti, nascuntur ex arbore quadam, præter flores fructus nequicquam gignente. Flores hi, liliis maiores, campanularum forma emergunt, albicantes, & intus liliorum specie, filamentis distincti. Arbor hæc, toto anno floret, nec ornatu suo vnquam spoliata visitur. Eius odor mirabilis, maximè sub gelidam auroram: cuius documentum in viridariis Regiis captari licet. Huius enim genus quoddam ViceRex Don Francisco de Tolledo, Regi Philippo plantandum transmisit. Indis novæ Hispaniæ flos alius quoque singulari in pretio est, quem
Iolo

Iolo fuchil, id est, florem Cordialem, vocant. Nam & figura & magnitudine cor præsentat. Similes flores alia etiã quæpiam arbor parurit, alius fructus non conscia: quorum odor, nostro iudicio, fortior est, quàm vt commendabilis sit. Quamuis nonnullis approbè fragrare videatur.

Flos, à Sole, cuius & faciem refert, & motum imitatur, dictus, peculiarem & ipse naturam habet. Præter hos sunt, quos Angiers Indicos, appellant. Hi holosericum tactu referunt, Solo aspectu amabiles, odore omni destituti. In odori quoque alij flores sunt, qui mansi saporem maluæ pumilæ reddunt.

Granadilla flos, præ cæteris describi dignus est. Nam in eo Passionem Saluatoris nostri designari aiunt: tradunt quæ reperiri inibi, clauos, columnam, flagellū, spineam coronam, & vulnera: quæ omnia distinctè spectatoribus demonstrant. Odore tamen non insigni pollet. Ex hoc qui fructus emergit, Granadilla quoque dicitur, quam aut edere, aut bibere, imò verius sorbere licet. Sapore eius dulcis: vis refrigeratoria. Sunt, qui nimis dulcem prædicent. In spectaculis suis ludisque, non nisi floribus conspicui comparent: qui mos etiam Regulis & magnatibus solennis est. Vnde factum, vt proavi eorum plerunque manibus flores gestantes, depicti videantur, quo modo nostrarum imaginum manibus chirothecæ insertæ appinguntur. Tantum de floribus.

Albahaca, etsi non flos, sed herba sit: eam tamen nihilominus voluptatis odorisque gratia in hortis cum cæteris floribus excolunt. Cuius tantam frequentiam educauere quidem, vt iam pro triuiali herba habeatur.

Cap. XXVIII.

De Balsamo.

HERBAS ac plantas Deus Opt. Max. non ad corpus hominis saltem alendum fouendumque, sed ad idem quoque sanandum & ornandum condidit. De his, quæ ad sustentandum hominem faciunt, in præcedentibus capitibus disertum est. Quæ verò ad medendum idoneæ sunt, eas deinceps aggrediemur. Etsi verò omnes in vniuersum notæ herbæ sanando homini conducant: pro remediis tamē, quæ porrò dicemus, plus omnino facere videntur. Huius census sunt, Liquores, Olea, Gummata, & resinæ, quæ à nonnullis plantis funduntur. Quæ vel ipsa specie, quem vsu præstent, illicò innuunt. Ex omnibus autem nobilissimum Balsamum est, propter vim diuinam & admirandam, quam in sanandis vulneribus, exerit. Taceo quod rerum omnium fragrantissimum existat. Quod ex India Occidentali effertur Balsamum, verum ac genuinum nō est cum illo,

illo, quod ex Alexandria aut Alcayro aduehitur, cū prisco illo Iudææ Balsamo idem : quem thesaurum, vt Plinius ait, terra ea præ cæteris omnibus orbis regionibus peculiarem habuit : vsque dum Cæsar Vespasianus & Titus eandem plantā quoq; Romam intulissent. Occidentalis autem Indiæ Balsamum, cum illo Iudææ idem non esse, ex eo primò colligi potest, quod arbores, quibus vtraque funduntur, inter se diuersæ sint. Palæstinæ enim arbuscula erat, viti similis, qualem se vidisse Plinius narrat. Et qui nostro seculo in Orientalibus terris eandem visam descripserunt, idem affirmant. Locum, quo Balsamum extillaret, sacra pagina Engaddi, propter similitudinem, quam arbuscula dicta cū vite habet, appellat. Quæ verò in India Balsamum fundit arbor, mali punicæ magnitudine est, nec cum vite vlla parte conuenit. Apud Strabonem quidem legimus, arbores Balsamiferas, veterum seculo magnitudine mali punicæ repertas fuisse. Sed id hoc loco non excutimus. Certissimum tamen est, prisci Balsami operationes omnes admirandas extitisse, tum quoad odorem, tum quoad vim sanatoriam, ad colorem, ipsamq; substantiam. De hoc Balsamo quicquid proditum est : illud omne quadamtenus in Indico quoq; reperitur. Et sicut veterum Balsamum ex inciso & vulnerato arboris cortice extrahebatur : ita Indicum quoque, nisi quod copiosius extillet altero.

Plin. libr. 12. c. 26.

Cant. 1.

Strab. libr. 16. Geograph.

Plin. libr. 12. c. 26.

Huius quoddam genus limpidum & pellucidum est, quod Opobalsamum vocant. Id nihil aliud, quàm pura extillans lachryma, existit. Ab hoc genus quoddam imperfectius est, quod ex ligno, corticibus & foliis aut expressionis aut ignis vi prolicitur, quod Xylobalsamum appellatur. Hæc omnia genera & Indis nota sunt. Nam & purum sponte sua ex arbore profluit : & ex lignis foliisque ac corticibus vel exprimitur vel excoquitur. Sed & adulterandi huius artes habent, vt quantitas augeatur. Balsamum maximi æstimatur. Cui si Smaragdi & vniones iungerentur, pro re diuina haberi posset. Balsamum ex noua Hispania, præcipuè ex prouincia Guatimala, Chiapa & finitimis aliis locis, in quibus copiosè colligitur, in Hispaniam infertur. Optimum & valentissimum ex Insulis Tolu, iuxta terram firmam non procul à Cartagena sitis quæritur, sed id candidum est, quod rubeo semper nobilius cēsetur. Primas autem Plinius rubeo, secundas candido, tertias viridi, & quartas nigro cedit. Contrà Strabo candidum cæteris præfert : cum quo & nos facimus.

Lib. 12. c. 26.

De Balsamo Indico accuratè & eleganter tradit Monardus parte prima & secunda, de Cartagena & Tolu. Ex nullis signis augurari potuimus, ante Hispanos Balsamū Indis in pretio & honore fuisse. Nec enim suis ipsum necessitatibus adhibebant. Quamuis Monardus contrà testetur, Balsamo Indos sua vulnera sanasse, & hanc artem Hispanos ipsorum documento edoctos esse.

Cap. XXIX.

De Liquidambra, & cæteris oleis, Gummatibusq³, ac mercibus aliis siccis, ab Indis acceptis.



BALSAMO proximæ censuræ Liquidambra est, quæ & ipsa succus medicinalis fragrantissimus existit, ex seipso tandem pastilli more siccescens. Eius natiua temperies calida est, ad suffitus præstantissima. Vulneribus & alijs affectibus sanandis adhibetur, sicut id ex Monardo videre licet, qui in primo suo libro, de isto liquore ac alijs iuxta medicinis, ex India promptis, copiose tradidit. Liquidambra quoque affertur ex noua Hispania, quæ regio citra controuersia, propter gummata & succos, vbertim ex arboribus fluentes, cæteris nobilior est. Eadem & odoramentis, & rebus alijs medicis admodum insignis est: ex quarum classe & Anime est, quæ magna copia inde exportatur.

Copal & Suchicopal, altera Styracis & thuris genera, tū alijs virtutibus, tum maximè suaui odoratu placent. Eiusdem generis sunt Tacamahaca & Caranna, quæ vim medicatricem singularem possident. Inde & oleum, Aueto dictum, effertur, quod tum Medicis tum pictoribus in vsu est. Illi in Emplastra conferunt: hi pro fernice habent, ad picturarum præparationem. Eadem quoq; Cannam Fistolam, vt vocant, largitur, quæ in Hispaniola insula copiose crescit. Eius arbor grâdis & procera, Cannam, medulla intus sanctam, fructus loco pro-gignit. Classe ea, qua ex Domingo solueramus, vltra 48. Quintalia Cassiæ fistularis: & salsæ pariliæ, quinquaginta Quintalia vehabantur. Huius maxima quoque copia in Peru, & terra Guaiacul, sub linea æquinoctiali, admodum præstatis reperitur. Illuc se infiniti homines sanitatis acquirendæ causa ingerunt: quibus id persuasum est, quod saltem potata aqua illius loci, conualituri sint. Nam per huius radice numerosam sobolem vnda illa perfluit, sicut supra recensuimus. Et vt cōmodius aut largius sudare possint, multis se vestimentis operiunt: quas ea aliàs terra non exigeret.

Guaiacan lignum, aliàs Sanctum vel Indicum vocatum, in prædictis insulis passim magna copia crescit, ferri pondus habens. In aquam illud coniectum, fundum petit. In prædicta classe, ligni huius 350. Quintalia aduecta sunt: cum, si probe diuendi licuisset, eodem labore illius 20000. aut 100000. Quintalia afferri facillè potuissent. Ligni Brasiliæ, quod flâmæ coloris est, & tincturis faciendis adhibetur, 134. Quintalia apportabatur. Præter hæcenus dicta India quoq; infinita alia, tū ligna, tū gummata, tū olea promit, quæ singula cōmemorare, nec viriū nostrarū nec instituti est. Id tamē minimè sicco pede transiliendū est, quod sub Ingis, Regibus in Cusco, tēpore Regum Mexicanorum multi præstantes & peritissimi viri vixerint, qui simplicium

(vt vocant) ope plurimos, eosdemque grauissimos affectus persanarint. Nam vires facultatesque tum herbarum, tum radicum, lignorumque, ibidem natorum, apprimè calluerant, quæ veteribus Europæis in solidum ignota & incomperta fuerant. Simplicium istorum terra ea innumera fert, velut inter cætera est radix Mechoacan, Pinioën siue nuces Pineæ ex Puna, Confectiones ex Quauuco, Olea ex Higuerrilla, & huius generis alia: quæ si rectè conficiantur præparenturq; & tempore cōmodo adhibeantur, non minores & infirmiores effectus edunt ipsis Oleis, ex Orientalibus terris allatis: quod ex his, quæ Monardus prima ac secunda suorum librorū parte tradidit, intelligi potest. Ibi enim prolixissime de Tabaco & Peto, quæ venenorum præsentanea remedia inuenta sunt, pertractat.

Tabaco autem arbuscula est, etsi vulgatæ quidem notitiæ, non tamen temnendæ virtutis aut operationis. Quæ in hac, quam in aliis, non ignauior est aut remissior. Deus, enim cum pro inexhausta sua clementia dona dispensasset: vt res vel minima inutilis esset, non passus est. Idem voluit, hominem istis cognitis ad suum cōmodum & salutem vti.

De plantis, liquoribus & aliis rebus Medicis, Regis iussu præclarum opus Doctor Francisco Hernandes condidit, in quo vniuersæ plantæ ad viuum expressæ describuntur, numero 1200. comprehensæ. In hoc opus aiunt vltra 60000. Ducatos impensos fuisse: cuius compendium Doctor Nardos Antonios, Medicus Italicus magna diligentia concinnauit: quò eos, qui de plantis Indicis plura scire desiderant, missos volumus.

Cap. XXX.

De grandioribus India arboribus, vt de Cedro, Ceiuas, & proceris aliis.



IC VT ab initio conditi mundi, iussu omnipotentis creatoris terra arbores & plantas mira varietate produxit: sic nulla vbiuis terra est, quæ non aliquid fructus proferat: etsi aliæ partes aliis minus. Namque præter eas tum plantas, tum arbores, quæ hominum opera quasi producit, & in varias terras transplantat, infinitæ aliæ existunt, quæ solius naturæ instinctu motuque prodeunt. Et harum in nouo orbe, quam Indiam vocamus, multò plura & spectatiora genera sunt, quam in orbe veteri, puta Asia, Africa & Europa. Cuius rei hanc causam attexunt, quod India, temperaturæ calidæ & humidæ sit, sicut in secundo libro à nobis contra veteres demonstratum est. Qua temperie, Indiæ solum quasi vberimè vegetatum, innumeras tum domi tum foris plantas luxurioso partu producit, adeò, vt propter frequentia fruteta, arborumque numerosam
vbique

vbique sobolem, tam in planis quā montanis emergentem, per maximam Indicæ terræ partem transitus cōmodus nullus pateat. Quos in locis nonnullis, maximis moliminibus machinari oportuit: vt ad quæ commentatione omnino opus fuerat. Ibi securibus detruncandæ arbores, frutices euellēdi, & retæ ignibus exurendæ omnino fuerunt: cum in principio viarum passim omnium tanta asperitas & intricatio extitisset, vt (sicut à maiorib. rem expertis accepimus) in vno milliari conficiendo persæpè sex integris diebus impendendis opus fuerit. Ex sociorum nostrorū quodam fide digno viro accepimus, cum in montanis aliquando exorbitasset, quod vepribus & dumis, syluisque continuis ita inuolutus & intricatus hæserit, vt in illis transulandis, perpendis & perrumpēdis dies quindecim integros insumpserit, ærumnis & angustis sanè infandis. Iam enim sibi arbores editissimas ascendendas fuisse, vt aliquem commodiorem transitum dispiceret: iam vi dumeta perfringenda & perrumpenda, vt ex maioribus difficultatibus eluctaretur, attestato iurabat. Quod ab ipso exantlatum iter, cum admiratione dignissimū sit: ideò eius descriptionem singulari libro in vulgus dedimus: quo Lectorem hinc amandamus. Quod si quis incredulus octodecim saltem illa milliaria, quæ à Nombre de Dios vsque in Panamam excurrunt, emetiatur, is porro de hac re dubitandi omnem animum abiiciet. Eo loco nunquam hyems gliscit: Sed perpetuis imbribus terra madidissima est; vt necesse sit, ex hac summa humoris abundantia, tum in montibus frutices arboresque infinitas, tum in planis gramina & herbas innumeras produci & quasi protrudi.

Porro verò quod cuiusque arboris aut fruticis in syluosis istis locis nomen aut genus sit, id à nullo exquisitè vel sciri vel dici potest. Cedrus, arbor olim præstantissima habita, isto loco tam frequens nascitur, vt ex ea tum ædes, tum naues magno numero extruantur. Huius autem distinctæ species sunt. Alia enim colore alba, alia rosea & fragrans est. Harum copia summa in Andes, in terræ firmæ montanis, in insulis Nicaragua & noua Hispania, Lauros quoque regio edit, venustas admodum & editas; vt & ingentem syluam palmarum, ceyuasque, ex quibus Indi suas Canoas fingunt & excauant. Ex Hauiana & insula Cuba (locis syluosissimis) pretiosissima ligna in Hispaniam vehuntur, cuius generis sunt, Ebanos, Caouana, Granadillo, Cedrus, & similia, quæ omnia à nobis enumerari non possunt. In noua Hispania quoque grandes pini surgunt, etsi æquam cum Hispanis crassitiem non habeant, & poma vacua nucibus sint. Quercuum ex Guayaquil singularis præstantia est; quæ si rectè seruentur, durationis longissimæ sunt. Cannæ quoque seu arundines editissimæ enascuntur: quarum quodlibet interseptum Bottigiæ seu mensuræ Hispanicæ capax est. Eæ structuris ædium etiam adhibentur.

Lignum de Mangles, ex quo malos nauium condunt, & antenas, ferri duritiem æmulatur. Molle, arbor est, multis virtutibus dotata. Vuæ genus quoddam producit, vnde Indi vinum premunt. In Mexico vocatur arbor ex Peru, quod hinc primum aliò translata sit. In noua Hispania lætius tamen, quam in Peru emergit. Arborum innumeræ aliæ quoque species ibidem nascuntur, quarum multitudine comprehendi nequit. Et istiusmodi arbores plerumque vastæ & monstrosæ magnitudinis sunt. In Tlacoachavia, tribus à Guaxaca in noua Hispania milliaribus distante, à nobis sponsio de cuiusdam arboris crassitudine facta aliquando erat. Istius cavitatis 9. ambitus exterioris prope radicem 16. paulò altius vero 12. orgiarum meta erat. Arbor hæc cælitus à fulmine per mediam medullam tacta dicitur. Quam insignis istius cavitatis causam asserunt. Ante percussionem 1000. hominibus tutam vmbra præstare potuit. Sub ea enim Indi subinde congregabantur, ludos & choreas suetas ibi agitantes. Nec dum ramis ac folijs omnino orba est. Hæc tamen graciliora & tabidiora profert. Cuius generis sit, nemo est, qui compertum habeat. Cedrum tamen nonnulli autumant. Qui, quæ de hac arbore diximus, fabulosa iudicat: is Plinium de Platano & Licia legat: quarum cauernam 81. pedes habuisse, testatur. Quæ species ædium aut antri potius, quam arboris videatur. Ramos autem ait, integrâ syluam adumbrasse: & vmbra vniuersum campum obscurasse. Hæc qui audit, deinceps textorem illum mirari desinet, quem in Castanea arbore habitasse & operatum esse fama est. Nec pro fabula habebit illam arborem, in quam octo iunctim equites cum equis ingressi, intus se conuertentes, in impedite rursus egredi potuerunt, nemine alteri cedente. In prodigiosis & vastissimis illiusmodi arboribus Indi plerasque suas superstitiones agitare solebant: quod idem ab Ethnicis prioribus quoque factitatum esse, scriptorum monumentis notum est.

Plin. lib. 12. c. 1.

Cap. XXXI.

De Plantis & arboribus frugiferis, ex Hispania in Indiam delatis.



Vo ad plantas, Indi permutationem Hispanis multò meliorem fecerunt. Nam, quæ ex India in Hispaniam illatae sunt, agrè emergunt, & numero rarissimo. Contra ex Hispania Indis communicatae, & numerosè & lætè erumpunt multiplicanturque. Quod si huius euentus causam quispiam à nobis sciscitetur: certè, an vis hæc ipsis plantis, an soli ascribenda sit, ambigimus. Hoc ratum: In India omnia illa foecundius & vberius enasci, quæ probè etiam in Hispania proueniunt. Contra, sunt quædam, quæ in Hispania meliora existunt. Triticum, hordeum, hortensiles herbæ, pisa, lactuca, brassi-

brassica, raphanus, cæpæ, porrum, petroselinum, rapa, radiculæ, spinachia, spicanardus, & pultiferi fructus, pisa, lentes, fabæ, similesque culinis seruietes plantæ; hæ vniuersæ ibi quotannis educantur. Nam qui ex Hispania eo commigrarunt, harum semina secum vnà attulerunt, quæ terra ea, omnia amplexata est. Certum tamen est, alia alijs fecundius pronasci. Ex arboribus, in India frequentiores existunt fructus Aurantia, Limones, Citri, & similes. Nonnullis in locis integræ syluæ sunt arborum, aurantia ferentium: quod nobis ingenti admirationi fuit. Cumque aliquando, quis tam numerosam aurantium syluam plantasset, quæsissemus: responsum est, eam fortuito suaque sponte enatam esse. Poma enim matura, ex arbore decidisse: quæ cum sic sparsim iacentia putrissent, semina quoque versum in terram irrepsisse, & successu temporis ingentis syluæ principium dedisse. Fructus hic per omnem Indiam notus & familiaris est. Nec enim quoquam nos pertigisse meminimus, vbi pomorum horum inopia esset. Terra siquidē omnis calida & humida est, qualem hic fructus postulat. Non in montanis, sed in solis campetribus & littoralibus proueniunt. Quæ in Insulis condiuntur aurantia, tum cæteris Indicis omnibus, tum in his locis alijs gustatis meliora multò sunt.

Perficorum genera omnia, vt Melocotones, Albercoken, & similes fructus, in noua Hispania & Peru vberimè quoque proueniunt. Excipio tamen Ducasnos, qui è Perficorum genere sunt. Hi ægrè ibi, vt & in insulis, enascuntur. Poma, pyra, facile: cerasa non æquè. Ficuum summa vbertas, comprimis in Peru: vt vicissim Cotonorum in noua Hispania. Horum pro vno Regali so. nos seligere permittebant. Mala punica & ipsa copiosa sunt: at saltem dulcia. Acida non germinant aut foetificant. Melones optimi tum in terræ firmæ nonnullis locis, tum in Peru redduntur. Cerasis tamen, vt diximus, solum illud non fauet. Aliàs, quod ad delicias, nihil desideratur. Fructus nonnulli, corticibus vestiti, ipsis adhuc defunt: vt glandes, castanæ: quorum nos vllibi vidisse aliquos non meminimus. Amygdalæ quoque, sed rariores, reperiuntur. Has tamen, vt & nuces, & auellanas, pro opulentioribus, nauibus inuehunt. Anforba, Mespila, & fructus similes viderimus illic: nec hoc ipsum meminimus. Pro quibus tamen omnibus alios longe sapidiores & deliciores nacti sumus.

Cap. XXXII.

De uuis, vitibus, oleis, moris, & cannis saccharinis.



ED iam de præstantibus & vtilibus alijs plantis, ex Hispania in Indiam tralatis, pergamus dicere. Vtiles autem eas vocamus, quæ non domi solum nobis pro alimento sunt, sed foris etiam quæstum parant. Ex his primaria vitis est, quæ promit vinum, acetum, vuas, omphacinum, syruposque. Inter hæc optimum vinum. Nec in insulis, nec in firma terra, vuæ aut vinum nascitur. In noua Hispania vineæ quidem vuas produnt, sed ad vinum fundendum ineptas, vt quæ nunquam maturescant probè. Mensibus etenim Iulio & Augusto, ibi frequentiores pluuiæ gliscunt. Ita tamen pleræque maturescunt, vt edendo sint. Vinum ergo ea loca ex Hispania aut Canaria accipiūt. Et hæc vniuersæ propè Indiæ fors: nisi quod in Peru & Chile approbum vinum nascatur: quod subinde generosius fit. Nam iam tadem vitium colendarum artem addiscunt: quæ magni thesauri loco ipsis est. Vineæ autem plerumque in conuallibus Peruanis visuntur: iuxta quas, fossas aqua colligendæ gratia excauarūt: ex quibus vites subinde irrigant. Nam, vt diximus, tam in planis, quam mōtanis illis nisi statis tēporibus, nunquā pluit. Nonnulli bi vites nec pluuiali, nec collectitia aqua irrorātur: & vuarum tamen nihilominus feracissimæ sunt. Id fit in valle Yca, & in montanis Villacuri: vbi in solo arido & sabuloso campi reperiuntur, toto anno, admodum virentes vernantesque, etsi illic nec pluuiæ sentiantur, nec paludes videantur, nec terra vlla ab hominibus arte irrigetur. Causam vero huius rei arbitramur hanc esse, quod terra illa, rara & spongiosa, riuos ex montibus delabentes, insensili attractu imbibat: aut quod madorem aliquem, vt nonnulli censent, imperceptibili modo ex mari hauriat & alliciat. Ex quibus intelligi potest, aquam non (vt Philosophi contendunt) sterilem & infœcundam esse. Vites bonitate hæctenus adeo increuerunt: vt sexies plus decimarum reddant iam quàm ante annos viginti.

Loca vino ferendo iam celeberrima sunt, Victor in Arequipa: Yca in ditione Limæ: Caracato, in territorio Chuquiano. Ex his locis vina in Potosi, Cusco, & alia plura, negotiationis specie transuehūtur. Et licet vini multum in India proueniat, vna tamē Bottigia siue Arrobe minus 5. vel 6. Ducatis non venit. Quod verò Hispanicum est, id 10. aut 12. Ducatis redimitur. In regno Chile, æquè bonum, ac in Hispania vinum fit. Vtriusque enim loci vna temperies à cælo est. Illud tamen si in Peru inferatur, perit. Vuæ nonnullibi quidem proueniunt, vbi vinum non fit. Sic toto anni decursu in ciuitate Cusco

vuas

Vuas inuenire licet. Rei causa iam explanata est, nimirum, quod valles in circuitu positæ diuersis mensibus fructus edant. Vtrum verò hoc diuersis amputationum temporibus, aut peculiari terre proprietati cuiuspiam ascribendum sit, ambigo. Hoc interim admodum compertum est, diuersas valles integro anno fructus promere.

Hæc etsi mira videantur: id tamen admiratione multò dignius est, quod in Peru arbores reperiantur, vno semestri ex hoc latere seu parte, altero ex alia fructus protrudentes & gignentis. In Mala 13. miliarium interuallo à ciuitate de Los Reyes, ficus est, quæ parte dimidia, qua austrum spectat, frondet, & fructus fert, hoc ipso anni tempore, quo in montanis æstas viget: altera verò contrario aut opposito omnino anni tempore, cum in planis terræ (quæ spectat) æstas est. Diuersitatis autem huius causa, diuersum aëris temperamentum est, vel ab hoc vel illo latere arborem afflantis & percutientis. Vno illic operose negotiantur: quod tamen ex finibus suis non efferunt. Sericum verò, quod in noua Hispania paratur, tum in extera regna, tum in Peru traicitur. Prima Indorum ætas serico caruit. Nam mori in Indiam primum ex Hispania illatæ fuerunt: quæ tamen lætum illic nunc incrementum habent, comprimis autem in prouincia Misteca, vbi & bombyces aluntur, & sericum laudabile fit. Vestes ibi texunt, tum sericas, tum Damascenas, tum Sarranas: minimè holosericas. Commercia, quæ saccharo fiunt, frequentissima sunt. Eius enim tum illic plurimum absumitur, tum copiose aliò exportatur. In insulis Peruque, ac alijs locis artificio peculiari saccharum effingunt: quo deinde amplissimæ negotiationes instituuntur. Has in Nasca quotannis 30000. Pesos seu Regales octonorum fisco fundere, fama est. Quæ in Chicama apud Truxillo agitantur, census & ipsæ amplissimi sunt. Noua insuper Hispania pendebat nihilo minus, quam India de conseruis & saccharo. Toties iam dicta classe, ex Insula S. Domingo 898. cistæ saccharo confertæ (quarum meo iudicio quæuis, 8. Arroborum pondus habebat) aduehebantur. In hac insula dicta, commercia sacchari omnium amplissima fiunt.

Oleæ porro etiam in India, comprimis in Mexico Peruque nascuntur: sed quibus oleum exprimant, nec molas nec præla vlla parata habent. Fructum ipsum libentius esitant. Quem ob id exquisitius maturescere permittunt. Multis persuasum est, expressionem olei plus sumptus quam lucri habere. De oleo autem quantum necesse habent, tantum ex Hispania ad illos infertur. Sed iam tandem materiem de plantis abrumparamus: & porro de animalibus & pecoribus narrationem continuemus.

Cap. XXXIII.

De pecudibus Indiciis, tam magnis, quam minoribus.

ANIMALIVM India tria genera alit. Vnum ab Hispanis in Indiam illatum. Alterum Hispanicis simile. Tertium soli Indiæ proprium & nativum est. Ex prima classe sunt, oves, vaccæ, capræ, sues, equi, asini, canes, feles, & his similes: quæ iam in ipsa quoque India propagantur. Pecudes admodum multiplicantur. Nam pro ipsis pascua lætissima simul & vberissima sunt, adeò, ut quid depastum sit, censeretur non possit. Hæc ubiuis in Peru publica & communia sunt. Hæc causa est, quod tam equum pretium carniū, lactis, caseorum & lanæ. Hanc Indi, diu quidem contemptam, nunc à pannificio introducto, diligentius asseruant. Quod in magnum pauperum usum cessit. Panni enim Castiliani, qui ante soli introferebantur, pretio nimis magno venibant. Panno nunc mercaturæ ingētes exercentur, maximè in noua Hispania. Hi tamen Hispanicis viliores existunt: aut quia lana Indica crassior: aut quia parandi industria deest. Hic è plebecula quoque nonnulli 70. aut 100. pecudes possident: qui apud Europæos diuites admodum haberentur. Secus apud Indos. In multis, imò præcipuis Indiæ locis, pro minoribus pecudibus pascua non admodum bona sunt: quod tum herbæ, tum gramina, propter soli luxuriam altius æquo excrescant. Illa enim non tam promptè ac maiora animalia demetere possunt.

Vaccarum bouumque hic mira copia. Eaque duūm generum. Aliud Cicur, & obesum, quod in pascuis ordinarijs apud Chaocas, & in prouincijs regni Peru, nec minus in omni noua Hispania, iugiter agit. Hoc non secus, ac in Hispania quæstum faciunt, vendendis caseis, butyro, vitulis. Mactatorum etiam carnes vendunt. Boues terram vertunt. Genus alterum ferinū est, nemini priuatim addictum. Hoc capientis fit. Ratio hæc tum taurorum tum vaccarum eadem est. Ista enim pecora iugi propagatione in tantum multiplicata sunt, ut millenario persæpè numero in montanis diuagentur. Horum saltem coria Indis petuntur. Venationes agunt eorum, serui æquè ac liberti. Secures missiles manibus librātes, vaccas aut tauros insequuntur. Quot ferire eorum possunt, prosternunt, & excoriant. Carnem sub dio relinquunt. Ea dein putrescit: cum, qui auferat, nemo sit. Ea enim carnis ubiuis copia & abundantia, ut ex ea passim putrescente aura subinde grauiter afficiatur. Commercia coriacea in noua Hispania omnium celeberrima agitantur. Tergorum enim innumerus numerus in Hispaniam effertur. Anno 87. ex Sant Domingo 35444. corijs bouinis vaccinisque naues onerabantur. Ex noua Hispania autē 60350. iungebantur: quæ pretio æstimata, 96332. Pesos siue Regales octono.

octonorum reddunt. Merces has qui in Seuiliæ littoribus expositas lustrat, eo spectaculo in stuporem datur.

Sed quæstui singulari etiam capræ sunt. Præter enim hoedorum & lactis vfuram, seuo lucri multum paratur, quod candelis tum pauperiores tum opulentiores adhibent. Nam & id præter abundantiam miram oleo vilius aut minoris venit. Ex capris nullum colligunt, aut vfurpant. Ex corijs calceos, ocreas, & coriacea alia concinnant: Quæ tamen cum corijs Hispanicis conferri non possunt. Indici equi æquè generosi ac Castiliani, tum ad metam, tum peregrè agendi. Et hodiè pleraque itinera etiam vulgarium, equis conficiuntur. Mulis, ad gestanda tantum onera vtuntur. Idem & in terra firma fieri solet. Asinorum non æqua cum equis abundantia: vt quibus pauci quoque labores obeantur. Cameli, quales in Peru spectauimus; ex Canaria illati sunt, numero non amplo. Canum in Hispaniola insula incredibilis turba. Hi admodum grandes & rabidi, damnis varijs insulam peruagantur. Gregratim in pecudes irruentes, eas lacerant, discerpuntque. Horum vnus interfecto, certa mercede donatur: vt in Hispania luporum. In initio India Canes nullos nouerat, præter genus quoddam pumilum, quod patria voce Alco nominabant. Iam propter similitudinem, canes, ab ipsis Hispanis illati grandiores, hoc nomen quoque obtinent. Pumilos hos canes Indi tantoperè amant, vt sibi demant, illis quod obijciant. Peregrinantes, eosdem aut dorso aut sinu receptos secum ferunt. Ægri, non secus ac congerrones aut consolatores eosdem secum habēt: conuersatione ipsorum dolores sibi minui credentes.

Cap. XXXIV.

De animalibus nonnullis, Europæis similibus, quæ in India Hispani offenderunt: & quomodo illa in has oras ingressa sint.

RATVM constitutumque est, prædicta omnia animalia ab Hispanis in Indiam illata esse: quorum similia primò apertis & inuentis illis terris, nusquam comparuerūt. Id annorum spatium millenorum ne dum est. Præterquam enim quod testibus viuus ea res confirmari possit: idem vel ex hoc euidentissimum est, quod Indi peculiaria & priuata nulla nomina norint, quibus hæc animalia indigetent. Sed vocibus meris Hispanicis vtuntur, iisque corruptis. Cum enim ignota ea animalia nunquam antea vidissent: necessario vulgata nomina retinuerunt, cum fingere recentia difficulter possent. Quo argumento iam nobis scire facile est, quæ animalia Indiæ natiua, quæque illatitia sint. Quæ enim peregrina acce-

perunt: peregrinis quoque vocibus appellabant. Et hæ meræ Hispanicæ sunt. Sed & in India reperta animalia sunt, ab Hispanis ne utquam introducta quidem, sed tamen cum Europæis similia. Huius generis sunt, Leones, Tigres, Vrsi, Apri, Vulpes, & feræ aliæ à nobis libro primo recensitæ, vbi simul contendimus, credi nec posse nec debere, feras illas per amplum Oceanum in has terras traiectas esse, cum res ista vel primo auditu admodum ridiculosa appareat. Sed ibidem & id confecimus, fieri minimè potuisse, vt transnatando Oceanum ad loca ista peruenerint. Vnde tandem conclusimus, per ea omnino loca, isthæ animalia in has oras ingressa esse, quibus extremitates terrarum quadantenus iungerentur aut cohærent. Ab eo deinde, congressu mutuo genus suum propagasse. Nam, si sacris literis sua facta debet esse autoritas, tum statutum erit, omnia in vniuersum animalia, quæ vitam feruarunt, in arca Noæ conclusa fuisse. Ex quibus solis postea dimissis, animantum genus vniuersum propagatum sit.

Quos in India spectauimus Leones, non æquè fului aut iubati sunt, ac Europæi pinguntur: sed color eorum subcineritius est: & animus non habent vsq; adeò ferocem. Horum venatione instituētes Indi, eos vndiquaq; gregatim cingūt ambiuntq;: ac vel exturbatis lapidibus conficiunt; vel fustibus & sudibus obtundunt. Hi Leones arbores quoq; insiliunt: vbi ab Indis vel hastis, vel arcubus, vel sclopetis deiiciuntur. Leonibus tigres Indi multò ferociores & immaniores existimant: quorum insultus quoq; periculosiores, & cursus perniciores existūt. Cute variegata sunt, prout apud Zographos traditum scimus. Sæpius cōmemorari pro verissimo audiuius, Tigres Indorū vestigia accuratissimè internoscere; cum tamen Hispanorū nulli vim faciant. Imò, quod grauius, addi meminimus, ex medijs Hispanis Indum quendam à Tigre correptum & abductum esse. Vrsi, in Cusco Olroncos dicti, nostris non dissimiles sunt, in antris speluncisque & ipsi agentes. De aluearijs apum Indis nihil constat. Fauis enim aut supra arbores, aut subtus terram cōduntur. Horum quos in prouincia Chaocas, ibi Lechiguanas dictos vidimus, colore cineritio sunt, substantia nō admodum liquida, stramini potius congesto, quam melli similes. Apes ipsas aiunt muscarum molem non excedere, & subtus terram stabulari. Harum mel acidulum & subnigricans est. Alijs in locis mel fauiq; multò præstatiores reperiuntur, vt in prouincijs Tucaman, Chile, & Cartagena. De apris, parum est, quod dicemus. Nam vix pauca quædam ab alijs accepimus, qui viderunt raros. Vulpium & ferarum cæterarum noxiarū maior copia est, quam quæ pro opinionibus faciat. Præter has noxias & infestas, feræ in India aliæ quoq; noscūtur, ab Hispanis illatæ. Præcipuè cerui sunt, qui in montanis totis gregibus vagantur. Maxima tamen eorum pars sine cornubus est. Nam alios non vidimus. Ex cornutis sunt, Tragelaphi.

Hæc

Hæc porro vniuersa animalia propter natiuam pernicitatem & leuitatem, qua quocunq; profugiunt, ex vno orbe in alium migrasse, non saltem credimus, sed & pro immota veritate asserimus. In maioribus siquidem insulis, quæ à terra firma longius absunt, sicut exquisitissima indagine comperimus, eorum nihil vsquam cernitur aut obseruatur.

Cap. XXXV.

De auibus Indicis: Et quo modo istæ in Indiam deuenierint.



Væ paulò antè de quadrupedibus cōmemorata sunt: eadem de auibus multò facilius credi possunt, cōprimis illis, quæ cum Hispanicis vno genere concurrunt, vt sunt perdices, turtures, turtures coronarij, cōturnices, accipitrès, quæ aues in magno pretio sunt. Huius generis ex noua Hispania & Peru, nonnullæ magnatibus Hispaniarum donariò aliquando missitæ sunt, vt & ardearum & aquilarum distinctæ species. Et has quidem aues volatus tum pernicitate tū diuturnitate in nouas terras migrasse, longè facilius credi possit, quàm de quadrupedibus, vt Leonibus, Tigribus, Vrsis, & similibus. Sed & Psittacorum volatus pertinax: quorū copia in India frequens, cum primis in Andes, in Insulis Puerto Rico, & S. Domingo. Plenis turmis ibi volitant, vt columbæ. Auibus sua via semper & vbiuis patet: quam vibratis alis moliuntur, quocunque se incitantes, quocunque impetum vrgentes. Vnde mare quoque volatu transmittere, ipsis non admodum difficile fuit. Vel Plinij siquidem testi- Lib. 10. c. 33. monio certissimum est, auium plurimas ipsum mare transuolare, & nouas sedes quærere. Et licet à nemine quidem traditum legamus, aues ipsum quoque vastum Oceanum transmittere: nobis tamen idem non vsque adeò impossibile videtur. Nam rerum maritimarum peritissimi quidam attestatò confirmāt, quod nonnullas volucrum à terra 200. milliarium spatio volitantes aliquoties cōspexerint. Sed & ipse Aristoteles tradidit, sub aquis aues istiusmodi commodè aliquandiu degere posse, cū respirationis minimè validæ sint: cui simile quid in istius maritimis auibus videre licet, quæ se infra vndas mergentes, longo tempore non emergunt. Ex his ergò non ineptè stabiliri nostra sententia potest, quod volucres & animalia volatilia, quæ nunc in insulis Indiæ & terra firma reperiuntur, volatu suo ipsum Oceanū permearint, & nonnullibi in insulis minoribus, aut ipsius maris scopulis quieuerint. Quin & astipulante Plinio, in aquas fessæ se demittentes, & his aliquandiu innatantes, viæ reliquum commodè conficere potuerunt.

Volucres, quæ in insulis, terrestribus animalibus omnino orbis, reperiuntur, citra cōtrouersiam hoc quidem modo, nouum orbem

inuaserunt. Cæteræ verò, quæ ad volatum propter pondus ineptiores erant, ea omnino via, qua quadrupedes, terras istas ingressæ sunt. Nam & in India aues terrestres grauiiores reperiuntur, vt sunt Struthiocameli in Peru, naues oneratas plerumque per terrefacientes. De Gallinis mirandum meritò est, quas ea terra vel ante Hispanorum ingressum iam aluerat. Quod vel ex eo quoque suspicari licet, quia nominibus Indicis appellantur. Ipsis enim gallina Gualpa dicitur. Prouerbum vetus, quo Gallinam hominẽ quadratum, insipidum & inconditum vocamus, ipsis Indis etiam in vsu est. Qui Salomonis insulas detexerunt, gallinas illic nostris omnino similes repertas esse, affirmant. Sed par credi est, primos insularum illarum occupatores has gallinas, ceu animal cicur & admodum vtile, intulisse: sicut & hodie Indos peregrinantes gallinas subinde secum portare conspiciamus. Indicorũ animalium plurima Europæis similia, sunt ibi ab Hispanis reperta: quæ singula tamen in specie enumerare præter institutum nostrum est.

Cap. XXXVI.

De animalibus montanis.



E prima quidem Indicorum animalium, quorum genera veteri orbi ignota sunt, origine ac progenie commentari, difficile admodum atque laboriosum est. Quod si enim à Deo in istis locis (vt autumant quidam) creata sunt: tum frustraneum sanè est, vt eadem ex arca Nohæ deducamus. Sed & nulla omnino recessitas fuisset, animalium omne genus in arcam condi, seruarique, si à diluuiio Deus noua omnino conditurus fuit. Nec id insuper verum persisteret, sex dierum spatio Deum omnem mundum, & quæ in eo sunt, perfecisse & absoluisse: cum postea noua quædam animalium creatio subsequuta fuerit. Iam si animalia hæc in arca Nohæ asseruata dicamus, tum concedendum quoque erit, eodem omnino modo, quo cætera animalia ex veteri orbe in nouum migrarunt, hæc quoque, quæ veteri orbi omnino incognita sunt, ingressa esse. Quod si detur quidem: iam non iniuste quærimus, quĩ factum sit, vt ex isto genere nobis nihil relinqueretur, sed vniuersum in peregrinas terras concederet? Quæ sanè quæstio animum nostrum diu multumque torsit ac fatigauit. Exempli gratia: Oues Peruanæ, & quæ animalia Pacos aut Guanacos vocantur, in nulla alia vsquam orbis parte reperiuntur. Hæc, quæri possit, quis in Peru importarit? quĩ eo venerint? Nam ne vestigium ipsorum in vniuerso alio orbe vquam vsquam obseruatum est. Ergo, si à nullo alio loco illuc migrarunt, quærimus sanè, an ibidem ipsa creata sint, & genus suum produxerint. An enim Deus à diluuiio nouas animalium creaturas archi-
tecta-

testatus dicitur? Porro, quæ de Panacos aut Pacos diximus, eadem similiter de infinitis quoq; alijs tum volatilibus, tum quadrupedibus, intelligenda sunt, quæ in veteri hoc orbe, nec de nomine, nec de specie cognita sunt, & de quibus, nec Latini, nec Græci, nec nationes aliæ vllę mentionem ne quidem minimam vnquam fecerunt. His responderi posset hoc modo. Etsi quidem animalia vniuersim omnia ex arca prodierint: attamē tum propter prouidentiam diuinam, tum insitam cuiuslibet naturam proprietatemque non diuisa & disgregata quoquo versum eruperūt, ita, vt in diuersissimas terras vnumquodlibet se receperit. Posset & hoc ab aliquibus ad rem cōferri: quod, quæ nobis iam cognita, Indis autem ignota sunt, tanti temporis diuturnitate interierint, sicut ea fors aliarum quoq; plurimarū rerum esse, obseruatur. Sic verò fors ea Indiæ minime propria erit, verum cum ipsa vniuerso orbi, tum Europæ, tum Asiæ, tum Africæ communis omnino existet. Ex historijs enim constat, vel in harum nonnullis quoque animalia degere, quæ in terris alijs minimè reperiantur: aut si fors reperiantur, aliunde eò importata esse omnino: isto nihilominus concesso, quod ex Arca omnia primitus prodierint. Sed proposito exemplo rem clariorem reddamus. Elephanti soli Indiæ Orientali vernaculi fuerunt. Hinc in oras alias illati. Eadem Peruanorum quoque animalium, & cæterorum omnium, nullibi alias repertorum, ratio esse potuit. Considerandum autem hic etiam est, an hæc animalia à Natura aut Deo ita creata sint, vt à nostris discrepent: aut an diuersitas hæc fortuita seu accidentalis tantum sit, ita, vt animalia hæc rerum aliarum occasione formam diuersam acceperint, sicut hæc eadem in hominibus quoque accidere videmus, quorum aliqui atrii, alij albi, quidam Gigantes, nonnulli pigmæi existunt. Simile in animalibus quoque, comprimis in simijs & cercopithecis euenit: quorum hi caudis donati, illi orbi sunt. Ex ouibus etiam quædam glabræ, quædam villosæ: quædam duriores & robustiores, cum collo promisso, ceu Peruanæ: quædam minores & infirmiores, cum collo breui, vt sunt Castilianæ.

Sed fatendum omnino est, cum, qui genera animalium Indicorum cum Europæis per accidentia sola differre probaturus sit, laborem Herculeum suis humeris omnino impositurum esse. Nam si secundum intimas proprietates animalia illa censebimus, tantopere eadem inter se distare videbimus, quanto-
 pere ouum (vt aiunt) à castanea diuersum est.

Cap. XXXVII.

De auiibus India propriis.

VIVM, Indiae propriarum, mentio omnino aliqua facienda est. Ex China aues feruntur, pedibus carentes: corpore vniuerso admodum plumoso. Terram nunquam attingūt: sed pinnula quadam, quam habent, quieturæ ex arborum ramis dependent, & captatis muscis aut insectis alijs viuunt. Auiculas Peru habet, Tomineios, vsque adeo exiles, vt eas vel apes vel muscas aliquoties arbitraremur. Veræ tamen aues sunt. Contrà, Condores tam grandes & robusti sunt, vt non ouem saltem lacerent vorentq̃; sed nonnunquam & vitulum. Auras autem (nonnullis gallinæ habitæ) ex coruorum genere sunt, admodum pondere leues. Acutissimi visus sunt, purgandis in vrbibus plateis vtilis. Nullum enim morticinum relinquunt. Noctu in arboribus aut rupibus quiescunt: manè vrbes aduolant, prædam venantes. Pulli harum pennis albis (vt de coruis quoque narrant) primum nascuntur: quæ deinde nigrescunt.

Guaca Mayas, aues Psittacis maiores sunt, plumarum mira varietate amabiles. In noua Hispania alia frequentissima auis, pennas supra modum speciosas & subtiles ostendit, quibus similes Europa non vidit. Id ex imagunculis illis videre est, quas subtili ingenio manuq̃; ex pennis istiusmodi ad miraculum spectabiles effingunt. Persuaderi multis non posset, ex pennis opera tam artificiosa strui posse. Distinctis enim partibus diuersi pennarum colores tam cōcinnè iunguntur aptanturq̃; vt penicillo imaginem pictam deierares. Quin nec penicillo quidem tam subtile opus, tam graphicè exprimi queat. Imagunculas has si ex latere aspicias, tanta amœnitate relucet, vt spectaculum iucundissimum exhibeant. Inter Indos sunt artifices, qui pennis huiusmodi viuas hominum imagines tanta solertia reddant, vt ne penicilli quidem opera exprimi queant exquisitius. Quare arte, pictoribus Hispanicis ne latum quidem vnguem cedunt. Hispaniarum Principi, Don Philippo à pictore suo tres huiusmodi ex pennis fabrefactæ imagines aliquando traditæ dono sunt. Has ipsius excellentia patri Philippo dono transmisit: qui inspectis illis, se nunquam in tam parua imagine plura contineri vidisse, affirmavit. Papa Sixtus V. huiusmodi tabulam, in qua sanctus Franciscus depictus erat, gestiente animo accepit. Audiens autem ab astantibus, hoc opus ab Indis ex meris pennis ita concinnatum esse: digitis iniectis, rem ita se habere expertus, miraculi id instar esse testatus est. Pennatæ huiusmodi imagines omnium artificiosissimæ in prouincia Mechoacan oppido Pascaco parantur. Eas autem ita effingunt.

Volsel.

Volfellis pennulas prehendentes ex mortuis auibus euellunt. Eas tenuissimo glutino iungunt celeritate promptissima. Vnde demuntur pennæ, aues in Peru Tomeneios dicuntur, aspectu speciosissimæ. Ex his præter imagines, alia quoque ornamenta pro decorandis regibus, primatibus, templis Idolisq; faciunt. Sed & aliæ grandiores aues sunt, æquè pulchras & subtiles pennas habētes, ex quibus cristas sibi nitidas parant, quas in bellum ituri vsurpant. Has auro argentoque innectunt, & magni æstimant. Nec hodiè quidem istarum auium penuria est. Verum Indorum nec par industria hodiè, nec æqua superbia est, ac olim fuit.

India turpes & monstrosas quoque nonnullas aues alit, quarum præter excrementa nullus est vsus. In nonnullis insulis, Peruanis littoribus vicinis, è longinquo nonnullibi montes prominent, ita niuei & candentes, vt spectantibus eminus niue obducti, aut albicante terra constrati credantur. Ad quos si accedatur, mera ibi excrementa videntur, ab auibus marinis, illic continenter degentibus, ibi deposita. Hæc nonnullis locis erectæ hastæ altitudine congesta sunt, quod haud paucis fabulosum videri queat. Ad fimum hunc auferendum scaphis insulas adeunt. Eo deinde terram stercoreant, inde feracissimam euadentem. Fimum Guano vocant; vnde locus quoque Lunaguana denominatus est. Illum in valles Peruanas conuehunt. Nam ad reficiendos agros fimus nullus pinguior. Ibidem, quæ cotonea, punica, & poma alia nascuntur, cæteris, virtutibus longè præstant. Causam ei aquæ imputant, qua hæ arbores rigantur, per terram nimirum, hoc fimo conditam, diffuenti. Indicarum ergò auium, non solum carnes pro alimento, cantus pro oblectamento, pennas pro ornamento: sed excrementa quoque pro terræ condimento facere, ex his abundè perspicimus. Quæ vniuersa à sapientissimo rerum conditore in humanos vsus ac commoditates ista, disposita esse, non est vt quisquam dubitet. Pro qua immensa beneficentia gratiæ ipsi sint in æternum.

Cap. XXXVIII.

De animalibus montanis.



PRÆTER superius commemorata animalia, in montanis agentia, alia quoque sunt, aliunde forsan è importata: vt sunt Saynos. Apri forma sunt, vmbilicum in dorso gerentes. Horum in montibus integri greges. Feroces admodū & frendentes, nulli homini cedunt, sed obuios inuadentes, quantum possunt, lædunt. Irritati setas, vt nouacula acutas, arrigunt, quibus insectatores suos fauciant periculosissimè, nisi ictus declinent. Horum captandorum & interimendorum hanc artem aut dolum habent. Saynis se quis spectandum offert. Visum illi rapidè insectantur. Tum venator

nator in proximam arborem suffilit, & ad pugnā se instruit. Interim Sayni arboris radicem mordicus infestantes rodentesque, laborant, ut eam decutiant sternantque. Qui in arbore est, sparis aut missilibus extortis, eorum, quot vult, conficit. Victor prædam occupat. Caro eorum esu commodissima est. Priusquam tamen in cibum detur, umbilici tumore in tergo prominente, præfecto abiectoq; opus est. Ni fiat, vno die caro putrescet ac corrumpetur. His, in montanis alia quoque similia animalia agunt. Hæc Guadatinayas vocantur. Nobis sic persuasum est, ante Hispanorū in Indiam ingressum tam dum apros illic fuisse, Europæis similes. Nam in Historia occupatæ Insulæ Salomonis traditur, inibi gallinas & porcos Hispanicos repertos fuisse. Hoc genus in India vberimè multiplicatur. Nonnullis in locis horum caro recens, nec salita editur, & cibus non minus carne ouilla salubris censetur. Idem in Cartagena. Aprorum alicubi tanta feritas & immanitas est, ut non pro domesticis, sed meris agrestibus habeantur: sicut id in nouæ Hispaniæ montanis vidimus, quo se alia quoq; mansueta animalia receperunt. In dicta prouincia, Maiis saginantur: quo oppidò pinguescunt. Plurimos alunt, solius pinguedinis spe, qua Hispani loco olei vtuntur. Ex porcis alicubi pernæ optimæ tolluntur, velut in Toluca nouæ Hispaniæ, & in Paria Peruenfi. Fatemur quidem Saynos porcis aliis similes esse: sed iuxta minores.

Terra illa quoque alces producit, bobus minoribus similes. Hæ, si cornua illis erumpunt, mulos humiliores æquant. Harum corium laudatur. Ex quo thoraces, & vestes alias faciunt, ad telorum ictus impenetrabiles. Alces, velut ab externis iniuriis corium defendit, sic Armadillos animal crustæ seu squamæ thoracis ferrei instar tuentur. Animalcula minuta sunt, in montibus errantia. Armadillos ideò dicta, quod sub scutis suis, ceu armis solidis, tuta lateant. Carnes horū gustauimus: saporem magnoperè nō commendauimus. His Yguanas sapidiore & gratiores, Hispanicis lacertis obiter similes. In aquis degunt: & arbores, in aquas propendentes, subinde ascendentes, inde se rursus deturbant. Ad motis scaphis suo modo captantur. Aliud genus animalis Chinchillas est, ut & Hardillas, quorum pellis admodum mollis, pro pectoris & ventriculi fouendi tegumento vsurpatur. Apprimè enim calefacit. Ex his quoq; tegetes confiunt. Frequens id animal in Peru montanis: vbi quoque aliud quoddam, Cuy admodum vulgare visitur. Hoc Indi pro cibo delicato habent. Olim sacrificiis suis adhibuerant. Cuniculos iuniores æquant, & in foueis terræ degunt. Color aliis cinereus, aliis candidus, nonnullis varius. Aliud iterum genus Visachas est. Hoc lepori simile, sed maius. Cuniculos regnum Quito profert. Sed meliores Hispania intulit. Præter dicta familiare ibidem aliud quoque animal est, quod propter ignauiam Perico ligero, id est, canis leuis aut agilis, ironicè vocatur. Ex vtroq; pede primore tres digitos seu vngues emittit. Facie cum similiis
conue-

conuenit. Admodum vocale aut clamorū, in arboribus degit, & victum captatis formicis parat.

Cap. XXXIX.

De Cercopithecis & Simiis Indicis.



CERCOPITHECORVM passim in omnibus insularū montanis, in terra firma, & in Andes copiosus numerus visitur. Ex genere sunt Simiorum, etsi cum his non cōueniant in omnibus. Alijs cauda promissior: nonnulli nigricāt: quibusdam color cinereus, cēsius, varius. Mira eorum agilitas & prudētia. Ob quam rationis alicuius participes videri queant. In arborū ramis sedent, velut auium cantus æmulaturi. Cum aliquando in Capirā à Nombre de Dios versus Panamam iter faceremus, Cercopithecum ab vna arbo- re in alteram latè transilientem cōspicati, hanc eius industriā satis admirari non potuimus. Caudis se ramo implicāt, & se, quo volunt, ita ceu eiaculantur. Quod si saltus interuallum longius sit, quam vt pręsumptū locum attingere, queāt: miro & ingenioso compendio hoc vtuntur. Caudis se cōnectunt, vt catenæ more cohæreant. Hoc modo se promouent, prioribus semper à posteriorib. adiutis ac quasi firmatis. In saltu medio, ramum quempiam corripunt, quem firmitus tenent, vt dictum est. Quę agilitas eorum meritò suspicienda. Tantæ docilitatis sunt, vt de omnibus diligēti cura, institui queāt. Ob quam rationis affinitatem non pro brutis, sed pro hominibus non ineptè haberi possint. Cartagenæ in palatio Gubernatoris Cercopithecum vidimus, quem pro vino ex xenodochio afferendo emittere solebāt. Hic vna manu Cantharum, altera vini pretium gerebat. Ex cuius manibus pecuniam extorquere nullus poterat, nisi Cantharo prius vinum cōditum accepisset. Sannis à pueris in platea obuijs lusus aut exagitatus, posito cantharo, lapillosprehendit, & in sannatores eos extorsit. Ita via munita, domum abiit. Etsi verò Cercopithecī sua natura vini auidissimi sint, citra tamen permissum domini cantharum nunquam aperiebat. De eodem id quoq; narrarunt nobis, quod fœminis, quæ facies fuco delibutas habebant, & flammea detraxerit, & easdem pugnis probè contuderit. Quod si verum fateri fas est, nostro iudicio certè nullum vsquam animal est, quod gestibus suis & actionibus propius cum homine conueniat, quam hoc vnicum. De quo tot nobis mirabilia à diuersis enarrata sunt, vt omnia huic tractationi credere nullo modo ausimus: ne pro historia fumos aut fabulas vendere incredulis videamur. Interim vnicus eorum creator laudandus & colēdus, qui huiusmodi animalia in oblectationem & risum hominū condidit. Nonnulli afferunt, ex India Occidentali Cercopithecōs Salomoni transmissos fuisse. Sed nobis is error videtur: & pro Occidentali, India Orientalem potius legendam arbitramur.

Cap. XL.

De Vicunnas & Taraguas in Peru.

X rebus præstantissimis, quas Peru habet, Vicunnas sunt, & Oues. Vicunnas feriores sunt: oues mansuetæ. Sunt, quibus persuasum est, de his etiam Aristotelem, Plinium, ac cæteros autores tradidisse, quo loco de capreis egerunt, cum quibus propter agilitatem & montium amorem facile conferri possint. Sed hæc animalia ex caprarum genere, neutiquam sunt. Nec enim Vicunnas cornua caprarum more habent, quas suis Aristoteles assignat. Multò minus capræ sunt Orientales, ex quibus lapis Bezoar demitur. Aut si omnino huius generis censendæ forent: illarum diffusum genus, ceu canum, omnino esse oporteat. Æqua ratione Vicunnas Peruenfes nō id animal sunt, quod in noua Hispania Bezoar promit. Hoc enim ex ceruorum genere est, cui simile nostro iudicio non in vniuerso orbe reperiatur, nisi in Peru ac Chile finitimis. Vicunnas capris maiores, vitulis minores, colore leonino, sed splendentiore sunt. Cornua non habent, vt in capris & ceruis sunt. Montanorum loca gelidissima colunt, Punas dicta. Eas nec glacies, nec niues lædunt: imo potius firmat reficiuntque. Gregatim oberrant, & miræ celeritatis sunt. Peregrinantibus tum hominibus tum pecoribus occurrentes, festinò in fugam se dant, cum sint timidissimæ. Fugientes pullos suos ante se agunt. Hæ an genus suum propagent, nulli scitum est. Qua causa Ingæ Reges mandato cauerunt, ne figerentur, aut quouis modo ferirentur: nisi id iussu priuato diebus liceret festis. Multi queruntur, Hispanos in Indiam ingressos, venationibus crebris harum numerum nimium confecisse: vnde iam pauciores sint. Venatibus operam daturi, vno numero 3000. aut 4000. viri congregiuntur: qui montis partem insignem ambientes, ex omnibus locis in vnum pecudes compellunt coguntque. Ex harum medio postea 300. aut 400. quantum volunt, seligunt: cæteras, comprimis foemellas, procreandæ sobolis gratia dimittunt. Eas tondere quoque fuerunt: Ex lana pallia & tegetes texentes, quæ magni æstimantur. Lana siquidem ferici æmula, durationis longæ est. Colorem natium feruat: tinctura non variatur. Vestes huiusmodi in calidis aëris cōstitutionibus perfrigerāt, & renum comprimis ardorem mulcent. Sed & alio modo adhibentur, nimirum in lectis. Haud pauci lana, in genere pro totius corporis sanitate firmanda vtuntur: cuius vires non inualidas experiuntur. Ex hac confectas tegetes, podagricos dolores mulcere aut arcere affirmant.

Vicunnas caro proba non est: etsi hanc Indi edant, fumoque indurent.

durent. Quam verò vim medicatoriam habeat, nostris peregrinationibus didicimus. Nam cum aliquando per montana Peruenſia proſecti, veſperi in Tambo ſeu hoſpitio diuertifſemus, dolor inæſtimabilis oculos noſtros inuaſit, tanta crudelitate, vt oculos nobis elifum iri omnino videretur. Quo morbo ij ſerè corripì ſolent, qui per aſſiduas niues iter faciunt, nec præter has oculis quicquam diſpiciunt. Nobis ergò cum intenſo dolore acriter luçantibus, fœmina quædam Indica cubile ingreditur, de carne Vicunnaſ, recens captæ (nam vel dum cruor emanabat) aliquid promens, iubénſque, vt oculis imponeremus. Quo factò, oculorum ægritudo quaſi in momento deſœuijt, & nos in tutum illicò reſtituit. Præter ſupra dictam venatus rationem, Vicunnaſ alia quoque arte captant. Eaſ in locum tam anguſtum cògunt, vt emiſſis glandibus aſſequi queant. Ex lineis funiculis plumbi glandem ſeu maſſam religant. Hiſ excuſſiſ, animalium pedes inuoluunt, innectuntque, ne quò fuga proſilire queant. Hoc modo, quot volunt, captant. Præcipuum, quod habent hæc animalia, Bezoar lapis eſt, in ipſiſ conditus: de quo infra.

Sed & aliud animalis genus Taraguas vocant, ferum & ipſum, at pernicitatiſ maioris, & corporiſ grandioriſ. Color aduſtior: aures propendulæ. Non, vt Vicunnaſ, gregatim errant: ſed ſinguliſ paſcua ſolitaria: idque in loci� editioriſ. Ex ipſiſ hiſ quoque Bezoar eruitur, cæteriſ tum magnitudine tum virtutiſ præſtantiſ.

Cap. XLI.

De Pacoſ, Guanacoſ & ouibuſ Peruanis.



PERUANIS nulla reſ maiori aut vberiori quæſtui eſt, quam pecudeſ, comprimis oueſ, ipſiſ llama dictæ. Quibuſ, vt verè dicam, nihil vnquam vtiliſ eſſe poſſit. Vt alantur, ſumptu nullo opus eſt. Et tum ciboſ tum veſteſ incolæ ex hac pecude accipiunt: velut Europæi ab ouibuſ ſuiſ. Præter haſ commoditateſ Indi hanc quoque ſentiunt, quod ouibuſ omnia neceſſaria ipſiſ apporantur. Quæ tamen vt equi nec ſufferrantur, nec freniſ incinguntur. Hiſ nec auena obijcienda. Nam gramine ſatiantur. Videre tamē hinc eſt, voluiſſe Deum Indiſ hoc animal & pro oue ſimul & equo ſeruire. Cumque populuſ magna parte paupertinuſ eſſet, ſuffecto copioſo gramine penuriã hanc Deus ipſiſ demptam voluit. llamaſ autem duorū ſunt generum: Vnum, Pacoſ, laniferum: alterum lana carenſ, ſed geſtandiſ ſarciniſ & oneribuſ aptiſ. Europæiſ ouibuſ maioreſ: minoreſ vituliſ ſunt, collo oblongo, & Camelorum modo porrecto. Quod natura ita ſtatuit, vt erectiori corpori proceritaſ colli re-

sponderet. In colore variant. Nam reperiuntur albæ, nigræ, cæfiæ, variegatæ. Indis Mocomoro dicuntur. Incolæ loci, in sacrificiis olim faciendis, colorem diligenter attendebant: quæm anni temporibus & votorum generibus respondere oportuerat. Pecudis caro esilis quidem: sed durior & tenacior. Agni in cibum delicates. Sed horum paucos mactant. Earum usus est, ut lanam, pannis aptam, promant, & onera portent. Lanam detonsam Indi parant, & ex ea pannos texunt, quibus vestiantur. Sed hi crassiores sunt: quos Hauasca nominant. Subtiliores & pretiosiores, Cumbi appellantur. Ex his mappas, tegetesque & similia texunt; quæ tum durabilia sunt, tum splendida serici modo micant. Texturæ peculiarem modum adhibent: Et Ingæ ad præstâtissimos pannos faciendos opifices ingeniosissimos olim adhibebant. Textores artificiosissimi in provincia Capachica, apud latum Titicacæ fluuium habitabant.

Cumbi discretis coloribus, ex herbis paratis, & tingendis pannis admodum idoneis, imbuuntur. Hos pannos tum viri, tum foeminae, in montanis habitantes iam parare didicerunt. Instrumenta textoria quilibet domi suæ propria habet. Vnde pannis emptis nemo opus habet. Occisæ animalis carnes in fumo exiccant. Ita paratæ diu seruantur. Portadaram (ut diximus) sarcinarum causa hoc quoque animal alunt. Vnoque grege nonnunquam 400. interdum 1000. pluresque aguntur. Onera quæ gerunt, sunt, Vina, Coca, Maijs, Chunno, Hydrargyrum, & merces similes, generis promiscuè vniuersi. His oneratæ pecudes, paucis custodibus aguntur. Sed & Barras siue quadras argenteas ex Potosi in Aricam baiulant, quod interuallum 70. milliarium est. Has olim usque in Arequipam importabant, quod iter leucarum est 150. Hoc persæpe admirati fuimus, oves has interdum 2000. Barras (quæ ad minimum 300000. Ducatis censerî possunt) per tantum locorum interuallum progestare, nullo comitatu aut satellitio stipatas. Nam præter pauculos Indos, qui viam præirent, & onera moderarentur, præsidij nihil habebant: adeo, ut diuitijs istis vix vnus Hispanus præses congregeretur. Noctu sub dio quiescunt, solis modò dictis vigilibus custoditæ. Et tamen ne semel argenti vel minimum detrimenti fit: usque adeo securæ in Peru viæ sunt. Onus cuiuslibet ouis quatuor aut 6. ferè Arroborum est. Quod si longinquum iter futurum est, de die ultra 4. milliaria non conficiunt. Pecudum actoribus peculiaria loca cognita sunt, quibus illæ commodius habeant. Ibi & pascua & aquas vicinas esse oportet. Ipsi deoneratis ouibus, sua tentoria surrigunt, ignes succendunt, & pro viæ molestijs leuandis, largius coquunt ac lautius epulantur. Nam præter hoc viam admodum tædiosam habituri sint. Si iter vnus saltem diei sit futurum, pecudes onus octo pluriusve arroborum gestare possunt, diurnum iter octo decemve milliarium emetientes.

Vniuersum hoc pecudis genus locis frigidis gaudet, in quibus
probè

probè augefcit & faginat. In campeftribus æftu facilè tabefcit & emoritur. Tum pruinis tum glacie perfæpè horridæ oues incedunt; & tamen optimè faniffimeque habent. Lanæ quæ breuioris funt, vultum amabilem admodū & iucundum habent; quæ nonnunquam in media via reftitantes, erecto collo actores fuos & alios quafi admirandæ longo tempore afpiciunt aut intuentur, nullo interim vel metus vel gaudij figno edito. Quæ res multis rifum excutere poffit. Facilè tamen terrentur & in pauorem dantur, adeò vt rapida feftinatione altiffimos fæpè fcopulos afcendant. Quod fi accidit, ne cum iplis profugis argentum quoque pereat, fclopetis ex edito præcipitandæ & decutiendæ fint. Pacos quin etiam vſq; adeò ira incandefcunt interdum, vt cum onere in terram procumbentes, ab ifto loco abigi non poffint, etſi fuſtibus fruſtillatim comminuantur. Hinc in Peru de iis, qui nullorum monitis aut iuffis parere volunt, natum hoc prouerbium eſt; Hic impacatus eſt, id eſt, Pacos æmulatur. Quo dictorio, reo contumaciam exprobrant. Ergò ſi quæ fors iratior ita procubuit, tum cuſtodes eius ſuſcitandæ remedium nullum habent aliud, quàm vt iuxta Pacos confideant, illis abblandiantur, & quocunq; verborum lenocinio deliniant, dum ſponte ſua reſurgant. Quibus blandimentis ternæ interdum horæ conficiuntur. Vitio quodā, ſcabiei ſimili infeſtari ſolent, ex quo perfæpè moriuntur. Id Carache vocant. Contra hoc veteres id remedij excogitarunt, vt ægrotas viuas humo tumultent, ne malum ſerpat longius etiam ad alias. Is enim morbus contagioſus eſt. Harum ouium, qui binas habet, nō inopulentiſ ſibi videri ſolet. Vna plerunq; 6.7. vel pluribus argenti puri Peſis venditur. Quod tamen pretium pro loci & temporis ratione vel minuitur vel augetur.

Cap. XLII.

De Bezoar lapide.

IN omnibus animalibus, quæ Peru peculiaria habet, Bezoar lapis inuenitur, de quo nōnulli autores noſtro tempore integros libros condiderunt. Quos legant, qui tractationem perfectiorem requirunt. Noſtro inſtituto ſatis eſt factum, ſi, vbi lapis iſte inueniatur, ſaltem indicauerimus. Conditur autem in vētriculo antedictorum animalium: aliàs vnus, fæpè bini, interdum terni, nonnunquam & quaterni. Differunt forma, magnitudine, colore. Alij auellanis minores ſunt: alij nucem iuglandē æquant. Hi oui columbini, illi gallinacei magnitudine viſuntur. Vidimus, qui pomum aurantium æquarint. Formam alij exquisitè rotundam, alij oualem, alij latam compreſſamque, alij aliam-exprimunt. Coloris ſunt nigri, cæſij, albi, ſubfului, ſubaurei. In prouincia Xauxa & finitimis Peru aliis,

in diuersi generis animalibus, tam feris, quam cicuribus illi reperiuntur. Ex quibus sunt Guanacos, Pacos, Vicunnas, & Taraguas. His caprarum quoddam genus adiungunt, quas Cipris vocant. De cæteris autem animalibus abundè tractauimus. Guanacos seu oues terræ illius, vt & Pacos, lapides plerumque gestant omnium minimos, colore nigros, quorum nec pretium magnum, nec vis peculiaris medica est. Apud Vicunnas lapides reperiuntur grandiores, vel cæsiij vel cædidi, vel subfului. Hi prioribus præstantiores habentur. Optimi ex Taraguas eruuntur, quorū aliqui admodum magni, colorem ex albo cinerescentem habent. Tum & cortices huius crassiores sunt, Hi maribus æquè ac foeminis familiares sunt. Quæcunque verò animalia hunc lapidem fouent, plerumque sub niue aut super Punas pascua carpunt.

Lib. 10. c. 27.

Memorant Indi à maioribus suis se accepisse, in prouincia Xauxa, & alijs Peruanis locis tum herbas multas, tum venenata plurima animalia degere, quæ aquas vnde potent, & gramina, quæ carpant, contagio suo inficere soleant. Contrà verò herba quoque à natura singularis quæpiam ibi producta est, quæ arcendorum venenorum vim maximam præstat. Hanc herbam solius naturæ folertia & instinctu tum Vicunnas tum cætera animalia apprimè nouerunt: quam auidè quoque mandunt & esitant, vt eius ope contra pascuorum & vndarum virulentiam probè muniantur. Ex ista esitata nobili planta, animalibus Bezoar in ventriculis subnascitur: qui dotem quoque natiuam pròinde retinet, vt tum venena omnia arceat, tum effectus alios mirandos edat. Hæc veterum Indorum sententia cum Plinio quoque facit, qui de feris capris tradit, quod venena nulla noxa aut damno suo depascantur. Nos verò Indorum opinione de primæuo Bezoartici lapidis ortu firmati, porrò ex ipsis quæsiuimus, quī nam fieret, vt, quæ ex Hispania pecudes, ceu capræ, oues, vaccæque venissent, quæque in eadem pascua agerentur, eundem cum Indicis lapidem æqua sorte non nanciscerentur? Qui tum mihi responderunt, non se credere, pecudes Hispanicas quoque de ista herba depasci. Cæterum lapides hos in regno nouæ Hispaniæ cerui quoque promunt, quo tamen loco nec Vicunnas, nec Pacos, siue Taraguas vspiam reperire liceat.

Bezoar lapidis vis princeps est ista, vt venenis & morbis venenatis aduersetur. Etsi de his diuersorum diuersæ sententiæ ferantur. Multi eum pro miraculo habent. Virtus tamen eius, tempestiuè adhibiti, neutiquam temnenda est. In morbo illo Epidemio, per Tauardetten siue Tauardillam passim grassante, auxilij Bezoar lapides plurimum tulere: non æquè autem in Hispania, Italia, nec adeo in ipsa Peru. Vfus illorum præcipuus, in pectoris oppressiōibus, febribus pestilentibus, & alijs contagijs. Triti aut læuigati cum aquis stilitatijs, vino aut aceto, prout morbi natura postulat, & medico visum

sum est, bibuntur. Ipsi ex se nullo sapore donati sunt, sicut Rhazes Arabs testatur. Probationes quorundam memorabiles, faciunt, vt huic lapidi meritò insignes virtutes ascribantur. Bezoar, qui ex India Orientali oliuæ colore afferuntur, præstantissimi sunt. Ab his secundi Peruani. Tertij, ex noua Hispania. Postquam huius lapidis pretium augeri cæpit, aiunt Indos arte hunc lapidem effinxisse. Non desunt, qui rentur, lapides hos æquo aut solito maiores, necessario adulterinos esse. Sed horum error manifestus est. Reperiuntur enim, qui grandiores sunt, optimi: & e contra minores, nauci & inefficaces. Probatio tamen falsitatis index est. Lapidēs hi sæpè ramentis ferreis, aut aciculis, nonnunquam & lignorum fragmentis obuoluti sunt, ita, vt in diffractis illis intus hæc conspiciantur. Qui ob id improbi non habendi sunt. Ista enim cum gramine simul animalcula ingerunt: quibus in ventriculo restitantibus lapis deinde sensim annascitur. In Peru binos vidimus lapides, qui nuculis pineis ceu fundamento adhærescebant. Id spectaculum multis admirationi fuit, qui Pineas nucas antè non viderant. Tantum de lapide Bezoar.

Cæterum ex India lapides quoque alij medicabiles, pro lienis obstructionibus, & matricis torminibus ac hæmorrhagia, & lactis cōcretionē in mulieribus afferuntur. Sunt & alij pro corde roborando. Quæ tamen omnia cum extra classem animalium sint, hoc loco non attingemus. Id saltem hic repetitum volumus, hæc omnia, de quibus hætenus pertractauimus, ad hunc vnum finem referenda esse, vt nobis institutioni sint, quod Deus, sapientissimus rerum omnium conditor, vniuersis orbis partibus dona, secreta & miracula sua, cumulatissimè contulerit. Cui laus & gloria & honor, in secula seculorum,

AMEN.

LIBRI QVARTI FINIS,

NATV.



NATURALIS ET MORALIS
INDIÆ OCCIDENTALIS,
LIBER QUINTVS.

Cap. I.

Diaboli arrogantiam causam Idolatriæ & Superstitionis esse.



AM fastuosa & violenta Sathanæ superbia ac arrogantia semper ab initio fuit, vt pro Deo & numine semper haberi colique postularit, honorem illum, qui soli æterno Deo debetur, sibi proteruè vëdicans & ascribens. Hunc cultum autē apud eos sibi struere annititur præcipuè, quib. sacro sancti Euangelij clarissima lux nōdum apparuit. De scelerata huius præuaricatoris tyrannide ita apud Iobum legimus, quod oculi eius sublimè videant, & inter vniuersos filios superbiæ Rex sit. Perditissima hæc & malitiosissima temeritas eius, qua thronum suum Dei maiestati allocare audet, clarissimè & planissimè in sacra scriptura nobis depingitur, vbi Propheta inquit: Dicebas in corde tuo; In cælum conscendam, super astra Dei exaltabo solium meum: sedebo in monte testamenti, in lateribus aquilonis. Ascendam super altitudinem nubium, Similis ero altissimo. Idem apud Prophetam Ezechielem legimus: Eò quod eleuatum est cor tuum, & dixisti, Deus ego sum, & in cathedra Dei sedi in corde maris, & dedisti cor tuum, quasi cor Dei, &c. Sacrilega hæc cupiditas, vt Deus fiat, vel dum in penitissimis medullis Sathanæ gliscit vigetq;. Nam etsi quidem potenti manu, sua sanctitate penitus exutus, & à Deo ad infernum vsque humiliatus & deturbatus sit, sicut apud citatū Prophetam legere est: Præfractam tamen suam arrogantiam ne dum omnino posuit, sed quacunque occasione potest, vetera vulnera vlscisci satagit, & velut rabidus canis, gladiū, quo sauciatus est, morsibus impetit roditq;. Nam qui Deum oderrunt, eos superbia pertinaces tenet, sicut in Psalmis scriptum est. Hinc porro & cupiditas illa pullulat, quam hostis Dei in principio habuit, vt nimirum ab hominibus pro Deo ipso coli adorariq; velit. Quam in rem obtinendam infinitis superstitionibus hominū securas mentes hactenus miserè excæcauit, tantaque sub iugum suum tyrannide mundi

Iob. 41. v. vlt.

Isa. 14. v. 13.
& 14.

Ezech. 28.
v. 2.

Psalm. 37.

mundi partem ferè maximam dedit, vt Deo ex electo suo populo Israël vix angulus aliquis superstes manferit. Postea verò, cum victoriosa Euangelij voce pessundatus arma nefaria perdidisset, & regnis suis præcipuis, quæ violenter occupata, diu tenuerat, expulsus esset: tum in abiectissimas terras & loca Barbaricis hominibus plenissima furtim irrepens, cæpit omnes vias modosque comminisci, quibus mendacia sua & Idololatriam postliminiò obtruderet, iam in sancta Ecclesia, à Christo ex omnibus fidelibus collecta & constituta, turpiter exactam & explosam. Cum ergò, vt dictum est, ex præcipuis mundi partibus se iam turpiter relegatum sentiret: callidus perplexator mundi alteram partem inuasit & occupauit. Quæ etsi repurgatâ, nobilitate inferior sit: tamen & latitudine & longitudine eadem longè maior existit.

Quibus verò ex causis tanto nisu & tot technis in disseminanda illic idololatria sua laborauerit Sathanas, id non obscurum est. Duos enim præcipuè impulsus habuit. Primus innata illius superbia est. Nam sacrilega impudentia vel ab ipso Christo, Dei filio, postulare ausus est, vt is ante se procideret & adoraret. Ad quam inauditam arrogantiam, quis pius non exhorresceret? Ideò non mirum est, si idem impudens impostor, à simplici quoque popello, vt adoraretur, poscere sustinuit. Alter impulsus, quo ad condendas superstitiones actus est, hic est, quod irreconciliabili odio aduersus genus vniuersum humanum æstuet. Nam, vt ipse saluator noster testatur, Sathanas ab initio homicida est; quæ malitiæ eius compendiaria designatio est. Cui cum compertum sit, hominum hanc infirmitatem esse, vt facili persuasione ad defectionem à Deo, & Idolorum creaturarumque adorationem compelli possint: ideò ad excitandas in ipsorum animis Idolomanias machinator indefessus est, vt hoc pacto Deum homini infensum & iratū reddat. Superstitionibus enim & Idololatria duo grauissima peccata, quæ Deus ex animo odit, cōmittuntur. Primum est, quod Idololatræ à Deo creatore suo turpiter deficiunt: sicut scriptum est: Deferuistis me creatorem vestrum. Alterum est, quod eo cultu homines se rei multò viliori & abiectiori, quam ipsi sunt, subiiciunt: siquidem omnes creaturæ, homine inferiores sunt. At licet secundum perfectionem suam, quam sub angeli forma habebat, ipse olim Lucifer homine multò sanctior & nobilior fuerit: iam tamen postquam à perfectione sua degener factus est, homine infinitis modis abiectior est, adeò, vt cum eo, ne quidem vlla parte conferri possit. Homo enim vitæ æternæ hæres est: ad quam lucifugæ illi ne quidem aspirare licet. Ita ergò idololatriâ honor & gloria Dei multis modis euertuntur: ipsiq; homines de salute sua decipiuntur: diabolo interim superbia, odio, ambitione & liuore crepante.

Cap. II.

Quam varia olim Indorum superstitiones fuerint.

Sap. 14.



DOLORVM cultura, vt spiritu Dei actus sapiens testatur, omnis mali causa est, & initium & finis. Hinc iuratus ille humani generis hostis tot & tam diuersas idolomantias humanis cordibus instillauit ac infudit. Nam qui superstitionum omnia genera excogitata in medium afferre velit, næ is infinitum opus omnino aggredererur, suis viribus longe maius. Veruntamen, si in generalia quædam capita conferantur, illarum genera præcipuè duo erunt. Vnum earum rerum est, quæ à natura verè existunt. Alterum est hominum figmentis excogitatarum. Primum genus in duo diuiditur. Nam aut, quæ generalia, vulgata & passim nota sunt, adorantur, vt Sol, Luna, Ignis, Terra & cætera Elemēta: aut res etiam singulares, vt flumina, fontes, arbores, montes, quorum cultus specialis est. Huiusmodi superstitio in Peru nimiooperè viguit, quam Guala dixerunt. Alterum genus, quod rerum imaginariarum est, suas & ipsum differentias habet. Alia enim ab arte & ingenio hominum sunt, vt idola lignea, saxeæ, aurea, quæ aut Mercurij aut Palladis, aut similibus nomina acceperunt, qui tamen nisi sculpti aut picti in rerum natura nusquam extiterunt. Alia eorum sunt, quæ aliquid fuerunt, & adhuc sunt, nec id tamen, quod superstitiosus adoratione sua indicat, cuiusmodi sunt mortui, & res similes, quas homo ex mera vanitate adorat. Ac ex his iam liquere arbitror, quot genera superstitiosorum cultuum Ethnici habuerint: de quibus deinceps ordine pertractaturi sumus.

Cap. III.

Indos veri Dei quandam notitiam habuisse.

ETSI tenebræ quidem incredulitatis, animos mentesque gentis Indicæ miserè obscurarint: ipso tamen naturalis rationis lumine cognouerunt, supremum aliquod numen, & rerum vniuersarum creatorem aliquem existere. Hunc Peruani Viracocha nominarunt. Aliàs ipsi nomina quoque sublimiora indiderunt, vt Pachacamack siue Pachayachachik, id est, Creator cæli & terræ. Item, Vsapu, hoc est, mirabilis, & si quæ alia nomina Dei sint honoraria. In cælum oculos erigentes, Deum honorant adorantque: quam consuetudinem Mexicani & Chinenſes adhuc seruant. His non absimile illud est, quod in actis Apostolorum de diuo Paulo legimus, qui Athenis aram inuenit, Ignoto Deo inscriptam. Vnde ad popu-

Act. 17.

populum concionandi occasione sumpta dixit: Hoc, quod ignorantes colitis, annuncio vobis. Idem hodiè faciunt, qui sanctum Christi Euangelium Indis annunciant. Credere autè non admodum difficile est Indis, quod Princeps aliquis Deus & rerum omnium Dominus existat, & quod is Christianorum Deus reuera sit. Et hanc quidem notitiam de Deo etsi quidem gentes diu aluerint in India, in parato tamen ne vocabulum vllum habuerunt, quo Dei proprietatem definirent. Et si vniuersa Indicæ linguæ nomina euoluamus, ex omnibus tamen ne vnicum inueniemus, quod Deo genuinū sit æquè, ac apud Latinos est Deus, apud Græcos ^{Zeus}, apud Hebræos El, apud Arabes, Ala. Idque tam in Cusco, quàm Mexico. Ideoque hodiè Hispanicum vocabulum Dios imitantur, illud definiunt ac explicant per proprietates Indicorum idiomatum, quorum frequentia & varia sunt.

Ex quo colligi potest, quàm leuem & superficialiam Dei cognitionem habuerint, cum illum ne nominare quidem, nisi vocabulis nostris nōrint: etsi de eo aliquātum verbis discurrere interdum possent. In Peru etiam ditissimum & speciosissimum templum condiderant, quod Pachamack nominabant, & ipsum pro re in regno isto omniū facerrima colebant. Pachamack verò ipsis idem designat, quod nobis Creator. Et tamē nihilominus vanis & irritis superstitionibus in isto templo diffuebāt, Deiq; creatoris loco fœdam Cacodæmonis imaginem adorabant. Suo quoque Viracochæ ibidem victimas offerebant, locumq; istum ex domibus precatoriis Regum Ingarum supremum & facerrimum æstimabāt. Quin & Hispanos Viracochas idè nominabant, quod eos pro Dei filiis haberēt; æquo modo ac alij Paulum ac Barnabam pro diis olim colebāt, & hunc Iouem, illū Mercurium nominabant, in quorum honorem, iam etiā sacrificia adornaturi erant. Idem Barbari quoq; in Malta factitabant, cum serpentem diuo Paulo noxium non esse aduerterent; quem ob id Deum esse exclamabāt. Porro, vt in nullo dubio est, quin supremus aliquis dominus ac Rex cælorum atque terrarum existat, sicut id vel gētes, etsi superstitionis & Idololatræ, in cordibus suis agnouerunt, velut id apud Platonem, Aristotelem, Asclepium, Homerum & Virgilium videre licet: sic concionatoribus Indicis in principio difficile admodum non fuit, vt Deum aliquem esse, Indis persuaderent, etsi nationes quidem omnes, ad quas verbum edebatur, Barbaræ ac pecuinæ essent. Sed in id magnus labor impendendus erat, vt docerentur & cōfirmarentur, Deum saltem vnicū esse, sine cuius vnus voluntate cætera vniuersa nihil quicq; essent, nihil agere ac moliri possent, nec in seipsis quidem consistere possent, vllō modo, nisi à primo creatore suo Deo diuina benedictione vegetarētur & firmarētur. Hæc ipsis seriò & indefinenter inculcanda, & cōtrariæ opiniones efficaciter diluendæ erant, dum vnū Deum adorarent tandē, ac aliis fictitiis diis nuntium mitterent, nec eos in posterū suis necessitatibus & votis auxiliares sollicitarent.

Cap. IV.

De primo superstitionis genere, quod fiebat rebus naturaliter existentibus.



OST Viracocham, id est, summum Deum gentes Solem præcipuè veneratæ sunt & adorauerunt. Ab hoc etiam res alias, cælis & elementis cognatas, vt Lunam, Venerem, Mare & Terram. Post Viracocham & Solem Ingæ, tertium Guaca siue cultum Tonitru præstabant, cui tria nomina indebant, Chuquilla, Caruilla, & Intillapa, tonitrumque virum esse fingeant, qui in cælo staret instructus funda, & cuius in manibus ac potestate essent, pluiæ, grandines, fulgura & tonitrua, quæ omnia pro nutu & arbitrio suo moderaretur. Et hæc superstitio, omnium in Peru Indorum, animos occupauerat, adeò, vt Tonitru frequenter sacra facerent. In Cusco Metropoli sacrificijs in Solis honorem datis, mactati infantes quoque offerebantur. Tria hæc fictitia numina, Viracocha, Sol & Tonitrus à diuersis diuersimodè (vt Polus commentatur, qui se rem suis oculis vidisse ait) colebantur. Adoraturi, rem quampiam Chirothecæ similem, manibus tenentes, in altum porrigebant. Sed & Terram adorabant, Pathamamam ipsis vocatam, sicut olim veteres Deam Tellurem quoque venerati sunt. Mare verò Mamacocham appellabant, quod veteres sub Thetidis aut Neptuni nomine complexi sunt. Porro autem & Iridem, quam cum duobus exporrectis anguibus Ingæ pro insignibus habebant, venerati sunt. Ex stellis Colca, quem nos Cabrillas siue Capellam vocamus, inuocant. Et stellis quidem alijs hoc, alijs aliud munus iniungebant: quæ deinde singulæ à singulis adorabantur, prout cuiusvis necessitas poscebat. Ouium pastores stellam Vrcuchillay adorabant, quam arietem varijs coloribus interstinctum fingeant, cuius hæc vnica esset cura, vt custodiret pecora. Hæc putant id astrum fuisse, quod Astrologi Lyræ nuncupant. Præter has duas etiã alias inuocabant, Catuchillay & Vrcuchillay vocatas. Prætendebantque alteram ouem, alteram agnum esse. Sunt qui stellam aliã Machacuay venerarentur, serpētibus imperantem: à quibus hoc pacto se tutos fore persuasum habent. Iterum aliam stellam Chuquichinchay, id est, tigrem vocatam adorant, quam tigribus, vrsis ac leonibus imperantem faciunt. Nullum vsquam animal, tam quadrupes quàm volatile in terra existere credeant, cuius idea ac simulachrum in cælo non splenderet, vnde simile in terris suam generationem & accretionem seu multiplicationem acciperet. Itaque cum diuersissimis stellis ipsis res erat, quas Chacana, Topatatca, Mamana, Mirco, Miquiquiray & aliter nominabant: adeoque cum Platone, vbi de Idæis tradit, apprimè cōsentiebant. Mexicani post supremum Deum & creatorem, Solem adorant. Hi Ferdinandum Cortes (sicut ipsemet scripto

scripto ad Imp. Carolum V. edito recenset) Solis filium nominarunt, propter potentiā & miram agilitatem, quā vniuersam terrā simul inuassisset & occupasset. Nihilominus tamē Idolū Vitzliputzli omniū deuotissimè venerantur, quem totius mundi summum dominum habent, vt qui vniuersa cōdiderit pariter, & eadem perpetuò summa prouidētia sustentet & gubernet. Cuius in honorē cultumq; templū in Mexico augustissimum extructū erat. Illius magnitudo, eminētia, pulchritudo & præstātia cum opere quouis certare poterat: sicut rudera, vel dum hodie in ciuitate Mexico conspicua, id apertè testātur.

Mexicanorum idolomania longè tetrior erat Ingarū, sicut deinceps clarius tradetur. Ea rerum merè erat fictitiarum, nō ex se naturaliter subsistentiū. Istis peculiare operationes assignabant, vt pluuias, pecora, bella, rerumq; generationem & multiplicationem. quo fine Græci quoq; ac Latini quōdam Phœbum, Mercurium, Iouē, Mineruam ac Martē colebant. Hæc ergo si quis accuratius inter sese cōferat, is pol videbit, eodē planè modo Sathanam Indos excæcasse ac demētasse, quo olim Græcos, Lat. & gentes cæteras priscas in fœdas superstitiones præcipitauit. His enim callidus veterator persuadet, Creaturas, vt Solem, Lunam, stellas, Elementaq; vim potentem & insignem habere, qua hominibus vel noceant, vel prosint. Verum elementa in vsus & seruitia hominū primo condita sunt. Quibus se tamē homines cum non accōmodare possent, altera parte Deo sapientiores esse voluerunt; altera verò creaturis se lōgè vilioribus & contemptiorib. abiecerunt. Opera siquidē creatoris venerationis cultu prosequētes, Creatorē ipsum supinè præterierunt & neglexerūt, sicut id vir sapiens oppido perspicuè explanauit, dū dixit: Vani sunt omnes homines, in quibus non subest scientia Dei, & de his, quæ videntur bona, non potuerunt intelligere eum, qui est, neq; operibus attendentes, agnouerunt, quis esset artifex. Sed aut ignē, aut spiritum, aut citatum aërem, aut gyrum stellarum, aut nimiam aquam, aut Solem, & Lunam, rectorēs orbis terrarum Deos putauerunt. Quorum etsi specie delectati, Deos putauerunt: sciant, quantò dominator eorum his speciosior est. Speciei enim generator hæc omnia constituit. Aut si virtutem & opera eorum mirati sunt: intelligant ab illis, quoniam, qui hæc fecit, fortior est illis. A magnitudine enim speciei & creaturæ cognoscibiliter poterit creator horum videri, &c.

Hæc ipsissima verba libri sapientiæ sunt: quæ efficacissima nobis argumenta & pondera contra idololatrias, qui maiori cultu creaturas quā ipsum creatorem (sicut D. Apostolus ipsis exprobrat) venerātur, subministrant. Sed cum hæc vniuersa concionibus, ad Indos habitis, & contra superstitionem eorum scriptis, abundè satis explanentur: nostrumq; institutum in hac materia non versetur: ideò longiorem rei deductionem hoc loco superuacaneam existimamus. Hoc saltem velut obiter & summatim indicatum volumus, quod summi

creatoris & fictitiōrū Idolorū inuocandorū Indi Græciq; vbiq; eundē omnino modum tenuerint. Indi tamen præ Græcis Viracocham quoq; , ac Solem, stellāsq; & cæteros Guacas venerati sunt. Iidē complofis manibus, labijsq; vibratis tacitum murmur edebant, quolibet priuatim id, quo maximē egeret, erogante. His & sacrificia addebāt. Etsi verò voces, quibus Ticciuiracocham, cui vni omnē potentiam & rerum moderationem assignarant, alloquebantur, variæ & discrepantes essent: cætera tamen omnia Idola, velut particularia, à quouis domi suæ seorsim & condebantur & colebantur, vt velut interpellatores apud Magnum Ticciuiracochā intercederēt. Hæc Idololatrias genera, quæ manuum exporrectibus, exosulationibus, & gestibus alijs perficiebātur, à diuo Iobo præcisè tacta sunt, dicente: Si vidi Solem, cum fulgeret: & Lunam incedentem clarè? Et lætatum est cor meum in abscondito, & osculatus sum manū meam, ore meo? Quæ est iniquitas maxima, & negatio contra Deum altissimum.

Cap. V.

De superstitionibus in rebus singularibus commissis.



T s i diaboli seductio ista, qua Indos ad Solis, Lunæ, stellarum, terræ, marisq; ac cæterorū generalium adorationem pepulit, satis grādis & nefaria esset: his tamen patratis non contentus, superstitiones etiā plures inuexit, ita, vt res quoq; viliores & contemptiores, nonnunquam etiā ipso aspectu horrendas ac foedissimas homines infani venerari occiperent. Quæ simplicis istius Barbaræq; gentis leuitas ijs excusabilis quidē videri posset, qui recordātur, ipsos quoque mundi sapientes Philosophosq; , qui (vt Apostolus testatur) „ Deum esse apprimē norāt, in cogitationibus suis vanos factos fuisse, „ & digno honore Deum vnum verumq; nō coluisse. Cum se sapientes putarent, stulti facti sunt, & mutauerunt gloriam incorruptibilis „ Dei in similitudinē imaginis corruptibilis, hominis, & volucrum, & „ quadrupedum, & serpētum. Enimverò nimis quā verè notum est, quod Ægyptij Canem, Osiridem, Vaccam Isidem, Arietem Amon: Romani verò Deam Febrim: Tarpeiani anserē, Athenienses Gallinæum coruumq; , & res similes putidas, quibus omnes Ethnicorum libri confarcti visuntur, quasi diuino cultu venerati sint. Imo eo vsq; insanix tandē coniecti homines fuerunt, vt vel supremi vniusq; veri Dei legibus quasi dedita opera recalcitrarēt & malitiosè aduersarentur: sicut id Athanasius contra Idololatrias perspicuè docuit. Peruani verò in super etiam fluuios, & fontes, rimasq; saxorum, rupes grādiore, mōtes, horumq; fastigia, Apachitas vocata, adorauerunt. Quam suam religionē comprimis etiam sanam existimauerunt. Et vt compendio dicam, res naturales promiscuè vniuersas, quæ singulare quid habebant, venerati sunt, affirmantes, in ijs quid diuinum esse.

Apud

Apud Caxamalcam in Nasca, strues arenarum nobis maxima quæpiam commōstrata est, quam rem diuinissimam arbitrati sunt, & coluerunt olim. Cum verò rogarem, ecquidnam ibi diuini esset: responderunt, grande miraculum esse, montem illum ex mero sabulo in tantam altitudinem surrexisse, cum tamen in omni eius ambitu montes ex puris faxis surrigerentur. In ciuitate de Los Reyes tempore quodam campanam fundebamus. Sed ligno deficiente, arborem quandam detruncabamus, quam propter magnitudinē suam & ætatem Indi diu adorauerant. Ita, quidquid insolens rarumque erat, etsi fœdum interdum monstrosūque appareret, cultu diuino venerati sunt, existimantes, quia quid singulare haberet, diuinitatis omnino alicuius particeps esse. Et hunc honorem præstabant lapidibus, Metallīs, radicibus, & terræ fructibus, quos Papas nominabant. Horum, qui formæ aut speciei peregrinæ erant, eosdem tum adorabant, tum deosculabantur, & Illallakwas vocabant. Quinimo bruta quoque, vt Vrsos, Leones, Tygres & Serpentes, ne ipsis damnum darent, venerabantur. Aliquō profecturi, tum aut veteres calceos, aut plumas, aut mansam Cocam (cuius magna ibi copia est) in viarum diuarcationibus, vel in montanis, ac eorum fastigijs, quæ Apachitas nominant, dispergebant. Illis fors destituti, ad minimum tamen biuiis lapidem imponebant, qui instar sacrificij esset, iuxtaque deitineris felicitate & incolumitate vota faciebant: quorum tunc pro somnio suo compotes quoque reddebantur. Et hæc in concilio quodam prouinciali Peruana ita enarrata fuerunt. Sacrificiorum huiusmodi in vijs integræ persæpè strues positæ reperiuntur. In hanc superstitionis insaniam vetus detortum prouerbum esto: Sicut qui mittit lapidem in aceruum Mercurij: ita qui tribuit insipienti honorem. Sicut enim Mercurius lapidum vim non sentit: sic insipiens non attendit aut curat beneficia sibi præstita.

Con. Limenf.

2. p. 2. 6. 99.

Proverb. 26.

“

Mirum est id sacrificium, quod instituunt in superciliorum depilationibus. Illa enim crinibus nudant. Euulsos crines nōnunquam Soli, interdum montibus seu Apalchitis, aliquando etiam ventis, ac rebus alijs, quas metuunt, sacrificio offerunt. Hac in cæcitate tam enormi Indi quondam obduruerant: Et simili vel nostro tempore plures percussi existunt, qui Sathanæ filij ad quasuis nugas & fabulamenta credenda præcipitantur, sicut huius in quadam Epistola D. Hieronymus meminit. Diuini verbi præcones autem, qui Indos de rebus salutem æternam concernentibus instituturi sunt, laboris in id multum conferre debent, vt eos à tam crassis & fœdis erroribus, æternam damnationem secum trahentibus, fideliter abducant, & de via vera rectaque efficaciter commonefaciant. Verum quidem est, ex rebus creatis corporeis omnibus, nullū Sole efficacius & speciosius aut præstantius existere. Quæ causa etiam ab vniuersis gentibus præ cæteris adorabatur. Et tamen Capitaneus quidam nobis recensuit,

fuit, quod ab eius adoratione Indos leui persuasione auocarit aliquando, vt illum deinceps non pro Numine aut Deo, sed Dei saltem creatura habuerint. Id hoc modo contigisse narrabat. Capitaneus aliquando Caçiquen siue loci primatem rogauerat, vt cursorem Indum aliquem conduceret, qui literas suas festinò aliquò proferret. Gratificatus petitioni illico Caçique est. Ex hoc ergò Capitaneus his verbis percontatus est: Quis iste dominus ac primas Indiæ est, qui tanta celeritate cursorem ferendis literis præstituit. Ego sum, respondit Caçique. Nam cui id equidem mandati dedi, nihil quicquã aliud agit, quam vt mihi morem præstet. Optimè, respondit Capitaneus. Et omnino eadem Solis quoque, nobis vniuersis conspicui, ac ipsius Dei creatoris est ratio. Sol enim non nisi minister est sui creatoris, cuius vnius iussu tanta rapiditate voluitur & rotatur, vt lucem omnibus terris præbeat, nunquam fatigabilis, nunquam viæ pertæsus. Ex quibus, inquit Capitaneus, iam intelligere potestis, quæ hæc infania aut fatuitas sit, quod Soli eam laudem honoremque assignetis, qui vni eius & rerum omnium creatori debetur. Hic Capitanei sermo Caçique apprimè probabatur, adeo vt cum astantibus omnibus diceret, ita reuera rem se habere, & de hac institutione Capitaneo gratias ageret. Sed & de Ingarum quodam viro prudente & sagace affirmant, cum dixisse aliquando, Solem aut Deum esse, aut esse posse, sibi verum non apparere. Deum enim potentem esse dominum, qui magna mansuetudine & lenitate opera sua faciat. Contrà autem, Solem nunquam quiescere, sed moueri assiduo. Quasi dicturus fuisset, Rem tam irrequietam, Deum esse nullo modo posse. Qua opinione non intempestius fuit.

Indis si quis recenset, quàm miserè à Sathana seducti & excæcati fuerint, & eos simul de recta via erudit: id & cum gratiis agnoscunt, & in veritate se erudiri placidissimè ferunt.

Cap. VI.

*De alio superstitionis genere, quod in defunctis
admittunt.*



Ep. 14. v. 11.

ED & defunctos illos, quos viuos præ cæteris amaue-
rant, gentes adorationis cultu veneratæ erant. Quod
ipsum, sapiente attestante, primum fœdæ superstitionis
initium fuit. Inquit enim: Propter hoc & in idolis
nationum non erit respectus: quoniam creaturæ Dei
in odium factæ sunt, & in tētationem animabus ho-
minum, & in muscipulam pedibus insipientium. Initium enim for-
nicationis est exquisitio Idolorum: & adinuentio illorum, corruptio
vitæ est. Neque enim erant ab initio: neque erunt in perpetuum. Su-
peruacuitas enim hominum hæc adinuenit in orbem terrarum, &
ideo

ideo brevis illorum finis est inuentus. Acerbo enim luctu dolens pater, citò sibi filij rapti fecit imaginem: & illum, qui tunc quasi homo mortuus fuerat, nunc tanquam Deum colere cepit, & constituit inter seruos suos sacra ac sacrificia, deinde interueniente tempore, conualefcente iniqua consuetudine, hic error tanquam lex constitutus est, & tyrannorum imperio colebantur figmenta. Et hos, quos in palam homines honorare non poterant, propter hoc quod longè essent, è longinquo figura eorum allata, euidentem imaginem Regis, quem honorare volebant, fecerunt, vt illum qui aberat, tanquam præsentem colerent sua sollicitudine. Prouexit autem ad horum culturam & hos, qui ignorabant, artificis eximia diligentia. Ille enim volens plus placere illi, qui se assumpsit, elaborauit arte sua, vt similitudinem in melius figuraret. Multitudo autem hominum, abducta per speciem operis, eum, qui ante tempus tanquã homo honoratus fuerat, nunc Deum æstimauerunt. Et hæc fuit vitæ humanæ deceptio: quoniam aut affectui, aut regibus deseruiētes homines, incommunicabile nomen lapidibus & lignis imposuerunt. Hæc ad verbum ex libro Sapientiæ, diligenter ab omnibus expetenda, hæcenus à nobis descripta sunt. Ceterũ, si quis diligentius rem ipsam trutinat, is reipsa, defunctorum imagines omnino causam & principiũ fornicationis (vt sapiens loquitur) extitisse comperiet. De creaturarũ autẽ, vt Solis, Lunæ, aut aliorum cælestium corporum, quorum apud Prophetas passim mētio fit, adoratione, non satis constat, quo præcisè tempore cæperit. Hoc saltẽ notum est, quod in Solis, Lunæ ac Terræ honorem idola condita & erecta fuerint. Sed ad Indos nostros iam reuertamur: quorum superstitio (vt S. Scriptura loquitur) ad extremum venit. Hi in principio Regum ac dominorũ suorum cadauera asseruare satagentes, eadem citra corruptionẽ vltra 200. annos custodiuerunt. Et hoc modo, singuli Ingarum Regum in Cusco, suis sacellis conditi, asseruabãtur. Ex quorum tamen numero Vicerex, Marchio de Canninge, tria vel quatuor cadauera auferens, superstitionis tollẽdæ & excindendæ gratia, eadem in ciuitatem de Los Reyes transferri curauit. Plurimis autem ingenti id admirationi fuit, quod cadauera ista, iam à tam multis annis aut seculis nullam putredinẽ aut corruptionem subijsent. Solebat autem quilibet Ingarum sacello illi, in quod condendus erat, vniuersa sua bona, redditusq; ac thesauros legare, & in sacelli ministerium seruos ac famulas ordinare. Vni defuncto, qui Rex successor fiebat, antecessoris sui bona non attingebat, sed pro se suisq; noua subinde bona colligebat. Indi verò defunctorum cadaueribus non contenti: idolum seu statuam insuper, quam adorarent, faciebant. Et Regum quilibet, vel dum in viuis agens, lapideam sibi excindi statuam curabat, quam Guaoiqui, id est, Fratrem appellabat: cui erectæ, rege adhuc viuente tantum honoris & venerationis assiduò impendebatur, quantum Regi ipsi, cuius Idolum esset. Easdem

Ec statuas,

statuas, in bellum egrēdientes, secum efferebant: easdem in processionibus quoque circumferebant. His dies festi & sacrificia fiebant ab Indis, hoc cultu commodas pluuias & rerum felix incrementum sibi pollicentibus. Statuarum verò harum in regno Cusco quam plurimæ colebantur: quarum partem maximam Licentius Polus demolitus abrogasse dicitur. Is enim Sacellum Ingarum Roca, quod quasi Caput in Hanon Cusco erat, euertit ac vastauit.

Cap. VII.

De aliquodam superstitionis genere, defunctos attinente.



NDI, qui in Peru habitant, animas hominum immortales esse, ac pios vitam æternam, impios autem æternam damnationem manere, credunt. Ideoque ad huius articuli fidē accipiendā adduci facillè possunt. Corpora verò vnà cū ipsis animab. aliquādo resurrectione esse, omnino ignorabāt. Ideo diuturno admodum tempore asseruandorum corporum, tantam curam gerebant. Posterius suos defunctos vestibus induere solebant, & iisdem iugiter sacrificia præstabant. Id Ingis potissimum fiebat. Horum, si quis aliquando terræ mandabatur, maximus tum coniugum tum seruorum numerus defunctos pari fato comitabantur, vt his in altera vita à ministerijs essent. Ingis diem obeuntibus, vniuersæ eorum coniuges, ac officarij, seruique & famuli vnà occidebantur, vt suctis officijs etiam in altera vita Regi suo desungerentur. Cum Guanacapa (is Atagualpæ parens erat, quo regnante Hispani primū in Peru ingressi sunt) fati cessisset, eius causa vltra 1000. promiscuæ ætatis ac conditionis homines, vnà occidebantur, qui ipsi satellites ac ministri in seculo futuro seruirent. Priusquam cæduntur, potionis quodam genere ebrij redduntur, vt quasi cantillando emoriantur. Qui hoc genere mortis obeunt, sortem sibi longè felicissimam obtingere persuasum habent. Nonnulli liberos quoque suos mactant, quorum deinde cruore defunctos illinunt, maculam seu lineam ab vna aure ad alteram per transversam faciem ducentes. Sed & alijs quondam Nationibus barbaris detestandus iste tum viros tum foeminas mactandi mos solennis fuit: vnum hunc ob finem institutus, vt comites, ministri ac famuli in altera vita illi præsto essent, qui viui ipsis chariores fuissent. Quam consuetudinem plurimi vel dum tenent, quæque, vt Polus scriptum reliquit, per vniuersam propè Indiā vsitata admodum & familiaris fuit. Præterea, reuerendus quoque vir Beda, commemorat, Anglos etiam priusquam Christo nomen dedissent, eundem hunc ritum familiarem habuisse, mactatis hominibus defunctos demerendi, vt sua nimirum ministeria necessaria in altero seculo parata haberent.

De Lusitano quodam cui aliquando teli iactu oculus elisus erat, rem ridiculam narrat. Is, vbi cum defuncto hero suo maectandus esset, prætendit, monoculum se in altero seculo domini sui apud alios existimationem non admodum aucturum & asserturum, sed ei potius dedecori futurum esse. Sibi ergo consultum videri, vt pro se alius, qui binis oculis nitentem faciē haberet, in domini ministeria mitteretur. Quod consilium cum & ipsis Barbaris illico salutare visum fuisset, dimisso Lusitano maectandum alium elegerunt, qui vtriusq; oculis sanus esset. Cæterum præter hanc superstitionem, qua defunctorum gratia viuos homines maectabant (id quod primatibus tantum contingit) alia quædam generalior & inculpator apud eosdem inualuit, vt in defunctorum tumulos tum cibos tum potus collocarent, quibus eos victitare & sustentari persuasum habent. Eadem consuetudo, testante diuo Augustino, etiam apud antiquos vsitata August. in Epist. 64. fuerat: quam nonnullorum Indi præfractè etiam hodiè tenent: qui defunctos tumulis furtim iterum eximunt, & eosdem aut in specus montanos, aut domos proprias recondunt. Quinimo mortuis quoque argentum in os manusque ac sinus imponunt, ac duplici veste cadauera induunt: siquidem persuasum habent, defunctorum animas passim oberrare, & varias affectiones, frigoris, inedia, sitisque ac dolorum perpeti. Qua causa etiam quotannis vigilias & supplicationes ordinarias instituunt: & defunctis tum cibos, tum potus, ac vestes necessarias subinde conferunt. Hinc etiam factum est, vt præsules in Synodis habitis, serio sacerdotibus mandarent, ne aliud Indis, suis concionibus proponerent, quam quod ea sacrificia, quæ sepulchris imponerentur, non pro animabus, sed pro solis pauperibus aut ministris facerent: quod itidem solus Deus animas in altero seculo sustinet, & quod nullo corporeo cibo potuue ibi opus habeant. Quibus in momentis plurimum situm est, vt de ijs probè informentur, ne rerum illarum consuetudine in Ethnicismum reuoluantur, sicut id è multorum exemplis videre est,

Cap. VIII.

Quibus ceremoniis Mexicani ac gentes nonnullæ ceteræ erga defunctos vtantur.



OST QVAM de Peruensium ac aliorum consuetudine, suos mortuos tractandi nonnihil recensuimus: iam quoque deinceps, quam pomposa superstitione. Mexicani mortuos humare assueuerint, nonnihil commemorabimus. Hi peculiare sacerdotes alebāt, qui defunctis tum sepulturam, tum Exequias accurabant. Mortui autem in fundis proprijs iuxta domos suas sepeliebantur. Nonnullos in montanis humabant, & sua ibidem sacrificia præ-

stabant. Alij defunctorum cadauera exurebant, cineresque collectos in templum condebant. Omnes verò in vniuersum cum suis vestimentis, ornatibus ac clenodijs tumulis subdebantur. Combustorum verò cinis cum ornamentis omnibus in ollas inditus conferebatur: ad quas deinde exequiæ, responsum modo fiebant, cadaueribus interim in sublime aliquoties elatis. Rituum huiusmodi plurimos agitabant. In tumulis tum comedebant, tum perpotabant. Quod si defunctus opulentior ac honoratior esset, quicumque in sepeliendo eo non nihil operæ impendissent, hi vestibis donabantur. Mortuus autem, primo in cubiculum quoddam exporrectus locabatur. Ad hunc deinde omnes ex omnibus locis cognati amicique ingressi, donaria conferebant, extinctumque non secus ac viuum alloquebantur & salutabant. Regibus verò aut magnatibus defunctis sclauo offerebantur, qui in futuri seculi ministeria cæsi cum domino suo tumultabantur. Sed & horum ordinarij sacerdotes simul occidebantur. Suus enim cuique domino domi sacrificus est, qui ceremonias & ritus suos peragat. Sed & aularum magistri, & pincernæ, & Eunuchi, qui dominis frequentius à ministerijs erant, eadem sorte conficiebantur: ut & interdum horum qui fratres erant. Et hæc omnia maioris pompe gratia fiebant. Et, ut compendio dicam, quoscunque viui domi aluerant, hi cum defunctis mori cogeantur, ut easdem dominis suis in altero quoque seculo operas præstarent, ne qua fors re aut commoditate illi ibidem destituerentur. Eodem fine etiam vnà cum defunctis tot thesauros, auri, argentiue, ac gemmarum, & armillarum, vno tumulo consepeliebant. Eadem similiter etiam fiebant, dominis in pyra crematis: quorum dein cinis magna & illustri solennitate defodiebatur. Exequiarum tempus dierum decem spatium durabat, quibus omnia lugebant, & threnis personabant. Mortuos ipsi sacerdotes efferebant, & ceremonias eas peragebant, quas quisque postulasset. Nam horum modi infiniti erant. Bellorum duces defuncti, suis trophæis ornabantur, quæ cadaueri præferebantur usque ad locum sepulturæ destinatum. Processum autem sacerdotes ac sacrifici condecorabant, vestibis ac ornamentis peculiaribus amiciti. Horum nonnulli thura adolebant; aliqui cantabant, hilamentabile quidpiam fistulis inflatis edebant: nonnulli tympana lugubria pulsabant: quem strepitum deinde cognati & amici clamoribus & eiulatibus additis augebant. Qui rei sacræ præerat sacerdos, imagine quadam, quæ defunctum exprimebat, cinctus erat. Cremando in locum pyræ perducto, eius vniuersa insignia ex serie in terram suffigebantur, quæ aridissimis lignis subinde iniectis, vnà cum defuncto postea exurebantur. Quo factò, sacerdotum quidam Cadæmonis veste, quæ quoquo versum foraminibus & oculis specularibus conspicua erat, indutus prodibat, manibus baculum gerens, quo superciliosè quasi cum indignatione quadam cineres subigens,

gens, aspectu horrido astantibus vniuersis timorem quendam incutiebat. Sed idem nonnunquam alia quoque veste amicitus prodibat, prout defuncti ratio aut conditio poscere videbatur. Sed hæc hactenus de superstitionis Indorum exequijs dicta sufficiant. Iam autem ad propositum nostrum reuertamur.

Cap. IX.

De quarto & postremo superstitionis genere, quod Indi comprimis Mexicani, imaginibus & statuis cultis committebant.



TSI prænominatis superstitionibus, quibus Dei creaturæ adorantur & coluntur, Deum creatorem grauissimè offendi certissimum sit: comprimis tamen eam abominationem spiritus Sanctus, perfectè execratur, qua imagines ac Idola, ex lapidibus, lignisve ac ære ab ipsis hominibus condita & facta, nec quicquam præter nudam vmbra habentia, venerationis cultu homines prosequuntur. Hoc qui faciunt, à Sapiente infelices nominantur, dum inquit: iustè infelices haberi, & inter mortuos spes illorum esse, qui appellauerunt Deos opera manuum hominum, aurum & argentum, artis inuentionem, & similitudines animalium, aut lapidem inutilem, opus manus iniquæ. Eodem modo Prophetæ quoque Esaias, Ieremias, Baruch, & David, contra hanc infamiam & foedam superstitionem prolixè & neruosè ad gentes con-
Sap. 13. v. 19.
 cionati sunt. Qui Scripturæ loci ob id illis diligenter excutiendi sunt, qui cum fructu abominabiles hos errores refutare satagunt. Nam eo ferè omnes respiciunt, quò Propheta Oseas attendens, eleganter & breuiter ita concludit: Aurum & argentum suum fecerunt sibi idola, vt interirent. Porrectus est vitulus tuus Samaria: quia ex Israël & ipse est: artifex fecit illum, & non est DEVS, quoniam in araneorum telas erit vitulus Samariæ. Statuis quidem & idolis faciendis Indoperosè semper studuerunt: quæ ex diuersis materijs vario opere ac artificio extruebant. His diuinum cultum præstantes, Guacas nomen indiderunt. Ist hæc verò idola plerumque aspectus truculenti & horrendi erant: quibus sanè Cacodæmonem, cuius in honorem exculpebantur, singulariter oblectatum fuisse, haud diffidimus. Et multoties factum esse scimus, vt Cacodæmon ex istis idolis respōsa querentibus hominibus dederit. Sacerdotes ac ministri illorum ad oracula animum applicabant: quæ tamen omnia, vt Sathanas ipse pater mendaciorum & homicidij est, lubrica, fallacia, & dolosa edebantur. In prouincijs nouæ Hispaniæ, Mexico Tezcucō, Tlascāla, Cholula, & finitimis alijs istius regni locis, cultus huiusmodi Idolorum
Esai. 44.
 Hierem. 10.
 Baruch. 6.
 Psal. 113.
 Osee 8. v. 4.

frequentissimus erat; adeò, vt commentarius noster libri metam excessurus sit, si de singulis superstitionibus figillatim narrationem instituire velimus. At tamen fors haud iniucundum erit, de iis aliquid saltem obiter quasi delibare.

Primarium Mexicanorum idolum, vt diximus, Vitzlipuzli erat, ex ligno cælatum forma viri, in sella, quæ supra arceram seu lecticam fundabatur, confidentis. Ex huius vtrisque lateribus, baculus, colubrino capite præeminens, porrigebatur. Per sellam autem, significabatur, eum eo gestu in cælo residere. Idoli præputium vndiquaque liuescebat. Per transuersum nasum liuida macula ab vna aure vsque ad alteram ducta erat. Caput eius crista pretiosissima, rostro auium simili, tegebatur. Huius apex aut extremitas leuigato auro obducta erat. Ipsum idolum læua manu rotundam candentemque parmam, quinque albis pennis in crucis morem decussatis, gerebat: ex cuius summitate palmæ ramulus ex auro factus, prominebat. In latere eius quatuor tela conspicua erant, quæ Mexicani ipsi cælitus missa prætendunt, vt iis facinora illa, de quibus suo loco dicemus, designaret. Ad dextram fulcrum quoddam, anguis forma statutum erat, granis ac striis cæruleis vndiquaque exsculptum. Omnibus & singulis his ornamentis, quorum adhuc multò plura erant, suæ peculiare interpretationes conueniebant, quæ apud Mexicanos tales erant. Vitzliputzli nomen idem est, ac inuersa, & cōspectu pulchra crista seu penna. De tēpli verò insigni ornatu, ac sacrificiis, ieiuniis, & ceremoniis, idolo exhibitis, in sequentibus mentio fiet. Dictum idolum in aram editiorem locatum, pannis integebatur, & in super ornamenti variis, ex auro, pennisque, ac pennatis clypeis, opera exquisitissima & ingeniosissima fabrefactis, cingebatur. Cuius quidem veneratio vt esset illustrior, ante eius faciem perpetuò Gordii suspēdebatur. Iuxta huius facellum, aliud quoque aditum, non vsque adeò excultum erat. Hoc aliud idolum Tlaloc vocatum condebatur, quod Vitzliputzli semper proximum statuebatur, vt quod eiusdem cum illo potentiæ particeps esset. Præter hæc etiam tertium quoddam idolum colebatur apud Mexicanos, quod remittendis peccatis destinabatur. Hoc Tezcathlipuca vocabatur. Id ex nitente nigro saxo exsculptum, vestibus pretiosis habitu Mexicanorum fartis tegebatur. Aures eius aureis, labra verò inferiora argenteis annulis transmissis, cōspicua erant. His interdum virides, nonnunquam cæuleæ pennæ, externa facie Smaragdos aut eranos referentes, inferebantur. Capilli pars inferior filo aureo innexa erat: in cuius extremitate auris aurea, fumo quodā volitante (is autem idea precum, à peccatoribus fusarum, ac ab idolo exaudiendarum erat) insignis, figebatur. Intra verò aures geminas Clenodiorum magna vis cōspiciebatur. Ex collo etiam clenodium, totum pectus antèius integens, suspensum erat. Bracchiis vtrisque aureas armillas gerebat: at vmbilico, nobilissimam stellam, virentem ostende-

ostendebat. Læua speculum, ex nitidissimis pennis tum viridibus, tum cyaneis & flauis, concinnatum, prætendebat. Pennæ verò ex lance tota aurea, adeò polita & splendēte, vt radios suos quoquo versum diffunderet, emittebantur. Hoc speculo, idolum, quicquid in toto orbe esset vel fieret, quasi præsender videre, innuebant. Nomen speculi Iltacheaia, erat. Dextra, quatuor tela idolum librabat; quæ poenas referebant, quas improbis immitteret. Æquo terrori Indis nullum Idolum præter hoc erat. Quod admodum metuebant, ne facinora patrata in propatulum ferret. Festis illis diebus, quæ singulis quaternis annis instituuntur, peccatorum remissio publicè denunciatur eo modo, quo deinceps dicturi sumus. Idem hoc idolum rtiam pro Deo ac domino habebatur, ficcitatis, inediae ac famis, stercilitatis, & pestis. Quod ob id alia quoque specie effingebant, in folio insigni confidens, & purpureo prætenso velo (Gardyn vocant) in quo hominum defunctorum crania & ossa depicta erant, recinctum. Sinistrâ scutum rotundum, quinque pennis ex gossypio formati, conspicuum, exerebat. Dextrâ verò telum missile librabat. Hoc bracchium, non secus ac iam iam feriturum, compositum erat. In scuto orbico quatuor tela defixa erant. Coloribus vniuersum corpus delibutum visebatur. At caput Coturnicum plumis omne inlectum erat.

Non procul à Mexico, apud Cholulā, quæ Resp. peculiaris est, idolum quoddā mercatoribus destinatum venerantur, quod Quetzaalcoalt nuncupāt. Hoc in edito quodam templi loco surrectum, vndiquaq; in circuitu auro, argentoq; ac gemmis, & pennis pulcherrimis, vt & pannis vario colore tinctis, succinctum erat, corpore reliquo viri quidē imaginem exhibens, sed vultu ac facie volucris simili, rostrum rubrum promittebat, & in capitis vertice cristam proferebat. In eius ore series dentium maiusculorum conspiciebatur: & ex faucibus lingua exerta eminebat. Capite papyraceum pileum oblongum & acuminatum, coloribusq; variatum gestabat. Crura verò auro inducta micabant. Huiusmodi ornamenta idoli innumera erant, omnia peculiarem suam significationem habentia. Hoc idolum adorabant, qui opes ac diuitias efflagitarent, non secus ac veteres gentes Barbaræ Mamonā aut Plutona venerabantur. Vox ea, qua Choluanī suum idolum insigneabant, cum re ipsa apprimè quadrabat, etsi sensum eius propriū nec ipsimet intelligerent. Quetzaalcoalt etenim idem est, ac serpens, pulcherrimis & pretiosissimis pennis exornatus. Barbari verò huiusmodi statuis masculis necdum contenti, insuper foemineas quoque imagines colendas fingeabant, sicut idem olim quoq; apud gentes tam Græcas quàm Latinas solenne fuisse, ex fabulis poetarum & historicorum monumentis cognoscimus. Dearum, quas venerabantur, præcipue erat Tozi, id est, Auia, quæ, attestantibus Mexicanis annalibus, Regis Culguacan filia fuit, Vitzliputzli iussu ac mandato viua

viua excoriata, qui eam sibi hoc pacto in sororem assumeret aut adoptaret. A quo deinde tempore alij quoque homines pro sacrificijs mactari & excoriari ceperunt. His mactatorum corijs viui post induebantur, ita se Deo suo placituros existimantes. Ex mactatis etiam corda euellebant: quod à Deo suo ita edocti erant, qui eorum, quos in Tula puniebat, corda euulserat: sicut suo loco dicemus. Vni Deorum harum filius erat, nobilis admodum venator, quem in Tlascala postea dijs annumerarunt. Tlascalanorū ope Hispani primò Mexico occupauerant olim, cum acerbis odijs mutuò flagrarent. Prouincia Tlascala situ commodissima, & venatibus aptissima erat. His & ipsi incolæ admodum dediti, Deum suum specie singulari condebant, de qua longius commentari frustrancum arbitramur.

Festi, quod agebāt, solennitas hoc ferè modo fiebat. Aurora prodeunte, tubam inflabant. Ad huius sonitum passim multi confluebant, tela, arcus, retia, & his alia venationibus idonea similia portantes. Postea arrepto idolo suo, ex ordine procedentes, versus montem quendam commeabant, turba plurima ponè consequente. In montis fastigio Prieel seu tabernaculum quoddam, ex virentibus frondibus contextum stabat: in cuius medio ara, concinnè & eleganter erecta, spectabatur. In hanc Idolum suum collocabant: circa quod cornubus, lituis, tibijs & tympanis continenter personabant. Cæteri, vniuersam montis basin coniectis lignis obuallabant, quibus vndique accensis, omnis generis feras, vt Lepores, Cuniculos, Vulpes, Lupos & similes è latibulis excibant. Quæ ignis splendore perterrefactæ, vno impetu vniuersæ ad montis fastigium profugiebant. Has ergò à tergo venatores magno clamore edito insectantes, impulsis tympanis inflatisq; tibijs, quasi ad ipsos sui idoli pedes agebant. Porro autè cedendi nullo loco relicto, insectatione continua feras in eas angustias agebant, vt ex editionibus locis illarum pars aliqua in mediam turbam, pars alia in ipsam aram defiliret & præcipitaretur. Quo spectaculo admodum iucundè afficiebantur. Ex illis ergò captatis, aliquam multas idolo suo sacrificabant: quibus non secus, ac ipsis hominibus, corda euellere & offerre solebant. Iis peractis, & retibus collectis, cum idolo suo eadem processione, qua exierant, domum reuertebantur: quod tibijs & tympanis comitibus, singulari ritu in templum ouantes reponebant. Ferarum autem carnes coquentes, publicum deinde epulum seu conuiuium adornabant. Lautè conuiuati, ad idolum redibant, ad cuius conspectum choreas & varios ludos agitabant. Præter dictos Deos deasque, diuos alios quoque magno numero venerabantur. Nam hi Mexicanis, quorum superstitio omnium maxima erat, subditi fuerant.

Cap. X.

De peculiari quodam superstitionis alio genere, Mexicanis familiari.



VPERIVS à nobis commemoratum fuit, in more apud Ingas Reges Peruanos, ac consuetudine fuisse, vt suas sibi imagines conderēt, Guaoiquies vocatas, quas subditi non minore cultu ac ipsos Reges venerarentur. Hos Mexicani adeo obstinatè æmulabantur, vt ipsis etiam superiores fierent. Nam ex viuis hominibus Deos constituebant, eo modo, quo iam dicemus. Mancipium quoddam seu sclauum, è medio numero eligebant. Ei priusquam mactaretur, Dei nomen indebant illius, in cuius honorem mactandus seruabatur. Quin & huius habitu consueto sclauum induebant: vt hoc pacto omnibus, quis futurus esset, repræsentaretur. Interim dum hæc fierent (quod tempus mensium plerumque sex, pluriùmve ac pauciorum erat) sclauus nullis honoribus non cumulabatur, nec minus, ipso Deo excultus, delitiis omnibus tū cibi tum potus ministratis largiter saginabatur. Eo per plateas commeante, agminatim populus confluebat, vt ipsum adoraret, & largas Eleemosynas impertiret. Quin & ægros infantes, vt ipsos sanaret & bene ominaretur, apportabant. Eidem quicquid libebat, patrare licebat. At ne quo fors aufugeret, duodecim viris assiduo stipatus incedebat. Porro autem, vt nihil, quod ad venerationem cultumque eius faceret, omitteretur, ambulans nonnunquam fistulam inflabat, vt eo signo vndecunq; populos, à quibus adoraretur, exciret & eliceret. Tādem vero abundè saginato ipso, cum dies festi appropinquasset, correptū eum medium dissecabant, & exenteratum comedētes, id solenni pro sacrificio habebant & venditabant. Hæc qui seriò apud animum suum euoluit, is abundè satis intelligit, quàm miserè miseros istos homines Sathanas suo imperio subiugarit, dum perditis tot cum corporibus, ipsis etiam animabus, quasi ludos & festa egit, & horrenda ista tyrannide insuper ipsas gentes veluti supina nare subsannarit.

Sed cum hætenus de Indorum foedis superstitionibus abundè pertractauerimus: iam deinceps, de eorum cultibus, sacrificiis, templis, & quæ his similia sunt, nonnihil quoque dicere pergamus.

Cap. XI.

Quomodo Sathanas, tum sacrificiis, tum religionibus & sacramentis institutis, Deum amulatus sit.



NTEQVAM in materia præposita pergamus, rem prius attingemus consideratione attenta dignissimā, qua nempe audacia Sathanas ipsi quoque Deo bellum mouerit, in rebus illis, quæ ad salutem humano generi conciliandam primò & vnicè institutæ fuerunt. Ab illis etenim bonus diabolus homines submoturus, & in suum honorem cum mortalium æterna damnatione, omnia conuersurus fuerat. Sicut enim ab æterno & immortali Deo, tum Sacrificia, tum Sacerdotes, ac Sacramenta, & religiones, & Prophetæ ideò ordinata & constituta primitus sunt, vt istis omnibus & singulis pro vna omnium hominum communione fancienda, & diuino suo cultu illustrando & continuando vteretur: sic ad Dei illicò exemplum, flagitioso liuore instigatus Sathanas & ipse tum sacrificia, tum sacerdotes ac mystas, tum sacramenta & certum populum sibi constituit, vt ex ijs omnibus ceu in vnam massam coactis, infinitas superstitionum varietates excluderet. Et quidem, quam technis ingeniosis ista singula condiderit, narratu sanè vtile esset: nisi accuratior omnium deductio contra instituti nostri consilium pugnaret. Hoc tamen in genere sciendum est, Sathanam, qui, testante Euangelio, princeps & pater mendaciorum est, id omni tēpore omninifū ac molimine serio agitalse, vt proteruo sacrilegio Deo debitum honorem sibi appropriaret, & cimmerijs tenebris, clarissimam salutis nostræ lucem offuscaret. Æqua ratione Ægyptii Magi quoque, sui præceptoris Diaboli instinctu nutuque Moyſis ac Aaronis miracula eludere ausi sunt. Similiter & in Iudicum libro legimus de Micha, idoli vani cultore, qui vestes in Dei tabernaculo solum induendas, ante idolum factum induit. Sic, quicquid dicant alij, à Domino & seruatore nostro Iesu Christo propè nihil vſpīam in Euangelio suo constitutum & ordinatum est, quod Sathanas varijs modis amulari, & in superstitiones gentiles conuertere non annifus sit. Id quod ex deinceps dicendorum attentione clarius & manifestius elucebit.

Exod. 7.
Iud. 17.

Cap. XII.

De Templis, in India repertis.



ED de Templis exordium ducamus. Vt verò Summus & æternus Deus, rerum vniuersarum conditor, singulari mandato domum, qua nomen ipsius præcipuè sanctificaretur, & requisiti cultus præstarentur, sibi extrui voluit: Sic quoque infestus Sathanas blando

blando inspiratu incredulos eò infaniæ præcipitauit, vt ipsi templa pretiosissima extruxerint, & cultus admodum religiosos condiderint. Nam in Peruano regno nulla ferè prouincia erat, quæ non peculiare Guaca seu templum ac delubrum haberet: Præter quæ tamen insuper alia quoque Generalia pro solis Ingis regibus solemnia erant. Ex his duo primaria & pretiosiora colebantur: quorum primum, Pachacama dictum, quatuor à Lima milliaribus distabat, cuius ruinæ ac fundamenta, vel dum hodie adhuc spectanda, de eius magnitudine testari queant. Hoc ex templo Franciscus Piçarro, & ipsius commilitones ingentes & infandas diuitias vasorum tum aureorum, tum argenteorum acceperunt, cum Ingam Atagualpam captiuassent. Et verissimum est, in hoc templo Sathanam ex loco suo, visibili specie responsa quærentibus subinde dedisse. Quod & per cæterâ Indiam passim tam diu fecit, dum illis oris sanctissima Euāgelij lux tandem effulsisset, & S. Crucis signum in terrorem luridi hostis erectū esset. Hoc enim facto, perplexator vniuersus obmutuit illicò, sicut id Plutarchus, eo loco, quo quærit, cur cessarit Pythias fundere oracula, oppidò testatur. Sed & Iustinus Martyr, de silentio isto, quod Saluator Iesus Christus diabolis, ex statuis & idolis responsa dātibus, imposuerit, accuratè & prolixè differit. Hæc enim ita futura, in sacris literis diu antea prædicta fuerant.

Modum verò ac rationem, ex Idolis necessaria percontandi, luridus Sathanas hanc ferè instituit, vt sub noctem præcipuè à ministris ac sacerdotibus consulerentur: Quod hoc gestu perficiebatur. Retrò & conuersi idolum accedētes, corpus ita inflectebant, vt caput quasi resolutum propenderet antrorsum. Hoc habitu miras, foedas & inconditas gesticulationes edētes, qua de re opus erat, quærebant. Responsum autem non nisi per altos clamores & tiliarum strepitus horrendos accipiebant, ita plerumque compositum, vt aduersa & infelicissima quæuis portenderet. Sed hæc iam illusiones magna ex parte, illustri Saluatoris nostri potentia detectæ, euanuerunt. Alterum in Peru templum, priore multò augustius & sanctius habebatur. Illud olim in ciuitatis Cusco eo loco positum erat, quo nunc cœnobium S. Dominici erectum visitur. Inter eius rudera cætera, columnam, adhuc saluā & inconfRACTAM videre licet, ex qua de templi magnitudine, præstantia, & eminentia certissima documenta desumi possunt liquidissima. Delubrū hoc Romanorū Pātheo, Deorū omniū domicilio, quadamtenus simile erat. In hoc templum Inge, ex omnibus regionib. deuictis collecta idola, singula peculiari loco statuebant & condebant, vt cuilibet suus à natione addicta honor cultusq; præstari posset. Quam in rem sumptus certè impendebātur profusissimi: cum persuasum esset vniuersis, ab ijs se omnino populis tutos securosque fore, quorum Deos in templis suis asseruarent & colerent. Ipso hoc quoque templo Punchao asseruabatur, qui

Solis faciem gerens, auroque ac pretiosissimis gemmis pulcherrimè ornatus, faciem orienti Soli obuertebat. Sole ergo emergente, & radijs suis rectà in idolum, ex nitidissimis metallis factum, impingente, tantus splendor & lumen quoquo versum fundebatur, vt nouus omnino Sol prodiiſſe videretur. Ingæ hoc Idolum pro Deo suo venerabantur, vt & aliud Pachayachachic vocatum, quod creatorem cæli credebant. Pro vero narrant, in templi huius direptione militum quendam pretiosissimam hanc laminam prædatum, cum postea aleæ pertinacius indulſiſſet, eandem vniuerſam vna nocte perdidisse. Ex qua re enatum prouerbium, postea in decoctores & aleatores torqueri solitum est, Hic Solem perdidit, priusquam ortus fuit.

Cap. XIII.

De insigni templo, apud Mexicanos conspicuo.



VPERSTITIONIS Ingarum cum Mexicanorū colatione instituta, horū multò foedior & abominabilior apparitura est: idq; non tam propter ipsum templum, quod Hispani olim Cu (vocabulo ab Insula S. Domingo siue Cuba mutuato) vocitabant, quàm propter res plures alias nec Hispanicæ linguæ, nec ipsi in alijs locis Indicæ notas, vt sunt, Maijs, Chicha, Vaquiano, Chapeton, & similes. In Mexico, Cu sacerrimum Vitzliputzli templum erat, cuius ambitus exterior diffusissimus, intus aream latissimam pandebat. Hoc ex ingentibus saxis, anguium modo confectis extructum erat: qua causa etiam ipse locus, Coate Pantli, id est, anguibus circumdatus nuncupabatur. Summitates siue fastigia, aditorum, quibus Idola condebantur, ex innexis & contortis lapidibus nigris, carbonum instar, extructa erant, visu aut spectatu non iniucunda. Templi circuitus colore albo & rubro depictus, spectaculum & ipse amœnum præbuit. In fastigijs dictis pinnæ affabrè factæ prominebant: in quarum angulis, duo ex lapidibus excisi sedentes Indi spectabantur, lucernas manibus prætēdentes, ex quibus duo veluti crispa ta bracchia exporrigebantur. Ambitus interior multis cellis seu cubilibus, pro religionis socijs conditis, interstinctus erat: supra quæ, plura alia editiora posita, Sacerdotibus siue Papis (ita sacerdotes summos vocabant) Idolo seruientibus addicta conspiciebantur. Area exterior patore tam magno effundebatur, vt vniuersi Regni conuentibus & ludis ordinarijs agendis sufficeret. In hac nonnunquam 8000. vel 10000. homines conueniebant, nemine quoquam alij obstante, aut impedimentum faciente. Et hoc haud paucis præter veritatis fidem esse videri posset. Quatuor foribus templum accessum erat, quarum aliæ ab ortu, aliæ ab occasu, aliæ à meridie, aliæ à septentrione spectabantur. Ex qua uis autem ianua, via peculiaris, duorum triumve

triūmve milliarium spatio, lapidibus concinnè conſtrata proſpici poteſt, ita, vt in medio lacu, ſuper quē ciuitas Mexico poſita eſt, quatuor late viæ, crucis in morem cōcant & iungantur: quod ornamentum ciuitatis ſingulare eſt. Supra quatuor ianuas, quatuor ſtatuae locatæ erant, quarum quælibet faciem viæ ſibi oppoſitæ aduertebat. In templi huius turrem triginta anabathræ aſſurgebant, quarū ſingulæ 30. orgyrum altitudinem habebant. Hæ verò media quadam platea intercurrente dirimebantur. Sclarum ſummitates, circuitus ſupernè latus excipiebat, planuſque ex mero cæmento ſtratus. In huius ambulacri medio ædificium ex arboribus admodum proceris ita extructum ſtabat, vt à ſe inuicem arbores Orgyæ vnius interuallo diſtarent. Arbores hæ admodum craſſæ & argilla vndiquaque oblitæ aut inductæ erant: ita, vt ab vna arbore ad aliam perpetuæ perticæ deſixæ à ſummo ad imum porrigerentur, ex quarum ſingulis ad minimum 20. Capita ſeu Crania humana dependerent. Et hæ craniorum ſeries, vt diximus, à ſummo ad imum ab vno termino ad alium ita ſedulò ducebantur & collocabantur, vt aſpectu res horrenda eſſet. Hæc autem capita illorū erant, quos ante id tempus in faciendis ſacris maſſaſſent. Cæſorū etenim hominū carnibus abſumptis & deuoratis, capita deinde ſacerdotib. offerebantur: qui eadē reliquis prioribus pro more addebant aut appendebant, tam diu ibi manſura, dum ſponte deciderent. Quod ſi locorum quis vacuus fortè fiebat, iam de eo ſupplendo admodum curioſi, nouam victimam ſubinde meditabantur. In euectiore templi parte duo veluti ſacella erant, geminis idolis deſtinata, nempe Vitzliputzli, & eius ſocio Tlaloc. Hæc ſacella duo imaginibus operoſè exculpta, in tantam euecta altitudinem erant, vt gradus 120. prius conſcendendi eſſent, quam in ea ingreſſus daretur. Ante ſacella hæc area patens 40. pedum vt in longitudine ſic latitudine quoque forma quadrata pandebatur: in cuius medio lapis quidam, forma viridis pyranidis, quinque ſpithamarum altitudinem habens ſurrectus ſtabat, in quo homines maſſari ſolebant. In quem, ſi ſupinus homo illidebatur, ei dictum factum ſpina dorſi vniuerſim crepabat & diffringebatur. Hoc facto inciſis abdomine & pectore, cor ei palpitans euellebatur, vt deinceps dicetur.

Præter hoc alia quoque in Mexico octo nouemque templa erant, ſibi inuicem velut in ambitu contigua, in quorum medio area lata relinquebatur. Cellæ verò & in his ſuæ ſingulis propriæ erant. Fores partim Solis ortum, partim eius occaſum, partim meridiem, partim ſeptentrionem ſpectabāt, omnes turriculis primis pulcherrimis inſectæ, & variorum colorum viuus imagunculis exornatæ. Hæc peculiaribus idolis ſacrata erāt. A templo Vitzliputzli proximum erat delubrum Tetzcatlipucā. Id numen pœnitentiæ & probitatis colebatur, cuius templum admodum editum ſurgebat: vt ad cuius ingreſſum 80. gradus paterent. Altitudine hac cōſcenſa, in aream, 120. pedes

latam, deueniebatur: in cuius latere conclaue quoddam, varij coloris pannis pretiosis tectum visebatur: cuius porta humilis velo assiduò recingebatur, nulli nisi sacerdotibus accesssa. Ipsum alioquin templum varij generis, ac coloris icunculis seu imaginibus approbè exornatum, spectatu amœnissimum erat. Hæc siquidem templa gemina, instar Cathedralium erant, tam spatiosa & in ambitu magna, vt & collegijs scholisque, & sacerdotum habitationibus sufficerent.

Ex hæctenus commemoratis iam nemo non intelligit, quàm miserè Sathanas, omni fastu ac ambitione ebrius, gentes cæcas & superstitiosas dementarit, & eò compulerit, vt tum amplissimis opum sumptibus, tum crudelibus corporum priorum impendijs, ipsi, tot laboribus & ceremonijs deferuiuerint. Quod omne tamen hoc vnico fine satagebat, vt cum animabus ipsa quoq; Indorum corpora in exitium æternum præcipitaret. Indi interim somniabāt, potentissimos & robustissimos se Deos habere, quorum cultibus & venerationi iure meritò tam religiosè vacarent.

Cap. XIV.

De Sacerdotibus & eorum officiis.



INTER omnes totius orbis nationes ac populos semper extitere aliqui, qui aut vero veri Dei cultu, aut fictitijs idolorū ministerijs facillè caperentur. Et hi Deorū, quos venerantur, voluntatē, populis enunciare solebāt. Iam vt Deus Opt. Max. suæ ecclesiæ sanctos ministros præfecit, qui cultib; & ceremonijs, ab ipso mandatis, sedulo vacarent: sic ad eius æmulationem Sathanas quoq; ministros sibi constituit & ordinauit, quorum aliquos summos sacerdotes, alios Acoluthos, nonnullos Leuitas confirmaret. Et admiratione, imò detestatione omni dignum est, quod horridus cacodæmon tanto sacrilegio, tum meritum Christi, tum cultus eius sacra officia, sibi quæque ascribere ausus sit. Nam summum ex sacerdotibus Mexicani olim Papam vocitabant, quod vel hodiè ex ipsorum gestis & annalibus videre est. Sacerdotes Idoli Vitzliputzli ordinata ferie secundū generationes quasi hæreditario sibi inuicem succedebant. Aliorum verò Idolorum ministri sorte & arbitrio eligebantur, nisi si qui fortè à teneris huic vel illi templo oblatis & consecrati sint. Summa ministerij hæc ferè erat, vt idolis thure cremato suffirent. Id quater de die faciendum erat: aurora prodeunte: sub meridiem: vespere sub solis occasum: sub noctem tandem mediam, quo tempore sacerdotes vniuersi surgentes cum campanis carerent, tubis & lituis signum clarum inflatis edebant, aliquandiu sonitum lugubrem fingentes. Hoc strepitu finito, veste candida quidam prodibat, altera manu thuribulum, carbonibus ignitis (quos ex vase quodam iuxta altare

altare assiduò ardente arripiebat) refertum, altera verò sacculum thure plenum gestans. Ex quo grana multa carbonibus iniiciens ad Idolum propius accedebat, & cum veneratione quadam ante ipsum, suffitum faciebat. Hoc præstito, linteum arripiens, tum aram tum vela eius exquisitè tergebat. Sacrificio peracto ad reliquos collegas in area stantes pergebant, & peccata sua seria poenitentia expiaturus, flagris seipsum tam diu cædebat, dum è corpore stillatim sanguis emanaret. De quo plenius eo loco percensuimus, quo dicturi sumus, quo modo Sathanas suos cultores poenitentiam agere instituerit. Ab hac nocturna missa nemini emanere licebat: soli que sacerdotes sacra peragere cogeantur, prout ordo quemque & series vocabat. Diebus festis ad populos conciones habebant. Sed & reditus suos peculiares, & oblatorum magnum numerum habebant. De sacerdotum vñctione postea tractabitur. Sacerdotes Peruani, ex Idolorum suorum bonis patriis seu hæreditariis Chacaras vocatis, sustentabantur: quibus census quotannis amplissimus redibat.

Cap. XV.

De monasteriis virginalibus, in culturam sui à Sathanæ fundatis.



ICVR in Romana ecclesia diuersi religionum ordines existunt: ita pariter Sathanas, mendacij pater, in his locis ita constitutū voluit, vt ministri ipsius duram, religiosam & dolorosam vitam agerent. In Peru virginum puellarumque tam numerosa cœnobia erant, vt in omnibus passim angulis prouinciarum plurima conspicerentur. Virginum aliæ annosiores erant, quæ iuniores in necessariis instituebant. Has Mamacōnas vocabant. Cæteræ iuniores, aliquandiu ad ministeria Idolorum aut Ingarum educabantur. Et hoc monasterium Acllaguaci, id est, domus selectarum appellabant. Cuilibet monasterio suus Vicarius aut Gubernator, Apopnāca dictus, præstituebatur. Huic, quas videbatur, eligendi potestas & arbitrium erat, cuiuscunque illæ vel ordinis vel status ac conditionis essent, modò annos octo completos nedum attigissent, & cœnobiis idoneæ esse possent. Quæ in cœnobium puella assumere-tur, ad Mamacōnas ducta, de variis tum ad cultum Idolorum, tum ad ceremonias, tum ad vitæ castitatem pertinentibus erudiebatur. Annos quatuordecim assecutæ, cœnobiis rursus eximebantur, & in Guacas seu domos precatorias abstrudebantur, vbi disciplina dura & accurata coërcebantur. In his perpetua castitas vouenda erat. Harum ergò nonnullæ Sacrificiis ordinariis, à solis virginibus præstandis: quædam extraordinariis, vt sanitatis impetrationi, si Ingarum quis aut obisset, aut in bellum aduersus hostes egressus esset, adhibe-

hibebantur. Earum quoque nonnullæ pro Ingarum, & horum cognatorum Ducumq; conjugibus ac concubinis educabantur. Quarum si quam Ingæ alicui dono dabant, munus præstantissimum obtulisse videbatur. Et hæc distributio in anno semel fiebat. Pro harum virginum sustentatione, quarum frequentissima multitudo erat, peculiare redditus ordinabantur, quibus viuerent. Si quam ex puellarum medio numero Appopnâca in cœnobiū selegisset, ne ipsis quidem puellæ parentibus aduersari aut abnuere licebat. Quinimo filias suas istis ordinibus parentes plurimi ultro offerebant, eas hoc pacto, Ingis copulatum iri sperantes. Si quæ à Mamacônis siue Acclis, virginitatem temerasse deprehendebatur, ea aut viua sub terrâ defodiebatur, aut alio supplicij acerbissimi genere plectebatur. In Mexico Sathanas sibi quoque Moniales parturiuerat: quarum tamen professio vnus saltem anni erat. Harum isthæc ratio erat. In patente illa area, de qua superius diximus, duæ ædes sibi ex aduerso positæ stabant; quarum vna virorum, altera fœminarum erat. In æde virginum, puellæ 12. annorum alebantur, vsque dum annum ætatis 13. attingerent. Et hæc filiæ pœnitentiæ aut castitatis dicebantur, idolorum cultibus præstandis præfectæ. Harum munus erat, templum aqua conspergere & verrere, & manetum Idolo tum eius ministris, cibos, ex oblationibus & Eleemosynis collectis paratos, offerre. Cibi verò, qui idolo apponebantur, parux placentiæ erant, manuum aut pedum, vel rerum aliarum specie formaque confectæ. Præter verò placentulas istas panem commistum alium quoque pinsebant: quem singulis diebus Idolo obiectum, Sacerdotes postea vorabant, sicut simile quid de Baal apud Prophetam Daniele legimus. Virgunculis his primo capilli tondebantur, quos deinde ad definitum quoddam tempus renasci permittebant. Eadem, sub noctis medium quoque non secus ac viri ad missæ celebrationem (quæ in æde ista continuo peragebatur) surgere cogebantur. Illis & Abbatissæ ordinariæ erant, quæ quaslibet ad officij sui opera compellebant. Pannos etiam & cortinas pretiosissimas vario genere texere addiscebant, quibus idola & templa præuelabantur. Habitus earum candidus erat: nec quoquam colore alio vestiri audebant. Nocturnam pœnitentiam agentes, flagris se incutiebant, & aurium summam partem fauciabant. Cruore ex vulneribus manante faciem ac genas tingebant: ad quas iterum emaculandas, in cellis suis vasa aqua plena asseruabant. Vitam omni modestia & castitate commendabilem agebant. Si quæ secus vel in minimo facere deprehendebatur, nulla exceptione morti dedebatur, vt quæ Dei domum libidine fœda conspurcasset. Commissi autem piaculi suspicionem captabant, quoties aut glirem discursantem, aut vespertilionem volantem, aut Idoli velum arrosam conspicerentur. Arbitrabantur enim, nec glirem nec vespertilionem, tantum arrodendorum velorum facinus patruros fuisse.

fuisse, nisi Deus, flagitio admissio irritatus, hanc ipsis potestatem indulgisset. Itaque exquisita indagine omnia explorabant. Rea deprehensa, illicò supplicio afficiebatur. In hæc cœnobia nullæ virgines admittebantur, nisi ex sex illis ditionibus, in hanc rem selectis, oriundæ essent. Hæ, veluti dictum est, vnius saltem anni spatio, quo in Idoli ministerium à parentibus deuoueantur, in cœnobia isto morabantur. Eo exacto, ad parentes, si luberet, redibant, & nubebant.

Porro, quæ hætenus de virginibus cœnobialibus Peruanis enumerauimus, iis ferè similia sunt, quæ de virginibus Vestalibus Romanis ab historicis tradita legimus. Sed cur diabolo volupe fuerit, vt etiam à puris, castis & illibatis hominibus, singularibus ministeriis coleretur, sciendum est, isthæc omnia non eo animo facta esse, quasi is castitate & innocente vita delectaretur, cum fœdus & spurcus spiritus à natura sit: verum hæc potius ob causam, vt in vniuersis Dei honorem prædaretur, & per proteruiam æmularetur: cum prima & præcipua hæc summi Dei voluntas sit, vt in perfecta & consummata castitate & sanctitate ipsum colamus & veneremur.

Cap. XVI.

De aliis monasteriis religiosis, quibus Sathanas ad serendas & propagandas horrendas superstitiones utitur.



Litteris illis, quas nostræ societatis quidam ex Iapan misit, satis abundè notum est, in locis illis maximum Religiosorum (quos Bonfos vocant) numerum existere. Ex iisdem etiam, quàm miras & inauditas superstitiones agant, quàmque putida mendacia euomant, clarissimè constat. Itaque de his nos quoque hîc breuiter aliquid dicemus. Qui in China Patres egerunt, Bonfos siue Religiosos diuersis ordinibus discretos esse, recensent. Nonnulli enim vestibus vittisque candidis vtuntur: alij atris; Et hi nec vittas nec crines habent, nec admodum magni fiunt, cum non minus quàm vulgata populi sex à Mandarynis seu magistratu fontes plectantur. Nec pisces, nec carnes, nec quicquid aliud, quod vitam habuit, gustant, Sola oryza & herbis pascendi. Furtim tamen & in abscondito nihil non, quod suauis sit, comedunt, & populo promiscuo multo nequiores sunt. Religiosi aulici, in Paquin habitantes, maximæ apud omnes æstimationis sunt. Mandaryni persæpè in dictorum monachorum Varellas siue conuentus animi gratia se conferunt: à quibus raro non probè appoti dimittuntur. Monasteria frequenter extra urbem sunt. Intra urbem sunt Templâ ac delubra. In China nec templis nec Idolis multum tribuunt. Hæc enim omnia Mandaryni in risum ludumque conuertunt, affirmâtes, præter officium & potestatem Mandarynorum nullam aliam vitam aut Paradysum: præter fontium verò carceres &

*Arist. 12.6.
Metaphys.*

supplicia, nullum infernū restare. Iidem etiam prætendunt, cultus I-
dolorum vniuersos ideò saltem excogitados esse, vt hoc q. freno po-
puli ferocia coërceretur, quod ipsum Ethnicus quoque philosophus
statuisse legitur. Hoc quoque velo ipse Aaron utebatur, cum insani-
enti populo aureum vitulum extruxisset. Chinenſium mos est, vt in
nauium puppis facello, quod plerunque superimponunt, discin-
ctam quandam virginem aut foeminam factitiam in sellam collo-
cent. ante quam duo Chinenſes, specie angelorum in pedes conse-
derunt, superius verò Candela seu lumen, noctibus ac diebus iugiter
ardens, suspensum est. Quoties ergò vela demissuri sunt, multis riti-
bus & ceremoniis idolo isti sacrificant, tūm tympana tūm campa-
nas simul impellentes, & telis igniuomis aërem percutientes. Sed de
Religiosis pergamus dicere. Ex nullis odorari vestigiis possumus, v-
spiam in Peru peculiarem aliquam domum extitisse, in qua Religiosi
congregati vixerint. Cæterorum verò sacerdotum ac Magorum nu-
merus propè infinitus fuerat. Mexicanis consuetudo peculiaris quæ-
dam haud dubio ab ipso Sathana introducta, solennis fuit. Nam in-
tra magni templi, de quo antè diximus terminos duo monasteria e-
rant, quorum hoc (vt iam comprehendimus) virginibus, illud viris,
annos 18. aut 20. natis cōsecratum habitabatur. Hi Religiosi vocaban-
tur: qui monachorum more radebantur quidem, sed pilos aliquātò
longiores, & ad aures vsque promissos alebant. Capillos autem per
directum verticem transuersorum quatuor digitorū latitudine tam
promissos enasci permittebant, vt q. cæsaries propendens, dorsum
integeret, quos etiam flocci more torquebant aut innectebant. Hi
iuuenes, qui suas Idolo Vitzliputzli operas vouerant, in paupertate &
castitate summa vitam trahentes, Leuitico officio fungebātur, tem-
plique sacerdotibus primariis subseruiebant, thuribula & cereos ac-
curando, vestes sacras custodiendo, loca sacrationis purgando, & li-
gna congerendo, vt loco lampadis perpetuus ignis ante Idoli faciem
arderet. Præter iuuenum horum certum numerum, pueri quoque
quamplurimi velut horum simiæ alebantur, quorum opellæ & of-
ficia varia erāt, fertis & herbis, ac rosis aut iuncis templum ornandis;
aqua loturis sacerdotibus ministrandi: nouacula ad sacrificia ne-
cessarias acuendi: eos, qui stipem rogaturi essent, comitandi: & tan-
dem ipsas victimas ad aras procurandi. Singulis his Religiosis sui
priores attendebant, vt castè & innocēter vbiuis segererēt. In locum
fortè aliquem, quo foeminæ essent, ingressi, capitibus pronis nuta-
bant, & oculos in terram defigebāt, aspectum earum minimè feren-
tes. Vestes eorum retium instar textæ erant. Conuentuales autem
pueri Eleemosynæ, rogandæ causâ in ciuitatem quotidie mitteban-
tur, quaterni quaternis, aut seni senis semper iuncti. Horum incessus
admodum religionis & deuotionis plenus erat. Quod si diutius ob-
errando stipis nihil impetrassent, licentia data in agros irruebant, &
fru-

frumenti tantum, quantum necesse esset, vellebant, nemine contrahiscente, aut eosdem loco eijciente. Nec enim vlllos, quibus fruenter, reditus alios habebant præter Eleemosynas. Horum numerus quinquagenarum nunquam excedebat. Poenitentiam acturi de media nocte surgunt, & tubis lituisque inflatis populos ad preces excitant. Certo & ordinario numero Idolo seruiunt: & ligna, ne ignis emoriatur, tempestiuè iniiciunt: & thuribulum, quo sacerdos suffitum Idolo ciet, necessariis instruunt. Dicti pueri suis maioribus in omnibus promiscuè obedientissimè parebant. Sacrificio à sacerdote peracto, pueri in locum priuatū abscedebant, & acutissimis ferreis instrumentis malas sibi findebant: extillantemque sanguinem temporibus illinebant. Eo facto in alio loco parata aqua cruorem eluebant. Quin & capita sua, sacerdotum more bitumine perfundebant. Vestes ex cannabe crassa textas gerebant. Hac seria contritione, cum summa inedia, castitate & tolerantia, vniuersum annum exigebant: adeò vt stupendum sit, vanam vanæ religionis imaginationem apud istos pueros potuisse tantum, vt tam constantia virili pro ordinis sui instituto istis foedis Sathanæ abominationibus operari voluerint, cum verum & vnum Deum, nemo nostrum vel dimidia quidem religionis seueritate, colere sustineat. Sed isthæc superstitio præcipuè illis admonitioni & exemplo sit, qui vel ad quamcumque suorum peccatorum superficialiam condolentiā illicò insolescunt, & vitæ confidentioris sordibus se de nouo illicò repolluunt. Hæc autem Indorum superstitiosa poenitentia ideo ipsis toleratu facilior obueniebat, quia non assiduo duraret, sed vnius anni curriculo finiretur.

Cap. XVII.

De graui alia poenitentia Indorum, instinctu Sathanæ ipsis monstrata.



Ad hunc iam locum deuoluti, operæ facturi pretium sumus, si execrandam Sathanæ ambitionem & factum adhuc clarius in propatulum efferamus: vt eo propius conspecto, natiuam nostrā socordiam mitentes, ad serium & purum Dei immortalis cultum alacriores & religiosiores exurgamus. Indi dicti tanta tyrannide & cæcitate à Sathana percussi sunt, vt & Prophetis Baal-^{3. Reg. 18.} licis in omnibus similes euaserint, qui se ipsos cædebant fauciabantque: & simul immanitatem eorum æmulati sint, qui Beel-phegor^{Psal. 105.} filios filiasque suas pro sacrificiis mactabant, & eosdem per ignes ire^{Num. 25.} iubebant, sicut de istis S. pagina apertè testatur. Sathanas verò per^{4. Reg. 21.} hæc id assiduè molitus est, vt cum perditione generis humani cultum suum latius propagaret. Paulo ante hæc recensuimus, quo pacto sacerdotes & religiosi de media nocte suo idolo fumigatum exurrexerint Id iam pertexendum. Suffitu peracto, sacerdotum primas

siue superintendens in latam aream secedebat, in qua ex ordine multa scamna seu fellæ positæ conspiciebantur. In harum vna confidens ille, Puya ex Mangey, id est, framea ferrea pedem iuxta digitos transfigebat, vt cruor confertim ex plaga emanaret. Eo tempora illinebat partim: partim frameam vniuersam tingebat: quam ita cruentam in globos ex stramine confectos defigebat, vt pœnitentia, quam pro populo vniuerso fecisset, eius conspectu omnibus nota fieret. Postea ex lacunæ cuiusdam, in hunc vsum fabrefactæ & Ezapan, id est, aqua sanguinis dictæ, aspergine cruorē capitis eluebat. In tēplo huiusmodi framearum magnus passim numerus offendebar: cum singulæ singulis vicibus tantum seruirent, & subinde recentes adhiberentur. Præterea ieiuniis quoque corpora castigabant, ita, vt quinque decemve diebus continuis persæpè nihil gustarent alimenti, si festa primaria agerentur. Hæc verò quatuor anni temporum primariorum similia erant. Castitatis tam pertinaces amatores erant, vt plurimi, ne carnis tentationibus succumberent, sibiipsis genitalia finderent, & infinitis artibus quæsitis generandi seu coeundi potentiam destruerent; saltem, vt hoc pacto Deos suos propitios & pacatos seruarent. Sed & à vino, Veneris incitabulo, in solidum abstinebant, & somno parcissimo utebantur, cum noctis partem maximam suis superstitionibus impenderent: & tandem dolores ac cruciatus infinitos sibi met studio ac amore diaboli creabant. Hæc verò vniuersa eo animo & fine patrabantur, vt pro pœnitentiarijs religiosissimis, & ieiunatoribus strenuis ab omnibus haberentur. Flagris se plerumq; nodosis cædebant. Eo verò die festo, quod in honorem Idoli Tezcatlipucæ (is Deus pœnitentiæ erat) celebrabatur, non sacerdotes solum, sed ipse quoque populus certatim flagellabatur. Flagella autem ex funibus recentibus, vlnæ maioris longitudinem habentibus, & ex canabe tortis constabant. Funium extremitates nodis exasperatæ erant, quibus scapulas & dorsum percutiebant. Ad huic festo solemnitatem maiorem conciliandam sacerdotes diebus quinque ieiunabant, de die semel tantum cibum gustantes, & à coniugibus suis se disserrantes. His verò quinis diebus ne latum quidem pedem ex templo efferebant, sicut hæc omnia ex Iesuitarum literis ex India missis, prolixius intelligi possunt. In Peru, cum festum Ytu, admodum solenne, appropinquaret, populus vniuersus duobus ad minimum diebus ieiunio se macerabat, eo interuallo à coniugibus penitus amotus. Nec quicquam, quod cum Sale aut Axi decoctum erat, interim edebant, nec Chicao potabant. Vt peccata quædam definita expiarent, vrticis se nonnunquam feriebant; nonnunquam saxi sese inuicem contundebant, tamdiu, dum in cuiuslibet dorso constitutus plagarum numerus emeretur. Nonnullis in locis impulsu cacodæmonis excæcatæ huius gentis aliqui in deserta & eremias profugiētes, ibi vitam acerbam & duram longo tempore agebant. Interdum pro victimis seipsos

seipſos offerebant, ex abrupto ſaxo ſe deiicientes, & in mille fruſta comminuentes. Quæ hæcenus commemorauimus, nihil aliud niſi laquei Sathanæ ſunt, qui nihil in votis magis optatiſque vnquam habuit, quàm vt vniuerſum genus humanum in æternum ſecum exitium pertraheret ac præcipitaret.

Cap. XVIII.

Cuiusmodi victimas Indii diabolo obtulerint.



DROFESSVS Deique ac hominis hostis, in omnibus sacrificiis istis, ad quæ varia & diuersa miseros homines institutos compulit, frendentis sui odii radios vbiq; effulgere fecit. Sicut enim ista religionis mira proprietas est, vt ad culturam & venerationem Dei homines adhibeantur: sic pariter mēdacij pater constituit, vt sibi velut rerum omnium auctori ac domino, Dei creatura ipsa pro victima offerretur. Primæ omnium oblationes, quas exhibuere homines, simplices rudesque fuerant. Cain pro sacrificio fructus terræ: Abelus verò e grege suo pecudem pinguem offerebat. Idem postea secuti sunt Noha, Abraham, & Patriarchæ, vsque dum surgens Moyſes, peculiarem de ceremoniis librum Leuitis condidit, quo multa eaque diuersa sacrificia, cum ceremoniis quamplurimis populo Israëlitico destinauit. Hoc ergo exemplo illectus Cacozelus Sathanas, ad quæcunque sacrificia sibi quoque offerenda, fatuas gentes illicò compulit. Illisdem etiam plurimas leges, ceremonias, ritusque præscripsit, non secus, ac veteris à Deo latæ legis fidissimus æmulus esset. Vnde similes ab eo in reb. quamplurimis ceremonias seruatas videmus: Cæterum, omnia sacrificia, quæ increduli Sathanæ offerebant, in tria cōferri genera commodè possunt. Primum rerum est, anima carentium: Alterum animalium est: Tertium, ipsorum hominum. In Peru Cocam offerebant, herbam magni æstimate. Sacra etiam faciebant oblato Mays, picturatis pennis, Chaquiræ siue Mollo, alga marina, nonnunquam & auro, argentoque ac ex his imaginibus animalium confectis: pannis item pulcherrimis ex Cumbi, fragrantibus & cælatis lignis: ordinariè verò adipe, & seuo. Omnium horum sacrificiorum finis erat, vt commoda tempestas, felix plantarum incremētum, optata sanitas, & periculorum vacantiâ impetrarentur. Secundum sacrificiorum genus Cuius dicebatur, ab animalibus hoc nomine vocatis, & plerumque offerri solitis. Hæc bufonum facie erant, ab Indis in cibum optari solitis. In casu, viros primates concernente, Oues seu Pacos, tam lanigeræ, quàm depiles, sacrificiis offerebant: vbi ad numerum earum, & colorem, & oblationis tempus admodum curiosè attendebant, & ceremoniis variis utebantur. Æthiopes albi, Alquible vocati, pecora vel maiora vel mi-

nora sacrificaturi, hos ritus seruabant. Pecudem, dextro brachio impositam, soli obuertebant, & pro colore eius mactandæ, discreta verba obmurmurabant. Nam si colore vario esset, verba ad Chuquillam siue tonitru fundebantur, vt nulla aquarum seu pluuiarum inopia emergeret. Si verò candida & glabra existeret, aliis distinctis verbis soli offerebatur. Vt eo anno is serenus luceret, & rerū omnium incrementum vegetaret. Si Guanaco siue Cæsia esset, sacrificium id Viracochæ in honorem fiebat. Singulis diebus in Cusco huiusmodi cum ceremoniis soli ouis non admodum villosa offerebatur, quæ cum rubea Camisia cremabatur. Quibus sic vnâ ardentibus corbes aliquot Caca pleni iniiciebantur, quod Villacaronca appellabant. Ad hæc sacrificia peragenda tum populos tum pecudes peculiares sercernebant, vni huic rei seruientes. Quin imò & volucres offerebant, qui tamen mos apud Peruanos non æquè ac Mexicanos, qui coturnices plerumque sacrificabant, frequens erat. Porro, Peruani in Puna, id est, in locis desertis vastisque sacrificabant, quoties bellum meditabantur, vt Deorum ibi impetratis suppetiis adiuti, hostium vim cōmodius obterere possent. Et hæc sacrificia Cuscouicça siue Conteuiçça, aut Huallauicça, vel Sopauicça nuncupabantur. Hæc his ritibus fiebant. Ex desertis varij generis aues captantes, spinea & aspera ligna plurima Ganlli vocata, comportabant. His accensis vniuersas aues imponebāt: quam coniunctionem Quico appellabant. Postea tum rotundos tum angulares lapides, depictis tum anguibus, tum leonibus ac bufonibus tigribusque ornatos arripiētes, Vfachum, id est, victoriam nobis largire, & his similia alia verba, edebant; quibus hoc vnum dicturi erant, Guacas nostræ efficacia ac vis, hostibus nostris nihil fortunati, sed aduersa omnia, imò ipsum interitum accieat. Finitis istis, oues nonnullas, in caueis aliquot diebus fame maceratas & exhaustas, quas Vrcu nominabant, promebant. Has dum mactabant, hæc verba pronunciabant: Non secus ac horum animalium corda deficiunt & languescunt: sic Dij nostri hostium nostrorū robur & potentiam confringant & proterant. Quod si carnis adhuc aliquid harum ouium cordibus adhærescere viderēt, quæ inedia & fame non absumpta esset: pro augurio non fausto sed ominoso habebant. Nigros quoque Canes, Apurucos occisos nonnunquam offerebant, quos deinde in camporum plana abiiciebant. Tandem ab his demptas carnes peculiaris quidam populus cum singulari ritu vorabat. Aliquando etiam pro Inga sacrificabant, vt veneno nullo conficeretur. Hoc facturi, à summo mane ad concubiam vsque noctem ieiunabant. Inde tum cibo tum potu se confertim ingurgitabant. Et hoc sacrificium, quia contra Dei hostes fiebat, omnium sacerrimū erat. Etsi verò tū hæc tum alia huiusmodi, bellorum longis cōtinuationibus maxima ex parte abolita iam sint: superstitionum tamen reliquiæ quædam vel dum in nonnullorum

Indorum cordibus gliscunt, ita, vt obortis fors, inter dominos, quos Caçiques vocant, aut ciuitates Pagosque discordiis aut diffidiis, algas, Mollo dictas, in riuis sacrificent, dicantque, eos maris filios esse, mare verò vniuersorum fluminum matrem existere. Pro colorum varietate, algis varia nomina imponuntur. Qua causa etiam diuersis vsibus adhibentur. Algæ vniuersis ferè sacrificiis inferuntur. Homines etiam reperiuntur, vel hodiè, qui tritam algam inani superstitione ducti cum sua Chica (Potus genus est) perfundant commisceant. que. Fuerunt etiam Indi, qui in hoc conducebantur, vt profluentis, riuisque & canalibus, ciuitates, pagos, & oppida ac Charcos siue agros permeantibus, sacrificia facerent: quæ sationis tempore præcipuè fiebant, ne flumina deficerent, aut terram rigare desinerent. Pro sacrificiis his obeundis Harioli seu magi sortes mittebant. Quo facto, à communione plebis omnia ea, quæ sacrificio offerenda erant, colligebantur, & ei, qui laborem hunc præstaturus erat, offerebantur. Horum sacrificiorum tempus, initium hyemis erat, quo flumina aliàs ex se augescere & exundare sueuerunt: quem tamè effectum cæcæ gentes suis oblationibus assignabant. Fluminibus & riuis desertorum locorum nihil sacrificij offerebant. Prisca verò illa, scatebris, riuis & fluminibus, oppida agrosque alluentibus sacrificandi consuetudo, vel dum hodie apud nonnullorum animos viget. Fontes tamen & flumina desertorum non omnimodo aspernantur: sed si quo fors loco duo flumina sibi aut occurrunt, aut inuicem permiscuntur, ibi singulari deuotione eadem venerantur, & haustis vndis se lauant, ad nonnullorum morborum sanationem impetrandam. Ante lotionem tamen farina ex Maijs & rebus alijs se illinunt, & ritus peculiare edunt: quod ipsum quoque similiter in balneis præstant.

Cap. XIX.

Quibus ritibus Indii homines sacrificent.



X rebus omnium nocentissimis & flagitiosissimis, ad quarum patratiōem Sathanas, infelix Indorum genus illexit, crudelissima certè & immanissima fuit mactatio hominum, quos ad sui similitudinem rerum vniuersarum conditor Deus initio creauit, vt eius maiestate & præstantia præ animalibus cæteris perfruerentur. Multis populis is mos fuit, vt, qui è seruis dominis suis operas omnium fidissimas præstitissent, iisque charissimi fuissent, cum defunctis heris occiderentur, quo similes illis operas in seculo etiam altero præstarent: velut superius prolixius dictum est. Peruani autem cum fidei seruis ac ministris, proprios quoque liberos, à qua-
tuor

tuor ad decem annos natos, sacrificij loco mactatos offerebāt: quod Ingarum plerunque in gratiam fiebat, quoties aut peius haberent, aut in bellum ituri essent. Si Ingæ nouo nodo filamētofo (id signum regiæ est potestatis, nō secus ac apud nos sceptrum ac corona) offerretur, liberorum ab annis 4. ad 10. vsq; , ducentos circiter vnā mactabant, quod spectaculum horrendissimū erat. Sacrificandi illi, primò foedè iugulabantur, quorū deinde corpora truci aspectu & ritu terra obruebantur. Solebāt aliis temporibus liberos decollare, & ipsorum cruore faciem propriam polluere. Nonnunquam & virgines sacrificabant, ex iis, quas ex monasteriis ad Ingam deduci solitas superius recensuimus. Quorum sacrificiorum impostura nocentissima simul & crudelissima extabat. Quoties enim velex primoribus, vel inferioribus ac priuatis etiā viris quis ægrius habens, à mago suo intelligebat, fatum sibi ineluctabile omninò impendere: tum suos illicò filios ac filias Viracochæ immolabat, ac precabatur, vt hac victima contentus, patrem cæsorū superstitem seruaret. Huiusmodi immanitatis sacra quoque scriptura meminit, dum ait, Regem Moab primogenitum filium suum super muros in ipso populi Israëliti conspectu immolasse; quo factò horrendo illi eò vsque incanduerint, vt deserto sacrilego loco ad terras suas reuersi sint. Quin & in sacris legimus, sacrificia huiusmodi quoque apud nationes Barbaras, vt Cananæos, Iubusitas & cæteras, solemnes fuisse, sicut de his liber sapientiæ expresse testatur, dum inquit: Et non suffecerat, errasse eos circa Dei scientiam, sed & in magno viuentes inscientiæ bello, tot &

” tam magna mala pacem appellant. Aut enim filios suos sacrificantes,
 ” aut obscura sacrificia facientes, aut insanix plenas vigilias habentes,
 ” neque vitam, neque nuptias mundas nunc custodiunt, sed & alius a-
 ” lium per inuidiam occidit, aut adulterans contristat, & omnia com-
 ” mista sunt, sanguis, homicidium, furtum & fictio, corruptio & infi-
 ” delitas, turbatio & periurium, tumultus bonorum, Dei immemora-
 ” tio, animarum inquinatio, natiuitatis immutatio, nuptiarū incon-
 ” stantia, inordinatio, Mœchiæ & impudicitix. Infandorum enim i-
 ” dolorum cultura omnis mali causa est, & initium, & finis. Hæc tanta sapiens de ista gente. Sed & propheta Regius Dauid acerbè conqueritur, quod filij Israël à Barbaris istis hæc flagitia tam auidè hauserint, vt filios ac filias proprias Dæmoni immolârint: cuiusmodi tamen victimas Deus nec vnquam postulârit, nec probârit, vt qui vitæ non destructor sed dator sit, & in hominum vsus vniuersa alia condiderit. Vnde Deo minimè res grata præstatur, si in culturam eius homo hominem iugulat ac offert. Et licet Iehoua quidem exquisitam illam Abrahæ obedientiam in vnico immolando filio Isaac, apprimè collaudârit: vt tamen ipsum factum Abraham designaret, non permisit. Ex quibus iam sole clarius execranda Sathanæ præuaricatio elucet, qui Deum æmulaturus, se non saltem adorari patitur, verum etiam

etiam hominum immolationibus, & innocentis sanguinis tot profusionibus factis in sinu suo gaudet, & his flagitiis disseminatis tum animas tum hominū corpora in exitium æternum coniicit. Hæc illa rabies & irreconciliabilis inimicitia est : quam aduersus vniuersum genus humanum impostor pessimus alit fouetque.

Cap. XX.

De horrendis hominum immolationibus, apud Mexicanos solennibus.



ET SI Mexicani quidem non æquè ac Peruenſes liberos ſuos immolare ſueuerint: (Nam de Mexicanis id à nullo Hiſtorico proditum ſcimus) nihilominus tamen propter cæſorum & mactatorum aliorum hominum infinitam multitudinem, inaudita & enormi ſeuitia ac crudelitate non Peruenſes ſolum, ſed omnes vniuerſi orbis populoſ ac gentes multis paraſangis (quod aiūt) anteuerterunt. Qui quidem populus, quanto operè aſtutia & tyrānide ſtygij cacodæmonis excæcatus & infatuatus fuerit, ex iis ritibus pius lector abunde colliget, quos, prout ſeruarunt, iam ex ordine enarraturi ſumus. Primum autem homines, quos immolabant, in bellis captos eſſe oportebat. Quod ſi ſclauſi captiui deeſſent, ſolenne ſuum ſacrificium ſuſpenderent. Quare veterum morem aut ſenſum ſecuti quidem videntur, qui (vt autores teſtantur) victimas à victis deducebant, vt & hoſtias, ab hoſte, quaſi ſacrificium oblatio hoſtis ſit. Nunc tamen id vocabulum in genere omnibus ſacrificiis accommodatur. Porro, ne vllò vnquam tempore captiui deeſſent, perpetuis inuicem bellis digladiabantur. Hinc fiebat, vt omni ſtudio viui viuos captare laborarent, quo pro ſacrificiis hoſtiæ ſuppetarent. Hanc ex cæteris cauſam Moteçuma ad Marchionem de Dale prætendit: Qui cum rogaffet, quid fieret, vt, cum tanta potētia auctus plurima ſibi regna ſubiugarit, ſoli prouinciæ Tlaſcālæ edomandæ nō incumberet, cū eius tamē occupatio facilis videretur: reſponſum à Moteçuma accepit, eius rei cauſas geminas eſſe: vnam, quod iuuentus Mexicana perpetuis exercitiis & laboribus viresceret, nec torpore & ignauia perderetur: Alteram, quod captiuorum ac ſclauorum, quantis ad ſacrificia opus eſſet, ſatis inde acciperet. Sacrificiorum hæc norma erat. Mactandi in ſupremam aream capitum mortuorum (de his ſuperius non nihil perceſſimus) ducebantur: vbi ſua ſerie diſpoſiti, firma cuſtodia diligenter ſeruabantur. Paulò poſt ſacerdos quidam prodibat, amiculo cinctus, cuius extremitas continuis floccis innexa erat. Is ab editiore tēpli loco deſcendēs, Imaginem ſeu idolum, ex farina Maijs cum melle ſubacta formatū manib. gerebat. Idoli oculi ex viridi corallio: dentes verò ex granis Maijs

constabant. Qua summa verò festinatione sacerdos poterat, per gradus decurrebat. Ibi in media area grandem lapidem, theatri specie positum ascēdebat, qui Quauxicalli, id est, lapis aquilaris vocabatur. Ex hoc theatro, scalas aliquot ibi vicinas scāsim ascēdebat: è quib. tamen breui iterum desultans, alias in latere positas exuperabat, firmis manibus suum idolum continuò gestans. Postea ad locum illum irabat, quo captiui confederant. Horum singulis à summo ad imum idolum apporrigebat, dicēs: Ecce, hic Deus tuus. Reperacta, in altero latere per gradus quosdam se proripiebat. Iam ergò omnes & singuli, qui pro victimis aderant, ad locum supplicio destinatum se conferebant, & morti præparabant: qui ex ordine quoque singulatim neci dabantur. Immolationis autem forma cōmunissima illa erat, quod mactandorum pectoribus diruptis, cor viuum extraherent. Ipsum cadauer, cruore vndiquaq; madidū è gradibus templi deturbabatur. Sacrificium verò sex sacerdotes peragebant. Horum binis, mactandi manus, duob. aliis pedes, & quinto collum firmantibus, sextus pectus scissim dirumpebat, & cruētis manibus palpitans cor euellebat. Hoc munus qui obibat, Chachalmua, id est, rerum consecratarum minister vocabatur: quod officium omnium dignissimū, sola hæreditatis successione in alios transferebatur, quo modo his in locis feudis posterius succedūt. Homicidij iste designator pro summo sacerdote ac Papa habebatur: cui pro tēporis & solennitatis cōditione diuersa nomina indebantur. Pro diuersitate temporis iidem, vt nomen, sic vestes quoq; permutabant. Ab officio, Papæ vel Topilzni nuncupabantur. Vestis illius rubea, fimbriæ vice in extremitate villis appēdebatur. Capite coronam ex pulcherrimis ac flauescens pennis textam gerebat. Ex auribus annuli aurei, gemmis ornati dependebant. Labiis versus mentum gemmæ quippiā simile insertū erat. Sacrifici sex, qui hostiam mactabant, facies manusq; atras & informes ostendebant, quorū quinq; capillos floccis intorserant, admodū crispis & intricatis. Medio capite tænia coriacea reuincti spectabātur. In syn-
cipite scuta exilia papyracea, variis coloribus depicta suffixa gerebāt. Vestes ex filo candido atroque contextæ variabantur. Hoc habitui ipsi cacodæmoni quadamtenus similes, fœdis vultibus, omnibus astantibus terrorem certissimum incutiebat. Sūmus sacerdos, magnum, latum & acutissimum cultrum manibus librabat. Alius monile ligneum, serpentis forma excisum gestabat. Sex hi sacerdotes, Idolum suum prætergrediētes, submissā veneratione ingeniculabantur. Lapis, in quem fontes illidebantur, pyramidis formam habebat, & in opposito sacelli Idoli iacebat. Huic tanta acuties erat, vt in illum illisus facili opera totus diffinderetur. His omnibus sacerdotibus ex ordine stantibus, hi qui in bello capti pro victimis seruabantur, magna populi frequentia adducebantur ad eum locum, qui supplicio destinatus erat. Ducebantur verò nudi. Horum qui primus a-

stabat

stabat, hinc pedibus, illinc manibus correptus, in acutum lapidem nudus illidebatur. Quo facto, dicto ocyus quintus annulū ligneum collo innectebat. Summus verò sacerdos mira agilitate cultro petus discindebat, ex quo palpitans euulsum cor, ita, vt fumabat, soli veluti ostendens obuertebat. A quo iterum conuersus ad Idolū, viscus in eius faciem cruentum excutiebat. Ab eo cadauer per gradus subiectos deuolvebat, qui saxo tam propinqui erant, vt vix binorum pedum interuallum intercederet. Hoc ritu consequenter & alij mactabantur. Porro in vnum cumulum congestis cadaueribus, domini accedentes, quem quisque in bello cæperat, auferebant, & ex carnibus coctis lautas epulas domi, & splendida conuiuia agitabāt. Hoc modo qui vna vice immolarentur, plerunque 40. aut 50. numerabantur. Nam ad hostes viuos capiendos, Mexicani admodum agiles & expediti fuerant. Qui Mexicanis finitimi erant, hi magna ex parte tum eorum mores, tum leges & statuta, tum cultus alios emulabantur.

Cap. XXI.

De alio quodam ritu, à Mexicanis in hominum immolatione obseruato.

NDORVM peculiaris alia quoque ratio diebus festis sacrificandi fuerat, quam Racaxipe Veliztli, id est, hominum excoriationem vocabant, ideò, quod vni vel pluribus sclauis, quos ad id selegerant, corium detraherent. Hæc detractio à peculiariter ordinatis & deputatis fiebat. Si quis hoc munus obiiisset, tum ostiatim per omnes plateas & fora ciuitatis circuibat, saltando & cantillando nescio quid animi exprimens. Quos prehēdebat, si quid erogare stipis cgebantur. Tergiuersantibus pellem cruentam in facies illidebat, vt cruore diffuerent. Hoc ludicrum, quamdiu pellis integra esset, durabat. Quo tempore ita passim discurreret, stipis quamplurimum colligebat, quæ idoli cultibus impendebatur. Huius festi ea ratio erat, vt sacrificus cum hostia sua seu homine mactādo aperta lucta prius decerneret, hoc modo. Sclauo de saxo religato, in manus gladium cum scuto indebant. Qui, si antagonistam sacrificum, æquè armatum prostrauisset, non saltem à victimæ sorte libere euadebat, sed Ducis insuper & bellatoris titulum sortiebatur, quo nomine etiam deinde apud vniuersos magni fiebat. Quod si verò in pugna succumberet, nulla mora super lapide isto, ex quo reuinctus erat, cædebatur & mactabatur.

Porro aliud quoq; sacrificij genus colebant: ad quod sclauum quēdam seligebāt, qui Idolū ipsum repræsentaret, & illud in omnib. vinus exprimeret, hoc pacto. Sacerdotib. suis quotannis sclauū vnū

tradebant incolæ, vt viua idoli imago nunquam deficeret. Prouinci-
am ergò hâc initurus sclauus, probè primû lauabatur, & mundaba-
tur. Ita veluti initiato habitum & insignia Idoli, & ipsum illius no-
men quoque conferebant, & integri anni decursu sclauum non mi-
nus, ac Idolû ipsum destinatis cultibus venerabantur. Duodecim
ministris velut asseclis assiduò, ne quo aufugeret, stipabatur. Si fors
aufugisset, custodum primarius in eius locum sufficebatur, qui Idol-
um referret, & immolaretur. Sclauo huiusmodi conclaue templi o-
mnium ornatissimum & spectatissimû locabatur, in quo ageret, &
cibum caperet. Et huc ad eum subinde ciuitatis primates ingredie-
bantur, honoris causa cibum ei ministrâtes, & alia officia honoraria
deferentes. Animi causa fors aliquò per ciuitatem prodeâbulaturum
primatum magnus ponè numerus insequēbatur. Is quam manibus
gerebat, fistula nonnunquâ cantillabat in plateis, vt sui præsentis po-
pulis aliquod signum daret. Ad perceptum sonitum ex ædibus certa-
tim effluebant tum viri, tum fœminæ, vlnis infantes gestantes, quos
ante pedes eius deponebant, & diuina veneratione pergentē prose-
quebâtur. Idem & populus reliquus præstabat. Nocte in admodum
firmam caueam ferream illû includebant, ne fuga securus eluderet.
Et hoc vsque ad festæ diei appulsum sedulo ita cōtinuabant: qua pro
victima tandem sistebatur. Hoc & similibus dolis sathanas fatuas
gētes ludos fecerat. Eorum, qui huiusmodi insânia ab Indis mactari
solebant, numerus tantus erat, vt tutò pronunciari vix possit. Nam
pro compertissimo narratur, aliquoties vltra 5000. homines macta-
tos & immolatos fuisse. Ad quam infandam crudelitatem confiden-
tius patrâdam, Cacodæmon supersticiosos homines hac ferè astutia
inescabat. Si commodum videbatur, Sathanas sacerdotibus persua-
debat, vt Regulis significarēt, parum abesse, quin dii iam fame & ine-
dia conficerentur & taberent. Facerent ergò, quòd ad rem conferret.
His fatui Reges incitati, bellum confestim decernebant, & subditis
suis, vt indicto tempore armati confluerent, mandabant. Deos enim
suos iam victimas & alimenta poscere. Sed & per feciales missos ho-
stibus suis bellum denunciabant, & denunciationi causam adde-
bant. Vbi ergò præsentibus armis vtrinq; cōcursum est, pugna com-
missa nihil aliud moliebâtur, quam vt alter alterum viuum prehen-
deret. Nectam se inuicem cædere & prosternere, quam capere & li-
gare studebant: vt nimirum viuas pro diis victimas trophæis addu-
cerent. Hoc loco & id sciendum est, Indos nullum quēquam regem
creasse & coronasse, quin is prius aliquod prouinciârû victor factus
fuiisset, & captiuorum plurimos ante se ad Deorum sacrificia egisset.

Eo pacto in honorem sacrilegi & teterrimi Sathanæ, sanguinis
humani inæstimabilem copiam assiduò pro-
fundebant.

Cap. XXII.

*Indos crudelitatis & immanitatis suæ tandem saturos, morem
& consuetudinem impiam quadantenus mitigasse
& abrogasse.*



SÆVITIA ergo isthæc, & fundendi sanguinis humani nimia facilitas, nonnullis Indorum tandem, nauseam & abominationem tantam conciuuit, vt rem totam immanem & inhumanam esse, vltro affererent. Quibus tamen Idolorum sacerdotes tot minis illicò & ominationibus obuiabant, vt foedam consuetudinem non omnino quidem abrogare & è medio tollere auderent: at tamen ex hoc immani iugo tandem liberari vnicè desiderarent. Singulari itaque Dei prouidentia sic constitutum erat, vt, quo tempore Euangelium Iesu Christi ipsis annunciari cæpit, iam foedæ istius superstitionis quandam nauseam haberent. Concionibus enim aliquot vel ruditer saltem informati dicebant, & doctrinam hanc simul optimam, & Deum ipsum placidissimum esse oportere, qui cultu tam simplice puroque adorari velit. Nouæ Hispaniæ sacerdos quidam recensuit nobis, quod, quo tempore primum in Indiam appulisset, senem quendam Indum rogârit, quid factum sit, vt Indi prædicatum de Christo verbū tam promptè acceptarint, suæque veteri opinioni valedixerint, cum tamen nouam & peregrinam doctrinam nondum exactè probassent, aut vllis disputationum momentis compulsi, suam erroneam deprehendissent. Nam ex illis perspicuum esse, quod legem patriam nullis euidentibus causis moti, inconsideranter excussissent. Ad hæc autem respondisse Indum taliter: Optime pater, obsecro, ne tibi persuasum sit, nos de Christo oblatam doctrinam incogitanter & temerario impulsu (vt malè insimulamur) acceptasse. Per viuum enim Deum testor, iuroque, nobis leges, statuta ac mandata, ab Idolis recens quotidie iniuncta, tanto odio iam dudum ac fastidio fuisse, vt consilium aliquoties obstinatum plerisque fuerit, legem patriam vltro citroque eliminandi, & nouam æquiores sanctioresque adoptandi. Cum ergo vestræ legis doctrina nobis admodum veritati consentanea, adque vitam felicior & humanior accommodatissima videretur, neque tantam innocentis sanguinis profusionem posceret, sed in omnibus innocens, pura & sancta esset: eam certè cum ingenti desiderio ac gaudio non acceptare non potuimus. Quæ pia pii Indi responsio approbè cum illis quadrat, quæ Hernandus Cortés ad Cæsarem Carolum V. litteris nunciauit: quod nimirum, cum ciuitatem Mexico vi occupasset, & iam apud Cuyoacan moraretur, ex ciuitate Mechoacan Legati ad ipsum venerint, & prouinciarum nomine petierint, vt

ad illos tum Leges & fidei suæ articulos, tum etiam viros, illis clarius & dilucidius explanandis idoneos, mittere dignaretur. Statuisse enim se, abominabilibus patriæ legibus desertis & protrititis, Christianorum doctrinæ deinceps astipulari, ut quæ tum ipsi Naturæ, tum summi Dei voluntati apprimè consentanea videretur. Quibus lubens gratificatus Cortês, fecit, ut vel dum hodiè multa Christianorum in noua Hispania agmina sint. Hispani, cum immanes istas innocentium hominum mactationes & dilacerationes vidissent, magno zelo præsumebant illicò, ad laniones & Anthropophagos istos, radicitus extirpandos & excindendos, omnes vires & copias suas impendere. Ad quod primo quouis tempore confectum dandum, hac præcipuè causa inflammabantur. Cum aliquando aperto prælio cum Mexicanis cõfluxissent, & in pugna illa 60. circiter aut 70. Hispani capti fuissent: hos vniuersos Mexicani sub Hispanorum ipsorum aspectum crudeli laniena immolauerunt. Alio quoque tempore, in Tezcucò, ad hospitii publici parietes carbone hæc verba descripta inuenerunt: Hoc loco in vinculis fuit, infelix N, cum suis foeiis, quos Tezcucani mactatos immolauerunt. Historia porrò & alia admodum memorabilis narratur, plurimorum fide dignorum testimonio confirmata, quam recensebimus: Hispanos nimirum aliquot istiusmodi sacrificio spectatores aliquando astitisse: & inter cæteros vegetum quendam & robustum adolescentem pro victima quoque adductum fuisse. Huic per medium pectus dissecto, pro more coreuulsum, & corpus de theatro deturbatum fuisse. Cum verò eo casu ad astâtes Hispanos forte fortuna aduolutus esset, hæc eum clara voce verba edidisse: Caualleros Muerto Mehan, id est, ô equites, isti me iugularunt. Quæ verba Hispanos admodum permouère. Etsi verò, adolescentem istum vel dum corde exempto locutum esse, præter rei veritatem alicui videri possit: nihilominus tamen & ipse Galenus testis est, accidisse aliquoties, ut victimarum quædam, corde iam extracto & in aras seposito, sese non mouerint solum & spiritum traxerint, verum etiam altè clamarint, & longo interuallo aliquousque procurrerint. Sed hæc, quomodo cum ipsa rei natura conueniant, disputatione exactiore non expendemus hoc loco, sed ad propositum nostrum, quod seruitutem Barbarorum intolerabilem, ad quam à Stygio Sathana præcipitati fuerint, explicabit, reuertemur. Ex qua consideratione simul maxima & inæstimabilis Dei misericordia, quam patefacta mansueta sua lege, miseris & errorneis istis gentibus cumulatissimè contulit, clarissimè elucebit.

Memorable.

*Gal. libr. 2. de
plac. Hippocr.
arg. Plat. c. 4.*

Cap. XXIII.

*Sathanam vel ipsa S. Ecclesia Dei Sacramenta emulari
ausum fuisse.*



ATHANÆ scelerata arrogantia, vt iam aliquoties diximus, & meta & modo caruit. Nam nō superstitionibus solum & sacrificiis, verumetiam ceremoniis Sacramentalibus, quas Saluator Christus in fidelium solatium & refectionem statuit, diuinam sibi auctoritatem conciliare ausus est. Comprimis autem sacramentum Eucharistiam, quem thesaurū pretiosissimum seruamus, distinctis aliquot modis emulari cepit, vt nulla re inausa & intentata, dubias hominum mentes perditioni æternæ intricaret: quod hoc ferè modo prestitit. Peruanis mos est, vt primo anni mense, quem Rayme vocant, appellente (is cum Decembri nostro conuenit) festum Capacrey me agitent, quo sacrificijs suis ordinariis multiplices ritus ac ceremonias aliquam multis diebus exhibent. Et hoc tempore nulli peregrino in aula Cuscana morari licebat. Finito festo, aduenis rursus accessus dabatur, vt sacrificijs & ipsi interessent, quib. deinde Sacramenta hoc modo conferebant. Mamaconas Solis, quas superius moniales diximus, ex farina Maijs, cum sanguine alborum arietum eodem die mactatorum massam pinsebant & subigebant, ex qua postea placentulas, eodem die hostiæ vice offerri solitas, concinabant. Hoc facto, ex diuersis prouincijs infiniti homines confluebant, quos in constituto loco sacerdotes ex ordine confidere faciebant. Hi verò sacerdotes posteri ex generatione Illuqui Yupangi erant. Confidenti vnicuique de placentis dictis ministrantes, dicentesque ideò de fragmentis istis se distribuere, vt participantes, illorū medio Ingæ, Peruanorum Regi vnirentur, & fœdere cū eo perpetuo coalescerent. Quin & adhortabantur communicantes, ne quam sinistram & disconuenientem Ingæ mentionem vllibi facerent, sed in rebus ipsi promiscuè omnibus toto pectore fauerent, viuoque eundem amore iugiter prosequerentur: cuius debiti hanc porrectam micam testem iam acciperent. Quæ periurium & violatam fidem quocunque tempore haud cunctanter proditura sit. Placentæ vero istæ magnis ex auro argentoque lancibus præferebantur, quas huic vni vsui paratas habebant. Peregrini verò, vbi fragmentum de placentâ acceperunt, Soli de istis beneficijs gratias deuotas fundebant, & tum verbis tum vultibus ingentis gaudij signum edebant, deicrantes, quòd omni vitæ suæ tempore nec contra Solem nec Ingam quicquam vel verbis vel opere, iniquè machinaturi sint, sed quòd vtrisque in omnibus fidelem operam & obedientiam perpetuo præstare velint. Cuius rei testimonium indubitatum, micam oblatam quoque in corpus suum

suum iam ingerant. Diabolicas has ceremonias æqua ratione mens quoque decimo repetebant, quem Coyaraime vocabant, in Septembrem nostrum incidentem. Et hoc eorum festum quoque præcipuorum vnum, patria lingua Citua vocabatur. Nec verò solum viritim hoc Sacramentum distribuebant, sed placentas istas etiam ad omnes Guacas & finitima Idola per omne regnum transmittiebant. Plurimi eas etiam vtrò acceptum longis viis accedebant: qui domum ad suos reuersi prætendebant, hoc à Sole Sacramentum sibi traditum esse in signum & vinculum, vt illum perpetuo honore & cultu venerarentur. Cæque placentas huiusmodi multas dono accipiebant. Et hic mos superstitione plenissimus vsque ad tempora Ingæ Yupanguy durauerat, qui bono fine plerasque leges ritusque ac ceremonias abrogans, Numæ Romano quadamtenus se similem præbuit. Postea tamen sancta Euangelij vox superstitiones has omnes in vniuersum sustulit, & verum viuificumque cibum, qui tum animas tum corpora hominum reficeret, illarum loco substituit. De his qui plura scituri, is, quæ Licentiatus Polus ad Archiepiscopum ciuitatis de los Reyes Don Ieronymo de Loaysa cõmentatus est, euoluat: vbi rerum mirarum & variarum plenum Catalogum, magna diligentia à dicto scriptore congestum, reperiet.

Cap. XXIV.

Quibus modis Diabolus festum corporis Christi, quo Sacramenti distributio fit, amulari conatus sit.



VRIDVS Dei ac hominum hostis Sathanas, princeps omnis fastus, apud Mexicanos etiam festum corporis Christi hoc modo imitatus est. Festum Mexicani omnium maximè solenne mense Maio in honorem Vitzliputzli celebrabant. Biduo antè, virgines illæ, quas monialium ritu in monasteriis ali solitas superius diximus, conueniebant, & magnum numerum Bledos (femini genus est) cum tosto Maijs permixti molebant. Farinam hanc cum melle subigebant, ex qua deinde massa magnum Idolum, ligneo simile effingebant: cuius oculos corallio cyaneo & candido, dentes verò granis Maijs insertis exprimebant, & ipsum insuper Idolum linteis & velis pulchris exornabant. Hoc factò, & absoluto, primates confertim accedentes, vestem pretiosam & pulcherrimam, forma conueniente concinnatam, idolo iniiciebant. Hoc idem post eà in fellam, cyaneo colore inductam, ac lecticæ impositam, vt baiulari posset, collocabant. Porro ipso festi die, prius quàm aurora promicaret, dictæ virgines candidis vestibus & aliis mundis amicitæ, conueniebant. Quo die, sorores Dei Vitzliputzli illæ vocari incipiebant.

bant. Eædem ferta ex tosto aut macerato Maijs capitibus, ac ex eadem materia crassas corollas collis gerebant, ad læuum vsque brachium propendentes. Malæ & vultus earum pigmentis fucati, brachia verò à cubito vsque ad manum pulcherrimis ex psittacis plumis ornata erant. Hoc habitu stantes, lecticam Idoli suis humeris imponebant, quam ad locum, quo iuuenes ac adolescentes, reticularibus vestibus induti, & similibus cum puellis fertis coronati congregatique morabantur, proferebant. Adolescentes, viso idolo venerabundi, accurrebāt cominus, & suis humeris lecticam suscipientes, idolum ad gradus templi infimos vsque deportabant, quo loco vniuersus populus expectabat, ad conspectum idoli flexo poplite sese demittens, & puluere ex pauimento lecto capita sua conspergens. Hoc facto, plebs omnis in vnam processionem se conferebat, qua maxima fieri posset festinatione in montem quendam Chapultepec, à ciuitate Mexico vnus leuæ spatio distantem procurrens. Ibi conciuncula habita, sacrificia fiebant. Hinc iterum sese magna celeritate efferentes, in vicinum alium locum Atlacuiuaya vocatum festinabant, vbi secundam concionem agebant. Sed ne hîc diutius persistentes, contentim ad oppidum quoddam, milliaris vnus interuallo inde distans, Cuyoacan vocatum, accelerabant: vnde in Mexico, nulla quiete media vtentes, tandem reuertebantur. Hoc iter, quod ad minimum milliarium quatuor erat, tribus aut ad summum quatuor horis confectum dabant, quam processionem Ypayna Vitzliputzli, id est, acceleratum iter Vitzliputzli vocare solebant. In templi ergò gradus infimos reuersi, sellam deponentes, fortibus funibus eam circumligabant, & nonnullis attrahentibus, cæteris verò protrudentibus & impellentibus in templi editiora ipsam prouehebant: quò propter graduum angustiam humeris imposita baiulari non poterat. Interim dum hæc peragerentur, populus omnis, cum singulari submissione metuque spectator astabat. Sella hæc in superiora promota, porrò in sacellum quoddam, huic rei exstructum, & rosis exornatissimum, condebatur. A quo deinde iuuenes confertim irruentes, fragrantissimis floribus loca templi vniuersa quoquo versum conspergebant. Hos deinde excipiebant virgines, prædicto habitu insignes, ex cubilibus suis spiras de tosto Maijs & herba Bledos factas efferentes. Has ossium grandiorum forma pistras, adolescentibus tradebant, qui eas tanta strue ante idolum congerebant, vt locus capiendis non suppeteret. Eas spiras, ossa ac carnes Vitzliputzli nuncupabant. His ossibus ita stratis, Seniores, Sacerdotesque ac Leuitæ & cæteri ministri continua serie, pro cuiusque ætate & conditione accedebant, quorum quilibet flammeum diuersis iisque pulcherrimis coloribus intertextum, prout cuiusque officium poscebat, gestabat. Quin & horum capita fertis, & colla corollis ex floribus concinnatis

conspicua erant. Hos ponè dij Deæque, quos varia forma ac habitu venerabantur, insequabantur. Hi, cum ante dictas spiras & idolum ex ordine reuerenter confedissent, multis ceremoniis peractis, eas cantu & sonis harmonicis quasi consecrabant, vt non minus quàm ipsum idolum, veneratione digna colerentur. His peractis, ij qui immolandis hominibus destinati erant, progrediebantur, & suum munus (vt antè percensuimus) exequabantur. Semper verò hisce diebus festis, plures, quàm alio tempore, homines mactabantur. Sacrificio finito, omnes tum adolescentes tum virgines è templo procedebant. binis vno ordine semper iunctis. Continua verò serie se ita locabāt, vt virginibus adolescentes semper ex aduerso starent, qui saltando & tripudiando motus corporis ad tympanorum sonitum decoros in honorem Idoli moderabantur. Modulamini illi omnes primores, senioresque populi certatim respondebant, choreas & ipsi in orbem agitantes, ita, vt in medio interius cum virginibus adolescentes assiduo relinquerentur. Ad hunc ludum spectandi animo omnis ciuitas gregatim confluebat. Festum verò hoc Idoli Vitzliputzli magna deuotione per omnem prouinciam concelebrandum erat: quo die nemo aliud quicquam præter massam illam, ex qua idolum effectum fuerat, gustare audebat. Quin & is cibus sub auroræ saltem exortum ingerendus erat, nec ante meridiem potus quicquam gustare licebat: Secus qui faceret, sacrilegus censebatur, & ominosa, nescio quæ, ex eo factò prænunciabantur. Ceremoniis exactis, iam cuique quod erat, esse licebat. Intereà verò temporis, quo hæc agitantur, filios omnes domi ab aquæ potu arcebant, ne ea gustata numinis iram incurrerent, & eius manu fors occiderentur. Tandem verò tum sacrificiis tum saltationibus vniuersis finitis, ornatum suum non sacerdotes solùm deponebant, sed archipresbyteri etiam, idolum habitu sueto exutum, confringebant, & cum spiris consecratis in frustra plurima redigebant, quæ postea distribuentes, primum primoribus, ab his deinde vniuerso populo, maioribus, minoribus, viris simul ac foeminis offerebant, non secus, ac apud nos in cœnæ Dominicæ administratione distributio fieri solet. Frustrilla hæc oblata communicantes cum tanta deuotione ac trepidatione, accipiebant, vt etiam quasi intimè poenitentes nonnunquam lachrymas profunderent. Nec quicquam, persuasum habebant aliud, quam quod veram carnem & ipsissima sui idoli ossa manducarent: quibus, vt vescerentur, se nimis quam indignos profitebantur. Ægris per alios ordinarios partes mittebantur, quas sacerdotes singulari religione impertiebant. Synaxi hac finita, quidam è Senioribus surgens, ad populum concionabatur, & clara elataque voce de Legibus & ceremoniis fuetis verba faciebat. Hæc omnia, quis, obsecro, non admiretur, tanta solertia & diligentia à Phlegethontæo Plutone ad cultum sibi struendum, vniformi cum Christianis ritu inuecta & in-

& introducta esse. Quæ certè vniuersa liquidissimè demonstrant, nihil vsquam Sathanam vnquam molitum esse aliud, quam vt vni Deo debitum cultum ac honorem præripiens, miseros homines in æternum exitium præcipientes daret: vt qui ex naturæ suæ proprietate totus homicida, spurcus, & omnium mendaciorum impudentissimus assertor ac patronus sit.

Cap. XXV.

De confessionibus & confessoribus Indorum.

IDEM sacrilegus mendaciorum pater, in confessionis etiam ritu instituendo, Romanam Ecclesiam ferè in omnibus apprimè æmulatus est. Peruanis siquidem persuasit, quod omnium, quibus torquerentur, ærumnarum ac morborum origo à solo peccato sit. Hinc factum, vt pro ijs expiandis sacrificia plurima conderent & ordinarent. Nec id satis quidem: verum etiam ore ipso peccata sua contrito pectore confitebantur, qui mos per vniuersas prouincias eas latissimè inundauerat. Hunc in finem certi confessionarii creabantur, dignitatum gradibus distincti. Peculiariora quædam & definita peccata sacerdotibus primariis reseruabantur. Confessoribus verò nonnunquam poenæ graues irrogabantur, ijs comprimis, qui pauperculi quod sacerdoti penderent, non habebant. Sed & mulieres nonnullibi confessionibus audiendis præficiabantur. In prouincia Collasuyo vel dum hodiè mos est, vt pro peccato grauissimo habeatur, si quis vel leuissimum quoddam crimen admissum sacerdotibus (hos Ychuri siue Ychuri appellat) non reuelet. Hi & fortibus, & quorundam animalium inspectis extis de populi peccatis diuinabant. Dissimulatores suspectos, lapidibus aut faxis dorso incussis, tam diu verberabant, dum plenam omnium patratorum enumerationem elicerent. Eo facto, poenitentiaæ agenda singulis definitus modus decernebatur. Pro his etiam, diis sacrificia peculiariora offerebantur. Huiusmodi confessiones iterabant, quoties vel liberi, vel parentes, vel Caçique aut morbo aut alio aduerso quodam casu tentarentur. Quod si fieret aliquando, vt Inga languesceret, aut morbo inuaderetur, tum omnes prouinciæ, Collas simul confiteri cogeabantur. Confessione manifestata peccata sacerdos minimè reuelare audebat, nisi fors in casibus definitis. Quæ enumerari ab ipsis confessoribus peccata frequentius solebant, hæc erant. Homicidia, extra bellum patrata, furta, adulteria, veneficia, & fascinationes, Idolorum contemptus, festorum profanationes, malæ de Ingis ominations, & contra hos rebelliones factæ. De internis animi vel cogitationis peccatis nihilangebantur, vsque dum Christiani de his quoque velut nocentibus eosdem instituissent.

Ipse Inga, non sacerdotibus, sed Soli tantum, confitebatur, qui peccata ipsius ad Viracocham deferret, & illorum condonationem ab eodem impetraret. Hoc modo confessus Inga, corpus abluebat, firmiter sua ita abstersum iri peccata persuasum habens. Id hoc modo fiebat. In fluentum proximum ingressus, hæc verba edebat: Soli mea peccata confessus sum: Ea fluuius hic excipiens, in vastum mare abripiat, vt in æternum non appareant. Simili modo & cæteri confessi abluebantur, qui mos etiam Mahumetanis solennis dicitur, quem Guadoi appellant: Indi verò Opacuna vocant. Si cui ex filiis quidam fato abriperetur, hunc peccatorem maximum arbitrabantur, dicentes, propter illius peccata grauiæ euenire, vt filius loco parentis moreretur. Eo, quo paulò antè diximus modo lotus, à gibbo aut alias à natura mutilo distortoque homine, legis iussu, vrticis cædebatur. Si quis æger, sorte magorum & ariolorum, sibi omnino esse moriendum didicisset: nulla mora filium licet vnigenitum, obtruncabat, pro se mactato filio Deos placatum iri sperans.

Horum rituum, etsi Christiani partem suo aduentu magnam abrogassent: nihilominus tamen Indi apud se peculiaria quædam confitendi genera furtim diu aluerunt, ex quibus erant, ieiunia, ablu-tiones, auri argenti que erogationes, montanorum visitationes, & plagarum dorso excipiendarum toleratus. Superstitiosorum huiusmodi sacerdotum, qui ægros visitare solebant, in prouincia Chicuito multi adhuc superesse dicuntur. Maxima tamen Indorum pars ad confessionis Papisticæ normam paulatim iam assuefit, quam deuotione religiosa amplectuntur. Quinimò singulari quadam Dei prouidentia ita fuisse constitutum videtur, vt confessionum vsus ante aduentum Christianorum iam dum apud eos vigeret: quo ad hunc recipiendum adduci possent commodius. Sed hic singulare quiddam nobis memorandum est, quod apud Iapanos vsitatum fuisse, fide dignissimorum hominum literis confirmatur. In Ocacaurupium quarundam tantæ eminentiæ sunt, vt nonnullæ 200. orgy-arum altitudinem habeant. Ex harum vna, longè quasi exertum fastigium quoddam transuersim prominet aut propendet, ipso aspectu tam altum, vt Xamabuxis (religiosi peregrinatores sunt) horrorent & tremorem vel è longinquo incutiat. Ex hac propendentia trabs seu tignum ferreum mira arte ita firmatum exeritur, vt orgy-arum quatuor mensurâ procedat. Huius in extremitate quiddam libræ aut stateræ simile annexum visitur: cuius balances ita amplæ sunt, vt virum immissum capiant. Goquis autem (Diaboli sunt, humana specie velati) cum peregrinatorem quemlibet seorsim in harum lancium vnâ imposuit, rotula volubuli trabem cum lancibus foras promittit ac educit. Xamabuxis ergò, iam intra cælum terramque suspensus, propter grauitatem cum sua lance ita subsi-

dit, vt altera vacua sursum vsque ad trabem subsiliat. Ita constitutum Goquis in rupe stans inclamat, & vt crimina sua, tam verbis & cogitationibus, quam ipso opere commissa confitendo enumeret, adhortatur. Quæ Xamabuxis voce tam clara recensere cogitur, vt ab astantibus omnibus distinctè exaudiri queat: quorum nonnulli ad audita ea rident, alij plorant gemuntque. Ad vnus cuiuslibet peccati confessionem lanx vacua nutat, & se quasi demittit, tādium, dum peccatorum vniuersorum enumeratione plena facta, vtræque lances in æquilibrio stent. Hoc facto, Goquis trabem retrahit, vt confessore primo dimisso, alius in lancem imponatur facturus post priorem idem. Hanc rem laponensium quidam, ad orthodoxam religionem conuersus, ita factam recensuit, & addidit, quod septies religionis ergò peregrinatus ipsemet toties è lancibus illis publicè peccata sua confessus fuerit. Idem quoque confirmauit, si quandoque peccatum vnum dissimulare vellet, quod tunc vacua lanx sese ne tantillum quidem dimississet. Quin & fieri solere aiebat, vt, si qui aliquoties admoniti non vniuersa patrata confiterentur, à Goquis ex lance excutiantur, eoq; casu in cautium asperitates illi frustillatim cōminuantur. Loci huius faciem tam horridam & abominabilem esse aiunt, vt illius metu, exquisitissimè sua peccata appensi fateātur, neceorum vel minimi obliuiscantur. Hunc Sangenotocoro, id est, locum confessionis nuncupant. Ex quo iterum inaudita diaboli sæuitia manifestè colligi potest. Paganismi in laponia non minor, ac in prouinciæ Peruenfis Collao vigor est.

Cap. XXVI.

De superstitiosis sacerdotum Mexicanorum & aliorum vnctionibus: vt & de eorum Magis.

IN lege Mosaica promulgato mandato Deus singulariter constituerat, qua nimirum ratione Aaron ac sacerdotes reliqui vngendi essent. Sed & in Papatu peculiari chrismate pro sacerdotum vnctionibus vtuntur. In lege Mosaica præter id priuatum aliud fragrantissimū vnguentum quoq; ordinabatur, quod in sola re diuina facienda adhibendū erat. Hæc verò omnia foedus ille ex inferno erumpēs præstigiator more suo æmulaturus, res tam foedas & abominabiles molitus est, vt ex iis, de autore primo documenta certissima vel intuitu primo eluceant. Mexicanorū sacerdotū ea vngēdi ratio erat. A capite ad plantam pedū vsq; se inūgebant. Crines verò, qui ex vnguēto prolixiores enascebātur, intortis villis similes equorū iubas religatas repræsentabāt. Capilli hi tēporis diuturnitate tanta vbertate excrescebāt, vt in medios poplites propēderēt, adeò graues & ponderosi, vt gerendis illis haud mediocriter fatigarentur. Nec enim

ullo tempore eos tonderi licebat, nisi aut per ingrauescentem ætatem, aut officiorum, quibus recenter interea adhibebantur, administrationem peculiari permissu, indulgerent illi quorū intererat. Crinium hanc luxuriem tæniis xylinis sex digitos latis reuinciebant aut inflectebant. Fumos, quo suffiri solebant, ex fuligine parabant. Illæ enim iam ab antiquo idola oppidò gaudebāt, vt repuriore & sanctiore. Qui sacra faciebant sacerdotes, semper se aut atramento aut fuligine, à vertice ad plantas vsq; prius illinebant, ita vt Æthiopes ad vnguem exprimerent. Et hoc ipsis vngendi genus ordinarium erat, ac q. perpetuum, domi si rem facerent diuinam. At verò in sylvas, aut montium crepidines, aut specus obscuros diis sacrificatum ituri, timoris exigendi & sui ipsius animandi causa vnguentum aliud singulari cum ritu vsurpabant, ex venenatis & nocentissimis animalibus, vt araneis, scorpionibus, salamandris, viperis ac serpētibus confectum: quæ venenatissima animalia collegiorum alumni pueri in parato semper habebant, quoties à sacerdotibus in vsus dictos poscerentur. Horumprehendendorum & captādorū pueri isti tam studiosi erant, vt passim omni industria eadem venarentur, ac de iis copia magna colligēdis non secus ac pro aris focisque certarent. Nam à teneris ita assueti, bestiarum illarum nullo pauore tenebantur.

Vnguentum autem dictum paraturi, collecta hæc animalia in templo ante aras cremabant, dum in puluerem abirent: quem mortario exceptum cum Tabaca seu peto aut Nicotiana (qua herba populus ad ciborum & crudioris carnis in ventriculo firmandam coctionem, & ad laborum molestias mitigandas utebatur) permiscebant. Illa enim venenorum vim haud leuiter infringere solet. Hæc dum in mortario agitentur, pulueri illi insuper viuas araneas, ac scorpiones & salamandras iniiciebant, & denuo congeriem tundeant, exacteque commiscebant. Hoc factò, molitum semē quoddam Ololuch qui dictum, quod Indi pro visionibus in somno ciendis potabant, inspergebant. Huius facultas ea est, vt homines insensatos reddat. Cineri huic etiam pilosos atros vermes quosdam, venenatos subigebant; & hæc tandem omnia cum fuligine in vnā massam compingebant: de qua fictilia parua implentes, eadem suis Numinibus proponebant, & hunc eorum cibum diuinum esse affirmabant. Sed & ipsi sacerdotes hoc cibo gustato nonnunquam se ecstáticos faciebant, quo tempore velut exanimēs Cacodæmonem videbant, & cum eo colloquebantur. Quicumque sacerdotum hoc linimento perungebantur, pauore & omni consternatione excussa, animum confidentissimum & planè ferinum induebant, adeò vt quadam quasi cum truculentia multos mactare & immolare homines sustinerent. Quin & per noctis tenebras ac nebulas densissimas in antra & spelæa pergebant horridissima, feras etiam immanissimas in syluis grassantes spernentes, nec quicquam aliud persuasum ha-

habentes, quam quod illiti vnguēti virtutibus omnes in vniuersum feræ, vt leones, tigres, lupique ac serpentes, cessuræ sint. Ad quam vnguēti vim augendam feritas ac immanitas illa, quam tum vultu tum voce ac gestibus edebant, tantum in super conferebat, vt vel truculentissimum quoduis animal ad eorum occursum expauesceret, & fuga se quoquò versum proriperet. Idem vnguentum ægrotantibus quoque ac infantibus adhibebant ceu rem per omnia sacram ac diuinam. Nam adfectus eorum illo inungentes, opera admiranda edebant. Quod tamen sine dubio vniuersum Tabacæ siue Micocaciæ ac Ololuchqui ascribendum fuerat: quæ vim admodum digestoriam & doloris mitigatiuā à natura adeptæ sunt. Emplastri modo Tabaca imposita, sola ex se, nullius alterius concursu carnem mortificat: quod venenis acuta & stimolata multò promptius factura sit. Hoc medicamento si ablatum dolorem sentiebant, perfectam se sanitatem illicò adeptos rati, medicinam ad cælos efferebant. Ideoque ad presbyteros hos non secus ac ad oraculum & numen quoddam certatim confluebant, à quorum præstigiis mirificè elusi, quoquò ipsis libitum esset, velut bruta agebantur & pellebantur. Res verò suas præstigiatores hi ita plerunque moderabantur, vt qui pauperiores essent, ipsa egestatis necessitate compulsi, his remediis omninò vti cogerentur. Apud quos sacerdotum auctoritas tanti erat, vt omnia eorum verba pro articulis fidei acceptarent. Agyrtæ illi nunquam non nouas superstitiones condebant, iam thura litando, iam radendo pilos, iam anguium officula è collo suspendendo, iam præcisè statuta hora lauando, iam apud focum de nocte definitas vigiliis agendo, iam panem, Idolis oblatum, edendo, & similibus aliis dolis fatuam plebem dementando. Idem auguriis suis plus nimio attribuebant, tum exta animalium, tum circulos vndarum obseruando. In Peru etiam hi magi præstigias omnem & modum & numerum excedentes, subinde misellæ genti offundebant. Quæ sanè regio hariolis, fortuariis, effascinatoribus, signorum interpretatoribus, & nugatoribus similibus non olim saltè tota scatebat: verum eorum vel dum hodiè etiam reliquæ quædam passim superstites sunt, furtim tamen & clanculum suos fumos volentibus offundentes, nec vsquā professo nomine suas artes exercentes. De horum præstigiatorum dolis & fraudibus prolixius & quasi per partes in confessionalī, à præsulibus Peruanis congesto, agitur. Ingarum venia & permissu genus quoddā Nigromantiæ Indi exercebant, quo se in quamcumuis formā facilè mutarent, & per aëra, quocunque vellent, breui tempore spatiis longissimis ferrentur. Et his qui operam impendebant, futuras res præuidebant, cum dæmonibus colloquebantur, qui ipsis ex lapidibus saxisque aut rebus aliis responsa dabant. Idem quid in terris aliis fieret, præcisè recensebant. Solebant hi, de rebus fi-
entibus vaticinaturi in domum peculiarem se includere, & confer-

tim

tim ingurgitato potu se ita proluere, vt velut amentes omni ratione & sensu priuarentur. Postero die surgentes, ad ea, quæ quærebantur, respōsa dabant. Sunt, qui affirmant, hanc ad rem eos peculiari quodam linimento vti. Commemorant etiam Indi, in quadam prouincia Guarochiri, vt & in alia Coaillo, pagum seu oppidum Mancha esse, cuius fœminæ quoq; hanc artem approbè calleant. Dicti magi res aut furto ablatas aut incuria perditas, quærentibus produnt. Et horum genus vbiuis locorum fœcundum reperire licet. Anacōnas siue Chinæ, quoties Hispanicorum suorum dominorū aut res perditas, aut alias sciscitantur, ad hos sortilegos confugiunt. Sed & Indi, quoties in Hispanicas ciuitates rei aut publicæ aut priuatæ causa cōmeant, tum de euentu anxie prius percontantur, an vel infirmi futuri, an verò morituri, aut salui & sospites domum redituri, & an, qua causa abeunt eā impetraturi vel perdituri sint. Quib. ita sciscitantibus postquam suos cum Diabolo conuentus in obscuro quodam loco egerunt, magi vel annuunt, vel abnuunt. Et hi consultores Diaboli vocem quidem exaudiunt, sed cum quo loquantur, non vident. Sed ad acciendos & suscitandos Dæmones magi iidem infinitis ceremoniis vtuntur. Quidam ebrije eos consulunt, hoc modo. Herbam quandam, Villca dictam, sumunt: ex qua succum exprimunt. Hunc cum sua Chicha (potus est ipsis familiaris) aut cum re alia perfundunt. Eo epoto, velut exanimes ruunt. Ex quibus cui nō perspicuum est, quanta eorum miseria & infelicitas sit, qui omnem suum cultum immundo illi spiritui impendunt, à quo tamen non nisi infinitis modis eluduntur ac turpiter decipiuntur. Ipse quidem rerum euentus docet, ad Euangelij sanam doctrinam acceptandam Indis nihil magis ob stare, quam hoc vnicum, quod cum huiusmodi magis habita cōmercia non tam facile deferant, quorum passim omnes anguli pleni sunt. Quos tamen vigilantissima præfulum cura paulatim excindit & minuit. Horum nonnulli efficaci Dei verbo conuersi, errores & imposturas sacrilegas coram omni Ecclesia propalam confessi sunt, magno multorum commodo & confirmatione. Et hoc ipsum quoque ex literis Iaponensibus ita comperimus.

Cap. XXVII.

De Indorum ceremoniis & ritibus, nostratibus nonnihil cognatis & affinis.



CEREMONIE Indorum quamplurimæ, cum Mosai-
cæ legis ritibus conueniebant. Habent, quibus etiam
cum Mauris & Mahumetistis conueniant. Nonnul-
lis doctrinæ quoque Euangelicæ respondent: ex qui-
bus præcipue sunt ablutiones, ipsis Opacunæ dictæ:
Hoc enim vno sine lauuntur, vt à peccatis suis emun-
den-

dentur. Mexicanis in super suis quoque; Baptismus in usu erat. Nam de recens natorum infantum auribus & pudendis portiunculas præfectas offerebant: quibus ceremoniis populi Iudaici circumcisionem quadantenus æmulabantur. Sed omnium maximè hæc in regum aut magnatum filiis obseruabatur, hoc ferè modo. Vt primùm in lucem infantes edebantur, eos sacerdotes lauabant dextris ipsorum gladiolū, sinistris autē parmulam inferentes. Plebeiis liberis masculis instrumenta fabrilis indebant: foemellis autē, quod ad cōlum & linthea spectaret. Et hæc ante Idolū quatuor diebus perficiebantur. In cōtractibus matrimonialibus. vtrinque; ratis cōsignationibus. rem firmabant: de quibus Licetius Polus integrū tractatū edidit. Qui in Mexico matrimonio sese iuncturi erant, hoc modo & ritu ligabantur. Tum sponsus, tum sponsa ante sacerdotem confidebant. Quorum prehēsis manibus, sacerdos rogabat, vtrum matrimonij consensum vtrinque; ratum haberēt. His ergo annuentibus, sacerdos ex flammei, quo sponsa caput velabat, & sponsi pallij finibus nodum stringebat, eosque; ita vinctos in sponsi ædes ducebat. In his focus instructus lucebat, quem sponsi cum obissent, postea vnā confidebant. His ritibus matrimoniū stabilitum erat. In sponсарum castitate deprehendenda sponsi admodum seduli scrutatores erant. Quas si fors pollutas inuenirent, cum magno probro tum parentibus tum cognatis vitium imputabant. Contra verò si quam pudicitiae inuiolatae & intemeratae deprehenderent, eam maximi faciebant, & parentes donis offundebant, diisque sacra faciebant, & mutuo tum in sponsi tum in sponsæ ædibus, lautis conuiujs agitis, dies aliquot hilariter sumebant. Quod si sponso sponsa domum adduceretur, continuo in libellos (vt vocant) inuentarios bona vniuersa, & clenodia, & omnis præsens supellex consignabantur, cuius consignationis copia vtrisque parentibus eo sine offerebatur, vt si fors aliquando inter ipsos non conueniret, diuortio (nam id frequenter fiebat) facto suum quisque quod attulisset, reciperet. Bonis diuisis, alter alterum solutum pronunciabat, & vterque, vti sibi commodum esset, de nouo nubebat. Si quos durante matrimonio liberos progenuissent, tunc vir mares, foemina filias assumebat, & capitali pœna interdicebatur illis, ne post hac vllò vspiam congressu matrimoniali iungerentur. Id quod strictè ac præcisè seruandum erat. His & similibus ceremoniis, etsi quidem nobiscum quadantenus ipsi conuenire videantur: attamen dum inconuenientia & absurda plurima immiscent, à nostris ritibus absunt longissimè. Indi enim plerique his tribus maximis criminibus obnoxij erant, nimirum, ferocia, impuritate & otio. Vno enim promiscuè furore insaniebant adeò, vt leui ex causa sese inuicē cæderent & immolarent. Impuri verò & desides in eo erant, quod sub mentionem suorum Idolorū vbiuis ederent & biberent, & in omnibus leues ac mutabiles, plus foeminarum mollietiem, quā virorum constantiam æmulerentur.

Quæ omnia in ipsis Sathanas operabatur, cuius hæ artes sunt propriae, ut ad peccata & homicidia, & incestas libidines, ac desidem & otiosam vitam homines subinde impellat & præcipitet. Nunc verò postquam sancti Euangelij voce personante ad frugem redierunt, ludicra hæc & ineptias, quibus à Sathana & idolis diu elusi fuerunt, supinè ultro citroquerident, plus se timore, ne diabolus ipsis noceret, quam vero & sincero affectu amoreque actos, hos olim cultus ministrasse, dicentes. Plurimi Indorum seipsum in hoc deceperant, dum de vna salute & felicitate externa solliciti, æternorum & post hanc vitam capiendorum bonorum nullam curam susceperunt. Nam cum externis bonis cumulatissimè diffliuerent, superstitionum securitas confertim irrepsit: sicut huius exemplum in Mexicanis & Cuscanis videre licet, qui superstitionum suarum nullum finem modumque sciabant. Nam harum in Cusco ad minimum trecenta genera distincta numerabantur. Ex regibus Cuscanis Mango Inga Yupangui (superstitionibus asserendis veluti natus) festa & ceremonias & sacrificia tot peperit, ut numerari commodè non potuerint. Simile quoque Mexicanorum Rex Iscoalt, in regno quartus, designauit. Cæteræ nationes, ut prouincia Guatimala, cum Insulis Nouæ Hispaniæ, & prouincia Chile, etsi & ipsæ quidem plurimis sacrificiis abundarent, non tamen vlla parte conferri poterunt cum Cuscanis & Mexicanis, quibus duobus præcipuè locis Sathanas cum omni sua potentia, ut & Romæ & Hierosolymis, principaliter sibi sedem & solium fixerat. Ex quibus tamen, nunc Dei optimi maximi beneficio procul exactus est, & in loco eius sancta saluatoris nostri IESU Christi Crux regnumque viget ac dominatur.

Cap. XXVIII.

De festis nonnullis Cuscanorum solennioribus: & quod Sathanas festum sacrosanctæ trinitatis amulari sategerit.



ANTE QUAM hunc librum, de rebus religionem attinentibus tractantem, finiamus, nonnulla prius de festorum quorundam apud Indos celebriorum solennitatibus addenda videtur. Nam propter multitudinem immensam de singulis dici non potest. Inguæ Peruenenses duo festorum genera colebant. Horum alia ordinaria, certis & statis diebus celebrabantur: alia extraordinaria agitantur, quoties usus & necessitas peculiariter poscebat. Huc pertinebant, coronationes Regum, rerum magni momenti inceptiones, & temporum quædam obortæ difficultates. Festa verò ordinaria quod attinet, sciendum est, quod quolibet mense totius anni peculiare sacrificium ex ceterum ouibus seu arietibus, quorum tum colores

tum formas diuerſas eſſe oportebat, celebrari ſueuerit. Et primo quidē meſe Rayme (is in noſtrū Decemb. incidebat) feſtum id agitabatur, quod cæteris vniuerſis ſolennius, ob id Capacrayme, id eſt, feſtum celeberrimum appellabatur. Hoc maſtatis quamplurimis ouibus agniſque, & ad tornata ac cæſata ligna crematis fiebat, cui & aurum ac argentum quoq; conferebant. Iuxta ignem ſimulachra aliquot, ſolis & tria inſuper alia tonitrus, & ſolis filios, patrem ſc. Filium, & Fratrem, collocabant. Hoc ipſo feſto nouus Ingas initiari ſolebat, & Guacas, id eſt, imagines ſimul proferebantur, & aures perforabantur. Seniores flagris cædebantur, & eorū facies vniuerſæ cruore polluebantur. Quæ omnia hoc fine ſcopoq; fiebant, vt his ritibus ſe nouo regi fideles & morigeros fore teſtatum facerent. Huic huius menſis diei feſto nemini cuiquam peregrinorum ex Cuſco intereſſe licebat. Eo tamen finito, acceſſus omnibus dabatur, & buccellæ ex placenta, de Maiis & ſanguine victimarum maſtatarū piſta viritim diſtribuebantur. Has eſitabāt in ſignum, ſe nimirum hoc pacto cum rege vniri, & ob id perfectum ipſi morem præſtare velle, ſicut de his fuſius ſupra dictum eſt. Hoc verò loco id ante omnia attendendum eſt, ſtygium plutona pro cultus ſui maiestate cumulanda ipſa quoq; S. Trinitate introducta veteratoriē abuti voluiſſe. Tribus enim ſuperius dictis ſolis ſimulachris hæc nomina Indi indiderant : Apointi, Churiunti & Intiquaoqui, quod eſt, Pater & Dominus ſolis : Filius ipſe ſol : & Frater ſolis. Hæc eadē nomina trib⁹ ſimulachris Chuquūlla id eſt, iſti Deo, qui in plaga ſeu regione aëris, ex qua tonitrua, pluuiæ & nix prodeunt, agere credebatur, quoq; imponebant. In Chuquiſaca idolum nobis aliquando monſtrabatur, ante quod Indi preces funderent. Id Tangatānga dicebatur. Hoc credebatur Deus, qui in vno trinus, & in trino vnus exiſteret. Ex quo iterum ſacrilega Sathanæ ambitio elucet, qui dolis & mendaciis ſuis, quicquid vſpiam poteſt, veritati diuinæ ſurripit, & in ſuperbiæ ſuæ exatiationē malitiōſe conuertit. Hæc enim vnica eius aſſiduo meditatio eſt, vt Deo ſimilis fieri poſſit. Menſis ſecundi Camay dicti feſtū hoc ritu fiebat. Cum ipſis ſacrificiis colligebāt cineres : quæ in fluentū vicinū iunctim proiciebāt. Ipſi verò quinq; miliariū ſpatio proiectamēta hæc inſequentes, fluuiū cum quadā religione obſecrabant, vt cineres in ipſum mare prouehere dignaretur. Ibi enim ſuū Viracochæ munus oblatū iri. In 3. 4. & 5. meſe, ſingulis vicib. cētum oues ſacrificio offerebāt, quas nigras, varias, & cæſias eſſe oportebat. His & alia plura congerebāt, q̄, vt lectoris tædium declinemus, hoc loco ſingulatim percēſere omittimus. Sexto meſe, Hatuncūz qui Aymorai dicto, & cū Maio noſtro cōueniente, rurfus centum oues variorum colorum immolabātur. Quo cū Maijs meſſis incideret ſimul, feſtum aliud quoque Aymorai dictum, peragebatur. Id celebrabatur, poſtquam cum ſuis captiuis ex Chacra ſeu agro rediſſent. In hoc precabantur, vt Maiis, (quod) Mamacōra patria lingua vocant) diu & vegetè perduraret.

Ex Chacra seu rure optimum & solidissimum Maiis legūt, additisq; nonnullis ritibus in fasciculum, Perua dictum, id colligant. quem cū tribus continuis noctibus dispositis excubiis custodiuerunt, panno pretioso, exquisitè & operosè texto, Maiis tandem excipiunt, inuoluūtq; & ante Perua procidentes, adorant, dicuntq; id Maiis sui & Chacra suorū Matrem existere, ex qua Maiis tum progengeretur, tum nutriatur & vegetetur. Hoc ipso mense peculiari alio instituto sacrificio, ex Perua sciscitātur, an futuro anno foecundum futurū sit. Quod si se fore neget, tum in Chacra seu agros idem efferunt, & cum singulari ceremonia exurunt. Hoc factō, Perua aliud proferunt, & priores ritus repetunt. Quod si Perua annuat, satis sibi adhuc virium esse, vt diutius perduret: tum in futurum annum illud reponunt ac referuant. Hæc superstitio vel dum hodiè apud eos viget. Septimo mense Aucaicuz qui Intiraymi, qui in nostrū Iunium incidit, festum fiebat Intiraymi, quo centum Guanacos immolabantur. Et hoc festum solis appellabatur. Hoc mense simulachrorum magnum numerum ex ligno Quinua dolabant, quæ omnia vestibus pretiosis induebant, & in eorum honorem choreas Cayo dictas, instituebant. Eodem festo passim per vias ac plateas flores dispergebant, & variis coloribus Indi se pingebant: primores verò ex mento laminas aureas suspendebant, & in medio incessu altè cantillabant. Id festum eo ferè modo celebrabant, quo in Ecclesia Romana festum Corporis Christi agitari solet. Simile enim quid habebat, institutis saltationibus, repræsentationibus & cantionibus. Qua causâ Indorum multi fuerunt, & adhuc sunt, quibus vel hodie videtur, festum Coporis Christi multas superstitiones inuehere. Vnde vel dum hodiè vetus suum Intiraymi festum continuant. Octauo mense Châhua Huarqui, centum oues omnes cæsis colore, & Vizcacham referente cremabantur.

Hic mensis cum nostro Iulio quadrat. Nono mense Yapaquis, centum iterum oues spadicei coloris (quæ prius decollatæ ignibus imponebantur) cum mille Cuies (ne glacies aëruæ, ac aquæ, aut sol agris damnum darent) immolabantur. Hic Augusto conuenit. Decimo mense Coyaraymi centum candidæ oues villosæ cremabātur. Hoc eodem mēse, Septemb. nostro respondente, festum quoq; Situa hoc ritu fiebat. Primo mensis die, ante Lunæ exortū magnis clamoribus editis concurrebant, & facibus, quas manib. ardentes gerebant, sese inuicem contūdebant, dicentes, exeat malū, exeat. Id Panconcos appellabant. Hoc ludicro finito, ex fonte publico tum lauabātur, tum ex ordine potabant. Eodem hoc mense Mamocânas superius dictæ magnum placentularum cum victimarum sanguine pistarū numerum soli offerebant: de quibus deinde fragmēta peregrinis distribuebant, & in omnes totius regni Guacas ac Curacas trans mittebant, in signum nimirum foederis cum sole & Inga pacti, sicut superius de his

de his fusius enarrauimus. Et hodiè quoque nonnullis in locis hoc ritu lauari & conuiuari solent, sed furtim. Id quod à festo Situa profluxit. Vndecimo mense Homa râimi Punchaiquis rursus equo modo centum oues mactabantur. Quod si circa tempus illud pluuiarum inopia esset, saturatè atram ouem in campis firmiter deligabant, & circa eam Chicha quoquo versum in ambitu copiosè profundeabant, nec eidem alimentum quicquam aut pabuli offerebant prius, quàm pluuiæ decidissent. Hic mensis nostro Octobri par est. Mense verò nouissimo Ayamara totidem iterum oues offerebantur, & vnà festum Raymicanara Rayquis agebatur. Hoc mēse, qui nobis Nouember est, pro pueris istis, quibus postero mense aures pertundendæ erāt, necessaria omnia parabantur, & seniores lustrabantur, & alia quædam similia peragebantur. Festum illud Isuraymi vocatum agunt, cum pluuiæ aut nimis frequentes aut raræ sunt, aut pestis populariter grassatur.

Ex festis extraordinariis, quorum innumera ferè erant, nullum Ytu solennius erat. Id nullo statuto ratioque tempore, sed cum necessitas aliqua postularet, celebrabatur. Hoc peracturi, biduo integro ieiunant, ab vxoribus abstinent, nec cibum vllum, cum sale, aut axi paratum gustant, nec de Chicha bibunt, & loco tali conueniunt, vbi nec peregrinis, nec vlli animali accessus sit. Tum temporis peculiaribus palliis, vestibus ac indumentis, in hunc vsum paratis, vtuntur, & palliis capiti iniectis lento admodum gradu incedunt, ad sonitum tympanorum impulsorum pedes moderantes, nec quicquam vocis ac sermonis edentes. Processionem hanc integra die ac nocte continuabant: & à sequente luce largiter edebant, potabant, & tripudiabant binis completis diebus ac noctibus, iactitantes sese hoc nomine, quasi preces eorum verè exauditæ sint. Hoc festū etsi hodiè quidem non cum tot ceremoniis & ritibus peragatur, ac olim: multa tamen prioribus similia vel dum Indi æmulantur, sed in locis secretioribus saltem, nec in propatulo. Ipso corporis Dominici die choreas llamallama de Guacon dictas & similes alias instituunt, ritus Ethnicos in nullo remittentes. Quibus abrogandis etsi præfules quidem operosè incumbāt: passim tamen clanculum huiusmodi subinde agitari solent. Hinc ergò clarè nobis effulget, quodnam lucis & tenebrarum, quod veritatis Christianæ & Gentilium superstitionum discrimen sit. Quæ tamen omnia polydædalus Sathanas promiscuè confundere, & nugas suas diuinæ veritati commiscere nunquam non laborat fatagitque.

Cap. XXIX.

De Festo Mexicanorum Jubileo.

ESTORVM dierum apud Mexicanos curiosa obseruatio erat. Quo factum est, vt in sacrificiorum & similibus ceremoniarum institutione valde religiosos se præberent. In his, quod sumptibus demebant, larga sanguinis profusione cumulabant. De primario Vitzliputzli festo superius tractatum est. Ab hoc proximum Tetzcatlipucæ festum mense Maio fiebat: quod in suis fastis Toxcoalt nominabant. Circa hoc ita constituebant, vt singulis quatuor annis plenariæ indulgentiæ redirent. Die Maij 19. sclauum, qui simulachrum seu speciem Tetzcatlipucæ ferebat, immolabant. Circa vesperam primores loci templum adeuntes, vestem recētem, illi, qua Idolum amicitum erat, similem afferebāt. Qua à sacerdote detracta veteri, recenter idolum induebatur. Hæ exuuiæ magna diligentia asseruabantur. In cista Tetzcatlipucæ recondita erāt clenodia plurima, vt armillæ, monilia, ex pretiosis pennis artificiosè concinnata opera, & ornatus similes alij. Horū nullus vsus alius, præterquam quod asseruarentur. His ornamentis non leuior cultus adorationis præstabatur, ac ipsi Idolo. Præter hæc alia quoq; ornamenta ipsis erant, vt vexilla, ex pennis cōstructa, vittæq; solares, quibus sub festi solennitatem idolum largissimè exornabatur. Eo ita condecorato & expolito, prætensa vela remouebantur, vt ab omnibus id spectari posset. His peractis princeps templi, simili cum Idolo habitu indutus prodibat, manibus flosculos aliquot, & fistulam acutissimi soni proferens. Hanc continenter inflabat, dum iam versus ortum, iam versus occasum, ac meridiē & septentrionē sese verteret. Sonitu ergo ad quatuor mundi cardines facto, & absentibus signo dato, manus in tēpli pauimētum exporrigēs, puluisculi momentū arripiebat, quod ori indēs, vorabat. Hunc eodē ritu in omnibus præsentēs cæteri vniuersi æmulabantur, & in vultus prouoluti, noctē, ventum, & tenebras adorabāt, deuotē instantes, vt ab illis nunquā defererentur, aut perderentur, sed potentē suā, quā haberent, vim pro bono publico moderarētur & lenirent. Fistulæ isto sonitu quoquo versum latè perstrepēte, furibus, mœchis, homicidis ac facinorosis, sopitæ conscientiæ in tantū euigilabant, & suscitabantur, vt se non amplius cōtinentes ad Deum vociferarentur contritissimè, ne is patrata ipsoꝝ in publicū proferret. Et hæc ipsa copiosis vsq; lachrymis & largissimis thuris accensionib. expiabāt. Bellorū verò duces, & milites alij peritiores, ad fistulæ strepitū auditum, Deum, à quo vitā & vigorē haberēt, vt & Solem Deosq; alios potentiores adorabāt, precabanturq; vt ipsis contra hostes fortē animum, & felicem victoriam impertire vellent, vt in sacrificiorum augendam

dam religionem quamplurimos hostes captare possent. Huiusmodi ceremoniæ decem diebus antè, quàm festū ipsum inchoaretur, obibantur, quorum omni decursu sacerdotes fistulis inflatis homines excitabant, vt precarentur, & terram ederent, & simulachro suas angustias & patrata confiterentur. Dum verò precarentur, cum gemitibus subinde iteratis oculos in cælum attollebant, non alio gestu, ac si profundissima suorū peccatorum pœnitundine contererentur. Hæc verò vniuersa ab ipsis fiebant metu, non æternæ damnationis, sed pœnæ saltem corporalis. Nam de pœna, post hanc vitam facinorosos manente, nihil quicquam sciebant. Vnde plerique morti se eò pacatius & promptius quoque offerebant, quod arbitrarentur, hac finita vita nullos dolores, nullas pœnas restare. Cæterum primo festi Tetzcatlipuçæ die prodeunte, in loco ordinario vniuersa multitudo congregabatur, ad festū Toxcoalt (quod idem sonat, ac rem siccam) vnà celebrandum. Huius verò finis erat, vt è cælo pluuias orarent, quæ mensi illi Maio admodum necessariæ sunt. Solennitas eius à die Maij 9. vsque ad 19. mane extendebatur. Postremo verò die sacerdotes lecticam tegetibus & velis, vario colore textis instratam proferebant. Huius tot ansæ erant, quot ministris seu baiulis ad ferendam eam opus esset. Hi vniuersi facies fuligine atratas ostendebant. Ipsorum verò crines, admodum promissi, tæniis candidis inflexi & intorti erant. Vestes verò, ex Idoli agnorum pellibus constabant. Lecticæ commemoratæ, Idolum hoc fine sculptum imponebant, quod imaginem Tetzcatlipuçæ appellabant. Illam verò humeris impo- nentes, vsq; ad gradus templi infimos proferebant, vbi religiosi qui- dam pueri ac puellæ ex templo prodibant, manibus funiculos ex to- sto Maijs factos ferentes, quibus templum vniuersum cingebant. Eorum quoque circiter quinquaginta Idoli collo innectebant, & capiti insuper illius sertum affabrè paratum imponebant. Id sertum Toxcatl, id est, siccam & sterilem tempestatem appellabant. Iuuenes pannos, retibus ex funiculis 50. Maijs tortis obuolutos gestabāt. Vir- gines verò vestibus nouis ac aliis ornatibus insignes, ac quinquagin- ta corollis collum cinctæ, 50. sertula ex tenerrimis frondibus innexa capite ferebant, quæ omnia Maijs instrata visebantur. Harum pedes & bracchia plumis seu pennis, facies autem pigmentis delibutæ erāt. Hæ eadem similiter 50. coronulas ex tosto Maijs concinnatas prima- tum capitibus & collis obdebant, & flores nitidissimos illorum ma- nibus inferebāt. Idolo in lecticam deposito, passim per latam aream tum ramulos tum frondes ex arbore Mangeij, cuius folia lata & spi- nosa sunt, dispergebant. Ipsum idolum primo in circuitū templi edi- ditiorem asportatum duo sacerdotes præcedentes assiduo suffumi- gabant. Qui quoties carbonibus thus inijcerent, toties bracchia ver- sus Idolum & Solem expromebant, dicentes, non secus ac fumus cæ- lum peteret, sic se non minus suas preces in cælum eiaculari. Turba verò

verò promiscuè omnis, quæ Idolum ponè sequebatur, funiculos, nouiter ex Mangey tortos, oblongosque, manibus gestabat, quorum fines nodis impliciti erant. His flagris sua dorso obstinatè feriebāt, non secus ac consueto tempore Hispani faciunt. Pinnæ verò seu circuitus vniuersus frondibus ac floribus conspersus, iucundum certè spectaculum promebat. Hinc ergo idolo in cōsuetum locum reposito, turba vndiquaque plurima confluebat, & floribus fertisq; varia arte in-nexis tum ipsam aram, tum eius omnem viciniam confertim conferebat, vt amœnitate sua locus vniuersis arrideret. Hæc omnia vt à sacerdote primario solo confecta dabātur; sic pueri aliud accepta ipsi sedulo offerebant, idolo interim ex facello suo omnibus conspicuo, nisi quod tenui interiecto velo recingeretur. His peractis ad sacrificium certatim vndiquaque irruebat turba, & tum tegetes, tum pepla, gemmasque ac clenodia, & thura, & resinosa ligna, frumentumq; ac spicas Maijs Quartels, & cætera offerri solita in aras conijciebant. Verum, in Quartels oblatione, quæ pauperiorum erat, hic ritus seruabatur, vt offerentibus sacerdos caput nudaret, & eosdem in pedem seu basin aræ tanto nisu illideret, vt stillatim è parte consauciata cruor funderetur. Eodem artificio ij vniuersi tractabātur, qui pro victimis offerendi erant. De cibarijs cæteris, quantum cuiusque facultates ferrent, tantum offerebant: quæ omnia collecta templi ministri in aræ basin conijciebant: vnde eadem deinde, remota turba, in suas cellas & cubicula asportabant. Peraçto sacrificio domum se quisque suam recipiebat, & festi solennitas ad prandij finiti tempus differebatur. Interea temporis pueri puellæque initiatæ omnes templi angulos mirificè exornabant, & Idolo, quicquid cibi opus erat, ministrabāt. Hos cibos verò parabant scœminæ, mercede pacta vniuerso eo die suam operam locantes. Huius qui instituti erant mulieres, primo mane apud templi inspectorem comparebant, vt, quod singulis mandaret ille, attenderent. Mandata accepta tanta fidelitate confecta dabāt, vt de paratis variis & diuersissimis ferculis spectantes omnes admiratio subiret. Ciborum offerendorum tempore appellente, vniuersæ templi alumnae virgines ordinario processu egrediebātur, singulae altera manu panem in corbe, altera cibi peculiare genus in patina proferentes. Has ante ambulabat decrepitus ac annosus vir, præfecti vicem tenens, insolitaque veste, candidæ casiolæ simili, & ad genua vsq; demissa, amicitus. Sub hac colobium scorteum, manicis carens, ac habitum Inquisitorum Hispanicorum Sambenito dictum referens, prominebat. Manicarū loco alas gestabat, propendētibz aliquam. multis rubris tēniis insignes. Ex medio harum cucurbita (Carabaça) mediocris magnitudinis floribus exterius, interius rebus variis referta propendebat. Vetulus iste ante virgines submisso gradu incedens, caput in terram defigebat: & cum easdem ad gradus templi adduxisset, singulari deuotione in latus scalarum cōsidebat. Virgines autem

cominus aræ accedentes, allata secum edulia ex ordine expromebant. Hoc facto, resurgens senex, virgines ad locum ordinarium inde rursus abducebat. Hæ quamprimum disparuissent, pueri ac famuli templi prodeuntes, ablatas dapes sacerdotibus offerebant, qui suis iam in claustris agentes, dierum quinque ieiunium egerant, nec nisi semel de die ederant, & à coniugibus suis penitus remoti, omni eo interuallo latum pedem extra templum non tetulerant, & insuper incussis flagris corpus omne vndiquaque miserè confaüciarant. De diuino ergo hoc epulo (ita enim appellabant) quantum appetitus ferret, iam largiter ingerebant, nec præter sacerdotes istiusmodi cibum gustare vlli alij licebat. Multitudo populi, prandio finito in loco ordinario iam iterum conueniebat, vt festo coronidem adderet. Dum paulisper morarentur, sclauus ille, qui integro anno pro Deo enutritus & excultus fuerat, producebatur. Hunc eodem reum Idolo habitu induebant. Is peractis necessariis omnibus ad sacrificos ducebatur: qui præhensis manibus ac pedibus eum saxo illidebant, & illiso ex discisso pectore cruentum cor euellebant, quod sacerdos primarius, Soli & Idolo, vt antè diximus, obuersum ostendebat. Victima ergo iam pro vsu mactata, prædicti iuuenes ac puellæ solito habitu denuò prodeuntes, ad tympani pulsati modum saltitabant: quos deinde templi sacerdotes primarij cum cæteris è plebe primoribus sequebantur, & choreas institutas ita moderabantur, vt cum pueris puellæ semper in medio relinquerentur. Hoc die festo præter dictum sclauum nemo quisquam immolabatur: id quod singulis quatuor annis iterabatur. Quod si aliquando cum sclauo hoc alij quoque mactarentur, id plenariarum indulgentiarum indicium erat. Ritibus his vniuersis finitis, sub occasum Solis virgines in locum sibi destinatum itabant, & ex eo patinis panes mellitos, cum tritis caluis & ossibus humanis pistos & excoctos efferebant, quos ante Idolum pro collatione deponebant. Hinc rursus abscedentes, cum ductorem suum senem insecutæ essent, iuuenes turmatim omnes prodibant, arundines manibus gestantes. Qui cum primùm ex serie longa consedissent, surgentes tandem certatim ad appositas patinas procurrebant, quolibet hoc satagente, vt eas primus attingeret. Interim seduli spectatores erant templo præfecti, vter currentium patinas primus vel secundus vel tertius aut quartus attigisset. Quos quaternos si deprehendissent, tum eos primùm in sui medium receptos, postea ad cellas abducebant, & eos ornamentis pulcherrimis induebant. Et hi postea pro selectis & eximijis viris habebantur. Porro autem omni hoc tumultu exacto, adulescentibus simul ac puellis his, qui isto tempore sua Idolo ministeria præstitissent, eundi, quo liberet, licentiam ac potestatem faciebant. Virgines autem, velut liberæ iam ad suos redeuntes, pilis ac iuncis, & herbis aliis à turba impetitæ, quasi sanna quadam exigeban-

tur, quod à sacrorum officiorum ministerijs se tam breui tempore se-
gregarent. Ita solennitati huic finis imponebatur: virgines autem, cui
volebant, nullo vetante nubebant.

Cap. XXX.

De Festo Mercatorum, qui Colutecas adhibent.



VANQVAM de Mexicanorum ceremoniis ac culti-
bus satis abundè tractauerimus: nihilominus tamen
vnius adhuc Idoli, quod Quetzaalcoalt vocabant,
mentionem aliquam faciendam censemus. Huius
festum hoc modo celebrabatur. Quadraginta diebus
antè, quàm sacrificium fieret, mercatores, bene ha-
bitum, & omni tum macula tum plaga accicatrice carentem sclau-
uum redimebant, & eundem Idoli fueto habitu induebant, vt eius
vicem istorum quadraginta dierum spatio obiret. Priusquam tamen
his vestibus ille velaretur, ex lacu, quem Lacum Dei nominabant,
bis eum abluebant. Sclauus iste quàm primum Idoli amictu cinctus
esset, in ferream illicò caueam de nocte (vt suprà diximus) indebatur,
ne quò per tenebras profugeret. Die prodeunte subinde è cauea ex-
emptus, in conclaue amplum & speciosum ducebatur, vt promptis
officiis sedulis, & lautis epulis honorificè ei ministraretur. Pranso &
bene pasto corollas floreas iniiciebant, hisque ornamentis conspi-
cium magna caterua comitante per vrbs plateas ducebant. Is, quo-
quò itaret, tum cantibus tum saltibus vbiuis præsentem animum
exprimebat, quasi hac Idoli imagine non mediocriter superbiret.
Domos prætergradientem, accurrentes foeminae ac liberi reueren-
ter salutabant, & nihil vel honoris vel oblationis omittebant. No-
uendio prius quàm festum appelleret, cani duo & venerandi se-
nes ex editiori templi accessu ad eum descendebant, & deuoto
religiosoque vultu ipsum alloquentes, in hæc verba erumpebant:
Scias Domine, post nouem dies tum cantus tum saltus tui omnino
finem futurum, tibi que certò moriendum esse. Quibus ille respon-
dere prompto & alacri animo cogeatur, quod istius temporis felici-
tatem iam dudum magno gaudio votoque tum optet tum expectet.
Hunc ritum Neyôho, Maxilt, Hétztli, id est, præparationem, ipsi vo-
cabant. Hæc verò dum fierent, obstinatè in eum defixis oculis, obser-
uabant astantes sedulo, an hoc ab nuncio tristior euaderet, nec æqua
alacritate, vt prius saltationibus suis operam daret. Ipso mœsto & a-
nimo abiectiore fors apparente, nouaculam, qua in sacrificiis perfici-
endis utebantur, continuò promebant, cuius cruorem obhæren-
tem vnda eluentes, cruentam aquam cum Cacao & rebus aliis per-
miscebant, & potum istum sclauo bibendū offerebant. Eo enim hau-
sto, sclauum omnium eorum obliuisci, quæ vnquā ipsi accidissent, cre-
debant. Is ergò hoc pacto sua sorte exemptus, porrò alterius captiui
instar

instar asseruabatur. Nam subitaneam illam mactandi sclauī conster-
nationem certum quoddam futuri mali augurium arbitrabantur.
Quod si verò constanti vultuque ac animo is obdurasset, commo-
dum maximum quoddam portendi existimabant. Die, festo nun-
cupato instante, hi, qui sacris faciendis destinati erant, ex adytis pro-
deunt, simulatum Deum deuotè admodum venerabantur, & cer-
tis cantiunculis præmissis, illum odoramentis & suffitibus fragran-
tibus linitum, hoc modo mactabant. Ex dissecto pectore extractum
cor, Lunæ obtendebant. Id deinde in Idolum coniectabant. Cada-
uer verò eius, editiore de loco per scalas exturbatū, accurrentes mer-
catores tollebant, & domum deportabant. Horum qui primarius e-
rat, ex mactato sclauo pro festi solennitate lautum prandium instru-
ebat. Vbi verò dies eluxisset, & victima excocta esset, ad conuiuij fe-
stiuitatem mercatores vniuersi confluebant, comprimis verò ij, qui
emendis & vendendis sclauis negotiationes agitarent. Nam quot-
annis horum vnum ad sui idoli similitudinem mactandum offere-
bant. Hoc eorum simulachrum in omni illa ora præcipuum erat, sic-
ut suprà dictum est. Sed & templi, quo colebatur, mira venustas erat:
quod nemo ingredi poterat, nisi gradibus 60. prius ascendisset. In-
gressus area admodum lata, & lapidibus pulcherrimè constrata vise-
batur. In editioris planitiei medio strues quædam, rotunda, fornaci
similis stabat. Aditus templi humilis & angustus adeò existeret, vt
curuato & inflexo corpore per eum incedendum esset. Ipsum tem-
plum, suis cellis & claustris, reliquorum more interstinctum erat: in
quo similiter collegia tum puerorum tum puellarum alebantur. His
singulis septimanis nouus ex quatuor sacerdotibus templi informā-
dis iungebatur: cuius munus erat, vt de die pueros literas, de nocte
verò pulsandi tympani modum doceret. Huius enim sonitu sub oc-
casum Solis homines ad preces & sacra facienda excitabantur. Tym-
pani verò tanta magnitudo erat, vt fremitus eius ac strepitus vniuer-
sam passim ciuitatem personaret. Hoc audito, quilibet, qui vel in fo-
ro vel alibi versabatur, modestè & tacitè domum properabat. Hoc
ipso sub auroræ exortum percussio, peregrinatores in viam sese dabāt.
ante quod acceptum signum nulli per portas egredi licebat. Templo
aula quædam potentissima vicina erat, in qua diebus festis, ludos,
choreas, & ludicra innumera alia exhibebant. In huius aulæ medio
paruum theatrum quoddam extructum stabat, quatuor angulis ex-
quisita arte inclusum, & lapidibus artatè compositis constratum.
Hoc diebus festis ramis ac frondibus, vt & arcubus ac telis suffixis,
varijque generis floribus ac pennis dispersis eleganter condecoraba-
tur. Huc se à prandio inferentes ludicra & ridicula quamplurima ex-
hibebant, & iam surdos, iam decrepitos, iam claudos, cæcosque ac
aliis corporis partibus mutilos personati æmulantes, Idolo suo de
commoda & prospera corporis valetudine supplicabant. Surdi ab-

surda narrabant: claudi suas misérias exprimebant, vt spectatores infirmum compellerentur. Nonnulli specie formaq; venenosorum animalium, vt serpentum, bufonum ac lacertarum, prodibant. Qui si sibi hoc habitu occurrerent alicubi, affectato colloquio suas sibi naturas ac ingenia inuicem percensebant. His peractis, fictitios habitus excutientes, facie natua ac habitu sueto prodibant, ac fistulis concentum suauem modulabantur, vt harmoniæ elegantia & concinnitate spectatores promiscuè vniuersi suauissimè afficerentur. Pueri verò formas ac habitus muscarum ac auicularum induentes, in arborum ramis sussultabant. Ex templo nonnulli siphonibus in subiectos spectatores eiaculabantur, velut in hostes: qui quadam quasi velitatiuncula congressuri, in duos se ordines dirimebant, aliis impetum facientibus, cæteris insultum reprimentibus. Et hæc omnia additis concinnis rhythmis & dieteriis iucundiora reddebant, quibus spectatores longo aliquoties tempore distinebant. His exhibitis, cum coronidis vice tripudia aliquandiu agitaissent, festo finem addebant.

Cap. XXXI.

*Quis hætenus de Indorum superstitionibus enarrata
varietatis usus sit.*



Vos & quam fœdos simulachrorū cultus Sathanas in India constituerit, hætenus longa deductione explicuimus. Quæ si penitius & accuratius expendantur, certas & manifestas suis contemplatoribus vtilitates haud dubio proment. Et primū quidem quoad ipsas terras seu regiones illas, vtile, imò necessariū Ecclesiæ Euangelicæ doctoribus cognitu est, quàm fœdas & superstitionas ceremonias gens ea aluerit, vt, si quando eas fors oras adituri sint, sacrilega ista idolomania extirpata, gētes de vero & Deo placente cultu commodius erudire possint. Et hoc fine multi iam ante de his à præstantibus viris in lucem editi libri sunt. Quin & prouincialium conciliorum mandato accuratum est, vt huiusmodi ceremoniæ secundum omnes circumstantias expositæ & explicatæ tum accuratè describerentur, tum excusa passim per omnem orbem dispergerentur. Huius documentum apud Limanos videre est. Indis verò ipsis huiusmodi enarrationes hoc vtilitatis conferunt, vt ex his lectis & repetitis, Deo Opt. Max. gratias agere, eiusque infinita beneficia, quibus miserrimo Sathanæ iugo exempti sunt, in æternum extollere & collaudare discant. Ex iisdem pariter intelligi potest execranda & sacrilega stygij Plutonis tum arrogantia, tum virulentia ac impostura, quibus miseræ gentis animos nimis quam longo tempore malitiosa tyrannide effascinos tenuit. Is enim perpetuò Deo similis fieri

fieri affectans, leges ab eo latas aut veteratoriè æmulando eludit, aut sceleratè easdem pessundat ac proculcat. Nam altera semper parte suam doctrinam vanitatibus meris ac horrendis impuritatibus, nōnunquam etiam immani sæuitia ac crudelitate in tantum polluit & coinquinat, vt vel primo aspectu nihil aliud satagere videatur, quam vt sanam de Deo & salute æterna doctrinam penitus aut offuscet, aut ex cordibus hominum vniuersim elidat & excutiat. Cæterum, qui obstinatas istas, imò cimmeras tenebras, in quibus tot opulentæ & præstantissimæ regiones lōgissimo tempore versatæ sunt, & vel dum passim versantur, attentius trutināt: iste, modò micam animi Christiani habeat, non potest Deo immortalī non æternas laudes & grates sonare, quod se præ miserrima ista gente ex tantis tenebris eripuerit, & ad clarissimam sanctissimi Euangelij lucem potenter euexerit. Vnde ansam quoque sibi datam commodissimam sciat, Deum obsecrandi & deuotè orandi, vt se in ista diuinæ veritatis luce tueri & conseruare, inque debita obedientia confirmare clemēter dignetur, vt nimirum hoc pacto conuersus, eos, qui in via perditionis ambulāt, ab interitu seria institutione retrahere, & profundos diuinarum diuitiarum thesauros illis, in se quantum est, impertire queat.

Pro quibus omnibus, Patri, ac Filio & Spiritui sancto,
sit laus & gloria in secula seculorum

Amen.

LIBRI QVINTI FINIS.

LI 3

NATV.





NATVRALIS AC MORALIS INDIÆ OCCIDENTALIS. HISTORIÆ,

LIBER SEXTVS.

Cap. I.



VM haftenus de Indorum religione longum sermonem fecerimus : materiæ ratio quodam quasi iure exposcere videtur , vt de eorundem moribus quoque, legibus, atque statutis, quibus Res eorum tum publicæ tum priuatæ firmanantur & fulciuntur , nonnihil hoc libro dicamus, idque ob causas præcipuè duas. Quarum prima & palmaria hæc est , vt friuolas quorundam opinationes retegamus & diluamus , eorum scilicet, quibus persuasum firmiter est, populum hunc omninò brutalem & pecuinum esse, nec quicquam habere , cuius merito inter homines recenseri iurè queat. Ex qua certè temeraria persuasione id emerfit, vt oneribus & seruitutibus plusquam humanis in principio obtunderentur, & pecudum more ad labores, viribus & neruis humanis lōgè maiores damnarentur & abstruderentur , adeoq; omnium passim ludibrio ac libidini exagitandi propinarentur. Cæterum, hæc persuasio eò pol nocentior & damnosior est, quò cum maiori iniuria & temeratione coniuncta est. Et purum putum hæc omnia de iis figmentum olere, ij certè locupletissimè testabuntur , qui cum ipsis aliquandiu egerunt , & secretorum ac consiliorum ab ipsis promptorum vel minimam quandam notitiam affecuti sunt. Vt non simile vero, sed ipsa veritas sit, eos, qui scabiosè adeò & nimis dissolutè de Indorum brutalitate & stupiditate nugantur , omnibus brutis brutaliores & bardiores omninò existere. Cui nostro pronunciato in sequentibus capitibus tam firmum ac solidum fundamentum substruemus , vt omnis perplexandi & ambigendi occasio nasutis istis intercludatur & obsepriatur. Nam ad nocentissimam illam eorum opinionem retundendam , commodiore medio nullo vti possimus, quàm si hoc libro perspicuè & ex ordine proponamus eos Indorum mores ac leges, secundum quas, cum sui adhuc iuris essent, omninò vix-

vixerunt, & politiam suam moderati sunt. Et licet inficiari non queamus simpliciter, quod in aliquibus vitam barbaricam exegerint: pleraque tamen sua, ea solertia iuxta ac prudentia moderati sunt, ut in plurimis merito suspiciendi nobis fuerint. Sed & in haud paucis, quo ad ingenium ac industriam, ipsos nos multis (quod aiunt) para sangis anteuertisse certissimum est. Quod autem & in his nonnunquam ab exquisitæ iustitiæ norma non nihil deflexerint: id usque adeo nouum aut mirum non est: cum idem quoque olim legislatoribus ac philosophis summis, ut Lycurgo & Platoni usu venerit: quo in censu nonnullæ quoque alias optimè & accuratissimè institutæ Respub. ut Romana & Atheniensis connumerari possint, quorum statuta multis ludicris confusa fuisse scimus. Quod si quidem Ramanorū aut Græcorum seculo de forma ac ratione Mexicanorum aut Ingarū Rerum pub. quid uspiam compertum fuisset: earum certè sub limitatem ac moderationem haud mediocriter admirati fuissent. Rerum quidem ignari aliqui, qui sua somnia potius sequuntur, quàm ut ipsi veritati propius astipulentur, id credunt ac persuasum habent, Indos ferarum modo in montanis captos, seruitutis hoc iugum meritò subiisse. Qui verò consiliorum, morumque ac imperiorum ab ipsis agitatorum conscij sunt, his sententia longè alia stat, oppidoque admirantur, inter ipsos tot prudentes, peritos ac industrios viros repertos fuisse. Qui hæc penitus & diligētius attēderūt, ex illis primarius est Polus Ondegardus, quē in rerum Peruensium cōmentatione autorē sequimur. Huic similis est alter Ioannes de Touar, qui ecclesiæ Mexicanæ beneficiarius extitit, quem in descriptione gestorū Mexicanorum æmulamur. Sed & nostro seculo quidam societatis I E S V iussu ac mandato Viceregis Don Martin Henriques ex annalibus Indorum vetustis horum plurima collegit & edidit. Alios hic taceo, viros eximios & præstantes, qui passim de optimo Reipub. apud Indos statū literarū monumentis editis abundè testati sunt.

Causa verò secunda, propter quam de ritibus & moribus Indorum commentari aggressi sumus, hæc est, ut eorum exemplis quodammodò informemur, de Rebus tam publicis quàm priuatis commodè, sapienter ac solidè instituendis. Nam in rebus, verbo & regno Christi haudquaquam aduersis, omni iure leges & statuta sua pro legitimo iure municipali tueri & retinere possunt. In quibus verò, ab expresso Dei verbo vel minimū deflexerunt, defectionem eam multiplices illico errores secuti sunt. Ad summam enim diuinæ iustitiæ regulam, vniuersam exquisitissimo rigore quadrare fas erat. Vnde fit, ut inter nos, qui ad accuratam seueri Dei iudicis iustitiam omnia expendimus, & illos, qui traditiunculis suis in quamplurimis auctoritatis nimium tribuunt, tanta diuersitas & discordia gliscat.

Cap. II.

Quibus fastis seu Calendariis Mexicani vñ fuerint.

AM verò, vt, quæ diximus, certis rationum momētis firmemus: à partitione temporum, Indis vñitata, exordium ducemus. Hinc enim, ceu cōfidimus, eorum industriæ & prudentiæ documenta haud vana elucebunt. Annum Mexicani in menses 18. distribuebant, cuilibet mēsi 20. dies assignantes. Quorum vniuersa putata summa dies 360. constituet. Superfluitates dies quinq; quæ completo anno deerant, nulli mensium peculiariter inferebant, sed easdem seorsim notantes, dies anni vacuas seu abundantes nominabant, quibus nec vllum opus faciebant, nec sacra vlla visitabant, sed temporis fallendi causa congregiebantur, & ludicra agitabant, sacerdotibus ipsis quoque à faciendis sacris feriantibus. Intercalaribus his exactis nouum anno initium dabant, cuius mensem primum à florum & frondium germinatione inchoabant. Februario ipsorum æquæ ac nostro tres dies deficiebant. Nam calendæ ipsorum Ianuariæ in nostri Februarij diem 26. incidebant: sicut id ex fastis illorum publicis liquet, quibus nostra supputandi ratio mira arte comprehensa videtur. Hos his oculis nostris visos, consideratu omninò dignissimos arbitrati sumus, vt ex quibus accurata quædam logismi ratio, & numerandi dexteritas singularis emicet. Cuilibet mēsi suum peculiare nomen, character, ac signum attribuitur. Id plerunque à festo, quod eius mensis primarium est, desumitur, vt & à variatione aliqua insigni, quæ illo anni tempore incidit. Festis porrò singulis definiti, iique perpetui dies designabantur: & cuiuslibet septimanæ dies 13. numerabantur. Vnaquæque dies rotundo & paruo asterisco posito indicabatur: & à 13. noua subinde numeratio fiebat, ab 1. ad 2. 3. 4. &c. Integer annus in quatuor partes, quatuor signis seu figuris insignitas dirimebatur. Figuræ autem erant, prima Domus: secunda Cuniculus: tertia arundo: quarta fulmen. His signis anni quadrantes partiebantur & notabant, & secundum hæc eisdem denominabant. Rota verò seu orbita, qua hæc omnia definitè ita descripta erant, quatuor septimanas continebat. Cuiuslibet septimanæ anni 13. erant. Qui collecti 52. annos statuebant. In rotæ medio sol pictus, quatuor transuersas lineas in ambitum pertingentes emittebat, qui illis in quatuor partes æquales diuidebatur. Spatium quodlibet, lineis duabus interiectum peculiari suo colore interstinctum erat. Colores erant, viridis, cæruleus, ruber, & croceus. Nihilominus tamen vnum quoduis horum spatiorum peculiaribus 13. lineis aliis quoque ceu particulis seorsim disseparatum videbatur. In margine anni gesta adnotabantur. Sic, quo die & mense Hispani in Mexico ingressi essent, sedulò consignatum

tum vidimus. Tempori signato virum quendam Hispanico habitu purpureo depictū allocabant. Ea effigies Hernandi Certēs, qui primus ibi impressionem fecerat. censebatur. Annis 52. quibus orbita finiebatur, exactis, rem miram & ridiculam factitabant Indi. Nam in dicti anni nouissima nocte, vasa ac fictilia, quæ habebant, omnia confringebant, & candelas extinguebant, & cum fine orbitæ orbis quoque finem fortasse fore, persuasum habebant. Itaq; vt velederēt, vel biberent, vel vasa asseruarent, frustraneum iudicabant, & in tenebris istis integram noctem exigebant. Interim tamen nihilominus sedulo pro luce videnda matutina excubabant. Ergò si dispulsis tenebris aurorę comas micantes videbant, mirè ouantes, tibiis, tympanisque ac tubis, & instrumentis similibus, recens natum gaudium testabantur, dicentes, Deum aliam adhuc orbitam, 52. annos complexam, clementer elargitum esse. Eo pacto nouum annum redinchoabant. Mane verò novos ignes, à sacerdotibus filicibus elicitos accipiebant, & vasa sibi ac fictilia recentia, quibus ad rem familiarem opus erat, denuò comparabant. Postea etiam processione publica instituta Deo veluti gratias agebant, quod nouiter illucescere passus, annos & orbitam nouam ipsis largissimè indulgisset. Et hæc eorum septimanas, mēses, annos ac circuitus numerādi ratio & modus erat.

Cap. III.

Quo modo Inga suos annos ac menses numerauerint.



IN hac Mexicanorum supputatione, quam in hominibus literarum vt maximè ignaris nō possumus non laudare, is comprimis error notabilis est, quod non secundum mēses annum, nec menses secundum Lunæ facies metiri soliti sint. Qua certè in re Peruenſes Mexicanis præstiterūt. Totidem enim nobiscum dies anni illi numerabant, quos in duodecim menses æquos quoq; partiebantur, & in quos superstites dies vndecim equaliter dispensabant. Porro ad exactam anni supputationem hanc industriā adhibebāt. In montanis illis, vbi Cusco (quæ Regū Ingarum sedes primaria, & regni vniuersi thesaurorū ac sacrorū veluti quedā Conda fuerat, ob id iure merito altera Roma vocata) clarebat, columnæ 12. certis interuallis ex ordine distantes, visebātur defixæ. Harū quæuis peculiarē mēsem signabat, ea nimirū parte qua sol vel oriretur, vel occumberet. Pilæ illæ Sucanga nominabātur: per quas simul & dies festi, & tēpus sationis, & messis, aliaq; similia demonstrabātur. His suo pro more sacra quoq; facere solebant. Cuilibet mensi propriū ac peculiare tū nomen tum festū dabatur, & à Ianuar. anni initiū fiebat. Quē tamen Ingarū quidā, Pachacuto, idest, reformator tēporum, mēse Dec. deinde exorsus est, hac de causa, quod sol à Tropico, quem admodum vicinum habebant illic, tum temporis reuerteretur.

An his populis de anno quoq; bissextili quid constiterit, nullis rerum indiciis colligere possumus: etsi, qui id affirmant, non desint. Quas Mexicanī septimanas numerabant, tales verè non erant. Nec enim ex septenis diebus constabant. Nec etiam earum apud Ingas, cōmunis nobiscum diuisio fuerat, cum nō æquè ad solis conuersionem, aut Lunæ renascentiam, aut supputationē Hebræorū, quam ab initio conditi mundi, attestante Moyse fecerant, accommodari aut applicari possent. Hi planetarum nominibus, quæ Græcis & Latinis v̄sitata erant, suas septimanas denominabant. Quæ omnia etsi apud nos longè exquisitiore & perfectiore norma disposita sint: de hominibus tamen istis nec libros nec literas vllas noscētibus, meritò id admirandū videtur, quod annum, festa, & tempora primaria tanta industria & sagacitate disposuerint, sicut à nobis hætenus recēsitū est.

Cap. IV.

Nationem apud Indos nullam esse, qua literis utatur.



LITERARVM primo inuentarum iste finis fuit, vt horum medio & ope, quæ verba alias lingua proferuntur, scriptis definiantur & designentur. Verba verò vt philosophus ait, pro hominū in mente cōceptis reb. sonant. Sic ergò tum vox tum literę diuino beneficio nobis datę sunt, vt vox pręsentib. literę verò absētib. & posteris, res gestas aut agendas expediant & manifestent. Solis verò imago, & rerū similium aliarū ideę ac signa, etsi quidem describantur, literę vocari tamen minimè possunt: sed sunt picturę & prototyporum quædam expressiones. Quas qui primi condiderunt, non vt voces ederent, perficere quidem conati sunt, sed hoc tantum voluerunt, vt rerum quædā muta simulachra essent. Hoc modo astrologi suos planetas, Martem, Venerem, Iouem, &c. puris signis, non literis pręsentāt. Signorum enim ea ratio ac natura est, vt à quacunq; gente vel natione siue Itala, siue Gallica, siue Hispanica exprimantur, vnā semper faciem ac speciem, charactere nihil mutato retineāt. Id quod literis minime cōpetit. Hæ etenim à solis illis intelligūtur, qui linguę seu idiomatis istius, cuius proprię literę sunt, gnari & callentes sunt. Id exemplis manifestius fiet. Hebræus siue Græcus qui est, quid vocabulum sol sit aut significet haud quaquā intelligit, cū vox ea Latinorum propria sit, & Hebræis ignota, prout sonat, & literis pingitur. Alio schematē si sol exprimatur, imago seu effigies, nō literę erit, & sic vel ab Hebræo vel Græco intelligetur. Ex his duo præcipue notanda veniunt. Vnum est, historiarum & antiquitatum memoriam tribus modis condi solere. Primò literis, vt Hebraicis, Græcis, Latinis ac similibus. Secundò imagunculis siue signis, qualia passim omnibus nationibus ac populis v̄sitata fuerunt. Qua etiam causa in Concilio Nicæno imagines Laicorum libri vocantur. Tertiò cifris seu characteri-

teribus arithmeticis: vt 1. 2. 3. 100. 1000. &c. Alterum obseruandum, est hoc, nullam apud Indos vsquam nationem scriptura ac literis, sed meris schematis seu figuris ac cifris vsam fuisse. Cum Indis verò præter Peru ac nouæ Hispaniæ incolas, magnam quoq; Iaponiæ & Chinæ partem includimus. Quæ dicta hætenus, etsi nonnullis fictitia videri possent, cum locupletes aliquot Bibliothecas in Iaponia & China inuentas esse compertum sit: verum tamen nos dixisse, ex posterioribus porro abundè quoq; intelligi poterit.

Cap. V.

Quibus libris ac literis Chineses vtantur.



VAMPLVRIMI etiam ex peritioribus persuasum habent, Chinesibus non minus ac nobis Europæis literas pingēdi vsum familiarem existere, quæ à nostris non differant ratione alia, quàm qua Latina à Græca, & Hebraica à Chaldæa discrepet. Sed reuera hæc non ita se habent. Nec enim Alphabethū aut definitas literas habent, nec numeratis characteribus vtuntur: sed omnis eorum scriptio cifris & imaginibus perficitur. Tum & signa eorum, non vocum collectiones faciunt, verum res saltem peculiariter subsistētes, nudè indicāt, vt sunt, sol, ignis, Homo, mare, &c. Etsi enim Chineses plurimis iisque diuersis idiomatis vtantur: solita tamen signa eorum intelligere possunt, etiam definiti Idiomatis omninò ignari, non secus ac numeros nostros Arithmeticos tā Galli, ac Hispani & Arabes callent sapiuntque. Character enim 8. in qualibet lingua octo indicat, etsi alio modo ab Hispanis ac item Gallis enuncietur. Sicut ergò apud Chineses res infinitæ sunt: pari quoque ratione schemata seu figuræ, rerum indices, infinitæ existunt. Hinc fit, vt qui è Chinesibus legere satagunt, quales Mandaryni, id est, primates seu Gubernatores sunt, ad minimum 85000. cognitis figuris opus habeant. Qui verò lector perfectus haberi vult, illum imaginū 120000. promptissimam notitiam habere omninò oportet. Et hæc quidem talia quidam fide dignissimi ex societate IESV nobis testati sunt, qui perdiscendæ illius scripturæ studio decennij integri totis noctib. ac diebus fatigati ad completam industriā tamen ne dum conscenderunt. Atque hæc palmaria quidem causa est, cur docti in tanto apud Chineses pretio versentur, cum legendis literis diuturni simul & graues labores impendendi sint. Docti huiusmodi & literati viri omnia passim munia ferè soli obeunt. Nam ex iis & Gubernatores, & ludices, & bellorum Duces, similesque alij plurimi creantur. Ad literarum ergo cognitionem sedulo suos filios parentes adhortantur. Et ludi, quibus instituantur ac informantur, passim frequentes sunt, quibus discipuli tanto rigore & pertinacia docentur, vt ne noctu quidem à studiis feriari ausint. Qui stupidiores aut segniores sunt, loris flagisque cæduntur acriter. A Mandarynis hoc studium

nomen sortitur: cui persæpe vniuersa hominis ætas impendenda est. Præter hoc sciendum etiam est, huius idiomatis longè aliã rationem esse, ac apud nos latinæ vel græcæ sit, quas soli literati callent aut legunt. Nam Chinenfium scriptura ab omnib. promiscuè finitimis nationibus approbè intelligi potest. Qui etsi quidem ipsas voces, quas Chinenses enunciant, non intelligat, nihilominus tamen signorum quibus res ipsæ denotantur, perspicuam notitiam habent: veluti superius simile quoque de numeris arithmeticis protulimus. Hinc etiam fit, vt Iapones & Chinenfes litteris quidem, sed non viua voce collóqui sciant. Qui si quæ legerent, voce exprimerent, certè sensus mutuos venari aut captare minimè possent. Et hæc librorum ac litterarum in China vsitatarum ratio est, iam passim per totum orbem decantata. Typi chalcographici nihil aliud, quam figuræ quædam sunt, quas tabulis ligneis incidunt. His Papyri, quod placet, folia exprimunt aut excudunt, nō secus, ac apud nos figuræ æneæ aut ligneæ vt vocant, eduntur.

Sed hoc loco scrupulosior quispiam rogaturus est, quĩ fieri possit, vt animos sensusque suos per figuras exprimant, cum tamen vna eademq; figura diuersæ res minimè designari possint. Exempli causa, ex depicto sole, diuersa ominari omnino quis posset, solē nimirum vel calefacere, vel moueri, vel diem facere, vel turbidum esse. Præter id & casus, ac coniūctiones, & articuli, linguis & scripturis vniuersis aliis familiares, nullo peculiari schemate præfigurari possunt. Sed his pro responso reponimus, eos punctis, virgulis ac signis peculiaribus hunc defectum omnem abundè explere posse. Interim tamē id perceptu difficile est, qua arte nomina propria, maximè verò rerū peregrinarum, ac antè nusquam visarum, figuris vsitatis carentium describere possint. Cuius quidem rei, cum in Mexico ageremus, quoddam periculum fecimus. Quendam enim doctorum rogabamus, vt sua lingua hæc verba redderet scripta: Iosephus de Acosta ex Peru venit. Quod antequam Chinenfis faceret, diu quidem profundè meditabundus astabat, sed tãdem quod petebatur ita solerter exarabat, vt apprimè quadraret scriptura proposito. Eadē enim vel in diuersis linguis lecta idē sonabat, nisi quod non in nominib. propriis eadem aut vniformis dialectus audiretur. Ea verò describendi hunc modū adhibebāt. Nomen propriū assumentes, rem quampiã ex omni medio diligenter inquirebant, quæ sua lingua cū nomine isto omnium maximè cōsonaret. Huius ergò figurā loco nominis ponebāt. Cum verò difficile sit rē nomini isti vndiquaq; similem inuenire: hinc ipsa quoq; priorum nominū scriptura persæpè difficilior fit. Id quod Patri Alonso Sanches ante cæteros accidit. Qui cum in China agens ab vno Mandarynorū subinde ad aliū abduceretur, vix tandē omnes illi magno labore & profunda meditatione nomen sollicitata com-
meatui ipsius inscribere potuerunt.

Hæc Chinẽsum literarũ ac ſcriptionis ratio ac modus eſt: quib. Iaponenſes in omnibus ſimiles exiſtunt. Quanquam de his narrent, quod omnium nominum etiam propriorum ſcribendorum peculiarem artem aut induſtream, cum per Europam vagati eſſent, didicerint. Nihilominus tamen maxima ex parte ſignis ac figuris pro literis vtuntur, quemadmodum & de Chinenſibus commemoratum eſt.

Cap. VI.

Quæ Academia, quæ ſtudia in China floreant.



VI è China Ieſuitæ redierunt, hi nullas Academias aut inſigniores ſcholas, quæ artes ac Philoſophiam profiteantur, ibi repertas eſſe atteſtantur. Vniuerſum eorum ſtudium hoc eſt, vt in lingua Mandaryna, quæ difficilis admodum & longi temporis eſt, continenter addiſcenda verſentur, & probè exerceantur. Ea verò lingua nihil aliud, quam res geſtæ, ſectæ, iura ciuilia & municipalia, fabulæ & adagia moralia, ac ſigmenta his ſimilia alia continentur ac traduntur. Gradus ac dignitates ſuas metiuntur ex cognitione linguæ patriæ, & tum ciuilis tum diuini Iuris ſcientia. In ſcientiis naturalibus docendis certa & artificioſa Methodo nulla vtuntur, ſed nudis ſaltem propoſitionibus, pro cuiusque magiſtri arbitrio conſtitutis, res tradunt ac docent. Sed & Matheſeos longo uſu & accurata ſtellarum errantium obſeruatione quandam ſibi ſcientiam compararunt. Quin & Medicinæ haud mediocriter gnari ſunt. Penicillis in ſcribendo vtuntur, quibus libros quamplurimos exarant. Iidem & ludos ſubinde ac comœdias populo exhibent: quibus cum maiori pompa agendis, ampla ac feſtiua theatra erigunt. In eum uſum etiam pulcherrimas veſtes aut amiçtus, & campanas, & tympana, & alia ſimilia parata habent. Narrant Ieſuitæ, quaſdam ſe comœdias exhibitas viſiſſe, quæ 10. vel 12. tum diebus tum noctibus continuis duraſſent, dum omnes tandem ſpectatores, tædio ſenſim diffluenteſ, è loco diſparuiſſent. Eæ ſcenis ac actoribus pluribus plerumque conſtabant: quorum dum hi, agendo occuparentur, cæteri ſomnum ac quietem captabant. In illis verò plerumque moralia tractabantur, illuſtribus Ethnicorum exemplis perpetuò adumbrata & firmata. Ex quibus iam iterum liquet, ſagaces admodum & induſtrios eſſe Chinenſes, etſi in artibus ſublimioribus non uſque ad eò exculti & ſubtiler exiſtant. Nam omnis eorum induſtria in legendo & ſcribendo ferè poſita eſt, & non ex literis, ſed infinitis infinitarum rerum ſignis ac ideis, ſudoribus & vigilijs immenſis addiſcendis conſtat. Quorum ſtudia etſi ad ſummũ eueçta venerint quidem: intus tamen Peruenſis aut Mexicæ vnus, qui legendi ac ſcribendi periciam habet, quolibet Mandaryno etiã peritiſſimo doctior ac perfectior exiſtit. Nam

Indus 24. literis, artatè iunctis & compositis, omnia vocabula ac verba, quæ vsquam in omni orbe reperiantur, tum legere tum describere potest: cum econtrà Mandarynus, vel 100000. figuris instructus vix magno labore nomen Martnij siue Alonso exarare possit. Taceo de iis vocabulis scribendis, quæ nec nouerunt, nec quid signent, compertum habent. Vt verissimum sit, Chineses longe plures figuras ac Cifras, quam literas habere.

Cap. VII.

Quæ Annalium in noua Hispania vsitatorum ratio fuerit.



VI in noua Hispania habitant, antiquitates plurimas cognitatas habent. Sed historias & res gestas mirarte recondunt. Etsi enim non æquè, ac Chineses Iaponique seduli ac industrij sint: nullo tamen literarum, quibus suo more maiorum gesta ad posteros commententur, genere destituuntur. In prouincia Iucatan, qua Episcopatus Honduras est, libri sunt reperti, quorum folia certa forma complicata & colligata videbantur. In his Inditum diuisiones temporum tum planetarum motus, vt & animalium ac rerum naturalium aliarum naturas proprietatesq; , vnà cum rerum gestarum exemplis, operosa diligentia descripserant. Cum verò concionatorum quispiam ad populum subinde vociferaretur, libros eos merè magicos & nigromanticos existere, adeoque, vt vniuersim collecti exurerentur, vrgeret: facile, quod voluit, impetrauit. Quod tamen factum non Indi solum, sed ipsi quoque Hispani, vt qui terræ illius secreta & abdita vehementer scituri rent, paulò post grauissimè doluerunt. Similia & cum rebus aliis, à popularibus nostris temerè superstitiosis creditis, commissa fuerunt. Quo factum est, vt vnà cum libris omnem rerum antiquarum memoriam, multis aliàs vsui futuram, extirparint. Quæ tamen temeritas ipsorum à mera ignorantia & barditate, qua pro superstitiosis indiscretè vniuersa habebant, enata profluxit. Quos sanè libros, qui sobrio & attento animo euoluisset, ex illis certè quamplurima, obseruatu dignissima excerpisset. E societate quidam, vir doctissimus & peritissimus, in prouincia Mexico, quondam seniores vniuersos ex Tusculo, Tulla, & Mexico congregauerat, & collatione de variis habitis familiaritatem se eorum insinuauerat. Huic, ipsi postea suas Bibliothecas, ac annales, fastosque, spectatu certè dignissimos, vltrò videndos offerebant. Sed figuris ac notis Hieroglyphicis res vniuersæ eorum hoc ferè modo consignatæ erant. Quæ res, certas & definitas imagines sua natura habebant, eas post figuras suas locabant. Quarum verò nulla natiua species erat, illas

illas peculiaribus aliis excogitatis characteribus designabant, momento temporis addito, quo quæque res gesta esset. Hæc vero omnia in rotas seu orbes conferebant, quorum quilibet vnum seculum, id est, annos 52. complectebatur. In orbitarum harum marginibus, suprâ dictis imaginibus seu characteribus res eas depingebant, quæ quotannis fieret. Supra indicem seu gnomonem signi, tempus instans monstrantem, pictus vir quidam eminebat, cuius caput intectum pileo, thorax vero tunica manicata rubea cinctus videbatur: qua imaguncula annum eum, quo Hispani primum in Indiam ingressi sint, intendebant. Eodem modo & res cæteras exprimebant. Cæterum, cum sufficientes rebus vniuersis imagines aut characteres non haberent, nec characterum etiam ea, quæ nostrarum literarum, vis esset ac facultas: scripturæ eorum nō tam verborum numero, quàm ipsius sensus æqualitate concordabant aut conueniebant. Sed & interdum orationibus ac variis cantibus, à Rhetoribus ac poëtis fictis, utebantur. Cum vero prædictas notas Hieroglyphicas ac signa vniuersa comprehendere admodum arduum esset: ideo multū laboris Mexicanī impendebāt in hoc, vt pueri instituendi orationes illas ac poëmata fideliter memoriæ mandarent. Hunc in vsum scholas, collegiis siue Gymnasijs similes, quibus tenera puorum ætas, his vel illis disciplinis informaretur, fouebant. Semel autem percepta pueri tam firmā plerumque & pertinaci memoria tenere solebant, vt eadem non secus ac in libris descripta perfectè asseruarent. Pleræque nationes hoc imprimis satagebant, vt filij eorum in præceptis Rhetoricis exercerentur, cui studio attentissimè plerumque vacabant. Postquam vero ab Hispanis in India diutius agentibus, Indi nouis literis legendi & scribendi artem edocti fuissent, gestorum suorum multa commentaria edebant, cum singulari gaudio ac admiratione à magnatibus Hispanis plurimis lectitata. Et quidem, qui Mexicanorum historiam euoluit, is nullo labore facileprehendit, merum eam Hispanorum commentum esse, non ipsorum Indorum collectionem. Insuper & orationes nonnullas imaginibus & characteribus descriptas habent. Hoc modo, Pater noster, Ave Maria, & Symbolum fidei Indicis signis cum certa admiratione expressa conspicati sumus. Nam verba hæc, Ego peccator confiteor, ita reddebant, vt Indus quidam, ante Clericum in genua demissus, confitenti quæ similis conspiceretur. Dei loco, tres facies distinctas, singulas impositis coronis cōspicuas, & trinitatem signantes, ponebant. Virginem Mariam & ipsam, sua effigie exprimebant, corpus nempe dimidiū, infantem vlnis gestans. Diuum Paulum ac Petrum duobus depictis capitibus coronatis, additisque gladio & clauibus, repræsentabant. Hoc artificio vniuersam confessionis normam expressam reddiderunt. Deficientibus alicubi imaginibus characteres substituebant iis similes, quibus rebus se peccasse scirent. Ex quibus

certè

certè singularis Indorum sagacitas & industria videri potest. Hos enim precatiunculas & fidei articulos exprimendi modos non ab Hispanis didicerunt, quorum ipsi met ignari erāt: sed suo Marte, eorum, de quibus instituti erant, appropriatos characteres fingeant ac pingebant. Huiusmodi imaginibus ac schematis quandā confessionem vniuersorū promiscuè peccatorū expressam ac descriptam vidimus. Quin & ipse decalogus eadem arte redditus erat: cuius singulis præceptis signa quædā, Cifris similia, addebantur, peccata in specie contra vnum quoduis præceptum admissa, designantia. Certò nobis persuasum est, quod si Hispanorum alicui simile quid suis signis exprimendi negotium daretur, non vno, sed vix decem annis confectum accurare opus valiturus sit.

Cap. VIII.

Qua supputandi & numerandi ratione Indi Peruanii utantur.



PER v accolæ Indi ante Hispanorum in Indiam ingressum nullis vel literis vel characteribus, vel cifris aut imaginibus, sicut Chinenfes & Mexicani, vti solebāt. Rerum tamen gestarum ac antiquitatum nihilominus obseruatores tenacissimi erant, & tum bellorum, tum pacis tempore, imperiorum suorum statum præcisè annotabant. Hæc verò mutuis traditionibus veluti per manus factis continuabant, iunioresq; à senioribus acta velut rem diuinam creditam accipiebant, & eadem suis postea etiam successoribus fideliter communicabant. Quæ videbantur memoriam effugitura, eadem imaginibus maioribus, Mexicanorum more, consignabant. Partem tamen maximam per Quipos obseruabant. Sunt autem Quipos veluti codices rationum, aut libri memoriales, ex loris seu funiculis constantes, quorum tum nodi tum colores varias & diuersas res indicabant. Quo ingenio, quam multa simul ac ardua comprehenderint, dici haud satis queat. Vniuersa siquidem ea, quæ nobis de gestis, legibus, ceremoniis ac negotiis populorum libri nunciant & expromunt, per Quipos ipsis exactè & perfectè suppeditabantur. Quibus fideliter & accuratè custodiendis singulares quoque officarij deputabantur, qui vel hodiè Quipocamayo nominari solent. Et horum munus erat, vt consulti de omnibus rebus responderent, non secus ac apud nos Notarij faciunt: quibus fidem derogare vel in maximo vel minimo nefas erat. Quipos verò seu funiculi illi pro diuersis rebus, diuersæ erant materiæ. Alij enim bellorum, alij Rerum publ. alij tributorum, alij regionum rituum indices erant. Fasciculi alij maiores, alij minores nodulos continebant. Ipsa quoque intorta fila aliàs rubra, aliàs viridia, nonnulla cyanea, quædam candida, ac summatim

matim colorum plurimorum & diuersorum existerant: ex quibus, non secus, ac ex 24. diuersis literis vario modo compositis vocabula nos infinita condimus, sic ipsi Indi ex nodulis diuersis, plures ac varias res concinnabant, ac veluti describebant. Præter Quipos verò ex filis innexos, alios quoque ex globulis seu lapillis constantes modos habebant, quorum dispositione vocabula ediscebant. Et hoc spectatu non indignum erat. Qui seniores fuerant, ex vna corolla, Pater noster (precationem dominicam) ex alia Aue Maria, vel Symbolum, vel quicquid aliud facili labore addiscebant: approbeque norant, quinam lapis hoc, designet: Conceptus de Spiritu sancto; & quis illud: Passus sub Pontio Pilato designaret. Quod si errata alicubi admissa emendare volūt, citra risum spectator nunquā astabis. Correctionis tamen alium modum non habent, quàm vt ex ordine lapides singulos exactius inspiciant. Quipos verò etiam genus tertium ex granis Maijs parati habent, id quod rudius videri aliquibus tamen possit. In rationibus enim grauioribus confusi, & quantum cuique debeatur, ambigentes, granis multiplicibus dispositis & congestis rem finiunt; quorum huc vnum, illuc tria, & sic secundum proportionem plura paucioræve coniungunt, iam hoc ex cumulo granum vnum dementes, & alij addentes, ac iam tria, quatuor, plura, permuantes. Et hac numerandi ratione tam agiles plerumque ac expediti sunt, vt spectatibus res ingenti admirationi sit. Hoc ergo modo cum numerandarum rerum vsquequaq; peritissimi sint: an ratione & discursu valeāt, vel pecudum instar bruti sint, cuius facile liquet ac euidentis est. Nobis hoc certò constat, quod in plerisq; quibus studium aliquod impendunt, nos longis spatiis exuperent aut anteuertant.

Cap. IX.

Qua Indiscriptionis serie vtantur.



NON in transuersas lineas Indi suas literas seu characteres depingunt, sed aut secundum longitudinis seriem deorsum, aut in orbem scribendo procedunt. Latini quidem ac Græci à læua versus dextram literas ducūt, quē & nos morem tenemus. Hebræi verò ductu contrario à dextra in sinistram tendentes, libris suis ibi initium dant, vbi nos eos inchoamus. Chinenfes autem nec Hebræorum nec Græcorum more scribunt: sed secundum folij longitudinem à parte suprema deorsum procedunt. Siquidem cum minimè literis, verum integris verbis, à quolibet characterē perfectè designatis rem agant: vt illi literarum more connectantur, minime opusest. Cæterum Mexicani nec transuersim, vt Græci ac Hebræi, nec desuper, vt Chinenfes, verum ab inferioribus ad superiora procedunt. In rotulas verò seu orbis signa sua depicturi à centro, vbi Solis facies videbatur, ad ambitum seu extremitatem

tem contendebant. Vt hoc modo quatuor diuersi scriptionis modi existant: vnus, qui fit à dextrà versus læuā: alter, à læua versus dextram: tertius à summis deorsum: postremus ab infernis sursum. Vnde, quantoperè consiliis & ingeniis euarient homines, clarè liquet.

Cap. X.

Quo instructu Indi suos nuncios amandarint.



ED scriptionis materia iam omissa, aliò distertamus. Non autē incommode ab aliquo quæri hîc posset, quî factum sit, vt cum Indi nec nostro more scribendarum, nec etiam aliò mittendarum literarum commoditatē habuerint, nihilominus tamen regnorum suorum, quæ & plurima simul ac amplissima habebant, salutem ac prosperitatem accurare sciuerint. Sed hi cogitent & secum repetant, quod signis suis ac figuris characteribusque non minus ac nos nostris literis, rerum & cogitatum omnium Indi expeditissimam significationē expromere potuerint. Cui eorum ingenio, cursorum etiam celeritas mira, haud parum commodare quiuuit. Hi enim à teneris pernicipitati magno studio incumbabant parandæ. Eligebantur autem istiusmodi ferè homines, qui citra anhelationem & defatigationem euidentem cursim editissima scandere loca poterāt: sicut superius de pueris Mexicanis narrauimus, quorū quaterni primi, gradus templi exsuperantes, amplis donis ac muneribus præ cæteris affici solebāt. Sub festum Capacraime Orionum quiuis in Cusco magna pernicipitate montem Inacauri conscendere properabat. Et Indi quidem omnes in vniuersum cursu se sedulò exercebant olim, quod & iam faciunt. Res grauiore si quæ aliò denunciandæ forent, eas Mexicani tabulis aut chartis depingebant, ac per suos ad amicos proferri curabant. Quod idem tum quoque faciebant, cum naues Hispanicas, ad occupandam Toponchan sese adornantes, primò conspicati essent. Et cursorum in Peru quidem magna plerumq; autoritas erat. Ingæ insuper Reges, in omnibus suis regnis atque prouinciis emissarios peculiare, Chasquis dictos alebant, de quibus suo loco dicere conabimur.

Cap. XI.

De formis Imperiorum apud Indos: & de eorum Regibus.



EMINI vnquam dubium fuit, quin ex forma Rerum publicæ & imperiorum, quæ nationes Barbaræ sint, vel minus, semper æquissimo iudicio æstimari potuerit. Quò enim plus humanitatis & æquitatis ostendunt: eò tum splendidiore & beatiore censentur, ac minus sibi ambitionis ac fastus arrogant. Vnde fit, vt Indorum

dorum Reges ac domini simplices ac submissiores dominantibus aliis viuant, subditosque suos longè æquius tractent, agnoscantque, se illis ipsius naturæ iure nihilo superiores, sed potius aliquanto inferiores omnino existere, sibi que ceu publicis ministris ciuium salutem vniuersam curæ cordique esse debere. His verò omnino contrarium Barbari faciunt, qui plerumque insolenter & tyrannicè se gerunt, pecudum loco suos subditos habentes, & ab iis pro diis coli ac æstimari fatigantes. Quorum improbitate olim multæ nationes Indorum offensæ, reges ac dominos suos vi exegerunt, ac communi iure libertateque fruantes, solis bellorum tempestatibus sibi duces & præfectos constituerunt, quorum dictis tamdiu morem gerebant, dum officij ratio posceret. Munere cessante, ad libertatem deinde pristinam redibant. Et hoc ferè modo noui orbis pars maxima gubernabatur, cuius reges ac principes rarò successionis iure, sed plerumque populi suffragiis creari solebant. Nec tamen hoc de vniuersis Indiæ partibus intelligi indiscretè volumus. Sunt enim populi, qui tum dominos tum principes suos agnoscunt, viros plerumque strenuos, & propter virtutes bellicas laudatissimos. Huius generis quoque prouincia Chile est. cuius primates, Auricani & Tucapeli, tot annis contra Hispanos bella gesserunt. Eiusdem etiam classis sunt, vniuersa prouincia ac regnum Granada, Guatimala, cum insulis Florida, Brasilia, Luçon & Philippina, aliisque terris plurimis & amplissimis. In nonnullis tamen harum non omnino nulla vel dum gliscit barbaries. Quidam enim populi sunt, qui ægrè superiores agnoscunt admittuntque, sed ferè vniuersa, promiscua autoritate ac consilio moderantur, pro lubitu & libidine iussa condentes, statumque Reipublicæ tractantes: ac vim pro consilio habentes, ita salutis publicæ præsumunt, vt fortissimus quisque regnum ferè inuadat, & infirmioribus suæ tyrānidi subiectis, malitiosi arbitrij iugum plerumque imponat. In Orientali quidem India regna quædam, vt Sian, Bisnagar, & cætera tam potentia sunt ac ampla, vt poscente casu 200000. milites è sui medio lectos in aciem producere possint. At China tamen, huiusmodi regna vniuersa tum magnitudine tum potentia longè superat, cuius reges 2000. annis continuis regnasse feruntur: quod vnicorum moderationi & industriæ acceptum ferri debet. In occidentali verò India duo saltem firma & durabilia regna inuenta sunt: Mexicanum nimirum in noua Hispania: & Ingarum in Peru. Quorum vtrum præstātius sit, in ambiguo est. Quo ad ædificiorum aulæque splendorem ac maiestatem, Motecumæ quidem regnum Perueni præstabat. Verum diuitiis, opibus ac thesauris, vt & prouinciarum amplitudine ac antiquitatum multitudine Ingæ Mexicanis longè præminebant. Nam Ingarum regnum, isthoc quoque vetustius erat. Laude quidem bellica, & partis victoriis, pari me iudice passu ambulant. Omninoque certum ac compertum est, bina hæc regna, cæteris omni-

bus in vniuersum prouinciis, in nouo orbe insignioribus, tum bona Reipubl. forma, tum potentia ac opibus, comprimis verò superstitionibus quoque ac fœdis idolorum cultibus, celebriora & præstantiora extitisse. Porro etsi geminorum horum regnorum sua in quibusdam æqualitas esset: inter sese tamen haud modica quoque diuersitate distabant. Mexicani siquidem regni moderatores suffragiis & electione creabantur, sicut idem in Romano quoque imperio fieri solet. Sed in Peru, defuncto Rege, regnum in proximum hæredem aut consanguineum deuoluebatur, velut in Hispania ac Gallia fieri scimus. Sed de dictis his binis optimis regnis, deinceps nobis fufius & prolixius commemorandum esse videtur.

Cap. XII.

De Imperio Regum Ingarum in Peru.

INGARVM quodam in Peru defuncto, legitimus hæres filius, quem vxor eius primaria (Coya vocabatur) peperisset, regno succedebat. Coya verò plerumque Regis illius soror erat. Apud Peruanos etenim Reges sorores proprias pro vxoribus habere, frequēs admodum ac solenne erat. Porro etsi Ingæ cum aliis quoq; concubinis rem haberent, vnus tamen Coyæ filius regnum hæreditate sortiebatur. Et tamen nihilominus, si quis Regi germanus frater superesset, is filio præferebatur, & fratri defuncto omnino succedebat. Ab hoc porro regnum in patrueles promouebatur. Idem successionis ius in aliis quoque officiis similiter Curacas seu Primates sequebantur. Defuncto Regi pomposæ admodum ac sumptuosissimæ ceremoniæ fiebant. Huius successor, relictæ à defuncto bona ac thesauros attingere minimè audebat, sed rem sibi familiarem peculiarem ac propriam accurabat, ac aurum argentumq; de nouo vndecunque sibi corradebat. Opes autem illæ relictæ, vniuersæ in Guacam seu Sacellum defuncti Regis conferebantur, quibus postea omnes Regis ministri ac posteriores alebantur, vt qui perpetuis officiis ac ministeriis illi veluti Deo cuidam deseruientes, sacrificia & ceremonias quotidianas exhiberent, & memoriam eius æternam colerent. Et hæc causa erat, cur infiniti in Peru thesauri colligerentur. Ingarum siquidem quiuis hoc vnum attentius agebat, vt thesauros vberri-
mos conquireret, quibus ab obitu suo posteriores ac ministri magnificentius alerentur & sustentarentur. Possidendi verò ac occupandi regni sigillū rubeus ex lana globus seu villus erat, pulchritudine ipsum fericum vincens. Is Regis è medio occipitio suspendebatur, nec præter eum quisquam alius tali insigni vti audebat, cum instar coronæ aut diadematis Regij passim ab omnibus æstimaretur. Primatibus tamen regni cæteris villum huiusmodi ex capitis altero latere iuxta auricu-

auriculas suspensum gestare, nullo vetante licebat. Villo hoc à Rege accepto, festum solenne illico magnis & sumptuosis ceremoniis ac sacrificiis confiebat. Ad cuius solemnitatem augendam conferebantur, vasa tum aurea, tum argentea, & pretiosissimi panni ex Cūbi texti, variæque ex mari allatæ algæ, ac pennæ ex auibus nitidissimæ, vt & oues mille variis & distinctis coloribus insignes: quæ vniuersa pro sacrificio offerebantur. Sacerdos verò templi primarius, & ministri reliqui, quædam puerum sex vel octo annos natum arripiebant: quem cum Idolo Viracochæ obtendissent, hæc ferè verba edebāt: Domine, sacrificium hoc tibi iam offerimus, vt nostræ trāquillitatis tutor sis, vt bellorum tempore nobis auxilio venias, vt nouū Regem nostrum Ingam autoritate, maiestate ac potentia augeas, & eundem prudentia, industria, consiliis ac felicitate bees, quo perpetua prosperitate vsus, regnum pacatè & tranquillè gubernare queat. Et his ceremoniis omnis ex vniuerso regno populus cohabitare solebat. Ab eo tēpore, vniuersi Regem singulari amore prosequi incipiebant, & summis officiis ei accuratè præstitis obsequebantur: ita, vt nemo quisquam vnquam contra eum rebellionem mouisse aliquam inuentus sit. Cæterum ipsi quoque Ingæ, non saltem potenti manu ac robore regnum creditum administrant, sed iustitiam quoq; accuratissimam exercent, nec cuiquam vel in minimo vim ac fraudem fieri patiuntur. Solent præterea Ingæ distantioribus prouinciis suis idoneos Gubernatores præficere: quorum nonnulli præter Ingam, superiorem nullum agnoscunt: alij verò his quoq; ceu mediis, morem gerere solent. Et hoc modo omnia eleganti ordine in regno constituta erant. Ad regni felicitatem stabiliendam visum Ingis commodissimum erat, vt Indi perpetuis laboribus assuefierent, ne quo fors otio torpidiores aut ignauiores euaderent. Vnde infandis laboribus tot tamq; latæ & expeditæ viæ patefactæ & passim conditæ visuntur. Si quam aliquando prouinciam belli iure occupassent, è populo isto potentiores & eminentiores (Mitimas vocabant) secum in aulas suas abducebant, & horum loco alios ex Cusco, comprimis verò Oriones, qui veluti belli Duces ex illustri prosapia plerunq; oriundi fuerant, sufficiebant. Facinorosi rigida & exquisita plectebantur pœna: nec minore hi, qui patratorum facinorum conscij erant. Qua vna certè re Rei suæ publicæ autoritatem & splendorem latè cumulabant.

Cap. XIII.

Qua industria Inga suos subditos distribuebant.

Ives ac subditos suos Inga hoc pacto distribuebant, ut regi & coërceri quam facilimo labore possent, et si regni fines ad 1000. milliaria extenderentur. Quamprimum aliquam provinciam occupassent, cōtinuò ad eam Rempubl. gubernandam Indos ordinabant, & indigenas velut in decurias secernentes, singulis Indum vnum, qui iussa daret, præficiebant. Ea quoque proportio centenorum & millenorum erat. Et his qui hoc modo præfigebantur, Huno nominabantur, quorum dignitas & autoritas insignis erat. Cæterum cuilibet provinciæ peculiaris ex Ingarum familia Gubernator dabatur, cui vniuersi parere, & rationem omnium reddere cogebantur. Rationes autem dabantur tam eorum quot quouis tempore obiissent, quam quot recens nati essent: ut & pecorum, agrorum, & similium. Gubernatores huiusmodi quotannis ex Cusco mittebantur, qui eodem ad regem deinde sub festi Rayme celebrationem redeuntes, regni census seu vectigalia vnà secum apportabāt. Extra illud enim tempus, nemini horum in aulam aditus patebat. Omne porrò regnum in quatuor partes Tahuantinsuyo dictas dirimebatur, nimirum in Chinchasuyo, Collasuyo, Andesuyo & Condesuyo. Et hæc ita à quatuor illis plateis insignibus, è Cusco, vbi aula regia & omnis regni congregatio vigeat, ducentibus, denominabantur. Quatuor hæc tum plateæ, tum regni partes, versus quatuor mundi cardines portendebātur: quarum Collasuyo austrum, Chinchasuyo septentrionem, Condesuyo Occidentem, Andesuyo verò ortum principaliter spectabat. Omnis eorum multitudo duplici populo constabat, Hananſaya scilicet & Vrinſaya, id est, superiore & inferiore. Ex his, si aliquando ad regem vsus gratia cohortes aliquot vocabātur, Decurionibus aut præfectis, quot nimirum decades ex quolibet provincia mitti deberēt, prius iniūgebatur. Ea verò electio, non Arithmetica, sed Geometrica proportionem fiebat, prout cuiusq; terræ ratio ac conditio posceret. Ea etiam ratio in aliis obseruabatur. Exempli gratia. In publicos vsus si Maiis 100000. modij conferendi essent: tunc regio hæc partem decimam, altera septimam, alia quintam & sic consequenter fundebat: quod frumentum postea in Respubl. Decurias & Aillos siue familias distribuebatur. Has verò rationes æquo respectu ita supputabant illi, qui Quipocamayos dicti, ærario publico curando præfecti erant, & funiculis seu filis nodosis, quæ cuiuslibet Indi portio esset, dinumerare exquiriti industria poterant.

Cap. XIV.

Quam artem Inga in edificiis struendis tenuerint.



OMIBVS suis, ac castellis, templis, viis, agris & simili-
bus extruēdis colendisq; Ingæ labores impenderunt
grauissimos & ærumnosissimos, id quod vel hodiè
ex ruderibus, in Cusco, Tiaguanaco, Tamboq; con-
spicuis videre licet. Nam in his locis tam immensæ
molis lapides visuntur, vt nec qua arte excindi, nec
collocari iungique potuerint, captu facile sit. Cum quoquo versum
in Cusco regno Inga amplissima ædificia ac castella extructurus ef-
set, ex omnibus regionibus artificum numerum quam maximum
accerfuit, qui miras & antea non visas domos ex calce opere admi-
rando extruxerunt. Hi quibus lapides sculperent, nec ferrum nec æs,
nec vlla ex his parata instrumenta quidem habebant: & tamen ex il-
lis saxis tanta industria ac solertia domos coagmentabant, vt iunctu-
rarum meta nullius etiam perspicacissimi oculis peruideri facile pos-
set. In Tiaguanaco lapidem quendam vidimus, 30. pedes longum, 18.
latum, & 6. crassum. In castelli apud Cusco muris inserti lapides sunt,
priore longè vastiores & grandiores: quos & ipsos suis artifices mani-
bus immiserunt. Qui etsi haud quaquam forma angulari excisi sint,
ita, vt vnus alteri exactè congruat; calce tamē interiecta eosdem tam
artatè & exquisitè iungunt aptantque, vt vnio oculos fallat. Sed ad
hos iungendos multorum ope manuque vtuntur. Vt enim exactius
quadrent, sustollendi sæpius atque iterum demittendi sunt. Opera-
rij, qui ingenti multitudine confluebant, huic vni ferè rei operam
nauabant. Verum enimuerò, etsi hæc quidem ædificia amplissima
existerent: nullo tamen propè ordine ac serie legitima extructa vise-
bantur, sed Mesquitis confusis quadantenus similia erant. Domos
suas nullis condere fornicibus norant. Sed nec cum cæmento cal-
cem miscere sciebant. Cum aliquando fluuius Xauxa fornicibus pro
transmittendo ponte super instructis integeretur: accidit, vt cum o-
pere absoluto fulcra lignea remouerentur, Indi certatim aufugerent,
veriti, ne structura, quæ ex grandibus lapidibus constaret, vniuersa
corruat & in seipsum concidat. Cum verò eandem firmiter stantem,
& transgressos Hispanos sustinentem cernerent, Caçique siue domi-
nus loci ad astantes sibi dixit: Nos sanè horum meritò serui sumus,
qui ipsius solis filij existunt. Pontes verò, quibus Indi utebantur, ex
congestis iuncorum ac straminis manipulis constabant, quos funi-
bus, ex vndarum littoribus fortiter vtrinque deligabant & firmabāt.
Ligneos verò aut lapideos pontes in solidum nesciebant. Vadum seu
transitus maris Chicuito in Collao tam profundus est, & latus, vt
nec ligneo nec lapideo ponte vlllo superinduci possit. At tamen nihi-
lominus

lominus eius transmittendi artem, straminis ope meditantes, successum valde felicem senserunt. Iuncorum enim (Totorā vocantur) fasciculos iungebant ac connectebant, quos ipse maris motus ad ripam oppositam proferebat. Super hos deinde ex littoribus firmiter vtrinque redeligatos securo passu incedebant, & flumen nullo periculo, multi vnā peruadebāt. Et hoc genus pontis multò nobis commodius videbatur, quam quod à Seuilia in Trianam porrigeretur: cuius longitudo 300. passuum erat. Huius transitus profunditatem stupendam & inæstimabilem esse prædicant: cuius quidem superior vnda placidissima, præruptis infernè vorticibus ac abyssis seuissima ac periculosissima sit. Sed hæc de ædificiis, & eorum ratione dicta sufficiant.

Cap. XV.

De Ingarum censu, redditibus ac tributis, quæ Indi pendere coguntur.



DITIAS Ingæ inæstimabiles colligebant. Etsi enim à suorum antecessorum relictis thesauris patrio iure omninò arcerentur: vniuersorum tamen vniuersi regni incolarum bona suis quasi in manibus ac potestate habebant, ita, vt facili opera ingentem vim, auri, argenti, pannorum ac pecorum vndecunque compararent. Vis tamen & neruus omnis Ingarum opulentia erat ciuium ac subditorum perfecta obedientia, qua regi suo indiscretè in omnibus expeditissimi parebant. Si quid in quadā prouincia singulare nanciscebantur, id ad regis thesauros illicò conferbant. Et prouincia quidem Chichæ fragrantia illis ligna ad multiplices vsus promebat. Lucana verò cursores agilimos, & lecticarum gerulos industrios mittebat. Chumbibilcas verò saltatores & histrio-nes exercitatos ministrabat. Hoc pacto, quicquid cuiuslibet prouinciæ singulare erat, id vnā cum tributo quotannis ad regem mittebatur. His verò, qui fodinis auri ac argenti præerāt, Rex commeatum quotidianum saltem accurabat. Vnde fiebat, vt in vno regno tam numerosi & ingentes thesauri colligerentur. Sunt qui pro comperto affirmant, Hispanos, cum primum Indiam inuasissent, vix decimā thesaurorum partem nactos fuisse: quod Indi partē maximam ante faciem Hispanorum secretissimis locis abscondissent. Ipsis verò Ingis videbatur, operas à subditis exactas, illorū potius felicitatem quam seruitutem indicare. Tributa hoc ferè modo numerabantur aut dispensabantur. Quamlibet prouinciam deuictam, Ingæ in tres partes dirimebant. Parti cuiuslibet sui redditus assignabantur. Primi verò Religionis & Deorum cultibus impendebantur, ita vt Pachayachachi (is creator erat) & soli & Chuquillæ siue Tonitruis, & Mortuis, aliisque

Qua-

Quacas siue fanis, sua cuiuslibet terræ portio cederet, cuius fructibus tum sacra fierent, tum sacerdotes ac ministri alerentur. Quælibet verò Guacas suos ordinarios ministros Indos habebat. Redituum verò pars plurima in Cusco, vbi cultus Deorum omnium maximus vigeat, inferebatur: etsi nullus alias pagus suo Guacas seu delubro, in quo iidem cum Cuscano ritus ac ceremoniæ colebantur, etsi inter sese nonnunquam 200. milliarium interuallo distaret, destitueretur. Quæ in campis ferebantur, messis deinde tempore collecta, in horrea congerebantur: de quibus tributis vice regi plurima erogabantur, etsi præcisè omnium summam recensere hoc loco minimè queamus. Alii tamen in locis plurima, in nonnullis pauca, in aliquibus vniuersa collecta templis ac Deorum cultui cedebant. Et huius sortis quæ erat terra, fideli & diligenti opera excolebatur. Pars terræ altera pro Inga ipso seruabatur, ex cuius redditibus, suos cognatos, ac primores, ciuitatumque excubitores & milites, ac ministros cæteros sustentabat.

Hos verò redditus prioribus longè vberiores & opulentiores fuisse, vel ex inspectis granariis aut horreis publicis colligere licet, quorum longitudo ac latitudo longè maior & capacior, quàm Guacas visitur. Et hi redditus vel in Cusco, vel alia loca, vbi castra Regia cubabant, conferebantur. Quod si conuecti huius commeatus nullum temporis indigentia esset, in granaria publica congerebantur omnia, & ad plures annos asseruabantur. Et hanc Ingæ terram omnes promiscue citra exceptionem colebant sedulo. Quod dum facerent, vestes frequenter pretiosiores induebant, & in Ingarum ac Guacas honorem, cantilenas ac modulos concinnos sonabant. Quandiu verò huiusmodi operæ fierent, tam diu qui laborabant, aut ab Inga, aut à sole, aut à Guacas, vt quorum fundi agrique colerentur, cibos ac commeatum accipiebant. Ab hoc verò colendorum agrorum penso, tum senes, tum ægri, tum viduæ exempti & immunes erant. Porro verò, etsi quidem hi agrorum fructus aut in Ingæ aut solis aut Guacas vsus conferrentur: ipsi tamen fundi agrique ab auito iure Indorum proprii erant. Tertia verò terræ pars ab Inga inter plebem diuidebatur. Quæ, an Ingarum aut Guacas partibus maior minorue fuerit, in dubio quidem est. Talis tamen ac tanta fuit, vt ex ea indigenæ sibi victum sufficientem parare potuerint.

Sed tertia hæc portio nullius euadebat propria: nec quicquam fundi proprii possidebant Indi, nisi id singulari Ingæ indultu impetrassent. Tum & eadem bona non hæreditario iure in posteros transferebantur: sed quotannis quasi de nouo distribuebantur, ac vnicuique, quanto ad vxoris & liberorum sustentationem opus esset, impertiebatur. Si quo anno fors alicuius res familiaris aut liberis aut seruis auctior reddita fuisset, tum eidem pro mensura ordinaria plus

fundi quoque conferebatur. De his verò census nulli alij reddendi erant, quam vt Guacas & Ingarum terræ excolerentur. Quibus annis steriles agri nihil fructus promebant, iis subditi ex publico granario, quo commeatus semper abundabat, cibabantur. Porro Ingæ pecora non minus ac agros inter populum distribuebant, quæ & ipsa in tres partes fecernebant: quarum vna ad Guacas, altera ad Ingas, tertia ad ciuitates ac populos spectabat. Huic distributioni venatores quoque intererant, qui foeminam nullam ex pecude abigi aut occidi permittebant. Ipsius verò Ingæ ac Guacas greges, admodum numerosi erant, ac Capaellamas vocabantur. Plebis verò grex minor, ob id Guacchallamar appellabatur. Pecorum quidem curam Inga attentam & sedulam gerebat, cum eadem regno cuiusdam thesauri loco essent. Foemine eorum nec in victimas, nec alios vsus adhibebantur, nec venationum quoque damnis prostabant. Si quod armentum scabie obsideretur, illud viuum defodi solebat, nec cohabitatione sua cæteras quoque pecudes inficeret. Lanigerarum pecudum tonsura ordinario quotannis tempore instituebatur, & de lana collecta tantum vnicuique appendebatur, quantum cum suis liberis ac domesticis nere aut in fila cogere posset. Quam in re ne fraus fieret, sedulo cauebatur. In dolo præhenso, poenas luebant grauissimas. De Ingarum lana panni texebantur, tum pro ipso, tum pro aliis cognatis ac ministris necessarij. Præter hos certum quoque genus Cumbi, admodum nobile, & ex utroque latere nitidissimum, confiebat. Prius verò genus rudius ac vilius erat, ac Abasca nominabatur. Huius quidem panni nullus numerus aut mensura sciebatur: sed, quantum quisque lanæ accepisset, tantum texebat. Distributione viritim facta, quicquid lanæ supererat, id in horrea seu condos publicos congregabatur. Hinc factum erat, vt Hispani in Indiam ingressi, eius maximam copiam paratam inuenerent. Et hæc tam prouida rerum omnium dispositio ac gubernatio merito nobis omnibus admirationi esse debet. Et si enim Indi haud quaquam Christiani essent, tamen bonis natiuis promiscuo quasi iure utebantur, & comprimis Regem ac Religiosos necessariis omnibus cumulabant.

Cap. XVI.

De officiis & opificiis, quæ Indi exercent.



PERVENSES Indi comprimis etiam hoc studio rei suæ felicitatem auctiorem faciebant, quod quiuis à teneris artem quandam ac opificium, humanæ vitæ commodum addisceret. Quæ apud nos mechanicæ quidem artes frequentiores sunt, vt sartoria, sutoria, textoria, & similes: has non admodum curiosè sectabantur: sed eam quisque artem potius addiscebat, quam sibi met ipsi ex usu

vſu fore cenſebat. Itaq; textoriæ comprimis operam dantes, pannos ſibi domi proprios ſinguli parabāt, quibus, rege Inga etiam nihilum expromente, commodè veſtirentur. Sed & colendorum agrorum peritiam captabant: vt ad hanc rem nullis conſuctis mercenariis opus haberent. Præterea domos quoq; ſibi met extruebant proprias, cui rei ſuas ipſæ mulieres operas etiam conferebant: quæ nullo otio aut mollitiæ educabantur. Cætera verò opificia, quæ humanæ vitæ non abſolutè neceſſaria putabantur, à magiſtris peculiaribus exercebantur. Et huius generis erant, aurifabri, pictores, figuli, nautæ, arithmetici, muſici, ac ſimiles. Sed & è textoribus, & tignariis magiſtri erant peculiæres aliqui, qui ſuas operas primatibus locabant. Quantum tamen cuiſlibet priuato domi ſuæ opus erat, id ipſemet accurabat, nec mercede pacta alium facile extraneum admittebat. Quiſque ſibi tum veſtes tum calceos ſuebat, ac ædes condebat, & agros conſerebat, & metebat eoſdē, & quæ alia rei familiaris opera erant, exequabatur. Porro quoq; vitam admodum ſobriam & continentem agebant: vnde poſtea quoque ad puram S. Euangelij doctrinam acceptandā eo habiliores ac procliuiores erāt. Indi etſi veſtitu admodum ſimplice vterentur: nihilominus tamen in eo diſcretos ordines ac modos obſeruabant. Capitū comprimis ornamenta de dignitate & gradibus eorum teſtabantur. Horum enim nonnulla floccorum more intorta & inflexa erant: quædam latiora capillis obiter ſaltem inuoluebantur: alia pileolis acutioribus, alia rotundioribus & latioribus, nonnulla cribrorum extremitatibus ſimilia erant. Et vt hi habitus, à quouis pro perſonarum reſpectu ſedulò ac diligenter obſeruantur, publico edicto fanciebatur, ne per omnē prouinciā quiſquam temerè ſuum habitum mutaret, licet in alia quidem loca abſcederet. Id enim Inga ad commoditatem & ſalutem Reipubl. plurimum facturum perſuaſum habebat. Qui mos vetuſtus vel dum hodie quoque, etſi remiſſius & ſomnolentius, ibidem obſeruatur.

Cap. XVII.

De Cursoribus & Chaſquis, Inga mandata exequentibus.



VRSORES ac veredarij iniuncta Ingarum mandata per omnia regna incitatiffimo curſu Gubernatoribus expediebant: & horum reſponſa ad regem feſtinantiſſimè quoque referebant. Hi Chaſquis ſiue inter-nuncij in Tobo duabus exilibus ædiculis habitabāt. Indorum autem curſorū quatuor primarij ſingulis menſibus in omnia loca quoquo verſum emittebantur: qui certam metam emenſi, aliis ſubinde Chaſquis, iam in procinctu ſtantibus, mandata ſua imponebant, ſingulis 24. horis, milliaria Hiſpanica

50. exsuperantes, etsi viarum pars maxima aspera, inexpedita & difficilis existeret. Hi cum responso res quoque eas Inga referebant, quibus cum delectari comprimis norant. Sic breuissimo tempore in Cusco pisces inferi marini poterant, etsi locus à mari 100. milliariibus distanderet. His Chasquis Hispani nonnunquam utebantur, quoties aut seditio aliqua aut alia rerum inopia oborta esset. Don Martin vice Rex ordinarios veredarios, qui omnia mandata confecta darent, in singula quatuor milliaria disposuerat. Quod quidem istius regni beneficium ac ornamentum maximum est, etsi hi cursores non æquo cum prioribus & cursu & numero conueniant. Stipendia horum amplissima sunt, & æquo cum Hispanis præmio merent. Hi singulis quaternis aut quinis milliariibus fasciculos literarum nouis cursoribus inserunt ac committunt.

Cap. XVIII.

De Iustitia, legibus ac pœnis, apud Ingas constitutis, ac de eorum coniugiis.



NON minus, ac ij, qui in bellis aut aliis officiorum mandatorum administrationibus probos se ac strenuos vigilantesque præstiterunt, cæteris ignauioribus ab Ingis longè præferebantur, ac tum prouinciis, tum insignibus ac coniugibus, è stirpe Inguram regia prognatis donabantur. Sic contra, rebelles, refractarii; ac inobedientes graui supplicio plectebantur. In homicidas & fures capitalis poena decernebatur: ut & in adulteros, incestuososque, siue in linea ascendente, siue descendente aut recta peccatum commissum esset. Apud ipsos tamen adulterium non erat, ut nec incestus, si quis pluribus concubinis perfrueretur. Tum nec foeminis, aliis permixtis inuentis, poena vlla irrogabatur: sed id saltem adulterij vimque nomenque habebat, quoties quispiam cum alterius legitima coniuge congressus depræhendebatur. Harum verò quiuus maritus vnicam tantum habebat, quam peculiaribus quoque ceremoniis hoc ferè modo pactoque sibi iungere solebat. Sponsus ad Sponsæ ædes, eam secum domum ductum contendens, Otoiam ipsius pedibus innectebat. Otoia verò peculiare calcei genus est, istis locis familiare, ac Hispanicis Alpargates, desuper reiectos & hiantes, æmulans. Sponsæ verò virgini Otoiam ex lana induebant. Si virgo non esset, ex sparto paratam Otoiam iniiciebant. Ipsi verò omnes aliæ foeminæ ministrabant, & honorem exhibebant. Hoc apparatu in sponsi ædes recipiebatur. Quibus maritus obisset, hæ integro anno pullis vestibus amiciebantur, nec ante anni elapsum cuiquam alium virum inducere licebat. Et foeminæ quidè maritis plerunque iuniores erant, Gubernatoribus ac præfectis suis Inga propriis manibus sponfas adductas

ductas iungebat. Cæque verò cæteri in ciuitatibus suis tum iuuenes, tum puellas vno loco cogeabant, & eosdem quos vellent ibidem publicis ritibus iungebant. Hoc modo viro adducta mulier, si post in adulterij crimine deprehenderetur, vnà cum adultero suo capitali pœna citra moram plectebatur. Et licet ipse quidem maritus mulieri crimen remitteret ac donaret, nihilominus tamen vindicta publica in eam obseruabatur, quæ ipsam tamen vitam non attineret. Idem rigor erga incestuosos quoque intendebatur, quoties quis vel cum matre, vel auia, vel filia, vel filiorum liberis nefariè permisceretur. Cæteros quidem cognationis gradus quod attinebat, hi omnes nullo probro mutuo copulari solebant, primo saltem gradu excepto. Sororem suam ducere nulli licebat: nec hoc matrimonium apud quenquam laudatum erat. Peruenfium quamplurimi turpiter hallucinati sunt, dum arbitrarètur, Ingis ac primatibus alijs proprias sorores ducere vxores licere, etsi quidem tam sponsus quam sponsa, ab iisdem parentibus in vno matrimonio prognati essent. Sed indubitatis ex rerum indiciis constat, hanc permixtionem omni tempore fœdam ac incestuosam habitam fuisse, ac coniugium huiusmodi ad ea vsq; tempora seuerè vetitum ac interdictum extitisse, dum tandem Topa Inga Yupanguy pater Guauiacapæ, & auus Atagualpæ, cuius regnantis tempore Hispani in Indiam primò irruerunt, rerum potitus esset. Is Topa Inga Yupanguy veterum statutorum religione excussa, legitimam suam ex vtroq; parente sororem Mamoello sibi vxorem fecit: & hanc insuper perditam legem condidit, ne quisquam alius præter Ingas sororem pro vxore haberet. Huic natus filius Guainacapa erat: vt & filia Coya Cussilimay. Hi vt vnà matrimonio iungerentur, iam moriturus seuerè mandabat, iubebatque, vt hoc exemplum magnates reliqui quoque imitarentur. Quod tamen coniugium, veluti cum ipsa naturæ lege pugnabat: sic disponente Deo vicissim fiebat, vt ex eo qui susciperentur filij, quales erant Guascar Inga, & Atagualpa Inga, cum vniuerso regno ipsimet quoque breui tempore post interirent & excinderentur. Ceterum, de Indorum Peruenfium matrimoniis, qui vberius institui volet, is tractatum illum, quem Polus postulanti Don Hieronymo de Loaysa condidit, huiusmodi quamplurima complexum euoluat. Eo enim edito, multorum hominum errores detecti sunt, qui, quæ Indorum legitimæ coniuges, vel concubinæ saltem essent, internoscere non poterant, adeò, vt baptisatis deinde Indis persæpè genuinas, coniuges auferrent, & concubinas relinquerent. Ex eodem quoque tractatu nec eos quicquam fundamenti habere liquet, qui censent, coniugium, vel à fratre ac sorore semel initum ac confirmatum, perpetuò deinceps ratum manere debere: cuius tamen contrarium in Synodo Limensi decretum est: cum & ipsis Indis huiusmodi coniugium non valdè probaretur, aut honestum videretur.

Cap. XIX.

*De Ingarum, in Peru Dominorum natalibus, ac eorundem
victoriis seu trophæis.*

I V s s v ac mandato serenissimi Regis Philippi, de Ingarum natalibus, cultibus religiosis & iuribus, inquisitiones accuratissimæ institutæ sunt. Quod tamen ideo præstari difficilior potuit, quia Indi non more nostro litteris res & gesta sua consignare soliti fuerunt. Nihilominus tamen ex Quipos siue Registris ipsorum, quæ librorum loco habebant, horum nonnulla indagine curiosiore captari potuerunt. In principio autem sciendum est, ante vetusta tempora nec Reges nec Dominos ullos in Peru floruisse, sed eosdem communi populi opera regnum administrasse, sicut id & hodiè in regno Chile, & cæteris prouinciis ferè omnibus ab Hispanis in India Occidentali occupatis (regnum Mexicanū excipio) fieri assolet. Sed gubernandi regni tres ferè modi Indis vsitatioris fuerunt. Prima ac optima, Regia seu Monarchica gubernatio erat, qualem & Ingæ, & Moteçumæ instituerant, etsi ijdem nonnihil tyrannidis permiscerent. Altera administrandi ratio per tribus seu communionem fiebat, vbi multorum consilio & arbitrio res gerebantur. Quibus hoc moderaminis genus placebat, hi bellorum saltem tempore præfectos creabant, quibus vniuersæ prouinciæ morem præstarent. Bellis confectis, res ad tribus iterum deuolvebantur: in quibus semper viri præstantes & cordati cluebant, qui à plebe impensius colerentur & honorarentur. Rebus itaq; grauioribus incidentibus, in commune cōcilium coacti, quid facto præcipuè opus esset, seriò deliberabant. Tertia regnandi norma merè Barbarica & immanis erat. Hi enim nec leges, nec reges, nec sedes constantes vllas habebant. Et sicut certis è documentis colligere possumus, Indorum pars maxima hoc dominandi modo olim gauisa fuerat. Tales hodiè etiam, Brasilienses, Chiriguani, Chunchenenses, Yscaycnigenses, Pilcoconenses, & Floridanorum, nouæque Hispaniæ incolarum, ac Chinchameckensium pars potissima visuntur. Horum quidem nonnulli virorum eminentium, quos in sui medio alebant, prudentia ac consilio persuasi, genus regendi secundum quondam acceptarunt. Ex classe verò hac sunt, incolæ Arauco, Tuçapel, & Chile, ac Moscas in nouo regno Granadæ, vt & Otomitæ nonnulli in noua Hispania, quorum Respublicæ tyrānide excussa, æquitati impensius studebāt. Sed ex hac norma deinde instinctu suasuq; peritissimorum ac consultissimorum virorum regnandi forma melior ac potētior, tertia nimirū Regia ac monarchica emerfit, cuiusmodi in Mexico & Peru inuenimus. Ingæ enim passim omnes prouincias sibi subiecerant, quibus deinde gubernatores & officarios præficiebant, ac leges statu-

statutaque, secundum quæ quisque viueret, seque gereret, condebat. Sicut autem ex Ingarum Memoriali liquet, non vltra 400 annos hæcorum moderatio durarat: quanquam aliquandiu magnificentia & splendor eorum Regius à Cusco non vltra 5. vel 6. milliaria extendetur. Hi autem è Valle Cusco primùm progressi, collecta manu paulatim omnes eas prouincias, quas vno hodie Peru nomine complectimur, occuparunt, à Quito nempe versus aquilonem vsque ad fines Rio de Pasto, & versus austrum ad Chilen vsque terminos propagantes: quod longitudinis interuallum 1000. propè milliaria Hispanica constituit. Latitudo verò constituti regni ab Occidente vsq; ad Campos, vastos, & montana Andes porrigitur: quo loco vel hodiè arx quædam conspicua est, quam Ingæ aduersus populos Orientales extruxerūt. Porro autem Ingæ latius euagari minimè potuerūt, propter frequentes paludes, & fluuios, solumque vndiquaque vliginosum. Regni latitudo 100. milliaria non excedit. Ingæ itaque nationes Americæ vniuersas, Politicæ & gubernationis prudentia, vt & armorum dexteritate longè exuperabant: etsi Cannares, qui Hispanis aduersus Ingas auxiliares venerunt, his ne latum quidem vnguem vnquam cederent. Et hæ binæ gentes veteris odij memoria vel dum hodiè ex occasione aliqua refricata, conflictu promiscuo tanta rabie in sese multoties debacchantur, vt misera strage nōnunquam homines 1000. conficiantur. Natio enim vtraq; prudentiæ & fortitudinis laude alteri præstare satagit. Et huius irreconciliabilis odij exemplum admodum lugubre aliquando in Cusco videre licuit.

Cæterum, cur & quo prætextu terras eas dominatui suo subegerint, breuiter quoque percuseamus. Ad populum autem profitebantur, quod post diluuium, de quo Indis vniuersis constabat, à solis Ingis genus humanum de nouo propagatum & multiplicatum esset. Eius enim generis septem Heroas ex specu Pacaritambo erupisse, & quo diximus, modo novos populos ac gentes profeminasse. Vnde fas sit ac equum, vt Ingis ceu satoribus suis ac progenitoribus omnes in vniuersum populi parerent ac obsequerentur. Sed & hoc gloriabantur, quod soli ex omnibus veram & puram Dei colendi ac honorandi notitiam haberent. Vnde etiam in Cusco, veluti terra quadam sancta vltra 400. delubra numerabantur, & finitima omnia passim sacrorum arcanis plena videbantur. Et sicut forti manu in occupandis & subigendis regnis pergebant, ita in condendis quoque templis, ac diuinis cultibus instituendis nihilo segniores erāt. Quos Deos venerabantur, ex his primarius Viracocha Pachayachachie, id est, mundi creator, erat. Ab hoc secundus Sol colebatur, credebaturq; tum Solem, tum Guacas virtutem & vigorem suum à Creatore infusam suscipere, apud quem etiam pro hominibus mediatores & aduocati intercedant.

Cap. XX.

De Ingarum autore primo, & huius posteris.

PRIMUM Ingarum autorem Indi Mangocapam crediderunt, quem ex antro Tambo, à Cusco 6. milliarium interuallo distante prodiisse, & duabus præcipuis Ingarum profapijs, nimirum Hanan Cusco, & Vrin Cusco, genus suum contulisse, ferebant. E prima stirpe, qui deuictis populis dominari cæperunt, Inga profluxerunt. Huius familiæ autorem ac caput Ingarocam faciunt, qui genus id omne condiderit, & Viçaquiquiro nominauerit. Et si verò primi huius splendor ac magnificentia non vsque adeo illustris esset: nihilo tamen minus aureis atque argenteis vasis vsus sanciuisset ac constituisse dicitur, vt omnes sui thesauri in cadaueris culturam, & ministrorum aulicorum sustentationem post obitum conferrentur & impenderentur. Quod exemplum postea in consuetudinem abiit, vt nullus Ingarum sui antecessoris bona ac thesauros hæreditate acciperet, sed rem sibi quisque familiarem nouam constitueret. Huius Ingarocæ tempore simulachra merè aurea venerabantur. Illi deinde in regno successit Yaguarquaque, id est, plorator sanguinis, vir admodum senex & canus: quem ab hostibus aliquando victum & pulsum, præ acerbissimo dolore sanguineas fudisse lachrymas testantur. Hic in vico quodam, Paulo dicto, & iuxta viam Omasuyo sito, sepultus dicitur. Ex hoc ipso genus Aocailli Panaca ortū est. Mortuo eo imperii habenas filius Viracocha Inga suscepit, qui admodum diues, aurea ac argentea vasa grandissima parari curauit. Ab hoc familia illustris Coccopanaca defluxit. Huius Viracochæ cadauer, India potitus Gonçalo Picarro, diligenter inquiri ac peruestigari curabat, quod intellexisset, ingētes cum eo vnà thesauros sepultos fuisse. Indi verò, etsi primò loci illius indicium facere nullo modo vellēt, tamen rigida tortura miserè excarnificati, tandem fassi sunt, ipsum in Xaquixaguana sepultum iacere. Huius ergò cadauer inuentum ac effossum Gonzalo exuri & concremari iussit. Indi verò cineres ollis collectos ac conditos, crebris deinde sacrificiis colebant venerabanturq;: dum tandem Polus hos cum aliorum quoque Ingarum cadaueribus ingenioso stratagemate ex potestate Indorum amouisset. Horum cadauera copioso balsamo inungi solebant, vnde incorrupta aliquam multo tempore asseruari poterant. Polus ergo inuento isto multas Indorum superstitiones sustulit, quas Indi in reconditis cadaueribus admittebant. Cæterum ob id quod hic Inga, Viracochæ nomen, (quod solius Dei proprium putabant) sibi arrogasset, Indos haud mediocriter offensos habebat. Quam tamen offensionem excogitato dolo ita mulcebat, vt diceret, Deū Viracocham sibi per somnium appa-

apparuisse, & vt hoc nomine vteretur, mandasse. Hunc secutus Pachacuti, Inga Yupanguy, magnus triumphator & Rerumpubl. conditor extitit. Idem & in simulachrorum cultibus ac superstitionibus augendis largus fuit.

Cap. XXI.

De Pachacuti Inga Yupanguy, & quid ab hoc usque ad Guaincapam gestum sit.



Hic Pachacuti sexaginta integris annis regni sceptrū tenuit, & multis illustribus victoriis potitus est. Victoriarum verò principium ac occasio ex hoc emerfit, quod frater eius senior, qui viuentē adhuc patre consensu omnium belli negotia administrabat, in quadam acie, cum Changas commissa, fugatus esset. Hi verò Changas vallem Andaguailas, à Cusco 30. aut 40. milliaribus secundum viam Limæ excurrentem, possidebant. Pachacuti ergo fratre, vt diximus, in fugam verso, & cum paucis domum reuerso, ipse, vt rerum principatum solus occuparet, hunc dolum commentus est. Viracocham asserebat sibi tristiori comparuisse, & cum indignatione grauissima conquestum esse, quod, etsi quidem solus rerum omnium creator ac dominus esset, qui sua manu ac potentia cælum, solem, homines, ac vniuersa condidisset & moderaretur: non tamen, prout deceat, debito honore coleretur, sed quod homines solem, Tonitrum, & res similes æqua cum ipso veneratione prosequerentur, quæ tamen ab se vno omnem vim & virtutem suam acciperent. Itaq; sibi mandatum esse dicebat Pachacuti, vt qui in cælis esset, Viracocha Pachayachachic, id est, vniuersalis creator, ad cæterorum discrimen nominaretur. Porro verò, vt hæc ita esse à populo crederentur, prætendebat Pachacuti Inga, se, etsi solitarius sit, hoc promulgato Dei nomine ac titulo non solum numerosissimum militem lecturum, sed & ipsos Changas, licet numero multò superiores, valida manu ac victoriosa proculcaturum esse. Viracocham etenim hæc explicitè ita prædixisse, & se multorum populorum dominum constituisse. Huic ergo commento ipse quoque euentus paulò post respondit. Prædicto enim titulo non solum copias ingentes collegit: verum etiam illustri victoria potitus, se dominum ac Imperatorem aliorum constituit, ac tum patrem tum fratrem, qui in acie succubuerant, vniuerso regno ac honore exiit. A quo deinde tempore Changas hostes vniuersim excidit. Hoc modo parta victoriæ gloria, vt Viracocha pro vniuersali rerum omnium domino haberetur, & tum Solis tum Tonitrus simulachro sacra peculiaria fierent, decreto promulgato sanciuir. Ab eo deinde tempore Viracochæ simulachrum supra Solis ac Tonitrus, & creaturarum vniuersarum statuas collocabatur. Etsi vero dictus Inga, tū Chacras seu agros, tū pecora,

pro Sole, Tonitru, & cæteris Guacis deputeret: Viracochæ tamen nulla attribuebat, ipsum rerum vniuersarum dominum ac creatorem his minimè indigere affirmans. Postquam prælio Changas vicisset, ad suos milites versus dixit, hanc victoriam minimè ipsorum virtute & fortitudine partam esse, sed ope & strenua manu virorum nonnullorum, quos in auxilium sibi Viracocha misisset, nulli tamen alij præterquam sibi conspicuos: qui deinde finita pugna in lapides conuersi sint. Sibi verò, vt isti requirerentur, admodum consultum videri: quos repertos se facile cogniturum asserebat. Hoc ergo sine in montanis magnam lapidum struem comportari iubebat: quos deinde Guacas constituit, & Pururancas appellauit. His sacrificia exhibebant, & adorationis cultum præstabant. De iisdem etiam lapidibus aliquot cum magna religione secum in bella inferebat, populis persuadens, quod ipsorum virtute & robore certam victoriam consecuturi sint. Ab eodem hoc Inga, Ynacabannaca familia enata est. Idem grande quoque ac insigne simulachrum, Indyllapa vocatum, extruxit, ac in sellam ex puro auro fabrefactam collocauit. Huius auri multum postea lytri loco in Caxamalcam ad Marchionem Franciscum Picarro, Atagualpam in vinculis seruatum collatum est. Eiusdem Ingæ domum, & famulos, & Mamaconas, memoriæ eius assidue litantes, Licentiatus Polus in Cusco suo tempore inuenit. Illius cadauer ex Patallacta in Torocachen tralatum est, quo loco hodiè templum cathedrale S. Blasij extructum visitur. Cadauer hoc certo bituminis genere tam artificiosè conditum erat, vt spectantibus adhuc viuum crederetur. Oculi ex orbiculis aureis tam aptè & concinnè inserti videbantur, vt naturales propè fallerent. In capite plaga seu cicatrix, incusso in bellis lapide facta, conspicua erat. Totus canus, nulla caluitie nudatus videbatur, tam viuudum omnium partium colorem præferens, vt eo ipso primum diè expirasse crederetur, cum tamen ante 60. vel 80. annos obiisset. Huius ac aliorum Ingarum cadauera supra dictus Polus iussu Viceregis Marchionis Cannete in Limam transmisit, vt hoc modo superstitionis fœditas apud Cuscanos quadamtenus eliminaretur. Eadem condita corpora Hispanorum quamplurimi in S. Andreæ Hospitali, à prædicto Marchione fundato, conspexerunt: quæ tamen maxima iam ex parte situ ac corruptione perierant. Don Philippe Charitopa, qui in lineæ rectæ tertio aut quarto gradu ab hoc Inga descēdit, affirmavit, bona ea ac thesauros, quæ Pachacuti Inga suis aulicis ac ministris reliquisset, quæq; sub Ianaconas, Amato, Titoque ac cæterorum manibus custodirentur, nulla æstimatione censi posse. Hunc verò Ingam postea Topa Inga Yupanguy, & hunc iterum eiusdem nominis filius, qui domus ac familiæ Apac Aillo fundator erat, secutus est.

Cap. XXII.

*De Ingarum nobilissimo & magnificentissimo
Guainacapa.*

His suprà dictis in regno tandem successit Guainacapa, id est, vir opulentia & prudentia insignis, qua vtraque virtute præ cæteris vniuersis suis tum antecessoribus tum successoribus cumulatissimè claruit. Nam & per omnes passim suas prouincias statuta ac leges saluberrimas æquissimasque condebat: & in bellis administrandis admodum prudens, acer & felix erat. Vnde multoties triumphatoris augustissimi titulo salutabatur. Regni sui fines, à maioribus acceptos, quoquo versum longis pomœriis, amplificabat; & tandem in Regno Quito, olim armis occupato quod à sede Regia sueta 400. milliaribus distabat, diem obibat. Edissecto corpore exempta cum corde viscera, prout moriturus cõstituerat, in palatio: ipsum verò corpus in celeberrimo Solis templo apud Cuscanos sepulcrum erat. Hic, quas vias, domos, castella ac arces, & similes structuras alias præstantissimas condiderit, vel dum hodiè conspicuū est. Idē generis quoq; Temebamba autor extiterat. Viuo huic diuini honores exhibebantur, quod antecessorum nemini obtigit. Defuncto eodem, ex domesticis 1000. homines mactati immolabantur, qui in altera vita ei ministrarēt, & famularētur. Et hi omnes alacri promptoq; animo mortem oppetebant, præter quos & alij plurimi vltro sese quoq; mactandos offerebāt. Gazæ ac thesauri eius priorum regum vniuersorū amplitudinē exuperabant. Quorū vt pars maxima recondideretur, sub Hispanorum aduentum Indi quidem sedulò laborarunt. At Atagualpa capto, horum numerus ingens pro Regis filio liberando in Caxamalcam conferebatur. Fide digni quidam narrant, hunc in Cusco vltra 300. filios ac nepotes habuisse. Huius matri Mamoaclo, insignes quoq; cultus ab omnibus deferebantur: cuius cadauer balsamo conditū, cū Guainacapæ corpore Polus quoq; Limā transmisit, vt iis remotis superstitionū impensus vigor nō nihil læguesceret. Guainacapæ, filius Tito Cussiygualpa, postea Guascar Inga vocatus, successit: cuius cadauer iussu Atagualpæ exurebatur. Atagualpa verò, qui & ipse Guainacapæ filius erat, postquā sedem regiam in Cusco fixisset, fratri infensus, eum cum instructissimo exercitu adortus est. Summi verò ipsius belli Duces Quizquiz & Chilicuchina, in Cusco ciuitate Guascar Ingam captiuum præhenderunt, etsi is legitimus Rex ac dominus à plerisque declaratus esset. Quo facto aulicorum plurimi in offensas dati fuerunt. In has itaque angustias coniecti, cum suo domino liberando non satis potentes essent, multis sa-

crificiis institutis, vota suæ infirmitati auxiliaria iungere studebant. Nam qui duces Guascar in vinculis habebant, admodum bellicosi & fortes erant: & his suas quoque copias paulò post Atagualpa iungebat. Tandem verò cum Guascaris fautores viderent, quod sua potentia dominum liberare non possent, pietate profunda pulsi, Viracochæ Pachayachachic, vniuersali rerum creatori, sacrificia solennia exhibentes; deuotè rogarunt, vt is de cælo milites, qui dominum suum captiuum extricarent, mittere dignaretur. Dum verò in hoc sacrificium omnes suas spes opesque collocatas impendissent, de repente nūcium accipiunt, populos quosdam trans mare vectos, Atagualpam comprehendisse & captiuum fecisse. Et cum, qui Atagualpam in Caxamalca Hispani cepissent, numero pauci essent: & captiuitas illa sub idem illud tempus, quo Indæ Viracochæ sacrificium fecissent, incidisset: factum est, vt ab Indis hac de causa Hispani Viracochas nominarentur, quibus persuasum aliud nihil erat, quam quod cælitus à Deo in ipsorum solatium illi demissi venissent. Quod nomen ob id vel adhuc hodiè Hispani retinent. Qui, si, qua fas erat, pietatem & sanctitatem in conspectu Indorum exercuissent, id Encomium bono iure ab Indis audiuiissent. Ex his ergo mira Dei prouidentia, qua Hispani in Indiam adducti sunt, iterum clarè effulget. Nisi enim mutua fratrum discordia omnis India præcipitata, & apud Indos Hispanica gens cælo missa credita fuisset, certè nulla ratione fieri potuisset, vt in Peru irruendi Hispanis vel minima occasio relinqueretur.

Cap. XXIII

De posteris Ingarum nouissimis.



VÆCUNQUE verò de modò inceptis rebus latius & profusius diduci possent hoc loco, ea vniuersa in historias alibi perfectissimas congeſta sunt. Quas hoc loco omittentes, de successoribus saltem Ingarum postremis pauca quædam enarrabimus. Atagualpa ergo in Caxamalca mortuo, & Guascare ipso in Cusco quoque defuncto, regnoque à Francisco Picarro occupato; quidam Mangocapa dictus, Guainacapæ filius, in Cusco ciuitate Hispanos magna fortique obsidione cingere aggressus est. Qua tamen breui iterum deserta, in Vilcabambæ montana recedere coge batur, vt in deserto illo seque suosque aliquandiu sustinere posset. Hoc ergo loco Ingarum posterii longo tempore latuerunt, vsque ad tempora Amaro Ingæ, quem Hispani captum, publico in foro Cuscano supplicio affecerunt. Quam quidem rem Indi iniquissimè tulerunt, quod naturalem suum dominum in fontem capitali poena affici spectare cogarentur. Hoc è viuis sublato, postea omnes è familia Ingarum supersti-

perstites capti & in vincula coniecti sunt. Horum vnus, Don Carlos, Guainacapæ filius, sacro baptismo initiatus, foedus postea cum Hispanis aduersus germanum fratrem Mangocapam pepigit. Et Marchionis de Cannete tempore ex Vilcabamba, bona Hispanorum pace Saritopa Inga in ciuitatem de Los Reyes ingressus est, cui vallis Yucay vnà cum cæteris, quæ filia ipsius hæreditatis iure debebantur, dabantur. Et hæ ferè Ingarum regum, qui 300. & paulò pluribus annis imperium tenuerunt, reliquæ sunt. Si capita seu personæ numerentur, plures vndecim non erunt. Ex quorum manibus dicto modo regnum iterum euulsum est.

Cæterum à primo alterius lineæ seu familiæ Mangocapa secundus successit Cinchiroca: quem postea Capac Yupanguy, & hunc iterum Iluqui Ypanguy secuti sunt. Hos exceperunt Maytacapaeste Tarcoguaman, & huius filius innominatus, & Don Iuan Tambo Maytanpanaca. Sed hæc de Ingarum, qui terram Peru aliquādiu subiectam sibi rexerunt, origine & prosapia, hætenus dicta sufficiant.

Cap. XXIV.

Quodnam & quale Mexicanorum ius municipale fuerit.



ET si ex historia, quæ de origine & successu regni Mexicanici conscripta, breui in lucem proditura est, huius argumenti pondera captari certissima queant: nos tamē leui discursu, & quasi summatim ea saltem hic prælibabimus, quæ de Mexicanis scitu comprimis necessaria videbuntur. Ex forma verò gubernationis, ipsos admodum politicos fuisse, nemini nō manifestum fit. Id quod ex ceremoniis etiam ac ritibus, quibus sibi Reges constituerunt, ante omnia colligi potest. A primo Rege Acamapich, vsq; ad nouissimum Moteçumam eius nominis secundum, nullus regnum hæditario acceptum administravit: sed suffragiis & electione sibi inuicem omnes sua serie successerunt. Prima verò suffragia penes populum erant: Altera penes primores. Iscoati. IV. tempore electores quidam ordinabantur, qui vnà cum binis Regibus, Tezcucano nimirum & Tacubano, regem decernerent. Reges verò plerunque iuuenes creabantur, quod bella perpetua gerenda essent. Hoc enim fine præcipuo eos eligebant, studiosè id agentes, vt ad dignitates has illi eueherentur, qui rebus gerendis & bellis animosè vrgendis idonei comprimis viderentur. Electo Rege, bina festa instituebantur: quorum primum, Rege sceptrum capeffente hoc modo fiebat. Processu & ceremoniis singularibus templum ingressi, super thuribulis, diuinis dictis, & ante simulachri aram perpetuo lucentibus, adolebant. Postea ex arte Rhetorica multas easque ornatas orationes, quibus impensè delectabā-

tur, recitabant. Festum alterum Regi coronando celebre erat. Rex verò nemo creabatur, quin idem prius in acie semel victor extitisset, & certum captiuorum numerum pro trophæo induxisset, simulachris pro more immolandum. Hoc ergo triumpho incedens Rex, insigni pompa tam à religiosis, qui processu publico cum variis instrumentis Musicis eidem obuiam itabant, quam à secularibus ac aulicis, qui & ipsi longa serie regi occurrebāt, excipiebatur. Corona verò seu Regalitis sigillum priore parte Myter referebat, postica parte inuersum, ita, vt rotunditatem exquisitam non haberet. Anterior verò pars apicis modo surrigebatur. Tezcucani verò Regis ea præminencia erat, vt sua manu Mexicanum regem coronaret. Hoc modo creato & firmato Regi suo Mexicani deinceps admodum fideles & obtemperantes erant, adeò, vt nemini constet, ipsos contra Reges suos malitiosè vnquam conspirasse, nisi quod ex historiis liqueat, quod Ticoico Regum quinto viro admodum effœminato & pusillanimitatis, venenum propinare voluerint. Quod verò aliis ex causis præter hunc vlli alij Regi insidiati vnquam sint, id nullius ætatis historia condocet. Quin imò ex annalibus eorum scimus, plerosque regum titulum oblatum, forti animo respuisse, & alios, se meliores & peritiores sufficiens nominasse. Primis quidem annis in re familiari aulica administranda, admodum parci, & tenaces erant, quod plerique pauperes ad dignitatem regiam eueherentur. Postea verò crescentibus facultatibus, magnificentia quoque subinde aliquid addebatur: ita, vt licet Moteçuma præter domum, animalibus seruandis dicatam, nihil aliud possideret: hanc vnā tamen impēdiis maximis illustraret, quod eius generis nulla alia vspiciam visa & cognita esset. Hac domo, omnis generis tū pisces, tum aues, tum quadrupedes nō secus ac in arca Noë aiebantur. Et pro piscibus quidem marinis cisternæ aqua salsa: pro fluuiialibus verò receptacula, dulci vnda cōpleta erant. Prædatricibus ac venaticis auibus, velut etiam feris ac immanibus quadrupedibus sua quoque spacia & latibula seorsim condita visebantur. Sed & qui curam horum animalium agerent, Indi quam plurimi ordinabantur. Quod si quandoque Rex, hoc vel illud piscis, aut auis aut quadrupedis genus viuum diutius seruari non posse intelligeret, tum eius effigiem aut lapidibus pretiosis, aut argento aurove exprimi curabat. Sed & varia pro variis animi affectionibus palatia & diuerticula sibi ipsimet extrui iusserat. Aliæ enim domus amœnitati & gaudio, quædam luctui & dolori, nonnullæ consiliis prouincialibus agendis seruebant. Et in his quidem palatiis pro dominorum gradibus ac eminentia, cubicula alia aliis pulchriora, ampliora & magnificentiora existebant.

Cap. XXV.

De diuersis Mexicanorum dignitatibus ac ordinibus.

MEXICANI suos primates ac nobiles, diuersis omnino nominibus ac titulis insigniunt : vt ex iis certum sit, quo quisque honore & salutatione compellendus veniat. A rege secundi erant Quartarij, quæ dignitas nostrorum electorum honorem æquabat. Et hi post Regem ipsum creabantur, ipsius regis plerunque aut fratres, aut agnati proximi. Hi Quartarij Atlacohecalcatl, id est, principes lanceæ missilis, quæ in bellis frequenter utebantur, nominabantur. Post hos Tlacatacalt, id est, hominum fissores & perruptores erant. Quarti à Rege Esuahucalt, id est, sanguinis fusores appellabantur. Et hi tituli tres omnes bellatoribus proprij erant : præter quos quartus, Tlillancalqui addebatur, quod idē sonat ac dominus de domo atra, quod sacerdotes in sacris faciēdis atra fuligine sese plerunque tingere solerent. Ex his quatuor officiariis senatus, sine cuius decreto nihil quicquam ordiri fas erat, maxima ex parte constabat. Rege fato functo, ex his quatuor nouus eligebatur. Præter verò dictum senatum aliquot etiam consistoria celebria erant, à tot tamq; numerosis viris constituta, vt haud pauciores ipsis iudicibus Hispanicis fuisse, à rerum peritissimis affirmetur. Diuersi hi Iudices siue Auditores, seorsim suos quoque substitutos, velut correctores, prætores, & similes alios habebant, qui & ipsi in sua statione singuli perstabant, & vniuersi dictis quatuor principibus, qui Regi assiderent, subiecti erant. Quatuor autem hi soli in causis criminalibus sententias ferebant: quibus etiam iudices cæteri sua suffragia conferre cogebantur. In his consensibus etiam Regi deliberanda proponebātur illa, quæ in regno vel accidissent, vel necessario curanda essent. Sed & reddituum regionum optima ratio vigeat. Nam in omnibus regni partibus ordinarij rationum præfecti erant, qui cēsus ac vectigalia tum cogebant, tum singulis mensibus in aulam regiam conferebant. Curabant iidem etiā & colligebant contributiones eas, quæ tum è mari tum terra reddebantur, siue illæ ad ornatum, siue ad alimoniam facerent. Præter hos officiarios, ministrorum etiam aliorum, qui plebem de religione & sacris erudirent, ingens numerus cōstituebatur. Quæ de causa etiam quidam Indorum, Christiano sacerdoti querenti, quod Ingi segniter admodum & somnolenter diuinam legem addicerent, hoc pacto respondit: Id amabò accurate bone sacerdos, vt patres in Indis ad Christum conuertendis, & de eius lege instituendis dimidiam saltem operam, qualem simulachrorum ministri in suis docendis ceremoniis adhibuerunt, impendant : & videbis, Indos Christianos omnium optimos & deuotissimos fore. Ingu enim Christi

Christi simulachrorum cultibus multo facilius est. Verbum Dei autem ab Indis propter institutorum ac informatorum inopiam, tantum tardius acceptatur. Et certè hic Indus purā veritatem falsus est: ad cuius auditum merito omnes Hispanici sacerdotes erubescant.

Cap. XXVI.

Quo præliandi genere Mexicani vsi sint: & qua officia apud ipsos bellica fuerint.



BELLANDI peritia Mexicanis omnium præstantissima habebatur. Vnde in bellis nobiles semper Primarij erant. Qua arte, qui polleret, ad honores insignes euehebatur, & inter nobiles connumerabatur. Qui facinus insigne aliquod in bellis designassent, hi amplissimis muneribus cumulabantur. Et his ferè præmiis milites plerique ad fortitudinem inuitabantur. Arma quibus pugnabant, cultri seu nouaculæ ex filice durissimo factæ erant, quæ in hasta vtrinque tenaciter obfirmabantur. Harum acies tam exquisitæ erant, vt illis adaectis vniuersum equi collum decuti posset. Sed & ponderosis clauis, ac lanceis, & hastilibus, lapidibusque præliabatur. Pugnantes altera manu peltam seu parmulam prætentabant, cristis pulcherrimis desuper exornatam. Eorum vestes pelles erant à tigribus, leonibus, ac feris aliis. Hostes suos mira pernicitate adoriebantur, & tum cursu, tum lucta expeditissimi erant. Hos etiam viuos præhendebant potius, quam cædebant: vt hoc pacto pro sacrificiis sclauos paratos haberent. Nobilitati verò Moteçuma gradus adhuc altiores addebat, & singulos singulis signis distinguebat. Ex his omnium præstâtissimi & nobilissimi verticis capillos loro rubeo religare aut stringere solebant: cui prominentiæ pennas aliquot pretiosas ita infligebant, aut innectebant, vt pars earum sursum prospectaret, pars deorsum in dorsum propenderet. Ab extremis harum tot collecti nodi seu villi egrediebantur, quot facinora generosa & strenua quisque designasset. In horum classsem Rex ipse quoque connumerabatur: qui ob id cum istiusmodi cristis plerunque quoque depingi solet: cuius exemplar etiam in Chapultepec visitur, vbi Moteçuma cum filio suo, eodem ornatu exsculptus cernitur. Sed & alius ordo, Aquilas: & iterum alius, Leones ac tigres dicti, colebantur. Et hi plerunque viri impauidi ac bellicosi existebant, ad conflictum impigri, & suis signis peculiaribus distincti. Præter hos alij etiam erant, colore cæruleo insigniti, quorum autoritas non tanta, ac priorum, vigeat. Hi colobia scortea dissecta, ac ad aures vsque eminentia gestabant. Sed & his suum peculiare signum, quo à cæteris internoscerentur, erat, nec nisi pectus inductis armis muniebantur: cum alij primorum ordinum corpus vniuersum tegerent. Prius dictis nobilibus, tum aurum ac argentum

gentum gestare, tum xylinis vestibus indui, tum aurea ac picta vasa habere, ac calceis vti, publico iure licebat. E populo autē promiscuo præter fictilia vasa nemo habere, nec pedes calceis inducere, nec vestes nisi ex Nequen gestare audebat. Hi verò singuli ordines, suasque tribus certas discretasque in palatio regio habebant. Et prima principum: secunda Aquilarum: tertia Leonum & tigrium: quarta Griseorum equitum nuncupabatur. Populus reliquus in conclauibus inferioribus habitabat: extra quæ si quis semel pernoctaret, capitis supplicio affici solebat.

Cap. XXVII.

Qua cura & sedulitate Indi suos liberos educarint & instituerint.



N VLLA quidem res nobis vnquam maiori admirationi vel fuit, vel dum est, quam cōcinnus iste & sedulus ordo, ac ratio, qua Mexicanī in educāda & informāda sua sobole vti sunt. Cum enim perspectum haberent, omnem Reipubl. salutem ac felicitatem in iuniorum proba & sobria institutione positam esse, quēadmodum id Plato in libris de legibus accuratius disputauit: suis liberis ante omnia libertatem seu licentiam, quæ iuuentutis vnica pestis est, adimebant: & eosdem bonarū rerum studiis econtra incessanter exercitabāt. Quo fine in templis peculiaria loca veluti palæstræ quædā aut scholæ, extructa erant, à se inuicem ita dirempta & disseparata, vt alia pro pueris, alia pro puellis facerent. Et huc parentes suos liberos frequenter vtrò citroque adducebāt. Liberis autem his certi moderatores & magistri præerant, qui eos in omnibus honestis studiis serio excolebant, qualia sunt, animum demissum & humilem gerere, parentes honorare & colere, iisdem ac superiorib. morem gerere, nulli suum alienare, rem sacram non violare, & si quæ his similes virtutes aliæ sunt. Sed & cantandi ac saltandi artem docebantur. Postea etiam in studiis & actionibus bellicis exercebantur, nimirum, vt telum ad præfixum scopum mitterent, scutum commodè obtenderent, gladiumque manu expedita vibrarent, & sese cōtra reluctantes industriè tutarētur. Lecti eorum admodū duri, & cibis tenuissimus ac parcissimus erat: vt nimirū à teneris illic ita indurescerent, nec mollitie aliqua eneruarētur. Iuxta scholas has separata quoque alia loca erant, in quib. nobiliū liberi educabantur, quos peculiariter tractari & instrui opus erat. His cibū quotidianū parentes mittebāt, & eosdem viris seniorib. ac peritorib. mā dabāt, à quib. de omniū virtutū studiis, vt vitæ castitate, ciborū abstinētia, inedia, incessus honestate & conformitate, iugiter erudirētur. Et hi plerumque laborib. grauiorib. exercebātur. Pueris aliquandiu ita institutis, post diligenti indagine ad quodnam præcipuè studium naturæ instinctu ferrentur, obseruari cepit. Quod si quem ad bella procliuiorem deprehendissent, ipsum commeatu

& cæteris vitæ necessitatibus instructum in militiam amandabant, ut inter militum ingenia agens, quæ bellorum tempore ferēda & facienda essent, propius tum videret, tum addiceret: ne fors inani persuasione lusus, bellum rem ludicram & voluptatis plenam arbitraretur. His graua nonnunquam onera imponebantur, ut iis in castra ferendis obrigescerent, & inter milites promptius admitterentur. Et sepius accidit, ut molibus grauissimis gestatis ad castra ita pergētes, certo honorario signo impetrato ad suos feliciter redirent. Idē vicissim nonnunquam ad hostem latius declinantes, aut capti aut cæsi occubuerunt. His verò nihil ignominiosius accidere poterat, quam si ab hoste caperentur. Ideoque imperterriti tandiu confligebant, dum omninò exanimis caderent. Puerorū Magistri, si quos (quæ ingenia plerunq; puerorū nobilium erant) belli cupiditate impensius flagrare peruiderent, eosdē in rerum bellicarū inflammatione instigabant. Cæteri, qui religioni & sacris fauere ardentius viderentur, postquam iustā ætatem assecuti essent, è scholis in templi cellas transferebātur, & vestibis religiosis seu sacris induebantur. Hi deinde etiā ab ordinariis præfulibus de ceremoniis patriis informabantur: quo in statu deinceps omnē vitam suam exigere cogebantur. Summatim ergò rem colligendo, certissimum est, Mexicanos, in iuuentutis institutione operam & curam impendisse semper accuratissimam. Quæ si eadem constantia & seueritate hodiè quoque vrgerentur, certè nullo dubio Christianismus iā in mediis Indis letissimè floreret ac vernaret. Studiosi quidem ac religiosi viri nōnulli hanc rem magno zelo aliquoties aggressi sunt, & consiliarios Regios, ut manus auxiliares adderēt, obnixè rogarunt. Sed quod res ista nihil ad culinas facere videretur, votis successus hactenus nullus respondit.

Cap. XXVIII.

De Ludis ac Festis Indorum.



VT nulla sub sole gens est, quæ non aliquid interdum recreationis ludiq; admittat: sic Indi quoque, ludis, choreis ac aliis iocularibus exercitiis statuta quædam tēpora exigunt. In Peru ludum palæstricum exhiberi vidimus, cuius spectaculo incundissimè omnes afficeremur. Quæ certè Buccla, ut nominant, periculo euidenti nō carebat. Apud eosdem Chorearum ac tripudiorū infinita propè genera, quibus varias personas, ut opiliones, agricolas, piscatores, venatoresq; ac similes producebāt, spectauimus. Hi verò omnes ludi ad sonos quosdam certos exigendi erant. Sed & personatorū saltatus miros cōspicati sumus, qui facies laruis tam fœdis obnubebāt, ut meri cacodæmones putarentur. Et hi Guacones nominabantur. Nonnulli in aliorum humeris stantes saltitāt, sicut in Lusitania Pelasferri solēt. Hi tamen ludi vniuersi propè fœdis superstitionibus cōtaminati

minati erant. Eos enim in simulachrorum seu Guacas suorum honorem exhibebant. Præsules quidē Hispanici, quantū horū ludorum potuerunt, bono instituto sustulerūt. Cætera saltationū genera, quæ crimine vacarent, adhuc peraguntur. Choreis verò, pulsatis variis instrumentis plerunque accinunt, quorū alia fistulis, alia tympanis, alia tibiis similia sunt. His verò inflatis nōnunquam vniuersi concinūt: alij interdum duobus rhythmis prætentis præambulū faciunt, quos cæteri versu responforio sequuntur. Ipsarum etiam cantionum quædam iucundas historias sonabant: quædā superstitiones, ac iterū aliæ meras nugas olebant. Nostrium quidam conati sunt, fidem seu symbolum catholicum ipsorum melodiis includere: quod cantatū Indi magna attentione audiunt, adeò vt nec integro die audiēdo fatigentur. Quin & Indicam linguā nostris modulis ac metris expressimus: quos ipsi cum magna exultatione accipiunt. Qua certè re haud parum salutis eorum commodatum scimus. Cæterum suas Indi choreas vulgato nomine Taquī indigetabant: quas in prouinciis aliis Ateytos, in Mexico verò Mitotes appellabāt. Sed in nulla Indiæ parte saltadi cupidiores, quam in noua Hispania inuenti sunt: vbi vel dum hodie Buytelaers (ita vocant) quidam agitantes, meritò omnibus admirationi sunt. Horum nonnulli per tentum funem saltant. Nonnulli è palis ac stipitibus suffilientes, saltus infinitos edunt. Quidam plantæ pedis cauam partem fune ex trabe religant, & conuersi in altum saliunt, quæ res non spectantibus incredibilis videri queat. Tum & suæ industriæ alia infinita quoq; documenta præstant, partim ascendendo, partim saliendo, partim luctando, partim pondera graui gestando, partim plagas & verbera ferendo, quibus etiam ferrum frangi & comminui possit. Omnium verò iucundissimum spectaculum Mexicanorum exhibet Solennele Mitote, quod genus tripudij est, apud ipsos admodum celebratum, cui nonnunquam & Reges spectatores, volentes quidem, nec coacti, sicut Rex Don Pedro de Arragon cum tonsore ex Valentia, accedunt. Huiusmodi verò Mitote plerunq; in intimis templi penetralibus aut in palatio Regio, vbi amplissimus locus pateret, exhibebatur. In theatri medio duo instrumenta locabantur: quorum alterum tympano, alterum cauæ pelui simile erat. Duo hæc instrumenta aptam cōcinnamque harmoniam talem edebant, vt tonorum leui distantia saltem dissonarent. Ad horum pulsum gradibus ita similibus saltitabant ac æquis, vt ne in minimo vnquam discreparent. Hi dum saltus fierent, in theatrum duo hominū ordines ingrediebantur. In mediū locum, vbi instrumenta posita erant, Seniores ac primores populi cōcedebāt, qui vno perpetim pedestantes, tum cantillabant tum saltitabant.

Circa hos bini cum binis irruentes, saltuum variationes mirificas edebant, prout temporis ratio ferebat. Ad huiusmodi verò choreas non nisi vestibis præstantissimis & ornamentis aliis plurimis

conspicui accedebant. Quas licet in simulachrorum suorum honorem potissimum instituebant: nihilominus tamen ipsimet quoque suam inde oblectationem quærebant. Qui eorum finis quidem tantisper ferri potest, dum nullæ superstitiones cōfusæ eum suspectum reddant. In Tepotzotlan vico, septem à Mexico milliaribus distante, huiusmodi quoq; choreas in templi penitionibus agitari magna oblectatione spectauimus. Quæ si in publico quidem fiant, nec cum aliorum offensione & damno sint, recreationis ergò indulgeri Indis haud cunctanter debent. Et modò superstitio desit, huiusmodi ludi ideò non abrogandi videntur, quia omninò aliqua re exerceri & recreari iam à longo tempore assuetos Indos necesse sit. Et in his Gregorij Papæ consilium valet, iubentis, vt hæc exercitia & ludicra in Dei honorem & laudem terminentur.

Cæterum, & de moribus ac politiis Mexicanorum, vt & de eorum origine, accretione & gubernatione, quæ hætenus diximus, sufficiant. Iam porro autem in sequenti libro de ipsorum gestis ac factis narrationem ordiamur.

LIBRI SEXTI FINIS.

NATV.





NATVRALIS AC MORALIS
INDIÆ OCCIDENTALIS,
HISTORIÆ,
LIBER SEPTIMVS.

Cap. I.

Quanam utilitas maneat eos, qui gesta ac facta Indorum considerant.



ISTORIÆ in vniuersum omnes, cuiuscunque vel generis vel materiæ sint, modò veritatis promæ existant, certam & indubitatam vtilitatem Lectori ferunt. Illud enim, quod fuit, (attestante sapiente) est, & quod futurum est, antè fuit. Et res ferè humanæ in plerisque sibi similes sunt, vnumque ab altero iugiter veluti stabilitur & firmatur. Nec gens vlla vsquam tam fera ac barbàra sub sole egit, in qua non aliquid laude ac commemoratione dignum fuerit. Tum & nihil quicquā vnquam tam probè, eleganter ac ordinatè constitutum fuit, quod aliqua sui parte non emendari potuerit. Iam ergo, si Historia quidem gestorum Indicorum commodum nullum aliud aut emolumentum pareret, quam quod rem veram narraret: tamen vel ob hoc ipsum omnino cognoscenda & legenda foret, cum videamus, alios quoque autores non solum animalia, plantasq; ac gemmas nobilissimas & præstantissimas, verum iuxta etiam abiectiores & contemptiores suis commentariis descripsisse, quod eadem ipsæ quoque licet vulgatiores, suas quasdam dotes ac proprietates, propter quas iure meritò considerandæ essent, haberent. Deinde vero hæc historia ideo quoque cognoscenda videtur, vt toties dictæ nationis ac gentis non solum natales illustres, sed & res fortiter, ac præclarè gestas compertas & perspectas habeamus, sciamusque, qua sorte vel prospera vel aduersa in sui regni vigore vsi sunt. Cuiusmodi rerum perceptio non certam saltem iucunditatem, verum & euidentem vtilitatem impertit, communis illis, qui mutua cum ipsis commercia vel agunt, vel agere aliquando decreuerunt. Quod si enim nos rerum ac consiliorum suorum gnaros esse vident, tum nobis saniora suadentibus, ed facilius astipulantur. Præterea lecta hac historia, Indi ipsi quoque ex con-

temptu illo eripiuntur ac vindicantur, quo ab omnibus passim in Europa agentibus præter meritum onerantur. Nam nemini ferè nostratum non persuasum est, Indos purè putè barbaricam, agrestem, & pecuinam vitam agere. Cuius rei veritas, vt ex ipso fundamento hauriri queat, nulla commodior via ac ratio proflare videtur, quam si sigillatim res ab ipsis gestas cognoscamus & expendamus. Hoc ergo fine, diuina aspirante gratia, de istius gentis origine, successione ac gestis memorabilibus, quàm breuissimè fieri poterit, tractabimus. Ex cuius deductionis appendice constabit, quibúsnam mediis potissimum, æternus ac misericors Deus saluifici sui verbi ac Euangelij lucē de Iesu Christo miserrimæ huic genti accendere voluerit. Quem eundem etiam deuota pietate rogamus, vt hunc nostrum laborem, sancti Spiritus allucescente gratia ita regere & moderari dignetur, vt is in sui nominis gloriam ac honorem, ac in gentis huius commodum emolumentumque vnicè vergat cedatque.

Cap. II.

De primævis nouæ Hispaniæ incolis, & quomodo Nauatlacas in eam ingressi sint.



QUINIVM primi ac vetustissimi prouinciarum, quas nouæ Hispaniæ nomine cōplectimur, indigenæ, barbari & agrestes homines erant, solis venationibus operam dantes. Vnde etiam Chichimecas nominabantur. Agros nec colebant, nec serebant: nec vnus etiam sedibus cohabitabant. Victum quotidianum ex solis venatibus, qua arte insigniter pollebant, parabant. Hi latibula sua in scopulorum fissuris ac specubus, ac in montanorum desertissimis locis figebant, nulla sociali vnione seu politia iuncti, sed passim pecudum more palantes ac diuagantes. Feræ, quas captabant, erant, Lepores, cuniculi, mustellæ, talpæ, cati syluestres, volucres, serpentes, lacertæ, glires, lumbrici, & similia animalia, quibus omnibus vescabantur, vnà cum herbis ac radicibus. Somnum in montanorum spelæis ac hiatibus captabant. Fœminæ virorum exempla sequebantur, venationibus & ipsæ vacantes. In venatum egressuræ, infantes prius lactatos, corbiq; ex iuncis parato insutos, ex arborū ramis suspendebant tantisper, dum à venatu redirent. Superiores nullos agnoscebant, & nec Dei, nec diuini cultus vllō modo gnari erant. Huius gentis hodierno adhuc die aliqui reperiuntur, arcubus solis vitam sustentantes. Grassantium horum hominum damna multis nota sunt. Irruptionē aliquò facturi, gregatim confluunt. Et hos Hispani nec blandimētis nec minis vllis, vt se magistratui subijcerēt, compellere potuerunt. Sed nec extirpandorum eorum vllum consilium meditari sciebant: cū in nullo vsquam loco gregatim inuadi possent.

Tum

Tum & in montanorum vastitates ac prærupta inuiaque loca, magna velocitate cursim se proripiunt: adeo, ut stataria nulla pugnâ vinci possint. De agrestibus huiusmodi Indis in iis præcipuè libris agitur, qui de Procuranda Indorum salute editi sunt, ubi vi eos sub iugum agendos esse docetur. Aiunt familias illas, quæ in noua Hispania Otomyes vocantur (homines sunt pauperrimi, & in incultissimis locis degentes) ab his barbaris defluxisse. Hi tamen homines suas definitas politias habent, & Christianis se annumerant. Quanquam haud defint, qui Otomyas, quoque certam politiæ rationem fouere affirmant. Sed ad rhombum. Etsi vero dictæ Chichimecas & Otomyes terram suam nec sererent nec meterent, terræ fecundissimam quoque partem incultam deferentes: eam tamen nihilominus Nationes, ex Hispania ingressæ, postea colere cæperunt. Qui populus cum admodum politicus esset, ob id Nauatlaca, id est, gens, quæ linguam suam interpretari potest, respectu aliorum Barbarorum vocabatur. Hic secundus populus, quem Nauatlacas vocatum diximus, ex septentrionalibus locis distantissimis egressus huc venit, ex isto ferè loco, quo nuper recens regnum, Noua Mexico dictum, repertum est. In hoc celebriores duæ prouinciæ sunt, quarum altera Aztlan, id est, locus ardearum; altera Teuculhuacan, id est, terra eorum, qui diuinos auos habent, vocatur. In his prouinciis Nauatlacas sua tum habitacula, tum agros, tum Deos, & diuinos cultus, tum ceremonias & commodam politiam habebant. Omnes vero Nauatlacas in septem familias seu nationes dirempti erant, quarum quælibet suas peculiare, quibus ageret, oras habebat. Natales autem ac originem Nauatlacas familiarum, depictis specubus aut antris, innuunt, aiuntque, eas terram Mexico habitatum ex septem diuersis spelæis egressas erupisse. Quare suis posteris natales suos produnt ac testantur. Quantum ex scriptis eorum libris colligi potest, iam anni 800. sunt, quod suas terras deseruerunt. Quæ si ad nostrorum annorum seriẽ conferantur, annus nati Christi 820. erit, quo primùm è terris illis cedere cæperunt. In via autem, priusquàm regnum seu oram Mexicanam attingerent, annos 80. insumpserunt. Cur vero tam lento passu progressi sint, hanc causam prætendunt, quod hoc præcisè mandatum à suis Diis accepissent. Dij autem hi meri Dæmones erant, qui visibiliter cum ipsis assiduo colloquerentur. Hi iidem illis quoque præfiebant, ut has, illas, hoc, illo signo notatas terras sectarentur. Quas populi illi tamdiu quæsiuerunt, dum tandem easdem, pro Deorum præfagio attigissent. Illas ergo continuo occupantes, tum sedes sibi commodas figebant, tum agros colebant, ferebantque. Locis in vicinia adhuc commodioribus inuentis, oras veteres deserebant, ita tamen, ut illæ à decrepitis, ac ægris timidisque feruarentur. Nonnullis in locis, quæ transierant, ædificia pulcherrima extruxerant, qualia etiam hodiè alicubi conspicua sunt. His ac similibus rebus 80.

dictos

dictos annos terebant ac infumebant, cum aliàs viam directà profectiōe vnus mensis spatio emetiri potuissent. Pro nostra ergo supputatione, Anno Domini 902. in terram Mexico penitus ingressi sunt.

Cap. III

*Quo modo sex familia Nauatlacas terram Mexico habitare
& colere ceperint.*



DICTA superius familiæ septem, vno comitatu iunctæ egrediebantur. Harum prima Suchimilcos, id est, gens agrorum floridorum vocabatur. Hæc in plaga australi iuxta littora magni lacus Mexicani, de suo nomine ciuitatem & alia plura loca extruebat. Longo deinde ab his tempore familia secūda Chalcas, id est, populus Mensium, ciuitatem, suo quoque nomine vocatam, condidit, & fines cum Suchimilcos partita est. Tertia familia Tepanecas, id est, populus de Ponte, littus in parte Occidentali tum colebat tum habitabat. Hæc familia in tantū augescebat ac multiplicabatur, vt loca regionis eius præcipua Azcapuzalco, id est, formicarū cauernæ nominarentur. Et hic populus aliquandiu potentissimus floruit. Quarta, quæ Tezcucō postea occupauerat, Culhua, id est, curua gens erat, ideo dicta, quod in patria eius mons admodum curuus & gibbosus existeret. Hoc ergo pacto lacus omnis à quatuor his familiis obsessus & cinctus erat, ita, vt hi nouissimi partem terræ Orientalem, tertij verò Tepanecas, aquilonarem tenerent. Et quidem qui Tezcucō habitabant, sacundi admodum & diserti habebantur. Nam & lingua eorum ipso sono amabilis & iucunda audiebatur. Quinta familia Flatluicas, id est, gens de montanis, omnium inhumanissima ac agrestissima erat. Quæ cum terram in lacus circuitu vnde quaque iam obsessam videret, vltèrius in montanorum latus alterum progressa, oram amplam & fœcundam inuenerat, in qua oppida & vicos multos cōdebat. Primariam autem ciuitatem suam, Quahunachua, id est, locū, vbi aquilæ vox auditur, vocabant, quam nos hodiè Guernauaca, & alio item nomine Marchionatum appellamus. Sexta familia Tlaltaltecas, id est, populus panis, dicta, versus montanorum partem Orientalem proficiscens, vsque ad montes niuosos pertendit, non præcul à Vulcano illo celeberrimo intra Mexico & de Los Angelos, confidens. Ibi enim cum terram optimam & latè patentem inuenissent, per eam, quoquo versum diffusi, plures cum ciuitates tum vicos condebant. Cæterum tum ipsam ciuitatem primariam, tum regionem omnem finitimam Tlaltalam vocitabant. Et huius nationis ope Hispani terras eas, vt suprà diximus, occupauerunt: quæ ob id vel hodiè à vectigali & tributo immunis existit.

stit. Hæ verò dictæ gentes cum terras has primò habitatū intrassent, nullam vsquam à Chichimecas, habitatoribus primævis, vim aut repressiōē passi sunt. Chichimecas enim præ ipsis in hiatus cautiū & montium specus irrepebant. Ex altera verò parte iuxta montes niuosos, cum Tlascaltecas ædificarēt, indigenæ qui, vt historia fert, pleriq; gigantes erāt, arreptis armis externos suis fundis eijcere vi conabantur, secus quam Chichimecas fecerāt. Sed dolo Tlascaltecas eos circumueniebāt. Nā cum fœdus primò simulatum cum ipsis pepigissent, ad conuiuia sua eos inuitabāt, & epulis lautis eos tractabāt. Hoc modo vbi illos vino largo inebriassent, incautis arma submouebāt, quæ erāt clauæ grandes, fundæ, gladij lignei, & similia. Exarmatos deinde gigantes, quorundā instructissimè armatorum virorū, quos in cauernas quasdā abscondiderant, ope ac auxilio violenta ac hostili manu defubitò oppresserunt. Contra quos se tutaturi gigantes, cum dolo subtracta sibi arma viderent, è proximis arboribus facili manu ramos vellebāt, & impressionis impetum quadantenus arcebant. At verò, quod intereà ad arma Tlascaltecas vniuersi ruisissent, & in aciem sese congestissent, Gigantes tandem tanta strage vniuersos fuderunt, vt ne vnus quidem eorum superstes maneret. Istis in locis vel hodierno die ossa humana inusitatæ magnitudinis reperiuntur. Cum Anno 86. in Mexico ageremus, in montanis, I E S V S dictis ab Hispanis, gigantem reperimus, cuius mentum pugnum viri perfectè æquabat, quam molem inusitatam impendiò admirati fuimus. Ab hac parta victoria, perpetua deinde pace & tranquillitate tum Tlascaltecas tum cum his familiæ cæteræ quoque potiti sunt. Dictæ ergo sex familiæ inter sese non saltem mutuo amicè conuersabantur, sed & coniugia vtrinque firmabant, & pacificè tranquilleque admodum sese gerebant. Cuilibet familiæ certatim hoc agebatur, vt honestè genus suum augeret, & apud finitimos claresceret. Id ergo videntes Chichimecas adhuc Barbari, cæperunt & ipsi aduenarum exemplum imitari, & vestibis tecti cum vicinis suis conuersari. Per istiusmodi verò conuersationem primo metuere dediscentes, postea, quæ ad vitæ commoda facerent, attendebant, ac casas sibi extruebant, & formam quandam Reipublicæ constituebant, & dominos seu priores, quos pro magistratu venerarentur, eligebant, vitamque priorem brutalem magna ex parte exuebant. Interim tamen nihilominus in montanis, procul ab aliis segregati, habitare non desinebāt. Et deierare quidem ausimus, hanc aut similem rationem sortemque olim cæterarum quoq; vniuersarum nationum Indicarum extitisse, vt principio agrestes ac veluti feri homines è solis venatibus viuerēt, per deserta & vastitates diuagarentur, nouas terras quærerent, & easdem agrestium hominum more aliquandiu habitarent, ita, vt nec domos, nec tecta, nec agros, nec pecudes, nec Leges, nec Reges scirent. Cum verò succèssu temporis terras meliores ac commo-

diores inuenissent, cæperunt fortè politias ac Respubl. quasdam, ruditer tamen forma, condere, & se in vnam q. societatem conferre. Postea, qui inter hos aut opulentiores aut potentiores essent, infirmiores premere, & sibi subijcere paulatim conati sunt: dum tandem cum annis aucta potestate solida regna & imperia cõstituerēt. Hoc ipsissimo modo citra omne dubiũ regna pleraq; , vt in Mexico, sic Peru ac prouinciis aliis primitus enata & constituta fuerũt. Ex quib. cõsequenter opinionẽ nostram, primo huius operis libro fusius propositam, haud inconuenienter firmamus ac stipamus: primos nimirum Indiæ Occidentalis habitatores terrestri itinere illas oras ingressos esse; & ipsam Indiam cum Asia, Europa & Africa, nouum scilicet orbem cum veteri omnino alicubi coherere: etsi ea quidem pars, qua iungantur, & sese inuicem contingant, nondum cognita & manifestata sit. Quin & id arbitramur, inter vtrumque orbem tam angustum quoddã fretum intercurrere, vt per illud tum quadrupedes tranare, tum homines scaphis transire facile possint. Sed his missis ad historiam reuertamur.

Cap. IV.

De exodo & peregrinatione Mexicanorum, & qua occasione Mechoacan colere ceperint.



ANNIS ab exodo sex harum familiarum 320. elapsis, postquam nouam Hispaniam condidissent & habitassent, populosque certis statutis legibus coëgissent: septima quoque familia (natio Mexicana postmodum facta) ex antro suo egressa, per prouincias Aztlan & Teculhuacan tetendit. Populus hic politicus, agilis, amabilis simul ac bellicosus erat. Hic simulachrum Vitzliputzli, de quo in prioribus multoties diximus, præcipuè adorabat. Diabolus verò, qui per hoc Idolum gentes istas regebat & moderabatur, mandatum ipsis dederat, vt sedes patrias deferentes, oras alias quærerent: & promiserat simul, quod eas principes ac dominos factururus esset omnium illarũ prouinciarum, quas sex priores familiæ coluissent. Terram enim se daturum iis perfoecundam, & tum auro ac argento, gemmisque, & rebus similibus nimioperè diffluentem. Pollicitis ergo his capti populi isti, solum auitum reliquerunt, & indagandis peregrinis terris sese accinxerunt, simulachrũ suum quoquo versum secum proferentes, quod quatuor primarii sacerdotes in arca quadam ex scirpis contexta iugiter portabant. His verò sacerdotibus Idolum omnia, quæ in peregrinatione euentura erant, secreto reuelabat, & simul, qua arte singula declinanda essent, docebat. Sed & leges singulares, ac cultus ceremoniasque & sacrificia, quouis tempore præstanda, iis proponebat. Sine huius consensu suafuque ne latum quidem pedem promouere audebant. Nam & quã procederent, & vbi residerent, simulachrum subinde quasi digito ipsis designabat.

Cuius

Cuius quidem consilium in vniuersis præcisè sequi illos oportebat. Si quo loco habitandi gratia desiderent, primum omnium, quod aggredierentur, opus erat, vt Idolo suo tabernaculum conderent. Hoc in castrorum medio locabatur. Ara verò, cui simulachrum imponebatur, ad papisticarum ararum similitudinem extructum erat. Sacris constitutis, agrorum quoq; curam habebant, quos frumento, pisisq; ac similibus conferebant. Idoli sui nutum tam feruè attendebant, vt inconsulto ipso nihil agerent. Messē ipso suadente, metebant. Discessionē imperante, castra nulla mora, frugibus vniuersis in agris relictis, promouebant. Quas tamen, qui vel ægri, vel grandæui, vel timidiore in illis locis relinquerentur, in suos postea vsus colligebant. Horum siquidem plurimos certo cōsilio post se subinde restites linquebant, vt de gente sua ac natione terræ quæuis implerentur. Hæc Mexicanorum peregrinatio, filiorum Israël ex Ægypto egressui quadamtenus similis videtur: quibus & ipsismet iniunctum erat, vt terram benedictam occupatum egredierentur, Deum suum in nube ducentem, & in arca fœderis suaforem attentè obseruantes. Idem quoque populus, priusquā in promissam terram veniret, multis annis vagatus est. Sic ergo non in hoc saltē, verum & in plerisq; aliis, quorum in historia Mexicana mentio fit, quædā cum iis, quæ in sacra Scriptura de filiis Israël narrantur, similitudo & conuenientia reperiebatur. Ex quibus manifestum est, Sathanam omnis fastus ac superbiæ principem execranda cacozelia Deum creatorem semper in omnibus æmulari studuisse. Diabolus verò nullus vsquā repertus aut cognitus fuit, qui miseros homines aut crudelius habuerit, ac ad cultus ac sacrificia immaniora & sceleratiora compulerit vnquam, ac vnus hic Mexicanorū Vitzliputzli. Qui populos hos ducebat, summus quasi princeps Mexij vocabatur: vnde postea & Mexico, & Mexicanorum nomen enatum est. Cæterum hic quoque populus priorum exemplo lento gradu & velut interpolato itinere processit. Discretis enim aliquot locis sese dimisit, & agros coluit, seuitque & mesuit, & habitacula condidit: sicuti vestigia horum in multis locis conspicua sunt. Tandem verò multis exantlatis laboribus ac periculis in prouinciam Mechoacam, id est, piscosam, delati, cum loci conditio & fertilitas omnibus arrideret, ibi castra metari decreuerunt. At verò, cum, quid facerent, Idolum consulissent: hinc pergere iussi sunt. Deuotis tamen obtestationibus ac supplicationibus id ab eo tandem impetrarunt, vt aliquos de populo suo saltem ibi relinquere liceret, qui terram illam fœcundam ararent ac excolerent. Quibus annuens quæ id industria facerent, instructionem simul necessariam idolum dabat. Ibidem ergo, cum populi insignis pars, tam viri quam fœminæ in lacum Pazcuaro lautum abiissent: cæteris idolum hoc consilium dedit, vt lauantibus clam vestes furriperent, & sine strepitu tumultuque motis castris in-

deabscederent. Hoc facto, cum cæteri balneo suauiter reſecti, ex lacu rursus aſcenderent, ſurreptas veſtes ſimul & ſe luſos animaduertentes, non ſolum ærumnas ſuas ingenti dolore & ploratu luxerunt, ſed erga profugos tam acerbo & internecino odio exarſerunt, vt & habitum ſimul & ſermonem patrium mutarent. Ita enim factum eſſe hiſtoria teſtatur. Hoc tamen ad minimum, eſt certiſſimum, Mechocanos Mexicanorum hoſtes acerrimos ſemper extitiſſe. Vnde Marchioni quoque de Thale, cum Mexicanos domuiffet & fudiſſet, ſingulariter gratulati ſunt.

Cap. V.

*Quid Mexicanis in Malinalco, Tula, & Chapultepec
acciderit.*



MECHOCACA à Mexico 50. milliariū interuallo diſtat. In harum medio Malinalco eſt. Hoc loco ſocietatis ſuæ quandam ſceminam, Dei ſui ſororem vocatam, accuſabant, quod incantatrix ſcuiſſima ſcicino ſuo multos grauibus damnis feriret, & ſe pro Dea coli adorariq̃ue iuberet. Cuidam verò ex his, qui arcam ferebant, ſeniori per ſomnum reſpondit idolum, iuſſitq̃ue, vt populum ſolaretur, & omnia illi fauſta ac proſpera polliceretur. Vt verò etiam vitandi mali conſilium haberent, mandauit populo, vt ſororem ſuam, iracundam & trucem ſceminam deſererent, atque ſub noctis ſilentium caſtra clām proferrent, nec vllum in via, qua perrexiſſent, veſtigium relinquerent. Hoc conſilium ſecuti, caſtra ſilenter mouerunt. Incantatrix autem cum ſe deceptam & luſam ſentiret, eo, quo erat loco, Vicum Malinalco extruxit, cuius incolæ vel dum hodiè ſcinatores habentur, vt qui magicam artem à tam perita matre docti eſſent. Cæterum, cum Mexicani tum propter hoc diſſidium ortum, tum propter numerosos ægros, ſenēſque ac puſillanimes, hīc illic ve paſſim relictos, admodum eneruarentur & elanguerent: vt vires & robur repararent, in Tula, id eſt, ſcirporum loco, quietum conſederunt. Ibi ab Idolo mandatum ipſis eſt, vt vicinum quendam fluuium perrupto aggere in decliues campos, deriuarent. Quo facto, poſtquam ipſi in montana Coatēpec dicta ſe recepiſſent, effuſa aqua lacum grandem illicò conſtituit: in cuius margine varias arborum ſpecies quoquo verſum plantabant. In lacu verò infiniti piſces, ac in arboribus innumeræ aues conſpiciebantur. Pertæſi ergo longinquæ peregrinationis, & loci amœnitate illecti, hoc loco ſeſe demittere, nec pedem proferre longius, vnanimi conſenſu ſtatuebāt. Quare irritatus Diabolus, ſacerdotibus crudeliſſimam mortem minitabatur, mandabatq̃ue, vt aggere recluſo fluuium in alueum ſuum reducerent: & indicabat ſimul rebelles ac contumaces in proxima nocte

nocte, poenas merito suo dignas omninò luituros. Ergò, postquam sub noctem concubiam derepentè in castrorum loco quodam fragorus tumultus suscitatus fuisset: manè, qui in loco hoc restitare antea decreuerant, vniuersi mortui reperti sunt. His verò singulis disruptum pectus, atque ex illo euulsum cor spectabatur: quo factò Sathanas eos populos docere voluit, quam victima præcipuè delectaretur. Qua etiam deinceps de causa, quoties ei sacrificatum est, immolandis hominibus pectus discindi, ac ex eo cor euelli extrahiq; instituebatur. Sontibus itaq; hoc modo multatis, ac solo deflua vnda resiccato: Idoli suasu castra tantisper promouebant, donec in Chapultepec locum amœnissimum ac passim celebratissimum, à Mexico vnus miliaris interuallo distantem peruenirent. In his montanis vallo & congestis molibus sese muniebant, timore incolarum, quos vniuersos hostes habebant: ideò comprimis, quod Copil, veneficæ filius, ipsos apud indigenas calumniatus esset. Is enim nō hoc saltem agebat, vt pro se euidens Mexicanis damnum daret, sed & Tepanecas, Chalcas & finitimos cæteros populos instigabat, vt armata manu Mexicanos adorirentur, & penitus excinderent. Spe ergò futuri successus Copil montem quēdam, in cētro ac medio lacus eminentem, Acopilco nominatum ascendit, ex eo loco prospecturus, qua strage Mexicani funderentur & extirparentur. Hunc verò incautum, ac tale nihil ominantem, suasu Idoli sui Mexicani ibidem oppresse-
riūt. Cuius cor cum ad Idolum tulissent, in mare seu lacum id proiici mandauit: ex quo postmodum, arbor Tunal enata dicitur. Quo loco Mexico deinde extructa est. Chalcas itaque cum vicinis cæteris nationibus aciem produxerunt contra Mexicanos, qui Ducem sibi virum strenuum & armipotentem Vitzilouitli constituerant. Is cum pugna intensior esset, in conflictu captus & occisus est. Hoc casu tamen Mexicani nihilo ignauiores aut remissiores, aciem confertis cohortibus redintegrabant, & multis fufis stratisque, per medios hostes sibi quandam viam moliebantur. In medium sui seniores, fœminasque ac loberos licantes vsq; in Atlacuyaraya, qui vicus ad Gulhuas, socios suos, spectabat, penetrabant. Vbi suas copias restaurātes, hostium impressionem imperterritò animo denuo expectabāt. Sed ab eo tempore deinceps nec à Chalcas, nec vllis aliis populis vnquam bellis laceffiti sunt. Pudebar enim ipsos, quod à tam paruis copiis vniuersus eorum exercitus pulsus & profligatus esset.

Cap. VI.

De bello Mexicanorum cum Culhuacanis gesto.

DOLI sui iussu Mexicani ad primores in Culhuacani legatos amandantes, ut terram, quam colerent ac habitarent, partem aliquam concederent, obsecrabant. Culhuacani autem ipsos in Ticaapan ducentes, ut pro arbitrio suo ibi agerent, indulgebant. Arbitrabantur etenim fore, ut cum regio ista serpentibus ac venenatis aliis plurimis animalibus ex montanis diruentibus passim scateret, breui omnes interirent ac occuberent. Sui ergo Idoli suasu conditionem illam acceptabant: quod ab eodem artem edocti essent, quae bestiis istiusmodi, ne cui nocerent, venenum adeo demeretur, ut etiam tuto in cibum assumi possent. Id cum Culhuacani intellexissent, & insuper, quae sedulitate terram excolerent, vidissent, adeundae civitatis exteris illis non saltem ius praestabant, sed & commercia cum ipsis agitabant, ac amicitias contrahebant. Haec vero omnia tristi fine à Mexicanorum idolo ita instituta erant, dicente, non hunc, quem sibi delegisset, verum locum existere, sed ex eodem vi ac manu armata iterum excedendum esse. Mandabat etiam, ut foeminam quandam, quae dea discordiae & eridis fieret, festino quaererent: quod hoc ingenio confectum dare possent, si nimirum regis Culhuacani filiam pro Mexicanorum regina & sui Dei matre eligerent & accerserent. Petitione hac ad Regem nunciata, filiam suam, pulcherrime ornata coronatamque ad Mexicanos misit. Quam cum ipsi, ut fas erat, accepissent, eandem Idoli suasu crudeli mortis genere affectam, totam excoriarunt. Pellem autem fictitio iuveni cuidam, virgineis vestibus induto incinxerunt, & hoc habitu Regis filiam iuxta Idolum stantes, ipsam Deam, & Idoli matrem salutarunt, eamque adoratam Tocci, id est, aviam suam nominauerunt. Immanitate vero hac nec dum satiati, patrem insuper virginis vocarunt, ut veniens filiam suam, quam deam initiaissent, veneraretur & adoraret. Qui ubi multo comitatu & muneribus amplissimis instructus venisset, in sacellum quoddam admodum obscurum ac tenebrosum, ubi cum Idolo filia Regis stabat, sacra facturus abducebatur. Cum vero carbonibus iniectum thus flammam fecisset, pelle filiae agnita, doloque intellecto, lachrymabundus è templo exiliens, Mexicanos animo manumque tam forti ac bellicosa adortus est, ut ad ipsum usque lacum eodem profligaret, ac in eas angustias adigeret, ut, quin universi in lacu una mergerentur, parum abesset. Hi tamen, cum in summo periculo omnia constituta viderent, recolto animo telis virgeis in hostes coniectis, eorum vicissim haud paucos sauciarunt, & ab instantibus

bus se quodam modo extricarunt. Statione verò sua deserta lacum toti madidi & lassi transgrediebantur, foeminis simul ac liberis magno ululatu planctuque, de idoli sui, à quo in tot pericula coniecti essent, iniuria quiritantibus. Præter lacum fluuius porrò etiam alius profundissimus illis transeundus erat. Itaque ex peltis, telis, ac scirpis vnâ iunctis ligatisque fasciculos cratesq; , quibus fluuium traicerēt, conficiebant. A Culhuacan longis ambagibus in Iztapalacam, hinc porrò in Acatzintitlam, tandemque per locum illum, quo hodie S. Anthonij eremitæ facellum visitur, in viam Mexicanam S. Pauli dictam, venerunt. Horum verò longos errores & accepta damna plurimis ac ingentibus subinde promissis factis Idolum solabatur mulcebatque.

Cap. VII.

De primordiis ac edificatione Mexico.

IAM verò tempore tandem appellente, vt princeps homicidij ac mendacij diabolus cultoribus suis, qui iam erroribus ac laboribus longioribus sustinendis pares non essent, promissa præstaret: forte fortuna accidit, vt è senioribus sacerdotibus aliqui per densa iunceta ambulantes, ad vndam quandam claram, & auri candore pelluentem accederent. Postquam ergò circumactis oculis curiosè omnia dispicerent, ac tum arbores, tum prata, piscesq; , deniq; omnia oppidò candere admirabundi viderent: vaticinij cuiusdam recordabantur, olim ab Idolo pronunciati, talem nimirum metam illam futuram, qua quiescerent, & cæteris populis latè dominarentur. Præ gaudio ergò in lachrymas effusi, hoc nuncium populo impertitum præcipientes in castra reuertebantur. Sequenti verò nocte sacerdoti cuidam seniori Vitzliputzli per insomnia apparuit, iubens, vt in lacu spectato Tunal arborem, è saxo enatam, eo loco, vbi fascinatricis filij Copil cor demersum fuisset, manè quærerent. In ista si quidem arbore aquilam repertum iri aiebat, quæ ibi cum volucribus aliis pulcherrimis viueret. Quæ si omnia ita constituta reperirēt, certò confiderent, ipsissimum hunc locum esse, in quo ciuitatem suam vniuersas alias splendore exsuperaturam, ac per vniuersum orbem celeberrimam futuram extruerent. Exorto die vero sacerdos iste conuocato vniuerso populo, maioribus, minoribus, quantam gratitudinem suo Deo deberent, præfatus, significabat, quam lata sibi, licet indigno, apparuissent. Facerent ergo, vt certatim locum istum questitum exirent. Iam ergo profuso gaudio vniuersis exultantibus, nulla mora progredientes, vtroque latere per iunceta perrumpebant, & eodem statim die ad aquam illam, quam sacerdotes spectassent, pertingebant, quæ iam quidem nō amplius argenteo colore nitebat, verum sanguis.

sanguinis instar rubebat, ac in duos alueos difflebat, quorum alter præ crassitie vniuersus obscurabatur. Cui rei omninò arcanū quoddam subesse arbitrabantur. Quoquoersum itaque illis disquirentibus, tandem Tunal arborem, è rupe nascentem conspiciabantur, in cuius summitate Regia aquila exertis alis stans, oculos soli obuertebat. In huius ambitu pretiosæ pennæ, candidæ, rubræ, crocæ, cyaneæ, ac virides suffixæ stabant, pulchritudine vel cum illis certantes, ex quibus imagines concinnari superius commemorauimus. Ipsa aquila vnguibus suis pulcherrimam auem præhendebat. Itaq; visâ hac aue oraculi loco confirmato, in genua vniuersi procidentes, aquilam veluti adorabant. Sed & aquila ipsa capite annuebat, & oculos quoquoersum contorquebat. Posthæc magno suo Vitzliputzli, cui vniuersorum patri, veritatisque perpetuo assertori, deuotas gratias agebant, & quam primam ciuitatem ab eo condebant, Tenoxtitlam, id est, Tunal in saxo nominabant. Sed & hodiè pro insigni suo præferunt Aquilam in Tunal stantem, & auem vnguibus prementem. Posterò die sacellum rectà sub aquilæ Tunal extruebant, in quo sui Idoli arcam tantisper recondere, dum templum augustius & sublimius ædificarent. Sacellum autem è glebis & rebus aliis compingebatur, & stramine desuper tegebatur. Ab hoc deinde consultabant, quomodo à vicinis suis, tum ligna, tum lapides & calcem, pro piscibus, ranis & Garnaet, ac anseribus, auibusque aliis, in dicto lacu captari solitis, impetrare possent. Huiusmodi ergò res in oppida vicosque Tepanecarum & Tezcucorum inferentes, quæcunque ad ciuitatis ædificationem necessaria erant, illis in foro permutatis redimebant: & ante omnia sacellum grandius ex calce & lapidibus suo idolo struebāt. Sed & magnum lacus partem asseribus ac cæmento constipabant. His peractis sacerdotum cuidam noctu Idolum vniuersis in Mexico iniungere mandabat, vt quiuis dominus cum suis cognatis & adherentibus in quatuor primarias vicinias abscederet, ita, vt domus, quâ in signum quietis condidissent, in medio solitaria relinqueretur, & vt quælibet cognatio, vbi sibi commodissimum videretur, domos & habitacula faceret. Sic ergò quatuor illæ plagæ ex ædificatæ excultæque fuerūt, quæ hodie S. Ian de Ronde, S. Mariæ, S. Paul, & San Sebastiani vocantur. Mexicanis itaque hoc modo quatuor spatii diremptis, Idolum porrò iniungebat, vt quos ipsis Deos nominaturum esset, inter sese partirent, & vnum quoduis spatium, in discretas plateas diuiderent, vt diis iusta veneratio commodius præstari posset. Spatiorum autem horum aliæ quoque partes minores erant, quæ secundum Deorum numerum, quos pro iussu Idoli veneraturi essent, constituebantur. Et hi dij Calpultetco, id est, dii platearum vocabantur. Ex tam leuibus ergo primordiis ciuitas Mexico Tenoxtitlan enata, tam augustis incrementis post inualuit & exsplenduit.

Cap. VIII.

De Tlatellulcorum seditione, & qui Mexicani primum regem suum constituerint.



LATE ARVM ac vicorum superius dicto modo distributione facta, nonnullis nobilitate generis inferioribus videbatur, quod non pro merito ac dignitate sua loca idonea acceptassent. Id ad sui ignominiam spectare putantes, seditione moti, isto loco cum cognatis omnibus emigrarunt, & sedes alias quæsitum progressi sunt. Per lacus ergò longitudinem protendentes, terramque quandam raram ac editiorem attingentes, eam Tlatellulco indigetarunt, ac habitandi animo occuparunt. Et hoc tertium Mexicanorum diuortium erat, quod à primo ex solo patrio egressu fecerant. Primum fiebat apud Mechoacam. Secundum apud Malinalco. Tertium hoc loco. Quo qui se demittebant, Mexicanos assiduis damnis iugiter laceßebant. Quicquid enim in horum moliri contumeliam sciebant, inausum certè non linquebant. Animaduertentes ergò Tenoxtitlani, quod Tlatellulcos tam offensos & acres hostes haberent, & quod illi indies tanto numero auangerent ac multiplicarentur; ne quando ipsis potentiores euaderent, valdè metuebant.

Ad quod prohibendum, nihil consultius rati sunt, quam ut è sui medio Regem constituerent, cui vniuersi parerent, & quem vicini hostes pauerent. Tum & hoc modo fore arbitrabantur, ut & ipsi maiorem inter sese concordiam fouerent domi, & foris hostium petulantia procliuius reprimeretur. Cum ergò his de causis eligendi regis sententia immota perstaret: consilium aliud intercidit, ne quenquam è sui medio regem crearent, ne electio non omnibus probata dissidij ac discordiæ semen fieret. Sententiis ergò in partes omnes trutinatis, Regem Culhuacantum, quem obtruncata & excoriata filia ludificatum grauissimè offendissent, placare & sibi reconciliare statuerunt: ideo comprimis, ut ex Regio Mexicanorum sanguine procreatum imperatorem, cuius dignitatis in Culhuacan plurimi erant, impetrare possent. Pro rege verò sibi decernebant virum iuuenem Acamapixtli, insignis cuiusdam Mexicani principis filium, qui matrem Regis Culhuacani filiam habuerat. Huic ut Regia dignitas cum amplissimis muneribus haud cunctanter deferretur, ordinarij legati mittebantur, qui mandatum sibi munus his ferè verbis exquebantur. Maxime princeps, nos tui subditi ac ministri Mexicani in vastis & desertis iuncetis

agentes, & ab omnibus populis totius orbis deserti (nam huc à Deo nostro adducti sumus, qui locus tuæ iurisdictioni subiectus, ad Azcapuzalcos & Tezcucos pertinet) caput ac Regē vnicè optamus, qui nobis imperet, ius dicat, tueatur, de faciendis instruat, vitæ certum ac laudatum modum præscribat, contraque hostes nos protegat ac tueatur. Iam verò, cum haud nescij simus, in familia tua filios, tam nobis quam tibi cognatos, & ex vtrorumque sanguine prognatos, comprimis verò tuum simul ac nostrum nepotem Acamapixtli, regundis nobis apprimè idoneum existere: ideoque vt illum nobis dominum ac Regem præstituas, deuotissimè obsecramus: cui nos quidem omnem, vt fas est, obedientiam perpetuò præstabimus, vt qui ex Regibus Culhuacanis, & sanguine Mexico prodierit. Deliberata ergò re, Rex Acamapixtli, hoc cum Mexicanis, populo ingeniosissimo & bellicosissimo initum fœdus, ipsi non tenui gloriæ futurum, respondit: ac ad legatos versus, vt nepotem suum bonis auspiciis secum abducerent, iussit. In hoc enim se iam consentire: non certè facturum, si pro Regina fœminam petiissent. Quibus verbis vetus facinus clam ipsis exprobrabat. Tandem autem orationem suam his verbis finiuit: I fili mi, Deo tuo serui, eiusque vicarium age, & creaturas eius, per quem viuimus, qui dominus diei, noctis & ventorum est, rege. I fili, & dominus esto aquarum terrarumque, quas natio Mexicanorum occupauit.

Ad legatos verò dixit: secundis auspiciis hunc vobiscum abducite, ac, vt ipsum pro filia meæ filio colatis, curate. De isto ergò officio Mexicani regi gratias agentes, orabant, vt nouo Regi sua manu sponsam adduceret. Quod Rex faciens, puellam è præstantissimis illi coniugem faciebat. Nouum ergo Regem cum Regina Mexicani illustri pompa in Mexico adducebant: vbi iuuenes simul ac senes, confertim ad nouum Regem spectandum confluebant. Hinc magno comitatu in palatium, tenui sanè apparatu ornatum, abductus, folio Regio imponebatur: vbi orator quidam senex orationem exorsus, ita ferè dicebat: Fili Regie, ò Rex ac domine, in hac paupercula domo ac ciuitate salue. In deserto hoc ac iunceto ea perpetimur, quæ nobis creator noster imponit. Tu ergo tutor, propugnator ac Mexicanæ nationis, quæ Vitzliputzli Dei nostri seminium est, & cuius nomine gubernatio tibi defertur, auctor esto. Ignorare vero non potes, quod iam à solo patrio exulemus. Hæc siquidem terra, quam tenemus, nobis peregrina est, nec, quis diei crastini euentus sit futurus, compertum habemus. Ex quo colligere potes, non ad otium & quietem te vocari, sed ad nouos omnino ac perpetuos labores quasi conduci. Vniuersæ enim huius multitudinis, quæ tibi iam traditur, veluti minister ac seruus eris, ac eam contra hostes vicinos simul & remotiores animosè tutaberis.

Nostris autem comprimis vicinis te commendabis, & cum i-
pſis

psis, in quorum territorio habitamus, concordiam ales. Quibus verbis orationem finiens senex, prima verba hæc repetebat: Salve & tu, & Regina nostra domina, hoc in regno tuo. Habita hæc à sene oratio astantibus omnibus, teste historia, probabatur. Cui respondens Rex, de gratulatione facta, suis subditis primò grates agebat: deinde omnem suam ipsis operā curamque deferebat, qua ipsos pro summis viribus adiuturus esset. His peractis, cum Regi iuramentum præstitissent Mexicani, eius capiti coronam, Venetianis principibus imponi solitæ similimam, obdebant. Primi huius Regis nomen idem significat, ac alga in manu. Vnde pro insigni etiam suo manipulum arundinum ostentabat.

Cap. IX.

*Quale tributum Mexicani Azcapuzalcis pendere
suerint.*



OV i Regis electio tam felix, & auspicata erat, ut brevi tempore Reipubl. formam exactissimè constitutam acciperent, ad quam etiā peregrini attenderent. Finitimis verò his qui populi erant, partim metu, partim odio, illorum exitium meditabantur: ex quibus Tepanecas, quorum ciuitas primaria Azcapuzalco dicta erat, se primos offerebant. His Mexicani, quod peregrè aduenientes ipsorum in ditione confedissent, tributarij erant. Ipsorum ergò Rex, Mexicanorum potentiam admodum formidabat, quod eos subinde magno numero augescere videret. Horum excindendorum occasionem captans, ad Regem Acamapixtli denunciari curat, quod tributum funderent, nimis tenue esse: curarent ergò, ut deinceps Tunal ac arbores aliæ pro amplificanda sua ciuitate ad eum certo numero ferrentur. Porro vero id etiam agerent, ut in media aqua agrum constiparent, quem diuersæ speciei pisces ac fructibus aliis confererent: & hunc ipsum postea, probè maturatis fructibus per ipsam aquam, sine omni noxa ac læsione ad se promouerent ac venerent.

Id ni facerent, scirent, non perpetuas saltem inimicitias sibi indictas esse: sed vniuersale ipsorum excidium iam iam parari & accurari. Qua postulatione audita, mirum quantoperè Mexicani incanduerint, cum postulatum ita constitutum viderent, ut non solum non præstari posset, sed & vnum ipsorum interitum concerneret. Ipsis ergo trepidioribus, per noctis insomnia Vitzliputzli apparuit, & Regi nunciari iussit, ut bono ac præsentis animo

esset, conditionemque iniunctam acceptaret. Nam petiti tributi postulationem, ut præstaretur, sibi curæ cordique futuram. Nec fessellit euentus. Soluendi enim tributi tempore appropinquante, Mexicani non arbores solum, sed & ipsum agrum per mediam aquam afferebant. In agro autem erant Maiis, Chili seu Axi, Blitum, Tomates, Frisolen, Chias, cucurbitæ & fructus alij approbè maturi plerique. Et hos quidem lacus Mexicani agros qui non ipsis oculis conuitus est, is rem hanc aut fabulosam, aut merè præstigiosam ac diabolicam haud dubio arbitraturus est. Sed huiusmodi agri non saltem facili labore fundantur, verum etiam passim in lacu frequentes sunt.

Eorum struendorum hæc ars est. Congestis scirpis ac algis propter summam leuitatem sursum renitentibus, terram iniiciunt, ac agros firmant. In his ferunt, quæ volunt, quæ pleraque vegetè ac largiter enascuntur. Ipsi agri huc, illuc, pro hominum arbitrio feruntur. Huiusmodi structuras, opera Vitzliputzli addita, in principio multò exquisitiores factas fuisse arbitrantur: quibus spectatis ipse Rex Azcapuzalco impendio admiratus dicitur, cum rem hanc nulla usquam industria præstari posse, primo censuisset. Idem ad suum populum dixit, Mexicanorum Deum magnum & potentem esse, à quo omnia confici possent facillimè. Porro autem ad Mexicanos versus, dixit, quoniam Deum, cæteris omnibus potentiorum & peritiorum haberent: ideò se mandare, ut sequentis anni eo tempore, quo tributum penderent, aut sedentes aut ouis incubantes anseres ac ardeas in natatili agro afferrent. Quod ni facerent, hostium loco omnino essent. Cuius petitionis iniquitate postquam iterum Mexicani admodum offenderentur, more suo idolum per insomnia eos iterum solabatur, ac, ut præsentem essent, iubebat. Sese enim vnum isthæc vniuersa curaturum esse. Tempus autem fore, ut petulantiam suam in nouis & inauditis tributis exigendis Azcapuzalcani propriæ vitæ impendio aliquando expiaturi sint. Iam verò silentio & obedientia omnino opus esse. Tributi itaque pendendi tempore cum agris suis instructis appellebant Mexicani: in quibus eo ipso puncto, quo in terram excederent, anser ac ardea pullos ex ouibus excludebant.

Quod tamen qua ratione fieret, nec ipsi quidem norant. Rex ergò visum miraculum impendio admiratus, dicebat, huiusmodi res longè supra vires humanas esse: & Mexicanos, si ita pergerent, cæterorum vniuersorum populorum dominos fore. Cæterum de tributo ne quidem tantillū demebatur. Mexicani interim, cū se viribus inferiores viderent, iniurias antiquas ferendo, quinquaginta integris annis seruitutis illud iugum patienter tolerabant. Circa id tempus Acamapixtli Rex, qui Ciuitatem Mexico multis ædificiis, plateis, alueis ac canalibus, & necessario commeatu auxerat, & illu-

illustrarat, diem extremū obiit: qui regni habenas cum pace & tranquillitate 40. annis moderatus, vnam amplificandi & felicitandi regni curam sibi præfixam habuit. In agone autem constitutus, hoc insigne præstitit, vt non quibus vellet, regnum ex se deferret, sed populo electionis plenam libertatem relinqueret, cum & ipsemet solius populi suffragiis regno potitus esset. Subditis ergo hortator erat, vt talem quendam eligerent successorem, cui regni salutem curæ cordiq; futuram censerent. Quibus cum vxores ac liberos suos commendasset, auram extremam placidè expirauit.

Cap. X.

De secundo Mexicanorum Rege, & de iis, quæ imperante ipso acta sint.



ORPORE defuncti Regis humato, seniores populi ac primarii de nouo rege eligendo concilium coegerunt. Ibi quidam annosissimus fari exorsus, statum Reipubl. perturbatum omnium animis exhibuit, dicens, consultum omnino ac necessarium esse, vt tale iterum caput ac Rex ciuitati præficeretur, qui senum patronus, ac viduarum parens, & orphanorum ac omnium in vniuersum subditorum tutor ac curator esset. Populum autem sui Regis alarum pennas, ac oculorum palpebras, & faciei barbam vicissim esse debere. Necessarium sibi quoque videri dicebat, vt Rex nouus prudēs ac cordatus sit, cum subditi eodem subinde momento & arma & rastra tractare cogantur, sicut id Idoli vaticinio ratum sit. Quibus sic habentibus, vnanimi consensu defuncti Regis filium Regem pronuntiabant, sperantes, eum patris, qui subditorum suorum salutem vnice spectasset, vestigia in omnibus secuturum esse. Nomen huius iuuenis Vitzilouitli erat, quod idem sonat, ac insignis ac pretiosa penna seu crista. Illius ergo capiti regalem coronam imponentes, corpus regali (aliàs diuino dicto, quod eodem Idola quoque lini solerent) vnguento perfundebant. Hoc ritu rex fiebat. Post hæc rhetor quidam prægnantem orationem exorsus, nouo regi animum addebat, vt in redimēdo & è seruitute extricando suo populo imperterritus duraret. Finita oratione, obsequentiæ iuramentum Regi omnes subditi ex ordine præstabant. At vero quod vitæ cælibis esset: suafores ac autores ipsi consiliarij erant, vt vxorem sibi Regis in Azcapuzalco filiam posceret. Hoc enim medio nouas & constantes amicitias factum, & duræ seruitutis iugis quodammodo lenitum iri, persuasum habebant. Ex altera vero parte verebantur, vt apud Regem, cui subditi & vectigales essent, ignominiosam repulsam ferrent. Verū tamen cum submissa ac deuota sollicitatione missis legatis hanc rem poposcissent, consensum à Rege facilem impe-

trauerunt, vt filiam suam Ayauchigual cum bonis ac ceremoniis amplissimis nouo Regi vxorem daret. Matrimonij autem firmandi hic ritus erat, vt laciniam pallii sponsi cum vestibus sponsæ innecterent. Hoc signum coniugij, seu vinculi maritalis erat apud ipsos. Cæterum cum Regi nouo infans natus esset, auum, vt nepoti suo nomē imponeret, pro more patrio rogarunt. Nam hanc rem fortibus perficiunt, & in dandis nominibus, admodum ominosi sunt. Iubebat ergo Rex in Azcapuzalco, vt filix puer Chimalpopoca, id est, clypeus fumans, nominaretur. Quod verò Regina videret, patrem suum, recens nato nepote impensius oblectari: occasione arrepta apud ipsum precariò institit, vt Mexicanos graui tributo ac cæteris oneribus seruitutibusque liberaret. Subditorum ergo consensu votoque lecto, petitioni filix Rex ita annuit, vt vice vniuersi tributiq̃ quotannis duos anseres, & aliquot pisces penderent, vt hoc signo post aliquot secula recordarentur, quod sibi subditi fuissent, & terram suam habitarent. Oneribus ergo his iam liberi Mexicani, vitam multò pacatiorem sibi postmodum futuram sperabant. Sed gaudij huius perfruitio haud quaquam diuturna extitit. Nam Regina patrona à paucis annis obibat: postquam elapso anno ipse quoque Mexicanorum Rex, Vitzilouitli fato fungebatur, filium Chimalpopocam decennem post se relinquens, postquam regni habenas 13. annis moderatus fuisset. Cum moreretur, annorum triginta erat. Viuus omnibus amabatur ob probitatem. Sed & prudentiæ singularis erat. Nam vicinos omnes singulari humanitate tantoperè sibi conciliabat, vt & ab omnibus certatim amaretur, & suam ciuitatem bonis plurimis amplificaret. Subditos suos in certaminibus naturalibus instruebat potissimum: vt poscente necessitate reprimendis hostibus aptiores essent.

Cap. XI.

De tertio Mexicanorum Rege Chimalpopoca: & de huius crudeli obitu: vt & de causis, quibus Mexicani moti bellum adornarint.



REG Vitzliouitli defuncto, postquam Mexicani de successore idoneo diu deliberassent, loco eius filium Chimalpopocam decennem suffecerunt. Nam alta cum Rege Azcapuzalco amicitia omnino opus esse, peruidebant. Qua causa nepotem ipsius in patris defuncti locum ac solium omnino euehendum putauerunt. Huic ergo Regia signa, nempe arcum cum telis, & gladium offerentes, indicabant, armis his ad vindicandam libertatem opus esse. Cæterum Mexicani aquæ potabilis penuria maxima torqueban-

quebantur. Lacus enim admodū cœnōsus & vliginosus, potum insuauem simul & insalubrem dabat. Vnde, vt has difficultates euitarent, recens creati Regis nomine ad Regem Azcapuzalco legatos miserunt, qui apud Regem instarent, vt aquæ in Chapultepec, quæ à Mexico vnus miliaris spacio aberat, ipsis copiam & vsuram faueret. Re à Rege impetrata, Mexicani, qua arte & ingenio eam aquam in ciuitatem corriuarent, sedulò meditati sunt. Cum verò tum stratis canalibus, tum aliis machinamentis tentatis per lacum, vndam traducere frustrà diu anni si essent: tandem (forsàn, quod Tepanecas bello infestare satagerent) ad Regem Azcapuzalco confidentibus legatis missis, significarunt ipsi, quod aqua ista, quam donasset, minimè frui potiri que possint, cum aquæ ductus in plurimis partibus confringerentur. Petere se ergo, vt tum ligna, tum calcem, lapidesque ac artifices, qui canales putredini non obnoxios struerent, ad ipsos Rex mitteret. Sed postulatio hæc, vt Regem, sic ipsos comprimis subditos haud parum offendeat, vt quæ non solum temeraria & superba, verum etiam iniqua videretur, & nescio quid rebellionis in magistratum præ se ferret. Legatis itaque consiliarij Regij per se respondebant, petitionem eorum impudētia & temeritatis plus satis promerere. Nam, qui, quod in terra peregrina non tantum humaniter ferrentur, sed & aqua rebusque alijs necessarijs adiuuantur, contenti esse debebant: hos, dicebant, iam etiam superiores pro seruis quærere. Iubeant ergo, vt planè ac rotundè, quidnam his iniquis postulatis, gens illa, in algetis ac iuncetis quasi sepulta quæreret aut satageret, faterentur. Præsumptum enim sibi esse, breui tempore clarum facere, quantoperè hæc sibi temeritas probetur: quibus obstinatè decretum sit, non saltem postulantium supinam temeritatem & insolentiam istam retundere, sed vniuersos ipsos instructa manu immaniter obtruncare, & excindere. Hac excarescentia & indignatione primores à Rege, quem propter nepotem Mexicanorum Regē iam dudum suspectum habebant, abscedebant, & pro se ipsis rem noua consultatione deliberabant. Statuerunt ergo publica voce quoquo versum denunciandum esse, ne quisquam porro Tepanecanorum cum Mexicanis quicquam commercij ageret: tum, vt nec Tepanecani Mexicanorum ciuitatem ingrederentur, nec hos in suam intromitterent. Secus qui faceret, crudeli morte afficeretur. Ex quibus (vt hoc obiter dicamus) colligere licet, gentium harum Reges, non absolutum ac perfectum in suos subditos imperium habuisse, sed consulum ac primatum more saltem suos ciues rexisse. Rex ergo Azcapuzalco cum animaduertisset, primates suos id obstinatè iam agere, vt Mexicanos delerent & extirparent: rogabat eos, vt furtim regem recentem è medijs Mexicanis eriperent, & postea, quod vellent, maturarent. Huic regis consilio haud pauci astipulabantur. Contra hos verò duo è primariis profilientes, consilium hoc omnino damnosum esse, vociferaban-

ferabantur, dicentes, etsi Chimalpopoca quidem, matris ratione ad se pertineret: patris tamen partibus longè certius ipsum omnino adhæsurum esse. Consultum ergo sibi videri affirmabat, ut idem ante cæteros omnes è viuis tolleretur. Et huic voto postea vniuersi cominus astipulati sunt. Quā quidē rem Rex Azcapuzaco tanta indignatione tulit, ut animi ægritudine decumbēs, paulò post vita fungeretur. Porro ergò defuncto Rege Tepanecani non diu feriabantur, sed furtim per noctem ad palatium Regis, ubi somnū captabat, contentes, tanto silentio eum iugulabant, ut factum ne vnus quidem obaudiret. Sub auroram verò, cum nobiles Mexicani pro more suo Regem salutatum venirent, vulneribus eum aliquot perfoßum ac mortuum in cubiculo inuenerunt. Tumultuaria ergò trepidatione veluti furii perciti Mexicani, regis mortem vindicatum arma omnes arripiunt, & sursum, deorsum: prorsum, vorsum fremebundi quoquo versum discursitant. Quam confusionem, cum nobilium quidam primarius spectasset, tumultus compescendi causa hæc ad eos verba exorsus est: Quò tandem præcitamini, ô Mexicani? quò ruitis? quid furitis? state, & quiescite, memores, furorem & festinationem semper fatales exitus habere. Ita verò vobis persuasum sit, quod, etsi quidem Rex noster nobis sublatus sit, non omnis tamen Mexicanorum sanguis inaruerit. Nam & priorum Regum nobiscum filij sunt, eadem facinora strenuè designaturi, quæ recens defunctus rex noster præstaturus erat. Hoc itaque si furore grassabimini, quis vester dux, quis caput erit? Pede ergo cohibito, de rege primum ac domino nouo, qui vos ducat, firmet & animet, dispicite. Tum & defunctum prius honestè tumulate: & postea huius vindicandi occasionem molimini. Hac oratione ergo Mexicani deliniti, exequias occiso Regi adornabant, ad quas honoris gratia primates Tezcucanos & Culhuacanos etiam inuitabant, & nefandum Tepanecanorum latrocinium ad ipsos quiritabantur: quos vnà obsecrabant, ut Tepanecanis nullas suppetias ferrent, quos infestis armis omnino tentare sibi constitutum sit. Præter hoc enim se nec arma nec milites ab ipsis efflagitare: hoc saltem agerent, ut otiosi euentus spectatores essent, & in nullo sibi quacunque re obstarent. Quibus obtestationibus cum Tezcucani & Culhuacani in condolentiam pertraherentur, non saltem Mexicanorum propositum probabant, verum & commercia omnia ac summam amicitiam iis offerebant, ut è sua terra sibi omnia necessaria comparare pergerent. His transactis, ut ad noui Regis vsque electionem apud se morarentur, Mexicani eosdem rogabant.

Cap. XII.

De quarto Rege Iscoalt, & bello Tepanecanis illato.

OSTO QVAM, qui noui Regis electionem accurare solebant, conuenissent, è Senioribus quidam Rhetor facundissimus surgens, hac ferè oratione concilium allocutus est. Vos, ô Mexicani, oculorum, non cordium lumen desideratis. Etsi enim eum perdidistis, qui lumen & dux vester erat: vobis tamen superstes cor mansit, quod cogitat, etsi hostes vnum quidem iugularint, vestrum tamen tam multos superesse, vt quod desideratur, ex iis commodè sarciri queat. Nobilitas Mexicana nondum extirpata iacet: nec sanguis omnis regibus euauit. Dispicientes itaque, non vnum aut alterum, sed plurimos præstantes principes ac Regis Acamapixtli, natiui nostri domini filios ante oculos vobis versari videbitis. Ex illorum medio, quem vultis, deligite, & hunc vos velle, illum nolle, planè expedit. Quod si vnum quidem patrem perdidistis, in hoc ipso tamen loco continuo alium patrem simul ac matrem, reperietis. Cogitate, ô focij, solem quidem tenebras exiguas offudisse: sed lucem eius maioribus radiis haud cunctanter vobis rursus effulsuram. Mexico quidem sui Regis obitu obtenebrata est: At è vobis Sol rursus prodeat. Eligite ergò Regem alium, in quem oculos ac corda vestra intendatis. Et is est, quem Deus vester Vitzliputzli eliget. Hac oratione aliquousque diducta, tandem vniuersorum consensu Orator concludebat, vt Iscoalt, id est, anguis sinuosus, Mexicanorum Rex esset. Is filius Regis primi Acamapixtli erat, à sclaua progenitus. Qui etsi non legitimo coniugio natus esset, attamen propter morum amabilitatem, ac fortitudinem & summam prudentiam, quibus virtutibus vniuersis præstabat, eum elegerunt. Et huius electio ipsis quoque Tezcucanis præcipuè placebat, quod Rex ipsorum huius Iscoalt sororem vxorem haberet. Quamprimum ergò recens electus & coronatus Rex solio Regali impositus esset, surgens alius Rhetor, longa oratione inculcabat ac repetebat, quam arcto vinculo Rex suis subditis destriktus esset, & quanto perè vsus exigeret, vt Rex in aduersitatibus fortem & constātem se præberet. Verba autem talia erant: Nos vniuersi, ô Rex, à te vno depēdemus. Onus ergo hoc tuis humeris nō excute. Recordare seniorum, orphanorum ac viduarum, vt & filiolorum tuorū, qui manibus ac pedibus per pavementum repunt, ne si hostes nostri nos vincant, illi pereant. O domine, pallium tuum extende, & impone humeris tuis filios tuos, qui sunt populus iste tuus, qui in vmbra tui pallij & fortitudine certa omnem spem suam habet. Circa hoc tempus, vt diximus, Tepanecani decreuerant, vniuersos Mexicanos cū puluisculo excindere. Hoc sine etiam iam instructissimum exercitum coëgerant.

Cæterum, rex Mexicanorum nouus, secum animo voluebat, quomodo bello principium daret, & hostes prior inuaderet, vt qui priores Mexicanos offendissent. Quod vbi ventosa plebs animaduerteteret, videretque hostes se longe superiores esse numero: pauidi viri, ad regem irruentes, submisè orabant, vt à tam funesto bello abstineret. Fore siquidem, vt illud inceptum tam ciuitatis ipsius, quam vniuersi populi exitium crearet. Rex, his auditis, quid ergo medijs aut consilij promerent, rogauit? Cui hoc responderunt; nouum in Azcapuzalco regem mitem ac misericordem esse: ab hoc pacem sollicitandam, & seruitia omnia deferenda esse, eumque obsecrandum, vt è iuncetis extractos, certa aliqua habitandi prouincia donaret, vt hoc modo vniuersis vnus Rex, vnus dominus imperaret. Porro autem ad votum obtinendum, id cum primis quam plurimum facturum esse, si cum legatis pro mediatore & patrono in lectica Vitzliputzli Deus mitteretur. Huic deliberationi, cum sua quoque vota nobilium nonnulli addidissent, tanto studio certatim ab omnibus assensum est, vt videretur optimum, lectica à sacerdotibus ornata primo quouis tempore iter iniri. His ita constitutis, & sententia, pacem esse petendam, & Tepanecas dominos agnoscendos, plenè confirmata, desubito ex omni populo iuuenis quidam vegetus admodum & spectabilis exiliens, in hæc verba erupit: Quid hoc, o viri; An insensati, an excordes estis? Adeone ratum vobis pauidis ac effœminatis est, vt Azcapuzalcorum tyrannidem tanta poenitudine redimatis? Postea ad regem versus, Domine, inquit, cur te permittente hæc fiunt? Quin iubes potius, vt media præstituât, quib. honestè viuere possimus, quam vt cum ignominia, ludibrio nostrorum hostium appropriemur? Hæc qui perorabat iuuenis, Tlacaellèl, dictus, ac regis consanguineus, Mexicanorum omnium longè prudentissimus ac peritissimus erat: sicut deinceps intelligemus. Iscoalt autem probè, quæ à consanguineo audierat, expendens, plebem sustinens, dicebat, media commodiora huic rei omnino aliqua inuenienda esse. Itaque ad nobiles versus, Vos, inquit, mei omnes cognati & consanguinei, ac in Mexico primarij estis. Inter vos ergo, si quis est, qui nuncium ad Tepanecas ferendum suscepturus sit, is surgat. Vniuersis autem confidentibus, & sese mutuò contuentibus, generosi animi iuuenis Tlacaellèl consurgens, Regi suo officia mancipat, dicens, semel omnino sibi moriundum esse. Parum ergò referre, id hodiè vel cras fiat. Quod si res seria ac ardua sit, tum se, quicquid iuberet rex, lubentem, omne confectum daturum esse. Etsi verò Mexicani promiscuè omnes hanc meram audaciam censerent: nihilominus tamen Regi placuit, Azcapuzalcorum Regis animi explorandi causa hunc iuuenem citra moram amandare: ratus, multò minore damno suum cognatum perire, quam famam ac existimationem vniuersi populi periclitari. Mandatis itaque Regiis instructus Tlacaellèl, ad Te-

panecanos custodes (qui Mexicanos obuios omnes interficiendi mandatum habebant) ingressus, variis prætextibus ac commentis illis persuadet, vt ad regem ducatur. Quo viso, rex oppido admirabundus, iuuenis, pacem honestis mediis sollicitandis, postulationem audiuit, eique se rem hanc cum suis principibus deliberaturum, respondit. Iubebat simul, vt crastina die reuerteretur, & responsum auferret. Cum verò Tlacaellêl saluum à Rege conductum peteret, rex id impetrari non posse asseruit: monuit tamen, vt cautissimè in re ista versaretur. Hoc responso Tlacaellêl in Mexico reuersurus custodibus, sibi crastino die redeundum esse, indicauit. Postero die Mexicanus rex hunc denuo amandans, iussit, vt, si acceptum responsum bellum significare intelligeret, ipse Regis caput pro more inungeret, & suffixis pennis seu cristis exornaret, ab eoque vicissim porrecta arma acciperet, hæc verba pronuncians: Cum omnino pacem abnuas, hæc arma tibi ac tuis vitam adiment. Etsi verò rex Azcapuzalcanus, vtpote probus, mitis ac pacificus, per se denunciatam pacem minimè detrectaret, subditi tamen, tamdiu insolentia sua & importunitate ipsum obtundebant, vsque dum Mexicanis pacem omnem resignaret. Hoc responsum cum Legatus accepisset, omnia, quæ in mandatis regiis habebat, intrepido animo confecta dabat, suumque regem vicissim Azcapuzalcano bellum denunciare, significabat. Azcapuzalcanus verò rex se tum vngi, tum cristis ornari nihil tergiuersatus, Legato pulcherrima arma vicissim pro remuneratione obtulit, eumque amicè monuit, ne incautus per maiorem palatii portam, vbi plurimi percussores illum opperirentur, sed per posticum ostiolum, quod ipsi pandebat, clàm sese proriperet. Cui obsequens iuuenis, notis ambagibus eò vsque penetrauit, dum se in loco securo versari sciret. Ex hoc ergò vigiles inclamans: ô vigiles, inquit, Tepanecas & Azcapuzalcos somnolenti admodum excubatis. Sed hoc scitote, vobis vniuersis iam statim moriendum esse, ita, vt ne vnus quidem Tepaneca superstes maneat, Quo clamore exciti vigiles, certatim ad eum sese effudere quidem, sed contrà pugnantem iuuenem tam fortem inuenerunt, vt ex suo grege defubito fusos aliquot desiderarent. Pluribus tamen subinde sese ingerentibus fuga arrepta Tlacaellêl versus Mexico contendens, quid responsi acceperit, refert: Regi nimirum ac Tepanecanis Mexicanos bello infestare omnino decretum & constitutum esse.

Cap. XIII.

*De pralio inter Tepanecas & Mexicanos commissso, & de
Iscoalt parta victoria.*



MEXICANI, quam primum sibi bellum denuncia-
tum esse intellexissent, solito pauore consternati, ad
regem gregatim se inferunt, & vt è ciuitate dimittan-
tur, rogant. Ratum enim certumque esse dicebant,
quod in pralio succubaturi sint. Hos rex impendiò
solatus, libertatem solidam ipsis pollicebatur, si fie-
ret, vt ab hostibus vincerentur: saltem de victoria securi essent. Quid
autē, inquit, plebs, si nos succumbimus, quid, inquit, faciemus? Qui-
bus rex, si in pralio, inquit, succumbitis, tunc hoc nos pacto vobis
obligamus, ac in manus vestras damus, vt nos ipsos crudeliter inter-
ficiatis, carnesque nostras è sordidis ahenis voretis, & ita de nobis di-
ram vltionem expleatis. Fiat, ergo, aiunt, vt constituis, si victoria non
potiamini. Contrà, si victoria vobiscum stabit, vobis vectigales ac
tributarij omnes erimus, ac domos agrosque extruemus & colemus,
arma vestra ac onera, quoties in bellum abitis, portabimus. Nec
verò nos solum id faciemus, sed & omnes nostri posterì, in omnem
æternitatem. Et hoc foedus inter plebem & nobiles ita firmatum est.
Rex verò Tlascaellelum summum exercitus ducem faciens, copias
vniuersas in aciem constituebat. Optimos vero ac fortissimos quos-
que è suis cognatis & consanguineis centuriones creans, serio ipsis
iniungebat, vt summo duci in omnibus attente parerent. Hic autem
populum omnem in duas cohortes dirimens, animosissimos quos-
uis, quibus impetum & impressionem faceret, sibi adiungebat. Par-
tem alteram regi adiungens, expectare iubebat, dum hostium aciem
à primis irruentibus diruptam videret. Hoc ordine incedentes eos
quam primum rex Azcapuzalco conspicatus esset, atroci & fremen-
te impetu cum copiis suis è ciuitate erumpens, conflictui sese siste-
bat: cuius milites ornamentis nitidissimis ex auro ac argento, pen-
nis item ac armis pretiosissimis conspicui prodibant. Nam omnis
illius terræ dominerant. Cum verò Iscoalt, tympano, quod è dorso
pendebat, conflictus signum dedisset: derepentè clamore horri-
foco, Mexico, Mexico ingeminato, hostes veluti furiis perciti animo-
sissimè adorti sunt. Et licet numero multò inferiores essent Mexica-
ni, Tepanecani tamen è statione sua moti, confusè & sine ordine re-
tro ad ciuitatem suam profugerunt. Quod videntes qui in insidiis
ceteri latebant Mexicani, præcipitata insectatione in profugos ir-
ruentes, ac alta voce Tlascaëllél, Tlascaëllél, victoria, victoria, clami-
tantes, cum hostibus suis vnà in ciuitatē penetrant, in qua discursan-
tes, nulli, (vt rex præceperat) nec viro nec foeminæ, nec seni, nec pue-
ro par-

ro parcunt, sed promiscuè obuios omnes trucidant, & ciuitatem ipsam valdè opulentam quoquo versum diripiunt expilantque. Sed nec hac laniena contenti, ciuitate missa eos infestanter insequerantur, qui in deserta & montana vicina aufugerant. Hos omnes, quotquot corripiebant, cædebant. Tepanecanorum verò nonnulli, qui in montanis latebant, abiectis armis, Mexicanos, vt sibi propitij essent, obsecrabant, & simul ad ciuitatis suæ ædificationem, lapides, ligna & calcem vtrò deferebant. Sed & se Mexicanos ab hoc tempore in omnem æternitatem dominos suos agnoscere velle, sanctè deiecerant. Quibus auditis Tlacaellèl populo signum dedit, vt trucidandi finem facerent, & superstitionibus vitam donarent, hac tamen conditione, vt ipsi victi pacta & promissa sua iurisiurandi sigillo obfirmarent. Sic ergò Tepanecani in Azcapuzalco, Mexicani verò spoliis amplissimis in Mexico redibant. Postero die Mexicanus Rex Tepanecanorum præcipuos conuocans, pactum pronunciatum iis repetendo proponit, & an seruandi illud animum haberent, denuo rogat. Cui tum nobilitas tum populus respondit, rem semel promissam apud se omninò ratam fore, & vel dum æternam Mexicanis seruitutem vouere. In cuius rei signum & stabilimen vna quoq; fidei sacramentum præstabant, & iuramenti religionem omni postero tēpore sartam facramque colebant. Post hæc Iscoalt in Azcapuzalco reuersus, subditorum suorum consilio Tepanecanorū agros ac bona inter Mexicanos ita partiebatur, vt pars præcipua sibi & regno, secunda verò Tlacaellèlo, tertia nobilibus, prout se quisque fortem gessisset, cederet. Sed & ex plebe nonnullis, qui strenuā in cædendis hostibus operam nauassent, agros impertiebat, ignauioribus & timidioribus inanibus dimissis. Tum & agros publicos quosdam Mexicanorum vicinis diuidebant, vt ad sacrificia & cultum diuinum præstandum suppetere. Et hæc ferè diuidendorum bonorum ratio erat, quam seruabāt, quoties novas prouincias occupabant. Per hanc verò dispartitionem Azcapuzalcani ad tantam paupertatem redigebantur, vt agros proprios nullos retinerent. Sed & quod grauissimum rerum omnium erat, præter Mexicanum iam nullum Regem proprium amplius sciebant.

Cap. XIV.

*De victoria Mexicanorum apud Cuyoacan
impetrata.*



TSI Azcapuzalco quidem ciuitas Tepanecanorum primaria esset: Præter hanc tamen aliæ quoque suos priuatos aut peculiare dominos agnoscebant, Inter has Tacuba & Cuyoacan erant. Harum ciues, cum stragem factam cognouissent, Azcapuzalcanos, vt

Tr 3 rebel-

rebellionem facerent, & bellum restaurarent, continenter instigabant. Hi verò, cum infirmitate sua trutinata, Camarinam mouere nollent: Cuyocanis ipsis, continuandi belli libido incessit. Quod ut cum paratiore manu ordirentur, vicinas omnes prouincias sibi socias quærebāt. Sed his plerisq; citra causam Mexicanis implicari, stultum videbatur. Tandem vero, vbi cum Mexicanorū fortuna vicinorum quoq; odiū & inuidia augesceret, cæperunt Cuyoacani Mexicanorū vxores, rerū emendarum gratia in forum suum ingressas, omnipetulantia ac ludibrio cōtemerare. Idē & viris, quos attingebāt, factitabant. Hisce ergo iniuriis & contumeliis offensus Mexicanus Rex, mandato promulgato ciuibus vniuersis edixit, ne quisquā deinceps ad Cuyoacanos pergeret: sed nec Cuyoacani in Mexico admitterentur. Iam ergo hac occasione arrepta, Cuyoacani de bello Mexicanis intentando ratē decreuerant: sed ita, ut prius ipsos insigni quadam contumelia iniusta irritatiores redderent. Id ita instituebant. Ad festum solenne quoddam nonnullos Mexicanorum honoris gratia inuitabant. Cæterum cum & cibariis lautis, & ludis variis prolatis omnes abundē saturi essent, bellariorum loco vestes muliebres inferri iusserunt, & Mexicanos, ut has induerent, sicque vestiti ad Mexicanos redirent, vi ac minis compulerunt, hoc sommate animi mollitiem & effœminatos affectus ipsis exprobrantes. Pro cuius iniuriæ retaliationē narrant Mexicanos ipsis hoc damnum reposuisse, ut in portis Cuyoacan ingentem fumum excitarent, cuius haustu non prægnantes saltem plurimæ abortum facerent, verum & infiniti alij homines iugularentur. Tandem verò mutæ huiusmodi offensiones belli manifesta causa fuere. Vtrinque ergo magnis copiis congregientes, aperta pugna dimicarunt: in qua magnanimitas Tlacoellēli victoriam peperit. Cum enim regem suum Cuyoacano prælium facturum emisisset: ipse strenuis aliquot militibus stipatus aciem ambiens, hostem è parte postica inuasit, ac fufis plurimis ita coërcuit, ut rupto ordine iam certatim omnes ad ciuitatem conuersi tenderent.

Cum vero Tlacaellēli videret, hostes profugos in templum vicinum approbè munitū se recepturos: ipsos cum sociis tribus militibus, anteuertens, templū vi occupat, & subiectis lignis ipsum exurens, in campi planitiē hostes retrōpellit. Vbi crudeli strage quā plurimi fundebātur, & viui in montana quoquo uersum cogebebātur. Quos cum Mexicani frēdentes insectarentur, excussis armis, & manibus supra caput complofis, lachrymisq; largissimis profusis, veniā suæ temeritati dari obsecrabāt, quod per ludibrium Mexicanos foëminas dixissent. Et cum se vniuersos pro sclauis ac mancipiis obtulissent, tandem in gratiam recepti sunt. Ita parta victoria cum spoliis amplissimis, pannorum, armorū, auri, argenti, pennarum & captiuorū Mexicani domum reuersi sunt. Hoc in conflictu Culhuacani qui Mexicanis auxilia-

auxiliatum venerant, admodum strenuos se & bellicosos præstiterunt. Quos cum in pugna intrepidè & animosè dimicare vidisset, signis Mexicanis indutos, secum assiduò ceu peritos milites quoquo versum agebat. His verò ac summo duci, ipsique adeò regi victoriæ partem maximam ascribendam fuisse, nemo dubitabat. Captiui siquidem vniuersi fatebantur, suorum partes duas ternasue omninò isto prælio captas esse. At vero quos isti cæperant, his floccos capillorum præciderant: quam notam plerique ferebant. Culhuacanis ergo de præstita fortitudine, non gloria saltem, sed & insignia spolia & agri plurimi à Rege deferebantur. Hac liberalitate suorum quamplurimos, vt fortitudini in bellis studerent deinceps quoq; instigabat.

Cap. XV.

Quomodo Mexicanis Suchimilcos deuicerint.



EPANECANIS ergò ingenti strage à Mexicanis fufis, Suchimilcos quoq; vlciscendi occasio iam ipsis com-
moda videbatur. Hi, vt supra diximus, septem fami-
liarum ex antris egressarum primi erant. Etsi vero in-
ferendi belli Mexicanis causas multas iustasque habe-
rent: non ipsi tamen id primi ordiebantur, sed dum à

Suchimilcis lacefferentur, prouidi expectabant. Suchimilci ergo id tandem inchoabant magno suorum exitio, sicut incautis plerunq; euenit, vt dum malum vitare satagunt, in peius præcipitentur. Verum tamen cum videretur horum nonnullis, fore, vt Mexicanis se quoq; sub iugum mittere conaturi essent: suaserunt populo, vthuic malo maturo consilio obuiam iretur, & Mexicanis pro superioribus ac dominis omninò agnoscerentur. Pars vero maxima feruitutem detrectandam, & cum Mexicanis aperta pugna decernendum censebat. Et hæc potior sententia quoque inualeſcebat. Horum itaque decretum, postquam Rex Mexicanus cognouisset, Tlacaellêlo cum copiis misso, ipsorum fines occupari iussit. Etsi vero vtrique hostes tam numero, quam armorum paritate conuenirent: in pugna tamen modo diuersi erant. Suchimilci etenim turmatim è ciuitate effundebantur: Tlacaellêl vero suas copias in ordines, ac classes alasque ita disponebat, vt hostes promiscuo impetu vndelibet insultantes facile turbaret, & retro ad ciuitatem versos fugarent. Cum hostibus autem ipse quoque Tlacaellêl in ciuitatem irrumpens, templum, in quod confertim sese ingesserant, obsidebat, & subdita flamma exactos, rursus in montana compellebat. Vbi denuo trucidari cæpti, manibus supplicibus hostium gratiæ ac arbitrio sese dedebant. Ita & hac victoria parta Tlacaellêl Dux, insigni triumpho auctus in Mexico redibat. Ingredientem sacerdotes cum cæteris quoque ducibus suffumigabant, & solemnia alia ipsis exhibebant. Rex vero cum sub-

ditis,

ditis, postquam in templo Deo suo de felici successu gratias egisset: postero die ad Suchimilcos contendens, ab iis fidem obediētiæ poposcit, & suum ipsis vicissim fauorem detulit: in cuius signum iussit, ut viam lapidibus à Suchimilco in Mexico, quod interuallum quatuor miliarium erat, cōsternerent, ut eo commodius inter sese commercia & negotiationes agitare possent. Suchimilci verò, quod iussi erant, non saltem lubentes præstabant: sed ipsis quoq; breui tempore bonum Mexicanorum regimen tantoperè arridebat, ut de mutata suæ Reipubl. forma iam oppidò gauderent. Suchimilcorum verò exemplum vicini alij adeò non æmulabantur, ut vel odio & inuidia, vel timore damnorum aduersari Mexicanis non desisterent. Inter cæteros Cuytlauacani, rerum naualium peritissimi, Mexicanos nauali pugna adoriri decreuerant. Qua re ab Iscoalt cognita, vniuersas copias suas cōtra hos emittere statuerat. Tlacaelléli verò aliud consilium placuit, nimirum ut solis iuuenibus emissis Cuytlauacani oppugnarentur. Nec cōsilio successus defuit. Nam in templum abiens, ex cellis pueros eos eligebat, qui à 10. ad 18. annos progressi, instituto suo idonei futuri videbantur. Hos arte palæstrica aliquantisper prius institutos, secum aduersus Cuytlauacanos eduxit, & eo angustiarum hostes adegit, ut trepidi illicò fugam capefferent. Ipsos ergò dum ponè acriter insectaretur Tlacaellél, dominus Cuytlauacanus ei occurrens, & se & suos vniuersos hostium gratiæ supplex obtulit, ac ut trucidationis finis fieret, rogauit. Hoc pacto dicti iuuenes spoliis opimis & hostium captorum magno numero ad sua ministeria redibant. quibus ob id solenni processione obuiam itum est. Qui cum thure expiati essent, pergentes ad idolum adorabāt, & humo sedētes edebāt. Sacerdotes etiam frameis adactis sibi crura sauciabāt, & similia alia solennia præ gaudio factitabāt. Ipse quoq; Rex iuuenes victores deosculabatur: propinqui vero & cognati eosdē comitabantur. Et fama rei gestæ quidē vniuersam terram illam peruolitabat, nimirum quod Tlacaellél, Cuytlauacam pueris expugnatorib. occupasset. Ceterū tot ac tam illustrib. Mexicanorū victoriis partis Tezcucani vsq; adeo in timorē dabantur, ut sese & suam ciuitatē Mexicani Regis clementiæ dedere decernerent. Itaq; Tezcucanus Rex legatos suos cum honorariis amplissimis ad Regem Mexicanum amandans, pacem ac amicitia eius sollicitabat: quam labore facili etiā impetrabat. Consilio tamen Tlacaelléli res his ritibus peracta est. Tam Mexicani quam Tezcucani acies suas proferebant, & pugna imaginaria decernebant. Hac nemo cædebatur, nemo vulnerabatur, sed Tezcucani saltē hostib. sese hoc ritu captiuos dedebāt, & caput sibi Regemq; Iscoalt constituebāt. Nec tamen Iscoalt Regem Tezucanorum loco demoliebatur, sed eum sibi summum consiliariū statuebat: quæ deinde consuetudo ad tempora vsq; Motecumę eius nominis secundi, quo regnate Hispani illas oras occuparūt, iugiter perdurauit. Iam itaq; ipsa quoq;

Tezcucō Mexicanis subiecta, deinceps Mexico ciuitatū ac vicorum finitimorum omniū metropolis erat. Iſcoalt verò, cum 12. annis regnum felici ſucceſſu moderatus eſſet, ſatis concedens, regnum Mexicanum Tlacaellēlo reliquit: cui tamē, vt deinceps intelligemus, reges facere, quam regē fieri, longē præſtantius & laudabilius videbatur.

Cap. XVI.

De quinto Mexicanorum rege, Moteçuma.



NOVI regis electio, vt ſupra dictum eſt, penes quatuor Electores ſtabat. Tezcucano tamen & Tacubano regibus præcipuè eligendi regis priuilegium erat. Hos ſex Tlacaellēl, vt cuius iam autoritas maxima eſſet, conuocans, cum ipſis de nouo rege conſtituendo deliberabat: vbi omnium ſentētiis, Moteçuma, primus,

Tlacaellēli cognatus, rex pronūciabatur. Electio hæc vniuerſis oppido probata ſolenni feſto illicò coornabatur. Rex itaq; ingenti comitatu ad templi thuribula deductus, poſtquam rem ſacram feciſſet, in ſolium regale attollebatur, & pūctis, tigrumq; ac ferarum aliarum, idolo mactatarum, pellibus ornabatur. Ipſe quoq; rex poſtquam ex auribus, malis ac cruribus, copioſum ſanguinē eliciuſſet, Rhetorum orationibus aliquot exceptus eſt. Regis huius tempore ea cōſuetudo inoleuit, vt ante feſtum regiæ coronationis, ipſi regi in bellū aliquod egrediundum eſſet, quo hoſtium plurimos ad facienda ſacrificia capteret. Ea vim legis poſterioribus ſeculis adepta eſt. Rex ergo Moteçuma in prouinciam Chalco, cuius incolæ hoſtes declarati erant, exiēs, acri cum ipſis pugna confligit, & captiuos multos ſecum reduxit. Vniuerſam tamen prouinciam hoc tēpore domare ideò non poterat, quod plerique illius ciues viri fortes & ſtrenui eſſent. Ad coronationem regis ex diuerſis vndecunq; locis turba innumera ſpectandæ ſolennitatis gratia cōfluebat: quibus omnib. lautæ epulæ, nouæ veſtes, comprimis verò egentiorib. offerebantur. Hoc ipſo quoq; die illuſtri pompa tributa regia in ciuitatē inferebantur, vt panni varij Cacao, aurum, argentum, nobiles pennæ, goſſypij moles, Apij ſiue piper indicum, varij generis piſa, piſceſq; fructus & feræ innumerae, & honoraria inſignia, à regibus & regni primatibus nouo regi miſſitata. Hæc omnia diuiſim, pro cuiuſq; prouinciæ ratione, ex ordine in ciuitatē ingerebantur. In prima ſerie anteābulabant aulae ac rationū præfecti, diuerſis armis ſignisq; cōſpicui: cuius pompæ nō pauciores quā ipſius feſti ſpectatores erat. Coronatus & cōfirmatus rex, ad ſuas prouincias ſuſcipiendas ab vno mari ad alterū pergebat, & in omnib. Tlacaellēli, quē merito amabat, conſiliis obſequabatur. Cæterum bellum, quod cū Chalconibus gerebat, magnas ei difficultates pariebat: cum ab his inter cæteros german⁹ quoq; eius frater ab hoſtib. capt⁹ fuiſſet.

Vu

Hunc

Hunc Chalcones sibi regem poscentes, sceptrum submisſe ei deferēbant. Is verò cum aliquoties refragatus, Chalcones nihilominus in proposito obſtinatos pergere videret, reſpondit iſſis, Si ergo, Chalcones, omninò vobis ſententia perſtat, vt me veſtrum regem faciatis, agite, grandem mihi malum in foro veſtro erigite, & in ſublimitate eius ſuggeſtū, ex quo conſpici poſſim, extruite. Quod Chalcones quidem, rati, hæc ipſum auguſtioris honoris gratia eſſlagitare, haud cūctanter conſectū dederunt. Itaque ſuggeſto aſcenſo, cum Mexicanos cōgregatos videret, ad eos hæc verba locutus eſt: ò Mexicani nobiles, viri bellatores, populus hic me ſuum ſibi regē præſtituit. Sed Dij noſtri haud quaquā facient, vt patriæ meæ proditor ſiā. Vos autem meo exēplo diſcite, multo honeſtius eſſe pro patria occumbere, quam hoſtibus ſeſe ſeruum dedere. Vix hæc eſſatus, è ſublimi ſe deturbauit, & totus fruſtulatim cōminutus eſt. Spectaculo hoc Chalcones vſq; adeo in furias acti ſunt, vt lanceis omnes Mexicanos perfoderēt, dicentes, gentem eā contumaciſſimā & obſtinatiſſimā eſſe, cuius cor diabolus obdurafſet. Sequentē nocte horriſonū ac terribilē duarum bubonū, ſibi mutuo q. reſpondentiū, vlulatum obaudiuerunt. Ex quo ſe breui tēpore vniuerſim exciſum iri, haud incaluſſum augurabantur. Rex etenim Moteçuma, cum omni ſua potentia aduerſus hos egreſſus, orās regni eorū vniuerſas latiſſimè vaſtabat. Et per alpes traiciens exercitū, terrā omnē vſq; ad mare aquiloniū occupabat & expilabat. Et hinc iterū conuerſus ad mare Australe, ſuo imperio paſſim omnes prouincias ſubigebat, ita, vt Rex longē potentiſſimus conſtitueretur. Et hæc omnia opē, conſilio, ac prudentia Tlacaelleli, cui vni omne Mexicanorū regnū velut iure quodā debebatur, fiebant. Inter cætera hic etiam ſuaſor erat, ne Tlaſcala prouincia occuparetur: vt his nimirum hoſtibus relictis, iuuentus finitima haberet, contra quos armis ſubinde exerceretur, & vt ex his pro victimis captiui ſemper aliqui prehenderentur. Namque, vt iam multoties repetiuimus, plures ſubinde homines ſimulachris immolari opus erat. Et Moteçuma quidem, ſeu verius Tlacaellel cōſtitutis iudiciis, conſiſtoriiſ, iudicib. prætorib. & ſenatorib. tam elegantem in regno ordinem cōdebat, vt optima rei publ. forma Mexico vel cū ipſa Europa certare potuiſſet. Autoritas ergo regni iam ampliſſima erat, & officiariis idoneis omnia adminiſtrabātur dexterrimè: rexq; ſibi magna ſolennitate miniſtrari ab omnib. patiebatur. Sed & in cultu diuino augendo nihilo ſegniſ erat. Nam & templorum miniſtros plures faciebat, & nouas ceremonias plures veterib. addebat, & leges religioſè tuebatur, templūq; illud auguſtiſſimū, de quo in priore libro dictum eſt, in honore Dei Vitzliputzli extruebat. Quod dum initiaret aut cōſecraret, innumeros homines, diuerſis præliis captos, immolabat. Qui tandem & ipſe, cum 28. annis feliciter regnū adminiſtraſſet, è viuſ exibat: ſucceſſoribus ipſi nec fortuna nec fortitudine pari reſpondentibus.

Cap. XVII.

Vt Tlacaellél regnum delatum detrectarit: & qua sub electionem & gubernationem Tiçocic acciderint.

PRO nouo creando rege, cum ordinarij electores iterum apud Reges Tezcucanum & Tacubanum conuenissent: vota omnia & suffragia vni Tlacaello, vt dignissimo, dabantur. Ipse verò quamplurimis adductis rationū momentis regnum detrectās, electores ad nouam electionē suscipiendam compellebat. Dicebat enim, multo magis id ex regni vsu fore, si regis vicarius & coadiutor, qualis fuisset hactenus, maneret, quam si regnum ipse sibi arrogaret. Confidere etiam vniuersos iubebat, quod nō minorem augendi & amplificandi regni curam habiturus sit, quam si ipse rex coronaretur. Quod exemplum quidem tale videtur, vt simile vix in quoquā alio experiri licuerit: nimirum, labores & regni onera grauissima quenquā sibi imponere, & regni honorē maiestatemq; tamen detrectare. Tum & nemo facile reperitur vsquam, qui, cum sciat, per se vnum vniuersa expediunda esse, alium sibi præferri non dicam toleret, sed & vtrò citroq; roget. Quæ si cominus paulo penitius expēdamus, videbimus sanē, Barbarū hunc ipsis tum Græcis tum Romanis multo æquiores & sapientiores extitisse. Pro exemplo nobis Alexander & I. Cæsar sint. Isti parum fuit, vni mundo imperare. Idem immaniſſimo & crudeliſſimo mortis genere vel fortissimos quosq; ac fidissimos ministros, obtrūcauit, quos de regni affectatione leuiter saltem suspectos habebat. Cæsar vero professum se patriæ hostem declarat, dicens, ius flecti aliquātisper & violari debere, vt regnum teneri possit. Ex quibus, quæ horū regnādi insatiata libido extiterit, nemini nō planū fit. Quanquā & id fieri potuerit, vt Tlacaellél arrogantia grauiore actus, regni delationē respuerit, id magnificentius & gloriosius esse ratus, reges in sua q. manu & potestate habere, quā ipsum regem esse. Singulari quoq; priuilegio Tlacaellél Tiaram gestabat, quod soli alias regi licebat. Sed vt vt sint hæc, ipsum certè factū laude sua nō caret: quæ prætextu eo quoq; illustrior fit, quod putauit, se multo cōmodiorem regno futurū, si subditus esset, quā si caput supremum constitutus, moderatorē nullum haberet. Tlacaellél itaq; cum regnum obstinate detrectasset: votū suum defuncti regis filio Tiçocic, admodū adolescentulo cōferebat. Cui cum responderetur, humeros huius ferēdis tot regni onerib. nō pares esse: vt suos cōiungerent, & onera (cuiusmodi etiā priorib. regib. euenissent) proferre iuuarēt, iubebat. Sic ergo Tiçocic suetis ceremoniis regi electo, nares perterebantur, & ornatus gratia smaragd' plagæ inferebatur: quo vultu in Mexicanis lib. quoq; depict' cernitur. Patri ac pauis hic in nullo similis, ob timiditatē ac mollitiē male ab omnib. audiebat.

Contra rebellantes quosdam prouinciarios egressus, suorum plures perdidit, quam hostiū caput. Cum his domum reuersus, tot se hostes afferre, quotis ad coronationis sacra opus esset, prætendit. Ita cum ceremoniis amplissimis coronabatur. Mexicanos interim id pessimè habebat, quod regem pusillanimum, & bellorum pertæsum nacti essent. Propinato ergo veneno è medio ipsum sustulerunt, cum regni habenas annis quatuor administrasset. Vnde liquet, fortitudinē non perpetuo à parentibus in liberos descēdere. Quo ergo maior auorum gloria ac virtus fuit: eo nepotum pusillanimitas & defectus ignominiosior merito habetur. Ticoici tamen vitia succedens eius frater Axayaca Motezumæ & ipse filius, magna parte refarciuit. Quem Tlacaëllēl defuncto fratri surrogari curauit.

Cap. XVIII.

De Tlacaëllēli obitu, & Axayaca septimi Mexicanorum regis facinoribus.



IRCA hoc tempus summa senectute affectus Tlacaëllēl, fellæ insidens in senatum proferebatur, quoties rerum grauiorū deliberatio incideret. Cum vero exhausta ætate eger decumberet, rex nouus, cui coronæ imponendæ ieiennitas nondum appropinquasset, Tlacaëllēlū inuisens, totus in lachrymas effundebatur, quod persuasum haberet, hoc obeūte de patre patriæ actū fore. Huic Tlacaëllēl suos liberos, filium præcipuè natu grandiolem, qui strenuè se in bellis gesserat, cōmendauit. Cuius cum rationē sedulo se habiturū rex pollicitus esset, paulò post ipsi summi ducis insignia cōtulit. Qui honor filio delatus patrem tanto gaudio afficiebat, vt ex affectu isto paulo post diem extremum obiret. Qui sanè vir, si vitæ æternæ quoq; hæres fieri potuisset, meritò mortaliū omnium beatissimus habitus fuisset. Sua enim prudentia, pauperulam & desolatam ciuitatē, in qua natus erat, tanta potentia, totq; opibus cumulauit auxitq; vt in regnum augustissimum & potentissimum euaserit. Qua causa tam pomposæ etiā ac illustres exequiæ defuncto illi factæ sunt, vt similes ne vlli vnquā regi contigisse cōstet. Vt ergo publicum luctum gaudio aliquo refarciret ciuitas, bellum parare Rex statuit, quo coronationi suæ iusta faceret. Qua ergo summa poterat festinatione in prouinciam Teguantepec, à Mexico, 200. milliaribus distantem sese recepit, & contra rebelles, qui maximo numero sese cōtra regem sociarant, instructissimā aciem eduxit. Incurusione ergo vtrinq; auida facta, Rex Axayaca fugam simulans, hostes in insidias, quib. militum aliquot cohortes stramine obtecti latebant, proleclauit. Hi ergo tēpore dispecto cōmodo è latebris exilientes, hostem mediū concluserunt, & obuios quosq; misere trucidarunt. Tū & ciuitatē ipsam occu-

occupantes, eam cum templo pulcherrimo diripuerunt, & de vicinis quibusuis atrox supplicium sumpserunt. Quo facto, versus Gualtulo portum maris australis, hodiè notissimum, deflexerunt, in Mexico tandem cum spoliis amplissimis redeunt. Ergò quod supererat, ibi cum solennitate augustissima rex & pater patriæ creabatur, vicinis vniuersis ad nouum regem videndum vnde cunque irruentibus. Ab eo tempore Axayaca Rex perpetua cum hostibus bella gerens, cum victoriis gloriosis plerumque domum redibat. In prima acie semper pugnabat. Primus in hostes impetum faciens, socios ad cominus confligendum animabat. Hoc modo gratiam, & boni Ducis titulum apud populos vniuersos impetrabat. Sed nec exteris prouinciis edomitis contentus, vicinis iis quoque frenum iniecit, quos omnimodo coercere non poterant antecessores. Nam à Mexicanis quidam rebelles defecerant, non procul ab ipsa metropoli ciuitatem Tlatelluco extruentes eo loco, vbi hodiè S. Iacobi vicus conspicitur. Seditiosi hi cum paulatim magno numero augerentur, Mexicanos Reges contemptui habentes, nihil non meditabantur, quam quod ad irritandos eos faceret. Ad hos Axayaca legatos amandans, ne quo temerario consilio defectionem faceret, amanter rogabat. Æquum enim esse, vt qui ab vno sanguine descenderent, cum cæteris pariter vnum Mexicanum dominium agnoscerent, & ipsi haud grauatim parerent. Princeps tamen Tlatellucanus admonitionem hanc irrisui habens, Mexicanum regem ad pugnam inuitabat, & nonnullos de suis in iunceta mittebat, vbi latitantes in contumeliam Mexicanorum, instar anatum, aut coruorum, ac ranarum coaxarent. Sed & insidias constituerat, quibus Mexicanos, lacum transgressuros, incautos obtruncaret. Cognita rebellium contumacia, Axayaca copias suas diuidens, partem summo belli duci Tlacaelleli filio tradebat, vt in insidias locatos obrueret, & exigeret. Ipse verò Rex cum cæteris per vias incognitas ac insolitas versus Tlatelluco festinabat. Eò postquam peruentum est, ante omnia, principem ciuitatis, à quo ad duellum inuitatus erat, euocat. Vtrinque ergò cæteris stare & quiescere iussis, duo hi monomachia conferti, aliquandiu strenuè ac fortiter conflagabant, dum tandem Tlatelluco princeps acrius infestanti Axayacæ tergum obuenteret, & retrò pedem referret. Iam itaque Tlatellucanis suum principem fugitare conspicatis, fugere & ipsis animus inceserat: quos tamen rapida festinatione infectantes Mexicani quoquo versum dira cæde fundebant & obterebant. Tlatellucanus princeps fastigium templi conscendens, vt ibi respiraret, quærebat. Hunc tamen exactè semper insequens Axayaca, prehensum de summitate templi deturbabat, vt totus comminueretur miserrimè. Postea subiectis flammis tum templum, tum ciuitatem ipsam exurebat. Interim, dum hæc fierent, castrorum præfectus ipse quoque in excindendis insidiariis apprimè occupabatur. Quos cum ad deditio-

nem cōpulisset, supplicibus tam diu propitius esse detrectauit, dum denuò priore exemplo anatum ranarumq; more vociferarentur & coaxarent. Hoc modo contumeliam propriam augere ipsi cogebantur. Narrant, vel hodiè istiusmodi cantu Tlalellucanis ludum fieri. Qua subfannatione oppidò gauisus Axayaca, triumphator ad Mexicanos redibat. Rex hic summa industria & felicitate regnum vndecim annis moderatus est. Cui defuncto nec virtute nec fortuna impar postea succedebat.

Cap. XIX.

De Autzòl, Regis Mexicanorum octauì, rebus gestis.



LECTORES Mexicani, vt dictum est, huic tantum adeundi regni vota dabant, qui omnibus maximè probaretur. Sic in defuncti huius regis locum Autzòl quoque surrogabatur, quod is apud populum vniuersum maximi fieret. Quod enim in bono duce requiri solet, idem non solum strenuus, sed iuxta quoque mitis & humanus supra modum erat. Quam expeditionem primā impetrandæ coronationis causa instituerat, hæc erat, vt Quaxutatlan incolarum proteruiam, terram opulentissimam inhabitantium, vindicaret. Ea prouincia hodiè quoque omnis nouæ Hispaniæ optima censetur. Belli causa erat, quod Quaxutatlani officarios & rationum regiarum præfectos, tributum passim corrogantes, nefariè obruissent, & contra ipsos seditionem suscitassent. Hos, prius quam totos edomaret Rex, laboris plurimum impèdere cogebatur. Nam in ea illi se loca receperant, ad quæ Mexicani propter magnū interiectum fluuium penetrare haud poterant. Itaque coërcendorum eorum hæc via excogitanda erat. Machinam quandam, fluitandi insule similem, ex virgultis, terra, & lignis aliis construebat. Ea milites suos traiciens, hostes pugna adortus est, & victos pro merito puniuit. Coërcitis his, cum spoliis opimis & victoria gloriosa domum rediens, coronabatur. Hic rex diuersis expeditionibus factis, regni sui pomœria vsq; ad Guatimalam, 300. ferè milliaribus à Mexico, protulit. Liberalis admodum erat. Tempore appendendi tributi, multitudinem populi loco aliquo placito congregans, & dapes, & pannos, & quicquid his simile erat, pauperioribus distribuebat. Pretiosiora verò, vt aurum, argentum, clenodia, cristas, ac arcus, ducibus ac militibus impertiebat, prout cuiusquam dignitas ac meritum poscere videretur. Idem Respublicas multas condebat: & ruinosa ædificia destruebat, eademque innouabat. Cui cum videretur, ciuitatem ab aqua non satis instructam esse, vt quæ limosa & cœnosa semiputeret: ideò bracchium quoddam illius aquæ, qua Cuyoacani vterentur, in Mexico deriuandi consilium agitabat. Quod

Quod cum celebri in ciuitate Cuyoacan imago cuidam reuelaret: monuit is, vt cautè hanc rem tractaret, cauereque, ne fluminis dicti deriuatione ciuitatem ipsam nimia inundatione opprimeret. Sed hoc consilium fraudulentum ratus rex, ministrum aliquem magum comprehensum & adductum emittit. Magus, vbi ministri animū intellexit, iussit ad se vt ingrederetur. Is ingressus magum in vastam & portentosam aquilam mutatum videns, corripiendius animum amittit. Sequentē die, cum indignabundus Rex misisset alium: magus prodigiosæ tigridis formam induens, capto rem hunc quoque elusit. Tercio die, venientes alij, horrendum & terribile serpens animal magum factum conspicati, & ipsi horrore perculsi sunt. Quo diludio cognito rex ad eò ira incanduit, vt Cuyoacanis, nisi magum illicò vinctum traderent, minitaretur, se breui tempore ciuitatem ipsorum euersurum esse. Itaque magus aut timore, aut Cuyoacanorum compulso ad regem ingressus, statim occidebatur. Postea per canales aquam in Mexico deriuari rex curauit. Hanc Mexicanis multis ceremoniis ac ritibus exhibitis comitabantur, & Sacerdotes in sinu maris ipsi suffitus faciebant. Nonnulli fluuij marginem suo sanguine illinebant. Alij tibiis, & musicis instrumentis similibus aduentantem aquam salutabant. Summus verò Sacerdos, Dæ aquis præfectæ habitu indutus, cum vniuerso populo appellenti aquæ occurabat, & eam quasi hospitem acceptabat. Et hæc imago hodiè quoque in fastis Mexicanis, quos Romæ in consecrata Vaticani Bibliotheca ostendunt, depicta visitur. Hanc ac similes historias quidam è societate Pater, isti, qui horum librorum curator est, aliquando ita percensuit: qui quidem re ista suauiter afficiebatur, vt qui pridem illorum explicationem certam desiderasset. Eo ergo, veluti diximus, modo, aqua in Mexico deriuabatur. Quæ tamen primitus tanto impetu irruebat, vt ciuitatem ipsam prope submersisset, quod antea magus fore prædixerat. Nam insultu vndæ violento magna ciuitatis pars diruebatur. Quas noxas tamen Autzòl sua industria faciliè emendabat, & contra alluionem ciuitatem muniebat, quæque diruta erant, reedificabat. Postero omni tempore ciuitas, Venetiarum instar, circumfluis vndis cincta, & oppido firmata constabat. Huic regi, cum vndecim annis regnum administraffet, nouissimus tandem & omnium potentissimus successit, de quo modo dicemus.

Cap. XX.

De magni Moteçuma, Mexicanorum Regis nouissimæ electione.



ANNO à nato Christo 1508. quo tēpore Hispani in nouā Hispaniā appulerunt, Moteçuma II. Mexicanorū regum vltimus imperabat. Hunc verò vltimum regē dicimus nihilominus, etsi post huius fata alius quoque, iam dū uiuo adhuc Moteçuma electus rexit. Moteçuma enim à subditis, hostis patriæ declarabatur, vt deinceps dicemus. Tā vero Moteçumæ successor, quā alter à marchione de Thale captiuus adductus, præter titulum regis amplius nihil tenebant: cum rem & substantiam à prouinciis occupatis Hispani Mexicanis vniuersim ademissent. Ideo Moteçumam iure merito regem nouissimum appellamus, quod sub eo Mexicanorum potentia & maiestas vsque adeo inualuisset, vt admiratione omnino dignum sit, ipsos quoque Barbaros ad tantorum honorum culmen ascendere potuisse. Cum vero hoc regnante tempus id appropinquārit, quo Euangelium de regno Christi gentibus his annunciarī Deo placuit: ideo, quæ sub ipso gesta sint, paulò fusius enarrabuntur. Moteçuma Rex taciturnus admodum erat. Ob id, quoties in senatu loquebatur, plerique obstupecebant. Nedum rex designatus, à plerisque impensius colebatur. Plerumque autem in certo quodam templi Vitzliputzli loco agebat, vbi, vt fama erat, cum suo Deo conuersabatur, initiato per omnia similis. Is ergo cum propter generis nobilitatem, tum animi magnitudinem maximi semper æstimatus, nullo contrā pugnante rex eligebatur. Cum factæ electionis nunciū accepisset, in dicto templo sese occuluit: quod vel graue putaret, tam amplo regno, totque populis iura dare: vel dominandi non admodum auidus esset. Sed è latibulis protractus à populo in consistorium educebatur. Is tam graui incessu erat, vt vniuersi, ipsum iure Moteçumam, id est, grauem dominum appellari assererent. Ingradientem in consistorium electores submisso gestu salutantes, suum regem pronunciabant: qui ob id rectà diis sacrificatum pergens, ex auribus, genis & cruribus pro solito more sanguinem eliciebat. Ornata regio induto nasi imum pertundebant, & plagæ smaragdum infuebant. In folio suo confidens, seuerò vultu recitatas orationes attendebat. Quarum primam à Tezcucano rege habitam, historia his ferè verbis refert. Ex applausu populi & iubilo publico, o nobilis iuuenis, quanta te nobis rege constituto salus regno nostro obtigerit, satis superque intelligi potest. Magnanimitatem enim ac fortitudinem sceptrā tenentis, gubernandi populi numero correspondentem esse, omnino æquum videtur. Cum vero à Deo nostro scientia, prudentia

dentia ac animi moderatione singulari donatus sis: meritò vniuersi hanc ciuitatem Deo curæ esse dicemus, quod, quo imprimis egebat illa lumine, ipsi largè id contulerit. Quis enim dubitet, principem illum, qui, priusquam rerum potiretur, nouem cælos suo scrutinio penetrauit, nunc regem electum non simili sagacitate res terrenas, quibus populi commoda ac salutem vegetare possit, seriò meditaturum esse? Quis ambigat, quin cum tua virtus in aliis arduis efficax fuerit, nunc quoque, cum opus est, eadem viuida futura sit? Quis est, qui putet, te regnante, viduas ac orphanos desertum iri? Quis inficietur, te à summo rerum conditore nobis concesso, imperij vigorem in summo gradu constitutum esse? Quæ sanè dum prodis, in eum digitum intendis, qui te respexit. Exulta igitur, ô felicissima terra, datum cælitus tibi principem esse, qui tuæ quietis fulcrum & columna existat: qui tibi pater & tutor sit: qui tibi opem & auxilium ferat: qui forte tua afficiatur: qui misericordiam tibi præstet. Tibi verò, ô rex, hoc persuasum habe, dum hæc sceptrā tenes, non in otio tibi vitam deliciosam futuram: sed scito, quod frequentes curæ somnum tuum multoties interrupturæ, & cibus etiā suauissimus insipidus ac amarus futurus sit. Iubila, ô felix regnum, iubila. Et tu quoque, potentissime rex, confide, & viue. Cum enim, qui vniuersa condidit, hoc tibi munus imponat: eundem quoque vires tibi ac eius obeundi robur clementer impertiturum esse, certò credere debes. Huic ergo benigno largitori in omnibus fide. Orationem hanc rex tam profundo & attento animo auscultabat, vt ter responsurus, ter in lachrymas effusus sit. Tandem tamen recollecto animo ita fari cæpit: cæcus quidem sim, ô rex, nisi quæcunque à vobis in me collata sunt, à mero affectu profluxisse videam. Præterquam enim, quod multi eximij & præstantes in hoc regno heroes reperiuntur: vni tamen mihi, omnium indignissimo manus tuas imponere voluisti. Tantillum enim in me industriæ & dexteritatis inuenio, vt, quid agam, nesciam aliud, nisi vt omne perfugium meum in eum collocem, qui vniuersa solus creauit. Quem de auxilio vt mecum inuocetis, oro. Vix hæc tanta profatus, singultus in lachrymas denuo erupit.

Cap. XXI.

Quo modo Moteçuma res suas constituerit, & vt pro coronationis auspicio expeditionem instituerit.



MOTEÇUMA, postquam modestiæ & humilitatis suæ largis in electione profusis lachrymis astantibus indicium fecisset: cæpit paulò post conuersus insolentiæ ac fastus sui signa non leuiora promere. Mandabat enim continuò, ne quisquam è plebe & viliori-

bus in domo eius quaecunque munus obiret: & prædecessores suos hac de causa præcipuè criminabatur, iuxtaque constituebat, ut vniuersi nobiles ac magnates in suo palatio versarentur, & aulica munera omnia administrarent. Ob hanc nouitatem cum à Seniore quodam, magnæ existimationis viro admoneretur, ut diligenter caueret, ne hoc instituto animos populi sibi alienos redderet: hoc ipsum vnicum sese querere, præcipit atque respondit. Nec enim se passurum dicebat, ut nobilitas cum plebe, sicut hactenus factum esset, confunderetur. Hanc enim palmariam hucusque causam fuisse, quod tam contemptæ autoritatis omnes antecessores ipsius extitissent. Iubebat ergo, ut ab officiis omnibus populares amouerentur, & eadem solis nobilibus curanda offerrentur. His confectis, quæ ad coronationem maturandam porro necessaria erant, accurabat. Eo tempore verò provincia quædam remotissima iuxta mare boreale sita, regno Mexicano rebellabat. In hanc expeditionem faciens rex, selectissimos quosque secum ducebat, armis ac ornamentis pulcherrimis oppidò instructos. Hoc verò bellum tanta festinatione ac prudentia gerebat, ut breui tempore vniuersam provinciam subigeret. Rebellionis reos, graui supplicio plectebat, & captiuorum ad sacrificia ingentem numerum cum spoliis opimis domum ducebat. Reuersum vniuersa ciuitas gratulabunda magnificentissimè accipiebat, & magnates manibus eius aquam ministrabant, & munia seruilia cætera obibant. Coronationis autem festum in Mexico, tot solennitatibus, comædiis, ludis, cantilenis, poematisque exhibitis, ac tributis tam amplis ex vniuersis regnis illatis exigebatur, ut simile quid antecessorum tempore nunquam visum sit. Porro & vndecunque concurrentium hominum tanta multitudo sese aggregerat, ut capiendis vix locus esset. Nam & Mexicanorum hostes, simulata persona, ex Tlascalâ & Mechoaca spectandæ pompæ ac solennitatis causa, confertim irruebant. Qui cum apud regem proderentur, iussit, ut hospitibus & epulis non seipso quidem leuius aut tenuius tractarentur: quorum in gratiam etiam theatra ac fenestras extrui curabat, ut certiores solennitatis spectatores essent.

Recensuimus superius, Mechoacanos aliquoties Mexicanorum copias fuisse. Idem Tepeacæ quoque ciues, qui regno Mexicano sese perpetuò opposuerunt, fecerant. Hac ipsa in provincia Marchio Ferdinandus Cortès, cum Hispani è Mexico profligarentur, primam pro Hispanis ciuitatem condere incepit, si rectè meminimus Segura de La Frontera, id est, Castellum finium dictam. Tepeacanos ergo, cum Tlascalanis & Mechoacanis, Mexicanis semper obluctatos fuisse, certum est: & tamen hos Metecuma ideo se extirpare noluisse, Cortès marchioni respōdit, ut simul haberent ipsius milites, quibus antagonistas exercerentur, & iuxta captiuorum necessarius numerus inde expromeretur.

Cap. XXII.

*De Moribus ac Pompa & Maieſtate Mo-
tecuma.*



ASTV hic rex vsqueadeò turgidus erat, vt pro Deo etiam coli & adorari se iuberet. Ex plebe vultum eius intueri nemo audebat. Hoc qui fecisset, occidebatur. Pedem nudæ terræ nunquam imponebat, sed magnatum humeris assidue gerebatur. Ex sella descenduri pedibus tapetes pretiosas substernebant, per quas ingrederetur. Vestem eandem secunda vice non induebat: sed nec ex eadem patina aut poculo bis edebat potabatque, sed vniuersis his subinde innouatis opus erat. Semel vsibus exprompta, ministris obijciebat vsurpanda. Leges ab ipso conditæ strictè & rigorosè seruandæ erant. Partis victoriis, cum ab exteris domum rediret, recreationem aliquam captandam prætendens, mutabat habitum, & qua fidelitate quæstores circa census & tributa versarentur, venabatur. Negligentes & infidos, vltimo supplicio afficiebat. Idem in officiariorum cæterorum quoque fide expiscanda peregrino indutus habitu subinde satagebat. Scrupulosè etiam inquirebat, an qui ministrorum ac iudicum aut muneribus se corrumpi paterentur, aut causas iniustas tueri solerent. Qua in culpa quoscunque depræhendebat, nulla mora iugulabat, nulli nec cognato, nec magnati, nec fratri quidem proprio parcens. Parcè admodum ac rarò cum suis conuersabatur, nec in conspectum hominum facillè se efferebat: sed vt plurimùm secum secreto in cōclau de rebus regni deliberabat. Præterquam quod seuerus iudex esset, strenuus quoque dux & moderator habebatur: in bellis supra modum felix & victoriosus. Quæ laude haud parum etiam insolescebat. Quæ huius fatū antegressa prodigia sint, cum in Historia Hispanica longa & eleganti serie deducta reperiantur, non inconueniens arbitramur, nostro idiomate reddita hic aliquantisper æmulari,

Cap. XXIII.

*De variis & insolitis prodigiis ostentisq; ante Mexicani regni
fatum in Mexico visis auditisq;.*



VAMVIS diuinationibus & prognosticis fidem dari Deut. 18.
sacra Pagina vetet: & diuus Ieremias, ne à signis cæli Ier. 10.
gentium more metuamus, suadeat: contra tamen ex
ipsa quoque sacra Scriptura docemur, quod quæ in
mutationibus vniuersalibus, à Deo institutis, signa
& ostenta insolita aliàs & inusitata præambulāt, non

omnino spernenda & abiicienda sint, sicut id Eusebius Cæsariensis innuit, cæli nimirum terræque creatorem noua & rara in cælo, Elementis, animalibus & creaturis cæteris signa edere, vt humano generi partim admonitioni, partim supplicio eadem existant. Libro Machabæorum 2. capit. 5. legimus, ante insignem mutationem & filiorum Israël persecutionem, quam Antiochus Epiphanes, in sacris literis radix peccati dictus, fecit, per vniuersam Hierosolymorum ciuitatem diebus quadraginta per aëra equites discurrentes auratas stolas habentes, & hastas quasi cohortes armatas, & cursus equorum per ordines digestos, & congestionem cominus factas, & scutorum motus, & galeatorum multitudinem gladiis districtis, & telorum iactus, & aureorum armorum splendorem, visa & conspecta fuisse: & vno voto vniuersos orasse, vt monstra ea in bonum verterentur.

Sap. 17. Libro Sapientiæ docemur, cum Deus populum suum ex Ægypto educeret, vt terram illam puniret, varia ibidem quoque prodigia (quæ illic recensentur) apparuisse, & populis horrorem incussisse. Iosephus quoque libro de bello Iudaico, quatuor diuersa spectra ante excidium Hierosolymitanum, & postremam infelicis populi captiuitatem comparuisse testatur: quæ Eusebius Cæsariensis & alij ex Iosepho deinde mutuati sunt, & prognoses istas affirmarunt. Et in omnibus passim historiis huiusmodi monstra vniuersales Rerum publ. euerfiones plerumque præcessisse, legimus. Paulus Orosius horum non pauca in suis obseruationibus recenset, certè non omnia vana. Etsi enim vanitas sit, ac expresso Dei verbo vetetur, superstitiosis signis fidem dare: huiusmodi tamen signa, quæ alterius generis sunt, ac regnorum & imperiorum mutationes verè præcedunt, non vniuersim explodenda videntur. Credamus igitur firmiter, summam Dei sapientiam hæc nobis signa ideo immittere, vt futurorum euētuum præludio & nobis admonitioni sint, vt incumbentem poenam euitemus, & ipsius cæli rectorem emendatione probrosæ vitæ propitium nobis reddamus. Ideo à Deo quoque ita constitutum est, vt mutationem omnium maximam & grauissimam, diem nimirum iudicij extremi antegressuram, maxima quoque & truculentissima prodigia præcessura sint. Nam vel leuioribus etiam mutationibus impendentibus plerumque diuersis locis apparitiones singulares fiunt, quas pro sua sapientia Deus certo fine immittit. Sciendum quoque est, diabolum ipsum, etsi pater mendaciorum sit, mandato ac iussu summi monarchæ, nonnunquam puram veritatem suis quidem ingratis ac inuito confiteri cogi. Ita clara voce inuitus per obsessi hominis os exclamauit: Sine, quid mihi & tibi Iesu Nazarene? venisti perdere nos. Idem per ancillam Pythonem habentem de Paulo & Sila testatus est ita: Isti homines serui Dei excelsi sunt, qui annūnciant vobis viam salutis. Idem per somnum Pilati etiam vxorem torfit, vt suo viro diceret, ne quid cum illo iusto haberet. Præter sacras verò

2. Mach. 1.

Sap. 17.

Euseb. lib. 1. de
hist. Eccl.

Luc. 4.

Act. 16.

verò literas aliæ quoque historiæ rerum similium de Idolis pro confirmanda Christiana doctrina locutis mentionem faciunt, sicut ista apud Lactantium, Prosperum & alios videri possunt. Idem Eusebius in lib. de præpar. Euangel. & demonstr. longa serie explicat. Quæ omnia eo fine hic citamus, ne quis ea contemnat, quæ in fastis Indicis, de spectris & horum præfagiis occurrunt. Sed ad historiam. Moteçuma ergò cum aliquot annis successu prosperrimo regnasset, eò vsque insolentiæ ac fastus contendit, vt non secus ac Deus adorari colique posceret. Deus ergò sceleris iustam ultionem parans, per ipsos quos adorabat diabolos, illum prius admoneri voluit. Qui interitum regni regisque tot prodigiis ac ostentis præmonstrarunt, vt vel plura vel horridiora ibi nec visa nec audita vnquam fuerint. Quibus spectatis, Moteçuma adeò præcipitabatur, vt porrò consiliorum suorum nullam rationem sciret. Simulachrum in Cholola, Quezalcoalt vocatum, publicè nūciabat, peregrinum populum appellere, qui regnum id inuasurus & occupaturus sit. Tezcucanus rex, insignis magus, & fœdere singulari diabolo obstrictus, Moteçumam extraordinario tempore visitans, ab Idolis suis se percepisse asseribat, ingentem vniuersi Mexicani regni mutationem præforibus esse. Similia alij quoque magi testabatur. Inter hos vnus sigillatim, quæ euentura essent, prædicebat. Quem dum rex adhuc loquētem audiret, desubito sibi tum in manibus, tū pedibus vniuersos digitos deesse animaduertit. Quare ira tantoperè excanduit, vt omnes magos in vincula coniiceret. Qui tamen ex carcere breui disparuerunt. Ita delusus, cum ira eius adhuc grauius exacerbaretur, missis sicariis, magorum vxores cum liberis crudeliter dilaniari, domosque eorum funditus euertere curauit. Cæterum consentientibus omnium præfagiis, suum & regni excidium præforibus esse, sentiens, ad placandos Deos animum appulit, & grandem quendam lapidem, in quo efficacia sacrificia fierent, aduolui iussit. Ad hunc cum operarij quamplurimi admouendum egredierentur, vectibus atque contis emotioni necessariis instructi: coniunctissimo tamen nisu ne tantillum quidem eum loco mouere poterant, adeò vt tentando vectes plerisque confringerent. Ipsis tamen metu regis in lapide emotando extremas vires tentantibus, proximè apud lapidem vox talis personuit: Frustra quæso nihil molimini. Qui enim vniuersa creauit dominus, vestras superstitiones diutius haudquaquam tolerabit. Hoc prodigio ad regem enunciato, vt eodem ipso loco sacrificium super lapidem fieret, indignabundus mandauit. Quod dum adornaretur, vox alia talis obstrepuit: Non dixi vobis, dominum, rerum omnium conditorem velle, talia ne deinceps fierent? Et hoc vt verum esse videatis, aliquousque me quidem promoueri patiar, sed ab eo ulterius me non voluetis. Id hoc ipso pacto euenit. Nam primò aliquousque prouolutus, postea totus immotus iacuit. Rogantibus autem illis, vt porrò quoque moueri se pateretur:

ad ciuitatis Mexico introitum prolatus, nemine cauente repente in aquam decidit. Diu postea & curiosè ibidem quæsitus, illic quidem inuentus non est, sed post aliquod tempus tamen in loco priore, unde euolutus erat, denuò spectabatur. Qui euentus stuporem vniuersis iniecit. Porro circa hoc ipsum tempus flamma quædam lucidissima, forma pyramidali in cælo spectabatur. Quæ media nocte ascendens, manè sub ortum solis in plaga meridionali comparebat, & ibidem repente euanescebat. Et singulis vniuersi anni noctibus perpetuo more flamma hæc exoriebatur. Illa emergente, populi omnis multitudo altè vociferabatur, quod rem tristem imminere auguraretur. Tum & ipsum templum ardere cæperat, cum tamen nec intus faces, nec foris fulgura ac tonitrua sentirentur. Et licet clamore vigilum infiniti quidem homines ad flammam restringendam acciti confluerent, omnis tamē omnium conatus irritus erat, tēplumque ipsum in meros cineres deflagrabat. Nam quo copiosior aqua ardentibus lignis infundebatur, eo plus flamma crescebat & dilatatur. Sed & medio die cometam surgere videbant, cuius cauda ab occidente in ortum proiecta, scintillarum ingentem vim expuebat. Caudam hanc admodum promissam fuisse, & in extremis eius tria veluti capita adhæsisse, perhibent. Magnus intra Mexico & Tezcucolacus citra ventos ac terræ motus subito ebulliebat, fluctusque tanto æstu fremebant, ut vicina omnia ædificia corruerent. Vocem etiam aliquoties lamentabilem, querulæ sceminæ similem auditam esse perhibent, quæ ita sonuerit: O mei filij: vestrum iam ante fores exitium. Et paulo post: O mei filij, quonam vos agere, quo abducere poterò, ut non vniuersim pereatis? Sed & monstra nonnulla, tribus capitibus horrida capta sunt. Quæ ante regem producta, euanuere. Sed his vniuersis duo insignia monstra alia longè truculentiora visa fuerunt. Vnum in lacu à piscatoribus captum auem, gruis magnitudine, specie omniuò peregrina & ignota referebat.

Hoc Moteçumæ exhibebatur, cum in eo palatio ageret, quod lugubre vocabāt, fuligine vniuersum atratum. Sicut enim singularia gaudio parata conclauia habebat: ita tristitiæ quoque alia dicata non desiderabat. In hoc ergo cū Deorum cōminationes & prædигiorum malas ominationes secum profundius ruminaret: auis monstrosa illa ad eum inferebatur, quæ supra caput quiddā pellucidum & speculi modo transparens exhibebat. In hoc Moteçuma pulchritudinē cæli ac vniuersorum astrorum cum stupenda admiratione primò contuens, cum deinde oculos cælo rursus aduertisset, illud stellis penitus orbem vidit. Postea iterum in speculum inspectans, grandem exercitum ab oriente surgentem, pugnantem, cædentem & prosternentem cōtuitus est. Quod ipsum etsi harioli regis quoque viderēt, tamē quid esset, aut significaret, explicare minimè poterāt. His visis, auis, magna Moteçumæ contristatione disparuit. Monstrum secundum hoc e-

rat,

rat. Rusticus quidam pannosus & vilis, Moteçumam alloquens, hæc narrabat: Elapso die cum agrum coleret, inusitatæ magnitudinis ac vastitatis aquilam quãdam ad se prouolasse, & ad antrum quoddam illæsum abripuisse. Hoc se ingresso, Aquilam hæc verba edidisse: Potentissime domine, quem me adducere iussisti, en astat. Cum verò, cuinam aquila loqueretur, dispiceret, neminem, vsquam inuentum fuisse: vocem tamen se compellantem audiuisse, quærentem ita: An, qui supra terram porrectus iacet, virum istum nouisti? Tum verò se oculos quoquo versum contorquentem, virum ante se tensum porrectumque vidisse, qui graui sopore oppressus, pastillum seu fasciculum fragrantem ellychniorum prout mos patrius fert, manu premeret, & regio habitu cinctus iaceret. Quem cum accuratius aut attentius contuitus esset, Moteçumam eum esse deprehendisse: Respondisse se ergò, virum hunc Moteçumam videri. Tum vero vocem reddidisse: Rectè ais. Sed denuo vide, quam veterinosus iaceat, securus omnium periculorum, quæ breui ipsum oppressura sunt. Iam tandem illud tempus est, vt, quod tyrannide ac fastu in Deum peccauit, abundè luat & expiet. Ipse verò adeo securus quidem socorsque iacet, vt misérias suas ne olfaciat quidem. Hoc vt testari possis, en, ardens ellychnium eius manibus euellere, & illud femori intenta, videbisque, dolorem ipsum non sensurum. Id cum facere recusaret, vocem denuo clamasse: nihil metuas, nihil: nam immenso ac infinito modo rege potentior sum egomet, quem vel delere vel seruare mei arbitrij est. Itaq;, quod iubeo, exequere. Tum vero se è iacentis manibus ellychnium extricasse, & femori eius admouisse, nec dolorem sentientis, nec quoquam se mouentis. Hoc facto vocem dixisse: Cum ergo videas, regem vsq; adeo socordem & soporosum existere: perge, & ipsum exuscita, & quæ vidisti, ipsi sigillatim enarra. Hisce transactis, iubente domino ab aquila se in pristinum reductū locum esse. Narrant Moteçumam his auditis femore inspecto, stigma iniustum ibi deprehendisse. Quod quæ factum sit, cum nesciret, in mœrorem acerbissimum ruisse. Permissu quidem Dei hæc aut à bono aut malo angelo patrari potuerunt, vt istis Moteçuma de futuris tragicis euentibus admoneretur. Tradunt enim sacræ literæ, visa huiusmodi gentibus quoque incredulis obuenisse, vt Nebucadneziari, Baalamo, & pythoniæ Sauli. Porro, etsi hæc nō omnia prædicto modo se haberent: certissimum tamen est, Moteçumam admodum obtristatum fuisse propter tot vnà concurrentia prodigia, quæ de regno eius interituro tam exactè vaticinarentur.

Dan. 2.

Num. 22.

3. Reg. 2.

Cap. XXIV.

De nuncio ad Motecumam allato, Hispanos in littore esse: & de legatis ad hos ab ipso missis.



N N O regni Motecumæ 14. nati verò saluatoris nostri Christi 1517. in boreali oceano naues, multis populis conspicuæ apparuerunt, magna sanè Indorum admiratione. Qui vt sciscitarentur, quæ nā illæ gentes essent, Canois suis, cibariis variij generis, ac pannis, vendendi specie onustis, ad ipsas naues quāproximè successerunt. Illis verò ab Hispanis in naues receptis, pro cibis ac vestibus fila aliquot lapidum rubrorum, flauorum ac viridium data sunt: quos Indi pro gemmis accipiebant. Et cum de regis sui magnificentia multa iactassent, discedentes dicebant, se gemmas has suo domino dono exhibituros esse. His ergo Hispani mandabant, vt regi suo nunciarent, quod, qui dedissent hæc, ipsum iam conuenire non possint: facturos tamen, vt in reditu suo ipsum compellent & inuisant. Hoc nuncio Indi in Mexico properabant, & in linteis, quæcunque vidissent, accuratè depicta ferebant, nempe tum ipsas naues, tum homines, & horum habitum: & simul acceptos ab ipsis lapillos quoque promebant. Quibus auditis, cum Motecuma oppidò obstupesceret: ne quicquam cuiquam de his reuelarent, nūciantibus seriò interdixit. Sequentē die consiliarios suos cogens, pannos ac lapillorum lineas iis ostendens, quid his rebus mediij obuertendum sit, in commune consulere iubebat. Sententiis collectis, decretum est, vt in littorib. maris diligentes excubiæ fierent, & si quid noui accideret, ad regē maturrime enunciaretur. Sequēte anno 1518. è littoribus classem illam prospectarunt, quam Marchio de Thale, Don Ferdinandus Cortès moderabatur. Huius indicio accepto, Motecuma grauitè percellebatur. Et cum de istis rebus cum subditis conferret, vniuersi responderunt, haud dubio auum magnum Quetzalcoal, qui iam ab oriente, quo abierat, rediret, classis illius præfectum esse. Nam per omnem Indiam passim magnus rumor vagabatur, quod olim à potentissimo quodam domino deserti fuissent, qui abiens ipsis certum reditum spoponderit: de qua re alibi planius acturi sumus. Tādē verò communi decreto, cum honorariis amplissimis quinque insignes legati ad Hispanos emissi sunt, qui eos pro more exciperent & salutarerent, dicerentque, nihil se nescios esse, magnum imperatorem Quetzalcoal iam rursus appellere: ideoque seruum eius Motecumam ad ipsum legatos amandasse, qui dicerent, Motecumam Quetzalcoal seruum esse. Legati autem Hispanos Indi cuiusdam, Marinæ, quem secum adduxerant, interpretatione intelligebant.

Is enim Mexicanæ linguæ peritus erat. Hanc itaque salutationem Ferdinandus Cortês admodum proposito, suo in ciuitatem ingrediundi idoneam fore ratus, conclaue suum exornari iubebat, & Legatos ad se intromittebat. Hunc Indi tanta submissione & veneratione adibant, vt quin adorarent, parum abesset. Dicebant autem, seruum Moteçumam ipsum saluere iubere, & gubernatoris loco ciuitatem eius hæctenus moderari. Scire enim se, iam aduenam non nisi Tolpicni esse ipsissimum, qui ante plurimos annos ad Mexicanos reditum pollicitus esset. Iuxta Ferdinando quoque vestes eas, quas Tolpicni, cum inter ipsos olim versaretur, gestare solebat, offerebant, deuotè rogantes, vt eas cum cæteris oblatiis donariis accipere non dedignetur. Acceptis muneribus Cortês se ipsum illum esse, quem salutarent, respondebat. Quod Legatis apprimè placebat, se tam familiariter & amicè ab aduenis tractari haberique. Quæ certè Ducis huius comitas meritò laudanda est. Omnino enim secum decreuerat, gentem hanc beneficentia & lenitate lucrari: cui instituto iam delatæ occasiones non inidoneæ futuræ videbantur. Etsi verò, vt diximus, Cortês votum hoc vnicum haberet, vt comitate & mansuetudine gentes has ad Euangelium agnoscendum inuitaret: enormia tamen immanissimorum istorum homicidarum, ac Sathanæ mancipiorum peccata de cælo ingentem pœnam sollicitabant: adeò vt moderationi Christianæ nullus hic locus esset. Radix enim arefacta excindenda erat: vt vnus cæcitas dicente Apostolo, alterius beatitas esset. Postero die Duces & classis præfecti vniuersi in prætoria naui deliberabant, qua via, quo modo, cum Moteçuma Rex admodum opulentus & potens sit, autoritatē sibi quandam apud Mexicanos conciliarent, vt ab ipsis strenui Heroes haberentur, & vt, licet numero pauciores, præ incolarum formidine in Mexico facile reciperentur. Isti captationi vt viam aliquam struerent, tormenta simul omnia, quæ in nauibus erant, certatim displodebant: quo fragore Indos, rerum harum nescios vsque adeo terrebant, vt cælum sibi in caput deruere putarent. Postea Indos ad conflictum Hispani inuitabant. Quod cum Indi detrectarent: magna infamia timiditatem ipsis Hispani exprobrantes, deinceps eos durius tractabant, & gladios, hastasq; & bipennes, armaq; similia, metus & formidinis incutiendæ gratia ipsis ostendebāt. His iam factis offensi Indi, de Hispanis longè aliam sententiam ferebant, dicentes dominum ac regem suum Tolpicni inter ipsos haud quaquam versari, sed eos Deos hostesque peregrinos esse, qui ad perdendos se huc contendissent. Legatis verò in Mexico redeuntibus, Moteçuma in domo quatuor columnarum sacris vacabat. Ad quem priusquam itarent, infelix homo magnum captiuorum numerum mactabat, quorum sanguine Legatos perspergens, hoc ritu felix nuncium captabat. Cum verò de forma nauium armorumq; indicium acciperet, horrore totus rige-

bat:tandemque multis deliberationibus habitis decernebat, ad hos aduenas exigendos & perdendos nullum medium commodius pro-
 stare, quam vt eos vi magica, quam artem admodum familiarem ha-
 bebant, & per quam maxima sæpius opera cōmunionē diaboli con-
 fecerant, arcerent. Congregati ergò vñdelibet magi Moteçumæ iu-
 ratò stipulabantur, hos peregrinos è suo territorio penitus eiicere.
 Quo factò in secreta & commoda loca, vbi cum diabolo delibera-
 rent, & ex arte sua efficacius operarentur, secedebant. Tentatis itaq;
 tentandis omnibus, nulla tamen parte Christianis nocere se posse vi-
 dentes, ad regem redeunt, dicuntque, qui foris in nauibus versaren-
 tur, altiores & potentiores cæteris hominibus esse, vt quibus nulla
 incantatio, nulla effasciatio damnum inferret vel minimum. Hoc
 ergò medio nihil succedente, viam Moteçuma aliam ingressus, si-
 mulat, quasi aduentu hospitum apprimè delectaretur: & per omnes
 suas prouincias mandat, vt subditi cælestibus diis istis iam aduenis
 in omnibus ministrarent, & parerent. Nuncium hoc, & quod si-
 mul Hispani de ipsorum Rege, & eius regni ratione & opulentia cu-
 riosius inquirerent, Indos vniuersos in mœrorem maximum con-
 iectabat. Quæ res vel ipsi quoq; regi id intelligenti diuidiæ erat. Cum
 verò magos suos iterum, quid faceret, consulisset, iusserunt, vt se ali-
 cubi absconderet. Facturos se etiam promittebant, vt in ea loca ab-
 duceretur, vbi à nemine mortalium vnquam inueniri posset. Hoc
 cum ipsi consilium inane videretur, decreuit, hospites suos expecta-
 re, et si cum vitæ dispendio ea res futura sit. Tandem verò è palatio
 suo regio in aliam domum se efferebat, vt in illo peregrini Dij com-
 modius haberent.

Cap. XXV.

Qua ratione ac modo Hispani in Mexico venerint.



V M nostri minimè instituti sit, de Hispanorum, no-
 uam Hispaniam occupantium, rebus gestis, vt & de
 singulari Ferdinandi Cortès prudentia ac magnani-
 mitate longius tractare, siquidem illa omnia ex eo
 tractatu, quem dictus Ferdinandus ad Carolum V.
 Imperatorem edidit, commodè repeti possint: id ta-
 men hoc loco percensebimus, quod ab ipsis Indis de hac re edocti
 fumus, & quod in nullis Hispanorum libris reperitur.

Moteçuma ergo intelligente, classis præfectum cum Tlasca-
 lanis suis hostibus fœdus ac amicitiam pepigisse, & Chololanos,
 suos amicos, miseranda strage fudisse: fraude excogitata quendam
 suorum primariorum signis & ornamentis regiis conspicuum sub-
 orna-

ornauit, qui se Moteçumam simularet. Sed præfecto dolum hunc Tlascalani prodebant: vt ob id Cortês Moteçumæ idignominiosè exprobraret, quod dolis ipsum decipere satègisset. Quo audito rex multo grauius perculsus, magos prioribus longè numerosiores conuocat, & nisi peregrinos istos suis artibus ex territorio eliminarent, ipsis crudelem mortem minitatur. Magi id regi recipientes, magno numero in viam illam secundum Chalco, per quam Hispanos penetrare oportebat, tendunt, & ibi loca editissima occupant. Ad hos Tezcalipuca, Deorum, quos illic venerarentur, primarius, ex castris Hispanicis se inferebat, vestibibus Chalcarum ritu indutus, & pectus funiculo ex sparto, corpus octies ambiente, cinctus, totum se amentem, temulentum, lassum & furiosum simulans. Ad gregem verò magorum veniens, restitabat, & magna indignatione motus dicebat: vt quid denuo huc reditis? quidve per vos Moteçuma molitur? Serio serio, sapit ille. Iam enim immotè decretū est, vt honoribus, regno, ac omnibus possessionibus, propter infandam tyrannidem, quam erga sibi subditos exercuit, exuatur. Non enim is regis more regnauit: sed tyranni & proditoris scelerati partes egit. Quæ audientes magi, cum suum Deum agnoscerent, aduersus eum se incuruantes, lapideam ibi aram condebant, quam floribus & herbis obuiis inspergebant.

Nihili tamen diabolus hos cultus faciens, criminabatur eos, dicens: Ad quid proditores vos huc redacti estis? Redite, redite, & Mexico ciuitati fata sua annunciate. Ipsius ergò reconuersis, ciuitas omnis in flamma stare videbatur. Post Tezcalipuca euauit. Cæterum, cum Magi nihil vltra tentare auderent, pergentes quod iussi erant, regi denunciant. Ipse verò aliquandiu in terram defixis oculis veluti statua, verbum nullum edere poterat. Paulo post in hæc verba erupit: Agite ergò, quid nunc faciemus, cum nec Dij, nec nostri amici consilium & auxilium nobis impertiant? Mihi tamen, vtcunq; euentus cedat, statutum est, nullâ profugere, aut abscedere, multo minus abiecti animi signum quoddam edere. Senum autem & infantum me præcipuè miseret, qui manibus suis sese tutari ipsos nequeunt. His dictis, repente consiluit, vsque adeo animus eius in partes varias agebatur. Interim Marchione Mexico appropinquante, Moteçuma necessitatem virtutem faciens, ex ciuitate tribus miliaris quadrantibus ei obuiam procedebat, & hospitem humaniter accipiebat. Hunc insigni maiestate quatuor primates suis humeris nixum ferebant. Supra caput eius cælum ex auro ac pennis pretiosis fulgentissimum eminebat. Occursu iam instante, descendens Moteçuma cū Marchione congressus, familiariter ipsum salutabat. Hūc vero vicissim Marchio bono ac præsentī animo esse iubebat, non se venisse dicens, vt regnum eius auferret, aut vlla parte minueret. Moteçuma itaque Marchionem cum sociis reliquis in augustum

suum palatium abducebat: ipse verò in ædes alias abscedebat. Nocte postera iubili gratia Hispani omnia sua tormenta elidebant: quæ res insuetos Indos haud parum terrefaciebat. Séquente die Marchio regem cum suis primoribus in amplissimo quodam atrio conuocabat.

Quibus congregatis, ipse in sella sedens indicabat, magni se principis ac domini ministrum esse, hoc sine emissum, vt hisce terris beneficeret, & omni beneuolentia prosequeretur. Iam verò Tlascalanos, fœdere sibi iunctos, grauitèr conquestos esse, quod variis & intolerandis iniuriis à Mexicanis subinde premerentur. Postulare se ergo, vt, qui rei illarum iniuriarum essent, proderentur, si forte aliquo medio conciliari, & postera damna, futura concordia sarciri possent. Se verò cum fratribus Tlascalanis mansuros, & si vsus poscat, auxilium ipsis præstituros. Hæc Marchio per interpretem ipsis reddi iubebat. Moteçuma verò ac cæteri primores ista audiētes, admodum bono animo erant, sicut ex amicitia, qua Hispanos præueniebant, id colligi poterat. Multi putant, hoc tempore & concilio à Rege & magnatibus Mexicanis, pleraque illa, quæ post petebantur, impetrari potuisse facilimè: & doctrinam præcipuè de Christo citra laborem illis instillari licuisse. Sed hæc incerta diuino iudicio relinquenda sunt, qui pro iustitia sua, quæ & quando vult, peccata vindicat. Cæterum haud multo tempore elapsò, suspiciones sinistrae inter vtramq; nationem obortæ sunt. Securitatis itaque maioris gratia Marchio Moteçumæ manus iniicit, & ipsum compedibus stringit. De quo Marchione id oppidò admiratione dignum est, quod concrematis propriis nauibus, in medios sese hostes immiserit, vt eos aut vinceret, aut ab ipsis trucidaretur. Isto tamen casu hoc comprimis admodum incòmodum rei optimè gerendæ obtingebat, quod propter intempestiuum Pamphilo de Naruaes accessum Cortès in prouinciam Vera crux abscedere cogeretur, vt seditionem ibi suscitata sopiret. Ita enim miserum Moteçumam suis sociis relinquere cogeatur, quorum non eadem modestia & lenitas erat. Qua causa etiam postmodum tumultus insignis enatus est, qui æqua facilitate sedari minimè potuit.

Cap. XXVI.

De Moteçumæ obitu: & qui ex Mexico Hispani rursus excesserint.



OSTQVAM Cortès Mexico abcessisset, is cui vices absentis mandata erant, supplicium aliquot de Mexicanis sumpturus, nobilium ex ipsis plurimos in Mitote seu ludo interfici curauit. Qua iniuria multitudo Indorum offensa, arma arripuit, & vim hanc pro-

propulsauit. Domum enim, in qua Hispani erant, cingentes, nihil quicquam ea damna, quæ sclopetis frequentibus fiebant, morabantur. Hoc ergò proposito aliquot diebus domum obsidebant, vt necessaria omnia Hispanis interciperent. Pugnant autē contra Hispanos lapidibus, telis missilibus, hastis, gladiisque, suo more peculiariter paratis. Hi gladij nihil aliud sunt, quam ferulæ, quatuor vel sex acutissimis nouaculis supernè reuinctæ, quibus vibratis, vt Indica fert historia, vno ictu collum equi, qua parte crassissimum est, decutere sciunt. Glisciente itaque diutius pugna, Moteçumam cum alio è magnatibus primario in supremam ædium planitiem Hispani deducunt, & hos duobus scutis prætentis contra tela muniunt. Mexicani, vbi primum Moteçumam conspicati sunt, illicò quiescunt. Moteçuma verò, per socium magnatem elata voce populum adhortatur, vt rem sobriè agant, & infestis armis Hispanos non acrius iritent.

Horum enim cum iam captius sit, fieri non posse, vt insigne quoddam commodum sua ferocia facturi sint. Hæc verba iuuenis quidam, Quicuxtemoc, quem populus regem electurus erat, exaudiens, clamorosa voce ad Moteçumam sic orsus est: Apage te, hominum ignauissime, & contemptissime. Nec enim iam tibi audientes sumus: verum poenam, quam grauissimam meritus es, ipsimet tibi accuramus. Cumque ignominioso foeminæ nomine eundem criminatus esset, cæpit tela in eum emittere, quod idem faciebat populus lapidibus. Non desunt, qui affirmant, hoc tumultu Moteçumam lapide percussam, ex ea plaga deinde obiisse. Quod tamen obstinatè alij inficiantur, eumque alio mortis genere sublatum ab Hispanis esse, contendunt: de quo postea dicemus. Videntes itaq; Aluarado ac Hispani cæteri, quibus in angustiis versarentur: ad Cortès amandantes ei pericula illa, quibus nunc pateant, significant.

Marchio verò summa prudentia ac celeritate cum Naruaes rebus compositis, populi illius partem maximam sibi adiungens, magnis confectis itineribus in Mexico redit, & tempus illud, quo Mexicani feriantur, præstolatur. Nam quouis quarto die Mexicani feriri solent, cum bella gerunt. Ita partim dolo, partim vi ad suos in palatium penetrat, qui de eius aduentu tempestiuo impendiò sibi gratulabantur. In cuius rei signum tormenta sua iterum exonerabant. Indis autem nihilominus in furore suo pergentibus, nullaue vel pacis sarcindæ, vel inferendi com meatu spe iam reliqua existente, consilium cum suis Cortès inibat, vt nocturno silentio clam ex Mexico profugerent. Binis ergo pontibus magna celeritate ad duos profundos fluuios transeundos paratis, sub noctis tenebras abscedunt. Cæterum cum iam vnum flumen trāsiissent, ab Indica foemina prodebatur, quæ Hispanos fugā capeffere, altè vociferabatur. Repentē ergò cōcurrentibus omnib. Hispani nouo prælio tentantur: adeò vt

priusquam flumen alterum transirent, ipsorum 300. circiter caderēt & vulnerarentur. Hæc strages eo loco edita est, vbi hodiè sacellū, in quo nomine Martyrū dictum visitur. Multi, qui aurum ac clenodia sua seruare conabantur, aut vitam perdebant, aut à Mexicanis capti, crudeli laniena simulachris immolabantur. Moteçumam, multis pugionum ictibus confossum, vt aiunt, Mexicani mortuū inuenerunt: quæ eadem nocte cum cæteris primoribus trucidatū esse existimabant. In eo tractatu, quæ ad Carolum V. Imperatorem Marchio perscripsit, traditur, Mexicanos ea nocte Moteçumæ filiū quendam cum multis aliis nobilibus iugulasse: thesauros item auri, argenti que ac gemmarū, quos Hispani secum tulissent, in lacum omnes illapfos nec vllō vnquā deinde tempore repertos fuisse. Quæ tamen vtcunq; sese habent, certū est, Moteçumā exitum admodum tragicū ac funestum sortitū esse, tyrannidēq; suam iusto admodū supplicio luisse, adeò, vt non modò non regio apparatu, sed ne plebeio quidē ritu tumultatus fuerit. Cadauer enim eius Mexicanorum ira instar mortuæ pecudis abiiciebatur. Cuius tandē sortem ministrorū quidam miseratus, ipsum cōcremauit, & cineres collectos in locū non admodum æstimatū condidit. Sed ad Hispanos redimus. Qui cum hostiū manib. elapsi essent, mira & misera fame admodū tabescebāt, Indis quoque vērsum ipsos acerrimè insectantib. Maiis aliquā quantitatem alicubi adepti, eam granis inter sese partiebantur. In hoc verò Indica historia cum Hispanica conuenit, Hispanos mira ratione in monticulo quodam, in quo tribus à Mexico milliaribus distante hodiè rei index sacellum, diuæ virginis auxilium vocatum visitur, liberatos fuisse. Tandem vbi ad confœderatos Tlascalanos iterum penetrasent, expeditionem tam naualem quā terrestrem auxilio & ope Tlascalanorum adiuti, contra Mexicanos illico faciunt, quæ celocum actuariarum, quas in lacu Cortès fabricari fecerat, opera, sexaginta diuersis, iisque funestis & atrocibus præliis prius commissis, ipso S. Hippolyti die, qui in 13. Augusti anni 1521. incidit, regiam ciuitatem Mexico tandem expugnarunt & occuparunt. Postremus quem Mexicanis elegerant, Rex in magna Canoa profugiens, captus est.

Qui vbi cum aliis primoribus ad Cortès adduceretur, pugione districto dixit: Hactenus, qua potui fide meos ciues tutatus sum. Porro nemini quicquam debeo, quam tibi hunc pugionem, quo me è vestigiò confodias. Cui Cortès respondit: se mortem ipsius non querere, nec Mexicanis damnum dandi, vnquam consilium cepisse. Quod verò tot stragibus & suorum interitu fusi essent, id præfractæ ipsorum contumaciæ imputari debere: cum sciant, multoties ipsis pacem ac concordiam rationibus æquissimis delatam fuisse. Postea captiuos vniuersos lautè tractari & humaniter haberi iussit. In occupanda ciuitate Mexico mira & memorabilia multa inciderunt. Certum est etenim, nisi in huius terræ occupatione singulare cæli-

tus missum auxilium fuisset, quod tam paruis copiis tam bellicosam gentem coercere & domare minimè licuisset. Et licet nos quidem diuinæ opis indignissimi simus: id tamen ad Dei gloriam ac honorem imprimis facit, per nos infinitas animas, ad salutem ab ipso destinatas, iis mediis, modisque, qui naturæ vim ac metam omnem excedunt, redemptas esse.

Cap. XXVII.

De miraculis nonnullis, in India confirmanda Christianæ religionis causa editis.

SANTA Crus de La Sierra in regno Peru prouincia remotissima est, circa quam diuersæ terræ aliquot S. Euangelij vocem vniuersim nondum agnouerunt, nec de societate Patres admiserunt. Nostro tamen iam seculo pauci aliqui baptisati Indi ibi reperiuntur. Christianismus verò ad ipsos hoc modo introductus est. In Charcas prouincia facinorosus miles quidam, vitam variis næuis turpem agens, cum supplicij metu in penitissimas oras profugisset, à Barbaris susceptus est. Quos cum miles ingenti aquarum inopia laborare, & huius impetrandæ causâ superstitiosas multas ceremonias agitare attenderet: ad eos dixit, si, quod iuberet, facturi essent, tum pluias illicò cælo decisuras. Annuentibus illis miles magnam Crucem erigens, vt illam adorarent, & vndas peterent, iussit. Quod cum fecissent, dicto citius copiosi imbres delapsi sunt. Ex quo factum est, vt Indi ad crucem iam vnum perfugium habeant, & de idolis suis non admodum solliciti sint. Crucem deinde etiam suo insigni addiderunt, & sacerdotes seu præcones poposcerunt, qui de diuinis mysteriis eos plenius erudirent, & conuersos baptismo initiarent. Et hac de causâ ea prouincia Santa Crus de la Sierra nominatur. Etsi verò hic miles aliquot continuis annis instar cuiusdam Apostoli plurima miracula edidisset; nec tamen ad vitæ frugem rediit, sed longius in prouinciam Charcas reuersus, cum facinorû suetorum finem non faceret, tandem in Potosi suspendio strangulatus est. In longa & periculosa illa peregrinatione, quam Cabeça de Vaca, postea in Pariguay Gubernator constitutus, confecit, mirabilia ac memoranda plurima recensentur, quæ ipsi ac tribus sociis, decennij illius, quo inter Barbaros versati sunt, decursu obtigerint. Tradit autem inter cætera, terram eam se vsque ad mare australe peruagatum, à Barbaris sæpius coactum fuisse, vt morbis incolarum medelas faceret, qui recusanti multoties mortem minitati essent. Cum verò nec ipse nec socij medicinæ cognitionem vllam haberent, & insuper ad has res necessarijs etiam instrumētis destituti, nihilominus tamen mor-

borum curationem aggredi cogerentur: tum ad Euangelica medicamenta diuertentes, precationibus & designatis crucibus sese morbos expugnare cepisse. Qua postea fama increbrescente, artem eam in innumeris oppidis ac vicis ab ipsis extortam, prosperrimè cessisse, adeò ut ipsi met de successu in stuporem darentur.

Cap. XXVIII.

Quomodo Christiana religio in India seminata sit.



Ro Indicæ historiæ coronide, quàm admiranda ratione Euangelium in has regiones introductum sit, tandem planius explicabimus. Hoc ex libro edocti sumus, tam nouæ Hispaniæ, quam ipsius Peru regna ad vigorem & maiestatem summam circa hoc tēpus conscendisse. Ingæ etenim in Peru, vniuersas oras à Chile vsq; ad vltiorem Quito, interuallo 1000. milliarium tenebāt, ac ex iis aurum, argentumque ac res alias pretiosissimas capiebant. In Mexico verò Moteçuma à mari boreali ad ipsum australe dominabatur, & diuinis honoribus colebatur ac adorabatur. Iam sicut lapis, cuius Daniel meminit, regna & mundi monarchias eo demum tempore confregit & cōminuit, quo Romana Monarchia ad summum cōscendisset: ita in India pari ratione idē euenit Occidentali. Et sicut, vno totius mundi domino ac capite constituto Euangelium ad infinitos populos facile propagari potuit: ita in India quoq; Euangelij de Christo notitia quoquo versum latè disseminari potuit, postquā semel à primariis illarum prouinciarum capitibus acceptatum fuisset. Eadē linguarum quoq; ratio est. Quæ cum victoribus Mexicanis & Cuscanis vna opera vbiuis introduci suevit. Quæ etsi inter sese quidē alicubi quadamtenus dissonarent: Cuscana tamen lingua, vt & Mexicana vltra 1000. milliaria notæ sunt. Quod concionatoribus insigni emolumento fuit, qui quarumlibet linguarū dona non omnes habebant. Sic ergò Ecclesia Christi secundum Esaia vaticinium, vt id D. Augustinus interpretatur, non solum versus rectam, verum etiam versus læuam extensa colitur. Porro autem singulari Dei prouidentia id quoque ita constituebatur, vt, qui primi has terras occuparent, ipsorum Indorum, qui ingentibus discordiis dissilierant, suppetiis adiuuarentur. Sub dio enim ac in propatulo est, Solam fratrum geminorum Atagualpæ & Guascaris discordiam Marchioni Francisco Piçarro ac Hispanis cæteris terras eas accessas præstitisse. Quilibet enim horum hoc vnum omni studio agitabat, vt marchionem suis partibus fauentem ac amicū faceret. Idem in noua quoque Hispania factitatum scimus. Tlascalanorum enim Mexicanorum iuratorum hostium, ope manuque ciuitas Mexico expugnata est: quod solis Hispanis confectum dare impossibile futurum

Dan. 2.

August. libr. de
consens. Euan-
gel. c. 36.

futurum erat. Hic si quis dicat, rem hanc adeo arduam non esse, quod Indi natura imbelles & timidi sint, Hispani autem armorum ac quorum prærogatiuam magnam habuerint, unde Indos vincere facili labore potuerint: is sciat, Chilen, Auraco, & Tucapel, viginti quinque integris annis edomari non potuisse, etsi Hispani in iis perpetua bella gererent, & vires extremas suas impenderent. Quamprimum enim semel equorum ac sclopetorum metum excussissent, & Hispanos lapidibus ac telis fauciarum posse didicissent, usque adeo illico furantes & rapidi facti sunt, ut per ipsas quoque frameas atque hastas sese ad hostem intruderent. Quot annis obsecro, cum Chichimecis, gente nuda, & arcibus solis pugnante, dimicatum est? Et hi tamen nec hodierno die se victos dant: quinimò indies pugnaciores & animosiores euadunt. An non ipsi verò Chuchios, & Chiriguanac & Pilcocones, alique tam probe ac instructè armati milites sunt, ut meliores non Sol videat? contra quos quid actum est? An non de vita sua saltem seruata horum oppugnatores sibi gratulati sunt? An non arma equosque profugi post se reliquerunt? Nemo itaque qui de Indis audit, eos ex ligno dolatos esse somniet: sed eos viros acres, prudentes ac strenuos esse, certò sciat. Honorem demus, cui is debetur. Quod si enim Moteçuma in Mexico, & Ingæ in Peru coniunctis armis egressi essent, tum certè nec Cortès nec Piçarro tantillum quidem effecissent, licet & ipsi simul peritissimi duces fuissent, & militum copias multò validiores secum aduexissent. Ad regni Christi ergo propagationem haud parum id contulit, quod Indi suis regibus tam proclives obtemperarent, & graue à diabolis impositum iugum, tanta æquanimitate tolerarent. Hæc enim assuefactio, introducendi boni melioris certissima occasio erat. Certissimum siquidem est, Indos occidentales ideò potissimum doctrinam Euangelicam promptius agnouisse, quod antea multis tributorum ac seruitutum, ut & superstitionum cultuum oneribus ferendis assueti essent. Iugi enim Sathanici iam pridem certum fastidium cæperant: ideo de mitioribus & placidioribus diis quærendis dudum apud se consilium inierant. His ita hærentibus & nutantibus, cum sana de Deo religio offerretur: eius leges illico æquas, tolerabiles, ac gratiosas esse, facile ex collatione videre poterant. Eosdem etiam res persæpè arduas ac grauissimas facile captare ideo potuisse certum est, quod antea à diabolo de multo grauioribus instituti essent. Qui ex Euangelica quoque doctrina plura suffuratus, pro suis venditabat Indis: cuiusmodi sunt, coena Dominica, Confessio, adoratio trium in vno, & vnius in trino, & similia alia. Hæc cum antea in mendacio suscepissent: multo facilius eadem in veritate amplecti poterant. Sic Deus plerumque hostem suum armis propriis iugulat, & caput ei præcidit. Sic Deus Sathanam nolentem quoque compulit, ut de vero Christi & saluifico verbo, testaretur, vaticinareturq; ex signis illis, quæ in Peru aliisq;

locis

locis apparuerant: sicut id ipso magorum ore proditum scimus. Sed & hoc notum vniuersis est, non commodè in iis locis versari Sathaniam, in quibus sinceram Christi Ecclesiam collectam pernoui. Cessarunt hodiè omnia oracula, linguæ, visiones ac apparitiones, aliàs apud incredulos frequentes ac solennes. Quorum, si quædam fors adhuc fiant, in specubus tamen saltem ac iis abditis locis, ad quæ nomen Christi non penetrauit, agitantur. Deo excelsio ac rerum vniuersarum domino pro immensa sua misericordia sit laus & gloria in seculum. Quod si Indis tam suaue à magistratu politico iugum imponeretur, quale saluatoris Christi doctrina præ se fert: non dubium est, quin ipsi per vniuersum orbem populi omnium felicissimi ac beatissimi futuri sint. At nostramet nobis plerunque peccata obstât, vt vberioribus beneficiis non cumulemur.

Cæterum, cum institutum nostrum non sit, præterquam quæ ad Indiæ historiam faciunt, describere: ideo hoc loco colophonem tandem huic libro imponi tempestiuum est. Æternum autem ac misericordem Deum ardentibus precibus oramus, vt regnum sui nominis, quod hoc extremo mundi senio in his noui orbis regionibus constituit, largissimè & efficacissimè conseruare, confirmare ac amplificare dignetur, quò id in sui honoris augmētum, ac humani generis emolumentum vnicè cedat. Cui laus, gloria, honor, in secula seculorum; AMEN.

MORALIS IND. OCCIDENTALIS HISTORIÆ
LIBRI SEPTIMI ET VLTIMI, FINIS.



RELATIO HISTORICA,

sive

VERA, ET GENVINA CON-
SIGNATIO AC DESCRIPTIO IL-
LIVS NAVIGATIONIS, QVAM V. NAVES, MEN-

SE IVNIO ANNO 1598. AMSTELREDAMO SOLVENTES,
fretum Magellanicum in Moluccanas insulas transmittendi instituto susceperunt: quid
nimirum ipsis vsque ad 7. Septembr. Ann. 1599. acciderit, quo tempore frementium
tempestatum ac procellarum vi dissipatis his nauibus, duo Capitanei Sebal de Weert,
& Balthasar de Cordes, cum binis tantum nauibus, soli iuncti manserunt: qui & ipsi
tandem Mensibus quatuor integris in freto dicto infandis laboribus ac periculis infi-
nitis iactati sunt tamdiu, donec Capitaneus de Weert, dispulsa sibi socia naue iam
solus vna saltem anchora, paucoque com meatu instructus, relinquere-
tur: qui post biennium illi itineri impensum, tandem infecta
re in Hollandiam An. 1600. reuersus est.

OMNIA PER MR. BERNHARDVM
Janſz Chirurgi, qui navigationis huius pars fuit, con-
gesta sunt & descripta:

Ac

ELEGANTIBVS FIGVRIS TABVLISQVE IN
æſ incisus expressa, & edita à Theod. de Bry p. m.
vidua, & binis filiis.



FRANCOVRTI,
EXCVDEBAT MATTHAEVS BECKERVS.

M. DCII.

FRETUM MAGELLANICUM und dessen eigentliche Beschreibung, so die hollender durch schiff und auch der lang beschriebnen

TERRÆ DEL

FVOGO PARS



Marre del Nort.

Marre Medterranea

Fretum Magellanicum

A. dieses Schiff kommen I. Ritters Bay,
in die Enge.
B. Pinguine Inseln.
C. Pinguins Vogel.
D. Majchel Bay
E. Maychel.
F. say Frau.
G. Cordes Bay,
H. Hollender kirchhoff. R. ist vorzeit ein
Vestung gewesen.





VERA ET ACCVRATA

DESCRIPTIO EORVM OMNIVM,

QVÆ ACCIDERVNT QVINQVE NAVIBVS,

Anno 1598. Amstelredami expeditis, & per fretum Magellanicum ad Moluccanas insulas perrecturis: naui præcipuè Fidei, Capitanea de VVeert addicta, qui post infinitos labores & arumnas biennio integro toleratas, tandem anno 1600. re infecta ad suos rediit.



N^O à saluatore Christo nato 1598. Amstelredami quinque naues instruebantur, tentaturæ, an per fretum Magellanicum in Moluccanas insulas penetrare possint: vt eo pacto commercia & negotiationes faciliores ac expeditiores fierent. Ex his prætoria 250. onerum capax, Spes vocabatur. In hac 130. personæ inerāt. Prætorix vicaria Charitas, 160. onerum, & 110.

Navium nomina.

hominum erat. Prætoria de nocte vocata, Fides, 160. onera, personas 109. ferebat. Quarta, Fidelitas, 100. onera, 86. viros vehebat. Postrema, Liburnica, Lætum vocata Nuncium, onera 75. viros 56. claudebat.

Vniuersæ hæ naues, tormentis, armisq̃ue tam nauticis quam bellicis, pecunia, bonis ac mercibus varij generis, peritis itidem ac prudentibus Capitaneis & Ducibus, optimè instructæ ac onustæ erant. Huic classi summus præfectus Sr. Iaques Mahu: ViceAlmiranti verò Sr. Symon de Coordes: & Fidei Capitaneus Sr. Gerrit de Beu-ninghen: Fidelitati Sr. Ieurian de Bockholt: & postremò Sr. Sebalt de VVeert præstituebantur.

Nomina præfectorum & Capitaneorū.

Omnibus ergo, vt ex vsu erat, constitutis, 27. Iunij ex littore Goeree soluerunt, ferente cauro progredientes. Sed postquam fines Angliæ iam tenerent, vento hoc mutato, in arenarum moles anchoras iacere coacti sunt. Durauit hæc aduersitas vsque ad 15. Iulij: quo ventum ex ortu iterum spirantem nacti, postquam com meatum & cibaria ea mora absumpta, resarsissent, cursum suum instaurarunt. His diebus notatu nihil dignum accidit. Die 10. Augusti, postquam ad Capo S. Vincent, circa vesperam venissent, quatuor naues con-

spicati sunt, quarum vna phaselum Hispanicum referebat. Vnde cum naues istæ Hispanicæ putarentur, impetus in eas concitatio fieret. Veruntamen, cum accessu propiore, illæ non Hispanicæ sed Anglicæ noscerentur, instituta meta vtrunque procursum est.

*Commeatus
dispensatio.*

Circa hoc tempus, cum Almiranti indicium fieret, quod, quantum panis indies populo distribueretur, à singulis absumi non posset, sed in cistas & vasa vacua contemptim abijceretur: ob id Generalis consensu cæterorum officiariorum constituit, vt deinceps parcius commeatus dispensaretur, & singulis indies panis selibra, mensæ verò cuilibet (quæ octo personas capiebat) tres mensuræ (Mutsken) vini præter alia sueta opsonia, vt pisces carnesque, daretur. Cursu autem continuato 19. Augusti in primo noctis quadrante vento lapyge flante in littus Barbaricum, longè alia quam intenderant, meta impulsæ sunt. Et priusquam terræ vestigium viderent, iam 12. passuum profunditatem incurrerant. Ventis ergo à tergo impetuosè fremètibz, cum regredi in altius mare non liceret: naues profunditate 7.8. &

*Periculum ex
imperitia &
negligentiâ gu-
bernatorum.*

10. passuum iactis anchoris firmare compulsi sunt. Capitaneus autem Beuninghen cum vix 5. aut 4. passibus subsedisset, eodem ipso illicò die (quamvis duro & incessabili labore, cum anchoræ funis vicino scopulo implicatus esset) è fundo nauem suam extricauit. Hac tamen nocte, prætoria nauis suis anchoris non incumberebat, vt ex qua vicina terra primò conspecta fuisset. Cum verò vniuersis videretur, incuria & negligentia gubernatorum in hoc periculum naues redactas esse: conuocatis nauium omnium præfectis & gubernatoribus Generalis per senatum bellicum mandauit, vt deinceps præfecti singuli suarum nauium statum, & aquæ profunditatem bis ad minimum hebdomadatim metirentur, & eam cum mappis suis sedulo conferrent.

Hoc constituto vela versus insulam Capo Verde, nobis dulcem dictam dirigētes, vltimo Augusti die S. Iago insulam conspicati sunt. Cum verò in Generalis naui 60. circiter infirmi essent, qui scorbuto & morbis aliis decumberent: non consultum saltem, sed & necessarium videbatur, vt ad vnā harum insularum excursus fieret, ad res necessarias reparandas. Nam & carniū, & fructuum & aquæ iam haud mediocris indigentia erat. Quod autem compertum haberēt, in S. Iago portu plerumque phaselos aliquot cibariis refertos morari: iussit Generalis, vt scaphæ vniuersæ viris probè munirentur, & apud Capitanei de VVeert nauem congregarētur. Ductu enim Capitanei Beuninghen sub noctem in portum, imò, si fieri posset, in ipsum litus excursus faciēdum esse. Quod si ergo fieret, vt fuga retrocedendū esset: facerent, vt omnes apud Capitaneum de VVeert, cuius Liburnica in proximo terræ confinio statuta sit, conuenirent. Hoc intento cum ad portum propinquassent, diuersis locis succensos ignes videntes, haud temerè, cōsiliū suū proditū esse, suspicabantur.

Qua

Qua causa, & quod simul ventus incommodus surgeret, portusque conditio nulli nota esset, re infecta reuertebantur.

Postero die, Calendis Septemb. Islæ de Mayo propius succedentes, vniuersi ibi anchoras iactarunt, præter vnum Almirantem, qui propter stationis incommoditatem diutius illic morari nolebat. Ex hoc loco Capitanei Beunnighen & Bockholt, cum militum parte in terram egressi, aquæ nihil inuenerunt. Cumque vniuersa ista nocte, voto inueniendorum hominum circumuiissent, sub posteri diei meridiem ad naues reuersi, annosum saltem quendam Lusitanum cum capris aliquot strigosis adduxerunt. Lusitanus hic, cum de ciuitatis S. Iago conditione rogaretur, occupari eam ideo difficilimum fore dicebat, quod plerunque 500. Lusitanis, & 15000. Æthiopibus, cum aliquot tormentis promptis custodiretur. A meridie discessionis signo dato, vniuersi vnà versus S. Iago tendentes secundum porrecta littora vela fecerunt: in quorum sinu quodam contum, e naue in portu Praya merfa, viderunt. Hunc angulum transmittentes, in ipsò portu vnam grandio rem, & binas minores naues offenderunt: quarum illa Hermanni V Vebbe Naucleri Hamburgensis, in Brasiliam nauigaturi erat. Classis autem vbi tum ad latera tum tergum huius naus confedisset: Generalis scapham maiorem, Capitaneus autem de V Veert minorem scapham ad geminas conspectas minores naues mittunt. Sed viris vtrasque vacuas inueniunt. Altera siquidem phaselo similis, Æthiopes aliquot transuexerat, nec in ea quicquam præter duas aquæ tonnas, & milij modicum, vini que Bottigiam vnam reperiabatur. Alterâ 15. onerum, vt videbatur, Episcopus quidam nauigaturus in S. Thomam erat. Eius enim in hac omnis supellex condita fuerat, ante, quam metu aduenarum in tutiora loca, & partim in nauem Hamburgensis efferretur. Cistæ pleræque inanes: pauca vestibis & libris refertæ erant. Sed & vini dolium, & alterum olei, & quatuor vel quinque panum ibidem reperiabantur, quæ inde abrepta ad Generalem illico comportabantur. Iuxta portum hunc in editissimo & præruptissimo loco castellum erat, de quo in naues aliquoties consulminabatur. Quo animaduerso, vt vniuersæ scaphæ Hamburgensi naui succederent, & post eam laterent, ibique capitanei Beunningen mandata morarentur, Generalis suadebat. Interim nauclerus V Vebbe in prætorix vicariâ nouem accitus, cum de ciuitatis cōditione rogaretur, quicquid sciret, recensēbat. Ad hūc sc. Symon de Coordes fari orsus, causas, cur huc appulisset, explicabat: quod nimirum hostile nihil meditentur, sed pro ægris, recentem aquam carnesque ac fructus quosdam, pretio iusto numerato saltem rogarent. Quæ postulata cum nulli vnquam iniqua videri possint: nauclerum iuxta orabat, vt suorum nautarum habitu indutus ad vice Almirantis Fransoys Veruys præfectum haud cunctanter se reciperet, & ipsi aduenarum institutum explicaret, respon-

Lusitanus
velus ad naues
feriur.

Praya aditus.

Nauis Hamb.
apud Prayam.

Nauis Episco-
pali.

sumque ab eodem referret, ne commeatus denegati inopia grauius quid moliri cogerentur.

*Nauclerus
Hamburgens.
ad Lusitanos
mandatur.*

Sollicitantibus Hamburgensis gratificaturus, castellum aditum se accingit. Circa noctem mediam reuersus, hoc à præfecto responsum tulit, quod amici venerint, credere se haudquaquam posse: cum id expilatione nauium minimè declararint. Sed quocunque se ista modo habeant, cum sibi incōsulto Gubernatore, qui in ciuitate Iago, hinc duobus miliaribus distante agat, nihil quicquam nisi capitis supplicij periclitatione, horum agere liceat: ideò se suasorem esse, huius diei moram adhuc æquo animo ferrent. Pegaso enim seu cursore sese festinò hanc rem ad Gubernatorem nunciaturum iam esse, vt eius ante auroræ exortum responsum scirent.

Augusti 1757

*Castelli Præ-
descriptio.*

Hoc præfecti respōso in deliberationem vocato, intutum & inconsultum senatus bellicus fore censuit, si mora protractiore Lusitanis commodius armādis, & tum peditibus tum equitibus ex Iago congregandis occasio præberetur. Nihil ergò cunctando Capitaneus Beuninghen & Tesserarius Rombout Hooghstoel cum scaphis vniuersis & 150. circiter viris in terram eruperunt. Cumque in ordines coëgissent milites, fragoso tympanorum ac tubarum sonitu, ac volantibus binis vexillis versus castellum (quod 175. passuum altitudine elatum, ea parte, qua mare spectat, loricis validis, quatuor pedes latis, ac ex grandibus lapidibus constructis, munitum, ac aditu angustissimo, vix binos iunctum viros ingredientiæ admittente, obseptum erat: cuius insuper præcipitium tam decliue ac arduum viscebatur, vt ex eo sex viri, solo lapidum coniectu 1000. ascensuros sustinere possent) sese proferunt. Capitaneus, nulla difficultate permotus, cum suis ad sacellum quoddam festinat: in quo si decem vel duodecim saltē milites repugnassent, aditum omnē sine suo damno vllò intercludere potuissent. Hoc exsuperato, ascensum intrepidi continuant, & in sublime directis sclopetis effulminantes, Lusitanos hostiliter tentant. Hi iam ergò præsentē spectato periculo territi, cum decies in nostros (quorum bini læsi sunt) effulminassent, è castello, ex quo prius omnia abegerant & extulerant, furtim se proripiunt. Nostri ergò iam nemine contrapugnante, id ingressi sunt. Vbi pernoctantes, diligentes excubias egerunt. Postero diluculo, cum Lusitani magno tum peditum tum equitū numero quoquouersum è montanis erumperent: Beunhingen à Generali petiit, vt in auxilium plures milites, & certam pulueris pyrij quātitatem sibi mitteret. Vsu ergò ista poscente, Capitaneus de VVeert cum 60. viris missus est. Interim Capitaneus Beuninghen tria ferrea tormenta, in campo illo, per quem Lusitani profugerant, reperta, in portas & viarum nonnullarum aditus locauit, cæterosq; accessus, scamnis, sellis, & cistis, contra equorum irruptum, quasi vallauit & obsepsit. Hoc extēporaneo inuento sese vtcunque munitos faciebant: etsi longius illic morari nul-

nullum propositum haberent. Malebant enim, quod opus erat, cum pace impetrare, quam vi, quæ necessitatibus maioribus præseruanda videbatur. Occasionibus ergò quibuscunque ad colloquium mutuum captatis: tandem in valle ista, quæ iuxta propugnaculum erat, Iuez, id est, iudex loci super equo, vexillum paciferum prætentans prodiit.

Ad hunc dicti Capitanei declinuius se conferentes, quid pri- *Hollandi cum
Præiudice
loquuntur.* mum aduentantes postulassent, longius ipsi enarrant. Quos excipiens iudex, magnam hanc esse iniuriam quiritatur, quod se amicos profitentes, quæ amicorum erant, non præstarent. Cui ipsi contra respondent: Necessitatis legem excusari non debere. Et cum iam à patria sua absint longius, grauiq; rerum inopia premantur: sibi omnino necessarium fuisse, vt quo ad vitæ sustentationem indifferenter egerent, id aut pretio aut vi exigent. Sed hic disputationis locum non esse. Breui igitur secū deliberarent, an, quæ extremè desiderarent, sibi ipsi concessuri sint. Nam si id facerent minus: consilium è tempore capiundum fore. Quibus iudex respondit, citra Gubernatoris consensum indultumque sibi nihil quicquam præstare integrum esse. Ad illum ergò in S. Iago se festinanter perrecturum, vt voluntatem ipsius cognoscat.

Vice Almirans vbi acta cognouit, consultum fore ratus est, vt ad gubernatorem ipsum litteræ mitterentur. Puerum itaque suum, Lusitanicæ lingue peritum, festinò misit, qui eodem illico die gubernatoris responsum attulit. Literis autem illis Gubernatori exponebant, quomodo commeatus & aquæ inopia nimio operè premerentur. Coactos se ergo fuisse dicebant, vt ad ista necessaria paranda, quæcunque obuia essent media, vsurparent. Suum vero animum nunquam fuisse, binas in portu nauiculas inuentas prædari, multo minus easdem spoliare. Quæ autem ex ipsis vacuis extulissent, securitatis suæ causa fecisse. Eodem etiam animo ipsum castellum occupasse, non vt illud sibi seruant, sed ex eo saltem necessaria acquirerent. Se ergo impendio de maturando ad hæc responso instare. Sed & hoc se simul polliceri, quod, quæcunque per suos in castello alienata sint, primo quouis tempore restitui, curaturi sint: hoc vnum rogantes, vt rebus iis, quibus oppido egerent, maturime instruerentur. Quod ni fieret, certo sibi constitutum esse, Gubernatorem ipsum in Iago inuisere.

A mandato puero circa meridiem ipsemet Generalis cum Capitaneo Bockholdt, ad spectandum castellum ascendit. Quo facto, cum vniuersis Capitaneis ad vallem vicinam, Coquis seu nucibus Indicis confertissimam profectus est. Ibi Lusitanis vsq; adeo familiares facti sunt, vt illi sub noctem pomerantia, Limones, punica & fructus similes in portum se aduecturos esse, promitterent. Sed pro- *Dolus & per-
fidia Lusita-
norum.* missum haud præstiterunt. Inter cæteros Fydalgo quidā simulabat, quasi

quasi Hollandis nimio perè faueret. Is vnà etiam cum Beuninghen, qui prægressæ noctis laboribus admodum fatigatus erat, ad naues vsque pergebat. Ibi lautius habitus, clam se curaturum dicebat, vt refocillamenta, quæcunque optarent, acciperent, modo ad eum locum, vbi habitaret, hinc duorum milliarium interuallo distantem, scaphas duas ternasue mitterent. Nam ad hoc accurandum occasionem sibi certissimam esse. Postero die, cum scaphæ eo excurrissent, pro homine mendacium inuenerunt.

Circa vesperam Generalis, cum vice Almirante & capitaneò Bockhold ad naues recouersus, Capitaneum de VVeert cum 300. militibus in castello reliquit. Sequentie die, qui 4. Septemb. erat, passim in omnibus montanis plurima se turba spectandam dedit. Itaque quod puer emissus cum responso nondum rediisset, sua in statione Hollandi omnes manebant. Circa meridiem puer cum literis rediit:

*Hollandi à
Gubernatore
litteras accipi-
unt.*

quibus Gubernator de præstitæ amicitiae genere raro valde amarulenter querebatur, dicens quod si amicè egissent, multò minore labore, quibus egerent, impetraturi fuissent. Se verò, quod Christiani sint, credere haud posse: quorum socij templa tam sacrilegè spoliassent. Quod si tamen omnino id ita vellent, in ipsorum se crediturum esse gratiam, quod effreni petulatia militum ista omnia patrata sint: cuius argumentum ex eo quoque liqueat, quod vasa argentea omnia licet confRACTA, reddita sint. Cæterum se nihilominus ipsis omnem suam fidem & officia spondere. Curent ergò vt cum in isto, quo degerent loco, nihil in parato sit, primo quouis tempore vsq; ad ipsam S. Iago ciuitatem pertenderent: & cætera ex suis præsentibus intelligerent. His Gubernatoris literis lectis, visum est Capitaneis, vt è vestigio de suis aliquis cum literis ad Gubernatorē remitteretur, quib. ipsi indicaretur, minimè opportunum esse, vt deserto castello vniuersam classem in S. Iago agerent. Velle se tamen aquam inde Liburnicis aduehere, & quod soluendum restaret, integrè dependere. Quæ vt rationa & confirmatiora essent, obsides dare se nil perplexari, tantisper, dum cum ipsis nauibus, aut ipsa quæ extulissent, aut horum iustum pretium restituerentur. Denuò se ergò instanter rogare, vt rotundum ad hæc omnia responsum det. Sin minus, cum vltro citroque missitandis internunciis, temporis opportunitatem manu mittere non possint, coactum se iri, vt ad media diuertant, istiusmodi, quibus se pro voto adiuuari posse arbitrentur. Hæc vt decreta, ita scripta & missa sunt. Circa hoc tempus Capitaneus de VVeert ex alui profluvio infirmus ad naues rediit: cuius loco Capitaneus Bockholdt substitutus successit.

*Hollandi Gu-
bernatori re-
spondent.*

A meridie Generalis in terram egressus est. Circa vesperam à Gubernatore Lusitani aliquot appulerunt: inter quos & sacrificus numerabatur. Hos vniuersos, quod iam serum esset, Generalis inuitavit, vt ad naues secum vnà pergerent, has spectatum simul, & quæ
neces-

necessaria essent, tractatum. Lusitani, cum viderent, Hollandos summa æquitate & pace omnia transigi optare, non tergiuersati sunt apud eosdem diuertere. Ergo in Generalis nauem recepti, lauteque ac magnificè ibidem tractati, noctem eam a motis feriis, Genio impenderunt. Postero die, qui 5. Septemb. erat, conditionibus vtrinque æquis propositis, facile conciliati sunt. Iurabant enim Lusitani, præstituros se vniuersa quæ ab Hollâdis rogata essent: eo tamen modo, ac pacto, si cū nauib. suis ad ipsam S. Iago pergerent. Extra hoc enim, pactum ratum esse minimè posse. Cui & ipse Generalis tandem astipulatus est, ea proposita conditione, vt pro Liburnicarum restitutione Lusitani aliquot obfides mitterent.

Lusitani ad
Hollandis in
naues recipi-
untur.

Hoc modo rebus compositis, Lusitani è nauibus in terram rursus egressi sunt. Mandato verò Generalis, milites deserto castello ad naues redierunt, & dum Lusitanos prætergrederentur, vexillis quatuor volantibus tam cōcinno ordine & habitu inceserunt, vt Lusitani non ipsorum saltem agilitatem, sed & prudentiam singularem admirarentur, nec cuiates essent, satis ratum haberent, cum varias inter ipsos linguas sonare audirent.

A meridie 6. Septembr. anchoræ emotæ sunt, hoc fine, vt eodem die in S. Iago portum incurrerent. Sed certo Hollandorum cōmodo is obtineri non poterat. Constituerant enim Lusitani, quas naues amice allecassent, insidiosè & hostiliter excipere: quæ in finem etiam iam omnia sua tormenta in littus extulerant. Bona tamen, vt diximus Hollandorū fortuna ventus à portu naues abstinuerat: qui tanta aduersitate spirabat, vt ipsum non saltem non tenere, sed ne iūctim quidem procurrere possent. Capitaneus siquidem Beuninghen & de VVeert, qui iuncti manebant, sub auroram se solos videntes, in proximo duas naues prospectarunt, iuxta Maijo stātes. Ad quas cum speculatores emitterent, cognouerunt ipsas illas esse, quas prius ad Prayam occupassent. Vnam enim cum classe metam tenere non poterāt, quod nec remos nec gubernacula idonea & solida haberēt. Ceteri, nimirū Generalis, vice Almirās, & Capitaneus Bockhold, omnibus velis id annitebātur sedulo, vt ea adhuc vespera portū ingrederentur. Quæ tamen cū obtineri minimè posse viderēt, scaphā cū 12. viris & puero literas ferēte ad Gubernatorē mittētes, significarūt ei, quod nullo vspiā nisiu portu potiri possent, sed quod summa necessitate cōpulsī in Prayam redire cogerētur. Faceret ergo primo quoque tēpore, vt cōtractus ibi cōditiones præstarētur. Emissitij dicti cū in littus exiissent, id vniuersum tū armatis viris, tū positis tormētis occupatum viderūt. Puero autē solo ad Gubernatorē deducto, cæteri in domum quandā recepti sunt. Cognita re, suspicabatur Gubernator, q̄ ex cōpacto Hollandi duas naues in rapidū & tumultuosum mare eduxisset. Manè ergo emissitios iterū dimittēs, interminabatur serio ne post vnq̄ hac redirēt. Nam p̄ ipsis se præter puluerē & glandes nihil paratū

Intempestas
oborta, Hollā-
dis commodas.

Lusitanorum
responsio insi-
gnatoria.

habere. Generalis itaq; hoc nuncio accepto, recto cursu cum tribus comitibus nauibus illicò in portum Prayæ reflexit, & ibi quatuor reliquas altius in mari peruagantes, moratus est.

*Hollandi aquis
se instrunt.*

Interea, ne tempus frustra periret, Sr. Symon de Coordes, cum viris aliquot ac doliis trium sociarum nauium, aquam haustum in terram egrediebatur. Et cum ad castellum paulatim ascenderet, Lusitani, qui iam redierant, ex eo rursus profugiebant. Itaque custodiis vbiq; dispositis, Tesserarium Hooghstoel castelli tutorem & inspectorem relinquens, descendit iterum, vt aquam, cuius summa necessitas esset, inuasari curaret.

*Hollandorum
& Lusitanorum
conflictus.*

His agitis, duo tresue Lusitani equites pecora aliquot propius adducentes, Hollandos hoc pacto ex castello prolicere conabantur, vt eisdem postea ex insidiis obtruncarent. Sed viceAlmirans dolo percognito, suos in ordine cogebat, ita vt in inuasanda aqua strenuè pergeretur. Cæterum hostis, dolum proditum videns, cum 200. equitibus, quorum singuli sclopetis instructi erant, prorumpens, rectà versus castellum, qua id accessum erat, per montana contendit. Et cum iam in apertam castelli planitiem se intulisset, tesserarius ei haud intrepidus ex castello fortiter obluctatus est. Quod intelligens viceAlmirans, nonnullis apud scaphas & dolia relictis, ipsemet festinò in castellum se ingerens, hostem animosè adortus est, ac eundem breui in fugam vertit. Sic ergò porrò nullo obstante dolia sua complere aqua Hollandi poterant. Conflictus autem impetum videns Generalis, expeditè cum vexillo suo in terram aliquam multos milites exponi iussit. Et tamen iuxta, cum vereretur, vt cæteras naues in mari passim peruagantes, nec portu potiri valentes, ex conspectu amitteret: & diutius ibi morandi nullam voluntatem haberet, cum propter aëris insalubritatem ægri indies infirmiores fierent, & ipsemet quoque febris correptus esset: ideò his causis omnibus motus viceAlmiranti mandauit, vt cum vniuerso populo ad naues rediret.

*Castellum igni
exurit.*

Quod is haud cunctanter expeditum dabat, prius tamen subiectis flammis castello ac plerisque ædibus succensis & exustis. Hinc ergò, cæteras vagantes naues consecutum 9. Septemb. soluentes circa vesperam Generalis scapham in sinum vicinum, vbi armenta aliquot conspiciebantur, amandarunt: vnde taurum vnum saltem, cum longius in terram penetrare inconsultum videretur, abstulerunt. Interea Capitaneus Beuninghen, harum rerum omnium nescius scapham suam in littus emittens, illud tum viris tum dispositis tormentis vndiquaq; esse occupatum cognouit. Qua causa inde se properè rursus amouit. Die Septembr. 10. Generalis parcendi temporis gratia statuit, vt S. Iago Insula deserta, vela in Insulam Brauam, id est, vastam ac desertam fierent, vt quantum aquæ deesset, ibi inuasaretur.

*Hollandi S.
Iago deserunt.*

A meridie diei II. Insulæ dictæ propius appulerunt. Cæterum quod ad figendas anchoras commodus fundus non esset, si quidem scopulis faxisque omnia inuia erant: obliquis velis secundum Insulæ longitudinem pronauigantes, sub noctem aquam puteanam inuenerunt. Quæ etsi quidem non nisi magno & ærumnoso labore auferri posset: nihilominus tamen scaphæ Capitanei Beuninghen & Bockhold cum doliis in terrâ emissæ sunt. Quæ postea sub noctem, magno labore ad naues redierunt.

Hoc die Ian Eldrix chirurgus in prætoria naui obiit, & in dicta Insula sepultus est. Interea Capitaneus de VVeert cū prætoriæ scapha sinum quendam incurrens, postquam ingressus terrâ omnia attentè dispexisset, Æthiopes tandem & Lusitanos aliquot offendit. Quos de longinquo compellans, rogabat, vt commodum sibi locum aliquem ostenderent, in quo aquâ haurire posset: & si quid vel fructuum vel carnis haberent, æquo pretio sibi diuenderent. Cui illi responderunt: Anglos quidem & Gallos ibi aqua se plerunque instruire, sed naues tamen semper in mari relinquere. Cæterum quod fructus & carnes attineret, illorum se quidem nullam copiam habere, nec quicquam etiam inconsulto suo Capitofo, qui in edito monte habitat, diuendere posse. In Insula tamen Del Fuogo copiam eorum paratissimam adipisci licere. His digressis, Capitaneus omnes terræ angulos perquirens, tandem quatuor vel quinque ruinosas casas inuenit, quarum vnus aditus congestis grandibus lapidibus obseptus & obstructus erat.

Hunc referari iubens Capitaneus, casam frumento turcico cōfertâ inuenit. Ibi ergo cum tribus sociis manere cōstituens, scapham ad Generalem remisit, & ei, quid inuentū esset, impertiuit. Vespera autem appellente, cum metueret, ne Lusitani frumenti auferendi causa fors redirent: commodum accidit, vt eodem momento vna ex nauibus Episcopi in sinum incurreret, in quam ob id Capitaneus frumentum inferri iubebat. Hoc labore vniuersa nox insumebatur, cum faccos, quibus frumentum portarent, nullos in promptu haberent, sed caligis sollicitantibus ad hoc vti cogerentur.

Hollandi casam frumentum turcico plenam inueniunt.

Eodem in loco testudines grandes quoque binas inuenerunt, quarum quælibet ultra 600. oua fouebat. His ad naues allatis, gaudio omnes perfusi sunt. Lusitani ac Æthiopes, cum sub noctem frumentum ex casa efferri viderent, ingenti clamore per decliue montis proruerunt. Quos tamen Capitaneus, qui duos saltem scopos secū habebat forti à se animo propulsabat. Et cum frumentum iam vniuersum ferè naui intulisset, cum ea ad alterâ scaphâ, quæ à terra non procul aberat, perrexit, vt ibi diei ortum expectaret, & contra quoscunque impetus se fortius instrueret ac muniret. Exorto ergo die Lusitani cum Capitano, propius ad terram progressio, sermocinatum descendunt, grauissimè querentes, quod ne verbo vno

Grandes testudines.

admonitis sibi frumentum ademisset: quo orbat, cum victualia reliqua nulla habeant, iam fame mori cogantur. His Capitaneus respondit, longè sibi certius, quam prætenderent, cōstare: nec nescium esse, quod idem frumentum ibidem enatum sit: quod hoc sine in illam casam congegserint, ut in S. Iago inferrent. Nec enim credibile esse, cum in montibus degant, facturos, ut vniuersum suum cōmeatum in littore recondant. Sciant tamē nihilominus, per vim se non statuisse ipsos frumēto suo spoliare, sed pretio multo æquiore, quam Insulani facturi sint, id æstimantibus soluturum esse, modo aquæ hauriendæ commodum locum monstrare non detrectent. Id enim æquum esse: & apud Gubernatorem excusari commodè posse, si vi sibi surreptum frumentum, seq; ad aquæ locum monstrandū compulso esse prætenderent. Lusitani conditione probata, aquarum locum commodum monstrare promiserunt, si naues in alteram partem Insule agerent, ad illum locum, vbi succenso igne signum accepturi essent. His transactis discessum est.

Generalis potestatem & officium suum viceAlmiranti imponit.

Posthæc Capitaneus ad prætoriam nauem reuersus, Generalis lāguorem valdè auctū cognoscit. Is enim iam vniuersos Capitaneos ad se acciuerat, ut cum ipsis de necessariis conferret, dicens, diutius ibi obhærescere sibi neuiquam commodum esse, & simul viceAlmiranti omne suum munus demandans, roganque, ne porrò rebus alienis molestaretur, sed viceAlmirans tum vexillis tum ignibus notu præfectus esset.

Novus viceAlmirantis ordo.

Itaq; viceAlmirans, cum, quantum aquæ cuilibet naui adhuc deficeret, a cæteris Capitaneis edoctus esset, constituit, ut qui apparatus maiorem haberent, cæteris indigentioribus aliquid impertirēt, diurnamq; portionem minuerent, & quam primum pluuiæ fierēt, aquam colligerent, & quam parcissimè possent, viuerent, ut in continuando itinere minus impedirentur. Tribus enim vel quatuor mensibus citius impetrandæ vllibi aquæ spem nullam effulgere. Porrò autem si opus futurum sit, Capitaneorum quouis tres quatuorve ægros ex prætoria ad suas naues transferrent, & pro his totidem sanos remitterent. Post hæc etiam vini parciore dispensatio fieret, adeo, ut tertia parte minus quilibet acciperet. Hoc ordine omnibus constitutis, cursum redintegrantes vento cauro intra Aquiloeurū die 15. Septemb. perrexerunt.

Die 22. in naui prætoria tormento explosa, & ex puppi vexillo suffixo, Capitaneis accedendi signum datum est. Venientes illi Generalem vsque adeò infirmum inueniebant, ut vitæ longioris nulla spes superesset. Idem status curatoris quoq; eiusdem navis Danielis Resteau erat: qui & ipse cum Generali ardentissima febris vrebatur. Sub mediam noctem intra 23. & 24. Septembr. Generalis præsentib. viceAlmirante & capitaneo Beuninghen expirauit: quem paulo post circa horā tertiā Daniel Resteau quoq; eodē exitu secutus est. Quorū duorum

Generalis obit.

duorum intempestius obitus certè vniuersos haud modicè afflixit. Nam Generalem propter insignem prudentiam, & multifariam peritiam, summamque humanitatem, qua promiscuè omnes prosequabatur, vniuersi certatim impendio amauerant & venerati erant.

Sub diei 25. Septembr. exortum, cum vexillum luctui destinatum in prætoria erectum esset, naues ad eam vniuersæ congregatæ sunt, vt defuncto Generali nouissimum honorem præstarent. Cadauer itaque feretro lapidibus, vt citius mergeretur, oppleto, impositum, & linteo inuolutum, àque Capitaneis ex puppi ad proram vsque portatum, tandem à nautis in rubrum sabulum demittebatur: quo tempore etiam obtectorum tympanorum & tubarum lugubris strepitus, bombardarumque fragorus fremitus passim personabat. Simili processu Daniel Resteau quoque in mare promittebatur.

Generalis sepelitur.

His curatis, cum inconsultū videretur, classē, quæ Generali iam in omnibus parere didicerat, comprimis verò prætoria, quæ frequentibus ægris plena erat, diutius capite & moderatore suo destitui: senatu bellico coacto, decretum est, vt literæ, quæ à patronis nauium obsignatæ datæ essent, proferrentur, & resignatæ, publicè audientibus omnibus recitarentur. Ex his intelligebatur, patronos nauium ita constituisse, vt si fors præfectus generalis Sr. Iacomo Mahu in itinere obiret, ipsius loco ViceAlmirans Sr. Symon de Coordes substitueretur ac præficeretur. Quibus cum gaudio ab omnibus perceptis, Coordes citra moram dominus ac summus præfectus salutatus est.

Noui Generalis electio.

Hic ergo cum iuramentum obedientiæ & fidelitatis à Capitaneis, nautis ac militibus pro more sumpsisset, literæ modo dictæ de noui Generalis electione vniuersis denuò recitatæ sunt: quibus auditis moeror vniuersalis quadamtenus leniebatur, hoc insuper accedente, quod eodem fine Capitaneus Beuninghen grauem & elegantem orationem ad populum ederet. Porro, vt temporis ratio aliqua haberetur, Generalis nauem suam, quam iam deferendam videbat, nouo capite instructurus, senatum bellicum conuocauit, & communi habito consilio curauit, vt pro ViceAlmirante Gerrit de Beuninghen: pro hoc rursus Capitaneus de VVeert: & item pro isto Sr. Dirrick Gerritsz China Enckhusanus sufficeretur & constitueretur. Singuli autem hoc vespere ad suas naues redeuntes, manè reconuenerunt: vt de cursu ac itineris modo exactius decerneretur. Iam enim vix 26. passuum profunditatem habebant. De his ergo sequente die constituebatur, & in inuentarium, quæ & quanta bona Generalis defunctus reliquisset, referebatur, nauibus nihilominus cursum suum seruantibus. Ab eo tempore scorbutus inter populum, præcipuè autem in prætoria naue, ita inualuit, vt vniuersæ naues ægris refertæ essent. Die 27. Pieter Iansz, prætoriæ nauis gubernator die obiit.

Capitaneorū noua constitutio.

Morbi inter nautas acerbantur.

Die 28. Generalis, qui tum temporis in priore sua naui adhuc agebat, signo dato Capitaneos ad se accersit. A quo ad omnes naues pergens, generale iuramentum sibi præstari iussit. Sed & Capitanei omnes à suis sibi recens addictis nautis ac subditis peculiare iuramentum poscebant. Generalis autem 29. Septembris, nauem veterem deferens, à prætoriae nautis cum gratulatione exceptus est.

His dicto modo curatis, continuandi itineris gratia cursum suum prorsum direxerunt, vsq; dum à 4. Octobr. ad 6. paulò exquisitius intra austrum & occasum, & post iterum intra ortum & meridiem pertenderent. Circa hoc tempus ex naue Fidelitate signo dato, Capitanei conuocabantur, quod Bockholt admodum infirmus esset. Quod verò ventus admodum importunus flaret, solus ViceAlmirans ad eum visitandum perrexit.

Die 27. Octobr. Generalis ad Capitaneos vniuersos enunciauit, vt in omnibus promiscuè nauibus tum preces tum ieiunia fierent, & Deus oraretur, vt in tot angustiis, non solum ab aquæ inopia, sed & ægrorum multitudine positis, ipsis fidelem opem & auxilium cælitus afferat. Hoc tempore austri altitudinem 14. graduum tenebant.

*Scorbutus in-
ualefcit.*

Die 2. Nouemb. cū scorbuti vis tam latè serpsisset, ac inualuisset, vt in prætoria naui vix iam tot sani superessent, quib. regi naui posset: Capitaneus etiam de VVeert 70. ægros secum haberet, iis non numeratis, qui contagione quidem inuasi, sed nondum tamen penitus deiectioni essent: sicut & in cæteris nauibus vltra 30. aut 40. morbofi numerarentur: Generalis ob hæc cōpulsus, Capitaneis nauitisque ac gubernatoribus vniuersis ad se concitis difficultates illas exposuit, dicens, sibi impossibile videri, vt diutius in mari citra maximæ populi partis dispendium & interitionē versarentur. Collatis ergo sententiis vniuersi decreuerunt, vt alicubi terram quærerent, in qua ægri curari ac refici possent: quem in vsum Insulam Anno Bueno siue Nobon, vt quæ largissimam copiam carniū, auranciorum ac cæterorum fructuum haberet, omnium commodissimam putabant. Intra Aquiloeurum ergo cursum suum ad nominatam insulam recta continuarunt.

Circa noctis medium ferè, Almirans, qui prior cæteris nauigabat, disploso tormēto signum dedit. Nā præter omnē opinionem & supputationē gubernatorū, propinquā terrā videbat, quam nonnulli adhuc centenis, alij ducentenis, quidam centenis vicens milliariibus abesse crediderant. Cæteri ergo in nauibus qui erant, signo accepto, cum & ipsi terram propinquam conspicerentur, in littore Manicongo anchoras miserunt, sub altitudine lineæ australis graduum ferè trium: & binorum milliariū interuallo à terra stationem agentes, 8. passuum profunditatem habuerunt,

Hoc

Hoc loco nauem Episcopi cum 11. personis desiderarunt, quam ab eo tempore non viderunt iterum. Et licet nonnulli affirmant, quod eam ferente vento declinantem conspexerint, ac ob id eam voluntariam discessionem fecisse suspicentur: posteris tamen temporibus diuersum omnino compertum est, eam nimirum post diuturnas iactationes ad Capo de Lopo Gonfales appulisse, vnde paulò antè Hollandi soluissent. Hic ergo illos naue relicta, cum Monfr. Mucherone in Indiam Occidentalem pronauigasse.

Nauis Episcopalis desideratur.

Manè diei 4. Nouembr. cum Capitanei in prætoria naui conuenissent: Generalis ViceAlmirantem cum scapha vna, & Liburnica, in terram emisit, vt quæ loci ratio esset, & vtrum portus aliquis, in quo naues commodè versari possent, conspiceretur. Qui tamen propius ad terram impellens, tantam fundi eminentiam attigit, vt magno perumpere labore vix posset. Nec tamen in terra quicquam præter arbores quasdam offendit, licet secundum littoris porrectum tam diu procurreret, vt etiam propter noctis interlapsas tenebras ibidem morari cogeretur.

Postero die hoc ad naues reuerso, deliberatione habita Generalis mandauit, vt vela ad Capo de Lopo Gonfales verterentur. Nam, quo morabantur loco, fundus admodum incommodus erat, adeò, vt anchoræ sustinendis nauibus haudquaquam sufficerent, cum simul & venti impetuosus, ac maris vndæ æstuosæ furerent. Præter hoc & anchorarum funes admodum obtriti erant: & naui insuper Fidei anchora vncum vnum perdiderat.

A sexto die vsque ad nonum in littus Guineæ peruenerunt, vbi Æthiopes aliquam multos ad colloquium, datis mercibus vilioribus illexerunt. Qui cum populi tantum numerum viderent, pauidi se ne spoliarentur, in pedes coniecerunt. Nihilominus tamen Generalis, cum locum commodum dispexisset, mandauit, vt ægri in terram efferrètur, & custodia Capitaneo Bockholt cum tot militibus, quotis opus esse videbatur, incumberet. Cæteri Capitanei noctu in nauibus delituerunt.

Hollandi Æthiopes colloquuntur.

Ægri in terram exportantur.

Postero 10. die, cum videret Generalis, illic nihil quicquam nec fructuum nec carnis adipisci licere: consultum putauit, vt ad loci Regulum aliqui mitterentur, qui tentarent, an ab illo quid comeatus pretio dato impetrare possent. Huic ergo prouinciæ obeundæ Capitaneum Beuninghen designauit, qui cum sua scapha, & itidē cum scapha Capitanei de VVeert, quam eius curator Ian Kloeck teneret, mercibus aliquot impositis egrederetur. Hi tamen 12. die dicti mensis reuersi, præter gallinam vnam, & paucos Plantanos siue Bonannos, nihil attulerunt: adeò, vt cogerentur cibum ex obuiis herbis, in campo enatis, vt sunt Perecil de la Mer, nasturtium, & aurantia syluestria insipida simul ac inodora, parare. Hæ enim illic, licet copia minore, parabiles erant. Piscium tamen tantam multi-

Hollandi cibum captatiue mittuntur.

*ViceAlmirans
morbo corri-
pitur.*

multitudinem caperunt, vt vniuersos absumere non possent.

*Capitaneus
de VVert ad
Æthiopū re-
gem mittitur.*

Die 20. ViceAlmirans febri ardenti correptus, tam graui-ter decubuit, vt de vita eius omnes desperarent. Paulò post tamen reualefcens sese refecit. Die 23. in portum celox quædam de Barent Ericksz appulit, in qua Gallicus pilota siue nauta aduectus est, qui inter Æthiopes diutius versatus, regi familiariter notus erat. Is habito cum nostris colloquio, apud regem se curaturum spon-pondit, vt quicquid

*Ornatus regis
Æthiopum.*

vellent, impetrarent. Generalis ergo vna cum hoc Capitaneum de VVert & binas scaphas amandauit. Cum ad littus venissent, Gallus Regi Hollandorum aduentum nunciatum abiit, vt is more suo se ornatum & splendidum ipsis exhiberet. Vocatus itaque cum suis ad regem Capitaneus, regem in humili, & vix pedem alta sella reperit. Pedes is subiectæ pelli agninæ imposuerat, & vestem ex panno vio-

*Capitaneus
cum Æthio-
pum rege ser-
mocinatur.*

laceo paratam, ac tæniis ex auro spurio superinstratam induerat: quam, qui conspexerant, pro remige quodam paratam eam putaf- sent. Cæterum nec indusio, nec tibialibus, nec calceis cinctus, supra caput pileolū ex flauo, rubeo & cyaneo panno intertextum gestabat. Idem faciem dealbârat cinere, ita tamen, vt nigror cutis obiter trans- luceret. Collum corollis precariis, margaritis ex vitro factis innexis cinctum erat. Post regem rotundo orbe omnes eius nobiles conse- derant, qui capita sua pennis gallinaceis ornârant, & atram cutem pigmentis rubris tinxerant. Iuxta regem scabellum positum erat, sto- rea ex iuncis texta instratum, in quo Capitaneus (qui hac pompa & maiestate spectanda occupatus, vix à risu se continere poterat) confi- deret. Hic ergo cum Regem istum more Æthiopico salutasset, iuxta eum confedit, eique sui aduentus causam exposuit: querens, quod loci habitatores nulla data causa profugissent, ad quos tamen ami- cè tractatū venissent. Cæterum cum eorum naues omnes ægrotan- tibus oppletæ sint, impendiò se rogare, & pro mercibus, quas secum attulissent, fructus, gallinas, oues & hœdos à Rege impetrent. Rex Hollandi petitione audita, eos humaniter primò saluere iussit. Post, quibus opus haberent, æqua ratione omnia detulit. Capitaneum ipsum quoque secum in domum regiam (quam describere hoc lo- co stultitia sit: cum apud nos stabula bouum commodius & elegan- tius condita sint) abduxit. Quo cum peruentum est, Rex permuta- tione facta, pro lini lacinia, & ferri portione Capitaneum Cabrito siue hœdulo, & paucis plantanis remunerauit.

*Capitaneus
cū Rege pran-
det.*

Interea dum epulæ adornarentur, tubicines suos & musicos alios Capitaneus cantare iussit. Ex quo concentu voluptatis longè plus Rex hausit, quàm Capitaneus, cui animus iam dudum in patinis erat. Post longam tandem moram à quadam foemina regia in patina lignea Plantani aliquot tosti, cum fumo duratis aliquot piscibus promebantur. De quibus ferculis etsi rex parcè gustaret quidem, Ca- pitaneo tamen longè auidius & vberius ingerebat. Postea vinum et- iam

iam de palma propinatum est, potus certè non assuetis admodum ingratus. Cum aliquandiu fessum esset, remotis primis patinis, secundarium nihil appositum est. Quam parsimoniam Capitaneus oppidò admiratus, optabat, ut omnes veteres scriptores secum haberet, qui temperantiam Lycurgi, Socratis, Cyri, Pori, Phaotis, Pompeij magni, C. Fabritij, Masinissæ & aliorum plurimorum literarum monumentis inseruissent. Certus enim erat, eos hunc regē vniuersis illis prælaturus esse, qui tamen, etsi procero esset corpore, & valetudine vegeta, cum temperantia ista longè melius agebat, quàm qui vario apparatu, lautisque epulis continenter diffunderent.

Exacto prandio, cum esurie Capitaneo lactes adhuc rugirēt, ut qui integro die priore parum comedisset: per interpretem significauit regi, si ægrè non ferret, appositurum se quoque cibos illos, quibus in nauibus vterentur, ut diætæ nauticæ rex quoddam documentum haberet. Quod hoc saltem fine agebat, ut dilatam famem familiarioribus cibis compescere posset. Mappa ergò instrata, Capitaneus panem, cum infumata carne & caseo Hollandico & laguncula vino Hispanico plena apposuit. De quo vino rex tantum gustabat, ut temulentior in conclaue quietum abducendus esset.

Rex vino Hollandico inebriatur.

Interea temporis Capitaneus animi gratia locum illum, in quo 200. circiter domus erant, perambulabat. Cæterum vespera appellente, cum Rex nedum euigilasset, Capitaneus cum sociis ad scapham redire instituebat, ut illic pernoctarent. Dum vero socij conuocarentur, Æthiopes magno numero probè armati confluentes, transitum ituris ipsis obstruebant. Quod videns Capitaneus, cum primò in pauorem datus esset: postea tamen, quid vellent tot armati, quæsiuit. Qui responderunt ei, quendam è Capitanei comitibus, ædibus alienis vim fecisse. Institit ergo Capitaneus, ut violatorem illum digito intenderent aut monstrarent: promittens, quod sub aspectum ipsorum illum seuerè puniturus sit. Sed finxerant ista Æthiopes in concitati concursus excusationem. Hoc enim potius verebatur, ut Hollandi, si dimitterentur, sub nocte regressi, regē cū aliquot ministris prehensum abducerent. Iam ergo Capitaneus intelligēs, quod nisi per vim nullus sibi ad naues reditus pateret, ad regis domū reuersus, & ubi rex esset, sciscitatus est, domo egressum esse, responsum accepit. Quo trutinato nihil secundi iam ominabatur: verū insidias nescio quas suspicabatur. Vi ergo dū sibi transitum parare meditaretur, tumultu rex suscitatus, ut erat nudus erupit, ac suos acriter reprehendit. Tumultus autē causā à Capitaneo narrata, Rex eum, ut secū pernoctaret, obsecrabat. Cuius petitioni Capitaneus facile parebat, vñā tamē rogicans, ut sociorum parti potissimæ ad naues redire liceret. Ita cum 8. aut 10. è suis Capitaneus manebat. Æthiopes verò, nōdum omnino pacati, passi nō sunt, ut in ædibus regis pernoctaret, sed in domum aliam eundem abduxerunt: quam dispositis armatis tota nocte exquisitè custodierunt.

Capitaneus apud Æthiopes pernoctat.

Vesula præstigia.

Manè cum in foribus staret Capitaneus, ad regem pergere se accingens, aspectus foedi ac horridi foemina, tota nuda ad eum propius aggressa, capsulam, cuius operculum loris coriaceis connexum erat, ita vt follis instar intendi ac remitti posset, manibus gerebat. Hæc ter Capitaneum ambiens labris nescio quid murmuris edebat, subinde capsulā, cineribus plenā ita pulsans & deprimens, vt prouolitantibus illis vestes Capitanei vndiquaq; obsideretur. Quæ quidē, quid his voluerit, incertum est. Postea tamen Capitaneus ridens ad regem reuersus rogauit, vt, quæ promississet, haud cunctanter præstaret. Rex ergo mandatum subditis faciebat, vt, quod cuiuis venale esset, cōferretur. Sed præter Plantanos, & duas capras, quatuorque gallinas nihil allatum est. Quæ cum Capitaneus emisset, nec vberiora allatum iri speraret, valere iusso rege ad naues se recepit.

Capitaneus a Rege discedit.

Die 26. Nouembr. naus Barent Ericksz portum ingressa est, quæ in littore negotiationibus aliquandiu vacauerat.

Generalis solatur ægros.

Calend. Decembr. Generalis iterum duas scaphas cum eodem Gallo in terram emisit, qui tamen prioribus multò pauciora aduerxerunt. Interea quidam e militibus Capitanei de VVeert in sylua vicina aprum & duos bubalos ferierunt, nonnullasque aues caperunt, quæ vniuersa inter ægros viritim distribuebantur. Generalis quin etiam indies tam manè quàm vesperi circuibat, vt qui tractarentur ægri, attenderet, eosdem solaretur, & quæcunq; necessaria ipsis futura sint, promitteret.

Capitaneus de VVeert febriçitat.

Die 4. Decemb. ex insula Del Principe naus Den Morien in portum venit. Postero die Laurens Chistiaens cum celoce eodē appulit.

Diligenti ergo habita cura ægris magna ex parte reualescentibus & scorbuti lue liberatis, cæteris vero hætenus sanis propter aëris æstum & insalubritatem loci febribus contrà frequētibus correptis: Generali tempestiuum videbatur, vt inde discessio fieret. Itaque vniuersis in naues relectis circa 8. diei, horam 3. vel 4. decretum est, vt postero die vela eo loco rursus proferrentur. Quo, quamdiu morati sunt, 16. personas sepeliuerunt. Ipse quoq; Capitaneus hîc acutissima febre deiectus, priusquā malum euinceret, & sibi restitueretur, binos integros menses impendit.

Die 9. circa vesperam soluentes, cursum suum in Insulam Anno Bueno direxerunt, tentatum, num recentes carnes ac fructus tam pro veteribus quam nouis infirmis adipisci possent. Nam & ex classe Monse Mucheron 13. viros acceperant, ad cursum institutum conficiendum promptissimos. Illi tamen, qui scorbuto prius liberati censebantur, biduò post recidiuam passi sunt, ita vt maculæ ipsis per cutem erumperent. Ex quo intelligi poterat, ipsos nondum ad sanitatem perfectam rediisse. Qua causa vnica ferè motus Generalis, senatu bellico consulto statuit, vt in Nobon insulam diuerteretur, quò ægri in terram rursus exponi possent.

Die

Die 16. Insulæ dictæ successerunt. Cum verò Generalis Capitaneum Dierick Gerritz cum binis scaphis in terram amandasset, de subito in littus aliquot Lusitani Æthiopesque proruperunt, qui, ne propius accederet, prohibebant. Cum vero è longinquo Capitaneus exponeret, quod non nisi amici venirent, qui cibos & com meatum pro ægris pretio iusto redempturi essent: admissis, quæ peterent, sponderunt, & iusserunt, vt diei sequentis aurora redirent. Iam enim vesperam esse: & Gubernatorem, in editiore monte habitantem, de his prius monendum videri. Hoc accepto responso Capitaneus ad naues rediit.

Hollandi insulâ Nobon attingunt.

Postero, nempe 17. die, idem Capitaneus cum duabus scaphis in terram rediit. Sed incolæ terræ, sclopetis muniti in littus se effuderāt, & alta voce, ne quô se propius admouerent, interminabantur. Nihil enim in his terris pro hostibus superesse. Capitaneus rectâ ad Generalem reuersus, rem gestam ei narrat. Qui ob id continuò scaphas omnes impositis militibus munit, & easdem Capitaneo Bockholt & Tesserario Monfr. Hooghstoel ducibus, cū erectis vexillis in terram emittit, quorum alter ad læuam, binis scaphis, alter ad dextram, cum cohortibus præcipuis in terram egrediebatur.

Lusitani Hollandos à litore arcent.

Quod videntes Lusitani ac Æthiopes, casas suas, quas prægressa nocte euacuarant, igne succēderunt, & deserto propugnaculo suo in montana se fuga proripuerunt, postquam in aduenas aliquoties prius defulminassent, & Capitanei Bockholt tubicinem oblæssissent. Generalis autem postero die, cum occupata loca probè muniuisset, ægros in terram exportari curauit, & partem horum in templum, alios in reliquas ab incendio seruatas casas disposuit, ita tamen, vt cuiuslibet nauis ægri seorsim cubarent. Interim cum recentium fructuum, copiosè ibi crescentium, admodum auidi omnes essent, nullo ordine habito ad eos decerpēdos quoquo versum euagati sunt. Quod tamen nonnullis malè cessit. Lusitani enim, qui passim in insidiis latebant, occasione captata, nunc hunc, nunc illum profilientes feriebant, & successu temporis haud raros læserunt. Inter cæteros autem erat VVouter VVouterfz, qui 19. huius mensis die trucidatus, in opprobrium & ignominiam Hollandorum maiorem publicæ viæ expositus inuentus est. Vitandi ergo maioris incommodi gratia Generalis singulis officiariis simul & populo vniuerso seriò mandauit, ne quisquam sine consensu Capitanei Bockholt metas sibi positas transgredi attentaret. Nihilominus tamen confidentioribus nonnullis, contēpto mandato, egressis, & domum cum vulneribus reuersis, coactus est Generalis, in transgressorum pœnam patibulum surrigere. Postero die populi quædam pars armata emissâ est, quæ tentaret, an quosdam incolarum captiuos adducere possent. Nullis verò inuentis, cum 27. capris abactis in castra redierunt.

Lusitani fugiunt.

Ægri in terrâ efferruntur.

Generalis mādātū, de fructibus non auferendis.

*Hollandi in
monte valla-
tos Lusitanos
appugnant.*

*Lusitani mu-
nitionem de-
ferunt.*

Die 24. Generalis 150. circiter instructissimos viros ad mon-tem quendam altiore, in quo Lusitani se obuallârunt, & ex quo eruptiones subinde cum magno nostrorum detrimento faciebant, emisit. Qui cum propiores monti fierent, geminas in eundem ducentes vias inuenerunt. Vnde in duas se quoque Cohortes dirimere coacti sunt. Magno itaque labore vtrunque versus montis fastigium ascendendum erat. Iam ergo Lusitani ex editis locis in subiectos tum glandibus tum lapidibus tam violenter eiacularantur, vt in primo statim insultu Ian Iansz Kloeck Capitanei de VVeert signifer & registrator, iuuenis quidem, sed reuera prudentiæ studiosus, cum nonnullis aliis læsis feritus caderet. Itaque fremebundi etiam Hollandi suas partes agunt, crebrisque fulminibus vi sese proferunt, adeò, vt vtræque cohortes vnà ad fastigium occupandum conuenirent. Statione itaq; sua eiecti Lusitani, munitionem factam foedè deferunt.

Occupato iam monte, cum, quos perdidissent, numerarent, signiferi obitus certè à plerisque ægro animo auditus est. Nam impensius ab omnibus amabatur. Eundem tamen cum instructo comitatu ad Generalem miserunt; cui vnà, quo loco res essent, significari mandarunt, eius mandatum expectantes. Dum ergo sedulas ibi excubias agerent, gramine obtecta duo vasa, panibus referta, & duos caseos Hollandicos, & vrceos aliquot vino Hispanico plenos inuenerunt: quæ omnia in castra prouecta æqualiter ægris distributa sunt. Tandem & ipsi iussu Generalis deserta munitione ad suos reuerfi sunt, postquam prius duas casas, gossypio plenas, in transitu exussissent.

*An. 1599. la-
minati.*

Signifer Kloeck in insula pomposè tumulatus est. Etsi verò ibidem vsque ad Calend. Ianuar. Anno 1599. morarentur, ægorum tamen numerus nihilo minuebatur. Ea enim ferè fors erat, vt si aliquot scorbuto liberarentur, totidem illicò ardentibus febribus corriperentur. Eodem loco plures 30. viris fatis ablati sunt: inter quos etiam erat Anglicus in prætoria gubernator, Thomas Spring, iuuenis fortissimus & prudentissimus. Interea tamen paulatim tum aqua, tum ligna, vt & coquos & aurantia, magno numero nauibus illata sunt.

*Ægri in na-
ues referuntur.*

Postquam ergo Generalis, qui ipse in terram egressus, ægros subinde visitabat & solabatur, eosdem non saltem non minui, sed indies proptereaëris immoderationem augescere & multiplicari videret: vt in naues referrètur, & ex loco illo discessio fieret, consultum putauit. Mortuis itaque sepultis, & tentoriis cum templo exustis, 2. Ianuar. vniuersi in naues regressi sunt, viris 50. exceptis, qui tribus cohortibus dirempti, sese occultarunt, vt aliquos è Lusitanis præhenderent. Sed cum nec hoc consilium feliciter cederet, in naues se contulerunt. Postero die vniuersi ex Annobon soluentes rectà in fre-

tum Magellanicū cursum direxerunt, ratum habentes, in nullo alio quam hoc loco appellere. Cum ergo aliquandiu vento satis cōmodo proferrentur, 9. Ian. Fidei naus malus maior, infernè totus putredinosus & cariosus, corrui. Quæ tamen aduersitas cursum nauium nihil impediēbat, etsi in ista naui vix 7. aut 8. sani superessent, cæteris plerisq; ardentibus febribus excarnificatis: inter quos paulo post etiam Claes Iansz eo morbo expirauit. Morbi huius lues per hoc præcipuè disseminabatur, quod Generalis omnes nautas ac Gubernatores in Fidem nauem amandasset, qui in resarciendo malo vniuersi laborarent. Iste tandem 14. die erectus, etsi ex partibus octo cōstaret, commodus tamen satis erat, nisi quod æquo breuior videretur. Interea temporis ipsa hæc naus rudentibus ex prætoria religata profe- rebatur.

Hollandi in
fretū Magel-
lanicum na-
uigant.
Fidei malus
labascit.

Die 22. altitudinem austri 8½. graduum attingentes, circa meridiem Insulam Ascensionem conspicati sunt. Die huius mensis vltimo solem recta in vertice positum habuerūt, ita, vt nullam vmbra- funderet, gradus 20. & minuta totidem tenētes. Circa meridiem bre- uia Abrollos transmiserunt, & Iapyge impellente, ad 9. vsque Martij diem versus Libonotum procurrerunt: quo die altitudinem grad. 41. & min. 30. censebant. Hoc eodem die ex vice Almirantis naue miles quidam sententiis iudicum damnatus est, qui noctu coci recondito- rium diuersis vicibus effregit, & ex eo panes abstulit. Is ergo die 10. ex malo suspensus, circa vesperam laqueo iterum exuebatur, & in mare deturbabatur.

Militum qui-
dam suspendi-
tur.

Cæterū cum ægris ciborum appetitus paulatim restitueretur, sed opsonia non satis probè ferrent: Capitanei cogebātur bis in dies astare & edentes moderari, quoties opsonia ipsis proponerentur. Tanta enim auiditate illa ingerebant, vt & labra exurerent, ac ora, quorum partes exulceratæ frustillatim post excidebant. Generali quoque aduertente, vini quantitatem admodum defecisse: longin- qui restantis itineris ratione habita, hunc in eo dispensando ordi- nem præstituit, vt singulis dietim duo cyathi pleni ministraren- tur.

Vini noua
dispensatio.

Die 10. altitudo 42. graduum erat, non procul à Rio de plato. Eo loco mare vsque adeò rubrum comparebat, vt mero sanguine com- mixtum putaretur. Cum verò vndam hausissent, eam totam vermi- culis rubris scatentem reppererunt: qui in manus repositi, pulicum more exiliebant. Hos nonnulli putant statis temporibus à Balænis eiici. Post octiduum in naui Fidelitate, Anglus quidā miro quodam morbo periit. Cum enim ad mensam sedens ederet, retrò repente la- psus vultum toruum exhibebat, & spumas copiosas ore reddebat, voce ne minima edita. Hoc habitu iacuit vsque ad sequentis diei me- dium, quo vitæ finem fecit. Biduo post, eodem ferè morbo iuuenis quidam ex Vtrecht contactus est. Qui noctu ab excubiis reuersus,

Nouus & ter-
culentus mor-
bus.

intenta voce de repente clamare cæpit. Ad hunc cum milites aliquot accurrissent, ipse illos toruo vultu inspexit, & tum mordendo, tum vnguibus lacerando, tum pugnis tundendo eosdem grauiter infestauit. Quem tamen correptum cum in loca frigidiora intulissent, diebus quatuor integris nullo nec cibo nec potu vsus, ore tandem aliquid obmurmurare obscuri cæpit. Cui cum panis porrigeretur, truculentis & sæuis gestibus illum auidissimè arripuit, & crassissimè deuorauit. Ab eo tempore mente motus diutissimè manens, tandem in freto miserabiliter expirauit. Cum enim ad naturæ opera reddenda idoneum se præstare non posset, in perpetuo vdore cubanti tandem pedes perfrigerati ad tantam gangrænam deuenerunt, vt iis præsectis omninò opus fuerit.

*Prætoris nauis-
tinas a-
git.*

Die 23. nebulæ tam crassæ inciderunt, vt naues sese mutuo spectare non possent. Circa vesperam tamen vna iterum conueniebāt. Post triduum similis nebula incidit. Cæterum vsq; ad 28. diem cursu continuo procurrentes, gradus 50. tenētes, bolide missa, 60. passuum profunditatem emensi sunt. Circa noctem vento vsq; adeò valido concussi sunt, vt prætoris nauis rimam contraheret, per quam confertim aqua irrumpens, anthlis vix sufficienter exigere poterat. Postero die iterum sub altitudine 50. graduum plumbum mittētes fundum 80. passuum habuerunt, arena cærulea permixtum.

Cal. Aprilibus vento Libonoto vsq; ad posterum diem vsi, eodem cursum suum cōtinuarunt. Circa meridiem versus aquilonem terrā altam conspicati, fundum argillosum 36. passuum deprehenderūt. Circa vesperā, cum à terra non longius 5. miliaribus abessent, ab ea versus ortum tendentes, postero die pellacia vsq; ad vesperam vsi sunt, qua flante aquilone intra austrum & occasum impulerunt, & hanc metam vsq; ad diem 4. tenuerunt, quo 50. grad. & 46. minut. altitudinem habentes, 30. passuum profunditate nauigabant.

*Hollandi via
Magell. fauces
ingrediuntur.*

Die 5. grad. 52. altitudine, duobus ferè miliaribus secundum litorum longitudinem, quæ Doueren propè altitudinem habebant, procurrerunt, passuum 40. profunditatem habentes. Circa eiusdem tamen diei vesperam vento ex aquilone spirante, ne in terrā propius impingerent versus ortū obliquarunt. Ita ergò postero 6. die in fauces viæ petitiæ Magel: incurrerunt, 12. 13. & alicubi 14. pass. profunditatem nacti. Circa vesperam in latere australi anchoras iactarunt 18. pass. & propter malaciam maris ibidem per noctem subsederunt.

*Cap. de VVe-
ert anchoram
amittit.*

Die 7. leuatis iterum anchoris, Euronoto ferente secundū terræ porrectum altitudine 52. & dimid. grad. pronauigarunt, circa vesperam naues anchoris sistentes passibus ferè 19. Eo loco Capitaneus de VVeert, cum funis tempestatum violentia diruptus esset, anchoram vnā perdidit, ita, vt puppis ab æstuantibus vndis non nihil attolleretur. Quam tamen noua illico eiecta anchora breui iterum fixit & firmavit, vt æquo cum prora situ esset.

Poste-

Postero die de recuperanda anchora serio laboratū est. Verum, quod funis cum anchora cohærens non emineret, sed pessum iuisset, operam frustraneam fecerunt. Hinc ergo cauro impellente se emouentes, nubiloso cælo existente porro tetenderunt. Vespero idem Capitaneus paruam insulam 14. milliaribus intra fretum super breuiis sitam & 3. passuum profunditatem habentem aggressus terram tenere se arbitratus est. paulo tamē vlterius se proferens 8. pass. aquam recuperavit. Nam intra dictam Insulam & breuia illa transmittendum fuerat. Eodem loco cum anchoras misissent, fracto fune earum vnā perdidērunt: quam tamen postero die magno labore rursus ex traxerunt.

Prædicta Insula Pinguinarum geminarum minima erat, ad quam vice Almirans cum Capiteo de VVeert postero 10. die April. appulerunt, vt officiariorum quendam Ian Diricksz de Dort, qui primus in freto obierat, ibidem tumularent. Appellentes ibi, ingentem volucrum copiam inuenerunt, quas mergos nominabāt, quoniam se se submergentes è fundo cibum quærebant. Harum auium 1300. aut 1400. fustibus & contis cæsas, secum ad naues attulerunt.

Pinguina Insula.
Mergi 1400. fustibus occisi.

Hiscæ auibus vniuersam classē ex hoc loco instruere potuissent: Sed quod serena tempestas fulgeret, & ventus commodus spiraret, temporisque aliqua ratio habenda esset, vt pote quod iam hyems præ foribus staret: Generali diutius ibi morari inconsultum visum est, speranti, in australi oceano victualium necessariorum se quātum opus esset, facile impetraturum esse. Inde ergo 19. April. rursus soluerunt. Circa vesperam sub editiore terra quadam in parte septentrionali 24. passibus anchoras miserunt, & postero die integro, qui Paschatis erat, quod aura quieta esset, iisdem ibi morati sunt. Ex loco isto Generalis vice Almirantem & Capitaneum de VVeert cum 50. viris in terram emisit, vt aut homines, aut pecora quærent, & an nauibus ibi aliquis fuetus trāsitus sit, peruestigarent. Sed re infecta ad naues redierunt. Sequentē die leuatis anchoris aquilone & Iapyge ferēte versus meridiem directi, tota nocte tempestate quieta vsi protenderunt.

Die 13. vento satis commodo se ingerente, in latere aquilonari portum quendam amœnum incurrerunt, quem Angli propter ingentem numerum concharum, ibi parabilium Conchiferum appellant. Portus hic intra fretum 21. milliaribus situs est: in quo iactatis anchoris 20. passus fundi argillosi repperūt: ex quo in terram egressi, limpidum & clarum riuum seu flumen inuenerunt, in cuius ripa concharum lignorumque ingens multitudo erat. Eodem loco ad diem quartum commorati, quantum poterant, lignis ac aqua se instruebant, & 17. die Euro flante intra editam dictam terram penetrabant, vbi tamen propter altissimos montes ibi incumbētes, & niue

Montes præalti niue tecti.

Eodem

Eodem die circa vesperam in parte aquilonari anchoras iacentes, 11. 12. 15. 18. & 20. passuum fundum arenosum habuerunt. Postero die iterum subtractis anchoris Euro impellente aliquousq; procurerunt. Sed hoc vento breui mutato, coacti denuo in sinu quodam aquilonem spectante anchoris subsederunt, passibus 14. in fundo argilloso.

*Sinus viridis
in freto.*

Concha magna.

Sinus iste sub grad. 54. situs viridis dictus, curua quadam eminentia in septentrionem excurrit, in cuius medio tres paruae Insulae visuntur, quarum minima orientem spectans, nauibus fabricandis, si opus sit, valde commoda videtur. Ea enim admodum arenosa ac elata est, virentibus arboribus, Lauris similibus, licet procerioribus, ornatissima: quarum cortex piperis modo saporem acrem & mordentem præbet. Ibidem aquæ potabilis limpidissimus quoque fluuius est, conchis vndiquaque constratus, quarum nonnullæ dodrantis longitudinem habent. Sed & anatum ac anserum hic insignis copia: ita, ut sinus hic commodissimus sit eorum omnium, qui in freto isto reperiuntur: in quo perpetuo 12. 15. 20. 30. & 45. passuum profunditas esse solet.

*Hyems in freto.
Magna inopia
& labores in freto.*

Hoc in loco usque ad 23. Augusti cōmorandum ipsis fuit, quod ventum nullum idoneum consequi possent. Et cum nec venti se cōmodi offerrent, ac simul hyems insultaret, ibidem ærumnis maximis obtriti, ultra 100. viros perdidierunt. Continuis enim procellis concussi, totos dies nunc vela stringendo, nunc pandendo, nunc anchoras mittendo, nunc retrahendo, & innumera alia agitando, inexhaustis laboribus terebant. Iam & naues inuicem collidebantur: & fluctuum insultu in littora dispellebantur: ut ad eas redigendas & firmandas Herculei labores requirerentur. Tum & subinde pluuiis, ventis, grandine, & niue verberati, in terram egredi cogebantur, iam ligna, iam aquam, iam conchas, iam aliud quod ex usu erat, allatum & aduectum. Quibus certè omnibus iniuriis & incommodis populi pars maxima omninò eneruabatur. Postea & fames horrida ingruerat, quod in frigidiorē loco versarentur. Quam causam ex naturæ modo eleganter declarat, celebris Bartas in suæ nauigationis die secunda, his verbis: Qui in locis frigidioribus habitant, propter auctum internum calorem plus cibi poscunt digeruntq; quam qui in calidis locis macri gracilesque sunt, qui ab externo solis ardore nigriores euadunt. Eadem ratio eorum quoque est, qui in temperato aëre habitant: quorum ventriculi hyeme calidiores sunt, quā in æstate. Hæc Bartas.

*Tamē causa
frigus.*

Accidit ergo, ut vetriculi externo frigore calidiores redditi, nullo cibo satiari possent, eorum cōprimis, qui in Fide naue versabatur. Ii enim opsoniis omnium maximè destituebantur. Itaq; quicquid vsquam obuiū arripiebant, in corpus ingerebant, ut crudas conchas, radices, herbas: quæ dum ad ignem coquerentur, expectare illis difficile

cile erat, etsi in nauibus perpetui ignes fouerentur, ad quos tum calefierent, tum cibos elixarent. Et, licet Generalis quidem istius nauis Capitaneo, tonnas sex pisorum fabarumque ex sua naue tradidisset, ista tamen omnia nihil proficiebant, adeò vt fames eorum deinceps nullo cibo castigari posse videretur. Sed & vestibus non vsque adeo probè muniti erant. Vnde motus generalis, cistas nonnullas pannis refertas referari iussit, quibus distributis nudiores vestirētur. Nihilominus tamen ex frequenti concharum & crudissimorū aliorum ciborum ingestione, ac aëris perpetua rigiditate, pleriq; hydropetam violento inuadebantur, vt plurimi ex eo fati fungerentur.

*Hydropici
nauis.*

Die 22. April. suspendio nautarum duo adiudicati sunt: ideo quod effracto penore oleum furtim abstulissent. Quorū vnus, cum iam laqueo suffocatus esset, alter intercessionem multorum liberatus cum alio quodam, qui furti conscius, illud Capitaneo non prodidisset, virgis cæsus est.

*Supplicium
de nautis sum-
prum.*

Die 28. April. Capitaneus Bockhold, qui phthisi longo tempore absumptus erat, in freto obiit. Huic tumulus in terra factus est. Cumque more solenni sepeliretur, ex singulis nauibus ter tormēta displosa sunt. Huic omnium voto electus Sr. Balthasar de Cordes successit: qui 3. Maij nauis Fidelitatis dictæ administrationem suscepit. Biduo post, panis largius dispensari cæpit, ita, vt singuli dietim libram dimidiam eius fortirentur. Hoc ipso in portu Ioannes Corput, prætorix nauis signifer, quoque sepultus est.

*Cap. Bockhold
obit.*

*Balth. Cordes
Capitaneus
nauis Fide-
latis.*

Die 7. Maij viceAlmirans cum sua & Generalis scapha versus austrum in Insulam quandam, sinui viridi recta oppositam, Gobiones captatum egressus est. Eò delati septem Canoas feris hominibus obsessas reppererunt, quorum, vt coniectura dabat, longitudo 10. aut 11. pedum erat, corpore rubeo capillis promissis ex capite obducto. Hi scaphis animaduersis festinanter in terram impellentes coniectis & extortis confertim lapidibus in Hollandos adeò fulminarunt, vt viceAlmirans Insulæ appropinquare non auderet. Videntes autē feri, quod viceAlmirans porro progredi dubitaret, repente vniuersi in Canoas suas insiliunt, & magno clamore ad scaphas inuadendas sese proferunt.

*Septem Canoas
feris hominib.
plena.*

Cum ergo iā propius appulissent, iussit Capitaneus, vt in ipsos Musquettas suas milites exonerarent. Quo facto, vno momento illico 4. vel 5. ceciderunt. Eo spectaculo terrefacti, versus terram denuo festinantes, aliquousq; profugerunt. Et euulsis crassis arboribus, moles & valla congefferunt, vnde in aduenas lapides eiaculari, eorumq; impetum sustinere possent. Sed immanes ac truculentos hos deferens Capitaneus, re infecta circa vesperam ad naues rediit. Propter ventorum autem incommoditatem ibidem aliquot diebus cōmorantes, in terram indies scaphis egressi sunt, vt conchas, herbasque ac radices, & alia obuia legerent. Cum verò quærendo longius à se

*Hollandorū a-
liquot à feris
hominib. tru-
cidantur.*

*Ferorum de-
scriptio.*

inuicem discessissent: ex arbuſtis feri in proximos irruentes, tres eorum miſerè trucidarunt: ex quibus erant Adrian Cornelisz Enckhuſanus, Sebaſtianus Arentſz ex Moſa, & Marcus Marcusz Amſtelredamus. Sed & Alb. Thuniſſen de Calenburch, & Ian Ianſz Amſtelredamus grauiter vulnerati ſunt. Cæſos immaniter tractabant: & hos geminos quoq; morti dediffent, niſi Capitaneus de Cordes interueniens eos eripuiſſet. Feri hi homines toti nudi erant, vno excepto, qui neſcio quid collo circumligarat. Arma eorum erant, tela ex ligno duriffimo, quæ expedite vibrare norant. Hæc crenis ſeu hamulis ita exaſperata erant, vt ſi in corpus penetrarent, extrahi non poſſent, ſed nouaculis excindi eas opus eſſet.

*Hiſpanica Li-
burnica exu-
ritur.*

Interea, cum Hiſpanica nauis illa, quam ante S. Iago occuparāt, tempeſtatum violentia admodum quaſſata in terram eiecta eſſet, nec reſarciri cōmodè poſſe videretur: Generalis conſentiente ſenatu bellico decreuit, vt ex ea conſracta, prætorix ſcapha maior extrueretur ita, vt Pinaſſæ uſum præſtaret. Itaq; die 16. aſſeres auulſi in terram prolati ſunt. Ex quibus iunctis magna feſtinatione tignarij octidui ſpatio ſcapham ita condiderunt, vt illicò in aquam promitteretur. Huic gubernator præficiēbatur Gillis Ianſz. Poſtero 28. die, vetus illa liburnica igne concremata eſt.

Die 17. Capitaneus de VVeert (quod iam omnibus opſoniis conſumptis, ſolis iuſculis victitare cogerentur) piſces captatum in littus excurrit. Interim violentiſſimo cæcia ſurgente mare tantoperè æſtuare cæpit, vt nolentes volentes biduo integro in terra illa ſe continere cogerentur. Qui tamen poſtea vacui ad naues reuerſi ſunt.

Die 18. vento adhuc nonnihil fremente, vice Almirantis nauta Dierick de Groot, qui in pergula nauis neſcio quid operabatur, in mare delapſus eſt. Cui cum propter magnam ventorum violentiam ſuppetiæ nullæ ferri poſſent, in conſpectu ſociorum ſuffocatus eſt.

*Concio habita
in nina.*

Die 2. Aug. Generalis, populo omni in terram egreſſo, etſi niue omnia canderent, concionem publicam fieri mandauit, qua Deo gratiæ dicerentur, quod integro iam anno in tam periculoſo itinere ſeruati eſſent: & idem deuotis precibus rogaretur, vt porro quoque gratiam ſuam & miſericordiā iſſis clementer conferat, vt inceptum iter feliciter conſectum dare valeant.

*Sinus de Cor-
des.*

In viridi hoc ſinu, cui (quod claiſſis ibi hybernaffet, & ex fame ac cæteris laboribus ærumniſque vltra 120. homines extincti eſſent) nomen de Cordes dederunt, porro quoq; cum imbribus, grandine, ventisq; perpetuis cum fame & inæſtimabili miſeria, vſq; ad 25. Aug. commorati ſunt.

*Holl. ex ſinu
viridi ſoluunt.*

Die Aug. 23. hinc ſoluentes tandem, vento Iapyge intra Aquilozephyrum impulerunt. Sed quod vis huius venti admodum ignaua eſſet, poſteri diei aurora anchoras denuo mittere coacti ſunt: quas

veſperi

vesperi attollentes iterum, circa noctis horam decimam in grandem sinum partis australis cum refluxa vnda ingressi sunt, post quem Insula quædam parua 16. 24. 30. & 40. passuum profunditatem habens sita conspiciebatur. Locus hic anchoris mittendis omnium aptissimus erat. Ex eo enim, quoties lubebat, ventis optatis excurri poterat. Generalis ergò vt ad se vniuersi Capitanei & nautæ congregarentur, signo dato iussit. Virtute enim & constantia officiariorum motus, in freto isto monumentum quoddam suffixurus erat, quod testaretur, Hollandicam classẽ nullis aut periculis aut ærumnis absteritam hac transiisse, & primos eos è nationibus vniuersis cum tot nauibus transitum istum patefecisse. Ad fraternitatem ergò seu societatem istam stabiliendam sex è tota classe primarios secreuit, qui iurisiurandi religione sese mutuo obstringerent, quod nullo vsquã tempore, aut summis periculis ærumnisque, aut ipsa quoque morte pæuefacti, quicquam admissuri aut designaturi essent, quod vel infamiam propriam, vel patriæ opprobrium ac dedecus, vel semel huius suscepti itineris remoram vel in minimo causari posset: sed quod e contra potius vitam & sanguinem ipsum impendere velint, saltem, vt infesti sui hostis vim quadamtenus proterere ac eleuare, cursumque institutum feliciter exigere valeant. Itaque Hollandicum insigne eo ipso in loco surrexerunt, ex quo Rex Hispanorum thesauros suos, quibus fretus hætenus vniuerso Belgio tam hostilia arma intendit, magna ex parte colligit ac conquirat.

Commodus in freto sinus.

Generalis tractatus monumentum statuit.

Fraternitas stabilitur.

Hæc fraternitas in freti illius parte australi, illiusmodi ceremoniis ac solennitatibus quales loci ratio tulit, constituta est: quod foedus pactum, Fraternitatem liberati Leonis indigetauerunt. In eius rei memoriam tabulæ cuidam sua nomina insculpserunt: quam, vt à præter nauigantibus omnibus clare perspici posset, columnis altis suffixerunt. Et cum in foedere hoc fanciendo omnifarias ceremonias equestres adhibuissent: ob id sinum hunc equestrem nuncupauerunt, ex quo tandem 28. dicti mensis die. ferente vulturno soluentes, dimidij miliaris ferè spatio secundum littus aquilonare pronauigauerunt, vbi in breuia quædam inciderunt, cõminuendis nauibus admodum procliuia. Inde verò industriè se rursus extricantes in sinum quẽdam australem secedentes, anchoras 20. passuum profunditate iactarunt. Ibidem aquæ potabilis pronissima copia erat.

Sinus equestris.

Pro mandato ergò Generalis, Capitaneus de VVeert scapham suam viris necessariis munitam, in sinum Equestrem rursus egit, vt fraternitatis tabulam ibi erectam, referret inde, & in loca commodiora statueret. Eius verò sinus angulum nauibus ambiens, 80. circiter feros viros, in terra cõsidentes, ac in vicinia 8. vel 10. Iollas siue canoas tenentes, conspiciatus est. Hi quãprimum scapham appropinquantẽ vidissent, ingenti clamore suscitato, vt propius ad se accederent, manibus iactatis innuebant. At Capitaneus quod se nimis ad hos edo-

mandos infirmum videret, illicò retrò ad naues commeauit, vt rem hanc generali ocyus impertiret. Sed cum discederet, feri eum per litoris longitudinem cōcitatus insectantes, subinde alta voce clamitabant, & vt ad se rediret amarulenti quasi inuitabant.

Generalis ergò re comperta, tres scaphas viris plurimis munitas subito in dictum sinum amandauit. Qui tamen in littus egressi neminem eorum loco priore inuenerunt. Immanitatis tamen ab ipsius exercitæ certa vestigia repererūt. Nam quæ defunctorum sociorum cadauera ibidem nuper tumulauerant, ea Barbari non solum sepulchris iterum eruerunt, verum etiā immani laniena scēdissimè discerpserunt. Inter cæteros M. Ian. Iansz Generalis chirurgus inhumanissimè consauciatus, miserandum spectaculū exhibebat: cui & buccas disciderant, & fustib. caput cōtuderant, & telo cor perfoderāt, & pudendum amputarant, & tandem ita mutilatum in vndā abiecerant. Tali enim habitu inuentus, & à sociis denuo sepultus est. Sed & archimagiri sepulchrum patens inuentum est, cadauere nullibi conspicuo: ita, vt suspicio esset, id à feris iis ablatum fuisse.

Truci hoc spectaculo militum animi vsq; ad eò in furorem dati sunt, vt & loca passim vniuersa perquirere, & Barbaros istos diratione vindicare satagerent. Sed quod loca ista pleraque vastarentur, & adpellens vesp̄era reditum ad naues suaderet, fragmenta saltem quædam istius tabulæ, quam Barbari frustillatim cōminuerant, secum ad naues attulere.

*Hollandi ex
fretis in oceanum australem
venimus.*

Postridie 2. Sept. eo loco rursus excedentes, ferenti cauro sese crediderunt, & circa 3. diei noctem fines freti attingentes, commoda tempestate oceanum australem ingressi sunt.

Die 5. & 6. solito cauro adhuc pertendentes, metæ priori feliciter insistebant. Hoc tempore senæ naues, quibus etiam scapha pridem excremata Liburnica facta connumerabatur, vniuersæ adhuc coniunctæ pergebant. Circa diei septimæ verò initium ventis impetuosioribus mare ita exæstauit, vt vice Almirans, quam scapha iuncta sequebatur, anchoras iactare cogeretur. Eadem & Fidelitati naui, quæ scapham suam non extulerat, necessitas incumberebat. Capitaneus verò de VVeert, qui suam scapham, quam primo fretum egressus esset, intro receperat, Almirantem prænauantem in sequebatur.

Procella in oceano australi.

Interim maiori celoci, quæ ad Fidei læuam concurrebat, aduersitas quædam obtingebat, quæ principium & causâ vniuersæ classis dissep̄ationis erat. Cum enim crebris succussionibus, à fluctuum ventorumq; vi factis, pars quædam de naui excidisset, & antennam priorem non sine grandi mali periculo secum abripuisset: contractis illicò velis eliso tormento cæteris anterioribus huius rei signum datum est. Quod vbi Capitaneus de VVeert audiuiisset, anchoram & ipse emisit, ac sua vela festino collegit, vt hoc pacto sibi opem inuicem prestare possent. Fidelitatis verò scapha cum eodē fine ad pericli-

classis dissep̄ationis principium.

clitantes celocem emitteretur, fluctuum concitatione fremente eversa, funditus periit.

Interim tamen Generalis naue, propter non auditum signum strenuè ventos sequente, factum est, vt eadem à cæteris interuallo quàm longissimo euagaretur. Attamen ViceAlmirans, cum casum videret, cæpit & ipse pro ferendo auxilio vela sua legere. Paulò post, nebula tam densa & crassa illapsa est, vt ab vna naui ad alteram prospectus minimè pertingeret. Commorantes tamen vniuersi, celoci refarciendæ, & quæ exciderant, reponendis, maloque firmando certatim laboriosè incumbabant. Die verò 8. Septembr. sub auroram, commorantium trium nauium binæ scaphæ desiderabantur, quas tamen, cum & cæteri vela ventis rursus dedissent, trium horarum spatio iterum consecuti sunt, sperantes fore, vt breui tempore nauem quoq; prætoriam cum gaudio assequantur.

Vbi conuentum est, Capitaneus Dierick Geeritsz postillionem ad ViceAlmirantem amandat, rogans, vt is Capitaneis de VVeerde & Cordes mandet, quo suos tignarios illicò ad celocem mittat, qui fracta sua opera redintegrent. Quod cum impetrari facile posset, bini illi (nam in vtraque naui vnus saltem tignarius erat) vnà, cum magno Fidei & Fidelitatis damno, ad celocem missi sunt. Hæ siquidem duæ naues ab eo tempore postea nunquam iterum spectatæ cæteris fuerunt. Nam cum 10. Septembr. cæcias tam violentus irrueret, vt eæ cursum suum omnino inuertere, & intra medium austrum ac occasum procurrere cogerentur; celox circa vesperam sua vela, vt & Almirans, quæ duæ præcurrerant, legit. Quod cum Fides & Fidelitas vidissent, sensim ferentem ventum secutæ sunt, quod arbitrarentur, celocis malum iam iterum aliquid damni accepisse. Interea tamen, cum nox obscurior incubuisset, celocis ac Almirantis vela rursus ventis data sunt (sicut id postea Thuenis Thuenissen testatus est) & signo ne minimo quidem, quod facere debebant, dato, perrexerunt. Cum vero duæ restites naues horū omnium nesciæ essent, vnà iunctæ manserunt, sperantes fore, vt Charitas, suum aduentum omnino præstolaretur. Die erumpente, iam binæ hæ naues se penitus desertas esse, cum magno dolore depræhenderunt. Capitaneo compressis de VVeett hæ desertio magnæ ægritudini erat, quod duos saltem Gubernatores peritos secum haberet, & nauarchus in lecto æger cubaret, & cæteri nautæ plerique viribus suis exhausti essent. Itaque ad Capitaneum de Cordes exiguo velo procurrens, impendio illum obsecrabat, vt cum nauem instructiore haberet, sui aliquam curâ gereret. Hi ergò citra insignem causam vela sua nec augere nec minuere se velle compromittentes, recuperandæ societatis magno desiderio ita paulatim iam procedebant.

Fidei & Fidelitatis fabri ad celocem mittuntur.

Die 16. dicti mensis ferente austro procurrentes, postera luce Libonoto impellente ad gradum 54. lineæ æquinoctialis ascende-

*Nicolaës Ysebrandtsz mo-
ritur.*

runt. Eodem die Nicolaës Ysebrandtsz, Capitanei de VVeert naucle-
rus magna istius naui iactura obiit. Iam enim, qui naui imperitaret,
nemo illic supererat.

*Desertarū na-
uium pericu-
la.*

*Fames duarū
nauiū magna.*

Die 19. cum cæcias primò perflasset, postea Argestes tam violentus insonuit, vt metu euersionis nauium, contractis velis omnino pergere cogerentur. Nam & vndæ æstus tam horridus fremebat, vt exterior Fidei pergula transfuersi pollicis latitudine emoueretur, & Fidelitas, irruentibus desuper vndis ita oppleretur, vt in tabulatis nautæ vsque ad genua in aquis peditarent. Vnde factum, vt panes plurimi madefierent, & humore corrumpereñtur. Quin & naui Capitanei de VVeert carina, per rimam cæcam factam, tantum iam aquæ imbiberat, vt ea exigenda integras noctes diesque occuparentur, priusquam inuentam rimam materia idonea iterum obstruxissent. In tot tantisque periculis ac æumnis binæ hæ naues 24. diebus versatæ, nonnunquam cum, aliquando sine velis agitabantur, adeò vt à se inuicem quoque multoties disicerentur ac dispellerentur. Præter hæc dira quoque fames milites misere lancinabat: vt qui consuetis dudum conchis iam in solidum orbarentur, & solo pane ac siccatis piscibus viuere cogerentur.

Itaque dum hinc fame & inedia, illinc procellis & tempestatibus crebris colliderentur, adeoque medullitus eneruarentur: die insuper 25. Septembr. nouis procellis concussi, noctu in freti terram aquilonarem, quam propter densas tenebras videre non poterant, sed ab eadem se adhuc 20. miliaribus distare arbitrabantur, impegerunt: ex qua tamen mira agilitate se iterum expediebant illicò ac extricabant. Quod dum anniterentur, Fides, quæ propter dictas crassas tenebras, longius prospicere non poterat, in medio extricationis molimine rectà in opposito duos præsignes scopulos erigi animaduertit, quorum vnus viri stantis altitudine ex vndis extabat, alter procerior in altero latere eminebat, quos maris æstus fremitu horrido conuerberabat. Hic quantis in periculis versarentur, cuilibet facile iudicatu est. Nam effugij nullum humanum medium supererat: siquidem omnino perumpendum videretur, & regressus propter posticorum scopulorum metum nullus etiam daretur. Taceo, quod vrgentes tenebræ etiam boni consilij omnem copiam differrent. Interim vero Capitaneus de VVeert, qui de hac non minus quam sua naue seruanda ferio laborabat, succenso multoties puluere pyrio tot splendores faciebat, vt loci ratio aliquantò melius peruideri posset.

In mediis his angustiis ad Deum preces effundētes, vela, quantum poterant, conuertebant. Quorum misertus Deus manifestam quoque opem in momento illis præstabat: adeò, vt facile se inde & sine vllò damno non solum extricarent, verum & in loca securiora breui efferrentur. Dum ergo loci conditionem de die inspiciunt,

vix tribus à freto milliaribus se abesse animaduertunt. Vnde in fretum recurrenti, & portum quendam expectandis ventis idoneum quærendi consilium capiunt. Circa vesperam itaque ad freti angulum australem, duabus eminentibus insulis conspicuum, ac à terra firma stadij meta distantem, peruenientes, ab hac in ipsum fretum sesquimilliaris ferme spatium incurrunt. Vbi cum portum commodum consecuti essent: loco tamē propter noctis tenebras, & frequentium insularum viciniam parum fidentes, versus terram se recipere constituebant, ideò comprimis quod fluctuum vi à freto iam se sex milliarium spatium abactos esse peruiderent.

*Dua relictae
naues ad fretum recurrunt.*

Dum ergo Fidelitas præcurreret, paulò post, commodi inuenti fundi signum dedit: qua causâ & Fides se sinui isti propius ingerebat. Ibi autem vix tantillum morari, fundum seu sinum cum non pro opinione prima optatum esse animaduertebant. Capitaneus enim de VVeert rectà post nauem suam, cautem cæcam seu latentem depræhenderat. Itaque pro commodiore statione quærenda gubernatorem amandare coactus est. Is verò sinu vndiquaq; pererrans, præter saxosum fundum nihil reperire potuit.

*Cōtinuò sinus
incommodus.*

Calend. Octobr. procellis horrendis ex aquilone & oriente medio ingruentibus, tribus anchoris naues sistere cogebantur. Breui tamen remittente tempestate, securè vsque ad 10. diem Octobr. habuerunt, quo funis anchorarius Fidei discrepuit. Itaq; noua anchora missa, propter scopulos dictos tota nocte manifestis periculis expositi erant, dum tandem die oriente, anchoris sublati, commodiore alio loco considerent, vna hac spe suos animos lactantes, fore forsā, vt propter æstatem iam appellentem breui tempestas optatior inundet. Sed spes hæc eos admodum turpiter fefellit. Nam ab eo tempore binis integris mensibus nulla dies adeò serena illis effulgebat, qua madida saltem vela reficcare possent.

Procella grādes.

Dicti mensis die 14. tam vrgens iterum cæcias surrexit, vt eius violentia plerisq; anchorarum funibus obtritis, & nauibus concussis Capitaneus de VVeert, deserto isto sinu portum tutiorem sectari, seriò suaderet. Itaq; in anchora quotidiana recuperanda laboratum est haud tenuiter. Quam tamen, quod in foueam 40. passibus profundam incidisset, redipisci iam impossibile erat. Cæterum anchoram alteram iactatoriam recuperarunt quidem, sed fractam. Ita, vt hac nocte duæ anchoræ perierint. Nihilominus tamen, cum cogitarent, diurnam anchoram piscationis ritu in littus aliquando extrahere, in dicto sinu adhuc diutius commorari placuit, naue tamen paulò altius in loca securiora ab his scopulis deducta. Discretis ergo vicibus ab eo tentatum est, an dictam anchoram quacunque indutria extrahere liceret. Sed frustra omnia. Tum & Fidelitas nauis, quæ ipsa hæctenus firma & quieta stabat, procellis crebris emota die 17. sub noctem versus terram dispelli cæpit: quæ tamen duabus illicò aliis

Fides duas anchoras perdit.

Sinus periculofus.

aliis anchoris missis periculum illud quadamtenus effugit ac declinauit. Exorto die postero, cum ad priorem locum redeundi omnem operam impenderent, funes suos tam profundè obtritatos depræhenderunt, vt omnem frustra in hac reimpendi operam liquidò viderent. Itaque cum omnem longiorem in hoc sinu moram factam cum certo fore periculo putarent: die 18. inde soluētes, aliò concesserunt, Capitaneo de VVert inuito quidem anchoram suam post se relincente. Sinum seu portum hunc Periculofum nominauerunt, quod 20. integris diebus cum certo vitæ periculo in eo versati fuissent.

Nauis de arbore religatur.

Cæterum postquam portus commodioris quærendi causâ inde discessissent, Thrascia flante versus ortum milliari vno penitus in fretum incurrentes, portum vsque adeo commodum & tutum attigerunt, vt is nullis ventorum iniuriis expositus esset. Hunc ingressi naues propè terram 60. passuum profunditate fixerunt. Capitaneus autem de VVeert, qui prius anchoram in mari perdiderat, duobus crassissimis funibus ex arbore religatis nauem suam reuinciebat, quod speraret, se minore cum periculo ibi ventorum opportunitatem præstolari posse.

Capitaneus de VVeert vltimas anchoras profert.

Subitanæ tempestas.

Itaque cum isto modo satis firmiter religatam nauem arbitretur: cæpit 22. die Octobr. nauem, in cuius fundo duas reliquas anchoras condiderat bonis exportatis omnibus euacuare aut exinani- re. Circa meridiem, cum iam tabulata nauis omnia doliis & ferri molibus superius constrata essent, dicto ocyus tempestas inualuit tam horrida ac procellosa, vt nauis, quæ parte inferiore iam alleuiata non nihil erat, in latus tota declinaret, & funis, quo religata erat, rumperetur. Hoc viso, celeritate incredibili anchoram iactantes, quod poterant, corripiebant. Cum verò is locus admodum profundus & saxosus esset, accidit, vt priusquam anchora firmaretur, nauis ista in Fidelitatem ventorum vi incuteretur, adeo, vt iam periculo euidenti omnia dubia essent. Nam ex collisione naues manifestè crepantes auditæ sunt. Et nisi funes, quibus nauis terræ innexa erat, tam validi extitissent, certè à se disseparari tam facile illæ non potuissent.

Fides in terrâ expellitur.

Cæterum cum ventus subinde inualesceret, & violentior de montibus continenter increbresceret; funium dictæ nauis nonnullis solutis, nonnullis ruptis, adeoque anchora ipsa laxata eadem versus terram violenter compelli cæpit: ita, vt, priusquàm firmari iterum posset, iam terram ipsa cum sua scapha feriret.

Et si vero Capitaneus milites nonnullos ad naues figendas & sistendas cum funibus emitteret: ac ex altera naui Thunis Thunisz cum 10. aut 12. viris ei auxiliatum properaret: tentatu tamen omnia difficilima videbantur. Hisce in extremis angustiis cum & noctis & consiliorum summa cæcitas esset, hoc omis- sis cæteris, vna opera omnes agere cæperunt, vt ad minimum panes suos maturè eriperent ac ef-

ac efferrent, ne pereuntibus ceteris, tandem ipsimet miserabili quoq; esurie ibi mori cogerentur. Sed misericors Deus, qui promptā opem *Diuinum auxilium præsens in gravibus periculis.* ipsis iam aliquoties attulerat, ita hærentes manifesto auxilio iterum iuuit ac eripuit, ventos aquilonios violentos confertim immittens, quorum impetu naues à littore dispellerentur. Ita ergo periculo exempti, cum post dies illuxisset, funibus valentibus nauem è terra iterum firmarunt, & anchoram fractam attraxerūt. Postea ad opus incæptum redeunt, binas anchoras è naui fundo emoliti sunt, & vacua dolia aqua replentes, ventum idoneum expectarunt.

Interea dum ibi morarentur, totos dies ac noctes quærendo in terra cibo, & naues firmādo, & vela curādo trāsigebāt, nihil perpetuis pluuiis, ac niuib. ventisq; obstātibus: ita, vt nouē illis mensibus, quib. in freto obhæserāt, velum antennis nullū soluerent ad rescicandum, q̃ iugiter ventos cōmodos, quibus festinò soluerent, præstolarentur.

Perseuerantibus ergo tot laboribus, & frigore intenso, & vdore molesto, & fame sæua continuò durante, Capitanei de VVeert milites tandem vsque adeò indignati sunt, vt se vniuersos ægros simularent. Cumq; Capitaneus ipse quotidie vnà cum militibus, aut conchas lectum aut aues captatum in terram egrederetur: nautæ cæteri, qui in nauibus manserant, ex compacto rem agentes cōsiliū cæperunt contra Capitaneum insurgendi, eumq̃ue, vt domum tandem rediret, compellandi: dicētes, hætenus se iuramento suo satis superq; defunctos esse, vt qui vêtum expectando idoneum suorum partem maximam impendissent, partem alteram morbis & laboribus ita e-nectos haberent, vt muniendis ac regundis nauibus iam non sufficerent. Porro autem & commeatus tantam esse penuriam, vt diutius morātibus is facilè periturus sit. Sed & vniuersos anchorarum funes obtritos, & anchoras ipsas amissas reditum in patriam ita obstinatè suadere, vt non probitas, sed mera temeritas & stultitia futura sit, si porro extrema tentando susceptum iter continuetur.

His ac similibus militum causationibus, Capitaneus, quod ex tempore poterat. respōdebat, impendio rogitans simul & obtestans, vt Dei misericordiæ fidentes, eius auxilium patienter expectarent, & dati semel iuramenti probè memores essent. Sibi enim tamdiu non statutum esse domum reuerti, donec vel ad minimam scapham muniendam viri suppeterent. His tamen non admodum moti milites, frigidè omnia tractabāt: adeo, vt Capitaneus, quoties anchoras suas attollere vellet, vocato subinde alterius naui nauclero opus haberet. Præsente Capitaneo, omnes infirmi erant. Eo absente, diris omnia ex-ecrabantur, & porro ne vlli quidem operi manum ad mouere promptam deierabant. Quod etsi cuiusdā indicio omne Capitaneus quidem rescisceret, nullius se tamen eius consciū fingebat, sed solando populum & ipsum animando iūgiter instabat, & operas omniū primus aggrediebatur, adeo, vt suo exemplo nōnullos in pudorē daret.

Tandē tamen, cum à Capitaneo de Cordes admoneretur, præcipuos quosdam in naui officarios, milites suos pusillanimes ac pauidos reddere conari: eorum quemlibet seorsim compellans, seriò interdicebat, ne porrò quicquā vel dicerent vel molirentur, quo militum animi eneruari ac ignauiores fieri possent, sed potius omnia ad suscitandos eos idonea meditarentur. Recitatis etiam cōfoederationis articulis, eosdem sui iuramēti præstiti memores esse iubebat. Officiarij autē pro excusatione sui Capitaneo respondebant, quod assiduis militum querelis fatigati, eorum solandorum porrò nullam copiam haberent. Nam & fame longinqua exhaustos illos, nullis laboribus porrò ferendis aptos esse. Tum & sustinendis diutius imbris impares, obstinatè eos sibi proposuisse, quamprimum in Oceanum australem peruenirēt, desertione facta scaphis aufugere. Nauē enim iam vsque adeò desertam esse, vt nullo dubio breui pessum itura sit. Hoc responso audito Capitaneus quidem tum temporis acquiescere se fingeat: sed cum tempore faciendarum precum postea congregati omnes essent, hac oratione eos compellare cæpit.

*Capitanei ad
milites oratio.*

Quantis, ô socij, tum laboribus, tum periculis ac impensis nos quidem per fretum hoc in Oceanum australe traiciētes huc denuò reuoluti simus, vestrum nemo est, qui ignoret: adeò, vt, quod nō nullorum indicij de vobis mihi nunciatum est, verum esse credere haud facile queam. Mei tamen debiti ac ipsius rei grauitate motus facere non possum, quin significem vobis, susurris ad me haud obscuris relatum esse, quod inter vos milites quidam refractarii & rebelles sint, qui cæteros ad labores & obuia pericula sustinenda promptos ac alacres, seducant, & vt fuga elabentes domum redeant, proteruè suadeant. Quod si quidem verum est, Deus, qui tot iam periculis pressis manifestā & subitanē nobis opem multoties attulit, causam hāc videat & iudicet. Mihi tamen hætenus persuaderi minimè potuit, è vobis quemquam esse, qui tot tantisq; iam dum exantlatis laboribus ac miseriis, nūc demum fracto animo succumbat, nulla cura habita illius doloris ac diuidiæ, quam Generalis, qui summo nobis vniuersis studio semper fauit, ex absentia nostra percepturus sit, dū per nos vniuersa instituta nauigatio hoc pacto annihilaretur, & is incassum nostrum aduētum sibi polliceretur. Qua sodes industria, quo prætextu nostrum in patriam reditum velabimus, si iusiurandum sanctè præstitum, temerario periurio sceleratissimè violauerimus? Quo tandem loco vel Angli vel Hispani vel quicunq; alij exteri Hollandos, sulcādo Oceano veluti natos habituri sunt, si nos integræ hyemis iniurias constāti animo tolerasse, & nunc æstate appellente demum in patriā reditum molitos audiant? Non ea tempestatum & procellarum perpetua duratio erit: sed cum Sol iam ad summum conscenderit, diesq; longissimi sint, spes est fore, vt serenitas aëris & tempestatis commoditas breui tandem nobis iterum effulgeat. Patienter ergo tantillum moræ

moræ feramus, Deumq; Opt. Max. rogemus, vt felici suo nutu cursum nostrum expeditissimè dirigat. Me quidem quod attinet, dum hos artus spiritus moderatur, domum reuerti prius non statui, quàm iter semel inceptum feliciter, aut certè quomodocunque confecero. Quin & mori mihi procliuius erit, quàm cum dedecore cursum reflectere. Id quod de me vobis penitus persuasum sit.

Sed hoc scitote tamen, me primū quemuis, porrò reditus mentionem vllam facturum, crudeli mortis genere obtruncaturum esse. Quànquā non dubitem datæ vestræ fidei vniuersos vos & memores & tenaces postmodum futuros. Exemplo vobis ea societas sit, quæ Fidelitatem nauem tanto affectu tuetur. Huic enim vel mori prius obstinatum est, quā cursum ceptum non animosè prosequi. Quod si pauciores isti continuandæ nauigationis tam tenaces sunt: quid vos amabo non deceat, quorum & numerus & apparatus maior est? Reuersionis ergo meditationem longè ex animis ac pectoribus vestris exigite. Sed & hoc sedulò caute, ne pronas ac hiantes aures iis præbeatis, qui ignauiores reditum vobis quodocunque suafuri sunt, ne vno eodemque cum ipsis supplicio abripiamini. Periurorum enim loco isti mihi vniuersi erunt, & poena æqualis vtrosq; nulla exceptione manebit.

Hæc vobis, boni commilitones, ita in genere proponenda duximus. Quāquam & id malim credere, indicium hoc de vobis ad me fictum relatum potius, quā in rei veritate huiusmodi querelas à vobis agitas esse. Hoc tamen sine à vobis meam hanc orationem accipi volo, vt nihil quicquam dubitetis, quin morigeros & industrios certis præmiis cohonestaturus, rebelles verò ac contumaces merita poena vindicaturus sim.

Hac Capitanei oratione coorta seditio quodammodo sedata, *Militum seditio quodammodo sedata,* militibusque abiectionibus quasi nouus animus additus est: sed is status non admodum diuturnus erat. Nam tædium & rebellio militum paulò post recrudit: ita, vt Capitaneo prouincia hæc durissima incumberet, cum tam paucis procliuiibus tot onera, tot negotia confecta dare. Et nisi Fidelitatis nauclerus huic naui tam tempestiuum subinde auxilium attulisset, haud dubio eadem multoties in saxa ac littora illisa fuisset. Sed iniurias ac proteruiam hanc dissimulare, locus & tempus instans, vt maximè cogebat.

Tēpestas interim fera, ac crebri imbres, procelleq; frequētes, è montanis violēter irruētes nihilo minus cōtinuabant, adeò vt naues totas euersum iri, singulis propè momentis videretur. Quod si eo loco fluctuū vis liberè vagari potuisset, nullis certè vspiā aut anchoris aut aliis quibuscūq; machinationib. naues seruare licuisset. Itaq; q̃ fluctus quietiores essent, vētorum infrementiū vis nō tantā formidinē ciere poterat: qui tamē. Nouemb. tāto impetu & cōcitatione irruerūt, vt

*Fidei funes
rumpuntur.*

Fidei tres funes, quibus è terra religata erat, rumperentur. Et licet anchora quidem pro sistenda & firmanda naue expeditius mitteretur: seruari tamen ab illa non potuit, sed violenter in breuia compulsa est.

Cum autè circa vesperam procellarum fremitus nō nihil remississet, Capitaneus de Cordes periclitanti de VVeert nauclerum suum cum aliquot nautis auxiliatum misit, quorum industria naus facile rursus extricabatur. Hanc ergo funibus longè valentioribus de terra religatam iterū obfirmarunt. Hæc dum isthuc fierent, Fidelitatis etiam interea rudentes, quibus de terra fixa erat, procellarum violentia rumpebantur: quæ ob id periculo tentabatur haud leui. Sed quod illicò tres anchoras promptas iactassent, declinato non nihil infortunio ibi vsque ad posterum diem nauem continuerunt, donec funibus refartis eandem iterum de terra firmarent & sisterent.

Hac in statione quamdiu morabantur, commeatus nihil desiderabant. Conchis enim sinus omnis refertus erat. Quas licet propter crebras pruinas milites ægrè quidem legerent, præsentè tamen Capitaneo perplexari nihil audebant, quod ipsemet cum illis subinde egrederetur, & necessaria quæ essent, accuraret ac conueheret.

Porro cum nonnulli rationibus coactis (licet penarium condum ipsum non conspexissent, cui Capitaneus cum archimagi ro scribam suū Arnout Houdæen inspectore constituerat) affirmarent, fieri minimè posse, vt cum tantillo penu diutius ac longius procederetur: Capitaneus, vt hunc quoque scrupulum suis commilitonibus eximeret, in cameram seu cellam ingressus, apparatus præsentem cum futuro tempore supputauit. Et licet à verò haud multum abesse milites videret: nihilominus tamen egressus, ad socios præsentis animo, pro quatuor integris mensibus panem sufficientem adhuc superesse, edixit. Bono ergo omnes animo esse iubebat. Quicquid tamen sit, præcisè sibi constitutum esse asserebat, aut ventum commodum expectare, aut hoc non impetrato, in Indiam Orientalem ad classi redeunti occurrendum pertendere. Quæ verba ideo præcipuè repetebat, vt reditus omnem spem ex animis sociorum elideret.

Die 2. Septembr. Caurum adepti flantem sunt. Qui etsi in ipso quidem sinu non admodum validus esset: cursui tamen continuando non inidoneus videbatur. Magna ergo velocitate attractis anchoris, & funibus resolutis, vela adornarunt, vt cum dicto vento in Oceanum australem pergerent. Dum ergo hæc sedulò agerent, propter implicitos permixtosque varios ventos intra scopulos frementes, ac ipsius sinus angustiam, loco isto ne tantillum se emouere quidem valebant. Quin & in medio isto conatu Capitanei de VVeert

VVeert nauis versus terram tam propè proiecta est, vt Capitaneus altero pede in exteriori nauis pergula stans, altero ipsas littorum crepidines attingere posset, periculo certè vniuersorum non leui, si venti violentia maior & concitator fuisset. Nec se inde quidem vllò extricare iterum nisi potuisset, nisi Capitaneus de Cordes tempestiuè apulisset, qui binis totis horis è sinu exitum molitus, tandem tamen infecta re intrò redire coactus est. Communi ergò opera nauē à terra iterum dispulerunt, & in tutiora loca statuerunt.

Cum verò Capitaneus de VVeert apud Fidelitatem se iam contineret propius, citra anchorarum opem solo fune, de terra firmato, nauem figebat, quod nec vllus ventus spiraret, & nec anchoras iacere illic ipsi volupe esset. Nam diutius in eo sinu morari omninò nolebat. Postea circa meridiem vtræque iunctim naues è sinu isto (quem *Sinus clausus.* clausum aut obseptum nominarant) egressæ sunt, euidenti sanè Fidelitatis periculo, quæ in caudem validè impegerat. A qua tamen illusione nihil damni accipiebat.

Circa vesperam etsi cæcias spiraret minimè placidus, nocte tamen ista anchoras haudquaquam mittere volebant. Itaque paulo post, horis aliquot elapsis, ventus in ortum perflabat: quo animaduerso lætati sunt haud tenuiter, gaudio certè non admodum diuturno. Nam vbi diesceret, zephyri cum cæciis tam validi & impetuosius perflare incipiebant, vt cōtractis velis, solis ventorum insultibus ducti in latus australe secedere cogerentur, vt ibi sinum aliquem tutum & idoneum reperirent.

Interea autem, priusquam sentiret, Fidelitas terræ vicina erat: adeò, vt de damno secuturo haud parum timeret. Dum tamē de terra iterum erueretur, scapha inter proram nauis & terram acta vehementissimè concutiebatur: quæ ab eo incussu quoque pessum itura fuisset nisi restio Sander Sanderz continuò in eam infiliisset, & eam tandiu nautea exonerasset, dum in nauem altius attolleretur. Quod dum fieret, fors aduersa eum ipsum corripuit, qui declinandæ eius causa tantopere laborauerat. Cum enim restio in exigenda vnda admodum strenuus esset, fluctuū impulsu è scapha is repente exturbabatur, vt auxilio ferendo nullus locus esset. *Restio in mare excutitur, peritque.*

Porro ergò trium miliarium spatio à loco priore secedentibus nauibus, Capitaneus de VVeert 25. passibus anchoras figebat. Sed Capitaneus de Cordes vnus miliaris interstitio in eodem sinu post humilem quendam angulum 26. passibus nauem suam tendebat. Postero die, nempe 4. Decemb. Capitaneus de VVeert, cui, quod tantis à se interuallis distarent, non placeret, scapha sua ad Cordes descendit, de loci ratione, an suæ quoque nauis commodus esset, dispecturus. Sed in idoneo eo inuento, Cordes Capitaneum de VVeert rogat, vt suam scapham, pro quærendo in littore cibo, sibi aliquantisper vsurariam faciat. Quod etiam facile impetrat.

*Anchora Fidei
frangitur.*

Die 6. procellis iterum concussi tam rapidis sunt, vt Fidei funis anchorarius rumperetur, ipsaq; anchora in fundo relinqueretur. Alia ergo missa & iacta, postero die de illa eruenda cum studiosè ab omnibus laboraretur, cæpit repente de nouo tempestas tam valida ingruere, vt similem prius non experti sint. Ventorum enim fremitu maris vnda tam altè attollebatur, vt antennas etiã multoties feriret. Quæ procellæ, cum biduo integro durarent, Fidei funis anchorarius continua succussatione maximoperè obtrebatur, magno Capitanei mœrore, vt cui is solidus funis solus iam superesset. Nihilominus tamen vsq; ad 10. diem ista aduersitas ita toleranda erat.

*Fidelitas desi-
deratur.*

A meridie, cum tempestas tranquillior esset, Capitaneus de VVeert ad Capitaneum de Cordes abiit, vt de statu eius sciscitaretur, & scapham suam simul secum adduceret. Sed cum prædictū angulum obiens, illum nullibi prospectaret, magno mœrore cōcussus, & varia animo suo suspicatus, ad nauem suam redit, postero die vniuersos sinus angulos eius quærendi causa peruagaturus.

*Fidelitas re-
peritur.*

Nocte ergo illa variis cogitatibus ac consiliis exacta manè, etsi tum venti tum pluuiæ incumberent, cum populi sui maxima parte egressus, post longam tandem nauigationem in decliuem quendam angulum incidit, ex quo, magno omnium gaudio, summitas nauis desideratæ eminebat, quæ post Insulā quādam secesserat, & ex ea funib. firmabatur. Cum ergo Capitaneus propius ad ipsam cōtendere anniteretur, ausum hunc gubernatores inconsultum arbitrati sunt, quod ventis idoneis inde redire non liceret. Nihilominus tamē horratu Capitanei processum est. Ibi ergo cognouit, qua causa pulsi, deserta statione huc se potissimum recepissent. Recensebat enim nauclerus, quomodo s. Dec. elapso anchoram suam perdidissent, & ob id ne in breuia illiderentur, statione antiqua excedere coacti, post Insulam hanc excubuiissent. Eo nuncio accepto iam Capitaneus lætior, 11. Dec. ad nauem suam redit, apud Cordes scapha relicta, qua in perditæ anchoræ recuperatione vteretur. Sed tum temporis, se sociam Fidelitatem iam nouissimam videre, nihil quicquam ominabatur.

*Capitaneus
conuiuio soci-
os excipit.*

Cæterū, cum propter crebras ac diuturnas procellas, & anchorarū perditarum iacturam, rudentūq; ac funium inopiā, ac tum famis, tū frigoris, laborisq; continuam exacerbationē nautæ animum iterum desponderent, ac mortē ipsam sibi imprecarētur, ideò cōprimis, quod ob panis penuriā tandem omnib. moriendū esse auguraretur: Capitaneus repertæ sociæ nauis gaudiū prætendēs, postero die conuiuium indicere statuit, ad quod vniuersos sanos inuitaret. Nam in binis nuper excursibus factis, anseres ac anates & aues aliquot alias cæperat. Hanc verò occasionem sibi parabat, vt populum eo commodius ad patientiam adhortari, ac de nouo animare posset. Dum ergo genialiter omnes epularentur, cæpit de fideli præstita opera ipsis ex ordine gratias agere, & beneuolentiam omnem

omnem suam vicissim deferre, & obsecrare, vt in proposito laudabili isto porro quoque obdurarent, deumque de successu commodiore & optatiore precarentur, vt cuius auxilium opemque paternam hæctenus in summis periculis semper promptam impetrassent.

Conuiuio exacto dimissis mandauit, vt sese ad ciborum venationem pro more iterum accingerent. Interea & ipsemet se ad excursum instruebat. Cum verò in angulum quendam occidentalem incurrerent, tres Canoas hominibus ferinis plenas conspiciunt. Qui cum scapham appellentem vidissent, in terram ilicet exilientes, montium præcipitia cercopithecorum more agilimè inuaserunt.

Hos cum Capitaneus aliquantisper frustra insectatus esset, ad canoas postea eorum perrexit, vt, quid iis veherent, videret. Præter vero mergos seu vrinatrices, & hamos ligneos, & ferarum vellera, nihil inuenit. Quibus in canois relictis, iunctim in terram exilierunt, quæsitum, an ex feris aliqui se fors alicubi occultassent. Dum ergo quoquouersum procederent, ad pedem montis foeminam cum duobus liberis admodum festinantem offenderunt, quam ob id in canoarum vnâ comitibus liberis abduxerunt, nullum vsquam commotionis signum præbentem. Hanc in nauem allatam quid ageret, valdè curiosè obseruarunt. Sed mœroris aut consternationis ne minimum quidem indicium exhibuit. Hæc membrorum constitutione mediocri erat, ventrem prominulum ac propendentem gerens, corpore rubeo, gestibus agrestibus & iactabundis, capillis atris, quos conchis ob defectum cultellorum, ponè refecare solent. Nam in capite anteriore eosdem vsque ad aures enasci sinunt. In quibus hoc singulariter notandum videtur, quod crines viri non radunt, sed eosdem promissos gestant, foeminis contrarium in more habentibus.

Mundi acornatus loco conchulas ex collo suspensas gerebat, dorsum hirsuto vellere, fidibus ex intestinis factis in collo anteriore colligato vestita. Cætero corpore omni nuda erat. Mammæ eius instar vberum vaccinarum pendulæ eminebant. Ore distorto ac vago, cruribus intortis, ac calcibus longe exertis erat. Coctos cibos nullos edebat, etsi Capitaneus ipsi apponeret. Cum verò ex canoa auis afferretur, eam pennis maioribus deplumans, & testa à dextra ala per medium pectus vsq; ad anum diuidens, viscera extrahebat, bilis folliculum, ac intestina & cor abiiciens. Hepar verò obiter saltem super flammis torrens, id auidè vorabat adeò, vt cruor è labris exundaret. Porro ventriculum arripiens, & ciborum reliquias exprimens, extremitatem alteram dentibus, alteram læua præhendit, ac lignorum ramentis (qualia canois suis semper secum vehunt) ventriculum bis terue perfricuit. Quem postea super flamma modicè calefactum, vt antea hepar, confertim ingurgitauit. Reliquum auis corpus dentibus mordicus carptum, tâta abominatione dilacerauit, vt emanans cruor per decliue pectus fluitaret. Eodem gestu in fantes quoque de

Ferinarum hominum tres Canoæ.

Hollandi foeminam barbaram cum duobus liberis capiunt.

Barbarorum viri non raduntur: sed foeminae.

Barbara foemina descriptio.

*Semestris pu-
gr ambulat.*

ae gustabant. Ex his natu grandior, quatuor annos cum semisse habebat. Alter minor semestris, non solum dentiū ordinem integrum ostentabat, verum etiam quocunque lubitum esset, expeditè ambulabat.

Hoc ferè ritu epulabantur, vultum assiduè tam seuerum promentes, vt nec effusissimo militum cachinno in risum vel semel agerentur. Cibo sumpto, in calce confidebat foemina. Dormiens tota incuruata iacebat, ita, vt genua ori vicina essent, & infans vberibus admotus ex pectore dependeret.

Foeminā hanc, cum propter aduersam tempestatem integro bi-duo secum retinuissent: Capitaneus mandauit, vt die 14. dicti mēsis rursus in terram efferretur, vna cum ipsa iis quoq; euectis, quæ à Capitano donaria acceperat. Hæc verò erant, pectorale, cum manicis detruncatis, ad genua vsq; demissum, ac indusium, ac vitta, cum corollis aliquot, ac vno speculo, cultroq; & rebus vilibus aliis. Quæ omnia admodum gestiens accipiebat. Minor etiam infans tunica ex panno viridi facta, vt & corollis aliquot precariis induebatur.

Cum verò signis & nutibus datis intelligeret, infantem maiorem, filiam ibi relinquendam esse: id sibi nō admodum quidem placere innuit, sed tamē nihil difficultata in scapham descendit, & cum militibus versus terram tetendit. Cum qua postquam in terram egressi essent, præter vestigia quædam à Barbaris relictæ, nihil reperrunt. Ideoque citra moram ad nauem redierunt. Quam, cum vix ingressi essent, cæcias infremere repentè tam violentus ac furibundus cæpit, vt omnia elementa in nauis euersionem & oppressionem coniurasse alicui videri potuisset. Nam & vndæ supra nauem tanto incursu collidebantur, fluctuumq; æstus tanto impetu eam conuerberabant, vt, quin suprema ima fierent, parum deesset.

*Mira tēpestas
in sinu.*

Hoc discordi ventorum prælio, fune anchorario iterum rupto, iam in breuia violenter nauis compellebatur, adeò, vt etsi quidem anchoram nouam iacerent, ipsa tamen neutiquam firmari posset. Vnde in periculo extremo constituti, cum præter anchoram vnam, sine fune in naui iacentem, nihil reliquum haberent, velum quoddam paruum patefecerunt, quo angulum illum ambire conarentur; vnam sortem esse rati, aut in obuios scopulos illidi, aut diutius in istis vndarum furoribus agitari. Tandem tamen misericordis Dei gratia, maximo labore ex sinu isto (quem ob id infelicem nominabant) elapsi sunt. Pro quo immenso beneficio, Deo gratias debitas promebant. Vix è sinu extricati, die 14. Decemb. illicò iterum quatiebantur fluctibus, adeò vt consilij iam copiam nullam haberent. Nam & iam vespera ingruerat, & anchora suo fune orba erat. Sed & portum aliquem quærere, ideò frustraneum videbatur, quod anchoram vnam saltem, eamq; nudam haberent, cum tamen alias quatuor anchoris firmatæ naues satis tutæ non fuissent. Porro, vt per nocturnas tenebras

Sinus infelix.

bras ventorum violentia quoquouersum se agitari paterentur, multò minus consultum erat. Tandem ergo in tot tantisq; ærumnis id vnum factu cōmodissimum censebāt, vt vento idoneo eum sinum incurrerent, quem Capitaneus de Cordes nuper occupasset, in freti medio 14, aut 15. passus profundum. Eius enim conditionem iam ante perspectissimam habebant, ac interea se anchorā suam instruere cōmodius posse censebant. Hūc ergo sinum in latere australi ingressi sunt, vt à naue Fidelitate promptius conspici possent. Ad cuius fauces seu introitum cum disploso tormento signum dedissent, à Capitaneus de Cordes simili signo responderi sibi, clare obaudiuerunt, ac ob id multò confidentius pergere cæperūt. Etsi verò vnicum saltem, idemq; paruum velum tetendissent, nauis tamen propter violētum ventorum impetū tanta concitatione proferebatur, vt scapha, quam duobus funibus nauis quadamtenus retardandæ gratia ponē religassent, iis ruptis auelleretur, & vnā cum anchora iactatoria à naue longissimo interuallo dispelleretur. Quam ab eo tempore nemo quisquam deinde vnquam conspiciatus est.

Fides Fidelitatis querit.

Fides scapham cum anchora perdit.

Hoc ergo recenti infortunio iam omnis solatij copia ipsis præcidebatur. Nam nec in terram commodè appellere, nec in alto vllas anchoras iacere poterant. Has ærumnas ex se grādes nox quoque ingruens insuper cumulabat. Nam cum intra binas terras medijs versarentur, metus erat, vt aut à tramite recto deuiarent, aut in scopulos accautes alicubi impingerent. Deus verò summè misericors in his periculis sua ope illis iterum aderat, ita, vt exoriente die ante finem optatum versarentur: quem ob id expeditè incurrebant, vt Fidelitati desideratæ propius iungi possent. Hoc die è fundo nauis anchoram suam postremam efferebant, vt binas, easq; solas, iam superstitites vsurparent.

In sinu commorantes, cum in terram exeundi, & cibaria necessaria quærendi occasionem nullam scirent; postero die 16. Dec. ex parte Orientali scapham quandā ad se properantem conspicati sunt, quam à Capitaneus de Cordes socios quæsitū emissam nonnulli censebant: Alij è classe iam redeunte præcursoriam missam putabāt: quidam illam Anglicam arbitrabantur: cæteri (quorū sentētia vera erat) Generalis Oleuier scapham eam esse existimabant, qui nauclerum suum (vt postea compererunt) cum vice Almirante Iacob Claesz emisisset, spectatum, vbi Fides quam trium milliarium spacio angulum sinus prætercurrere vidisset, cunctaretur.

Cap. scapham videt.

Hoc ergo insperato accessu non parum exultabant, iam certam sibi à Generali opem pollicentes. Itaq; Capitaneus postquā eos cum singulari gaudio accepisset, q̃ tã obeso ac bene habito corpore esset, haud leuiter admirabatur, cū sui tamē milites admodū strigosi ac deformes existerēt. Sed mirari tamē facile omittebat, quā primū secum animo euolueret, quod integro anno nihil ciborū refocillantium acce-

Generalis Oleuier scapha ad Capitaneū venit.

pissent, & vniuerso isto tempore perpetuis laboribus, frigore, mado-
re, ærumnisq; aliis miserè exerciti tabuissent: cum tamen intelligeret,
alteros non solum nullius rei inopia vnquam laborasse, verum cibo-
rum necessariorū copiam semper promptā ac paratissimā habuisse.

*Quid Oleuier
fortune ha-
bueris.*

Iidem etenim primo recensuerāt, se in mari Hispanico duas Bu-
schiacas naues, piscibus oneratas offendisse, ex quib. quæcunq; sibi
vsui fuissent, exemissent. Tū & in Porto Desir, vbi hyberna egissent,
iuxta Insulam quandam à continenti ternorum milliariū interuallo
distantem ingentem piscium marinorū, ac pinguinarū, ouorumq;
copiā se nactos esse: de quib. sale conditis vel dum hodiè adhuc viue-
rent. Ibidem se quoq; vberriamā aquam hausisse, & naues necessariis
aliis omnibus opime instruxisse. Porro se cursum suum in fretū de-
flexisse: in quem cum 25. Nou. incurrissent, paulò post tamen vnda
augescente inde se emotos iterum fuisse, & biduo exacto in Pingui-
nis Insulis, 15. milliariibus intra fretū sitis, anchoras fecisse, ac ibidem
cum ferinis seu Barbaris prælio conflixisse, eorumq; 25. vindicando-
rum trium militū, pridem ab ipsis cæsorū causa, obtrūcasse. Com-
memorabant etiā, quanto robore ac animo Barbari sese tutati essent.
Inter quos fœminā quandam, excussa glande in pede confauciatam,
in genua incumbentem telis mittendis tam diu instituisse, dum altera
missa glande penitus occumberet. Ibi ergò præter sex filios, quos Ge-
neralis nouitatis gratia in naues recepisset, neminem viuū relictum
fuisse. His pro corollario tandem addiderant, se in illarum Insularum
maxima vltra 2000. pinguinas cæpisse. Quo sermone esurientes mi-
litum ventres vsq; adeò inflammabantur illico, vt nemo esset, quin
se in illa Insula versari optaret: pleriq; etiam Capitaneum, vt tantilla
via ad Insulam illam pergeret illico, aperte hortarentur. Sed obsti-
nate Capitaneo constitutum erat, à Generali ne latum quidē pedem
recedere, aut cibi quærendi causa aliò deflectere.

*Barbarorum
in prælio fero-
cia.*

Sequente die Generalis Oleuier ipsemet ad Capitaneum per-
rexit, ac eidem necessaria vniuersa ac paratissimā opem pollicitus est,
curaturum se addēs, vt tignarij pro Capitaneo scapham primo quo-
uis die extruerent, & deinde classis vniuersa dispecta prima opportu-
nitate Capitaneo iungeretur. Die ergò 18. Dec. vbi cum ingenti gau-
dio omnes conuenissent, Generalis Capitaneum amplo & votiuo
conuiuio acceptum lautè tractauit. Porro verò inde 20. Dec. vento
vulturno ferente vna soluerunt.

*Classū iterum
conuenit.*

Vno ergò comitatu cum iam tribus vel quatuor horis vela fe-
cissent, Capitaneus Generalē rogabat, vt sibi scaphā suam cū quinq;
militibus mutuo dare velit, qua suæ naui addita naues cæteras ali-
quanto anteuertens, Capitaneum de Cordes quæreret, eumque de
cæterorum aduentu præmoneret, vt paratis omnib. cum classe trans-
itura citra morā pergeret. Cui cum Generalis facile astipulatus esset,
ac ille abiisset: vento de subito mutato, ac ex medio septentrione oc-
casu-

*Capitan. de
VVeert Cor-
des quærit.*

casu-

casuq; perflante, cū in aluei medio versaretur, anchoras mittere co-
actus est, vice Almirāte dimidij milliaris interuallo à cæteris nauib. re-
moto. Postero ergo die, cū attractis anchoris ipsum insecuti essent,
nocte illa octo passuū pfunditate in fundo sabuloso vnà cōfederūt.

Is locus cum non admodum tutus videretur, 22. Decembris ex
eodem iterum soluerunt, ac in sinum quēdam paruum, ab equestris
milliaris vnus spacio abiacentem, incurrere annisi sunt. Interim ob-
errans Capitaneus, in humili quadam Insula, quam iam ante quoq;
præteruectus, nullis Barbaris cultam sciebat, discretos duos ignes
fulgere animaduertit. Quæ signa cum à Capitaneo de Cordes ibi edi
arbitraretur, ob id ad locum illum festino pertendit. Sed egressus præ-
ter signa tamen nihil inuenit, adeò vt infecta re inde rursus abscedere
cogeretur. Quod verò scapha illa, quam à Generali acceperat, admo-
dum putris & cariosa esset, vt quæ biennio integro ne semel quidem
emundata fuisset: cum cæteris classis nauibus æquali cursu certare
non valebat. Istis ergò sinum equestrem attingentibus, Capitaneus
cum reflua vnda ad priorem stationem, vnde egressus erat, omninò
recurrere opus habebat.

Cap. à Gene-
rali iterum
dissociatur.

Postero diluculo ad Generalē pertēdere, sedulo annisus est. Sed
cum cæcias valdè importunus flare inciperet, denuo retrocedere co-
actus, circa meridiem fortunam iterum tentauit, ac ad classem tam
prope actus venit, vt tormentis sese inuicem contingere possent. pro-
pter transitus tamen angustiam, & ventorum ex ortu & occasu vio-
lentam colluctationem, qua vortices tam turbinei ciebat, vt quo-
ties perrupturus esset, toties violenter retopelleretur, coniungi o-
mnino classi non poterat. Die 24. Decembris cum tempestas iam pa-
cator esset, ipsiq; ex alueo eluctari iterum tentarent, operā omnem
frustra impenderunt. Nam breui iterum incrementibus fluctibus
inde in stationem veterem retroacti sunt. Cum ergo iam animad-
uerteret Capitaneus, contra fluctus dimicare, adeoque ad classem
penetrare sibi rem difficilissimam præstitum esse: mutato primo consilio
ibi ventum commodum ac vehentem expectare statuit, ne frustra-
neis laboribus suos nautas penitus conficeret. Interim vero Gene-
ralis 25. Decembris ad portum optatiorem quærendum soluens, è
Capitanei conspectu se extulerat. Is ergo iam omni ad classem re-
deundi spe orbis: cum sine scapha nauigare in idoneum ac incon-
sultum putaret, consilium cæpit, scapham suam, quæ in alueo nauis
erat, grandiore facere, & contra quoscunq; insultus munire. Qua
fabricata, cum intereà Aparctias cōmodus spirare inciperet, attractis
anchoris, vela vētis iterum credit, fiducia haud parua, ad minimum
prædictum sinum paruum obtinendi, in quo commodiora omnia
præstolari posset. Hoc itaque vento vsq; in sinum equestre procurrit:
in quo cum propter minantes procellas confidere minime tutū vi-
deretur, spe alterius sinus occupandi, porro tetendit. Ventis interim
subinde augescentibus accōcitatis insultatib. malus anterior adeò

Cap. irrita
nisu ad clas-
sem tendit.

Generalis ex
conspectu Ca-
pitanei fer-
tur.

Cap. scapham
nouā extruit.

*Cap. finum de
Cordes ingre-
ditur.*

concussus est, vt quā deiceretur penitus, parum deesset. Maioris ergo periculi vitandi causa ad finum de Cordes recurrere coactus, eundem circa vesperam attigit. Hoc ipso in finu die 26. & 27. Dec. ex septentrione ac occasu tantæ procellæ infremuerunt, vt scapha in littus minime educi posset. Quare indignabundus populus, iam iterum obmurmurare incipiebat, nec quidem citra euidentem causam. Nam quatuordecim integris diebus solo pane arido, cōchis priuati, cum modico oleo se sustentarāt. Metuens itaq; Capitaneus, vt tumultum ex compacto rem agentes cierent, in conclaue suam vniuersos vocatos his ferè verbis allocutus est.

*Capitaneus
cum sociis de-
liberat.*

Causa, cōmilitones ac amici charissimi, propter quam huc vos cōgregari voluerim, hæc vna & palmaria est, quod haud obscure intellexerim, inter vos nōnullos esse, qui angustiis & ærumnis nostris cōmodum consilium inuenerint, quod mihi cōmunicare lubenter vellent. Cum verò sano ac expedito consilio omninò equidē indigeam: id à vobis præstitutū non grato saltem animo accepturus, sed ea omninò fidelitate executurus sum, vt me boni publici curatorem haud somnolentū visuri sitis, etsi vel ab ignauissimo quouis vestrū id proficiscatur, modo ad itineris cōmoditatē & salutē facere videatur.

Verumtamen, cum intelligam, vestris consiliis vniuersis nihil aliud quam reditū in patriam decerni: de eo quid sentiam equidem, & quam præstitū id difficile esse putem, vobis vniuersis à me prius explicandum videtur. Scire vos autem in principio velim, mihi, cui nunc ætas ac anni florent, vitam meam quam vobis nihilo minus curæ cordiq; esse, adeoq; pro eius salute curāda me hactenus summa & saluberrima quæuis operosè molitū esse. Ex omnib. autem iis, quæ varia meditatū sum, mediū nocentius nullum reperio, quā si viæ ac laborū pertæsi pedem referamus, ac in patriā reditum suscipiamus. Id enim si semel ordiamur ac conemur, nullo dubio vniuersos nos præfenti morti mancipaturi simus. Recuperandi si quidem commeatus tantisper nulla spes est, dum aut in Angliā aut Galliā redierimus. Cui itineri conficiendo cōmeatus non suffecerit quidē, etsi singuli 4. vnciis panis indies cōtenti futuri sint, qua tenuitate, victitare nulli possibile est, tum comprimis, si captura concharum ac volucrum finem habeat. Porro etsi quidem alimentis sufficientibus satis instructi essemus: nihilominus tamen, cum resectoria desint, ex scorbuto vniuersis pereundum erit, quam primum loca calidiora tenuerimus; cum corporum omnes humores ex crebro ac iugi concharum esu admodum contaminati ac corrupti sint, sicut id à præfenti chirurgo vestro commodius doceri poteritis.

Contrà verò, si oceanū semel ingrediamur, quod octiduo vno ventis idoneis impetrari poterit, tunc rerum vniuersarum cōmoditatibus frui facilimè poterimus, cum & carniū, & variorum fructuum ibi vbertas summa sit. Et quamuis propter moram hanc, quam

quam hîc facimus, Generali iterum coniungi minimè poterimus: ita vt vno cum ipso comitatu Peruana littora occupemus: ad Philip-
pinas tamē aditus nobis latè patet, in quibus nos commodè instrue-
re, & obtritas vires recolligere valeamus, dum classis onerata ad nos
redeat. Aded vt extrema omnia in hoc freto tentare consultiſſimum
ſit, cum & concharum, ac volucrum, rerumque eſculentarum alia-
rum (quibus in reditu factò certè carendum erit) nulla penuria aut
inopia ſit. Quod ſi quidem in Pinguinas diuertentes inſulas, certam
iſtarum auium copiam adipiſci poſſimus: earum tamen non vſque
aded inſignis vſus erit, cum in aëre calidiore non diutius obdurent,
ſed ſitu facilè corrumpantur. Sub iſtum itaque rerum ſtatum, quò
tandem perrecturi eritis? An acutæ famis gladio vos ipſos tunc cru-
deles iugulabitis?

Iterum ergò ac denuò, cum omnia exactiſſimè euoluerim, vo-
bis aſſero atteſtorq; , tum ad itineris continuationem, tum vitæ no-
ſtræ conſeruatiōē id vnicum iam ſupereſſe, vt hæc in ſtatione ven-
tos commodos tantisper expectemus, dum præcurrentem claſſem
ocyus conſectari valeamus. Quod ſi ea quidem mora parcius, ac ſo-
lo pane cum auibus & conchis eſitato, viuendum ſit: æqui bonique
tamen ea tenuitas à vobis conſuletur, ſi recordemini, qua obedientia
& promptitudine Hiſpani, Ductori ſuo Petro Mendosæ in Rio del
Plata, vſque ad extremum ſpiritum paruerint & obſecuti fuerint: qui
cum in principio tres panis vncias tatum dietim accepiſſent, poſtea,
dum in ciuitate Buones Æeres extruenda occuparentur, portionem
adhuc minorem æqui conſuluerunt, ac ſedandæ famis gratia (cum
tamen ad naues redire facilè potuiſſent) glires, mures, ſerpentes ac
beſtias alias abominandas eſitauerunt. Quo tempore id etiam acci-
diſſe meminiftis, quod, cum propter delicta ſua aliquando tres fures
ſuſpenderentur, noctu tres alij irruerint, & pro fame ſopienda, pen-
dentium bracchia ac crura detruncarint. Sed inter cætera Hiſpanus
quidam Germanum fratrem ſuum, in prædicta ciuitate mortuum,
famis atrocitate compulſus vorauit. A quibus tamen extremis, nos
diuina gratia, longè adhuc abſumus, nec dubitamus, quin, ſi vel leui
quodam vento idoneo iuuemur, claſſem ipſam breui aſſecuturi ſi-
mus. Et hæc mihi ad vos ita declamanda eſſe ratus ſum. Quod ſi è vo-
bis ſit, qui contra iſta, quod inferat, habeat, is apertè rem agat, & cau-
ſam ſuam proponat. Mihi enim vniuerſos melius ſentientes, tam
minores quam maiores audiendi certum propoſitum eſt.

Ad hæc ergo diuerſis diuerſa reſpondentibus, nonnulli autores
fuerunt, vt in Rio del Plata rectà vela fierent, ac ibi deſerta naui, ad Lu-
ſitanos profugeretur, prætendereturque, quod ab Anglis fugati, na-
uem deſerere coacti fuiſſent. Contrà alij ſuadebaut, vt commeatus
reparandi cauſa in Inſulam S. Helenæ pergeretur. Tandē tamen ſum-
mus gubernator Ian Outerſz in hæc verba prorupit.

*Mifera Hiſpa-
norum famēs,
in Rio del Pla-
ta.*

*Ian Outerſz
conſilium.*

Quantum mea equidē simplicitas fert, Nobilis Capitaneus, fides ea, quam naus patronis stipulatus es, insolita quadam ac inusitata cæcitate cor tuum præstringere adeò videtur, vt, etsi quidem vitæ tuæ nondum, vt ais, satietas te cæperit, nullo tamen vspiam periculo absteritus, volens sciensq; præsentaneæ te neci temerarius obicias. Quæcunque enim longa oratione à te hætenus allata sunt: eorum contraria certè longè probabiliora ac certiora omnium iudiciis censentur. Nā vniuersis nobis haud dubio miserè pereundum est, quam primum Oceanum australem ingressi fuerimus: cum ad cōquirenda in hostium territorio necessaria nō solū à militibus satis instructi non simus, sed nec in maris æstib. gubernandæ naui sufficientes superimus. Quas enim Rex in excubiis illic dispositas naues plurimas habet, hæ nos aduenas leui opera oppressuræ ac perdituræ sunt. Itaq; mirum est, quanto per te veteris adagij memorē esse optem, q̃ nimis cupidum, nulla re dignum esse innuit. Quod si nauium patronis censum ac quæstum augere omnino animus est: age, vt id præstemus, iam occasio gliscit. Nauem enim, quam nobis crediderūt, à reductibus saluam ac integram recipient. Quod si reditū longius distulerimus, & hanc & ipsam vitam nostram nullo dubio vniuersi perdemus. Quod de cōmeatus in reditu parandi difficultate mouisti, id cur teneamur, dignum non est. Nam in Guinea, quā iam vice quinta nauigationibus adeo, istarum rerum omnia prompta copia dabitur. His studiosè auditis, Capitaneus, cui nondum omnia probata erant, respondit, se, non prius consulto Capitaneo de Cordes, de his decernere nec posse, nec velle. Scapham ergo suam è vestigio expediri iussit, qua ipse met Capitaneum quæsitum excursurus esset. Die 29. Decembr. autem cum nonnullis fociis egressus, cum scapham non admodum solidam ac firmam esse videret, vltimo die ad nauem reuersus, Calend. Ian. An. 1600. inde in terram, ad hanc arctius cogendam & firmandam se iterum recepit.

Anno 1600.
L. nauium.

Generalis Oleuier
ad Capitaneū redit.

Circa meridiem per angulum Occidentale sinus eius, scaphas duas cursim ad se properantes cōspicatus, eas à Capitaneo de Cordes, fors alicubi perichitante missas credidit. Istis tamen propius admotis, cū Generalis Oleuier aduehi videretur, Capitaneus ipsi signū dedit, quod in terra esset. Ad quem, cum Generalis appulisset, sui aduentus causam expediuit, nempe, quod inusitatis procellarū insultibus reuertī, & in sinum Equestrem recurrere coactus fuerit. In quo ipse met, cum ventus etiam nihilo lenior perflasset, tunc se binis scaphis inde exiisse, & stationem meliorem captasse, sed in sinum de Cordes dispulsum esse: ex quo porro iā excurrerit, visum, quid & vbi Capitaneus de Cordes ageret. Is secum, massam glaciē tres aut quatuor pedes crassam vnā afferebat, quam eo loco auulsam, vbi aliquot passuum latitudine glaciem media æstate rigere, & tamen Barbaros ibi nudos incedere dicebat.

Glacies crassa
media æstate.

His

His mutuò sermone actis, Capitaneus Generalem rogauit, vt, cum vespera iam appellat, secum in naui pernoctare vellet. Cui petitioni cum Generalis annuisset, Capitaneus ei in cellam penariam introducto, quantum penoris ac commeatus superesset, commōstrauit, vt eo inspecto, aliquando, si opus ac vsus poscat, tenuitatis eius testis esse posset. Postera aurora, Generalis à Capitaneo recedens, omnia ei officia ac opem auxiliarem pollicitus est.

Post hæc scapha Capitanei integrè ac solidè sarta concinnataq; ac velis, quibus opus erat, instructa, eā Registratorem ac signiferum suum cum socio alio, nauem Fidelitatem quæsitum Capitaneus amandauit, & simul ad Generalem literas perferendas dedit, quibus cum orabat, vt pro duobus mensibus panes, suis sociis impertiretur, ac 10. vel 12. remiges suo signifero daret, qui iusta mercedis spe emissitios iuuarent.

Sed eadem hæc scapha, 19. Ian. die ad nauem rediit, quod per tot tamque aduersos ventos perrumpere, nulla vel extrema industria liceret. Nam quinque milliaribus conficiendis iam integrum quadriduum obtriuierant. Hi responsorias Generalis vnà secum reuehebant, quibus Capitaneus solatij haud multum accipiebat. Scripserat enim Generalis, commeatus sibi nihil superesse, cum, quamdiu iter hoc duraturum sit, exploratum non haberet. Tum & à Barbaris sociorum duos nouiter obtruncatos esse: adeò, vt nec de his aliquos desiderare commodè queat.

Responso hoc Generalis probè examinato, cum Capitaneus intelligeret, omnia sua in extremis versari, & tandem vniuersis dira fame (vix enim pro tribus mensibus iam panes supererāt) pereundum esse, nisi certius consilium caperetur: ad Pinguinas insulas diuertere decreuit, vt ad minimum 5000. aut 6000. pinguinis captatis nauem instruere, adeoq; hoc pacto distribuendi panis compendium facere posset, propositum tamen suum de insequendis nauibus cæteris perpetuò ratum habens.

Antequam verò inde discederet, literas exarauit, quibus Capitaneo de Cordes suum consilium exponebat. Has ad arboris radices deposuit, ex qua simul tabulam, in qua hæc verba scripta erant: Quære infra arborem: suspendit: vt ea lecta, Capitaneus de Cordes aut ad insulas ipsum sequeretur, aut eo loco reditum eius expectaret. His peractis 11. die ferente cæcia in Capo Virgine, ex hoc in sinum Conchiferum, & tandem hinc in Pinguinas insulas pertenderunt. Die 12. in harum insularum minimam, vtpote iam antè cognitam, confederunt. Itaq; Capitaneus cum 30. viris in terram egressus est. Quam cum vix primore pede attigissent, tantam illicò auium copiam viderunt, vt captandarū ingenti auiditate moti ex scapha confertim exilirent. Tribus ergo victoribus, pro tutela scaphæ relictis, armis instructi palatim per insulam discurrerunt, quod ab Oleuiero ibi aliquot cæsos

Capitaneus
de Cordes ad
Pinguinas na-
nigat.

*Aduersitas in
Pinguis.*

cæsos Barbaros intellexissent. Cum verò præter canem nihil offer-
dissent: ad cædendas aues conuersi, earum ingentem copiam breui
tempore legerunt. Qua captura dum exercerentur passim vniuersi,
præter omnē spem calamitas noua, cæteris vniuersis grauior, exor-
ta est. Procellarum enim vis tanto fremitu irruit desubitò, vt anchora
scaphæ rupta, & hac in breuia impulsa, priusquam malo occurri pos-
set, vnda confertim scapham miserè quassatam implerent, & qua-
damtenus mergerent.

Hic ergo præter certam & indubitatā mortē nemo quicquam
aliud sperabat. Nam citra scaphæ opem ad nauem redire impossibile
erat. Sed nec tignarios, nec instrumenta, nec ligna (quorum ibi mera
sterilitas) quibus aut fractam scapham refarcirēt, aut nouam conde-
rent, secum habebant. Tum & cibis destituti ac orbi erant: & frigori-
bus adeò rigeant, vt membrorum suorum minimè cōpotes essent.
Nam pleriq; ad emotionem scaphæ in vndas tam profundè se demit-
tebant, vt toto corpore ad collum vsq; maderent. Cæterum cum
deflua vnda maximo molimine scapha tandē in siccum euoluta es-
set: in ea securim, ac instrumenta ferrea alia cum clauis aliquot repe-
rerunt, quibus scapham fractam vtcunq; sarcire de nouo possent.

*Insula lignis
erba.*

Interea nauis cum duobus gubernatoribus, ac tribus aliis sanis,
sola quasi in mari versabatur. Quæ retineri non potuisset, si vel leuis
tempestas eo tempore ipsam incussisset. Cæterum, quod, vt diximus,
omnes in insula miserè rigerent, in scapha corrigenda perrectū igna-
uius est. Tandem verò, cum in omni insula nulla ligna essent, com-
portatis asseribus ignem fecerunt, & in eius ambitu stantes, aut con-
fidentes sub dio, sese quantum poterant, fouerunt, captatas aues se-
miasas sine pane esitantes, & vix tantū aquæ, quanta siti restinguen-
dæ suppeteret, habentes.

His calamitatibus ac ærumnis noctem eam transigebāt, vnus
Dei opem cælitus expectantes. Nam ad nauem redeundi iam nulla
cuiquā spes supererat: sed hoc vnicum expectabant, vt primo nauem
in littus ac breuia incussam postea funditus pereuntem suis oculis vi-
derent: deinde vnum post alterum crudeli fame in insula miserè ca-
dentem & expirantem contuerentur. Etsi enim auium ibidem nulla
penuria esset, tamen his solis esitatis diu sanitatem protrahi posse mi-
nimè videbatur. Capitaneus ergo frequenter id vnum optabat, vt so-
cij vniuersi in naue essent, ipse verò solus vitæ impendio infortunia
ista crebra expiaret.

*Capitaneus
suā miseriam
luge.*

His curis ac querelis iteratis noctem eam, licet breuem, Capita-
neus admodum longam exigebat, miseriam suam imo pectore sin-
gultiens, & exantlata cum tot ærumnis pericula ingeniosè secum re-
uoluens, dolendamq; hominum ac funestam sortem detestans, qui
eo maximè tēpore, quo florere ac in altum surgere incipiūt, demum
ruant ac pefsum eant. Tandem verò à querelis ad preces relapsus, for-

tem

tem vt suam, sic sociorum omnium in Dei manus deponebat, ipsum ex imo pectore rogans obtestansq; , vt vel hac extrema in necessitate ipsis auxilium ac opē afferat, cum de humano omni robore actum ac desperatum sit.

Porro autem exorta luce, Capitaneus socios suos ad opus tendum adhortatus est: qui tandem ingenti machinatione scapham in aridum extraxerunt, vsq; adeo laceram, disruptam ac dissolutam, vt ad nauem reuehēdis ægrè idonea futura videretur. Eodem tamen die, latus scaphæ, quod omnium maximè attritum erat, admodum operosè ac industriè compegerunt ac conglutinarunt, afferes sarturæ necessarios vndecunque diuellentes, & clauos diligenter colligentes: quorum defectui paxillos ligneos substituebant. Pro cannabe ellychnia ac funes vulfos obturandis rimis adhibebant. Hac sociorum industria & sedulitate spectata, Capitaneus iam trāquillior, noctem sequentem pacatiorem transigebat.

Sequente die latus quoq; alterum sarciri cœpit: quo reparato, scapha iterum in vndas deducta est, nauteam quatuor ministris subinde exigentibus. Circa diei 14. Ian. vesperam, cum 450. cæsis pinguinis, magno vniuersorum gaudio & gratulatione ad nauem reuersi sunt, Deo summo benefactori de ope ac auxilio præstito ingētes gratias fundentes.

Milites autem, priusquam scapham ingrederentur, ferinam foeminam, quæ in Pinguinarum cauerna toto eo tempore, quo in insula morati sunt, delituerat, captam adduxerunt. Et hæc quidem sola ex illis remāserat, quos Generalis in insula oppugnatos obtruncauerat: quæ & ipsa isto conflictu vulnus (quod ostendebat) grande acceperat. Ea faciem pigmentis tinxerat, & corpus pallio expellibus tum pinguinarum tum ferarum aliarum, fidiculis ex animalium intestinis factis industriè sartarum colligatarumque contexto induerat, ad genua vsq; propendente. Pudendum suum peculiari quodam velle reuelauerat. Corpore admodū procero ac lacertoso erat. Eadem crines rasos gestabat: cum viri tamen ipsis promissis & longis conspiciantur, sicut ex eo colligi potuit, qui occisus in insula repertus est: cuius caput ac cæterum corpus varij generis pennis pulchrè ornatum, ac tenui reticulo inductum erat. Ex eo singularis ornamenti loco refficcata quædam officula ac lapilli propendebant. Pro armis arcus ac tela habent, quorum extrema filicibus acutis præpilata sunt, qui in factis vulneribus relinquuntur.

Prædicta foemina ad Capitaneū deducta, cū cultello donaretur, illum valdè gestiēs accepit, nutibus significās, in maiori insula volucrum longè maiorē copiam reperiri, roganq; , vt in continētem proueheretur. Capitaneus verò qui adeūdæ navis desiderio flagrabat, relicta foemina, scaphā proferri ac porro agi iussit, in reditu ipsam, quo luberet, expositurus. Quam tamen ab eo deinde tempore non vidit.

Scapha in terram extrahitur, & refectur.

Hollandi scapha ad nauem redeunt.

Femina fera capitur.

Fera descriptio.

Ornatus casti inuenti Barbari.

Die 25. sereno cælo lucente, ac scapha à Gubernatore aptius instructa, versus maiorem insulam, milliaris interuallo distantem perrexerunt, plurium cædendarum auium instituto, relictis in naui, qui iam captatas ac exenteratas sale condirent. Cum attigissent insulam pinguinarum tam largam copiam inuenerunt, vt iis 25. naues commodissimè cibari potuissent. Harum, cum 900. circiter, in scapham duarum horarum spatio intulissent, ventis iam violentius spirare incipientibus, ad nauem redire consultum visum est. Deceuerat enim Capitaneus postero die, ad eundem locum ipsam nauem quoq; , quam proximè fieri posset, adigere, & eam captatis auibus largissimè adimplere.

Cum verò sequente die in exenterandis ac condiendis auibus vniuersi occupati essent, procellis cæcias tam horrendis infremuit, vt citius, quam tolli posset, anchora fune solueretur, ac naus in breuia 4. passuum disiceretur. Quod cum videret Capitaneus, paruo velo in vicinum angulum excurri iussit, vt ibi iuxta terram anchoris missis naus firmaretur. Quod tamen consilium, cum gubernatoribus non probaretur, non confectum dabatur.

Posteà Capitaneus significauit, cum tam paucis pinguinis Oceanum de nouo tentari tutum non esse. Consultum ergo sibi videri dicebat, vt denuò ad insulam accessus tentaretur, & naus pluribus auibus oneraretur. Sed prius quam desæuaret tempestas, iam ab insulis longius dispulsi erant. Capitaneus ergò cum iam de insulis denuò adeundis desperaret, noua dispensatione instituta ordinauit, vt cuilibet indies panis libræ quadrans porrigeretur. Posteà diei 17. aurora prodeunte, cum ventus Orientalis perflaret, leuatis anchoris circa meridiem ad maiorem pinguinarum insulam iterum appulerunt, ac nouæ auium capturæ se accinxerunt, etsi scapha admodum fragilis & corrupta videretur.

*Pinguinarum
descriptio.*

Hæ aues, quarum formā, rationem ac naturam nondū descripsi, Pinguins siue Pinguine nominantur, propter pinguedinem, quæ ipsis natiua est. Ex his annosiores, 13. 14. aut 16. libras pendent. Iuniores verò 8. ac 12. librarum pondus habent. Eæ dorso nigro, ac aluo candida sunt, vt pennarum albarum atrarumque æqualem ferè numerum habeant. Collum plerarumque circulo candido obditur aut ambitur. Detracta cutis, pelli piscium marinorum similis, suilli tergoris crassitie est. Rostrum coruino grandius, minus tamen incuruatum visitur. Collum breue ac crassum est. Corporis moles anserinæ similis, inferius contractior sentitur. Alis caret, quarum loco pinnas duas, alarum specie enatas ostendit, quibus nare velocissimè possunt. Magna anni parte in vndis degunt, nec nisi ouis incubituræ, terram adeunt. Harum ternæ plerunq; ac quaternæ vno nido reperiuntur. Pedes nigros, anserum figura expansos, sed angustiores tamen habent. Incedētes, erecto corporis situ sunt, ac brachiorū more pin-

nas demissas fluitare sinunt, ita, ut è longinquo pigmæis incedentibus similes appareant. Solis piscibus viuunt: quos tamen coctæ non resipiunt, sed saporem admodum gratum fundunt. Latibula sua in tumulis arenaceis, profundius subtus terram cuniculorum more, condunt. Vnde terra passim vsque adeo excauata est, ut prætergredientes nonnunquam ad genua vsque in foueas incidant, ac ab incubantibus pinguinis mordeantur.

Harum ergò auium certam adhuc copiam venandi Hollandis, ad insulam denuò tendentibus institutum vigeat: Qui tamen die 18. dicti mensis tantis procellis iterum infestari cæperunt, ut commotione violenta anchora funditus euerteretur. Cum ergo Capitaneus nouam anchoram mittendi consilium daret, gubernatores id apprimè dissuaserunt, metuentes, ut malè cedente re, vtraque anchora (quas solas iam reliquas habebant) spoliarentur. Consultius autem duxerunt, anchora recepta, è freto prorsus egredi. Quod & ipsum tamen, cum Oceanus iam refluens augesceret, & fluctus violenti inundarent, tentare minimè audebant. Interim anchora disrupta, soluta naui tanta succussione agitari cæpit, ut metus non leuis esset, ipsam violenta dispulsione in insulam coniectum iri. Nam ad recuperandam anchoram, aut funem recolligendum nulla occasio effulgebat. Tum & illo loco efferri impossibile videbatur, quod insulæ longissima eminentia in mare porrigeretur, quam obire minimè potuissent, nisi funem longo tractu sequentem prouidi abscidissent. Ingenti ergò mœrore & conturbatione ventorum impetum sequebantur, quod anchoram perditam relinquere cogerentur, cum præter vnam nouissimam, nullam reliquam haberent.

Fides anchoræ perdit.

Iam ergò Capitaneus, in quibus extremis periculis versarentur, videns, deserendi freti ac adeundæ rursus patriæ consilium ratum ac promulgatum fecit. Circa meridiem verò vnda tanto sonitu & concitatione appellebat, ut longius duobus milliaribus infra angulum dictum dispellerentur. Qua periclitatione moti anchoram suam postremam, in qua post Deum vniuersa eorum salus ac spes posita erat, duodecim passuum profunditate excusserunt, strenua opera cauentes, ne in breuia longius exigerentur.

Capitaneus domum redire statuit.

Hæc sollicitudine ac anxietate dum ferè conficerentur, præter omnem spem subito caurus exortus est, qui vitandi interitus vnum medium restabat. Magno ergò gaudio anchoram attollentes, versus insulam declinabant, ut in vicino sinu considerent, tentarèntq; an perditam anchoram quocunque nisu iterum eruere possent. Sed breui fors prior eosdem repetiit. Nam, cum vix insulā attigissent, Cæcia illicò tam violèter grassante correpti sunt, ut ad fauces freti nolentes volentes diuertere cogerentur. Itaq; circa meridiē angulum illum obeuntes, isthmum primū trāsmiserunt, & alterū quoq; sub noctem

Hollandi ad Pinguinas redeunt.

Hollandi ferendis periculis callum induerunt.

conspicati sunt: quem tamen, cum fluctus aduersi inundarēt, & nox ingrueret, ingredi metuentes, aliquando impetum euincere malebant. Sed insultantibus fluctibus versus terram tanta violentia proiecti sunt, vt anchoram suam denuò mittere cogerētur, magno certo eius periculo, si procellæ rapidiores infremuissent. Quanquam crebris ærumnis ac periculis iactati, ferendis omnibus euētibus iam callum obduxissent.

Postero die terræ se tam propinquos viderunt, vt ex loco illo eluctari minimè procliue esset, cum angulū faucium obire nullo molimine liceret. Iam demum ergo verè senserunt, in quas angustias cōtemptu periculorum coniecti essent. Ibidem tamdiu hærendum erat, dum venti vis mitigaretur, quod circa meridiē accidit; vbi magna ac expedita celeritate anchoras assumētes, ferēti vento Fauonio vela crediderunt. Antequam aduersperasceret, iam isthmum alterum quoq; transmiserāt, in transitu quatuor Toninas, quibus omnes lautè epulabantur, ferientes.

Hollandi fretum exierunt.

Diei 21. aurora fretum Magellanum (quod haud immeritò periculosum vocari possit) post se relinquentes, Libonoto auspicato vela panderunt, postquam nouem mensibus integris in freto dira fame, laboribus ac periculis infandis exhausti ac exerciti contabuissent.

Insula incognita.

Ipsū itaq; iam Oceanum ingressi, circa meridiē, scaphā suam, quæ fluctuum collisione lacerata & rimosa tota erat, dimiserunt. Die 22. ventum Fauonium nacti, cursū instituto perrexerunt. Die 24. circa auroram tres insulas paruas conspicati sunt, antea in nulla mappa notatas ac designatas: quas nouo nomine Sebaldinas initiarunt. Hæ versus ortus ac austri medium à continenti 60. miliaribus distabant, sub alitudine grad. 50. & 40. minut. sitæ. Ibidem miram quoque pinguiarum copiam reppererunt, quas, nisi scapha caruissent, præterire agrè potuissent.

Die 26. cæcia impellente insulas has præteruecti, perpetua meta vsque ad 30. diem procurrerunt, quo tempestate quadam percellerantur: Nihilominus tamen cursui inhærentes, Cal. Febr. Libonoto intra aquilonem ac ortum impulerunt: quo tempore altitudinem grad. 46. habuerunt.

Fur suspendio adiudicatur.

Hoc eodem die de capite cuiusdam Bruxellani, Nicolaës de Blicck, qui conto ferro noctu effracta ianua vini Bottigiā, & sacculum Oryza plenum furatus erat, comitia acta sunt. Is capitis damnatus, sequēte die suspendio strangulandus erat. Sed capitalium rerum prætor executionem iam vrgente, milites congregati pro eo apud Capitaneū intercesserūt. Cumq; vice prima repulsam passi, post acrius & sollicitatius instarent: Capitaneus reo quidem vitam donauit, sed, ne porrò pro similibus facinorosis intercessionem fierent, edixit.

Die 4. cum aduerso vento nonnihil quaterentur, postera luce Zephyro cæcia vsque ad diem 28. Februarij vsi sunt: quo vulturno perflante

perflante obliquius pertenderunt. Pridie eius diei, facinorosus idem, qui nuper intercessione militum liberatus erat, denuo à prætore, quod iterum fores effregisset, & ex penore non necessaria saltem, verum & superflua, quæ postea aliis diuendisset, surripuisset, accusabatur. De hoc ergò facinore denuo capitis damnatus, Calendis Martij ex malo strangulatus, ac demum in mare proiectus est: vt huius exemplo cæteri territi, rebus vetitis manus intendere rapaces dediscerent. Hoc ipso die flante cauro Tropicum capricorni transgressi sunt.

*Semel libera-
tus fur, suspē
ditur.*

Die 7. Martij, cum altitudinem 13. graduum tenerent, Capitaneus tormenta, quæ hactenus in naui aluo condita latebant, proferri ac expediri curauit, quod iam in ea delati loca essent, quæ à periculo & insultu hostium non omninò secura viderentur. Itaque & milites suos tam ad defensionem, quam ad offensionem (si opus sit) armauit & instruxit.

*Tormēta pro-
feruntur.*

Die 14. solem rectà vertici incumbentem acceperunt, ac die 15. ferente vulturno lineam æquinoctialem transmittentes, cursu felici prouecti sunt. Postero die 30. minutis à linea æquinoctiali versus aquilonem nauigabant, quæ dies à deserto freto 54. numerabatur. Ab eo tempore vini dispensatio omnis abrogata est: quod eius vnum saltem dolium superesset, pro solis ægris ac aliis vsibus referuandum. Postea aliquandiu malacia vsi, die 21. Fauonio perspirante cursum antiquum tenuerunt.

Sub auroram diei 24. terram quandam versus aquilonē ac occasum sitam, peruiderunt, quam postea, Capo de Montē in littore Guineæ sub gradu septimo sitam esse, aduerterunt. Quam declinationem longè admirabantur impensius, quam aliud quiduis in itinere hoc notatum, vt quæ præter rationem ac computum vniuersum fieret. Capitaneus ergò indignabundus, gubernatores acribus verbis repræhendebat, quod studio ac dedita opera eo deflexissent, secum ita fore constituentes, vt cum littori adeò vicini fierent, Capitaneus omninò egressurus, & carnes, oryzam ac similia, quibus opus esset, paraturus, ac redempturus esset. De hac igitur Capitanei indignatione populus ipse quoq; obmurmurare cæpit, clamās, se terram benedictam quidem suis oculis videre, & cælum vndiquaq; patens esse: & sibi tamē eorundem adeundorum nullam copiam dari. Non ergò se dubitare, quin breui multis ylulatibus eam diem ac horam deploraturi sint, qua terram eam felicem præteriissent. Capitaneo verò illic appellere ideo non tutum visum est, quod nec celocem nec scapham vllā haberent, quibus in oram egredi liceret. Tum, & quod vna saltem anchora instructi essent, metuebat fore, vt ibidem duobus tribusue mensibus cōmorantes, tantum tamē vix comparaturi sint, quantum diebus singulis absumeretur. Itaq; cum rationē commeatu reliqui subduxisset: tantum eius superesse vidit, vt de pane singulis dietim libræ quadrans, & oryzæ duæ vnciæ, mensum qua-

tuor spatio distribui possint. His ita trutinatis, recta domum pertendere cogitans, ut à terra seu littore illo deuiarent, mandauit. Quod etsi quidem nauis omni molimine anniterentur, ut in altius mare redirent: propter summum tamen ventorum silentium, nihil admodum promoueri potuit.

*Pinguinarum
finis.*

Copia piscium.

Scapha paratur.

Calend. April. cum sub noctem ignem conspicati essent, rati illum è naui quadam propinqua micare; manè se delusos esse animaduertunt. Is enim in vicina terra effulserat, ad quam fluctuum æstuatione sub breuia S. Annæ recta abducti erant. Circa hoc tempus pinguinarum (de quibus hætenus cuilibet dimidia in dies cesserat) apparatus omnis insumptus est. Porro ergò 4. vncis panis, & duabus oryza, quemlibet contentum esse oportuisset, nisi misericors Deus, qui in extremis semper fidelissimus auxiliator præsto est, copiosis piscibus eos largiter cibasset. Nam Toiinarum ac Hayen, similiumque piscium tantam quotidie copiam captabant, ut omnibus absumentis vix sufficerent. Cum verò iuxta hoc littus quinque septimanis ab omni vento quieti decubuissent: Capitaneus, metuens, ut diutius ibi morandum, tandemque in Guineæ ipsum littus concedendum sit, scapham quandam exilem curauit extrui, casibus omnibus commodaturam. Et licet ad eam fabricandam nec tignarios nec asseres necessarios haberent: eius tamen extruendæ media vndecunque arripuerunt. Nam de trabibus interaneis tabulas auellentes, eas, ut poterant, decentibus iuncturis aptabant. Hanc nauiculam 12. dierum spacio Gubernator Ian Outghersz, olim tignarius, construxit: quo tempore solem iterum in zenith habuerunt.

*Holl. utraque
vela amittuntur.*

Etsi verò diligenti opera scapha hæc tandem absolueretur: eius tamen usus nullus fuit. Nam 24. April. cum primum caurus valentius spirare inciperet: die 24. idem tanto impetu & fremitu inualuit, ut vela naus utraq; tota decuteret. Quod in eius quidē singulare cōmodū cessit, cum alias à subuersione immunis futura nō fuisset. Postridie nauem quandā sibi vicinam conspicati sunt. Ad quam cum se conuertissent, eam ex conspectu suo breui iterum perdiderunt. Cursum ergò suum ad Flaminias Insulas semel cæptum, continuarunt.

*Ieiunia ac
preces fiunt.*

Die 2. Maij, cum ventus optatus incubuisset, Capitaneus preces ac ieiunia fieri mandauit: quæ eadem etiam 6. Octobr. Anno 1599. postquam ex Oceano australi in fretum Magellanicum iterum illapsus esset, instituerat. Hunc ergò diem seriis precationibus exegerunt, Deo rerum omnium conditori pro immensa sua misericordia æternas gratias dicentes, quod toties, ac in tam desperatis malis ipsis semper clementissimè succurrisset, & nuper quoq; famem miserissimam omnibus passim minitantibus, oblatis piscibus copiosis, penuriam illorum cumulatissimè subleuasset: vnà cōtritis cordibus ipsum deuotissimè inuocantes, ut cæteras quoque, à societate dispulsas naues clementi sua custodia protegat, earumq; cursum ita moderetur, ut probe re confecta, cum multorū gaudio tandem domū reducantur.

His

His peractis, die 21. Maij commodo vento Tropicum capricorni transgressi piscium adhuc indies tantam copiam captabant, vt eorum plurimos condire ac reficcare cogerentur. Ad Flaminiarum insularum altitudinem prouecti, vanescētibus piscibus viuis deinceps reficcatis aut salitis vesci opus habebant. Cum qua Diæta mutata, noui quoq; morbi illic inuadebant. Nam quicunq; de salitis piscibus illis comederant, eorum cutis tam rubris passim maculis suffundebatur, vt leprosis non dissimiles viderentur. Affectus hic cum partium internarum tanto ardore ac inflammatione coniunctus erat, vt nullo potu sitim vrgentem commodè restinguere possent. Quosdam scorbutus insuper etiam lancinabat. Hac noua plaga percussi, de sospitando itinere Deo vota largissima faciebant: cum ægrorum numerum indies valdè augeri ac multiplicari viderent.

*Ardētes morbi
nauigantium.*

Die 7. Iunij, certis indiciis cognouit Capitaneus, ex cella penaria furtim subinde panes furripi. Sigillum enim, quo fores referabantur, ruptum ac violatum comparuit. Omnibus ergò vno numero coactis, Capitaneus singulis ex ordine claues ademit, & quæ foribus referendis aptæ factæ essent, probauit. Quo ingenio fures perfacile deprehendit. Cum verò quatuor è fortissimis & validissimis huius criminis rei essent: cæteri verò nautæ pleriq; adeo enerues ac debiles viderentur, vt vix nauibus suam operam impendere possent: hac tamen vice poenam differri omninò consultum visum est, etsi 6. vel 7. istius facinoris rei, quatuordecim mensibus integris è promptuariis clam, tum quæ ipsi ederent, tum quæ aliis diuenderēt, subripuissent. Hi, vt diximus, poena merita ex causis haud nihili tum temporis eximebātur, etsi ipsi met iam quidem vitam despondissent, ac, vt in terram ignotam exponerentur, supplicando institissent.

*Panarij funes
in naue inuēti.*

Die 7. Iun. cum propter malaciam æquoris velis obliquatis pergerent, sub diei 12. auroram naues binas ad se recta incursantes prouiderunt. Quas dum expectarent, Anglicas esse depræhenderūt: quarum Capitaneus, vir canus, à Capitano de VVeert, valdè humaniter exceptus est. Ab hoc enim præter noua de patriæ statu communicata opem aliquam cibariam impetrari posse, spem sibi fecerat. Sed cum Angli æquè ac Hollandi indigentes essent: re infecta vtrinque discessum est.

*Anglicana-
ues.*

Die 6. Iul. aditum Angliæ tenentes, postea 9. die cum procellis concitatissimis inuaderentur, magno naus periculo in littus Gallicum eiectioni sunt, non euasuri, nisi ventorū vis breui desæuiisset. Nam nec angulum ante Cales, nec alterū huic aduersum exuperare poterant. Sed ventis tamen quiescentibus, tandem in Angliæ finitima redierunt. Cum verò Capitaneus minimè statuisset secundum Mosam pronauigare, sed potius in arenarum tumultis anchoras figere, & ibi naus patronorum responsa, an nimirum de nouo illic instructus, ac addita celo cauctus, societati reliquæ iuxta Capo de Bona Esperanca

ranca occurrere, aut eosdem alibi perquirere debeat, expectare decreuisset: iuxta Doeueren in terram egressus est, ut ibidem anchoram & funes emeret, cum una saltem anchora in tumultis illis versari intutum videretur. Cum autem eorum nihil ibi parabile esset: comestu modico aduecto ad nauem reuersus est. Et quoniam diutius ibi morandi nulla opportunitas esset: circa vesperam recta ad Mosam procurrerunt. Triduo antè ex ipsis Anglus quidam obierat, qui in reditu primus, in tota verò nauigatione 68. extiterat: quorum 44. in freto sepulti, sex verò in Oceano australi merfi fuerant.

Hollandi Mosam attingunt.

Quot in hoc itinere obierint.

Nauigationis quod tempus.

Historia clausula.

Die 14. commodo ac optato vento ad Mosæ ostium appulerunt: in quo fortunam priore non multo benigniorem experti sunt. Nam cum in ipso Mosæ vado anchoris niterentur, & refluxum vndarum expectarent: repente tam nimbosus ac violentus ventus incubuit, ut nolentes volentes in alueum Goreeticum secedere cogerentur. Vbi dum versarentur, adhuc è sociis alter, sexagesimus nimirum nonus ac vltimus diem extremum clausit: ita, ut in naui iam 36. tantum superessent. Quibus certè satis causæ erat, ut Deo omnipotenti gratias maximas agerent, qui in tam diuturna nauigatione, in tot frementibus periculis ac ærumnis ipsos clementer seruasset, & eosdem post mensium 25. interuallum sospites ad focos patrios reduxisset.

Et hæc est vera atque accurata descriptio omnium laborum, periculorumque, ac inopiæ & miseræ, quæ infelices hi nautæ in itinere suo conficiendo perpeffi sunt. Quæ quidem vniuersa in sese longè grauiora & maiora sunt, quam verbis exprimi ac describi possint. A me enim nihil illis additum, sed plura detracta sunt. Quam equidem recitationem ex diario Barent Iansz Chirurgi, ut & reliquorum gubernatorum libris, excerpfi & cõsignaui, in eorum præcipue gratiam ac utilitatem, qui & ipsi aliquando similium nauigationum socij futuri sunt, ut horum nautarum exemplo instituti, omnes ærumnas ac pericula, ibidè oborta, æquanimiter tolerare, ac in honesto suo proposito constanter ac firmiter perdurare discant, nec se facile adduci patiãtur, ut re tentata quidem, sed non confecta domum illicò festinèt, eo comprimis tempore, quo itineribus illis Dei honor, patriæ salus, ac commodum eorum, qui maximis impendiis naues instruxerunt, quæritur & accuratur: sicuti hi certè Argonautæ extrema & durissima quæuis tentare, quam cum dedecore & infamia reuerti maluerunt. Quibus hunc quoque librum iam clausum volumus, cæterarum nauium aduentum indies expectantes: quarum cursum Deus Opt. Max. potenti sua dextra ita moderetur, ut si nobis ex usu & salute sit, cum maiori commodo ac quæstu ad patriæ limina sospites reuertantur.

FINIS.



I D Æ A

VERA ET GENVINA,
PRÆCIPVARVM HISTORIA-
RVM OMNIVM, VT ET VARIORVM
RITVVM, CEREMONIARVM, CONSVETVDI-

numque gentis Indicæ: Sicut & primariarum ciuitatum, Insularum-
que & arcium seu propugnaculorum: de quibus in hac
nona Americæ seu Indiæ Occidentalis histo-
riarum parte pertractatur.

*CVILIBET HISTORICÆ DESIGNATIONI,
facilioris intellectus, maiorisq; oblectationis causa, fcones ali-
quam multa, artificiosissimè in æs incisæ, annexæ
appositæq; sunt,*

Sumptibus, Studio & industria

THEODORI de BRY, p. m. relictæ viduæ, & IOANN. THEODO-
RI ac IOANN. ISRAEL. filiorum.



FRANCOFVRTI,
EXCVDEBAT MATTHÆVS BECKER.

M. DCII.

I.
DE INDORVM MIRA PISCA-
TIONIS RATIONE.



PISCATVI operam daturi Indi, hunc ferè modum tenent. Balanis grandioribus insidias structuri, scaphis exiguis in mare remigant, quolibet sua priuata scapha recepto. Cetum ergo si alicubi quempiam in conspectum se offerentem Indus notauit, scapha ad eum properans, in eius dorsum exilit, palosq; binos in hunc usum paratos, ligneos, eius in nares vel potius aures, ex quibus piscis conceptas aquas subinde eructat, demittit. Et quamuis interim piscis sese nunc submittat, nunc eleuet, nihilo tamen ignauior piscator, dorso obstinatè insistit, dum penitus palos in profundos istos meatus demerserit. Quo facto, rursus in scapham prosilit, & fune, quem palo abscessurus adalligauit, iugi tractu piscem allicit, dum tandem eum propter aëris, naribus hauriendi defectum lassatum & infirmatum in littus seu aridum extrahat. Quem tandem illic in partes dirimunt, & inter socios aqua ratione dispensant. Sed & piscatus sui modum alium exercent, retibus iactatis faciliorem. Iuncos magna copia ex ordine colligant. Illis non secus ac equites equis insidentes, incitatis ligneis remis, quò lubet, pergunt. Locum despicati idoneum sua retia iactant, dum, quantum piscium capturierunt, ceperunt. Iis asseruatis, ad terram redeunt, nauiculamque undis extractam, ut reficetur, expandunt aut extendunt. Sicut in historia contextu ista fusius perceperantur.

THE UNIVERSITY OF CHICAGO
PRESS

THE UNIVERSITY OF CHICAGO

PRESS

1850

1851

1852

1853

1854

1855

1856

1857

1858

1859

1860

1861

1862

1863

1864

1865

1866

1867

1868

1869

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

1909

1910

1911

1912

1913

1914

1915

1916

1917

1918

1919

1920

1921

1922

1923

1924

1925

1926

1927

1928

1929

1930

1931

1932

1933

1934

1935

1936

1937

1938

1939

1940

1941

1942

1943

1944

1945

1946

1947

1948

1949

1950

1951

1952

1953

1954

1955

1956

1957

1958

1959

1960

1961

1962

1963

1964

1965

1966

1967

1968

1969

1970

1971

1972

1973

1974

1975

1976

1977

1978

1979

1980

1981

1982

1983

1984

1985

1986

1987

1988

1989

1990

1991

1992

1993

1994

1995

1996

1997

1998

1999

2000

2001

2002

2003

2004

2005

2006

2007

2008

2009

2010

2011

2012

2013

2014

2015

2016

2017

2018

2019

2020

2021

2022

2023

2024

2025

2026

2027

2028

2029

2030

2031

2032

2033

2034

2035

2036

2037

2038

2039

2040

2041

2042

2043

2044

2045

2046

2047

2048

2049

2050

2051

2052

2053

2054

2055

2056

2057

2058

2059

2060

2061

2062

2063

2064

2065

2066

2067

2068

2069

2070

2071

2072

2073

2074

2075

2076

2077

2078

2079

2080

2081

2082

2083

2084

2085

2086

2087

2088

2089

2090

2091

2092

2093

2094

2095

2096

2097

2098

2099

2100

2101

2102

2103

2104

2105

2106

2107

2108

2109

2110

2111

2112

2113

2114

2115

2116

2117

2118

2119

2120

2121

2122

2123

2124

2125

2126

2127

2128

2129

2130

2131

2132

2133

2134

2135

2136

2137

2138

2139

2140

2141

2142

2143

2144

2145

2146

2147

2148

2149

2150

2151

2152

2153

2154

2155

2156

2157

2158

2159

2160

2161

2162

2163

2164

2165

2166

2167

2168

2169

2170

2171

2172

2173

2174

2175

2176

2177

2178

2179

2180

2181

2182

2183

2184

2185

2186

2187

2188

2189

2190

2191

2192

2193

2194

2195

2196

2197

2198

2199

2200

2201

2202

2203

2204

2205

2206

2207

2208

2209

2210

2211

2212

2213

2214

2215

2216

2217

2218

2219

2220

2221

2222

2223

2224

2225

2226

2227

2228

2229

2230

2231

2232

2233

2234

2235

2236

2237

2238

2239

2240

2241

2242

2243

2244

2245

2246

2247

2248

2249

2250

2251

2252

2253

2254

2255

2256

2257

2258

2259

2260

2261

2262

2263

2264

2265

2266

2267

2268

2269

2270

2271

2272

2273

2274

2275

2276

2277

2278

2279

2280

2281

2282

2283

2284

2285

2286

2287

2288

2289

2290

2291

2292

2293

2294

2295

2296

2297

2298

2299

2300

2301

2302

2303

2304

2305

2306

2307

2308

2309

2310

2311

2312

2313

2314

2315

2316

2317

2318

2319

2320

2321

2322

2323

2324

2325

2326

2327

2328

2329

2330

2331

2332

2333

2334

2335

2336

2337

2338

2339

2340

2341

2342

2343

2344

2345

2346

2347

2348

2349

2350

2351

2352

2353

2354

2355

2356

2357

2358

2359

2360

2361

2362

2363

2364

2365

2366

2367

2368

2369

2370

2371

2372

2373

2374

2375

2376

2377

2378

2379

2380

2381

2382

2383

2384

2385

2386

2387

2388

2389

2390

2391

2392

2393

2394

2395

2396

2397

2398

2399

2400

2401

2402

2403

2404

2405

2406

2407

2408

2409

2410

2411

2412

2413

2414

2415

2416

2417

2418

2419

2420

2421

2422

2423

2424

2425

2426

2427

2428

2429

2430

2431

2432

2433

2434

2435

2436

2437

2438

2439

2440

2441

2442

2443

2444

2445

2446

2447

2448

2449

2450

2451

2452

2453

2454

2455

2456

2457

2458

2459

2460

2461

2462

2463

2464

2465

2466

2467

2468

2469

2470

2471

2472

2473

2474

2475

2476

2477

2478

2479

2480

2481

2482

2483

2484

2485

2486

2487

2488

2489

2490

2491

2492

2493

2494

2495

2496

2497

2498

2499

2500

2501

2502

2503

2504

2505

2506

2507

2508

2509

2510

2511

2512

2513

2514

2515

2516

2517

2518

2519

2520

2521

2522

2523

2524

2525

2526

2527

2528

2529

2530

2531

2532

2533

2534

2535

2536

2537

2538

2539

2540

2541

2542

2543

2544

2545

2546

2547

2548

2549

2550

2551

2552

2553

2554

2555

2556

2557

2558

2559

2560

2561

2562

2563

2564

2565

2566

2567

2568

2569

2570

2571

2572

2573

2574

2575

2576

2577

2578

2579

2580

2581

2582

2583

2584

2585

2586

2587

2588

2589

2590

2591

2592

2593

2594

2595

2596

2597

2598

2599

2600

2601

2602

2603

2604

2605

2606

2607

2608

2609

2610

2611

2612

2613

2614

2615

2616

2617

2618

2619

2620

2621

2622

2623

2624

2625

2626

2627

2628

2629

2630

2631

2632

2633

2634

2635

2636

2637

2638

2639

2640

2641

2642

2643

2644

2645

2646

2647

2648

2649

2650

2651

2652

2653

2654

2655

2656

2657

2658

2659

2660

2661

2662

2663

2664

2665

2666

2667

2668

2669

2670

2671

2672

2673

2674

2675

2676

2677

2678

2679

2680

2681

2682

2683

2684

2685

2686

2687

2688

2689

2690

2691

2692

2693

2694

2695

2696

2697

2698

2699

2700

2701

2702

2703

2704

2705

2706

2707

2708

2709

2710

2711

2712

2713

2714

2715

2716

2717

2718

2719

2720

2721

2722

2723

2724

2725

2726

2727

2728

2729

2730

2731

2732

2733

2734

2735

2736

2737

2738

2739

2740

2741

2742

2743

2744

2745

2746

2747

2748

2749

2750

2751

2752

2753

2754

2755

2756

2757

2758

2759

2760

2761

2762

2763

2764

2765

2766

2767

2768

2769

2770

2771

2772

2773

2774

2775

2776

2777

2778

2779

2780

2781

2782

2783

2784

2785

2786

2787

2788

2789

2790

2791

2792

2793

2794

2795

2796

2797

2798

2799

2800

2801

2802

2803

2804

2805

2806

2807

2808

2809

2810

2811

2812

2813

2814

2815

2816

2817

2818

2819

2820

2821

2822

2823

2824

2825

2826

2827

2828

2829

2830

2831

2832

2833

2834

2835

2836

2837

2838

2839

2840

2841

2842

2843

2844

2845

2846

2847

2848

2849

2850

2851

2852

2853

2854

2855

2856

2857

2858

2859

2860

2861

2862

2863

2864

2865

2866

2867

2868

2869

2870

2871

2872

2873

2874

2875

2876

2877

2878

2879

2880

2881

2882

2883

2884

2885

2886

2887

2888

2889

2890

2891

2892

2893

2894

2895

2896

2897

2898

2899

2900

2901

2902

2903

2904

2905

2906

2907

2908

2909

2910

2911

2912

2913

2914

2915

2916

2917

2918

2919

2920

2921

2922

2923

2924

2925

2926

2927

2928

2929

2930

2931

2932

2933

2934

2935

2936

2937

2938

2939

2940

2941

2942

2943

2944

2945

2946

2947

2948

2949

2950

2951

2952

2953

2954

2955

2956

2957

2958

2959

2960

2961

2962

2963

2964

2965

2966

2967

2968

2969

2970

2971

2972

2973

2974

2975

2976

2977

2978

2979

2980

2981

2982

2983

2984

2985

2986

2987

2988

2989

2990

2991

2992

2993

2994

2995

2996

2997

2998

2999

3000

3001

3002

3003

3004

3005

3006

3007

3008

3009

3010

3011

3012

3013

3014

3015

3016

3017

3018

3019

3020

3021

3022

3023

3024

3025

3026

3027

3028

3029

3030

3031

3032

3033

3034

3035

3036

3037

3038

3039

3040

3041

3042

3043

3044

3045

3046

3047

3048

3049

3050

3051

3052

3053

3054

3055

3056

3057

3058

3059

3060

3061

3062

3063

3064

3065

3066

3067

3068

3069

3070

3071

3072

3073

3074

3075

3076

3077

3078

3079

3080

3081

3082

3083

3084

3085

3086

3087

3088

3089

3090

3091

3092

3093

3094

3095

3096

3097

3098

3099

3100

3101

3102

3103

3104

3105

3106

3107

3108

3109

3110

3111

3112

3113

3114

3115

3116

3117

3118

3119

3120

3121

3122

3123

3124

3125

3126

3127

3128

3129

3130

3131

3132

3133

3134

3135

3136

3137

3138

3139

3140

3141

3142

3143

3144

3145

3146

3147

3148

3149

3150

3151

3152

3153

3154

3155

3156

3157

3158

3159

3160

3161

3162

3163

3164

3165

3166

3167

3168

3169

3170

3171

3172

3173

3174

3175

3176

3177

3178

3179

3180

3181

3182

3183

3184

3185

3186

3187

3188

3189

3190

3191

3192

3193

3194

3195

3196

3197

3198

3199

3200

3201

3202

3203

3204

3205

3206

3207

3208

3209

3210

3211

3212

3213

3214

3215

3216

3217

3218

3219

3220

3221

3222

3223

II.
QVO COMPENDIO INDI, NA-
VICVLIS SEV SCAPHIS AVT PON-
tibus carentes, flumina traiciant.



FLVVIORVM seu amnium, latitudine vasta etiam Euro-
 paos longè exuperantium, copiam India maximam habet.
 Indi: verò cū aequè pontibus destituantur, ac naucularum
 ignari sint, nonnullis in locis hoc artificio utuntur. Funem,
 tum cis tum ultra fluvium duabus columnis affigunt soli-
 dantq;. Ex hoc corbem appensum firmant, in quem considit is, qui flumen
 transmissurus est. Is tractim seipsum promouet, dum littus teneat. Non-
 nulli eos, qui traici satagunt, in fasciculos ex iuncis contextos collocant, &
 hoc pacto festucis binis ligneis remigantes, flumen transeunt. Alij ex arefa-
 ctis resiccatisq; cucurbitis sutelam faciunt, & tum homines, tum eorum mer-
 ces iisdem commodè traiciunt: ut clarius omnia in historia patent.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

INDI, QVA ARTE AVRVM EX MONTIBVS ERVANT.




EX POTASSI montanis, aurifodinis omnium ditissimis per omnem Indiã, aurum Indi hac arte effodiunt, qua in nostris ferè regionibus itidem factitant. Nã ex rupibus excindenda omnia sunt. Operarios in duos ordines dispeſcunt. Quorum hi de die laborantes, noctu quiescunt: illi noctu operis vacantes, interdiu dormiunt. Quamuis nec diurnam nec nocturnam cali facem videãt, sed uniuerſim succensis cereis opus habeant: Cum ultra 150. orgias infra terram sese demittant. Nec tamen ista tam immensa fodinarum profunditas impedit, quò minus omne effossum as suis dorsis foras efferre cogantur. Quem in usum scalas adhibent, ita structas paratasq;, ut binæ sibi semper cõiunctæ hæreant. Scalæ verò ex intortis boum coriis confectæ sunt, quæ transuersis radiis ligneis suffirmantur ita, ut ternis viris semper ex ordine descensus vno latere, altero verò totidem ascensus sit. Cumq; in ascensus labore vtraq; manu scalas corripere cogantur, ideò, qui illorum primus est, cereum ardentem de pollice religatum gestat. Porro, quia meta ascensuris nimis longa est, iccirco in media viaurrecta quadã scamna sunt, quibus onera sua quadamtenus deponere possunt.

IV.
DE INDICIS OVIBVS, METAL-
LA EX MONTANIS EXPOR-
tantibus.



PROVINCIA Peru peculiare quoddam ovium genus, ab Indis Ilamas dictum, habet. Harum, praterquam quod carnes pro cibo sint, & ex lana panni texantur, usus quoque insignis in hoc est, quod equorum asinorumve vice portandis oneribus admodum comode sint. His enim quicquid oneris peregrè transportaturi sunt, imponunt. Illadem ex fodinis argentum efferunt, quod à Potossi Aricam vsque, quod intervallum septuaginta milliarium est, transportant. Ha gregatim ambulant, trecentis aut quadringentis vno numero coactis. Custodibus aut actoribus adeò multis non opus habent: vnoque die milliaria ferè quatuor promeant. Istha animalia suis dominis minimè sumptui sunt. Nam nec ephippia gestant, nec frenis, ferreisve soleis opus habent, nec quoquam alio pabulo, quam quod in campestribus carpunt, vescuntur. Has tamen qui agunt, accurata diligentia cauent, ne quam illarum fors aliqua iniuria offendant. Quod si enim indigna vna in humum decumbat, tum nec ullis minis, nec additis plagis rursus ad iter excitari potest: sed necesse omninò est, ut ex comitibus quidam iuxta animal in humum se prosternat, hocq, habitu ad horas vel binas vel interdum ternas suavis verbis ei adblandiatur, dum se attollens, via reliquum conficiat. Quod si verò fors quadam alibi in montes excurrat, tunc illius inde abducendi, nulla medela, nullum medium superest aliud, quam ut excussa sclopeti glande figatur, & hoc pacto de montium iugis deturbetur.

V.
DE MIRO MEXICANORVM
DEFUNCTOS HYMANDI RITV.



DE insolita Mexicanorum, suos mortuos tumulandi superstitione, ita narratur in historia. Primatum quopiam defuncto, cadauer eius, in cubilis pauimentum locatum, ex-
porrigunt. Ad spectaculū vocantur omnes eius amici, cognatiq; : qui longa serie ad mor-
tuum introeunt, varia eaq; præstantia munera ei offerunt. Quod si is, dum in viuis
esset, fortis & bellicosus fuit : tunc omnia eius arma iuxta latus suffiguntur aut suspen-
duntur. Hoc situ si iam aliquandiu decubuit, & exequiarum hora appulit : tum is à sa-
crificulis pomposa processione, ad locum sepulturae destinatum effertur. Processus hunc
modum habent. Primum ordinem aliquamulti occupant siticines tanquā præambu-
lones, qui tibiis & musicis instrumentis aliis lugubrem sonum admodulantur. Hos sacerdotes aliquot, thuri-
bula præferentes, sequuntur. Post istos ipsum cadauer infertur. A quo ponè defuncti arma geruntur. Tan-
dem omnia & singula, defuncto à cognatis oblata donaria sequuntur, quæ à mancipiis illis gestantur, quæ &
ipsa defuncto honorario donata, ipsiq; in altero seculo seruitura, cum eodem comburuntur. Quod si ergo ad lo-
cum sepulturae dispectum peruentum sit, tum ingenti succensa pyræ, defunctus cum omnibus, sibi in futuri se-
culi usus & officia donatis (quorum pro conditione mortui nonnunquam incredibilis numerus est) solenni-
bus quibusdam ceremoniis iniicitur, & exurit. Ignis autem iste à sacerdote, veste horribilem cacodæmonis
speciem habente induto, sedulo administratur, dū in cineres omnia deflagravit. Quo factò, cineres relictos se-
dulo verrunt, & eos collectos in hunc usum parato vase recondunt : quod postea una cum omnibus defuncti
donariis armisq; terra mancipant. Et is exequiarum finis est.


VI.
QVO MODO INDI FERAS
VENENTVR.



MEXICANIS captandarum ferarum is modus est. Aurora prodeunte inflata tibia vel tuba, omnem ciuitatem obeunt. Ad quod acceptum signum venatores omnes confluunt, arcubus spiculisq̃, ac retibus, & si quæ alia venatibus necessaria sunt, instructi. Deinde Idolo suo arrepto, fremente tumultu incitati cursim iugum montis, venationi destinati, occupant: in cuius vertice adicula ex frondibus, & in hac ara quæpiam, in quam suum Idolum singulari cum deuotione statuunt, extructa est. Postea descendentes, montis radices pansis retibus quoquo versum obuallant, & circumcirca succensis ignibus feras dumetis exigunt: quas deinceps gregatim ad montis extremum usque apicem cõpulsas pro suo arbitratu feriunt figuntve. Eo peracto, Idolum suum humeris impositum rursus auferunt, cumq̃ captis feris, ut leporibus, cuniculis, vulpibus, & similibus aliis ordinata serie domum redeunt, ac Idolo, in pristinum templi locum reposito, captarum ferarum precipuarum corda sacrificant. Sic venatum finiunt.

VII.

QVO PACTO INDORVM SACERDOTES PRO POPVLI PECCATIS poenitentiam agant.




DIES quidam ordinarij peculiareſq; ſunt, quibus Indorum in Mexico ſacerdotes, Idolo ſuo *Viztlipuſtli* ſacra faciunt. Eorum aliquo appropinquante, collecti illi & congregati idolum accedunt, & ante faciem eius lituis, & tibiis ſimilibuſq; instrumentis Muſicis ludunt. Ab hiſ, ſacerdotum Princeps, thuribulum ferens, ingreditur, atque ex *cacabo*, in quo ante Idolum ſtante perpetuus ignis fouetur, igne deſumpto idolo thure ſuccenſo ſuffit. Poſtea in locum quendam templi, hunc in uſum deſtinatum, ſecedens, arrepta framea (cuiuſmodi plurima paſſim in templo deſixe ſunt) coxam vel crus ſibi perforat, exceptoq; qui ex vulnere ſudat ſanguine, frontem ſibimet illinit; frameam vero, ſanguini vniuerſam prius intinctam & madefactam, in certo loco ſuffigit, ut ea publice conſpecta, vulgus videat, quam ſeriam & doloroſam poenitentiam pro populi peccatis egerint. Sua quoque in anno priuata tempora habent, quibus populus ſeipſum flagellis cedit, & aut funibus intortis, aut incuſſis ſaxis corpus ſuum percutit: ſicut tum ex hac figura, tum ipſo hiſtoriae contextu planius videre licet.

VIII.
QVA RATIONE INDI MEXI-
CANI, MACTATIS HOMINIBVS,
 sacrificent.




IEMPLVM Mexicanorum, ceu in historia descriptum, sic hic graphice depictum est. In illo victimas mactatis hominibus tales offerunt. Festo quodam singulari, annuo, omnes suos hostes, belli tempore captiuos, in vnum numerum cogunt, & eosdem in rotundam tem pli collem, capitum casorum, deducunt, atque ex ordine singulos cōsidere iubent. Paulo post à supremo quadranguli monte sacerdos, casula amictus, manibusq, Idolum gestans progreditur, & ceremoniis nonnullis peractis damnatos adit, quemlibet à summo ad imum ex ordine perlustrans, & ei idolum, hac verba loquens, Ecce, hic Deus vester est, apporrigens. Hoc patrato, per scalas iterum descendit. Porro, damnati, forti custodia stipati, per scalas alias, sese sigillatim inuicem consequentes ducuntur ad montem supremum, quo loco sacerdotes, sacrificia tractaturi, conspiciuntur. Horum numero sex ex ordine stantes, illic morantur. Rei itaque seu fontes, cum Idolo submissis genibus sua iusta fecerunt, tum insperata celeritate quisque eorum priuatim à quatuor sacerdotibus inuaditur, tum brachia, tum pedes fortiter corripientibus. Quintus vinculum ligneum eius collo innectit: quo facto, sublatum miserum hominem in subiectum saxum dorso tam violenter illidunt, vt omnia illi lumborum ossa crepent. Tandem assiliens sextus, qui summus sacerdos est, ruptim ei tum ventrem tum medium pectus discindit, & euulsus eius adhuc fumigans cor, postquam versus solem obtendit, Idolo in faciem proicit. Cadaver autem è scalis volutatim deturbant, ubi is, qui casum captiuum primò fecit, accurrens, corpus exanime domum aufert, coquitq, & cum suis, festiuitatis concelebranda gratia, vocatis inuitat isq, amicis, deuorat, & diem illum genialiter sumit. Eadem & ceterorum omnium sors est.

Handwritten text at the top of the page, possibly a title or header, which is mostly illegible due to fading and bleed-through. Some characters like '18' and '19' are visible.




IX.
DE ALIO QVODAM IN-
DORVM SACRIFICANDI RITV.



SED & alium sacrificandi aut maētandi homines modum Mexicani solennem habent. Quendam vel captiuorum, vel etiam mancipiorum suorum deligunt, quem in templi conclaue omnium pulcherrimum aut amēnissimum includunt, & eundem sui Idoli vestibus ornatuq, pulcherrimo induunt, dapibusq, lautissimis largē saginant, ministrantibus ipsi Dominis maximis & primariis. Noctu verō is, ne quo aufugiat, magna cauea includitur. De die, quo lubet, liberrimus ipsi com meatus est. Firma tamen custodia seruatur, aliquam multis ceu ministris post illum incedentibus. Quod si is ergo per plateam alicubi ingrediatur, tum illi obuij omnes loco cedunt, & ante pedes eius in genua prouoluti, ipsum adorant. Idem manu fistulam quandam tenet, qua inflata cedendi illis signum dat, qui aduentantem fors non attenderint. Huic ipsi eo tempore, quodcunque vspiam libuerit, patrandi omnino licentia est, anni nimirum integri decursu. Quo exacto, festo quodam peculiari constituto ex pede de lapide quodam religatur, manibusq, illius scutum vnacum gladio inditur, vt cum eo, à quo maētandus est, lucta decernat. Quem si vicerit, tum non saltem liberatur, verū etiam omni vita sua tempore pro insigni belli Duce habetur. A sacrificio verō aut sacerdote superatus, tunc super illo lapide, in quem volutus cecidit, viuus exco-riatur illico. Extractam verō illi pellem quoquoersum ostiatim circumferunt, & ad idoli sui sustentationem stipis multum colligunt.

THE NATIONAL ARCHIVES
COLLECTION OF THE
UNITED STATES DEPARTMENT OF THE INTERIOR
BUREAU OF LAND MANAGEMENT
WASHINGTON, D.C. 20500



X.
DE MIRABILI SVA PECCATA
CONFITENDI RATIONE.



INTER cetera historia memorabilia, modus quoque mirabilis sua peccata confitendi Iappanis in usu est. Regio Ocaca praeruptis & altissimis scopulis insignis est, quorum vertices 200 orgiis nonnunquam eminent. Inter illos unus praeter reliquis longissime exprogitur aut propendet. Quem peregrinantes (quos Xamabuxis vocant) vel de longinquo intuiti, illico expauescunt, tremuntque. Ex his montium ita propendentibus fastigiis, vectis ferreus exeritur seu emittitur, ita fabrefactus, ut tortili filo tum foras proferri, tum intro recipi queat. In vectis extremo lanx suspensa grandior est. Itaque si Xamabuxis quispiam peccatorum confitendorum causa in lancem alteram consedit, tum instrumento dicto in liberum aëra extorquetur, & foras exigitur, ita, ut vacua lanx in altum susiliat, gravata vero deorsum ruat. Interim, paenitentiarius ab astantibus Goquis (sacerdotes sunt sub specie diaboli astantes) ad peccatorum suorum confessionem incitatur: ubi ad cuiuslibet peccati privati enumerationem lanx vacua ita sese submittit, ut cum gravata in aequilibrio sit. Quo facto, vecte retracto, peccator resumitur, & absolutus dimittitur, alio proximo in eius illico locum succedente. Quod si fiat, ut peccatorum quispiam unum aut alterum peccatum dissimulare videatur, tum ad accuratam confessionem, semel atque iterum verbis admonetur. Qui si porro praefractus omnia & singula confiteri recuset, tum ex lance sua ita violenter excutitur aut eliditur, ut priusquam ad imas valles deciderit, iam exanimis in multa frustilla comminutus discrepuerit.

1117 1118 1119 1120 1121 1122 1123 1124 1125 1126 1127 1128 1129 1130 1131 1132 1133 1134 1135 1136 1137 1138 1139 1140 1141 1142 1143 1144 1145 1146 1147 1148 1149 1150 1151 1152 1153 1154 1155 1156 1157 1158 1159 1160 1161 1162 1163 1164 1165 1166 1167 1168 1169 1170 1171 1172 1173 1174 1175 1176 1177 1178 1179 1180 1181 1182 1183 1184 1185 1186 1187 1188 1189 1190 1191 1192 1193 1194 1195 1196 1197 1198 1199 1200

1201 1202 1203 1204 1205 1206 1207 1208 1209 1210 1211 1212 1213 1214 1215 1216 1217 1218 1219 1220 1221 1222 1223 1224 1225 1226 1227 1228 1229 1230 1231 1232 1233 1234 1235 1236 1237 1238 1239 1240 1241 1242 1243 1244 1245 1246 1247 1248 1249 1250 1251 1252 1253 1254 1255 1256 1257 1258 1259 1260 1261 1262 1263 1264 1265 1266 1267 1268 1269 1270 1271 1272 1273 1274 1275 1276 1277 1278 1279 1280 1281 1282 1283 1284 1285 1286 1287 1288 1289 1290 1291 1292 1293 1294 1295 1296 1297 1298 1299 1300

1301 1302 1303 1304 1305 1306 1307 1308 1309 1310 1311 1312 1313 1314 1315 1316 1317 1318 1319 1320 1321 1322 1323 1324 1325 1326 1327 1328 1329 1330 1331 1332 1333 1334 1335 1336 1337 1338 1339 1340 1341 1342 1343 1344 1345 1346 1347 1348 1349 1350 1351 1352 1353 1354 1355 1356 1357 1358 1359 1360 1361 1362 1363 1364 1365 1366 1367 1368 1369 1370 1371 1372 1373 1374 1375 1376 1377 1378 1379 1380 1381 1382 1383 1384 1385 1386 1387 1388 1389 1390 1391 1392 1393 1394 1395 1396 1397 1398 1399 1400

XI.
DE VARIIS GENERIS TRIPV-
DIIS, AVT SALTATIONIBVS,
Indis consuetis.



IN Hispania noua, comprimis verò in Mexico, Indi varias saltationum species, quibus se oblectant, exhibent. Nonnulli super tenso fune saliant: alij alijs super humeris, aequè ac in plana terra stantes, tripudiant. Sed & distinctis ordinibus alijs ad saltationem colliguntur. Ad quorum tenorem saltant, instrumenta nostris tympanis fere similia sunt, quibus & cantores nonnunquam iunguntur. Saltantes autem uniformem perpetuò cum tympanis & cantilenis modum tenent, pedibus ad rhythmorum aequabilitatem semper promotis. Quod spectaculum admodum incundum esse visu, ex historia liquet.

XII.
MEXICANI, QVOMODO A SVO
DEVNCVLO SEV IDOLO PRI-
mum ducti fuerint.



HAc figura quadamtenus exprimitur, qua specie modòve Mexicani primò per loca deserta migrarint, donec pro Idoli sui Vitzliputzli vaticinio ad ea loca, ubi Tunal arbor, ex saxo mero seu rupe emergens stabat, peruenissent: super qua arbore, illis aduentanti- bus aquila, pulcherrimam auem unguibus premens pro accepto augurio confederat. Quam, ubi primum conspexerant, in genua prouoluti, eam adorauerunt: eodemq; mo- mento in Idoli sui honorem tabernaculum, & tandem succedente tempore urbem ME- XICO isto loco extruxerunt. Hic etiam unà tributum adumbratur, quod Mexicani Regi Azcapuzalco quotannis pendere coguntur. Cum enim olim Mexicanos suo territo- rio eiiciendi causas quæreret, istiusmodi eos torquere censu voluit, quem ipsi non facile comparare possent. Sed ipsorum tamen Idolum Vitzliputzli isthac omnia ipsis facile subministravit. Census verò erat, hortus omnis generis fructibus, ut Maijs, & pisus abundans. Ciconia itidem, qua in hoc horto sui nidos struebant: & anse- res, qui pullos excludabant, hisq; similia alia. Quae tamen omnia supra aquam nata, & per eandem regi oblata & tradita oportebat.

QVOMODO MEXICANI BELLO TENTATI, CVYOACANOS SVPERA- rint & coërcuerint.



EINITIMI ergo populi vidētes, Mexicanos indies seipsis copio-
siores in magnum numerum excrefcere, ad eos, vi exigendos &
eiiciendos varia media commentī sunt: Et inter cetera, Mexi-
canorum uxores suas regiones & fora visitantes, omni contu-
melia genere ludos fecerunt. Mexicanis verò ne sic quidem ad bellum irrita-
tis, Cuyoacani aliud stratagema tentarunt. Nam tempore quodam festiuo-
re, Mexicanorum primarios honoris causa ad se inuitarunt. Cumq; eos omni
ludorum & saltationum illecebra abundè oblectassent, tandem corollarij lo-
co, vestibus muliebribus se induere eos coëgerunt, quos deinde ita amicitos,
cum magno pudore & ignominia (quasi homines effæminati, nulli viro con-
trapugnare audeant) domum remiserunt. Quod indignissimè ferentes Me-
xicani, instructo derepentè exercitu valida manu Cuyoacanos inuaserunt,
urbemq; ipsam Cuyoacan occupantes, hostes suos ad decem milliarium spatia
truculenter insectati sunt, adeò, vt illi Mexicanis se tandem dedere omninò
cogerentur.

XIV.
DE CVIVSDAM MEXICANI
CAPTIVI MIRA CONSTANTIA.



M

OTECVMA, eius nominis primo, regni habenas moderante, accidit, ut, cū is Chalco indigenis bellum inferret, frater eiusdem Germanus, unā cum aliquam multis aliis à Chalciensibus in pralio caperetur. Intelligentibus itaque Chalciensibus, captivū istum germanum Regis Motecumae fratrem, & insuper bellatorem strenuum esse: secumq̃, quod Rege nullo Chalco, gubernaretur, recolligentibus: Captivum suū sibi Regem constituere decreuerunt. Consilium ergo suum ipsi detegentes, primò repulsam tulerunt. Ipsīs verò subinde incessanterq̃, instantibus, cum excusationi nullum superesse locum videret, sed omnino sibi acceptandum imperium intelligeret captivus: insit, ut è mali fastigio, suggestum quoddam extruerent, ex quo omni populo suam voluntatem ipse significaret. Cui illi quidem facile parebant, ut, qui persuasum habebant, quod hoc ritu sibi ad adeundum imperium maiestatem graviores structurus esset. Ipse verò consensu suggestu, cum Mexicanos captivos uniuersos ad se conuocasset, inditatorum fideliſſimum futurum esse, ut potius frustillatim se discerpi lacerariq̃, sinerent, quàm aut patriam contemnerent, aut fidem ei debitam, periuri violarent. Quibus dictis ex alto se precipitem dedidit, & ruina ea miserè comminutus est. Quare offensi maximopere Chalciensēs, ceteros omnes captivos Mexicanos trucidauerunt miserrimè.

*Sequuntur nunc delineationes & effigiationes aliquot ciuitatum, castello-
rumque: ut & descriptiones rerum populorumq^{ue}, ab Hollandis in na-
uigatione per fretum Magellanicum annis 1598. & 1599.
facta, notatorum & obseruatorum.*

I.

VERA DELINEATIO CA- STELLI PRAIÆ.



HÆC insula S. Iago meta est: in qua Castellum Praia situm visitur: cui Gubernator Lusitanus cum Hispanico præest. Castellum hoc, ea parte, qua mare spectat, elatum in alta rupe confidit, & vallis effossis admodum munitum est. Ascensus eius valde præceps ad passus circiter 175 porrigitur, ita angustus, ut aditus eius à cordatis & fortibus sex viris, contra mille ascensuros, commodè seruari possit. Hic Hollandi tria maiora tormenta, à Lusitanis abscondita, offenderunt. Ibidem Hollandi prædam se insignem impetraturos, primò sperauerant. Qui tamen à Lusitanis, consutis per dolum verbis tam diu eludebantur, dum omnia, qua Hollandis commoda esse poterant, longius amouissent. Eo facto, castellum deseruerunt: quod Hollandi deinde nullo reluctante occupantes, postea & ipsi reliquerunt.

XVI.

GENVINA ET EXPRESSA S. IAGO CONTRAFACTURA.
II.

*S*ANCTA JAGO, à Lusitanis, tum viris tum tormentis probè armata, munitaq^{ue}, utroque latere vallis fortibus firmata est. Hæc ciuitas à prædicta Praia duobus ferè milliariis distat. Ad illam Lusitani fictis verbis Hollandos exciuerant, sub specie amici contractus & conuentus necessarij. Quò cum Hollandi applicuissent, binis nauibus idolum sibi intetatum illicò senserunt. Lusitani enim non saltem multis ordinibus iuxta littora armati comparebant. Sed & per littoris spatia plurima tormenta disposuerant, quibus aduentantes incautus Hollandos exciperent. Insidiis itaq^{ue} detectis, Hollandi retrò cōmearunt iterum, quod suas hoc loco vires experiundi nullum propositum haberent.

GEORGE B. BROWN
1870

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
CAMBRIDGE, MASS.

XVII.

QVIDNAM HOLLANDIS, IN IN- SVLA BRAVA, ACCIDERIT: ET de Almirantis obitu.

III.



SANCTA IAGO relicta, Hollandi rectè ad insulam Brauam vela promouerunt. Ad quam cum appulissent, à Lusitanis nonnullis, insula incolis, deq. alto monte conspicuis, victualia necessaria numerato iusto pretio mercari tentarunt. Illi verò cum inopiam summam innuentes, sese rursus occulissent: tū Hollandi quoquoersum palantes, tandem ruinosas aliquot casulas inuenerunt, ceteras quidem omninò inanes, vnā verò, cuius ianua congestis lapidibus occlusa erat, votis suis optabiliorē. Nam hanc, cum Hollandi perfregissent, Maijs seu frumento Turcico confertam reppererunt: quod omne in naues quoque secum asportarunt. Apud hanc insulam summus nauium praefectus, Iacobus Mahu, obiit. Qui feretro, lapidibus plurimis grauato, impositus, & Capitaneorum baiulatu à puppi ad proram portatus, tandem à nautis ceteris secundum nauis latus in fundum demissus est. Hunc tribus horis post, eodem fato secutus est Daniel Resteau, qui postmodum eodem ritu in mari contumelatus est.

XVIII.

QVOMODO HOLLANDI REGVLVM QVENDAM LITTORALIS tractus Guineæ inuiferint.

IV.



POST QVAM Hollandi, cum maxima vnde potabilis, rerumq; necessariarum aliarum inopia cōflictati, multis suorum infirmatis & decumbentibus littus Guineæ attigissent, legatos suos cum interprete, ad loci eius Regulum amandarunt. Rex itaque de Hollandorum appulsu edoctus, habitu suo superbissimo ad illos prodiit. Induerat enim se palla Gallica, & caligis ex purpureo panno sartis, & tanius ex auro spurio constratis, ceteroquin nec indusio, nec tibialibus, nec calceis amicitus. Caput illius longa, eaque in apicem desinente vitta, ex panno croceo, aut rubro caruleoq; texta, opertum erat. Hoc habitu ante Hollandos pressa humilique sella desidebat, pedibus eius ouina pelle substratis. Post ipsum omnes eius nobiles, in totum nudi confederant. Hollandico itaque praefecto ad Regulum ingressō, rex illum in consimili sella storea instrata considerare iussit. Quo facto, quod opus erat, per interpretem tractabatur. Interea verō Almirans omnes infirmos ex nauibus in terram exponi, ibidemq; probè curari iusserat, dum plerique rursus conualescerent. Illic mortuos, terræ mandabant. Isti homines, ad Hollandorum quidem aspectum primum valde agrestes & formidolosi erant. Postea autem assuescentes magis, ita mitescebant, ut cum illis de omnibus probè tractari posset.



DE QVIBVSNAM PRAEFECTVS

HOLLANDICVS CVM REGVLO TRA-

ctarit, & quid ibidem illis euenerit.

V.



VRANTE adhuc praefecti cum Regulo tractatione, ex faeminis regis quadam, Regi, quod ederet, afferebat, vase ligneo, paucos nimirum assatos pantanos, & siccatos pisces seu equulos marinos. Potus erat, vinum ex palmis confectum. Esuries vero cum & praefectum torqueret, nec isthi potus cibique generi admodum assuetus esset, per ministrum suum, infumatae carnis partem longiusculam cum caseo & pane, viniq; Hispanici lagena, quae in omnem euentum secum ex naui attulerat, sibi promittubebat. Quae tractatio regi multo melior, quam sua propria videbatur. De vino itaque tam copiose bibebat, ut e- brius in conclaue dormitum abducendus esset. Interim, cum praefectus cum suis comiti-

bus, & permutatione à regulo acceptis mercibus, ad naues rediturus esset; via ab Indis obfessa, nolens volens apud Barbaros pernoctare coactus est. Mane autem, domus fores egressurus cum oculos circumageret; trucidique aspectus vetula quadam, tota nuda ad eum propius se cōferens, capsulam cinere plenam gestabat. Quae vice tertia praefectum circumiens, toruo minitabundoque intuitu in illum directā, manibus ter capsulam quatibat, adeo, ut praefecti vestes volitantibus per aëra cineribus undiquaque occuparentur. Sed & ore hac vetula murmur varium profundumq; sonabat, ut hoc spectaculum certè horribile admodum esset: dum tandem circuitu tertio finito, tacita strix rursus abscederet. Hoc facto, à Regulo dimissus praefectus, cum suis ad naues rediit.

THE CHURCHMAN'S MANUAL
BY THE REV. J. H. B. ...
LONDON: ...



THE CHURCHMAN'S MANUAL
BY THE REV. J. H. B. ...
LONDON: ...

QVID HOLLANDIS AD INSVLAM AMABON DELATIS ACCIDERIT.



HOLLANDI semel susceptā metam continuantes, postquam ad insulam Amabon appulissent, humaniter quidem & amicē apud Lusitanos & Mauros, in praesidiis ibi locatos, de cibariis pro auro argento ve permutandis institerunt. Quod cū omnino ipsis denegaretur, vi statuerunt impetrare, quod non liceret precibus. Itaq; instructis scaphis de subito in littus se extulerunt. Quo viso, Lusitani ad eorum aduētum primum trepidantes, postea tormentula quadam in aduenas eliserunt. Sed Hollandis nihil motis, cum Barbari suas casas subiecto igne concremassent, fuga sibi in montanis consuluerunt. Loco itaque vacuo occupato, Hollandi agros suos in insulae templum, & ab incendio seruatas adiculas transtulerunt, dum suae valetudini plenius ipsi redderentur.

DAVID H. HILLMAN
JANUARY 1880

THE
LIBRARY
OF THE
MUSEUM
OF
COMPARATIVE ZOOLOGY
AND
ANATOMY
OF THE
MUSEUM OF
COMPARATIVE ZOOLOGY
AND
ANATOMY
OF THE
MUSEUM OF
COMPARATIVE ZOOLOGY
AND
ANATOMY

XXI.
 QVID HOLLANDI IN AMABON
 PORRO DESIGNARINT.
 VII.



HOLLANDI, cum se prædicto loco demississent, ex militibus nonnulli, quandoq. præda studio paulo longius ad terra perita enagati sunt, non omnino nullo suorum incriminando. Lusitani siquidem, qui passim in insidiis latebant tecti, suis Musquetis sparsim aliquos è medio tollebant. Præfectus itaque cum nullum vitandi excursus mandatum apud milites locum inueniret, frenanda eorum petulantia gratia patibulum suffigere coactus erat. Et licet magnam armatorum militum copiam emisisset, quò tentarent, an Hispanorum nonnullos capere possent: neminem tamen vispiam attingere potuerunt. Sed abactis 25 pecoribus ad munitionem suam redierunt. Comperta autem certius re, quod nimirum Hispani in monte quodam, vallis munito consedisent, Capitaneus Cordes, 150 probe instructis militibus, iisdemq. in duos ordines diremptis, montem ex utroq. latere ascendit. Quos cum Lusitani, dum frequenterq. tum glandibus excussis, tum iactatis sacis animosè repulissent, ita, ut ex nostratibus multi graviter laesi essent: nihilominus tamen violentis Hollandorum Musquetis tam fortiter contra eos pugnatum est, ut viribus exhausti tandem munitionem suam deferere, fugaq. vita consulere cogerentur. Ab Hollandis itaque monte occupato, dolium unum aut alterum pane bis cocto repletum, cum nonnullis vini vreis, & caseis Hollandicis repertum est. Quæ cum ad naues proferri curassent, montem deferentes, duas in medio transitu obstantes domos igne succenderunt, & signiferum, ea velitatione obtruncatum, terra mandarunt. Inde ad naues reuersi, ad itineris confectionem sese porro adornarunt.

THE
GOLD FIELDS OF AMERICA
AND
THE
GOLD FIELDS OF AMERICA

THE
GOLD FIELDS OF AMERICA
AND
THE
GOLD FIELDS OF AMERICA

XXII.
HOLLANDI IN FRETO MAGEL-
LANICO IVXTA INSVLAM QVAN-
 dam grandes & portentosos homines in-
 ueniunt.
 VIII.



CUM aliquando Hollandi in freto Magellanico una aut altera scapha versus insulam quandam remos agerent, insperato ipsis septem lintres, vastis horrendisq; & illis nudis hominibus pleni occurrerunt, quorum longitudo decem vel undecim pedum erat. Cutis horum subfusca viscebatur: ipsi verò toti nudi capillos è capite longos promissosq; fundebant. Hi ad Hollandos inuadendos, cum sese auide instruerent, animo eorum percepto, Hollandi in eos Musquetis strenuè defulminarunt, & ex omni numero tres derepentè morti dederunt. Quod videntes Barbari, remis incitatis, festinò in terram se receperunt, euulsisq; è terra arboribus, contra Hollandos aduenturos sese obuallarunt, cum spiculis, tum saxis interim minitabundi. Attamen Hollandi, cum persequi hos Gigantes & frustraneum & nimis periculosum putarent, eos missos fecerunt. Barbari autem, cum tempore quodam tres ex Hollandis fortuitò comprehensissent, inusitata & miserabili laniena eos commactarunt. Hac figura quoque scapharum, quas illi vsurpant, formam exprimit.

THE
HISTORICAL SOCIETY OF THE
CITY OF NEW YORK
AND
THE
MUSEUM OF THE CITY OF NEW YORK
PRESENT
THE
PAPERS OF
JAMES M. SMITH
1800-1870
IN
FIVE VOLUMES
BIBLIOGRAPHICAL
AND
HISTORICAL
NOTES
BY
JAMES M. SMITH
1870

XXIII.
HOLLANDI DENVO CANOAS
ALIQVOT CVM INDIS INVENIVNT:
ex quibus foeminam cum binis infantibus
corripuerunt.


IX.



CAPITANEVS de Wert cum nonnullis aliis, postquam tempore quodam lintribus aliquot ad terram contenderet, tres Indis aetas Canoas observavit. Qui cum Hollandos vicissim vidissent, in fugam fusi, versusq. montana profugi, non secus ac Cercopithecæ precipitia eorum transilierunt. Ex illis tamen nostrates foeminam cum binis liberis corripuerunt, totam nudam, nisi quod dorsum pelle quadam contactum haberet. Circa collum eius, Zona ex colligatis cochlearum testis facta, pendeat. Capilli foeminarum curtiissime rasi, & virorum contra promissi sunt. Capta huic foemina, cum nostrates cibum offerrent, omnino edere recusavit. E Canoa tamen sua auiculam arreptam afferens, cum pennis tantum grandioribus euulsis, eam paucio igne obiter ac leuissime adussisset, adhuc crudam tam auide voravit, ut cruor e carne emanans, ab ore usque ad pectus eius deflueret. Sicut id in figura plenius videbitur.

XXIV.
 QUID HOLLANDIS AD PIN-
 GVINAS INSVLAS DELATIS
 acciderit.

X.



CUM inter cetera Hollandi suis lintribus ad Pinguinas insulas pergerent, spe magnam Pinguinarum copiam captandi: derepente, cum vix 450 Pinguinas coepissent, tanta tempestatum vis coorta est, ut parum abesset, quin naues eorum in frustra minutissima comminuerentur. Namq. iamdum maior scapha fluctuum concussu ita obrita erat, ut vix iuncturis suis extremis cohereret. Interim parum aberat, quin, qui in terra Pinguinis insidiabantur, metu & percussione deficerent. Collectis tandem tamen animis, & ante Deum piis profusis precibus, magno ausu in undam prosilierunt, scaphamq. in terram extraxerunt. Qua deinde ex tempore refecta & reagglutinata, sociorum nonnulli in Pinguinarum cauo quodam Indicam faeminam, pallio ex pellibus ferarum confuto tectam inuenerunt. Viros alioquin nullos in omni insula conspexerunt, prater unum, mortuum in terram prostratum, & volucrum pennis ornatum. Faeminam autem captam, cum exiguis quibusdam muneribus donassent; liberam & illam a se rursus dimiserunt.

THE
GREAT BRITISH MUSEUM
OF NATURAL HISTORY
LONDON

THE
GREAT BRITISH MUSEUM
OF NATURAL HISTORY
LONDON

XXV.
 QVAE PINGVINARVM, MAGNO
 NUMERO AB HOLLANDIS CA-
 ptarum, facies fuerit.

XI.



POSTQVAM ergo superstes Hollandorum navis unica, de qua in historia patet, conti-
 nuando pro voto itineri minimè sufficere videretur, de tempestino in patriam reditu
 consilio habito, primò omnium, quantum quidem fieri potuit, de alphis seu com meatu
 necessario conuehendo, fideliter laboratum est. Itaque cum adhuc in freto Magellanico
 morarentur, ad eas insulas concesserunt, quas propter ingenti numero ibi captas volu-
 cres, pinguinas dictas, pinguinas vocitabant. Tanta enim tamque frequenti copia
 ibi prehendebantur, ut onerandis 28. nauibus sufficerent. Nam & iam nongentas co-
 peramus, cum propter ventorum aduersitates diutius ibi morari nobis non esset integrum.

Auium forma hic depicta est. Magnitudinem anseris habent, oppido pingues, à libris 8 ad 16 penden-
 tes. Tergum nigrum, aluum verò candidam habent. Sed & nigris pedibus, anserinis specie similibus sunt. Ca-
 rent alis, quarum loco pinnae ipsae enatae sunt, quarum agitatae pernicem natatum habent. Rectà incedunt, velu-
 ti tum ex hoc schemate, tum ex ipso historia contextu videre licet.

F I N I S.

ADDITAMENTVM
NONAE PARTIS AMERICAE.

Hoc est,

VERA ET ACCVRATA
DESCRIPTIO LONGINQVÆ.
DITVRNÆ AC PERICVLOSISSIMÆ NA-
uigationis, quam OLEVIER à NOORT, classis quatuor nauium
& 248. hominum Generalis præfectus constitutus, ac rebus necessa-
riis aliis vberimè instructus per æstuosum fretum Magellanicum
confecit: qui triennij spatio velis vniuersum terræ globum in-
trepidus obiuit, eoque in cursu varia, ac scitu neces-
saria admodum iucundaq; notauit.

E GERMANICO LATINITATE DONATA,
*Et figuris seu iconibus ancis pulcherrimis ornata, editaque
opera ac sumptibus*

THEODORI DE BRY P. M. VIDVÆ AC FI-
liorum binorum IOAN. THEODORI & IOAN. ISRAELIS
ciuium Francofurtensium.



FRANCOFVRTI,
EXCVDEBAT MATTHAEVS BECKERVS.
M. DCII.

DECEMBER 1861

VERY H. V. M. 11
DISCOUNT

AT THE NEW YORK

THE NEW YORK





VERA DESCRIPTIO NAVIGATIONIS ILLIVS, QVAM OLEVIER A NOORT, QVATVOR NAVIVM

*Et 248. hominum Generalis praefectus constitutus confecit: qui trans-
misso freto Magellanico, triennali spatio uniuersum terra glo-
bum circumnauigauit, Et memorabilia multa eo
itinere obseruauit.*



NNO à nato saluatore CHRISTO 1598. die *Quo tempore
naues solue-
runt.*
Iul. 2. naus una Mauritius, & altera Concor-
dia dicta Roterodamo soluit: quæ 18. mensis
prænominati die oram Goeree ingressa est.
Vbi cum Generalis de ordinario ac mēstruo
militum nautarumque stipendio constituif-
set, binæ hæ naues postea Cal. Aug. ad vada
Anglicana perrexerunt, vt ibidem naues cæ-
teras socias, nēpe Hendrick Fredrick & Spem
dictas opperirentur. Quæ cum die 13. Aug. illuc appulissent, die 22.
vento boreali versus Pleymuyen recesserunt, naues reliquas Rotero-
damo propediem aduenturas ibidem expectaturæ.

Die 27. Aug. in Portlandt venerunt: vnde Generalis scapham
maiores cum nonnullis militibus amādaui, qui vbinam locorum
expectatæ naues tam diu morarentur, peruestigarent. Hi cum ad o-
stium Mosæ vsq; pertendissent, nec nauium statum vllum expiscari
potuissent: die 28. visum est Generali ad littora Goeree reuerti, ma-
ximè quod & procellæ tum temporis obortæ naues loco illo haud
leuiter quaterent.

Circa versperam diei 31. August. littora illa rursus attigerunt. Ex
quo loco cum Generalis in Roterodamum iterum excurreret: naues
reliquas in littora Zelandiæ tetendisse, cognouit.

Die 13. Septembris cauro ferente è littore Goeree in fretum Ze-
landicum vela facientes, naues sibi expectatas in media via occur-
rentes viderunt. Quæ postquam hora à meridie quarta magno o-
mniū gaudio iungeretur: vno comitatu cursum versus Pleymuyen
direxerunt, quod Pilotta quidam Anglicus, Capitaneus Melis nomi-
natus, qui prioribus annis cum Thoma Candisch idem iter confece-

rat, ibidem res quasdam, nauigationi faciendæ idoneas ac necessarias relictas, auferre constituisset.

*ViceAlmirans
fundo incum-
bit.*

Die 16. Sept. ventis aduersis agitati in V Vicht dispulsi sunt, quorum vi viceAlmirantis naui in breuia tanto impetu illidebatur, vt manifesto periculo fundum iam attingeret. Ex quo dum rursus eluctaretur, tribus integris horis ingenti machinatione defudatum est.

*ViceAlmirans
cum 6. viris
classem defe-
xit.
Annona dispe-
satio.*

Die 18. vento Euronoto perflante, ex V Vicht insula cum 80. circiter nauibus aliis, versus occidentem ituris, soluentes, die 19. Septēbr. Pleymuyen attigerunt. Die 21. postquam Generalis cum Capitaneo Melis ante exortū diem ad naues rediissent, leuatis anchoris itineri pertexendo se accinxerunt. Vento itaq; Iapyge spirante cursum intra medium occidentem austrumq; direxerunt. Sed cum è vado digressi viceAlmirantis scapham, sex viris stipatam, longo interuallo post se relinqui viderent: hanc expectatum, anchoris naues defixerunt. Et cum paulo post à prædatoria naue Anglica appellente intelligerent, nauem restitem ad classem minimè redire velle: illicò leuatis anchoris, inde se rursus extulerunt.

Die 23. annonæ distribuendæ ac dispensandę Generalis modum constituit, ita, vt cuilibet indies panis libra dimidia, aquæ mensura vna, & vini modicum porrigeretur. In cuius rei testimonium ratificandum, cum disploso tormento signum dedisset, preces ad Deum de felici & prospero cursu nauium fieri mandauit.

*Barbaria lue
infestatur pe-
stifera.*

Die 27. duas ex Biscaya naues corripuerunt: quas cum Generalis aliquandiu perlustrasset, tandem liberas à se dimisit. Die 4. Octobr. quatuor naues ex Barbaria venientes attigerunt: quarum vna Hollandica ex Amstelredamo, duæ Gallicanæ, & quarta Anglica erant. Horum relatione acceperant, quod pestifera aëris lue Barbaria miserè vastata sit, cum in vna Maroocke ciuitate 250000. homines breui tempore horrenda nece abrepti fuerint. Hoc loco altitudo graduum 32. erat.

*ViceAlmirans
scaphā perdit.*

Die 6. Octobr. intra Canariæ maioris insulas & Teneriffen, sub gradu 28. sitas, nauigantes, cursum in Austrum flectebant. Die 8. viceAlmirās scapham suam, à naue ponè religatā, cum viro vno perdidit. Hanc cum fixis anchoris præstolaretur aliquandiu, eam deinceps non vidit amplius, quod tum noctis tenebris, tum ventorū vi quam longissimè à classe dispulsa esset. Hic altitudinem 44. grad. & 40. minut. habuerunt.

Die 9. in littora Barbarica eiekti, altitudinem grad. 22. habuerunt, terræ iam iam illidendi, nisi è specula excubitor malum deuittasset. Huius declinationis causa mandatum Anglici Capitanei erat. Qui cum intra austrum ac occasum cursum fieri, iussisset, improuidi nautæ versus austrū nimium declinauerunt, aded, vt à terra dimidij miliaris spatio non abessent. Versus altiorem oceanum ergò recurrentes, cum angulum borealem iuxta Cabo Blanco attigissent,

sent, directo cursui priori iterum incubuerunt, terram tamen à conspectu nunquam dimittentes. Die 13. nauem post se quandam sub grad. 17. & 26. minut. conspicati sunt.

Die 18. sub gradu 11. nauigantes, aduersum Libonotum adepti sunt, pluuiis densissimis permixtum. Quibus collectis aquæ plurimum inuasarunt.

Die 3. Nouembr. ventus australis inundauit, postquam ab 11. Octobr. perpetuo Libonoto fatigati fuissent. Circa diei exortum terram Guineæ prospexerunt, quatuor ferè milliaribus versus ortum septentrionemque à se distantem. Ibi grad. 3. & minut. 40. habentes, 30. circiter milliaribus à meta præsumpta se abesse peruiderunt, quos æstu Orientali seductos postmodum res ipsa docuit.

Die 4. Decembr. iuxta Cabo de Palma tribus à terra milliari-
bus aberant, vbi 9. Canoas viris nudis rectas, attigerūt. Hinc malacia
freti, iuxta littorum porrectum assiduè perrexerunt, intra ortum ac
meridiem medij incurrentes. Hæc Cabo de Palma sub grad. 3½. sita
est. Sed vento ibi Africo satis idoneo adiuti, lineam transmittere at-
tentarunt. A qua etsi vix gradu dimidio abessent, hac tamen aura il-
lam penitus exuperare minimè licuit. Die 10. sub exortum diei insu-
lam de Prince, versus medium ortum ac septentrionem sitam con-
spicati sunt. Qua de causa largo vniuersi gaudio perfusi sunt, quod
ventorum importunitate in æquore diu iactati fluctuassent. Gene-
ralis itaque coacto senatu bellico statuit, vt ad eam insulam excursus
fieret. Officiarius siquidem Daniel Gerretsz, hanc sibi insulam no-
tam, ac rerum necessariarum cōmodam promam esse prætenderat.
Itaque cum & aquæ penuria irreperet, & lue multi iam in nauibus
tentari inciperent, directo cursu in sinū dictæ de Prince insulæ naui-
gatum est, fundo passibus 16. naues recipiente, ad quem tentandum,
prægressa nocte Generalis exploratorem amandauerat. Qui reuer-
sus, præter loci commodi indicium hoc quoque narravit, quod nul-
los vsquam homines offendere ibi potuerit. Hæc insula in lineæ parte
septentrionali sub 1½. gradu sita est. Cæterum exploratore ad naues
reuerso, senatus bellicus suasu Generalis decreuit, vt emissis scaphis
loci eius vniuersi conditio dispiceretur exactius. Quo fine scaphis
binis & nauicula vna 40. circiter viri emissi sunt, quorum caput ac
præfectus Reynier Poppes constituebatur. Huic adiungebantur Ca-
pitaneus Pieter Esaias, Capitaneus Melis, Daniel Gerretsz, & Corne-
lius frater Generalis, ac Ioannes Bremensis, nauis ViceAlmirantis gu-
bernator. Hi cum vadum ingressi essent, vexillum pacis suffixerunt.
Quo viso Insulani simili vexillo munito virum quendam ad ipsos
amandarunt, qui, quid quærerent aut actum venirent, rogaret. Huic
cum responderetur, solius annonæ gratia iusto pretio ab insulanis
redimēdæ se aduentasse: ipsos optimè sperare, & in terram nullo me-
tu exire idem iussit, dicens, rerum omnium copiam ibi admodum

*Insula de
Prince.*

*Due scapha
ad insulam de
Prince aman-
dantur.*

parabilem proflare. Primus ergo Gerritsz in solum egressus à Negro seu Æthiope, Lusitanicam linguam callente, admodum humaniter exceptus est, ut qui iam olim quoque eandem insulam obtrivisset. Hic, ubi cum tribus sociis in castrum abduceretur, præfectum cum cæteris in scaphis reliquit, ut milites in statione sua cogeret. In castro verò non saltem iunctis dextris quatuor illi humanissimè admissi, sed & ferculis vinoque lautè tractati fuerunt. Emiserant etiam insulani nuncios, qui præfectum à nauibus in castrum abducerent. Sed is excusando se, apud milites manere maluit. Videntes ergò iam insulani, quod plures in castrum allicere non possent, quatuor dictos suos hospites proditorio ausu inuadentes, tres eorum primo illicò impetu obtruncarunt: nempe præfectum Daniel Gerretsz, Capitaneum Melis & gubernatorem Ioannem Bremensem. Quartus verò Capitaneus Pieter Esias è manibus ipsorum elapsus, pernici cursu ad scaphas se recepit. Quod videntes in littore palantes milites, prodicionem subodorati, gregatim in scaphas irruperunt. Quos tamen Lusitani insulares tanta infestatione crebris sclopetorum eiaculationibus ad littora usque infectati sunt, ut in scaphis etiam, fratrem Generalis, ac item alium, Canter de Amstelredamo, vocatum, glandibus obtruncarent: adeò, ut vix spatium daretur præfecto, cum suis ad Generalem redituro. Cognita re hac nefaria, Generalis coacto senatu bellico consultum ratus est, ut nulla mora obstante rectà in portum insulæ incurreretur. Quo facto, navis Concordia dicta, rectà castrum subiit. Illa 120. militibus stipata, ducem Reynier Poppes habuit. Vniuersi hi scaphis in littora expositi, impetum rectà in castrum Lusitanorum fecerunt, eius expugnandi animo certissimo inflammati. Sed propter veprium obstantium impedimenta, & vicini lacus transmittendi profunditatem, crebrasque Lusitanorum effulminationes, quod tentabant, obtinere non poterant, sed retrò pedem referre cogebantur. Vno ergo ex ipsis cæso, & 16. vulneratis, ad scaphas redierunt.

*Tres ab insu-
lanis caduntur.*

*Generalis fra-
ter feritur.*

*Hollandi cum
Lusitanis fru-
stra volitantur.*

Die 12. circa vespërâ Generalis iterum 30. milites in littus amandauit, ut locum fonti proximo vicinum obsiderent, & haurientibus vndam tutum com meatum præstarent. Eo ergo loco Castellum extruentes, rebus necessariis se commodè muniebant. Interim etiam Generalis armatis cohortibus versus molas quasdam, ubi saccharum parari solebat, irruens, eas subiecto igne omnes concremavit. Quo tumultu gliscente Lusitani, qui in dumetis latebant, vnum ex Hollandis glande perfoderunt, & cæteros deserto loco ad Castellum repulerunt. Ibi dum morarentur, Capitaneum Cleerhagen aliquando in hac insula egisse certis signis animaduertunt. Nam & asciata quædam ligna, & lapides, calcemque, & locum istum, in quo ligna cæsa sunt, inuenerunt.

Ex vestigiis tamè quibusdā liquebat à Castello isto, nondū penitus

tus extructo Capitaneum à Lusitanis abactū ac dispulsum fuisse. Ceterum Generalis ad sinū alium quoq; scaphā emiserat. Quam tamē, cum hominibus plurimis habitatum videret, & de annonæ illic parandæ spe actum esse intelligeret: circa vesperam diei 17. ex munitione ad naues milite reducto, postquā naues aqua recenti vberrimē instruxisset, leuatis anchoris bono & idoneo vento inde soluit, licet ægrorum ac vulneratorum haud pauci in nauibus essent.

Die 21. denuo Guineæ oræ propius admoti sunt, rectā sub linea æquinoctiali agentes, & 10. passibus naues anchoris firmantes. Ventus enim australior cursum intercipiebat. Die 25. Cabo Lope Consaluo attigerunt: quibus in finibus de nocte ventus plerunque terrenus, de die verò maritimus perflare solet. Ibi in terram egressi, naues binas Germanicas inuenerunt, quarum vna Barent Diricksz ex Amstelredamo, altera Zelandica Catus dicta, erat. Ad has cum Generalis Capitaneum Pieter Esias & Iacobum Iansz Huy de Copper scapha emisisset: à reducibus his comperit, in hoc ipso Cabo naues Pieter Verhagens nuper integri mensis spatio obhæsisse, & sociorum non pauciores 38. ibidem sepultos fuisse, magno ægrorum numero in nauibus relicto. Sed & quendam, qui è nauibus Verhagens aufugerat, in nauē suā Generalis assumpserat: à quo de rerum plerarumq; statu informabantur. Is recensēbat, quomodo naues Verhagēs postquam fluuium Congo iam ingressæ fuissent, nihilominus tamen ad Cabo reuerti compulsi sunt, & inde iterum ante dies 14. versus Anabon insulam vela fecerint. Sed & de Capitanei Cleerhagen statu percōtatus intellexit, quod in insula de Prince cum sociorum magna parte cæsus occubuerit, & cæteri vix summo labore nauibus profugis vitā suam feruarint.

Naues Pieter Verhagens.

Cleerhagen in insula de Prince cæsus.

Eodem die Generalis decreto senatus bellici quendam è gubernatoribus, Hansz Volckers de terra Sancta nominatum, propter motam seditionē in terram exponi curauit. Die 26. ex dicto Cabo Consaluo soluerunt, versus Brasiliæ terram cursum facientes.

Cal. Ian. An. 1599. Anabon insulam conspicati, à meridie solis altitudinē 2. grad. adepti sunt, de exuperata insula illa admodū sibi gratulātes. Die 8. solis altitudo 3. grad. & 40. minut. in lineæ parte australi fuit. Die 12. eadem 5 $\frac{1}{2}$. grad. fuit: quo tēpore quidā in nauibus morbis tentari incipiebant. Die 20. cursum intra mediū austrum occasumq; torquebāt, cū iam Abroles se exuperasse censerent. Ibi altitudo grad. 12. minut. 40. erat. Die 28. solem rectā vertici incumbētē habuerunt, sub grad. 18. & minut. 10. nauigantes. Cursum ergò ita moderabātur, vt à meridie solem in septentrionali latere relinquerent.

Ianuarius anni 1599.

Solin Zenith.

Die 3. Febr. cum altitudinem 20. grad. haberent, de nocte media terram quandā humilem sibi oppositam conspicati sunt: parūmq; abfuit, quin nauis Concordia, quæ iam trium passuum profunditatem habebat, in oram impingeret. Cursum ergo flectentes, intra occasum

Februarius anni 1599.

*Cabo de Bra-
fil.*

occafum ac meridiem naues egerunt, & die 5. terram Brasil attigerūt. A cuius editiore finu, in apertum Oceanum concitatus declinantes, duobus tribusve milliaribus à terra bolidem $4\frac{1}{2}$. passibus miserunt. Sinus iste, Cabo S. Thome vocatus, ex eo loco versus terram Brasilię, in Occidentali ad Cobo Frio latere porrigitur. Hic sub altitudine grad. 22. erant.

Die 6. finum quendam grandiore, Baye Formose nuncupatum incurrētes, circa vesperam Cabo Frio admodum editum transmiserunt. Ab hoc cursum in Occidentem flectentes, importuno cauro adeo obruebantur, vt non saltem collectis velis opus haberēt, verum à se inuicem longis interuallis quoq; disgregarentur, & iuxta littora anchoras mittere nolentes volentes cogercntur. Hęc venti aduersitas integro biduo durabat.

*Hollandi, qui
sint, rogantur.*

Circa diei 9. medium Rio Iauero attingentes, anchoras extra ipsum finum iactarunt. Vbi cum 14. pass. profunditate intra duas insulas boreales inniterentur, derepentē alterius anchorę funis ruptus est. Postea euro recenter spirante, velis in Dobaert contenderunt. Quo loco 9. passuum anchoras extra Castellum quoddam iuxta fauces magni lacus, in quem riui multi se exonerant, iactarunt. Generalis itaque gubernatorem Barent Iansz cum binis remigibus exili scapha emisit, qui de annonę parandę commoditate dispiceret. Qui cum propter importunitatem ventorum ex sinu illo ingruentium terram attingere non posset: postero die ad naues grandis Canoa, 7. vel 8. viris munita appulit. Inter hos quidam erat Lusitanus, Pieter Tack, linguę Germanicę peritissimus, qui cum sinus illius Gubernatore nupero tempore 300. milites illuc induxerat. Is à Gubernatore se emissum prætendebat, vt percontaretur, quinam in nauibus istis homines venissent. Cumque intellexisset, aduenas meros Germanos esse, qui commeatus ac annonę copiam pro pecunia præsentiaut mercibus promptis peterent: à Generali humaniter lauteq; habitus Canoa sua ad terram rediit, responsum Gubernatoris primo quouis tempore relaturus.

*Lusitanus in
nauis retine-
tur.*

Circa meridiem idem Lusitanus ad naues Canoa sua reuersus præter sexaginta aurantia nihil secum attulit. Sed nec definitum Gubernatoris responsum exprompsit. Vnde, cum Generalis ac senatus bellicus inanibus se verbis differri viderent: ac ab ipso Lusitano intellexissent, nisi retineretur ipsemet, parum admodum rerum necessariarū ibi paratum iri: consilio inito Lusitanum cum Mestische quodam, ac binis sclauis secum detinuerunt, ac Canoam cum cæteris (quibus Pieter Tack ad Gubernatorem litteras vnā dabat, quibus rogabat, vt aduenis pro pecunia & mercibus fructus daret) ad Castellum remisit. Noctem eam quatuor dicti in nauibus exegerunt.

Diei 11. aurora prodeunte, nedum vllum à Gubernatore responsum extortum est. Multę tamen Canoę per Castellī finitima ex ciuitate

uitate agi visæ sunt. Itaq; consilio senatus tres scaphæ, 60. aut 70. viris munitæ ad parandos fructus & aliã annonã emissæ abierunt. Hi iuxta editum mōtem quendã, Panē saccharinum vocatũ, in sinum australe rectã impetum fecerunt, quẽ fructib. omnifariis vberimẽ abundare à Lusitano acceperãt. Quo fine etiã Mestischen (ex cōcubitu Lusitani ac Indi prognatũ) sibi adiunxerant, vt in parãdis necessariis auxilio esset. Hi cum terram attigissent, dumeta latitantibus militibus omnia referta esse viderunt. Interim cũ bini ad explorandũ rerũ statũ ex ipsis Hollandis emitterentur: derepentẽ ex insidiis inuasi, ac captiui abducti sunt ab incolis Lusitanis, qui præter hoc numerosis quoq; iaculis in scaphas extortis, Hollãdorum 7. vel 8. haud leuiter vulnerarunt. Hunc tumultum cum Concordia naus sensisset: scaphis auxiliatum, quã potuit proximẽ, ad littus procurrit. Verum propter crebra fulmina, è Castello facta, retrocedere coacta est, postquã glande emissã Hollãdorum vni caput totum decussum fuisset. Harum violentia rudẽtes quoq; vndiquaq; haud tenuiter obledébantur. His ita gliscientibus, scaphæ ad naues, militibus binis desideratis, redierunt: duo verò cæteri captiui in Rio Iauero abducti sunt. Generalis autẽ literis ad Gubernatorem missis rogauit, an nō suos captiuos cum Lusitanis retentis permutare vellet. Has literas sclauus quidã, in terram enatans, ad Gubernatorem extulit. Circa vesperam ex Castello quidam, pacis signo, ad littora egressi sunt. Ad quos cum Hollandi scapham emitterẽt, rogarunt Lusitani, quem ad locum duo captiui deducendi essent. Quibus respōderunt Hollandi, iusseruntq; vt in oppositam nauium stationem ferrentur, & suos ibidem reciperent. Sed eadem ipsa nocte procellæ ex austro tam validæ incubuerunt, vt parum abesset, quin naues in scopulos ac saxa penitus illiderentur. Die verò 12. in definito Lusitanis loco vexillum quoddam pacis conspicati sunt. Quò cum scapha captiuos suos eduxissent, à Lusitanis vicissim suos socios receperunt. Postea Lusitani quidem res necessarias omnes Hollandis spopōderunt: quorum tamen verbis fidere nemini iam amplius libebat. Cæterum cum Generalis Lusitanum captiuum in terram emitteret, mādauit militum præfecto, vt scapham in breuia illius loci ageret, quod alibi tutus ad terrã aditus propter æstus frequẽtes Oceani non pateret. Cumq; iam Lusitanus inde in terram enataret, quidam ex Hollãdis V Vilhelm Potter è Delphis dictus, vnã cum ipso vestibus depositis nullo generalis mādato enatauit. Is cum vix littus attigisset, nudorum Indorum ex dumetis magna caterua prorupit, & nudum Hollandum, quem iam scapha quoque ad classem reuerfa deseruerat, correptum abduxerunt.

Duo Hollandi
à Lusitanis
capiuntur.

Captiui Hol-
landi restitu-
untur.

Hollandus de-
seritur.

Die 12. Febr. circa vesperã Generalis tormento disploso diceffionis signum dedit. Itaq; anchoris attractis, vehẽte austro sinum eum egressi sunt. Quo cursu cum ventũ admodũ dubium & copiosis imbribus permixtum haberent, vela ad S. Sebastiani insulã direxerunt.

Diei 16. aurora prodeunte, intra duas insulas anchoras miserūt, quod se S. Sebastiani insulæ vicinos arbitrarentur. Nam locum certò internoscere non poterant, quod ora illa admodum lata, continenti quadamtenus similis esset. Ad rerum conditionē ergo certius explorandam Generalis scapham suam amandauit, cæteras interim, naues in dictarum insularum ambitu continens. Cum verò nulla certa signa, quibus locus cognosceretur, paterēt, illarum insularum alteram Mossel, alteram palmites Generalis indigetauit. Ibidem præter conchas aliquot ac palmites, vndamq; recentem nihil inuentum est.

Die 20. anchoras iterum alleuantes, inde versus fretum Magellanicum cursum suum destinarunt. Sed cum metæ aliquātum confecissent, die 21. ex altiore Oceano ventus desubitò importunissimus insonuit, qui naues haud leuiter quateret. Rati ergo consultum sunt, vt vela cursusque inuerteretur, & de relictis insulis certius documentum fieret. Reuerſi autem, cum eandem ipsam S. Sebastiani insulam esse prouiderent, nauibus suis intra insulam & continentem impulerunt, ac in portu ibi admodum idoneo, ac à ventis omnibus tuto confederunt. In huius eminentibus tumultis numerosi pisces captati sunt. Fructus verò nullos inuenire licuit, quod sterilibus arboribus insula omnis horrida esset, adeò, vt ne transitus quidem in locis plurimis pateret. Vnde tamen recentis copia ad placitum dabatur. Ibidem in littore enatas aliquam multas petroselini radices quoque effoderunt.

Hollædi S. Sebastiani insulam attingūt.

Hollædi sex ab Indis inuaduntur.

Die 27. dum in ea S. Sebastiani insula agerent, Capitaneus Huydecooper sex viros parua scapha in terram emisit, qui de obuiis rebus indicia referrent. Hi verò ab Indis, qui in sylua illa se absconderāt, & ex Rio lauero naues infectati fuerāt, insperato inuasi sunt: quorum duo primo illicò insultu ceciderunt. De cæteris quatuor quid actum sit, ne dum comperire licuit.

Die 28. cum præter pisces & ligna insula illa nihil promeret, circa meridiem, ab vnda recenti optimè instructi, anchoras iterum attraxerunt, & ex Oriētali parte portum egressi sunt, quo loco insula quædam Alcatresse dicta, sita est. Sed intra Mossel & S. Sebastiani insulam exeuntes, gradus 24. numerauerunt. Ab eo tempore Oceanus incertis ac planè ambiguis ventis ferè semper æstuabat, austro tamen plerumq; primas sibi vendicante.

MARTIVS.

Scapha maior mergitur.

Die 14. Martij vulturno vsque adeò valido & fremente iactati sunt, vt colligere vela omnino cogerētur. Hisce pcellis maior scapha vndarū violēto illisu tātoperè laxata & obtrita est, vt iam mergi inciperet. In quo cū viri quatuor agerent, vix magno nisu ac labore eripi potuerunt. Quib. extractis, nauis demū cū rebus omnib. pessum iuit. Iisdē vndarū furoribus durantibus Vice Almirans ac Spes naues cæterarū conspectu disiectæ sunt. Hoc turbine sine velis quadriduo integro in equore iactati grad. 32. in lineæ parte australi numerauerunt.

Die

Die 17. dispulsæ naues magno omnium gaudio classi seiunxerunt iterum: quæ postea iunctæ cursum suum versus ortum lento passu promouerunt. Hoc tempore, qui in naui Concordia erant, ^{Concordia periculum.} foras naues magnis clamoribus inuocabant, vt in exigenda profunda nautea opem sibi celerrimā præstarent. Nam à merfione eadem nauis vix magno labore seruari poterat.

Die 19. Capitaneus Pieter Esias ad Generalem contendit, querens, panes plurimos in naue sua vdore corruptos esse, nautasq; suos tenendæ ac saluandæ naui, vt quæ assiduò ingenti aquæ copia perflueret, minimè sufficere. Generalis itaque coacto senatu optimum esse decreuit, vt Concordia nauis, cariōsa admodum ac rimōsa, suis bonis exoneraretur, ac maioris periculi vitādi causā omnino deferretur. Hac nocte velis omnibus contractis ventorum impetum sequentes, altitudinem 32. grad. & 15. minut. numerauerunt.

Die 20. vento nedum remittente, exonerato tormento Generalis signum dedit nautis ac gubernatoribus, vniuersoq; senatu bellico conuenturis. Cum enim viderent, per procellarum continuam vim bona ac annonā, resq; alias è Concordia minimè exonerari posse: & iā hyemis principium ante fores esse, aëremq; perpetuis imbrib. ac sæuis tempestatibus horrere, ac continuando per fretum Magellanicum itineri minimè fauere intelligerēt: deniq; etiam ægrorum numerum indies augescere sentiret: ab ea tēpestiuum, imò necessarium omnibus visum est, vt cum nauib. vniuersis in S. Helenæ insulā ^{Deliberatio, vbi nam agenda hyberna sint.} contenderetur, & ibi tum hyberna agerentur, tum ægroti cōmodius curarentur & reficerentur, dum tandem aëris ac ventorum iniuriæ mitescerent, & senatui statutum esset, quando cursus denuò per fretum Magellanicum inchoandus sit. De his articulis, vt suā quisq; sententiam scriptā conferret, Generalis mandauit. Cumq; speraret, se breui tempore S. Helenæ insulam attingere posse: Concordiam tantisper seruare ac secum agere consultum putauit. Quæ vt regi commodius, & à periculis vindicari præsentius posset: ad eius curam Generalis plures alios ordinauit, hac etiā de causā præcipuè, quod nautarum pars magna ex scorbutō grauius infestaretur. Harum verò rerum decreto facto, ad nauem propriam quilibet rediit, cursum suum in occasum æstiuum impellentes. Hoc tempore solis altitudo grad. 31. minut. 25. in lineæ australi parte erat. Sed ventus ferè semper Euronotus vela feriebat, adeundæ S. Helenæ insulæ non admodum idoneus. Ad naues ergo proferendas cura & labore non tenui opus erat.

Die 30. in Concordia, Ian de Grol, ex scorbutō obiit. Qui primus ^{Ian de Grol ex scorbutō obiit.} omnium hac lue in nauibus extinctus est. Ibi altitudinem solis 30. grad. in lineæ australi facie habuerunt.

Die 2. April. noua aquæ dispensatio instituta est, ita, vt cuius quo- ^{APRILIS. Aqua distribuenda ordo.} nis biduo duo eius canthari porrigerentur.

Die 8. per pharmacopœum & Chirurgos mandato Generalis æ
BBB 2 grorum

grorum lustratio facta est: qua quinque ex scorbuto admodum languidi, ex morbis verò aliis quatuor infirmi reperti sunt. Circa vespere-ram ventus Fauonius spirare cepit.

Die 9. cum vêtus idem incumberet, eius ope cursum pertexentes, circa meridiem altitudinem 29. grad. & 23. minut. habuerunt. Ibi- dem etiam compassum integri gradus mensura in occasum æstium deflexisse notarunt.

Die 12. priore vento cessante, vulturnus spirare cepit: vbi circa meridiem altitudinem grad. 30. & 24. minut. occuparunt.

Die 18. ventus iterum Fauonius surrexit: quo cum in occasum æstium iterum peruaderent, altitudinem 31. grad. 20. minut. adepti sunt. Hoc die primus in naue Vice Almirante mortuus est.

Die 26. Vulturnus admodum placidus continuauit. Vbi cum grad. 25. & 8. minut. altitudine pergerent, intra medium boream & ortum cursum suum dirigere coacti sunt, modò insulam S. Helenæ tenere vellent. Nam & tum temporis venti plerumque in idonei spirabant, & in nauibus morbi ita inualescebant, vt quotidie ferè terni quaternive occumberent: ad quos visitandos, Generalis indies naues omnes adibat, & quod poterat, infelicitatem ægrorum ex temporaneo solatio leniebat.

Hollandi scorbuto multis oberrant.

MAIVS.

Cal. Maij aquilone incumbente, altitudinem 23. grad. & 26. minut. numerauerunt. Circa meridiem, cum Euris flaret, die 4. grad. 21. & minut. 25. habuerunt.

Die 5. Generalis Vice Almirantem ac Capitaneos, nauiumque præfectos ad se vocatos, impendiò admonuit, vt ad insulam S. Helenæ attingendam operam diligentissimam nauarent. Cum verò Vice Almirans cum suis gubernatoribus nautisq; insulam eam versus caurum ac aquilonem ante se sitam affirmarent, & ad ipsam adeundam Argeste vehente opus esse prætenderent: cæteris de hoc sententia alia placuit, insulam nimirum eam in latere euroaquilonari à se distare. Itaque cum tum temporis ventus Orientalis spiraret, decretum est, vt eius opera vela rectà ad insulam flecterentur, & postero die, nisi ventus mutaretur, in septentrionem cursus torqueretur, vt hoc nimirum pacto desideratissima pridem meta teneri ac occupari posset. His publico omnium voto ita decretis, discessione facta, singuli ad suas operas & munia redierunt, fore sperantes, vt breui tempore S. Helenæ insulam attingerent.

Die 8. Vice Almirans cum Capitaneis cæteris exactius disquisiuit & trutinauit, an cum hoc vehente Euro insulam adiri possibile esset. Vniuersis itaque mappis diligenter inspectis, se insulæ vicinos iam esse, cognouerunt. Cursum ergo antiquum vrgentes, gradus 17. habuerunt.

Die 9. altitudo grad. 16. & minut. 8. erat. A meridie Capitaneus Huydecooper disploso tormento signum nauibus cæteris dedit, arbitra-

bitratus scilicet, se à læua insulam conspicatum esse. Et cæteri quidem vniuersi etiam eiusdem cum eo sententię erant, visam insulam S. Helenæ esse, quod viderent, terræ angulum insulam sua prominentia ita occulere, vt exacte internosci nō posset. Hoc cum vice Almiranti indicaretur: is ad Generalem se conferens, recte se pridem de insulæ statu iudicasse attestatus est, dicens terrā aliam ibi nullam finitimam esse, & S. Helenam longius à se versus occidentem iacere. Cui etiam Generalis iam non amplius refragari poterat, vt qui præ cæteris omnibus huic vni velut rerum maritimarum peritissimo, fidei plurimum stipularetur. Decreto ergo nouo illico statutum est, vt circa vesperam naues versus occasum agerentur. Ratum enim erat, S. Helenam sub grad. 16². sitam esse. Vt ergo ducem vice Almirantem naues omnes sedulo sequerentur, Generalis serio mandauit. Circa vesperam tormentis signo dato, nauibus versus occasum procurri cæpit, vento vehente Euro Ducem suum vniuersis sequentibus.

*Vice Almirans
rerum mari-
timarum pe-
ritissimus.*

Die II. vice Almirans cum Capitaneis, gubernatoribusq; ac nau- tis aliis ad Generalem commearunt, vt de necessariis exactius delibe- rarent. Dum ergo deliberationibus seriis intentè vacarent, se longè infra S. Helenam iam actos esse, animaduenerunt. Ita, vt eius tenēdæ spem iam nullam reliquam haberent. Quicquid enim tum ex map- pis, tum vice Almirantis relatione antea ratum erat, id nunc vniuer- sum fefellisse, liquidò apparebat, id ipsum indignantibus quoque vniuersis gubernatoribus, qui vice iam tertia vice Almirantis senten- tiam sequi coacti sunt. De nouo ergo iam iterum votis & suffragiis collectis, proximum visum est, vt versus insulam Martyn Vaaz siue Assentiō, aut quamcunque aliam finitimam diuerteretur. Quarum, si quidem nulla obtineri posset, statuerunt, recta terram Brasiliæ in- currere. Nam adita terra idēdè comprimis opus erat, quod in nauib- us ægri subinde magno numero augescerent. Hoc ergo instituto, recens firmato, circa vesperam bonis auspiciis ventis vela de nouo data sunt.

*Classis à S.
Helena aber-
rauit.*

Die 21. paulo ante meridiem terram quandam versus medium austrum occasumque ante se sitam depræhenderunt. Ad quam velis directis contenderunt, ibidem suos ægros commodius refecturi. Nam cum ab initio regionem visam, insulam Martyn Vaaz esse per- suasum haberent: in portu eius, non admodum idoneo anchoris naues defixerunt. Capitaneus verò Pieter Esias binis cum scaphis, & aliquam multis militibus remis versus insulam impellens, vbi pro- pter æstuantis oceani vim nullibi in terram egredicommodè posset, tandem tamen post diuturnos grauesque nifus aditum quempiam nactus est. Qui tamen & ipse longius non ducebat, quod saxi ac ru- pibus densissimis obiectis viæ omnes inaccessæ & impeditæ rigerēt. Frustrā ergo egressu quæsito, ad naues redeundum fuit. Quod prius- quam faceret, scaphis obiter insulam ambiuit, viditque, pro ægris

illic nec commodum satis locum, nec fructus refectorios vllos reperiri licere.

Malle Meuvven aues, fustibus & manibus capta.

Dicta hæc insula sub grad. 20¹. versus lineæ partem australem sita est. In hac tamen hoc commodi acceperunt, quod numerosam volucrum, ab ipsis Malle Meuvven dictarum copiam reperirent. Hæ enim mansuetissime tanto numero ibi degunt, vt fustibus volantium earum multi greges cædi possint. Classis autem iuxta insulæ plagam australem 30. pass. anchoris confederat. Cum ergo propter saxosa præcipitia insulam hanc omninò inaccessam esse videret, diutius re frustranea obterere inconsultum rati sunt. Non defuerunt tamen, qui putarent, moram ibi adhuc vsque ad diei sequentis auroram trahendam esse, an forsan noua eaque diligentiore peruestigatione ascensus aliquis in insulam inueniri posset. Postero die Generalis ad viceAlmirantem pergens, re deliberata statuit, vt hoc deserto portu in insulam Assention vela fierent. Hanc viceAlmirans sibi apprimè notam, ac sub grad. vigesimo versus occasum vltius sitam esse, asserebat. Stante hac sententia, manè leuatis anchoris inde naues emouerunt, intra boream ac occidentem cursum molientes. Nam ad hunc tenendū ventus Orientalis nō idoneus perspirabat.

Classis ad Assention pergit.

Sub diei 30. auroram, cum ventus ab Euro iugiter duraret, circa meridiem altitudinem 20. grad. & minut. totidem habuerunt. Ibi rursus terra quædam ipsis in cōspectum data est. Quam cum primo Assentiō esse arbitrarentur: propius ei ad moti continentem Brasiliæ, à qua 80. milliariū se interuallo adhuc abesse censebant, esse viderūt.

IV NIVS.

Calendis Iun. anchoras suas in loco quodam, Rio Dolco vocato, pass. 20. miserunt. Inde ergò, cum generalis aliquot viros emisisset, qui terræ conditionē, & rerum parabilium rationem explorarent: à Lusitanis, qui magno numero eos aditu prohibebant, repulsi, recta iidem ad naues recurrerunt. Generalis itaque cognita re, ac in deliberationem vocata, statuit, vt à meridie illicò inde rursus solueretur. Quo facto, cursum suum versus hybernum solstitium impenderūt, fore sperantes, vt tandem alicubi locum, reficiendis ac curandis infirmis idoneum offenderent.

S. Clara insula.

Die 2. circa auroram malacia summa gliscente insulam se quamdam terræ vicinam conspiciere arbitrati sunt. Ad quam propius spectandam cum binis scaphis Generalis sanorum partem magnam emisisset: à reuersis S. Claram insulam eam esse cognouit. Itaque nauibus recto cursu versus eam impulit. Quam cum circa vesperam attigissent, viceAlmirans cum Concordia in insulæ latus australe confedit: Generalis verò, cum Spe sua partem borealem obfedit. Vbi, cum fundus vadi non vltra vndecim aut duodecim pedes altus esset, nauis eius in illum incubuit, ita, vt integrarum quatuor horarum spatium ex eo se emoliri non posset. Quod certè sine euidenti periculo factum minimè fuisset, si vel leuis oborta tem-

Almirantis nauis fundo incumbit.

pestas

pestas mare conturbasset. Magno ergò sudore, ac singulari Dei benedictione se tandem inde citra omne periculum eruerunt. Hæ postea coniunctæ, vna pass. 6. in loco idoneo confederunt.

Die 3. Generalis cum Capitaneis, duabus scaphis in insulam cōtendit, visum ac dispectum, num qua commoditatē in eam ascendere posset. Sed omnis insulæ ambitus grandibus saxi scopulisque rigebat, & vix ad dimensum diurnum vnda suppetebat, ex quadam diductione montis profluens, Nihilominus tamen Generalis iussu infirmi omnes in terram exportati sunt, quos scorbuti vis plerosque mirè ac miserè lancinabat. Nonnulli vt in suis thalamis iacebāt, funibus extrahendierant, quod se loco mouere præ summa infirmitate non possent. Haud pauci, quam primum terram attigerunt, diem obierunt. Hoc rerum statu vigente, pro ægrotis casulas ac tuguriola extruebant, sanis in excubias pro infirmorum tutela dispositis. Quo fiebat, vt nocte, vltra 7. vel 8. in vna qualibet naue non relinquerentur.

*Ægri in S.
Clara expor-
tantur.*

Hac in S. Claræ insula præter palmites, & herbas virides, quas vel coctas, vel crudas esitabant, nihil parabile erat. Quanquam & binæ arbores ibidem inuentæ sunt, acida pruna ferentes, quæ gustatæ ægros non parum reficiebant, adeò, vt frequentiore illorum vsu, diuina annuente ope ac gratia, mirabiliter sanescerent, ac ex morbis diuturnis eluctarentur. In hac insula cum dies 15. exegissent, ægri ferè omnes illa mora conualuerunt, præter quinos, qui morborum diuturnitate supra modum attriti & enecti fuerant. Nam hi nulla medela opitulante, vitam in insula exuerunt. Totius huius insulæ ambitus milliaris vnus spatium non excedit: qua meta quoque à continente, in qua plurimi obuersari homines visi sunt, distabat. Lusitani siquidem illis locis vniuersis imperitant, ac regionum illarum soli moderatores sunt, cum Indis, quorum imperium affectant, perpetuis bellis ac velitationibus concernentes.

*Ægri ex vsu
prunorum a-
cidorum sane-
sunt.*

Die 18. Generalis populum omnem, sanos simul ac ægros, ad naues recolligi iussit, eodem adhuc die motis inde castris expeditè soluturus. Sed cum derepentè tempestas aduersa incumberet, vno die morari ibi coacti, bonis vniuersis Concordiam interim omninò exonerauerūt, & tum tormenta, tum annonā, tum merces ac alia similia in naues cæteras diuisim extulerunt. Istam siquidem nauem, quod vt diximus, admodum laxa & rimosa esset, longius proferri minimè licebat. Dum vero in dicta insula agerent, Generalis decreto senatus bellici, quēdam Ian Claess in vice Almirantis naui tormentis præfectum, vt & alium Gerrit V Villemfz Prins, Concordiæ armamentariū propter multa facinora & incæptas nefarias cōspirationes ad expositionem damnauit. Sed & tertius, Gerrit Adrianss Vliis-

*Quidam in S.
Clara puni-
tur.*

tra,

tra, transfadacto cultro ad malum defigeretur, quem faucia manui-
psemet extrahere cogeatur.

*Concordia
centum.*

Die 21. Concordia subdito igne cremata, tribus superstitibus
nauib; in latere insulæ australi iterum soluerunt, & pertexendi iti-
neris causa vela ad S. Sebastiani insulam verterunt, vt in hac aquam
necessariam inuasarent. Dicta autem S. Claræ insula sub grad. 21. & 15.
minut. à linea australius sita est.

Die 30. intra S. Sebastiani insulam ac continentem portū illum
ingressi sunt, quem antea quoq; tenuerant. Diligentibus ergo contra
insperatos insultus excubiis habitis, quātum aquæ necessarium erat,
hauriebant. Pro ægrotis verò, quorum nonnullos secum adhuc ha-
bebant, præter pisces nihil ibi promptum erat.

IVLIJS.

Die 9. Iulij, exonerato tormento, Generalis vniuersis ad naues
redeundi signum dedit. Quo facto, attractis anchoris, ex latere bo-
reali ab insula secesserunt. Antequam verò portum egredi possent,
propter aëris summam tranquillitatem magno labore ac molimine
opus erat. Ex quo tandem eluctati, triduo integro post, apud Palmi-
tas insulas obhærescere coacti sunt, quod gliscente malacia cursus
proferri minimè posset. Ea tamē mora palmites ex dicta insula copia
iusta colligebantur.

Die 16. Generalis cum senatu bellico re deliberata, ad insulam
Porto Desiere, sub gradu 37 $\frac{1}{2}$. sitam diuertere decreuit, vt ex ea naues
rebus necessariis omnibus commodius instruerentur: statutumque
est, vt si naues fors à se inuicem disgregarentur, in eodem loco iterum
conuenirent, & absentes expectarent. Itaque Palmites insula deserta
cursum suum versus austrum agentes, intra insulam S. Sebastiani, &
Porto Desiere, Africo notoque admodum aduerso impetiti sunt, ita
vt propter procellas & tempestates violentiores in obtinenda meta
non parum retardarentur.

AVGVSTVS.

Cal. Augusti, Libonoto vsq; adeo concitato ac importuno in-
festabantur, vt cōtrahi vela omninò opus esset. Aliquandiu ergo sine
velis nudo ventorum arbitrio fluctuantes, iuxta Rio de Plata altitu-
dinem 35. graduum attigerunt. Hac ventorum vi perdurante, cum
velis nullis vsque ad 10. Aug. vti possent, tandem lapyge commodiore
perflante, cursum statutum, innouarunt. Sed hæc commoditas diu
non vigeat. Nam die illiè 15. de nouo Aparctia tam furibundo ia-
ctari cæperunt, vt sine velis iterū nauigare cogerentur: quæ quidem
aduersitas, vsque ad 18. Aug. continuabat, quo aër tranquillior & pa-
catior redditus est. Hic sub grad. 73. in lineæ parte australi erat.

Die 26. Aparctia importuno iterum concussi sunt, adeò, vt vi
eius celocem dispulsam manè desiderarent. Quæ cum ad naues po-
stero die rediisset, iunctim sine velorum ope, ventorum impetum se-
quentes, die 29. vulturum commodiorem adepti sunt, postquam
gradum 41. iam exuperassent.

Die 30.

Die 30. cum iterum procellis concussi sine velis iactarentur, altitudinem grad. 42. tenuerunt.

Die 3. Sept. Libonoto in principio spirante, paulo post cæcias in- SEPTEMB.
cubuit.

Die 16. cum sub grad. 45. & minut. 15. agerent, misso plumbo profunditatem pass. 60. inuenerunt. Boreali autem aura flante cursum in meridiem impulerunt.

Die 19. bolide iactata profunditas 38. pass. inuenta est. Vbi ante se intra austrum ac occasum terrā quandā longo tractu exporrectam, cōspicati, ad eam binis ferè milliarib. properarunt. Ad quam propius appellentes, eam humilē pressamq; inuenerunt, Anglicanæ oræ non absimilē, arborib. carentem, & propter aditus cōmodos trāsmiſsioni non inidoneā. Circa meridiem altitudinem 47. grad. habuerūt. Circa vesperam, cum ad duos scopulos peruenissent: quidā gubernatorum Barentgen vocatus, Porto Desiere in finib. illis situm esse, testatus est: q̃ se tū tēporis obseruasse dicebat, quando cū Mr. Thoma Candisch eodē loco transmississet. Ibidē ergō anchoras mittere visum est commodum. Cum verò fluctuum vis valdē illic fremeret, & vēti incumbere vñā validissimi, anchoram ibidē vnam cum fune perdidērūt. Ab eo Generalis scapham emisit, quæ certius percontaretur, an hæc ipsa reuera Porto Desiere esset. Quæ properè reuersa, vadum saltem ibi quoddam post duos scopulos effusum esse retulit. Anchora perit.

Sub diei 20. aurorā, resumptis anchoris, institutū in Porto Desiere cursum continuarunt: cuius finem circa meridiē assecuti sunt. Ad cuius boreale latus cum aliquot parua insulæ eminerēt, iis obiter circumnauigatis, è parte australi portum eius rectā incurrerunt. Quē vbi vix ingressi essent, desubito venti vis tam valida ac impetuosa incubuit, vt in littoris australis vallum nolentes volentes adigerentur. Anchoris ergō 12. passibus demissis naues ex tēpore figere coacti sunt. Et licet puppes nauium iam quidem vallo tam propinquē imminerent, vt illidendarum earum metus non levis esset: singulari tamen Dei ope ac auxilio citra damnum se inde rursus eruerunt. Vice Almirans quidem cum celoce sua, in penitiore portu agens, tota nocte furētib. procellis iactabatur. Sed, quocunq; nisu poterat, vim omnem declinabat. Eo fere loco fluuius se quidā limpidus in sinum duorum passuum profunditate exonerat. Cæterum, ipse portus sub grad. 47. min. 40. in lineæ australi facie situs est. Generalis, etsi nonnullis militibus stipatus distinctis vicibus in terram egrederetur, homines tamen nullos inuenit. Tumulos tamen aliquot, quibus suos mortuos condiderant insulani, reperit. Hi ex congestis multis lapidibus, pigmentis rubeis tinctis constabant. Iuxta quos quæ pilæ erectæ viscebantur, pennis plumisq; ac rebus aliis ornatae erant. Tumuli reperi.

Die 25. Generalis duas maiores scaphas ad insulam quandam in austri parte à portu tribus circiter milliaribus absitam emisit,

*Pinguina &
piscis marini.*

Nam ab illis, qui olim cum Mr. Thoma Candisch ibidem egerant, locum eum pinguinis refertissimū esse intellexerat. Harum ergo volucrum, ut & piscium (Robben vocant) tantam inde copiam adduxerunt, ut instruendis nauibus ferè satis essent. Volucres istæ ad volatū ineptiores, duas exiles alas, expansis pellibus similes ostendunt. Anseris magnitudine sunt, & victum ex oceano quærunt. Harum multas myriadas in terra prehendere licet, tum comprimis quando ouis incubant excludendis. Ad hanc insulam aliquoties venatum egressi, istarum avium ultra 50000. cum ouorum inæstimabili numero aduexerunt, magna certè ægrorum refectioe & gaudio: Die 29. paulo penitius in portum secessum est, ut naues in loco tutiore starent. Cum verò duorum milliarium spatio longius ingressi essent, iuxta insulam quandam, quam Conincx appellabant, anchoras miserunt, quod ibi tum fundus cōmodus esset, & fluctuum vis ignauius sequiret. Tandē verò naues omninò in aridum exegerunt, ita, ut foris circa eas obambulare liceret. Quod cōmodum nacti, easdem probè expurgarunt, & à nocentibus sordibus extricarunt. Generalis quoq; ibidē in continente fabricam ferrariam extrui curauit, ut cōmodius, quæ necessaria erant, ibi cudi possent. Quæ, ut ab Indis nō obrueretur, continuis excubiis probè seruata est. Hoc ergo loco non saltē se plenissimè refecerunt, sed & naues vniuersas rebus necessariis vberimè instruxerunt.

OCTOBER.

Die 5. Oct. Generalis, binis scaphis, armatis militibus probè munitis per aduersum fluuium ascendit eo usque, ut propter defluam oceanī vndā in arido relinqueretur. Cum nonnullis itaq; sociis in terram egressus longius, præter tumulos, quosdā prioribus similes, nihil offendit. In quorū vno cum surrectos duos ferri contos inuenissent socij, eosdem secum ad naues retulerunt. Ipsa alioquin terra plana ac vasta erat, nullis arboribus conspicua. In ea feras quasdam, ceruis ac bubalis similes, ut & ingentem struthiocamelorum, admodum tamen ferorum numerum viderunt. In nido quodam 19. oua repererunt: quæ à matre profuga relicta, secum asportarunt.

Struthiocamelorum copia.

*Iacob Ians
Huydecooper
Capitaneus
obit.*

Eodem die Capitaneus nauis Spei, Iacob Ians Huydecooper, ex scorbuto obiit, quo longo admodum tempore miserè lancinatus & confectus fuerat. Quem ob id generalis in terra illa, consueta pompa ac ceremoniis ordinariis sepeliri curauit. Funus eius nauis ferè vniuersi sequebantur. Sed & tabulam quandam æneam, & nomen & diem obitus eius continentem, è tumulo eius Generalis suffixit: in cuius extremū honorem vniuersa etiam tormenta exonerata sunt.

Nauium nomina mutantur.

Die 9. in locum eius Pieter Esias de Lint, qui prius Concordiæ præfectus fuerat, surrogatus est. propter quam mutationē ipsa quoq; nauis Concordiæ nouum nomen accepit.

Die 20. quosdam in terræ parte boreali homines oberrantes viderunt. Generalis itaque cum 25. viris armatis duabus scaphis ad eos compellandos egressus est. Quinq; verò ex istis sociis apud scaphas reli-

reliquit, cum mandato serio, ne pedem ex illis concisum efferrēt, sed in arido pro salute omnium diligenter scaphas continerent. Generalis autē cum cæteris vnus ac alterius milliaris spatio penitus in terram pertendens, homines inuenire nullos potuit. Cæteri verò, qui pro tutela nauium relictī erant, cōtra expressum edictum in terram se contulerunt, vt frigus, quo premebantur, motu & exercitatione corporis mitigarent. Hi ex improviso ab hominibus feris, qui se in insidiis occultarant, gregatim eiacularis telis vsq; adeo obruti & infecti sunt, vt tres ipsorum in momento cæsi caderent, quartus verò vulnus in pede acciperet. Quo viso, qui superstites adhuc erāt, in scapham properē insilientes, eā profugerunt. Interim Generalis ad littus reuersus, cum scapharū alterā absentem, alteram in sicco solutā videret, de rerū statu admodum sollicitus fieri cæpit. Nihilominus tamen relictā scapham in terram extrahi mandans, cum nullos vsquam homines (nam feri designata cæde profugerant) offenderet, ad naues haud cunctanter rediit. Vbi ab iis, qui fuga se saluarāt, indicium accepit, quod à 30. feris hominib. violenter inuali fuissent: quorū proceritas, admiranda extitisset. His crines longe à capite demissi propendebāt, & facies colorib. fucatę visebantur, aspectu certē horridæ admodum ac truculentæ. Cætero corpore fusco erant. Arcus eorū exiles erant, ex quib. spicula, tritis ac læuigatis ex saxo mucronib. præpilata eiacularbātur. Hæc denso agmine in Hollādos vibrarant. Qui cum à Chirurgis inspicerentur, eorum interanea omnia, vt cor, hepar, pulmoneq; perforata visa sunt. Die 24. Gillis Marisal vice Almirantis subpræfectus insolito quodam ac præcipiti morbo extinctus est.

Hollandi aliquot à Barbaris caduntur.

Arcus ac tela Indorum.

Gillis Marisal obit.

Die 29. omnes sese ad iter proferendum accinxerunt, postquam pinguinis & piscib. marinis, quorum maximū numerū sale conduebant naues omnes probe instructæ essent. Mane itaq; circa horam octauam leuatis anchoris, cæcia vehente versus ortum cōtenderunt, dum cōmodam oceani altitudinē attingerent. Vadum hoc seu portus egressum ingressumq; facilem ac tutum præbet. In cuius tamen introitu medio duo cæci scopuli latent, aqua auctiore minime conspicui. Hos Hollandi in parte boreali reliquerant. Sed & in latere australi breuia aliquot eminentiora versus ortum & austrum medium exporriguntur. Cæterum hunc portum egressi, versus solstitium brumale tantisper declinauerunt, dum Pinguinas insulas exuperassent. A quibus porro cursum intra occidentem austrumq; adigētes, circa vesperam procellis australibus vehementissimis concuti cæperunt, ita vt receptis & constrictis velis opus esset.

Die 30. cum adhuc sine velis ferrentur, circa meridiem altitudinem 48. grad. 15. minut. habuerunt. Vespere cæcia vehente freti, cursum suum quam maximē poterant, continuāunt.

Die 4. Nouemb. sub auroram, quatuor milliarium interuallo à terra illa, quæ ad Cabo Virgineum vsque pertenditur, aberant. Hæc

NOVEMB.

Holl. Cabo
Virgineū re-
nent.

humilis ac plana, candore suo oram Anglicam mentitur. Hinc ergo versus fretum Magellanicum vela facientes, circa meridiem grad. 51. & 45. minut. altitudinem nacti sunt. Circa vesperam iuxta Cabo Virgineum trans mittebant, terram candidam, editamq; & Doe uere non multum dissimilem. Illic ergo à Cabo dimidij milliaris interstitio pass. 10. anchoris confidebant. Ab hoc Cabo Virgineo humilis quædam terra versus occidentis & austri metam duobus ferè milliaribus excurrit. Ipse verò Cabo sub grad. 52. & min. 40. situs est. In hoc naues anchoris firmatæ noctu requieuerunt.

Die 5. sub auroram boream cum tempestate non incommoda adepti sunt. Interim Celox, quæ propter fundi asperitatē anchoram perdiderat, à cæteris nauibus aliquanto longius abacta est.

Quot menses
Hollandi ante
aditum freti
destruxerunt.

Sub horam 6. diei 6. animo fretum Magellanicum adeundi, iter rursus ingressi sunt. Nam, ad hoc tenendum iam dum 14. mē sibus integris defudarant, ex comitatu suo centenis ferè viris desideratis.

Holl fretum
Magell. attin-
gunt.

A prædicto Cabo Virgineo terra versus austri occasusq; mediū excurrit. Sed cum iam freti fauces adirent, recta in opposito terram Fuego dictam conspicati sunt, vice Almirante perpetuo cum celo ce sua vias prætentante, ac quasi prælibante. Qui tamen, cum hinc de repente ad Cabo Virgineū recurreret, Generalis, quid isto reditu quereretur, admodū miratus est. Cæteris verò nauibus interim triū ferè milliarium spatio pergentibus, ventus subito aduersus infremuit, vt anchoras iacere vniuersæ cogerentur. Paulatim tamen Africus ac Libonotus mixtim tanto impetu inualescebant, vt vix vtrisque anchoris naues firmari satis commodè possent.

Scapha mer-
gitur.

Die 8. sub auroram Zephyro turbido incumbēte, aduersis tempestatibus vel dum percutiebantur. Circa meridiem, cum aër pacatior euassisset, Generalis ad vice Almirantē scapham emisit, quæ facti recursus indicium certum referret. Quæ dum in reditu esset, oborta tempestate eadem ad celocem violenter repulsa est. Dum ergo ea nocte iuxta celocem maneret, ventis violenter vndecunq; incumben- tibus subuersa ac submersa ipsa periit.

Procella ma-
xima in freti.

Die 9. procellæ nihil remiserant, sed multo violentius subinde spirare perrexerant. Et cum naues binis anchoris firmatæ starent, accidit, vt violento ventorum insultu fune rupto, altera anchora periret. Cum ergo iam vnica anchora tenendæ nauī minimè sufficeret,

Dua anchora
pereunt.

eadēq; expeditius attolli nō posset: coacti sunt funes abrumpere, vt hoc compendio à valli illi situ tutiores se præstarent. Maxima ergo festinatione vela adornabant, quorum beneficio, humilem Cabo Virginei sinum obire possent. Mira tamen Dei ope ex freti faucibus, quas iam incurrerant, iterum eduçti & eruti sunt, vt ad Cabo vice Almirantis sese conferre possent. Vbi cum anchoras suas misissent, diutius tamen immorari minimè potuerunt, sed illis iterum attractis intra vallum humile pressumque quoddam 10. passibus con- siderunt:

derunt: ex quo loco circa vesperam se rursus extulerunt, & commo-
diore situ anchoris naues crediderunt.

Die 10. Generalis excusso tormento, & vexillo suffixo, ViceAl-
miranti signum dedit, vt adueniret. Nam scapham suam Generalis
perdiderat. Quo animaduerso, ViceAlmirās ad Generalem scapham
cum nauta suo misit. Cui reuertenti Generalis ad ViceAlmirantem
perferendas literas dedit, quibus ad colloquium ipsum vocabat, indi-
cabatque, quod propter factum dispendium, vna anchora cum fune
maximè opus haberet.

Die 11. Generalis secundas ad ViceAlmirantem literas emisit, Generalis re-
pulsam pati-
tū. quibus ea damna querebatur, quæ tum anchoris tum funibus per-
ditis perpeffus esset, rogabatque ViceAlmirantem, vt nouis sibi mu-
tuo datis haud grauitè succurrere vellet. Cui cum ViceAlmirans re-
spondisset, se id præstare nec velle nec posse, iactassetque, sibi quam ViceAlmiran-
tis ambitio as-
fastus. Generali non minus potestatis concessum esse: admodum indigna-
bundus Generalis litteras has in tempus cōmodius & opportunius
diligenter asseruauit.

Die 13. circa diluculi horam 3. vento cauro perflante, Generalis Hollandi de-
nūo fretū ad-
eunt, sed fru-
strā. cōtinuandi itineris signū dedit. Trib. ergo nauibus ad freti ostia iterū
perrectū est. Priore vespera quidē celox iam egressa erat, ad anchoram
Generalis requirendā & recuperandā. Nā illi præter duas anchoras, &
funes 100. circiter orgyas lōgas, nihil amplius reliquum erat, quorum
solatio fretum incurrere posset. Sed in inueniendo nō solum omnis
opera ludebatur: sed etiam iam fretum quatuor milliaribus ingressos
procellarum tanta vis adorta est, vt reuerti omnino, & ad Cabo Vir-
gineum, vnde haud pridē soluerant, redire cogerentur. Is enim por-
tus contra hos impetus tutissimus erat. In quo dum morarētur, pro-
cellarum, imbrium, grandinum, niuis ac ventorum nullus foris finis
factus est.

Die 15. Celox, Concordia vocata, postremam anchoram suam Celox ultimā
anchorā per-
dit. perdidit, vt iam ad nauis stabilimē nulla superesset. Tribus ergo con-
tinuis dieb. solis velis prorsum vorsum acta, terræ Fuego tādē suc-
cessit, Capitaneo Pieter Elias in super ex scorbuto admodū infirmo.

Die 18. celox seu Liburnica ad naues cæteras rediit, quæ tum à
ViceAlmirante anchoram vnā pro casibus necessariis acceperat. Ibi-
dem, qui è Generalis nauis pridem ad ViceAlmirantem emissi sunt,
ad suas naues redierunt. Hoc tempore ventus Libonotus perflabat.

Die 21. circa meridiem aquilo spirare cæpit. Festinè ergo attra-
ctis anchoris, tertia vice aditum freti tentarunt. Sed cum ad locum Hollan. tertio
fretū frustra
adeunt. priorem penetraffent iam, cæcia aduerso non nihil incumbente, ob-
liquare cursum coacti sunt. Quæ dum fierent, malus anterior tanto
fragore crepuit, vt parum abesset, quin in tres partes dissiliret. Sic ergo
iterum ad Cabo Virgineum in stationem priorē recurrendum fuit.

Sub dici 22. medium ventus iterū aquilonaris spirare cæpit. Itaq;

*Peri Indi de-
scriptio.*

Anchora perit.

*Fretum quin-
to aditur.*

*Fundo incum-
bunt.*

*Primas freti
angustias su-
perant.*

ViceAlmirans, qui sesquimilliarium interuallo australius in terræ humi-
lis medio à cæteris nauib. aberat, viæ tentandæ de nouo se primū accin-
xit. Interim & reliquæ naues, cum lacerus malus vtcunq; refartus es-
set, vice quarta iunctim fauces freti ingressæ sunt. Quas cum aliquāti-
per exuperassent, solitus vêtus aduersus iterū incubuit, & naues im-
petiuit. Attamen, quod cæteroquin tēpestas ac aër non admodū tur-
bidus existeret, obliquādo vela tentarunt, an fretum, q̄ 14. milliarib.
à Cabo Virgineo, dimidij milliaris amplitudine diffusio, distaret, pe-
netrare possent. Prætoria quidē naus in ipsas freti angustias peruasit.
Sed cum ventum nimis aduersum haberet, cursum proferre longius
minimè potuit. In isthmi huius parte australi virum quendam pallio
siue tunica vestitum, ac ob id Christianum putatum, ad se properare
ocys peruiderunt. Sed cū Generalis ipsius in occursum scaphā emi-
sisset, eum hominē ferum, ac tunica seu pelle hirsuta amictum esse,
viderunt. Is miros saltus ac tripudia edebat, corporis proceritate vul-
garibus viris non maior, & faciem pigmētis delibutus. Vt propius ac-
cederet vocatus, abnuuit. Præter hunc in ora illa homines plures quoq;
viderunt, ad quos cum sclopos suos sexies exonerassent, primo quidē
ferus prior pedem retrò non tetulit, quod, quid id fulmen vellet, non
intelligeret. Postea tamē cōsternatio lento gradu sese alio proripuit.
Hoc ergo nouo nuncio scapha ad naues rediit, quæ diutius vêtorum
aduersitate concussa, ex isthmo iterū eluctari coacti fuerunt. Quem
cum enauigassent, versus orā australem secesserūt, vt in angulo quo-
dā, terræ australi vicino anchoris desiderēt. Ibi, cum fluctuum vis cō-
citatissima fureret, crebra succussatione funis anchorarius adeò in-
caluit, vt veluti exustus fili ritu creparet & rūperetur. Perdita anchora,
in fundum 4. passuum impegerunt. Itaq; vt ad altius mare prouehe-
rentur, maximè laboratum est. Celox in boreali plaga longius à terra
anchoris incūbebat, vbi fluctuū vis nō temnēda gliscebatur. Circa ve-
spērā, cum vêtorum impetus quiesceret, adeundi freti negotiū iterum
susceperunt. Circa diei 4. aurorā summa aëris trāquillitas erat, nisi q̄
aurula leuissima ex oriente spiraret. Vniuersis itaque adeundi freti spe
cursum suū vrgentib. solus ViceAlmirans substitit. Circa horā 8. cum
à crepidine boreali nō abessēt lōgius, bolide 8. passib. missa, paulò post
fundum incurrerunt, in quo cum trium horarum spatium immorare-
tur, perdēdarum nauium metu haud leuiter pcellerantur. Anchora
tamē iactatoria se tādē magno molimine inde rursus expediuerunt.
Vêto autē Euro flāte, Almirās cum celoce tādē diu prexit, dum vêtō cō-
modo primas angustias freti q̄ dimidij milliaris latitudinē non exce-
dit, exuperassent. His trāsmissis, noua tēpestas adeò inualuit, vt ex spu-
ma frequēti vnda totius freti ad alterū vsq; isthmum, à priore 11. mil-
liarib. distātem, ac milliare vnum cum dimidio latum albesceret. In-
tra has duas angustias versus latus boreale 15. passibus anchoras in bo-
no fundo miserunt, quo loco fluctuum vis refractor erat.

Die 25. vento cauro perflante, anchoris attractis vsque ad secundas angustias pertenderunt: vbi cum aliquandiu 10. passus profunditate anchoris incubuissent, tandem optato vento eas penitus transmiserunt. Ad harum latus australe, Cabo seu Sinus quidam, versus austrum admodum declinans, ac Cabo de Nassou dictus, conspiciebatur: à quo duorum milliarum interuallo duæ insulæ sitæ sunt, in quarum minima boreali postquam homines quosdā prospexissent, duabus illic scaphis minoribus ad eos remigarunt. Incolæ verò appellentibus, vt propius non accederēt, nutibus signisq; interdicebāt, ac pinguinas desuper in eos conijciebant. Tandem etiam, cum Hollandi cursum non inhiherent, in admos propius eos tela ac spicula vibrabant. Quibus tamen omnibus contemptis, cum Hollandi ad eos (quadraginta erant) vi perumperent, in fugam versi, loca inaccessa & obscura occupauerunt. Hos ergo, dum Hollandi rapidius insequerentur, antrum quoddam conspicati sunt, ad quod nec desuper, nec infernè propter præcipitiū arduum accessus dabatur. Ex hoc indigenæ in Hollandos confertim missis iaculis tam animosè defulminarunt, vt ipsorum quatuor non leuiter fauciarentur. Qua noxa iam irritiores Hollandi, extrema omnia ad hos conficiendos moliri cæperunt. Nec tamē hostibus potiri istis vllō nisu poterant prius, quam viros vniuersim omnes glandium grandine prostrauissent. Antro itaque iam occupato, foeminas ac infantes superstites tanta consternatione vno glomere implicitas viderunt, vt matres supra liberos, ne glandibus perfoderentur, pronæ decumberent & expanderentur. Hac victoria parta, ex numero isto quatuor pueros, & binas puellas secum abducentes, properè ad naues reuersi sunt. Ex vno horum, postquam linguam Hollandicam addidicisset, postmodum terræ illius conditionem statumque edocti sunt, hoc modo se habentem.

Hollandi fretum perripunt.

Ferorum cum Hollandis conflictus.

Genus hoc seu familia, Enoo dicta, terram incoluit, Cossi nuncupatam. Minoris insulæ nomen Talcke: maioris verò Castemme erat. Hæ pinguinis refertissimæ sunt: quarum carnes indigenis pro cibo: coriū verò seu exuiæ pro palliis, quibus corpus alioquin nudum integunt, faciunt. Hi incolæ sub terra in foueis agunt, quos à firma terra ingressos esse haud temerè quis suspicari posset. Nam eiusdem habitus alij quoque homines ibidem visi sunt, qui pinguinarum auferendarum causa eò commeare solent. In eadem continenti Struthiocameli magno numero inueniuntur, qui capti in cibum incolis veniunt. Hos Talcke vocitant. Feræ præterea aliæ quoque ibidem reperiuntur, quas Cossioni nuncupant. Gentes hæ secundum promiscuas familias, quarum haud paucae sunt, cohabitantes, ita, vt singulis familiis singula, eaque discreta loca competant. Capti enim pueri quatuor aliarum quoque familiarum notitiam habebant: quarum prima Kemenetes dicta, locum Karay: secunda Kennekas, Karamay: tertia

Descriptio ferorum, & horum prosapia.

Quatuor familia Barbarorum.

*Vestes ex Pinguinarū ex-
stis.*

*Fei 11. pedes
longi.*

tertia Karaike, Morinem, inhabitat. Tres hæ familiae, corporis staturam, nobis similem habent, pectore tamen latiore & altiore. Facies suas ac synciput coloribus depingunt. Virorum pudendi extremitas tænia religata erat. Foeminarum verò genitalia pellicula è Pinguinis velabat. Capilli viris promissi sunt: foeminis radi solent. Nudi incedunt, solo ex Pinguinis confecto pallio corpus medium tegentes. Sed & vela huiusmodi ex auibus aliis parant, quæ vocantur Oripoggre, vt & Pinguinæ Compoggre. Huiusmodi tunicae non minore industria cohærebant, quam si à pellionibus confutæ fuissent. Quarta familia Tirimenen vocata, Coin dictam incolit. Sed hi gigantum more vasto ac procero corpore sunt, pedes 10. vel 11. æquante. Hi aduersus familias cæteras frequentius bellatum egrediuntur, quas probri loco Pinguinarum voratores vocant. Ex quo liquet, eos nullo dubio, victu nobiliore vti. Vt nostra tamen fert opinio, carnibus humanis illi vescuntur.

Die 26. iuxta Pinguinas insulas agentes, volucrum istarum 300. circiter cæperunt. Ad has insulas priusquã acceditur, intra duas angustias, breuia occurrunt, insula Pantagoms dicta, quæ insulæ suprâ dictæ minimæ vicina est. Iuxta hanc 6. passibus anchoris incumbebat. Sed cum ad maiorem insulam peruentum esset, breui à terra spatio passuum 7. profunditas notata est. Hæc insula nullis hominibus excolitur, etsi certa quorundam, paulò ante ibidem moratorum, vestigia obseruarentur. A meridie spirante cæcia attractis anchoris, vela ad ciuitatem Philippi conuerterunt, vt inde aqua recenti rursus instruerentur. Vice Almirans autem post ipsos adhuc aberat. Occiduo ergo vento vehente, cursum suum paulò altius versus editiorem terram, niue copiosa conspicuam, direxerunt. Sed postquam ventus aduersus incumberet, ad insulam ipsis redeundum fuit, vbi in parte boreali 10. passibus anchoras fundarunt. Nam in eius insulæ omni ambitu nauium commoda statio erat. Ibi biduo integro, vento Zephyro spirante, sine insigni commodo obhæserunt.

*Sinus æstiu-
lis in freso.*

Die 28. hinc soluentes Zephyro perpetuante, ad continentem progressi, in trāsitu Cetos plurimos viderunt. Sed ad vallum boreale tribus ab insula milliaribus delati, coacti anchoras 11. passibus miserunt: quo loco vniuerso propter fundum fabulosum statio non infida præbetur. Sed hauriendæ aquæ gratia in terrâ remigantes, fluuium amœnum per terram strepentem inuenerunt: cuius tamen exitum prospicere minimè poterant. Locus iste, propter frondentium arborum, & frequentium psittacorum garritum admodum amœnus erat. Qua de causâ eundem Sinum æstiualem nominauerunt.

Sub diei 29. auroram, cum tempestas ac aura admodum serena esset, velis passis ad Porto Famine procurrerunt, vt ligna & aquam pro suis vsibus inde acquirerent. Terra ista longa eminentia in austrum exporrigitur, adeò, vt eminus Terra Fuego cum Terra Pantagoms

goms vna esse appareat. Nam sese quam proximè contingunt. Ad australis huius prominentiæ faciem borealem, duorum milliarium intervallo vadum seu Sinus patentissimus conspicitur: quem cum ciuitatē Philippi esse putassent, illic appellentes 10. passibus naues deligarunt. Sed scapha in terrā egressi, nulla ferè vspiā vestigia reppererunt, quæ de ciuitate Philippi, ab Hispanis condita, quicquam testarentur. Hæc enim ab Hispanis, frigus illius loci diutius nō ferētibus, deserta, misera ruina tota vasta videbatur, saxorū congeriei potius iam, quam ciuitati similis. Ab eo loco fretum Magellanicū quatuor circiter milliariis abest. Vtriusq; lateris mōtes eminentissimi ac præruptissimi, tam æstiuo quā hyberno tēpore niue copiosa obducti visuntur. Sed & terra eadē dumetis ac arboretis frequentib. dotata, satis lignorū ad nouam scapham fabricandā suppeditabat. Cortices arborum his in finibus enatarum, saporis vsque adeò acris & penetrātis sunt, vt non pipere ignauius linguam gustati vellicent ac exurant. In cuius rei fidē fasciculos aliquot istorum corticum secum attulerunt.

Philippi ciuitas penitus vastata & desolata.

Cortex acerrimus.

Cal. Decembr. postquā ex loco illo copiam aquæ nullā parabilē esse viderēt: & præter hoc quoq; dubitarent, an verè is porto Famine seu ciuitas Philippi esset: boreali vento inde rursus soluētes, fortunam aliā experiri maluerūt. Sed cum vix duorū milliarium meta prouecti fuissent, aëris summa trāquillitate facta, fluuio cuidā limpido se propinquos esse viderunt. Apud quem anchoris incumbentes, quanto aquæ modo opus erat, nullo impedimēto hauriebāt. Ibidem ex proxima sylua arborum certa copia promi poterat. Qua causā arborem vnā deiecerunt, vt ex ea trabem infimam scaphæ maioris effingerent. Hæc nox ibidem magna tranquillitate exacta est.

DECEMBER.

Die 2. ventus lapyx perspirauit. Decreuerūt ergo leuatis anchoris circumuagādo quærere, an ciuitatis Philippi certa quædā documenta vllibi captare possent. Quā tamen regionem cum iam dū transmisset, versus austrum directis velis, angulū quendam terræ humilis & prominentis obiuerunt. Hinc terra ad solstitium hybernum porrigitur: quam ambientes, tandem ad prominentiam editissimam appulerūt, Cabo Frouvvaert vocitatā. Et hæc est totius australis prominentiæ in freto designatio. Hinc ergo cū ad terram ex parte aquilonari impulissent, vento dubio propè in orā illisi sunt. Nam locus iste omnis admodū profundus est, ac mōtes desuper in mare longissimè incumbūt, niuib. perpetuis tecti. Ab eo loco fretum quinis circiter milliariis deest. Ab hoc angulo terra lōgo tractu in aquiloze phyrū porrigitur. Quam cū ambiguo vento obiuisent, quatuor ab eadem milliariis. grandi in sinu 18. pass. anchoras fundarunt. Ibi aquæ prompta copia. Terra quoq; herbā profert, nasturtio similē, curando scorbuto admodū idoneā. Arbores longa ibi serie vsq; ad littora procedebant. Quidā è militibus herbā ibi euulsam gustantes, propè ad furorē & insaniā redacti sunt. Qui tamē affect⁹ paulò post iterū mitescebat.

Herba contra scorbuto.

Herba furorē inferens.

DDD Eodem

Eodem statim die ex loco dicto iterum soluerunt, portū commodum & idoneum, in quo scapham condere possent, quæritantes. Sed propter ventum aduersum flantem, milliare vnum superare non poterant, sed portum alium patentem incurritur coacti sunt. Quo loco dispecto, Generalis cum senatu statuit, cum extruendæ scaphæ satis aptum fore.

Die ergo 9. tignarii cum certa militum armatorum parte emissi sunt, qui tentorium, instituto necessarium, erigerent. Sed & milites in excubias dispositi sunt, qui ab incurfu insulanorum tignarios tutarentur. Ad scapham ergo, cuius trabs inferior 37. pedum longitudine erat, sine mora inchoandam festinatum est. Ac vt operæ maturiores essent, fabricam ferrariam etiam in littore exstruxerūt, Carbones ex lignis ipsi parantes. In scapha conficienda dies 12. insumpti sunt: quo tempore ferè semper Fauonius perflabat, nonnunquam adeo impetuosus, vt sustinendis nauibus anchoræ propè non sufficerent. Sinus enim seu portus iste vndique patebat, ac ventis irruentibus apertus erat. Interim ViceAlmirās adhuc infra fretum agebat. Locum hunc Hollandi Sinum Oleuiers vocitarunt.

Sinus Oleuiers.

Henric. Harmensz mortuus.

Die 13. Henricus Harmensz in prætoria naui coquus, qui dysenteria diu excarnificatus fuerat, diem obiit.

Sub diei 14. auroram, cum ventus ob Oriente spiraret, ViceAlmirans tandem ad cæteras naues magno vniuersorum gaudio rediit.

Nauis, Verhagens sociæ, videtur.

Die 15. intra aquilonem ac occasum nauem quandam angulo vicino succedentem conspicati sunt, rati eam ex Pieter Verhagens societate esse. Itaque ViceAlmirans circa vesperam scapha eò peruasit, vt quid nauis esset, certius comperiret. Idè postero die reuersus, significauit, nauem eam ante dicti comitatus sociam esse, & somnium ex Amstelredamo dici, ac in ea Capitaneum Sebalt de VVeert, qui cum fociis in Oceano australi pridem hæsisset, vehi. Hic idem, cum altera naue, quam Suarte Tem nauclerus gubernarat, ex Oceano in fretum repulsus fuerat, cæteris tribus nauibus cursum suum in Oceano continuantibus.

Sebalt de VVeert in fretum agit.

Die 17. Generalis coacto senatu deliberauit, quomodo quaque via iter in Oceanum australem proferendum esset, cum iam rerum omnium necessariorum copia suppeteret. Omnibus ergo rebus penfitatis ita constitutum est, vt, si qua fors tempestatis iniuria in Oceano australi disicerentur, dispulsi ad cæteros in S. Maria insula opperientes cōuenirent. Hæc insula à lineæ australi parte ad littora Chile, sub grad. 36. sita est. Hæc inquam in insula vt disiectæ naues à cæteris expectarentur, nec ante exactos duos menses quoquam solueretur, iunctis votis ac animis statutum est. His sancitis, Generalis scapha recenti ad nauē Somnium pertendit, vt cum Capitano de rebus nonnullis colloqueretur.

Statutū Hollandorum in casu disiectarum nauium.

Die 18. anchoris emotis ex Oleuiers Sinu, in Sinum illum vela fecerunt, quem prædicta nauis Somnium occupârat. Hic à loco, in quo scapham condiderunt, ternorum circiter milliarium spatio aberat. Illic ergo secundum editam crepidinem quandam, Cabo Galanti vocatam anchoras firmarunt. Quo in Sinu prædictæ societatis naues quinque hyberna potissima exegerunt. Portus hic omnium in freto optimus ac tutissimus est: iuxta quem insulæ aliquot in medio freto conspicuæ sunt. Præter has ac Pinguinas aliæ nullæ in freto vniuerso notæ sunt. Quæ etsi in medio quidem aditu interiaceant: secundum eas tamen tuto transiri ac peruadi potest, lignis, ac recenti vnda commodissimas aliàs, & opportunissimas. Cœchæ etiam, ac murices his suauiores, Clipconten nominatæ, magno numero ibi leguntur. His ac similibus testaceis piscibus, qui maxima indies copia suppeditabantur, ipsi maximam hyemis partem exegerant.

Portus quis in freto optimus.

Die 19. Capitaneus Sebalt de VVeert, cum Generali, in cuius naue omnes Capitanei ac officarij conuenerant, ad classem perrexit. Quem cum de statu præsentis rogitaissent, significauit, se lōgius quinque mēsis in freto obhæsisse, & illa mora suorum plurimos, morbis partim, partim aliis ærumnis confectos sepeliuisse.

Sebalt de VVeert ad Generalis nauem adducitur.

Capitaneus iste, qui primò nauem à 110. personis instructam eduxerat, iam plures 38. superstites non habebat. Et postquam cum cæteris nauibus ex freto eluctatus esset, in Oceano australi procellis tam sæuis ac violentis concussus est, vt cum binis nauibus in fretum recurrere cogeretur: cæteris nauibus, à viris ac rebus aliis necessariis munitioribus in Oceano sese sustinentibus, ac mitigatis procellis cursum præsumptum continuantibus. Prædictarum nauium altera ad freti introitum in Sinum quendam admodum profundum & nauibus infidum incurrerat. Quam Capitaneus secutus, cum vidisset, & vitam & nauem ibi præsentem interitum expectare: duabus iam dum anchoris procellarum violentia decussis & perditis, stationem illam ipse ocyus deseruit. Ad quas recuperandas dicebat se scapham suam apud nauem alteram reliquisse: sed ab eo ipsam nondum vidisse. Hæc, de qua diximus, classis nec annona necessaria, nec sufficientibus viris ad tam diuturnam nauigationem conficiendam satis instructa fuerat.

Hæc & alia huiusmodi dum Capitaneus ita longa serie in Generalis naue præsentis ViceAlmirante recenseret: Vēto australi ac medio Euronoto incumbente, ViceAlmirans nemini vale dicto repente ad nauem suam properauit: cumq; eliso tormento discessionis signum dedisset, iter magna festinatione arripuit. Sed quod ventus breui quoq; remitteret, parum absuit, quin violentius in crepidines incuteretur. Quod ceteri è nauib. spectâtes, sese immotos in statione sua cōtinuerunt. ViceAlmirās tamen nihilo ignauius processit, quod

ViceAlmirans solus fretum exis.

ventus iterum aliquātum spirare inciperet. Eo ausu freti etiam limites extremos feliciter enauigauit: & gratulationis ergo ter quaterque tormenta exonerauit. Cæteræ verò naues ad posterum vsque diem in statione sua decubuerunt.

Circa diei 20. horam nonam, vento vulturno spirāte, discessio- nis è prætoria signo dato, Generalis, cum Liburnica, & Sebalt de VVeert naui loco suo soluerunt. Cumque collem terræ promissum obiissent, cursum suum intra occidētem & aquilonem impulerunt, quod via ea fretum etiagaretur. Vento ac tempestate admodum dubia sex horis prouecti, vento mutato, fluctus violento impetu sibi occurrentes experti sunt, ita, vt in aquilonari latere anchoras iactare omnino cogrentur, & quidem longius à terra, quam vt eius quali- cunque tutela frui possent. Biduò ibidem hæsitantes, fluctus admo- dum incertos perpeffi sunt, cum æstus iam continuis horis 12. vio- lentius fremeret, iam horis duabus vel tribus remitteret, & iterum grauius exasperaretur. Ea rerum vicissitudine cum scapha maior damnum acceperisset, vt reficeretur in terra educta est. Nam ibi terra admodum amoena, & arboribus pulcherrimis consita videbatur.

*Sebalt de
VVeert à so-
cio disbelli-
tur.
Sinus Mauri-
tii.*

Die 22. sub meridiem reductis anchoris, cum fluctuum impe- tu freto exire annisi sunt. Sed cum Fauonius aduersus repentè in- cumberet, ad Cabo Mauritij recurrere coacti sunt. Obliquatis autem velis tamdiu vsi sunt, dum iugum quoddam in parte australi freti situm occuparent. Ibi in partis occiduæ securo sinu iuxta orbicu- larem paruam insulam anchoras fecerunt. Sebalt autem de VVeert iugum hoc superare non valens, restes ad Cabo Galanti ventorum vi depulsus est. Sinum hunc Generalis Mauritii nomine initiauit: cuius aditus admodum amplus & patens est, nullo tamen portu in- signis præter eum, quem in insulæ parte Occidentali situm diximus. Insula hæc, 20. aut 30. passibus à continente abest: ad quam cum tri- duo excubarent, cochleas ac Clipcontem magno numero college- runt. Idem locus aquam copiosam ministrat. Ventus hoc tempore ferè semper occiduus spirabat.

*Naues iterum
ingruunt.*

Die 25. ab iis, quos Generalis percontatum emiserat, nuncio relato, ViceAlmirantem in alio quodam sinu vicino anchoris in- cumbere: resumptis anchoris vniuersæ naues ad eum certatim ve- la fecerunt. Quem Sinum cum attigissent, anchoris iactatis haud cunctanter naues stabiliuerunt. Sed portus is non vsquequaque fi- dus erat. Nam profunditas vndæ passuum 40. inueniebatur, & con- tra fremētem Zephyrum nullum adminiculum propinquum erat. ViceAlmirans verò cum nōnullis gubernatoribus, commodiorem portum quæsitum procedens, postquam quatuor milliarium inter- uallo finem quendam reperisset, reuersus eum sociis monstrauit. Sed nec hic moræ longiori aptus erat.

Die 28. in prætoria naue Senatus omnis bellicus congregatus est:

est: vbi nonnullæ querelæ motæ sunt de nouitatibus importatis, ac viceAlmirantis, Jacob Claess, inobedientia, quæ nihil aliud nisi totalem nautarum seditionem parturiret. Quâ causâ cognita, statutum est, vt aliquandiu viceAlmirans in custodia esset, dum causam suam apud senatû diceret, & intentata crimina dilueret. Generalis quidem articulos accusationis suæ singulos scripto exhibuerat: quorum copia vt exhiberetur viceAlmiranti, eidemq; trium septimanarum spatium asserta refutatio imperaretur, senatui visum est. Quod vt præstare posset dexterius, eidem Ian Franss, scriba adiunctus est, qui causæ dicendæ adiutor ac patronus esset. ViceAlmirans autem tantisper in vinculis tenebatur, dum statutum tempus appelleret. Cuius loco & muneri interim Generalis officarium Lambertum Biesman surrogauerat, qui vices Almirantis captiui tantisper ageret. Sed & eiusdē nauis gubernatori Iacob Ianss amoto VVilhelmû Ghysse substituerat.

Die 31. cum in sinu eodem adhuc versarentur (quem sinû Henrici vocabant) ex occidentis & aquilonis plaga tempestatem grauissimam experti sunt, ita vt erutis anchoris versus vallum humiliorum proiicerentur, vbi festinanter anchoras iterum passibus 30. iactarunt. Paulo post vento nonnihil mutato, anchoris emotis ad sinum Mauritiij, miliaris vnus interuallo versus orientem inde distantem, vela proferre conati sunt: in quo etiam anchoras 12. passuum profunditate miserunt. Cæteræ verò binæ naues ad posterum vsque diem in Henrici sinu restiterunt, quo sequentes iuxta prætoriâ confederunt.

An. 1600. die Ian. 2. Generalis cum binis scaphis in sinum Mauritiij pertendit, visum scilicet, quanta meta ille excurreret. Eum ergo perpetuo tractu versus ortum diffundi, ac influentibus diuersis fluminibus augescere animaduertit: ad quorum etiam ostia, quibus in mare exonerantur, ingentem glaciei copiam reperit, quæ nostro iudicio nunquam ibi soluitur ac liquatur. Nam fune 10. passuum longitudinem habente demisso, fundus glaciei attingi minimè potuit, cum tamen iam æstas media vigeret. Hic ergo penetrans scaphis, in fretum, quo loco Cabo Galanti obuertitur, iuxta insulas ibi sitas rediit. Hinc in sinum, vbi Sebalt de VVeert morabatur, pertendit: apud quem Generalis pernoctauit. Postea minore scapha eodem denuo transitu erupit, ac ad naues feliciter rediit. Maior verò scapha foris per eam metam, qua naues prius cõtenderant, obiuit. Hac via confecta terram eam admodum diuisam, ac insulis cohærentibus plenam esse augurati sunt, etsi propter editos montes, continentis ritu, omnia cohærere viderentur.

Cæterum hoc tempore in omnibus nauibus, adhuc 151. maiores minoresq; superstites homines numerabantur, inter quos quatuor ex morbis decumbebant. Hisce in finibus morantes pluuias continuas sustinuerunt, captatum lectumq; conchas nonnunquam excurrentes. Nam præter has quod captarent, nihil erat.

ViceAlmirans
accusatur.

Sinus Hen-
rici.

IANVARIVS.
An. 1600.

Mira glaciei
densitas.

*Capitanei de
VVeere litera
sollicitatorie.*

*A Barbaris
Hollandi 2.
caduntur.*

Sub diei 8. medium maior scapha à Capitaneo de VVeert ad naues venit, quia tesseraius cum signifero & quatuor aliis aduectus Capitanei litteras Generali insinuauit. His suam ad Generalē inopiam conquestus Capitaneus, orabat, vt binorum mensium panibus sibi haud cunctanter succurreretur. Cogitare enim se semel aditam viam continuare, & ad socios suos prima quauis opportunitate appellere. Generalis autem responso dato, cur eius petitioni obsecundare non posset, causas explicuit: sibi ipsimet longam adhuc exigendam metam prostare indicans. Nam fieri posse facile dicebat, vt diutius durante itinere, nec sibi nec sociis annonæ satis paratum restaret. A meridie scapha maior cum minore celoce, conchas venatum in littus egressa est. Cum verò, qui in minore scapha cursu reliquos anteuenterant, in terram exscendissent: à feris Indis, qui è dumetis eruperant, duo illorum in continenti cæsi sunt, & tertius vulnus accepit. Cæteri in scapham resilientes sese saluarunt. Interim dum scapha maiore cæteri, suis armis instructi, approperearent, Barbari in fugam se dantes, cæsos secum abriperunt, haud dubio breui vorandos. Hi pro armis ponderosas clauas, è fune religatas habent, quibus obstantes feriunt. Sed & lignea oblonga tela mittunt: quorum vnum inuentum Hollandi secum ad naues attulerunt. Cæforum nomina erant, Harman de Bitter, gubernator, & Tames de Langenteich. Cæterum, cum è scapha maiore reliqui in terram egressi fuissent, Indos omnes profugisse magno dolore compererunt. Eadem terra multas arbores habet: sed ad necessaria extruenda non æquè idoneas cum his, quas latus orientale promit.

Sinus Meniste.

Die 14. ventus Euronotus spirare cæpit. Itaq; cōficiendo itineri sese accingentes, ad occidentē duorū ferè milliariū spatio promouerunt, iugo cuidā boreali, Cabo Boluto dicto, intēdentes. Hinc fretum recta ad occasum ac septentrionem porrigitur, ex quo breui meta in mare prospectus fertur, cum id tamen ab isto loco 20. integris miliaribus adhuc distet. Freti latitudo hac meta duorum milliariū est. Hinc 12. circiter miliarib. exsuperatis ventus ex septentrione occasuque tanto fremitu incubuit, vt ad portum redire omninò cogerētur. Circa vesperam sinum quendā exilem attingentes, eundē tribus suis nauibus occuparunt. Quæ tamen statio, propter loci patorem & humilitatem non admodum secura erat. Itaq; ad scopulos cominus ita pellebantur, vt in eosdem manifestè impingerent. Et licet anchoris quidem firmiter sisterentur: propter ventorum tamen violentiam periculo non temnendo expositi erant. Sinus hic Meniste, à gubernatore quodam, eius primo inuentore, nuncupabatur.

Postero die in litt^o egressis, tres Canoæ in occursum datæ sunt, à feris hominib. actæ ac promotæ. Qui visis Hollādīs canois illico versus terrā contenderunt, & montē eminentē, infra quem naues suas reliquerant, conscenderunt, vt eas contra Hollandos tutarentur.

Qui-

Quibus cum sua tela ac clauas ostendissent, faxis desuper in scaphas fulminarunt, ad sursum emissas Hollandorum glandes euitandas, Hollandi ab Indis lapidib. feriuntur. admodum expedite & industrie sese post saxa occultantes. Cum ergo ex lapidum coniectu nonnulli in capitibus & pectoribus plagas accepissent, nec ad Canoas penetrare possent: retrò ad naues reditum est.

Die 16. paulo ante meridiem vento vulturno spirante, ex sinu Meniste solutum est. Cum circa vesperam sex circiter milliaria confecissent, vêtum iterum infestissimum, imbris confertis permixtum adepti sunt, vt ad sinum Meniste reditus parandus esset.

Die 17. vento australi spirante, ad signum ab Almirante datum iterum soluentes, sub horam matutinam quintam, Meniste sinum euaserunt. Cumq; tribus vel quatuor milliaribus vêtò bono proferrentur, tranquilla tempestate alias vigente, pluuiæ densissimæ deciderunt. A quibus surgens cæcias, naues iterum retropulsas portum quærere coëgit. Itaque in sinum alium, Anserinum vocatum, à Meniste tribus milliaribus distantem diuerterunt. Vbi etsi quidem statio securior videretur, duas tamen anchoras passibus II. iactauerunt. Sinus anserinus. Eo loco anseres plurimi degunt, ad volatum quidem inepti, sed natandi tamen periti. Horum glandibus aliquot ferierunt Hollandi, & conchas simul necessarias legerunt. Ibi dum agerent, ventis aduersis & pluuiis continuis haud parum infestati fuerunt.

Die 24. Generalis vniuersum senatum ad nauem Mauritij conuocauit, vt iudicio viceAlmirans sifteretur, & causa eius cognosceretur. ViceAlmirans auditur, & condemnatur. Qui cum suam causam tueri satis nō posset, sed reus in plurimis inueniretur: collectis senatus suffragiis, vt in terrā freti Magellanici, priusquam discederetur, exponeretur, damnatus est. Et sententia hæc publicè coram omnibus lecta & recitata est.

Die 26. sententiā publicatam ordinarij executi sunt. Itaq; vice- In terram exponitur. Almirans scapha in littus euectus, ac modico pane vinoq; donatus, ita illic desertus est. Qui quidem propter loci vastitatem effugere non potuit, quin aut fame moreretur, aut à feris deuoraretur ac laceraretur. His confectis, Generalis publicas preces fieri mandauit, quolibet ex ordine monens, vt ex huius pœna superioribus parere addiscant.

Die 28. vento australi perflante, ex Anserino sinu se efferentes eundem breui repetere coacti sunt.

Postea Generalis Capitaneum Pieter Esias viceAlmirantē constitutum, exposito Iacobo Claess surrogauit. Lambertum verò Bieseman Capitaneum nauis Concordiæ statuit. Nouus viceAlmirans creatur.

Die 31. ante auroræ exortum vento ex ortu spirante, leuatis anchoris commodo vento decem circiter milliaribus prouecti sunt.

Calend. Febr. vento cæcia insurgente, ad quærendum sinum FEBRUAR. alium retroacti sunt. Quem cum ingrederentur, prætoria nauis in laten-

Sinus Papisticus.

latentem scopulum impegit, ex quo tamen nullo damno accepto se ocyus iterum eruit. Itaque in sinu isto anchoris 12. vel 13. passuum profunditate confederunt, statione certè propter vallum depressius, & irruentibus ventis nimium expositum, non admodum fecura. Hunc sinum Papisticum vocitabant. In quo dum hærerent, labrocera, procellæque, fulguribus ac tonitribus sæuissimis permixtæ, vndeunque violentissimæ irruerunt. In sinum hunc, fluuius quidam latus se effundebat, ex quo magnam concharum copiam legere licuit.

Sub auroram diei 6. senatum Generalis ad nauem suam conuocauit, vt de statu præsentis deliberatio fieret. Nam propter crebros aduersos ventos, & magnam æstatis partem elapsam, metus erat, vt è freto eluctari deinceps non possent. Quod si ergò fors fieret, vt simul & ventis impedirentur, & ingruente bruma obruerentur, certissimum interitus periculum iam ante fores omninò excubare non immerito videbatur: cuiusmodi infortunio naues quoque Verhagens concussæ sint. His ergò ac similibus exquisita lance pensitatis, binis adhuc ibi obhærescere mensibus placuit. Quo tempore si fretum euadere minimè possent: statutum est, retrò ex freto ad Cabo de Bona Esperance, & hac meta porro in Indiam orientalem nauigare, tentatum, an ibi quid commodi ac quæstus fieri posset.

Die 12. vento priore adhuc durante, & crebris pluuiis aërē obtristante, ex sinu hoc egressis, alium quærere cōmodiorem placuit, modo extremo nisu ex ipso eluctari possent. Rumpendorum siquidem funium ibi periculum impendebat non leue. Quod si fieret, quin in posticum vallum illiderentur, nulla industria vitari posse videbant. Itaq; in sinum Mauritij incursuri, vento tum temporis flāte sinum antiquum egredi minimè valebant. Hoc die prætor in nauis pictor, Gernt de Bonfelay, qui scorbuti immanitate diu excarnificatus fuerat, diem extremum obiit.

Pictor ex scorbuto obiit.

Die 17. prætor in nauis, quæ in antica sinus parte morabatur, ad sinum Mauritij obtinendum, soluit. Cæteræ verò geminæ naues, egredi nondum poterant. A meridie aërë mariq; tranquillo existente, prætor circa vesperam sinum Mauritij attigit, in eo anchoras 18. pass. fundans.

Die 18. euro perspirante, Generalis ex sinu Mauritij iterum soluturus, cum repente summa tranquillitas rediret, & postea venti aduersi magno impetu surgerent, ad eundem reuerti coactus est. Cui paulo post cæteræ quoq; naues sese adiungebant.

Diei 21. aurora micante, cauro vehente cursum continuaturi, vela explicuerunt. Sed & ventus breui iterum residit, & fluctus aduersi violenter impulsæ sunt, vt Cabo Boluto transmitti minimè posset. Itaq; in sinum Mauritij retromeantes, vallo ferè illisi sunt, nec ea nocte portum assequi potuerunt.

Die 24.

Die 24. manè Eurus flans, nouum ipsis ad fretum exuperādum animum addidit. Cum ergò aliquouſq; vento cōmodo in freto processissent, poſt meridiem vento Zephyro ingruente ad finum vſque anſerinum pertenderūt. Itaq; circa veſperam in ſtationem antiquam receſſerunt. Quo loco etſi multi quidem anſeres conſpicerentur, præter duos tamen tunc capere non poterant, quod ſub vndis commodè aliquandiu latere poſſent.

Poſtero die vêtus iterum horæ ſpatio commodus flabat. Dum ergò ſeſe omnes itineri pararent, nondum inſtructis omnibus idem iterum mutari cæpit, vt eo manere loco cogerentur.

Die 27. Zephyrus ſpirare pergebat, tempeſtate alias trāquilla, & aëre ſolis radiis illuſtri. Ibi Generalis cū Capitaneis aliquot ſcapa per fretū traiecit, vt mōtem ibi glacialē, altè eminentē propius ſpecularetur. Eo loco freti latitudo duorū milliarium erat. An verò fluctus ex austro, an ex aquilone inundarent, certò interſtinguere non poterat, *Mons ingens ex glacie in freto.* quod mira agitatione, ac diuerſis vorticib. incōſtanter aqua nūc huc nunc illuc fluitaret. Circa eiſdē diei horam 6. vel 7. veſpertinā, cum tempeſtate cōmoda ex ortu ventus incubuit. Quamprimū ergò Generalis ex latere oppoſito reuerſus eſſet, ex ſinu anſerino emigrandi ſtudio anchoras ſuſtulerunt. Sub noctem itaq; totam, cum ventus ſibi conſtaret, è freto peruadendi ſtrenuam operam nauarunt.

Die 28. manè vulturū cum ſole & tempeſtate clariſ incubuit. Magno ergò animo ac ſpe die illo eo vſque progreſſi ſunt, vt circa veſperam Cabo Deſirado, quod iugum admodum eminens, & in freti latere aſtrali conſpicuum eſt, viderent. Circa veſperam Cabo Deſirado (alias Deſiero nominatur) cominus acceſſerunt, quo loco propter Lunæ facem nonnullas paruas inſulas proſpexerunt. *Cabo Deſiero.*

Die 29. ante exortum ſolem iam dum 6. circiter millia emēſi, Cabo Deſiero tranſierant, vêtō idoneo Libonoto ſpirante, quo concitatus intra aquilonē & occaſum ſeſe ingerebant. Ceterū in ſeptentrionali oceani parte, terra ita humilitate ſua occulitur, vt iugo nullo promineat, ſolis inſulis aliquot, iſq; exilibus in cōſpectum ſe erigentibus, quæ 5. milliariſ à terra aquilonari, & 8. à Cabo Deſirado ferme diſtant. Iuxta modo dictū Cabo vſq; in partē aquilonarē freti latitudo 7. circiter milliariū eſt: quo loco perumpētes, ex periculoſo freto eodem adhuc die in apertum oceanum aſtralem tandem incurrerūt. De quo ſucceſſu, vt fas erat, Deo rerum ac itineris largiſſimo ſoſpitori gratias & laudes infinitas dixerunt. *Ex freto eluſantur in oceanum aſtralem.*

Calend. Martij, procella importuna ex ſeptentrione concuſſi, *MARTIJS.* plenis velis minimè procurrere poterant. Scaphā verò quam in freto condiderant, poſt nauem religantes, tandem propter violentā turbīnū colluctationē, vela vniuerſa colligere coacti ſunt. Cūq; vice almi-
rantē ex cōſpectu ſuo amiſſiſſent, tertiā quartaue vice exoneratis tormētis ſignū dātes, eū tamē haud animaduernerūt. Sed poſtero die ad

EEE

ipſos

ipsum rediit. Hoc loco sub altitudine grad. 53. positi erant.

Die 3. Zephyro perflante, terram quandā intra ortum ac septentrionem eminentem conspicati sunt, quam primo censebant esse freti oram borealem, quod prægressa nocte longius in septentrionem declinassent. A qua terra ut se latius efferrent, vela altius in austrum direxerunt. Hoc loco aer adeo obscurus & tenebrosus erat, ut altitudo capi non posset.

Die 4. procellæ ex occasu perpetuo adhuc frementes, scapham maiorem, pone è naui religatam fluctibus æstuosis tam violenter illiserunt, ut foramen aut rimam patentissimam contraheret. Ipsam ergo cum deferendam peruiderent, vix magno labore ex ea nautas redemerunt & extraxerunt. Tempestas interim nihilominus tanto furore æstare pergebat, ut parum abesset, quin Zephyris violentissimis & tumultuosissimis in vallum vicinum humile impingerent.

*Scapha maior
deseritur.*

Quantocumq; igitur nisu & molimine poterant, versus altius mare eluctari conabantur.

Die 6. austro perdurante circa meridiem solis altitudinē grad. 51. & 15. min. habuerunt, à freto se 40. miliaribus distare rati.

Die 8. solis altitudo grad. 49. erat. Hoc tempore in nauibus vniuersis 147. viri superstites numerabantur.

Die 12. sub meridiem altitudinem grad. 46. tenuerunt. Hora à meridie 2. ventus cæcias ex septentrione perflauit: quo vectore intra solstitium hybernum cum sæuis procellis impulerunt. Hoc loco vice Almirans, qui serius vestigia priorum nauium legerat, longo interuallo ab illis adhuc aberat. Quem paulo post, propter crassissimas ac densissimas nebulas circa vesperam incumbentes, ex conspectu penitus amiserunt. Hunc expectatum, suasu Generalis anchoris quidem naues fistebant. Sed cum nec post horarum duarum elapsū appelleret, cursum suum pertexentes in austrum vela impulerūt. Sic ergo his pergentibus, vice Almirās à societate exclusus est. Hac nocte vento Zephyro in aquilonem cursum est.

*Vice Almirans
socias naues
deserit.*

Postero die circa meridiem tempestate valida ex septentrione ingruente, cursum irrequietiores experti sunt.

Die 17. Eurō noto vehente intra septentrionem ortumq; meta aduersa contenderunt. Solis altitudo $39\frac{1}{2}$. graduum erat. Et ut opinabantur, à terra 30. miliaribus aberant. Gubernatoribus ergo Generalis mandauit, ut ad insulam La Mocha vela facerent.

*Ad La Mo-
cha insulam
pergunt, sed
vana persua-
sione.*

Die 19. austro vehente cursum continuarunt: quo parum aberat, quin longissime infra insulam La Mocha dispellerentur. Nam gubernatores se terræ iam vicinos esse censebant, unde tamen lōgius adhuc distabant. Qua causā suspicabantur, terram à freto Magellanico potius in ortum quam septentrionem excurrere. Circa meridiē altitudinem 37. grad. 54. minut. tenebant. La Mocha verò sub gradu 38. sita est.

Circa

Circa diei 20. auroram, aëreadmodum obscuro ac nebuloso, borea ferente versus terrā visā contenderunt, & eandem circa meridiem attigerunt. Cominus ergò accedentes, eam continentē Chili, intra S. Mariam & La Mocha sitam, deprehenderunt esse.

*Continens
Chili intra S.
Mariam & La
Mocha.*

Die 21. Acutum prominens iugum quoddam conspicati, id insulam aliquam esse censuerunt. Secundum hoc transeuntes, compererunt, ibi firmam terram esse. In hac prominentia multos congregatos homines viderunt, quorum haud pauci equis insidentes oberrabant. Terra ipsa ad conspectum amœna, multis passim locis exculta ac habitata videbatur. Et hic ciuitatis Imperial angulus erat, in terræ penitis introrsum magis sitæ. Hinc diuertentes Hollandi ad 5. vel 6. milliaria insulam quandā prospexerunt, à se in occidentem vergentem: ad quam cum velis incitatis properassent, in eius parte orientali 14. passib. anchoras fundarunt. Et hæc ea insula La Mocha erat, quam paulo ante sub gradu 38. sitam percensuimus. Hæc lata admodum ac magna, in medio sui montem editissimum emittit, qui medijs velut rima diductus & diuaticatus, limpidissimarum aquarum scatebra amœnus admodum ac iucundissimus est. A pede montis ad ripam vsq; planities mera intercurrit.

*Insula La
Mocha attin-
gitur.*

Generalis itaque quendam scapha in oram emisit, qui tentaret, an cum indigenis amicè tractare ac de necessariis contrahere liceret. Hanc prouinciam solus subibat Ian Claess, qui, vt in terram peregrinam exponeretur, iam antea condemnatus fuerat. Contractus ergò aleam tentaturus, mercuras quasdam, vt cultellos, ferrum, corollas precarias & similes, secum asportauit. Quem indigenæ quidem humaniter & cum gaudio admiserunt. Sed quod serum esset, vt postero die rediret iusserunt. Is ergò ad naues reuersus, spem in animis plerorumque haud tenuem suscitauit, annonæ ac commeatus necessarij copiam ibi satis grandem paratum iri. Nam & alias numerosi greges bouum ouiumq; in pascuis oberrare, & terræ omnes passim sedulo excultæ esse, videbantur.

*Ian Claess
emittitur, in-
digenarū sen-
sum explora-
tum.*

Sequente die binis scaphis in terram egressi sunt, aliquot securibus, & cultris Norimbergenfib. in omnem euentū instructi. Cumq; altera scapha quā proximè in terræ angulū (nā ora seu margo omnis alibi admodū scopulosa erat) appulissent: indigenæ cū ipsis tractatū confertim irruerunt: pro qualibet securi ouem, pro cultro autem galinam vnā aut alteram permutantes. Sed & varij generis fructus, vt Maiis, Battatas, Radices, Pompones, & similes, ibi enasci solitos, cumulate conferebant. Quibus scapham minorem replentes, cum binis præcipuis Cassiquen seu loci primatibus, qui vltro ad naues pergebant, ad socios redierunt.

*Holl. varia
permutant.*

Primates hi non humaniter saltē à Generali admissi, sed & laute opipareq; tractati sunt, noctē eam totā cum Hollandis exigētes. Sed à nemine, quid vellent, intelligi poterant: nisi quod nutib. ac signis

quibusdam significare viderentur, quosdam Hispanorum in Baldi-
uie nuper capitis supplicio affectos fuisse. Nam & loca eadem com-
modè pronuntiare poterant, nimirum Arauco & Tuccapel, quæ in
aduerso Chili littore sita sunt sicut, deinceps fusius & explicatius de
his acturi sumus.

*mores indige-
narum La
Mocha.*

Die 23. cum scapha minore in terram iterum egressi sunt. Cum-
que indigenis honoraria nonnulla veluti indufiola, pileos, & similia
obtulissent, cum illis ad locum, qua habitabant, perrexerunt. Is vicus
50. circiter domos, ex stramine intorto erectas, oblongas, & ianua
vna accessas habebat. Hollandos autem Indi intro in suas domos re-
cipere, aut ad vxores propius admittere nolebant. Sed hæ tamen o-
mnes virorum iussu ædibus excitæ, duobus ordinibus in genua con-
federunt seorsum, longius ab Hollandis remotæ. Viri verò iuxta Hol-
landos in truncis proximis confidebant. Ab eo, vetula quædam pro-
diit, ac vrceo fictili potus quoddam genus, Cici dictum, attulit, de
quo Hollandi ad placitum bibebant. Potus iste subacidulus, ex Maiis
(quod ipforum triticum est) & aqua cōcinnatur hoc modo. Vetulæ
ex ætate exdentatæ, Maiis mandunt. Ex masticatione ista madore im-
bibito Maiis, retinetur, dum cū aqua perfectius maceretur. Miscella
hæc si efferuescit, doliis excipitur, & in vsus reconditur. Et quod cō-
primis ridiculum est, superstitione tam fœda excœcati sunt, vt per-
suasum habeant, quo vetulæ annosiores sunt, eo potū generosio-
rem & sapidiorem fieri. Hoc potu Indi promptè inebriantur. Singu-
laria quin etiam conuiuia isto nectare agitant. Pagani siquidem vni-
uersi vno multoties loco congregantur. Quo factò, mimus quidam
ex alto surrecto trunco sonitum & sibilum ore mirum edit, ad cuius
modum cæteri in orbem bibunt.

*Hispanorum
quidam 4. an-
nis in La Mo-
cha egit.*

In hac eadem insula olim quidam Hispanus egerat. Qui post-
quā cum aliis naufragium fecisset in insulæ parte occidua, solus ena-
uit, & ad Indos hos confugit, inter quos etiam quadriennium inte-
grum exegit. Sed his ebriis factis, in cōspectum progredi minimè au-
debat, verum se occultare cogebatur. Cumque non ignarus esset,
quam irreconciliabili odio Indi erga Hispanos flagrarent: cum pri-
matis cuiusdam sorore clam familiaritatem aluit, quæ potcente vsu
eum subinde occultabat. Huius ope ac adminiculo quatuor istis
annis seruatus est. Mos horum Indorum est, vt tot ducant vxores,
quot re familiari sustentare possunt. Inter hos is ferè opulentissimus
est, qui filias plures habet. Has enim qui ambit, vt à patre easdem ad-
numeratis bobus, ouibusque ac vaccis, aut rebus aliis, quibus ac
quantis pater filias censet, redimat, opus habet. Summa libertate
gaudent, & legibus omnibus propè soluti viuunt. Quod si quis al-
terum occiderit: tum homicidium hoc cæsi cognati tandiu vindi-
cant, dum interfectorem simili poena sustulerint, nisi mediis certis
interuenientibus vindices designator molliuerit. Pacificationis me-
dium

*Mochani fili-
as suas ven-
dunt.*

dium Cici plerunque esse solet, quod annuatim reddere coguntur rei. Hoc modo indigenæ Chili ferè vniuersi viuunt, qui iugo Hispanorum nondum subditi sunt. Vestibus tam inferne quam superne amicti sunt: quas ex ouium grandiorum lanis texunt. Hæ oues pro-
 cero & erecto collo sunt: à quarum tergis lana ad terram vsque de-
 mittitur. His ad onera gerenda vtuntur. Lassæ ac fatigatæ nullis pla-
 gis porro agi possunt, sed actoribus suis caput arrigunt aut obuertūt,
 alta voce clamitantes. Harum ouium nullas Hollandis vendere vo-
 lebant; sed offerebant alias, specie externa nostris non dissimiles, obe-
 sas admodum ac plenas. Ibidē pro securibus ac cultris copiosas quo-
 que gallinas ac varios fructus redimebant. Nam continentis huius
 habitatores ferramenta huiusmodi auidē arripiebant, adeò vt pro
 parua mole res multas reponerent.

*Grandes In-
dorum oues.*

Die 24. manē caurus flauit. Hollandi ergò ad fructus plures au-
 ferēdos in littus iterum egressi sunt. Cum verò Indi manibus innue-
 rent, vt propius iam non appellerent: recedentes cum pace ipsis vale-
 dixerunt. Nauibus ergò iam de nouo necessariis rebus omnibus in-
 structis, Generalis discessionis signo dato, cum nauibus vniuersis eo
 loco resoluit, & versus S. Mariæ insulam, quæ à La Mocha 18. milliari-
 bus distabat, cursum suum incitauit. La Mocha verò sub gr. 38. 6. cir-
 citer milliariibus à continenti sita est.

*Ex La Mocha
Holl. soluunt.*

Die 25. sub auroram vento austro, ad occasum æstiuum prope-
 rarunt, S. Mariæ insulam, sub gr. 37. & min. 15. in æquinoctialis lineæ
 parte australi sitam obtentum. Circa diem medium altitudinem 37 $\frac{1}{2}$
 grad. metientes, tribus se circiter milliariibus à continente, & sex vel
 septem milliariibus à S. Maria abesse obseruarunt. Et hanc paulò post
 attingentes, nauem in portu eius quandam conspicati sunt: quam
 primo intuitu ViceAlmirantis esse rati, propius appellentes Hispani-
 cam deprehenderunt. Hæc visis Hollandis, vt ipsis elaberetur, sedu-
 lam quidem operam nauauit. Sed cum rapidius insectantes Hollan-
 dos videret, scaphæ suæ, in qua anchora iacebat, funem præcidit, vt ci-
 tra impedimentum expeditius euolare posset. Ita affecla scapha libe-
 ra, rectà versus terram vela fecit. Intra huius insulæ aquilonem Eu-
 rumque scopuli nonnulli eminent, à terra ipsa milliariis vnus inter-
 uallo semoti. Per hos Hispani intrepidi transmiserunt, aliàs Hollan-
 dorum captiui certissimi futuri. Nihilominus tamen per has ipsas a-
 speritates Hollandi eos alacri animo insecuti sunt. Sed Hispani ad al-
 tum illicò mare velis incitatissimis tetenderunt, sperantes, se laterali
 isto vento manus Hollandorum impunè declinatuos esse. Nauis e-
 tenim ista (vt videre erat) obliquis velis currendi peritissima fuerat.

*Holl. insulam
S. Maria ad-
eunt.*

*Hispanica na-
uis in portu S.
Maria.*

Die 25. cum Hispanicæ nauis insectationi continuam operam
 nauarent Hollandi: ea tamen potiri minimè potuerunt. Et licet sci-
 rent inter se pridem ita constitutum fuisse, vt in S. Maria insula aliæ
 naues alias binis integris mensibus expectarent, id quod ViceAlmi-

ranti absenti quoq; debebatur: nihilominus tamē, ne ab Hispanica naue aliquando proderentur, consultū rati sunt, eandē ponē vestigiis lectis tam diu infectari, dum in venatione eius salutem extremā tentassent. De nouo ergo iam iterum eius infectationi diem impendentibus, circa vesperam malus maior crepare auditus est, ita, vt metu periculi maioris vela sua colligere cogerentur. Sed paulò post, cū per Lunæ facem nauem Hispanicam propter aduersum ventū resistare prospicerēt: celo ce sua instructa (cui Capitaneus Biesman præerat) ipsam iterum velocius infectati sunt. Ista nocte flāmas multas ex aduerso insulæ, in terræ loco quodam, Lauapie dicto, emicare viderunt.

*Hispanica na-
uis corripit-
tur.*

Die 26. cum persecutionis nauis Hispanicæ nedum animū deposuissent: eandem circa 8. aut 9. diei horam Celox corripuit, ac in illā tormētis strenuē defulminauit. Etsi vero & ipsa nauis Hispanica (quæ æneis tormentis duobus munita fuerat) in Celocē exploderet: tandē tamē se dedidit, aduentumq; Generalis victorum mandato expectauit. Quamprimum is appulisset, Capitaneus Hispanicus cū pilottis ac officiariis cæteris (nauclerus enim nauis huius in insula remanserat) ante ipsum in genua prouoluti sunt, veniā ac vitam deprecantes. Quibus cum Generalis vitæ potestatē fecisset: anchoris iuncti eodē loco decubuerunt. Quærenti Generali, qui essent, quid actum venissent: responderunt Hispani, nauē eam Regiā esse, missam, vt Arauco, & Conseptie incolas farina, lardoq; instrueret. Hos n. cum illius loci Indis graui bello decernere. Farinæ vero 30. saccos in nauī iam dū esse: sed lardum post biduum demū importandū fuisse, vt his prima occasione in Arauco (quæ supra S. Mariam 4. miliaribus à Chili littore, vbi Hispani quam proximē ad mare Castellum tenerēt) contenderetur.

*Hollandis ad
S. Mariæ in-
sulam redire
non licet.*

Porro cum ex Pilotto Generalis percontaretur, putaretne fieri posse, vt ad S. Mariæ insulam, infra quam iam longius deiecti essent, redascenderent: propter austrum ibi ordinariū, id neutiquam impetrari posse comperit. Commemorabat enim Pilottus, quod ex Conseptie ad S. Mariam insulam ascendere, tertia quidem vice admodum sedulo annisi: sed re omni frustra tentata, toties reuerti compulsi sint: tam quod venti perpetuo obstātes repulissent, quam quod remum, procellarum ac fluctuum immanitate confractum perdidissent.

Referebat etiam inter alia Capitaneus cū Pilottis, quod in Conseptie mandatum acceperant, vt accurata diligentia, specularētur & attenderent, quæ nā ex freto naues hāc transiture essent: & vt hāc rem ad naues militares, in Lyra excubātes, ocyus denunciarent. Harum enim binas optimē instructas, prædæ spe in Arica morari.

Quibus cognitis, trutinatoque rerum, qualis esset, statu, quod nimirum Sanctam Mariā recuperandi spes nulla restaret, cū iam ad gradum 35. descendissent, & vêtos perpetuo aduersos habituri essent: Generalis cum Capitaneis ac gubernatoribus decreuit & statuit,

vt ad

vt ad S. Iago portum, aliàs Val Paroiso dictum, ac sub gradu 33. situm vela cursuque deflecterentur. Id quod citra moram quoque subito inceptum est. Hic itaque cursus in causa fuit, quod ViceAlmirans ad socias naues nunquam postea rediret. Cum enim ipsum eo loco nō offendissent: à S. Mariæ eum tota via aberrasse suspicati sunt, hac de causa, quod in Mappa illa, quam Petrus Plantius edidit, insula hæc sub gr. 36. in lineæ australi parte posita sit, cum tamen ipsa experientia doceat, eandem sub gradu 37. min. 15. omninò collocatam esse. Quo & ipsi facile seduci potuissent, nisi commentaria Anglici Capitanei Melis secum habuissent, ac euoluissent. Nam & ex Verhagens societate quidam, Dirick Gerritsz eodem errore ex hac mappa deceptus est, sicut ex eo scripto liquet, quod de hac read Generalem misit.

Holl. in S. Iago pergunt.

*ViceAlmiran-
tem omninò
deserunt.*

*Mappa Plan-
tiana error.*

Idem Capitaneus Hispanicus Generali significauit, ex societate Verhagens in Insula S. Mariæ duas naues incurrisse, Generali Symon de Cordes subditas. Quem, dicebat, in terra firma vnà cum aliis 23. viris ab Indis trucidatum ac peremptum esse, hac causa, modoque.

*Symon de
Cordes ab In-
dis in Lauapia
insula casus.*

In S. Mariæ insulæ opposito, iugum quoddam seu promontorium Lauapie dictum esse. Ad hoc annonæ & refectiōis quærendæ spe Generalem excurrisse, ac à perfido Hispano, cum Indis agente, in terram è nauibus prolectum esse, prætextu familiaritatis ac amicitiae contrahendæ. Ita credulos illos, in terram egressos, ab Indis obrutos, stratos ac cæsos fuisse. Nec Indos quidem, eos Hollandos esse, compertum habuisse: sed contra Hispanos victoriæ hanc commoditatem offerri, credidisse. Et hac ipsa de causa quoque accidisse, vt cum singulari triumpho Hollandorum capita hastis ac lanceis suffixa gestantes ad Conseptien venirent, & trophæa ista Hispanis (qui Conseptie imperitabant) in probrum ac diuidiam ostenderent. Hoc ergo iam damno accepto, naues dictas binas, quarum altera Generalis, altera Iacobi Quack erat, in S. Mariæ insulam secessisse, vt amicabili tractatione necessariam annonam ibi acquirerent. Tunc Gubernatorem Conseptie fictis verbis & largis promissis Hollandos escasse, & Capitaneum suum, qui porcos aliquot & certum fructuum numerum ipsis impertiret, amandasse: vt hoc scilicet compendio Hollandi commodiori tempore præseruarentur. Id quod olfacere Hollandis non admodum arduum erat. Capitaneus siquidem, qui ab Hollandis lautius tractatus est, annonæ plus impertiuit, quam in mandatis haberet. Tum & vino madidior, nescio quæ suspecta verba emisit. Ex his enim intelligebant, Gubernatorem de his binis nauibus Lymam nuncios ac indices misisse, quod binis ibi mēsis moram facturæ, & suos socios operituræ essent. Nec enim idem ignorat, quod ob cladem prius acceptam Hollandi admodum infirmiam essent, secumque vix 60. viros haberent, & penuria annonæ graui laborarent: Adeò, vt vi intentata facile expugnari ac deuinci possent.

*Quid nauibus
binis Cordes
acciderit ad
S. Mariam.*

possent. Postquam ergò, vt diximus, commemoratæ binæ naues technas ac dolum Gubernatoris intellexissent: tum eas ex portu S. Maria soluisse, nec quo peruaferint, cuiquam compertum esse. Paulò post ergò 4. instructas militares naues ex Lyma ibi appulisses; & hanc, quam Hollandi iam cæpissent, illarum Celocem seu Liburnicam fuisse. His 4. nauibus vltra 700. milites in Conseptien, oppugnandorum Indorum causâ inuectos fuisse, ac Hispanos cogitasse, duas Hollandicas naues, quæ iam dum soluissent, inuadere & obtruncare: ac re hac comperta, Capitaneum illum, qui à Gubernatore emissus ad eas abiisset, captiuum factum, ac proditoris loco in Lymam adductum fuisse.

Hispanis Hollandica classis diu ante aduentum prodita.

Hispani quidem in Lyma iam ante annum venturarum Hollandicarum nauium nuncium acceperant, tam certum, vt & nomina & cognomina tum Generalis, tum cæterorum primariorum præscita haberent. Itaque ad rumorem hunc omnis ea terra mota, & naues militares reb. omnibus munitæ & instructæ sunt, vt aduenas hostiliùs inuaderet. Cum ergò intellexissent Hollandi, ibidem cum fructu ac quæstu minimè morari licere, & propter interdictum regium alias quoque nulla cum Hispanis commercia fida & quæstuosa fore præscirent: deserto illo loco, die 28. Martij sub auroram promontorium quoddam Punte Coronne dictum, ac duobus miliaribus à S. Iago vel Val Paraisæ absitum appulerunt. Duas ibi naues hædere, Pilottus Hispanicus dixerat. Itaque ad portum illum Hollandi intendebant. A quo cum non abessent longè, clara die fulgente, maritimi incolæ appellètes Hollados de edito monte cõspicati sunt. Ab eo confestim se eques quispiã videndum exhibuit. Cæterum cum nauibus istis in portum propius penetrare non possent, viderentque in eodem grandem nauem vnam cum quatuor aliis in propinquo stare ac apparere: Generalis duas scaphas, 20. circiter sclopetariis munitas fortunam ac rem tentatum emisit. Ipse met autem Generalis in sinu vicino 30. passibus naue sua confedit. At Liburnica, cum nuper capta Hispanica naue, sub velis manserunt. Itaque cum scapha emissitia minor, quam 8. viri moderabantur, ad nauem in portu successissèt, multos quidem in ista homines, sed meros Indos viderunt. Nam Hispani pleriq; eruperant fuga, optima & præstantissima quæque, quæ casus permittebat, secum abripientes. Indi verò cum ad Hollandorum appulsum ad arma properarent: securitatis maioris gratia Hollandi eos magna ex parte trucidauerunt, & è naue in pontum exturbarunt, quotquot eorum reliquos inuenerunt. Numerus cæsorum 40. circiter erat; inter quos nonnulli duces ac officarij alij numerabantur, sicut postea à puella quadam, quæ se illic occultaue- rat, & Hispanicam linguam perite calluerat, edocti sunt.

Hollandi Hispanicam nauem occupat.

Altera scapha maiore Hollandi ad cæteras naues properarunt, quæ viris vacuæ erant. Hi enim in terræ margine cubabant. Itaque,

qua

qua Hispani bona è nauibus extulerant, scapha ab Hollandis reducta est. Hæc dum agerentur, alia naus quoque inde soluit ac profugit: inquam Generalis, vt & capta naus, cuius Capitaneus Claës Pieterss constitutus erat, tormenta sua exonerarunt. Hanc etiam Claës Pieterss tandem attigit cæpitq; . Capta hæc ad terram ocyus contendit, & bonis citius exonerata est, quam à nauibus Hollandorū occupari posset. Hac deinde ab Hollandis ascensa, vexillum eius Generali honorario exhibitum est. Naus nomen Los Piccos erat, & 80. circiter onera capiebat. Generalis autem pluribus emissis mādauit, vt vacuæ naues igne exurerentur, ac recens capta ad classem iungeretur. Postea his confectis iussit, vt omnibus paratis ac adornatis hinc soluentes discederent, dicens, se è vestigio pone ipsos infecuturum. Interea vnà ex ardentibus nauibus rectà ad Generalis nauem impulsà est: quod rectà ex sinu ventus perflaret, à meridie ibi ordinarius. Flagrans hæc naus violento impulsu rectà in Almirantis proram imegisset, nisi prouida opera funibus anchorariis præcisiss, eadem isto loco emota fuisset. Sic anchoræ periculo naus seruata est: quam cæteræ illicò infecutæ sunt.

Alias Hispanicas naues capiunt.

2. naues exuruntur.

Prætoria periculum.

Anchora perditur.

In Piccos nauem Generalis 14. viros disposuit, qui gubernandæ & tuendæ illi vacarent. Arcæ autem Cistæque ab eo reseratæ sunt, bonorum parte maxima in naues alias tralata. Credibileq; erat, eam nauem plurimo auro ac mercibus præstantissimis, ante expilationem oneratam fuisse. Quæ in ea reperiebantur, hæc ferè bona erant, seuum ouillum, vinū in potissis, poma, coria præparata, Oliuæ conditæ, Manteque de Porco, Coquos nuces, & tres equi, quos tamen profugi è naui exturbarant.

Quales merces in Picco inuenerint.

Portus hic Val Paraiso sub gradu 33. à lineæ austro situs est: à quo pedestri itinere terra S. Iago 18. miliaribus penitus distat. Ibi vnica saltem casa erecta visitur, in qua merces suas recondunt aduenæ. Quæ verò inde auehuntur, vt sunt vina, & similia alia, eadem ex ordine secundum littora exponuntur, cum pluuiæ isto loco rarissimæ incumbât. S. Iago quidem vini copiosi feracissima est, quod tum colore tum sapore rubrum vinum Gallicanum æmulatur. Sed & poma & cotonea ingenti numero ibidem proueniunt. Greges ouium ibi numerosæ sunt, quas solius seui auferendi gratia mactant, quo plerumq; integras naues grauant. Vniuersa terra admodum fœcunda, & variorum fructuum proma largissima est.

Ibidem Generalis literas accepit, à Dirick Gerritsz allatas, qui naus ex societate Verhagens, volitantis cordis dictæ Capitaneus erat. Is Germanico idiomate ad suos populares perscripserat, magna cum egestate ac ærumna portum Val Paraiso se obtinuisse, ac vix nouem sanos ac vegetos secum aduexisse. Summa ergo se necessitate cōpulsum, ipsummet cū vexillo pacificatorio in terram egressum esse, ac cum inde genis amico cōtractu de necessariis pacisci vo-

Naus Verhagens sociæ, ab Hispanis capitur.

luisse: sed obrutum ex insperato, ac glande per femur traiectum, cum sociis omnibus captiuis in S. Iago abductum esse. Porro, quod nemo sanus amplius in naue reperiretur, eandem ab Hispanis expilatam, ac in Lymam missitatam abiisse. Hæc & alia literis suis ad Hollandos conquestus est: hoc addito, quod cum scriba suo, iuvene ex Hagis oriundo vinculis durissimis obtereretur. Ex quibus certè iā non obscurum esse poterat, quā proba, fida, & secūra commercia cum Hispanis agitari queant.

Prædictus Dirick Gerritsz à S. Maria insula aberrauerat. Qua causā (vt literis querebatur) in ediam ac famem acerbissimā perpeffi sunt: ita, vt aut fame mori, aut hostium libidini se offerre omninò cogerentur.

APRILIS.

Calen. April. circa vespere horam 4. grandem sinum, Porto La Guasco dictum, ac sub grad. 28. minut. 30. in lineæ australi parte situm incurrerunt, qui admodum idoneus, scopulorum ac impedimento-
rum aliorum periculis omnino caret: in cuius confini fons etiam limpidissimus, La Guasco vocatus, scaturit: cuius tamen vnda hau-
stu admodum periculosa est. Domos ibi nullas videre est: cum indi-
genæ terram penitiorem occuparint, variorum fructuum feracem,
etsi arborum copia non magna ibi sit.

Los Piccos
qualia bona
vexerit.

Postero die Generalis ad nauem Los Piccos contendit, spectat-
urus, quibus mercium generibus onusta sit. Moles ergo plurimas se-
ui ouilli ac præparati corij inuenit: vt & cistas aliquam multas po-
mis vulgaribus refertas, multas ollas vino oleoque ac adipe suo plenas. De quibus prolatis, Generalis partem quandam pro vsibus
suis referuauit: partem alteram in mare exturbauit. Nam, quæ socie-
tati commoda essent, pauca reperta sunt præter obtritæ nonnullas
vestes, & res alias leuiusculas. Nam pretiosiora iam ante exinanita
fuerant.

Eo loco tres vel quinque dies insumpti sunt, dum commodè ne-
cessariis naues omnes instruerentur, Captum apud S. Mariam Capi-
taneum cum sociis quoque versum secum prouehentes. Capitanei
nomen, Francisco di Buarra, Pilotti verò Iuan de Aual erat. Hi cum
septē aut octo aliis Hispanis, binisque sclauis constanter affirmare per-
gebant, quod præter primo recensita bona, merces alias nullas vexis-
sent. Cumq; Generalis ipsemet quidē diligētissimè omnia perlustrari
curasset, præter 30. saccos farina plenos, & nonnulla ligna, rogo alendo
destinata nihil reperit. Nauis hæc, Bon Iesus vocata, 30. onerum erat.

Dum in prædicto La Guasco portu morarentur, recentem ex
fonte aquam hausturi, propter maris inundationem ac illisum sca-
phas adigere minimè potuerunt. Fontis enim riuus minor est, quā
vt adiri scaphis queāt. E militibus Hispanicis quidam ad penitiorem
terram 4. vel 5. miliaribus profectus, fructus optimos, vt Melones,
nostris multò pleniores & sapidiore, ac vuas, ficusque cum gallinis

acouis nonnullis, secum retulit. Illius tractus Indi omnes sub iugo Hispanorum feruiunt.

Die 5. Generalis Capitaneum Francisco di Buarra cum sociis omnibus liberum dimisit, postquam summam ei familiaritatem & donaria multa obtulisset, hoc fine, vt vicissim æqua humanitate ac fide Hollandicum Capitaneum Dirick Gerritsz, in Lyma captiuum tractaret. Quod cum Generali recepisset: cum omnibus suis præter Pilottū, duos sclauos Æthiopes, duos pueros Mestisches, ex Hispani ac Indi congressu natos, in terram expositus est.

*Capitaneus
Hispanus di-
mittitur.*

Sed tum temporis nondum quicquam compertum habebat Generalis, de ingentibus illis diuitiis, quas nauis Bon Iesus vexerat. Eas enim Hispanicus Capitaneus in mare proiecerat, sicut postea indicijis ferioribus cognouerunt.

Die 6. Generalis senatum bellicum conuocauit, vt de quodam Jacob Dirckss, Leydano, remige, comitia fierent. Is enim furti alligatus est, quod nautis panes surripuisset, & ex cella penuaria Bottigiam olei abstulisset, & furta plura præter hæc designasset. Cuius accusationis cum se reum professus esset, damnatus est, vt glande perforeretur aut traijceretur. Qua poena publicè recitata, paulò post etiam affectus est.

De fure quodam supplicij sumitur.

Eodem die Generalis cum Capiteano Lambert Biesman & Claess Pieters, Bon Iesus nauis præfecto de itinere continuando de liberauit. De qua re cum Hispanici Pilotti Iuan de S. Aual consilium peterent, respondit is, in Lyma tres expeditissimas naues Regias morari, quarum hoc vnicum institutum sit, vt aduenas aliunde naues infestarent. Sed & ipsum ViceRegem in Lyma residere, ad quem copiae omnes ex omni Peru ac Chile, imo vniuerso australi Oceano lectæ confluxissent. Cæterum ipsas naues robustissimas, 24. tormentis æreis, ac 300. peritissimis militibus munitas ac instructas esse. Monitor insuper erat, vt res suas prouidi agerent, ac citra sanam deliberationem incauti nihil molirentur.

Tres naues Hispanica cõtra Hollandos armata.

Hollādīs itaq; optimum visum est, vt secundum littorum longitudinem vsq; ad 15. gradum procurreretur, & postea infra Lymam ad grad. 8. vel 10. declinaretur, cum dicta metropolis Lyma sub grad. 12. & 30. minutis; Aricka verò ciuitas sub grad. 18. & minut. 40. sita sit, in qua omne ferè argentum oneratur aut conquiritur, quod illinc ex Potosi, & hinc in Lymam porrò infertur. Ex Pilotti sermone liquebat, ibidem alias quoq; duas naues, Regium argentum auecturas, expectare. Quibus omnibus pensitatis opportunissimum visum est, ad S. Francisci promontoriū, sub grad. 12. in lineæ parte boreali situm decurrere, vt, ad quod omnes naues ex Lyma, Panama, & Acapulco cōgregari solerent.

Quo loco Regis Hisp. argētum oneretur.

Hoc ergo fine sub noctem mediam soluētes, portu La Guasco, grad. 28. minut. 30. iuxta Chili littus sito egressi sunt.

*Descriptio
Peru ac Chile
regionum.*

Cæterū littoris ac regionis Peru & Chile, hæc ferè ratio & conditio est, sicut à Pilotto, qui de hac causâ à Generali seriò rogatus est, accepimus.

Chile.

Chile, sub gr. 44. in lineæ parte australi sita, grandis & patens insula est, in plurimarum insularum faucibus posita : quas omnes in ambitu Hispani habitant, Gubernatori generali subiecti. A quo tamen integri anni spatio Hispani nulla mandata acceperāt, secundum quæ sese gerere deberent. Ouibus ac lanis maximè abundāt: ex quibus vestes, omnium in Chile nobilissimas, parant.

Osrne.

Osrne ciuitas grad. 42. subest, continenti contigua, Baldiuiæ aliquantò maior, ab Hispanis habitata, qui suum ibi Gubernatorem attendunt. In hac lintea ac panni lanei plurimi parantur.

Ville Riche.

Ville Riche in terra firma Baldiuiæ orientalis est, ab ea 20. aut 30. miliaribus seiuncta. Hæc & ipsa multis Hispanis habitatur. Lintea ac vestes Indicæ in hac numerosè conficiuntur, quibus sua in ista terra commercia agitant. Easdem etiam in Coquinibo & loca alia finitima exportant.

Baldiuiæ.

Baldiuiæ iuxta fluentum sub grad. 40. posita, in eum 4. ferè miliaribus effunditur. Locus is Hispanis multis, sub Gubernatione Alonzo del Campo, excultus est, effosso vberimè auro, ac asseribus radendis admodum insignis. Hi in Lymam ac loca alia transfuehuntur. Hanc Baldiuiam ciuitatem Indi, Chile accolæ Anno 1599. in Nouembr. expugnarunt, ac Hispanos vniuersos in ea obtruncarunt. Hodie verò iterum à prædicto Gubernatore & 200. Hispanis habitatur.

Toltyn.

Intra Baldiuiam ac Imperialem gentis efferæ quædam familia sub 3. vel 4. Hispanis dominis agit, Toltyn vocata. Hæc & ipsa contra Hispanos seditionem mouerat. Ibidem panni quidem plurimi, sed rudes tamen ac ignobiles texuntur.

Imperial.

Imperial ciuitas, in principio ante Hispanorum aduentum à 300000. Indis habitata fuit: ex quibus, 20. tantum Hispani 200000. circiter trucidauerunt. Hi Hispanos immortales esse crediderant. Post hanc stragem editam, eo loco Hispani Episcopatum fundauerunt. qui tamen hodie propter crebras Indorum seditiones vastatus ac desolatus est: velut & hodie ab integro anno nihil de ipsis, grauissima obsidione cinctis comperire licuit, vt metus sit, eos funditus ac radicitus excisos aut extirpatos esse. In Imperial auri grandes massæ eruuntur. Iuxta hanc fluuius recentissimus in mare se exonerat, prope fauces tamen ita aridus, vt nulla scapha adiri queat. Hæc 5. vel 6. miliaribus in penitiore terra sub grad. 30. minut. 30. sita est.

Angol.

Angol 30. ab imperial, & à Conceptie 12. milliarium interuallo distat. In hac plerunque 200. Hispani milites aluntur, Gubernatori Don Guan Rodolpho Lusperge, cuius parens VVitteberga oriundus erat, attendentes. Hic vestes Indicæ copiosæ farciuntur, & auri

auri haud modicū eruitur: cuius tamen effossiones propter frequentia bella ferè languescunt.

Tuccabel intra La Mocha & insulam S. Mariam in terra firma *Tuccabel.* sub grad. 37. min. 30. sita, portu nullo insignis est, sed statio in littoralibus quærenda est. Hos fines, exactis Hispanis, Indi pro se suisq; tuentur, ad quos illis accessus non datur. Promontorium de Lauapie iu- *Lauapie.* gum illud est, quod insulæ S. Mariæ opponitur. Hoc alias inexcultum tutam contra austrum stationem habet: quo loco Symon de Cordes cum sociis trucidatus est.

Arauco à S. Mariæ insula 4. ferè milliaribus distans, ab Hispanis *Arauco.* colitur, qui castellum ibidem, 80. ferè militibus seruatum extruxerunt. Extra quod tamen ab Indis, iuratis hostibus, satis tuti non sunt.

S. Maria insula sub grad. 37. min. 15. duobus circiter à terra firma *S. Maria.* milliaribus sita, Hispanis gubernatur.

Conceptie in ora seu margine oceani sita portus est, in quo Gu- *Conceptie.* bernator Don Francisco de Quisones de Chile residet. Eodem loco castellū quoq; celebre est, ex quo nuper propter Indorū seditionem, 700. circiter milites aduersos illos educti sunt. Promendo auro locus hic cum quouis alio certare possit.

Siliau penitus intra terram, 30. circiter milliaribus à Cōceptie *Siliau.* absita, Hispanis 150. & Capitaneo, Michiel de Chilue custoditur. Hæc regio, etsi quidem parcius aurum gignat, vino tamen & fructibus ceteris, ad victum commodissimis, haud incelebris est. Terra hæc cum S. Iago quodammodo conuenit. Et hucusq; Hispani propter continuos Indorum insultus bella gerunt.

S. Iago ciuitas, 18. milliaribus intro versus terram sita portum *S. Iago.* Val Paraiso, sub grad. 33. habet. Hic locus omnium de Chile præstantissimus est, utpote Episcopatu insignis. Gubernatoris præfectus hic agens, Biscarre vocatur. Vinum, seuum, poma vulgaria, & fructus Hispanici similes, hoc loco abundant. Sed & summa frumenti ac pecorum copia hic reperitur. Per omnem hanc prouinciam equorum tantus numerus oberrat, ut & gregatim in syluis agere videantur. Huius indigenæ hastati ex equis magna parte hostes expugnant.

Coquimbo ciuitas 60. ferè milliaribus à S. Iago sub grad. 30. *Coquimbo.* sita, Hispanis, qui Indos omnes indigenas exciderunt, caret. Indis extirpatis, iam Hispani non habent, qui aurum eruant, etsi fodinæ auri ac cupri numerosæ reperiuntur. Vini autem & fructuum similium locus iste feracissimus est.

Guaasco, sub grad. 28. & min. 30. sinus est, incultus ac desertus. In *Guaasco.* terra hac vites enascuntur, & fructus alij, comprimis Melones, tam grati ac iucundi saporis, ut meliores in nullo vsquam Europæ tractu inueniantur.

Morre Morrene, sub gradu 23. & min. 30. sterilis & hominibus *Morre Mor-* inanis est. Ad hanc tamen subinde quidam, qui 12. mill. interuallo in *rene.*

penitior terra habitant, piscium captandorum gratia excurrunt, quos ficcant, Siccatos deinde Pottoisi incolæ mercantur.

Rio de Loa.

Rio de Loa & ipsa piscatu insignis est. Hæc 12. gradibus subiecta, nonnullos Hispanos alit. Pars pleraq; pauperculis hominibus, qui piscatui soli vacant, excolitur & habitatur.

Terrepaca.

Terrepaca, sub 21. grad. posita portum Icaise habet. Eadem piscatu quoq; insignis est. Bituminis hic quoddam genus odoratissimum legitur, quod Ariccæ incolæ inde auehant.

Pissago.

Pissago portus seu sinus admodum idoneus, sub grad. 20. iacet. Huc vinum infertur, quod Pottoisi incolæ cum aliis mercibus auehant. Cæterum ab habitatoribus locus sterilis est.

Aricca.

Aricca ad maris littora sub grad 18. min. 40. sita est. Ibi regis argentum ex Pottoisi aduectum, nauibus imponitur. Qua de causa vicino castello munita est, in quo quatuor tormenta, duo maiora, & duo minora disposita visuntur. Eadem ab Hispanis colitur, quorum præfecti sunt Martyn de Vallet & Meistro del Campo.

Punta de Hile.

Punta de Hile portus quondam fuerat ante Pottoisi. Ibidem ædes adhuc nonnullæ visuntur. Hinc farina & annona alia auehitur.

Ciloca.

Ciloca portus est, promontorio insignis, sed propter angustias vicinas aditu difficilis. Is ante Arequipam est, ciuitatem Hispanis refertissimam. In terra hac vinum, triticum, ac fructus plurimi proueniunt. Sed eadem & ouibus Indicis ac mulis abundat, sub grad. 17. & min. 30. sita.

Camana.

Camana, 6. miliaribus vltius secundum littorum porrectum excurrit, vini ac variorum fructuum ferax, Hispanis subiecta. Hinc bona omnifaria in Chilca auehantur.

Oconghe.

Oconghe vallis est, vini feracissima, ac Hispanis exulta.

*Les Lomes
de Attico.*

Les Lomes de Attico iugo seu monte insigni conspicua est: à cuius tergo vadum quoddam visitur, ad quod Accary locus habitatissimus situs est.

La Nasca.

La Nasca portus est, iuxta Portum S. Nicolaess commodissimus, Hispanis vndiquaq; habitatus, qui eo loco præfectum suum habent. Ibi vinum nobilius vniuersa Peru ac Chile prouenit.

*Paraco &
Pisco.*

Paraco & Pisco, portus duo sibi vicini sub grad. 31. min. 30. siti sunt. Ab his 18. mill. interuallo in penitior terra ciuitas Ica collocata est. In nullo Peru loco vinum abundantius prouenit. Nam quotannis 300000. Pottisen vini ad minimum ibi capiuntur.

Chinca.

Chinca portus littoralis est, cui præfectus Hispanicus imperat. Locus hic ingentem quotannis hydrargyri vim promit.

Cangueta.

Cangueta ipsa quoque Hispanis subiecta, abundanter triticum Maiis, caseos, & varios fructus promit.

Lyma.

Lyma sub grad. 12. min. 30. in lineæ australi parte sita, Metropolis totius Peru est, & sedes Gubernatoris Regij, Don Lovvys de Valasco dicti, qui vnà cum Archiepiscopo omni Peru ac Chile imperitat.

Ciui-

Ciuitas hæc amplissima est, nullis portis munita, ac variarum nationum populis habitata. Ibi naues militares in statione latere solēt. Sed ad hanc aliæ quoq; ex omni littore naues congregantur, in sinu eo, qui Callau de Lyma dicitur.

Generalis nauium militarium præfectus Don Guan de Valasco prænominati Regij Gubernatoris affinis est. Terra hæc pluuiis aut nunquam aut rarissimè tētatur. Nam ab omni eo tempore, quo Hispani ea loca tenuerunt, pluuisse vnquam non meminerunt. Et tamen solum frumenti ac variorum fructuum copia fecundissimum est, ita, vt vna tritici spica duplo plus Hispanicis spicis fundat. Fruges quotannis bis colligunt: ita nimirum: Si agros 20. milliarium spatio in penitior terra semināt, eodem tempore, in parte altera maritima *Messia dupla.* frumenti messem faciunt. Vicissim si in Lyma agri conseminantur, tum in penitior terra messis fit, ita, vt frugibus ea regio summe abundet, ac panis in pretio vilissimo sit.

Les Salinas 18. à Lyma milliaribus abest. Ibi salis magna copia *Les Salinas.* colligitur, in valle quadam, vndæ ac aquæ inaccessa. Obuia fragmēta tam plerunq; magna sunt, vt ex iis ad placitum decidere liceat. Quantum eius demitur, tantum subinde renascitur.

Guauere portus duobus infra Salinas milliaribus, situs, copiosa *Guauere.* fruge ac melle, celebris est. Hunc Hispani Indiq; mixti habitant.

La Barancque portus gradui 11. subiacet, copiosis frugib. prom- *La Barancque.* ptis famosus. Huic præfectus Hispanicus intendit.

Guarmey, à meris Indis colitur, nec in hac quicquā præter car- *Guarmey.* bones ex ligno factos nancisci licet.

Santa ciuitas Hispanis parer, quæ ob id præfectum habet. Ibi *Santa.* triticum, Maiis, mel, saccharum & fructus alij nascuntur. Ante paucos annos ibidem fodinæ argentiferæ repertæ sunt.

Truchille littus est, tribus vel quatuor vrbibus insigne. Harum *Truchille.* caput ac prima Truchille quoq; nominatur. Portus à sinubus nihil hic differunt. Hinc mel, Electuaria, Sapo Hispanicus, Coria, & mercet aliæ auehuntur.

Cherepe locus est, iisdem cum priore mercibus promendis in- *Cherepe.* signis. Paita ciuitas est, ex qua naues in Lymam sese refecturæ com- *Paita.* meant.

Passagij hinc in Lymam pedestri itinere proficiscuntur. Locus Hispanico præfecto moderatori subditus est.

Guaiaquiel fluuius est, in quo insula Puna sita est. Ipsa ciuitas *S. Iago de* *Guaiaquiel.* S. Iago de Guaiaquiel dicitur, in qua numerosæ naues parantur. Quo tempore Hollandi ibi agebant, duæ naues condebantur: ad quarum tutelam multi milites præsidarij alebantur. In terra verò paulo interiore rudentes funesque, & alia nauibus necessaria conficiuntur. Ibi dem alius quoque locus Vieio dictus, porto Guaiaquiel maior vi- *Vieio.* situr. In hoc Hispani grandes smaragdos reppererunt, quos Indi adora- uerant,

uerant. Littus hoc à Guaiaquiel vsque in Panamam paucis locis habitatur, in eoque ij potissimum Indi degunt, qui nullis commercijs gaudent.

Panama.

Panama ciuitas, admittendis ac recipiendis nauibus regijs celebris est. Hæ aurum argentumque ex Peru ac Chile aduehunt, quod porro terrestri itinere in Mombre de Dios, & porro in Hispaniam inuehitur. Hæc portum habet, duobus milliaribus infra quandam insulam distantem. Huius loci præfectus Don Alonso de Sotto Mayor dicitur: qui quondam in Chile Gubernator, & in Belgio, vnus equitum Cohortis Capitaneus fuerat. In Panama naues etiam plurimæ conduntur.

Acapulco.

Acapulco totius nouæ Hispaniæ portus nobilissimus est, ex quo naues in Philippinas excurrunt, & illinc huc remeant. Is sub grad. 17. min. 30. in lin. parte boreali situs, portus ante Mexico est, quæ ciuitas 18. milliarib. in terram interiorem secessit. Pro tutela nauium in Acapulco castellum extructum est, 15. aut 16. tormentis circiter munitissimum.

Generalis literas interceptit.

In S. Iago sinu Generalis nonnullas literas interceptit, quæ relationem & historiam belli continebant, quod Chilenfes gerebant: Indos nimirum rebellionem contra Hispanos mouisse, & 24. Nou. An. 1599. Baldiuia ciuitatem obsedisse, violentaque manu occupasse ac deuastasse, Hispanicorumque virorum ac foeminarum grandem numerum tum trucidasse, tum secum abduxisse, ac his designatis, ciuitatem deseruisse. Quam tamen 200. circiter Hispani, è Ly-ma eo missi, iterum occupassent, & restaurare paulatim occiperent. Ab hoc Indos ciuitatem quoque Imperial obsidione tentasse, adeò vt inclusi Hispani annonæ summa caritate cōficerentur, ac iam dira fame pulsi carnes equinas vorarent. Ex quibus colligi poterat, Indos ciuitate ipsa breui potitum iri.

Indi Baldiniæ vastant.

Indi quales milites.

Hi Indi milites exercitatissimi sunt, quales ad hanc expeditionem 5000. circiter conuenerant. Ex his 3000. equites fuerant, lanceis ac hastis dimicandi peritissimi. Inter hos sclopetarij 100. Loricati verò 70. circiter numerabantur. Quæ arma pridem Hispanis ademerunt. Breui tempore multis victorijs potiti sunt, quibus etiam haud leuiter efferebantur. Odio irreconciliabili contra Hispanos accensi sunt: quod ex eo liquet, quod, si quem Hispanorum occiderunt, ei pectus dirimunt, & euulsum cor morsibus impetunt. Sed & crania illis adimunt, ex quibus deinde alij aliis adbibunt. Huius odij causa Hispanorum tyrannis est, qua Indos in foedam abripere seruitutem moliuntur. De libertate sua antiqua tuenda, illustres plerunque orationes recitant, quibus auditorum animos ad vindicandam Hispanorum (quos Viracocha id est, spumam maris nominant) crudelitatem ac perfidiam, mira arte inflammant.

Indi Hispanos spumam maris vocant.

Ducem belli supremum vnum habent, quem solius belli tempore

porē creāt agnoscuntq; Cum copias suas omnium primo aduersus aduenas Hispanos educturi olim essent, & ad hanc rem Duce quodam opus fore extimassent: grandem trabem seu truncum ex ordine humeris gestarunt, attendentes sedulo, quis ex ipsis illum diutius sufferret. Hūc enim Ducis titulo & honore dignū fore censebant. Cum verò trūcum nonnulli 4. alij 5. quidā senis horis baiulassent: tandem prodiit quidam, qui illum 24. continuis horis sustineret. Et hunc demum suum Ducem ac moderatorem constituerant.

*Quo ritu Indi
Duces belli
constituerint.*

Propter prædictam Indorum seditionem ac tumultū, contra ipsos è Lyra ultra 700. Hispani educti sunt, qui rebelles expugnarēt, & iugo suo subiicerent. Præter hos totidē alij quoq; expectabatur, ita ut totus exercitus 1500. milites spe haberet. Sed quod interea Hollandicæ naues in littus ibi appulissent, cæteri in Lyra substiterunt.

Regio Chile à S. Iago vsq; in Baldiuia, terrarum omniū, quas sol radiis collustrat, fecundissima ac feracissima est. In hac enim quæcunque conduntur, vegetissimè & lætissimè enascuntur. præterea aër quoq; vsque adeò salubri perfruitur, ut pauci illic egri reperiātur. Eius enim tanta puritas est ac subtilitas, ut, etsi quidem gladius, à rore totus madidus ac vduus in vaginam condatur, rubigine tamen is nulla contaminetur. Fruges, Maïs, porci, equi, vaccæ, boues, oues, hœdi & alia animalia tantis ac tam frequentib. ibi gregibus oberrant, ut commoditas loci eius cum terra etiam felicissima conferri non debeat. Aurifodinas autem quod attinet, eadem istic tam opulentæ ac diuites existunt, ut hic commodè describi omnia nequeant.

*Terra Chile
fecundissima.*

Cæterū, Indi postquā ciuitatem Baldiuia occupassent, domos vniuersas, ac templa cœnobiazq; quoquoersum exusserūt, diruerūt & vastarunt, ac simulachrorū capitibus detruncatis, nunc tandem dij Hispanorum occumbunt, clamitarunt. Sed & auri massas Hispanis in fauces abstruderunt, dicentes, ô auari ac auri satagentes, auro iam satiamini, satiamini auro, propter quod vnum tāta persecutione nos premitis, & cuius vos nulla vnquā satietas capit. His ac similibus scommatis Hispanis illuserūt. Et licet crudelia quæq; in ipsos admitterent: aqua tamen tyrannide cū illis certare non potuere: quod Hispani, Indis primū potiti, crudelitatis extremæ nihil quicquā cōminisci possent, cuius exempla in misera gente non funestissima ederēt.

*Indi Hispanos
vltiscuntur.*

Die 7. Apr. Hollandi sinū La Guasco egressi sunt. Et cū prægressa nocte Luna clara micasset, nauē Los Piccos, antequā è sinu efferrentur, igne cōcremauerunt, dimidiam onerum partē, ut seuum & similia adhuc continentē. Quæ vniuersa vnā cum ipsa naui exusta perierunt. Extra sinum iam ergo constituti, Austrozephyro vehētē secundum porrecta littora protenderunt, trium à terra milliarium spatio.

*Los Piccos na-
uis crematur.*

Die 11. Angulum quendā magnum, Morre Gorch dictū tenuerunt. Ex quo 10. milliariū interuallo angulum quendā alium, Morre Morrene nuncupatū prospectare poterāt. Is è longinquo insulā præ-

*Morre Gorch.
Morre Mor-
rena.*

*Sinus Mexi-
lones.*

sentabat. Ad quam cum eodem ipso die accessissent, terram in longum exprorectam esseprehenderunt, ad cuius latus aquilonare bona nauium contra austrum frementem statio est, sinui cuidā, Mexillones vocato, vicina, nullis incolis habitata.

A prædicto Morre Morrene littus vsq; in Ariccam extenditur, quo omni tractu ad iugū S. Francisci vsq; auster vt plurimū perflare consuevit. Vnde, in mare altius ascensuris, vētus illicò alius offertur.

Die 17. Ariccæ altitudinem grad. 18. min. 40. habuerunt, cum à terra 5. vel 6. miliaribus abessent. Itaq; prænominato vento intra occasum ac septentrionem promouerunt.

*Nebula pul-
uerulenta.*

Die 20. aër nebulis ac obscuritate tenebrosus erat, vt lōgius prospectus ferri non posset, quā ad iactum lapidis. Quæ nebula pulueri arido similis erat, nō secus ac farina vel pollen per aërem cōfertim volitaret. Vnde vestes ac indumenta eorū etiam vsq; adeò in albescebāt, vt farina conspersæ omninò viderentur. Quæ res multis admirationi nō leui fuit. Sed Hispanicus Pilottus id loco illi admodum familiare esse testabatur, nebulā Arenales vocitans. Hæc nebula toto die durabat: vt per hanc Generalis naues duas cæteras amitteret. Quas nec explosis aliquot tormentis, vbi morarentur, comperire poterat.

Circa vesperam, nondum sole occumbente, terram prospexerunt, à quo vnus miliaris interuallo aberant. Hæc versus occasum boreamq; ac austrum ortumq; excurrens vsque ad angulum Porto Formosæ, sub gr. 15. situm porrigitur. Et licet vel dum aër admodum obscurus adhuc esset, nihilominus tamen cursum in australem oceani partem intorquebant. Postero die, nauibus dispulsis redeuntibus, vno cursu tantisper in occasum nauigatum est, dum à terra 20. miliaribus se abesse arbitrarentur.

*Cap. Hispani-
cus ingentes
diuitias in
mare eiicit.*

Die 25. sub auroram gr. 12. tenentes, ciuitatem Lymam ante se versus ortū prospexerunt. Tum tēporis Capitaneus nauis Bon lesus ad Generalē contendens, significauit ei, Negro quendā Emanuel dictū, quem in Bon lesus nauī cepissent cōmemorasse, q̃ Hispanicum Capitaneū, Frācisco de Buarre, tres integras scaphas auro plenas, quod ipsemet Negro in Bon lesus nauem ex S. Maria insula importare iuisset, in mare exturbare viderit, ea nocte, qua se Hollandos euitare non posse sensisset, eas nimirum diuitias suis hostibus inuidentem.

His indiciis generalis motus, eodem illicò die Pilottū & Negro alium Sebastianū de hac re examinauit. Qui primo quidem factum inficiati sunt. Sed postquā examini rigidiori subiicerētur, rem omnē ad vnguē confessi prodiderūt, biniq; Negro testati sunt, tanta vi auri, quantā tres scaphæ caperēt, prædictā nauem reuera oneratam fuisse, quod ipsimet cum sclauis reliquis suis humeris in eam intulissent. His præcisè Pilottus quoque astipulabatur, qui hoc addebat, cistas auro refertas 52. fuisse, quarum quælibet 4. Arroben cepisset, præter fictilia 500. quorum quodlibet etiam 8. 10. 12. libras auri continuisset.

Quæ

Quæ si in vnam summam conferantur, 10200. libras auri fini ac purissimi constituent. Ex quo vnicuius colligere promptum est, quam immensæ illæ diuitiæ fuerint, quas præfatus Capitaneus Hispanicus in potno merfisset. Quod verò inuidiæ documentum longe expressius est, idem Capitaneus, post comperisset, sociorum quosdam auri aliquam quantitatem sub tabulis ac ascribis nauis occultasse, quicquid huius etiam fuerat, proferri, ac in mare abiici curauit, ita, vt auri ne quidem granum vnum in naue illa relinqueretur. Quod tamen factum Pilottus cum aliquot aliis inficiabatur. Generalis ergò de nouo perlustrari nauem curauit. Sed nihil quicquam vsquam inuentum est, nisi quod in Pilotti caligis auri fasciculus reperiretur, cuius quantitas libram non excedebat. Hæ erant massulæ, sacculo diligenter concinnatæ.

Præter hæc omnia Pilottus indicabat, quod paulo antè cum binis sociis militaribus nauib. ex portu ante Lymam Callau vocato soluisset, nauibus 2500. Annegues farinæ & 200. militibus præsidariis munitis, ac instructis: quos in Conceptien adduxisset, vt horum ope naues Symonis de Cordes obrueret. Quas cum inde iam soluisse deprehendisset, dicebat, eosdem in Ariccam traiectos fuisse, vt argentum regis inde auheret. Hanc verò Bon Iesus nauem hunc in vsum referuatam fuisse, vt in S. Maria insula auro oneraretur, & ad 3. Martij vsq; ibi moraretur, hoc sine, vt, si quæ interea naues aduenæ appellerent, id nuncio præcipiti in Lymam significaret, cum ad celerius conficienda itinera eadem valde idonea esset. A 3. Martij autem in Arauco quæ quatuor milliariibus à S. Maria ex aduerso sita est, vela faceret, & 30. farinæ saccis expositis, cōgestum illic aurum in Lymam auheret. Sed vt diximus, hoc consilium, Hollandorum aduentus interceptit. Quanquam ex eo vtilitas Hollandis nulla insignis emerfit, qui ne per somnium quidem cogitauerant, hanc insulam tam grandem auri vim promere, vt quæ ante triennium primum reperta fuisset. Hanc 3. aut 4. Hispani soli tenebant, 200. circiter Barbaris, qui eruendo auro operam nauabant, ac solis arcubus utebantur, stipati.

Pilottus quoque porro confitebatur, se cum Capitateo Hispanico, quando in La Guasca dimitteretur, cōstituisse, sedulam nauare operam, vt Hollandis ad Cabo S. Francisci diuertere persuaderet: promississeque, interea se de omni statu ad Capitaneum in Lymam nunciare velle, vt tempestiue Hispanicæ naues ad opperiendos Hollandos illuc se conferrent.

Hisce omnibus cognitis, postero die Generalis senatum coegit, vt causâ rerū cognosceretur. Apud quē tum Pilottus, tum duo Negro propalā ac vltro citroq; ista omnia confessi sunt. Itaq; euolutis rerum circumstantiis cōmodum visum est, vt in Cabo S. Francisci nō mora longa fieret, sed quā primum in cōspectū daretur, continuo cursu secundum littorum longitudinem ocyus versus insulam quandam,

Quantitas auri in nauis Bon Iesus.

Quo instituto nauis Bon Iesus in S. Maria decubuerit.

Insula S. Maria quando inuenta.

Nefarium Capitanei Hispani & Pilotti consiliū.

Les Coques dictam protenderetur. Intra Caurum ergò ac septentrionem concitatis velis tam diu deproperatum est, dum altitudo grad. 9. in lineæ australi parte incumberet. Quo loco, vt prospectus dictabat, à terra 30. circiter milliariibus aberant.

*Holl. frustra
duas naues in-
sectantur.*

Die 29. sub auroram ante se in latere occidentali duas naues conspicati sunt, quarum altera duobus, altera dimidio milliari abesse videbatur. In has excursu facto, die toto vela obliquarunt, vt cursum earum interciperent. Sed incassum ea res tentata est. Ipsa quidem Liburnica circa vesperam ad eas se quā proximè admouerāt: Sed cum Luna facem suam duarum horarum spatio abdidisset, tenebrarum beneficio, fugientes naues tanto interuallo eam anteuenterunt, vt nulla vel incitatissima velorum insectatione corripì possent. Et huiusmodi quidē naues singulari industria ita cōditæ & extructæ sunt, vt in oceano australi expeditissimè aduersus ventū peruolitare queāt. Nam & ventus ibi ferè perpetuo vniformis est: & qui ex Panama in Lymā cōmeaturi sunt, contra ventos eluctari omninò coguntur. Postero ergò die ad metam suam terendam Hollandi reuersi sunt, cum altitudinem grad. 7. min. 22. obtinerent.

MAIUS.

Cal. Maij deliberationis causa Generalis Capitaneum Claess Pieters & Lambertum Biesman ad se conuocauit. Hic Cap. Pieters indicauit, quod pro sua opinione à terra meta nimis longinqua abscessum esset, cū hoc interuallū non infra 24. milliaria videretur. Sed Pilotus tamen 10. vel 11. mill. interstitium illud ratus est. Cæperūt ergò de nouo secundū littoris porrectum versus Cabo S. Francisci cōtendere. Quem si in prospectū acceperissent, tum vela recta in oppositum ad insulam Les Coques sub grad. 5. sitam vertere destinarant.

Circa meridiem sub grdu 6. min. 30. idoneo vehente vulturno metam percurrerunt.

Die 9. vento priore iugiter instante, versus ortum ad littus iterum non nihil declinauerunt, quod iam diebus aliquot terram nullam in conspectu habuissent. Sub noctem altitudinem 10. minut. in lineæ australi facie tenuerunt.

Diei 10. bono mane, cum terram nedum conspicerentur, etsi ad eam iam denuo naues impulissent: Generalis gubernatorē rogauit, an cōfideret, se Insulā Les Coques attingere posse, etsi Cabo quidem in cōspectu & oculis haberet. Quod cū præstari posse Gubernator annuisset: Generalis, vt è vestigio illuc pertēderetur, mandauit. Nihilominus tamen ad meridiē vsq; versus terram velis deflexis deproperatū est. Quam tamen cum assequi oculis non possent: recta vela ad Les Coques impulerunt. Hoc tempore altitudo 10. circiter minutiarum erat, cum à terra 15. aut 20. milliariibus se abesse censerent.

Dicta Les Coques insula recta sub grad. 5. in lineæ parte boreali, 110. circiter milliarium interuallo à Cabo S. Francisci sita est, tum aquæ, tum Coques seu nucum proma largissima. Sub noctē lineam æqui-

æquinoctialem iterum transmiserunt: quod hoc in itinere iam de-
nuò fecerunt.

*Denud lineam
æquinoct. trās-
eunt.*

Die 16. Libonoto ferente in septentrionem cursum promoue-
runt, circa meridiem altitudinem solis in 4. gradu 30. minut. habue-
runt. Ab hoc in occasum deflexerunt, vt Les Coques propius attin-
gerent. Sub vesperam altitudinem 4. grad. 40. minut. borealium ha-
buerunt.

Die 18. Hispanicus Pilottus vltro, nulla quæstione coactus con-
fessus est, ex 5. prædictis nauibus militaribus, in Lyra stantibus duas
ad Panamam cum argento ex Peru properaturas esse: cæteris tribus
vniuersum littus vsque ad Cabo Acapulco euagaturis, vt Hollandos
venentur & corripiant.

Die 20. cum manè ventus australis incumberet, metam propo-
sitam ad Les Coques decurrere perrexerunt. Sed Gubernator hîc Ge-
nerali significauit, propositum Les Coques obtinendi iam deinceps
omnino frustrancum esse, nec eam inueniendi sibi spem vllā restare.
Quare conuocato senatu, mappis omnib. euolutis deprehensum est,
cōsultum minimè fore, vt ad littora nouæ Hispaniæ diuertatur pro-
pter naues nimirum Hispanicas, quæ Hollandicas naues opperiren-
tur. Cursum ergo ad Philippinas dirigere placuit, ita, vt in transitu in-
sulas Ladrones visitarent. Quod vt commodius obtineri posset,
commodum visum est, primò omnium ad Bona Vista insulam, aliàs
Guanam dictam, contendere. Insula hæc 13. grad. in lineæ parte se-
ptentrionali, 250. circiter miliaribus distat à Philippinis, quæ ipsæ vi-
cissim à Peru 2400. miliarium interuallo sub gradu 5. minut. 13.
absunt.

*Les Coques
obtinendi spes
vana.*

Cal. Iuniis, vento valdè ambiguo pergentes, 30. gradu septen-
trionem versus altitudinem tenuerunt: quo loco se à littore nouæ
Hispaniæ non vltra 20. miliaria abesse censebant. Et cum singulari
nullo vento veherentur, sed magna parte malacia cum ingentibus
pluuiis impenderet: cursui præsumpto inhærere minimè potuerunt.
Interim pluuiæ tam confertæ irruebant, vt aquæ ad potum pluri-
mum colligerent. Quod vnum ab istis imbribus beneficium acci-
piebant, postquam ab omni illo tempore, quo ex freto nauigassent,
aquam nullam hausissent.

Eodem die Generalis Hispanicam Bon Iesus nauem, cui Capi-
taneus Claëss Pieterss præfectus erat, certa panis quantitate & rebus
necessariis aliis instruxit, vt quam, licet admodum laxatam, vsque ad
Philippinas agere statuisset. Nam ad hanc obtinendam annonæ ac
apparatus satis non habebat. Tum & in naui scapham nouam con-
diderunt. Cumque clauorum inopia premerentur, eosdem in naui
fabricari curauerunt, cum carbones adhuc ad id sufficerent.

*Bon Iesus an-
nona augetur.*

Die 6. ad continuandum iter, leui vento vtebantur. Cumque
priorem altitudinem adhuc tenerent, commodius se facturos arbi-

*Scapha para-
tur extempo-
raneæ.*

trati sunt, si paulò longius in austrum pertēderent, vbi melioris ventū obtinendi spes esset. Nam si sub grad. 12. ventus aduersus incubiturus fuisset, tum ad terram firmam propius iuxta Cabo California succedere opus habuissent. Et tamen interim nec ad hoc nec ad littus alterum propius admoueri poterant.

Die 12. Zephyri spirabant, cum altitudinem 12. grad. explicitè tenerent. Itaque, velut antea decreuerant, vt, si illic ventum idoneum adipisci non possent, recta ad littus nouæ Hispaniæ promouerent: sic iam cursum suum intra occidentem ac septentrionem imprimere coacti, toto die grauib. procellis ex solstitio hyberno incumbentibus concussi & agitati sunt.

Die 14. Ex septentrione cæcias incubuit. Cursum ergo inuerrere coacti, frigore densissimo illic percutiebātur. Quod multo penetrantius & violentius infestauit, cum sub grad. 14. agerent. Quanquā illic tempestas ambigua & incerta esset. Qua, cum metā non temnenda versus occidentem abstrusi essent, iam de nouo altitudinem Cabo California attingendi spem non frigidam concipiebant.

Pilottus suffocatus. Die 30. Caurus crebris ac densis imbribus infremuit. Hoc die Generalis ac senatus decreto Hispanicus Pilottus è naui in mare eiectus est. Cui etsi Generalis omnia humanitatis officia abūdè præstaret, curassetq; vt in secreto cubiculo solus cibum caperet: non tamē erubuit ad quosdam queritari, sibi à Generali venenum appropinatum esse, cum paulo infirmiore valetudine depræhenderetur. Cumque mendacium istud in senatu publico confiteretur: eo, quo diximus, supplicio reus affectus est. Nam & iam antea idem euadendi quasdam occasiones captauerat: & in perfidam eruptionem pueros quoque Mestisches illexerat. Quam prodicionem vt euitarēt: è medio ipsum tempestiuè tolli, & in vindice perfidiæ salo proditorē nefarium suffocari, æquissimum & iustissimum rati sunt.

Postea ex medio ortu austroq; ventum admodū opportunum adepti sunt, magna & votiua omnium cōgratulatione, cum iam binis integris mensibus circa littora nouæ Hispaniæ potissimum ambiguis ventis, & crebris imbribus fluctuassent. Cursum ergo felicius continuantes, tum temporis sub 14. grad. pronauigabant.

AVGVSTVS.

Aug. Die 6. & vento & cursu dicto adhuc pergebant. Cæterum cum scaphā illam grandiorē, quā in littore Chile apud S. Iago prædati fuerāt, ponē è naue quadam religassent: eadem rupto fune hīc soluta est. Quam tamen expedita celeritate sectantes, breui redadepti sunt.

Die 11. Antiquo cursu iugiter adhuc pertendentes, decreuerunt sub altitudine 13. gr. & 30. minut. aut certè sub gradu 14. vela substringere, vt à Ladrones insulis non deuiarent. Pro plerorumque ergo supputatione ab illis insulis 525. milliaribus ad minimum aberant: etsi interuallum istud alij 300. tantum milliaribus censerent, sub grad. nimirum 13. & 40. minutiis.

Die

Die 15. Bon Iesus naui rimis crebris vsque adeo diducta est, vt, quæ confertim aqua irrueret, nulla opera commodè exigi posset. Quod cum Capitaneus ad Generalem enunciaffet: nautæ illicò ac signarij seu naupegi missi sunt, qui, an vlla industria sarciri rimæ ac obstrui possent, specularentur. Hi cum medelam omnem irritam viderent, eius deferendæ consilium dederunt. Commeatu ergo ac annona omni exportata, duobusque æreis tórmētis eductis, ipsam deferuerunt, iam aqua ex medio plenam, prius quàm se inde efferre possent. Sic ergo de grandi illo thesauro, quem cum naui cæperant, parum emolumenti ac vsus senserunt.

*Bon Iesus na-
vis amittitur.*

Cæterum Capitaneum, qui huic præfectus fuerat, nauclerum Concordiæ naui addidit: & cæteros nautas viritim ad reliquas naues distribuit. Hæc dum conficerentur, anchoris naues nitebantur. Sub vesperam Euro vehente iter iterum ingressi 14. grad. 15. minut. altitudine processerunt.

Die 28. manè scapham eam Hispanicam, quæ è naui pone reli- gata, crebris insultibus damnum acceperat, perdiderunt, cum ean- dem 2500. milliarium meta secum prouexissent. Iam ergo præter sca- pham, recens in naui conditam, superstitem nullam habebant, cum cæteras omnes in tam diuturno itinere perdidissent. Sub noctem cum terram se quandam prospicere putarent: manè se oculis lufos esse depræhenderunt. Nam rei certius explorandæ causa, tota nocte anchoris nisi ibidem morati sunt, vt, si terra reuera esset, eandem te- merè non prætermitterent.

*Hispanicam
scapham per-
dunt.*

Cal. Septembr. vento priore adhuc durante, cursum suum in- tra solstitium hybernum immiserunt. Hisce diebus Generalis edicto aqua nulla distributa est, sed quilibet sibi suam colligere portionem iussi sunt, cum totis diebus pluuiæ copiosæ destillarent. Quin & de- inceps semper sub noctem anchoris incubuerunt, aut passu certè progressi sunt admodum lento, cum terram non longius abesse nau- tis videretur. Hic sub gradu 14. agebant. Interim cum scorbutus po- pulatim recrudesceret, Ladrones insulæ magnis omnium votis ex- optabantur.

*SEPTEM-
BER.*

Die 15. altitudinem 13. grad. 30. minut. habentes, circa horam fer- mē à meridie tertiam insulas Ladrones prospexerunt, terram editam pressamque, sed collibus multis inæqualem, qui longius remotis in- sularum speciem exhibent. Circa vesperam insulis tam propè iuncti sunt, vt trium milliarium spatio tantum ab ipsis distarent. Velo ergo maiore collecto anchoris se firmissimè sustinebant, ne quò fors ven- tis ab illis rursus abigerentur.

*Ladrones in-
sulas attin-
gunt.*

Die 16. sub auroram in terræ latus Orientale appulerunt. Et cum integro ab insula milliari adhuc abessent, Canoa, quam ponè aliæ plures sequebātur, ad naues remigio delata est. Hi Indi fructus quos- dam, ac pisces, & Coques, & Bonnanas, radicesque, & cannas saccha- rinas,

*Cum indigenis
comercia
trahant.*

*Ladrones ferri
cupidissimi.*

Ladrones fures.

*Hollando vi à
Ladronem gladii
furripitur.*

rinas, & alia similia aduexerāt, quæ pro ferramentis attritis permuebant. Nam ferri admodum cupidi sunt, quod ab Hispanis sumpto nomine Hiero nominabant. Hoc facto, secundum insulæ longitudinē perrexerunt, quæ ad austrum ac septentrionem 7. aut 8. miliaribus exporrigitur. Cumque angulum eius australem obuiissent, eminus humilem quendam sinum prospexerunt, in quo anchoras iactarūt. Huc ad eos ex omnibus angulis plurimæ cætatim Canoæ appellabant, ita, ut earum vno prospectu 200. circiter numerari liceret, quarum quælibet duos, ternosve, aut quinos Indos vehebat. Hi vniuersi ferri cupidissimi erant, elata voce Hiero, Hiero, id est, ferrū, ferrum, subinde clamitantes, & tanto impetu confertim ad naues se ingerentes, ut nonnulli ex iis cum suis Canois omnino euerterentur. Quod ipsi tamen non magni pendebant: ut qui non solum natandi peritissimi sunt, sed euerfas Canoas etiam facili labore reponere, suaque excussa bona recolligere norunt.

Hæ insulæ natiuo & augurali nomine Ladrones vocantur. Harum siquidē indigenæ vniuersim omnes in furripiendo tam subtiles & industrij sunt, ut manibus expeditis etiam intentissimorum oculos fallant. Quo factum est, ut ab ipsis Hollandi multoties deciperentur. Doli hunc ferè modum habebant. In corbem ex Coques corticibus paratum manipulum vnum aut alterum oryzae supernè iniiciebant. Qui corbes externo aspectu oryzae multum continere videbantur: sed cum in naues illati euacuarentur, folia aut res similes in fundo stratae reperta sunt. Hi dum mercarentur, aut in latere nauis aut in eius postica parte internè suis Canois se continebant, nec in naues ascendebant. Ad hos ergo ferri massa, è funiculo religata demittenda erat. Contractu firmato, quod pro ferro appendebant, eodem funiculo attrahebatur. Illorum tamen quidam etiam naues ascenderunt, quibus Hollandi tum cibum tum potum apporrexerunt. Cum verò Hollandi in nauibus suis gladii instructi starent: Ladronum quidam, cuidam dispecta commoditate gladium è manibus extricauit, & cum eo properè in mare exiit. Qua iniuria irritati Hollandi, in hunc & cæteros, qui & ipsi furta manifesta designarant, haud trepidè sclopetis defulminarunt: qui tamen omnes è Canois in mare exilientes, sub vnda sese absconderunt, ut à glandibus tuti essent. Cæteri verò, qui fontes non erant, quieti in suis Canois residentes, rem hanc parui fecerunt.

Gens hæc æqua commoditate & supra terram & infra aquam degit. Quod ex eo Holladi colligere poterant, quod viderent, eos tanta facilitate vndis sese mergere, ac sub illis nulla noxa tam diu latere posse. Et hac arte fœminæ viris non ignauiores sunt. Quod ut certius explorarent Hollandi, quinque fragmenta ferri in mare demiserunt, quæ omnia vnus Indus è fundo eruit, & extulit, magna certè spectatorum Hollandorum omnium admiratione.

Canoæ

Canoæ illorum affabrè admodum ac artatè factæ sunt: quorum similes non in omni alia India prius Hollandi viderant. Pedum pleræque 15. vel 20. longitudine, & 1¹/₂. latitudine sunt. Quibus expedite quoquo versum se proferunt. His rectà in venti oppositum navigant: & si obliquato cursu opus est, naues non conuertunt, sed puppi antrorsum vndam fulcant, non secus ac prora vterentur, velo interim quod ex cannis paratum est, nec collecto, nec quouis alio situ mutato. His Canois nonnullæ quoque fœminæ appulerant totæ, Forma Canoarum Ladronum. vt viri, nudæ, nisi quod pudendo virens folium prætenderent. Hæ Fœminarum velum foliaceum. longos capillos alunt, vt vicissim viri, eos curtant. Hi speciem quandam exhibēt eius iconis, qua apud nos Adam cum Eua depingi solet.

Corporis cutisq̃ue colore fusco sunt: animo admodum libidinosi & procaces, adeò, vt viri ac fœminæ promiscuo inter sese concubitu premisceantur. Nā quorundā inter eos pudenda admodū contaminata ac defœdata comparebant. Quibusdam lue venerea, nasus ac labia, faciesq̃; tota quasi exesa erat, adeò, vt foramen exiguum oris loco emeretur. Qui digitis ac signis, malum id à lue profluxisse, intendebant. Ladrones valde libidinosi.

Hollandi quidē ad angulum, qui medium ortum ac meridiem spectabat, diuersi erant. Sed cum anchoris idoneum fundum nullum reperirent: quacunq; anchorarum ope poterāt, in statione sua se firmare cogeabantur, tam diu, dum annonæ ac fructuum satis ab Indis comparassent, licet haud multum esset, quod hi adueherent, cum eorum nonnulli vltra Coques vnum aut alterum minimè afferrent. oryza siquidem spicis nondum excussa erat.

Circa vesperam Canoæ omnes vnà ad terrā redierunt. Hollandi autem suis nauibus nunc sursum nunc deorsum procurrentes, postero die inhiabant, vt fructuum maiorem copiam redimerent. Hoc tempore ventus Eurus ac argestes spirabat.

Die 17. cum naues à terra dimidij milliaris interuallo distarent, ab exorto die insulæ indigenæ suis Canois denuò appulerunt, Coques ac fructus alios, quales priore die quoque attulerant, aduehentes, idq̃ue copia pertenui. Itaque cum intelligerent Hollandi, annonæ plus ibi minimè parari posse: ad Philippinas, quæ 250. circiter miliaribus ab hac insula versus occidentem distat, cursum impendere & dirigere decreuerunt.

Ladronum insula hæc, aliàs Guana dicebatur, magna ac grandis, pro Hollandorum opinione ad 20. milliaria diffusa. Iuxta hanc aliæ nullæ insulæ comparuerunt, etsi commententur Hispani, hoc loco plures insulas positas esse.

Quæ refectoria hîc acceperunt, magno ipsis commodo venerunt. Nam scorbuti malignitas iam plures grauius obsederat: ita, vt sine his fructibus durare diutius non potuissent. Quibus gustatis, tamen, non leuiter reficiebantur ac recreabantur.

*Ad Philippi-
nas pergunt.*

Sub meridiem 17. diei, ex hac insula soluentes, vela in occasum direxerunt meta ad Philippinas proxima.

Die 18. Generalis cum senatu bellico statuit, ad Cabo spiritus Sancti cursum intendere. Cabo iste sub 13. gradu in freti Manille parte Orientali intra Philippinas situs est: à quo postea per fretū transmittētes, ad insulam Capul, 25. circiter miliaribus intra Cabo sitam, peruasuri erant, ac ibidem tam diu anchoris incubituri, dum per texendi cursus se commoditas offerret.

*Sex septima-
nis pluuias po-
tant.*

Die 20. Zephyrus cum cæcia, cum gelu intenso incubuit: vt via nulla alia, quam intra solstitium hybernum procedi posset. Circa meridiem altitudo 13. grad. erat: vbi aduersis ventis ac copiosis pluuiis certatim impetebantur: quæ tempestas non remisit prius, quam Philippinas attingerent. Sex integris septimanis meram pluuialem aquam potarunt, vt alterius compendium facerent.

OCTOBER.

Die 14. Octobr. circa auroræ horam sextam, terram quandam conspicati sunt admodum editam, à se versus occidentem & septentrionem sitam. A qua cum 10. ferè miliaribus abessent, putabant eam Cabo spiritus Sancti, sub 13. gradu iacentis esse, quod prægressa die Gubernatores altitudinem 13. graduū, minut. 7. dinumerassent. Itaque cum cursum suum ad terram illam dirigerent, fauces seu introitum quendam in latere australi depræhenderunt, quem primo aspectu fretum Manille esse autumarant. Huc ergo actis nauibus permeabant. Circa meridiem stationem quandam borealem, iuxta introitum attingentes, ibi post scopulos 12. passuum anchoras iætarunt. Quæ certe statio commoda & tuta, introitus istius loci erat, 3. circiter milliāsiū latitudinem habens, seseque tam longè extendens, vt fines eius oculis assequi non possent. Quibus ex notis iam nihil dubitabant, quin hoc ferè fretum illud esset. Sed euentus longè aliud exhibuit.

*Terram pere-
grinam ingre-
duntur.*

Sub aurorā diei 11. à prædicto angulo, qui insula erat, soluerunt, vt fretum permittendum adirent. Cumque intra septentrionem occasumque impulissent aliquousq; in australi latere anchoras iætarunt. Ex septentrionali quidem latere promontorium acutum eminebat: sed versus meridiem mera continens prospiciebatur. Eo ergo loco dum moras facerent, scapha exposita per flumen amœnum in latere australi terram adierunt, vtrinque arboribus confitissimam. Ibi Indos aliquot in tuguriolis agentesprehenderunt, admodum egenos; quos linteolis aliquot & cultris (quæ ipsi non magni faciebant) donantes, ad Generalem cum paucis fructibus reuersi sunt.

Die 16. manè grandis Canoa siue Balsy, cum Canois nonnullis minoribus, appulit. In maiore Canoa Hispanus erat, qui sclopo eliso ter signum dabat, cui toties Hollandi responderunt. Qui, cum in naue visis tot hominibus, propius accedere trepidaret: Hollandi vexillum Hispanicum volitare fecerunt. Generalis autem quen-
dam

dam è fociis, monachali habitu indutum produxit, qui Hispanum ^{Dolo Hispani in naues pertrahunt.} ad nauem allec̃taret. Quo viso securior Hispanus nauem ascendit. Quem cum Generalis humaniter salutasset, significauit, se Gallos esse, Regiæ maiestatis commissarios, quibus in Manille nauigandi propositum staret. Cæterum propter nauigationis diuturnitatem anno-næ ac commeatus quam maximè indigentes esse. Cumq; Pilottum suum pridem perdidissent, vbi terrarum iam versarentur, se nescire. Quibus auditis Hispanus eos de omnibus sigillatim expediuit, dicēs, hunc, in quo iam versarentur, sinum magnum esse, & Bay la Baye vocari, ac à freto Manille 7. aut 8. milliaribus versus aquilonem abesse. Terram autem vicinam hanc, oryzæ ac ciborum aliorum feracissimam esse. His dictis, comitibus Indis etiam illicò mandauit, vt oryzam, gallinasq; ac porcos ocyus afferrent. Quod ipsi nulla mora statim confectum dederunt, ita vt Hollandi rerum omnium apparatus haberent, præsentī tamen pecunia redemptum.

Die 27. alius iterum Hispanus cum obrecta ac velata Balsy ad nauem venit. Is bipenni instructus, eius loci prætorem agebat, Francisco Rodrigo vocatus. Alteri priori nomen erat Henrico Nunes. Per illum fructus quoq; nonnulli, ac oryza, gallinæq; ac porci ad nauem allati sunt, quos adnumerata pecunia Generalis omnes redemit, pro quolibet porco dimidiū Regalem octonorum reponens. Nā porci huius loci non admodum magni sunt. Parg gallinarum, Regali vno: oryzæ mensura, 60. libris constans, 6. Regalibus seu 30. stiberis argēteis (nam argento ibi nihil acceptius est) vendebatur.

Huius loci indigenæ magna parte nudi incedūt. Nōnulli tamē eorum linteam vestem corpori iniiciunt. Multi ibidem Indi quoq; ^{Indi, Hispani facti.} reperiēbantur, Hispani facti: qui caligis ac tunicis vtebantur. Hi enim Indorum præcipui, olim genus suum à Gubernatoribus ac præfectis Indiarum acceperunt. Horum cutis miris ac iucundis puncturis incisa est: quæ maculæ seu schemata semel cuti inserta, nunquā delētur aut obliterantur. Nam scalpellis in cutem profundius demittuntur. Hi ipsi hoc nunc tēpore inter vulgares & plebeios post Hispanorum aduentum numerantur. Hispani enim imperio nutuq; suo nunc passim vniuersa moderātur, Indosq; sibi omnes vectigales fecerunt, ita, vt pro qualibet persona, quæ annum vigesimum superauit, decē Regales simplices pendēdi sint. Hispanorum illic numerus nō magnus est. Et hi pauci nihilominus simplices istos facili negotio coërcere norunt. Sacerdotē secum vnicum habent, eumq; magnæ autoritatis ac æstimationis. Soulsq; sacrificorum defectus in causa est, quod finitimas omnes illas regiones Hispani nondū occuparunt. Quanquā etiam plurima loca, vbi nec politici nec clerici Hispani habitant, Hispanis nihilominus tributaria sint. Quorum locorum vniuersorum Manille metropolis est, in qua Gubernator vices Regiās obit.

A meridie Generalis quendam Iacob Lock, tormentis præfe-

etum, ac linguæ Hispanicæ gnarissimum, cum Hispano Henrico Nunes in terram emisit. Hunc verò, quod ad naues fructus varios ac com meatum necessarium vberimum aduehi curasset, honorariis ac donis amplis affecerat. Hispano huic nihil aliud persuasum erat, quam naues has cōmissu regio Hispanico instructas esse, quod ante has aliæ nullæ hoc loco appulissent.

*Hollandi de
commeaturre-
gio cōpellan-
tur.*

Die 18. circa horam nonam, alia maior Canoa velata ad naues accessit. Hac Capitaneus loci cum clerico seu sacrificio aduehebatur. Qui cum percontarentur, an ad naues tutus sibi accessus daretur: annuente Generali Capitaneus solus nauem ascendit, sacrificio in Canoa relicto. Itaque postquam Capitaneus in conclaue Generalis introiisset, de com meatu Regio exhibendo apud Generalem institit, dicens, expresso Regis Catholici interdicto cautum esse, ne cum vlla natione exera commercia haberent, aut vllis annonam resque alias adueherent. Generalis itaque, postquam Capitaneo com meatum Principis Hollandiæ siue Belgij exhibuisset: eo lecto, Hispanus non leuiter admiratus est, qui primò persuasum habuerat, naues eas, ex nouæ Hispaniæ ciuitate Acapulco appulisse. Iam ergo, in quorum manus incidisset, liquido videbat. His ita sese habentibus, Generalis quendam Hispanum cum literis emisit, qui Iacobum Lock citra læsionem ad naues reduceret, minatus, ni id fiat, se eius loco Capitaneum retenturum esse. Is Roduguario Chiron vocabatur. Qui cum tantisper in naue retineretur, ipsemet sub vesperam scriptas literas emisit, vt festinò ac impune Hollandus è terra ad naues reueheretur.

*Quo medio
Hollandus ab
Hispanis recu-
peratus sit.*

Die 19. Canoa magna ante meridiem ad naues adpulit, qua prior sacrificus iterum aduehebatur. Is literis ad Generalem datis petiit, vt autographam suam, ordinario sigillo munitam mitteret, sponderetque, quod dimisso & restituto Hollando, Hispanicum Capitaneum liberum emissurus sit. Quo ita vtrunque constituto, ac Hollando recepto, Generalis Capitaneum quoque donariis prius ac hilari conuiuio affectum cum pace dimisit.

*Ad Manille
pergunt.*

Ab hoc porrò tempore, nec fructuum nec annonæ quicquam ad naues ab Indis conuectum est. Itaque, vt hinc se mouerent, ac fretum Manille adirent, paulatim rursus adornari cæperunt. Nam hanc in rem secum Indum quendam reseruarant, cui omnis illius regionis conditio vsque ad Capul insulam cognitissima erat.

Attractis ergò anchoris, ex sinus parte septentrionali egressi, eadem propter subitò incumbentem aduersum ventum iterum breui mittere compulsi sunt.

Die 20. exorta luce Canoa iterum quædam ad naues contendit. Qua qui aduehebantur, cum de saluo conductu percontati essent: prætorix naui propius successerunt. Hi duo milites Hispani erant, literas à Capitaneo suo, qui se in ora vicina spectandum dabat, perfe-

perferentes. Is literis præsentibus commemorabat, quod à summo *Duo Hispani
Generali li-
tras offerunt.* prouinciarum illarum præfecto cum aliquam multis militibus mis-
sus esset, vt pacem ac salutem illorum locorum tutaretur. Postquam
ergò intellexisset, naues binas in sinum istum incurrisse, nec tamen,
qui ac quales essent, compertum haberet, siquidem rumor, Anglos
quosdam illic appulsuros esse, dictasset: ideo officij sui ratione sibi in-
cumbere, vt, cuiates essent, certus exploraret, & hac de causa duos
istos milites amandaret. Cæteroquin in aliis omnia humanitatis
atque beneuolentiæ officia se aduenis addicere ac spondere. Genera-
lis ad hæc respondit, de oblata amicitia ac beneuolentia se imprimis
Capitaneo gratias meritas habere. Venisse verò hoc fine animoque
ad has oras, vt cum indigenis, de quibusdam necessariis pacisceretur,
modo vlla cum ipsis amica, aperta, ac fida tractatio suscipi posset. Co-
gitare etiam hinc porro cum nauibus suis in Manille pertedere. Hoc
responso accepto, Hispani milites, ad littoralem pagum Tabacco vo-
catum, vbi dictus sacrificus habitabat, cum Canoâ sua redierunt.

Postquam ergò iam Hollâdi, oryza, porcis, gallinis ac similibus
aliis probe instructi essent, & præterea Indos duos, in Capul singula-
riter notos, secum veherent: sub primam illico diei horam anchoris
emotis soluerunt, & cursum freto Manille intenderunt. Hoc ab mo-
dò deserto sinu 6. vel 7. miliaribus versus austrum sub grad. 14. situm
erat: iuxta quod ipsum Capul quoque insula iacebat. At cum toto
die vêtus ambiguus ac mutabilis perflaret, vltra tria miliaria proferri
non potuerunt. Quin & sub vesperam propter aduersitatem venti
iuxta vallum boreale 25. passibus anchoras iactare coacti sunt, quo
loco abdita quædam cautes (quam tamen haud sero deprehende-
rant) periculum non leue ominabatur. Hic tractus habitatoribus
omniñò vacuus est, vniuersus vastus ac sterilis, ac perpetuis faxis sco-
pulisque horridus, intra quos nonnulli tamen riui decurrunt.

Cum iam iam nox ingrueret, Cauro derepente idoneo spirâte,
hunc sinû expedite egredi annisi quidem sunt: sed quod in ipso mo-
mento ventus mutaretur, ea nocte nihil profectum est.

Die 21. cum tempestas dubia pertenderet, quâtum quidem po-
terant, cursum proferebant. Interim liburnica Concordia cum Bar-
quen Hispanicam prospectasset, ac scaphis ad eam cominus proten-
disset: eam hominibus planè inanem reperit. Nam qui in ea Hispani
fuerant, fuga se eripientes, nauem anchoris incumbentem destitue-
runt. Hæc trium aut quatuor onerum capax erat. Ingressi ergò mo-
dios circiter 25. oryzae, & 70. gallinas in ea inuenerunt. Interea ventus
tam rapidus ac tumultuosus derepente consurrexit, vt parum abes-
set, quin sæuitia eius & vela & mali omnes deiicerentur. Nam nec
expeditissima industria vela colligere propter repentinû tempesta-
tis insultum licebat. Turbo iste ex medio ortu austroque tanta con-
citatione & præcipitantia incubuerat, vt rapidiorē ac violentiorem

*Barquen Hi-
spanicam in-
uadunt.*

toto eo itinere antea nullum senserint. Coacti ergò versus vallum septentrionale declinauerunt, vt portu idoneo inuento sese quodammodo tueri possent. Nam in australi latere fundus anchoris idoneus nullus erat. Ibi dimidij milliaris interuallo à terra anchoris factis, cum paulo post venti vis nonnihil remisisset, Capitaneus Biesman cum nuper occupata scapha seu Barque ad Generalem contendit. Is ergò bonis repertis extractis, Barquē securibus concidi fecit: quam Indicus Pilottus fuisse cuiusdam Hispani dicebat, qui præter oryzam ac gallinas, asseres quoque, in transitu imponendos, in Mānillen inuecturus erat. Eo loco propter aduersi venti renisum ista nocte anchoris obhærendum fuit.

*Ex La Baye
finu eluāri
non queunt.*

Die 22. cauro spirante, obliquatis velis è sinu illo eluctari tentarunt. Nam totius diei malacia mira erat. Circa vesperam mare iterum omne infremuit (etsi serenitas aeris magna esset) vt longius progredi minimè possent. Huius vi in vallum australe agebantur, ex quo longa eminentia duobus milliaribus in oceanum porrigitur, in quam fluctus concitatissimè ac æstuosissimè illidebantur. Huc naues quoque tanta violentia impellebantur, vt interitus periculum iam proximum esset.

*Valde periculi-
tentur.*

Nam nec ad anchoras figendas fundus dabatur, & ventis contrariis eniti impossibile erat. Hoc statu, cum iam seruandæ vitæ spes tenuis effulgeret: singulari Dei prouidentia accidit, vt cum repentè oborto Euro nonnihil nauem deflecterent, & naufragium instans euitarent. Sed eo diu gaudio frui non licebat. Nam crebris altisque subinde inundantibus fluctibus (ventis etiam iam pacatis) in vallum nihilominus tam violenter subinde coniciebantur, vt citra euidentis detrimentum inde elabi posse se non viderent. Nam fundus merè saxosus, anchoris haud quaquam commodus erat. Interim dei immissione ventus caurus magno omnium gaudio spirare cæpit, cuius impulsu à vallo se extricantes, in sinus medium concesserunt. Sub noctem adeò mare tranquillum fuit, vt prorsum vorsum obliquis velis per sinum agitentur.

*Lienterici
sunt.*

Die 23. mane ad vallum boreale duorum circiter milliarium interuallo ab angulo extremo, & postea ad sinus angulum aquilonarem eum in locum, in quem primo incurrissent, coniecti sunt. Hinc Generalis cum nonnullis militibus hauriendæ aquæ gratia in terram, desolatam quidem, ac saxis arboribusq; sterilibus magna parte horridam, egressus est. Quamprimū exscendissent, ipsorū nonnulli Palmites ibi repertos esitarunt, ac è riuis aquā potarūt. A quo factum est, vt lenteria pleriq; corriperētur. Quanquā satis compertum non esset, vtrum hoc affectu tentarentur ab esitatis fructibus, an potius, quod iam diu nullam terram tenuissent.

Die 24. mane sub exortum solis caurus iterum spirauit. Resumptis itaque anchoris, statione illa, quæ milliaris quadrante circa sinus

La Baye

La Baye angulum borealem sub 14. grad. sita erat, enauigarunt. Et cum ad æstium solstitium ingrederentur, angulum australem ambire conati sunt. Quo circumuecto, cursum versus austrum ad freti Manille introitum 6. circiter milliaribus direxerunt. Circa meridiem fretum Manille ingressi, in medio eius insulam visam præternauigarunt, ac circa vesperam, Capul insulam, in penito freto 7. milliaribus sitam, attigerunt. Quam tamē, priusquam proximē subiissent, multos discretos vortices in mari obnotarunt. Quos cum primo aspectu breuia esse putassent, fundum tamen deprehendere nullum potuerunt. Sub noctem anchoras in insulæ latere occiduo non longē à terra 25. passibus demiserunt, iuxta angulum quendam sinu arenoso insignem, cui pagus vicinus erat.

Fretum Manille obtinent.

Die 25. Paganos omnes ex sedibus suis profugisse, & in interiora terræ concessisse depræhensum est. Nam cum Pilottus Indicus, vt quidam prodirent, è longis inclamasset: qui responderet, ne quisquam comparuit. Sed quod vndæ impetus eo loco admodum violentus esset, emotis anchoris inde in sinum alium, à priore dimidio milliari distantem, processum est. (Nam in omni insulæ ambitu fundus anchoris idoneus erat; ac insula 5. circiter milliarium amplitudinem habebat) vt tormenta in nauem superiorem simul efferrentur, & naues quadamtenus sordibus emundarentur.

Tormenta disponunt, & naues adornant.

Die 27. cum indigenarum neminem quenquam prodire Generalis videret: quosdam suorum exposuit, ac tormentis in domos aduersas fulminauit, vt hoc terrore iniecto, ipsos prodire faceret. Bombardarum ergò hoc fragore audito, Chinenfis è Pago alio quidam accurrit; quem ex insidiis emissitij Hollandi captum, ad Generalem deduxerunt. Is etsi à nullo quidem, quid loqueretur, intelligi posset: nutibus tamē significabat, se postero die cum certa fructuum quantitate ad naues rediturum. Cui ob id Generalis quid doni impertiuit innuitq; præsentī pecunia, quæcunque adueherentur, æquē omnia solutum iri.

Chinense ad terram reuerso, Hollandi, qui insidiarij in insulam abiuerant, ad naues redierunt, desiderato Ioan Caleyvey Londinēse, musico excellentissimo. Hunc opinabantur ab Indis oppressum esse, quod à sociis aliquanto longius se protulisset. Indi siquidem Pilotum quoque qui fructuum nonnullorum aduehendorum gratia emissus erat, secum retinuerunt.

Musicum amittunt.

Die 28. Indicus Pilottus alter quoque, quem solum iam adhuc secum habebant, per nocturnas tenebras in terram enatauit, & fuga Hollandos elusit, etsi ab his non saltem humaniter habitus semper, sed & laute subinde tractatus fuisset. Huic nomen Francisco du Telo erat, quod à Gubernatore Manille, susceptore suo, acceperat. Indos enim vt Hispani ad religionem Papisticam commodius illicerent, baptismo initiandis primatum nomina imposuerunt, & eosdem,

Pilottus angis.

pro

pro forma (quod aiunt) nonnunquam ad officia euexerunt.

*Vicos aliquos
succendunt.*

Cognita de Ian Calevey re, Generalis ipsemet viris 32. stipatus, in insulam egressus est. Cumq; vidisset, indigenas vniuersos, cum omni sua re & supellectile longe aufugisse: vicos aliquot subdita flamma exussit & concremauit. Aedes hæ simplici rudiq; structura ex stoeis ac stramine conditæ, viri erecti altitudine supra terram eleuatæ erant: circa quas Coquos arbores plurimæ dispositæ erant, quibus indigenæ magna ex parte victitabant. Ibidem Hollandi porcos etiam aliquot ferierunt, quos secum ad naues aduexerunt.

Generalis autem deliberata cum Gubernatoribus re, statuit, vt in Manillen pergeretur. Monuit ergò, vt prouidi omnes essent, diligenterque secum expenderent, an commodum consultumq; esset, in portum diuertere. Iussit etiam quoslibet instructos ac paratos in omnem euentum esse, vt poscente re mutuas operas tradere, sibiq; inuicem auxiliares manus præbere possent.

*Negro vnus
aufugis.*

Die 30. Negro siue Æthiops alter, Emanuel, qui in Capitanei Biesman naui erat, noctu per tenebras fuga erupit. Nam in scapham sese demittens, ea in terram erupit, omnis fidei promissique immemor, quibus ultro ac lubenter sese cum Hollandis mäsuum esse, spoponderat. Generalis itaque Negro alterum, qui in prætoria naui agebat, Bastian vocatus, examini ac quæstioni subdidit. Qui factus est, se non solum consilij huius conscium fuisse, sed ipsummet quoq; fugam maturrimam meditatum esse, cum conuersationis huius tædium iam dum cæpisset non leue. Turpi ergò hac ingratitude Negro seu Æthiopum, qui tamen liberrimam cundi & redeundi agendi; quo & quid vellent, potestatem habuissent, pensitata, Generalis proditorem confessum glande traici curauit, vt perfidiæ meritam pœnam reciperet. Is vel ante extremum hoc supplicium constanter adhuc affirmavit, quæ de immensa illa auri vi, quam Francisco di Buarra è Bon Iesu in mare exturbarat, antea dicta & asserta fuerant.

*Negro alter
glande traicitur.*

Die 31. quærendi cibi animo populi pars denuo in terram profecta est. Hi loco quodam 31. modios oryzzæ reconditos inuenerunt quidem, sed homines (qui in dumetis ac syluis longius latebant) nullos offenderunt. Ea re commoti, quatuor vicos alios, quorū quilibet 50. aut 60. casis constabat, igne cremauerunt.

*Oryzam inueniunt.
Vicos 4. exurunt.*

NOVEMB.

Cal. Nouembr. vento vulturno spirante, è Capul insula soluentes in Manille pertenderunt. In eius latere occidentali plurimæ passim insulæ conspicuæ sunt, quibus, nisi attendatur, naues ita intricari possunt, vt reditus persæpe non facilis sit, iis comprimis, qui loci eius nullam peritiam habent. Intra caurum ergò ac septentrionem eo latere perrexerunt, quo Manille, à Capul insula 80. miliaribus distans, sita est. Hinc autem vbi vix breui itinere perrexissent, ventorum summa quidem quies incubuit, sed fluctus ita præcipientes inundabāt, vt naues intra medias insulas quoquo uersum disicerentur. Attamen

res

res periculo vacabat, quod & vnda profundissima, & locus breuiis nullis impeditus esset.

Die 2. sub auroram cæcia spirante, à Capuliam 4. ferè milliaribus aberant. Insularum earum aliæ ab aliis tribus circiter milliaribus distabant. Ibi iuga quoque seu fastigia illa, quæ in La Baye prouiderant, vnde ad hæc terrestri itinere admodum compendioſo commeari potuiſſet, attigerunt. Poſteà hauriendæ aquæ gratia in australi latere anchoras fixerunt, vbi terra inculta ac inhabitata iacebat.

Die 3. languidum Africum spirantem nacti, leuatis anchoris, intra occaſum ac ſeptentrionem immiſerunt, 5. circiter milliaria progreſſi, cum in boreali latere grad. 23. anchoras iactare cogerentur.

Die 4. pergētes, cauro curſum ſuum meta obuia intra occaſum boreamque impulerunt. Nam cum Pilottum viæ peritum nullū haberent, ad mappas confugere coacti ſunt, quæ tamē multis locis incertæ erant. Interim cum ſcaphæ, à Generali prætentandæ viæ gratia præmiſſæ, è longinquo Canoā quædam offerretur, ad eam propius remos direxerunt. Sed qui hac vehébantur, continuo in terram ſeſe effundentes concitatiſſimo curſu profugerūt, ac in dumetis ſeſe occultarūt. Cumq; in colloquiū neminē allicere poſſent, Canoā ad naues ſecum abduxerūt, in ea præter oryſæ ac ciborū aliorū modicum nihil inuenientes. Quib. exemptis Canoam ſubmerſerunt. Poſthæc cæcia vrgentiore incumbente, naues anchoris firmare compulſi ſunt.

Die 5. ſub aurora iterum Canoam quandam verſus occidētem, in inſulam quandam ſubiectam currentem conſpicati ſunt. Aduerſus huius actores, cum Generalis ſcapha quosdam emiſſiſſet: comprehenſos illos ad naues adduxerunt. In hac Canoā 9. Indi inerant, *Nouem Indos vna Canoā prahendunt.* ex Manille nuper digreſſi, quos Hollandorum nemo intelligere poterat. Canoam hanc Generalis expilari iuſſit. Sed cum in ea præter ciſtulas aliquot, linteis refertas (quæ in Manille emerant) ac viles quædam veſtes Indicas nihil reperirent, conſilio mutato Indos, intactis rebus, à ſe liberos dimiſit, duobus eorum tamen ſecum ſeruatis, qui viam rectam in Manillen oſtenderent. Apud hos literas Gubernatoris, ſigillo regio munitas, ac ſacrifico, in Bouillan habitanti inſcriptas repererūt. Earum iſtenor erat, querelas ſcilicet aliquas ad Regiam ipſius Maieſtatem delatas eſſe de quibuſdam Hiſpanis, qui iugo & iniuriis nimis iniquis miſeros Indos grauarent. Iubebatur itaq; ſacrificus, vt deinceps in iſta diligēter attenderet, & reos accuſationis, ſumptibus regiis è veſtigio vinctos in Manillen amādaret, cuius officiij plenam ac confirmatam poteſtatem hiſce ſibi traditam ſciret. *Hiſpanorum rex Indorum cauſam tnetur.*

Die 6. cum in ſtatione ſua propter aduerſos ventos adhuc verſarentur, ſub diei exortum excuſſi ſclopeti fragorem obaudiuerunt. Itaque ſtatim duæ ſcaphæ cum 20. militibus ſeu Muſquetariis ad locum

illum, vbi crepitus sclopeti auditus est, emissæ sunt. Hi remis eousq; se promouerunt, dum tandē Barquen Hispanicā offenderent. Cuius vectores, quā primum appulsum scapharū viderunt, in terrā egressi, syluis sese immiserunt, ac Barquen deseruerunt. In hos quoties Hollandi fulminabant, toties illi eodem signo respondebant. Nam in illa naue 4. Hispani cum aliquam multis Indis vecti erant. Tandem tamen Hispanus quidam prodiit, cum Hollandis sermones cæsurus. Hunc cum blandis verbis Hollandi diu rogitassent, vt citra omnem metum secum is ad naues commearet: persuasione victus, id fecit. Hic de rerum statu rogatus, retulit, se cum tribus Hispanis à Manille nunc venire, & ad Saubon properare. Hoc enim in loco Hispanorum plurimos congregari, qui expeditionem in Moluccanas insulas facturi sint. Harum enim incolas, certa manu lecta nonnullas insulas vicinas inuasisse, easdem diripuisse ac expilasse, ac sacrificum loci Hispanum obtruncasse. Ad hanc ergo iniuriam vindicandā in Manille copias cogi & instrui, aduersus Moluccanos dimicaturas. Hi Hispani Canoa sua dolum puluere pyrio semiplenum, cum multis pilis missilibus, ac Musquetta solitis longe maiore vexerant. Præter hæc nihil singulare inerat, si excipias fragmenta quædam ferri, & vestes eorum, qui profugerant, & parum cōmeatus. Quibus omnibus à Generali exemptis, multis foraminibus nauem pertundi iussit, vt ad nullos vsus deinceps faceret. Hi iam die 10. à Manille aberant.

*Hispanus in
nauem addu-
citur.*

*Contra Mo-
luccanos ex-
pedicio fit.*

*Chinensem
nauem nan-
ciscuntur.*

Die 7. mane circa horam nonam, nauem quandā versus statio- nis faciem Orientalem conspicati, emissis scaphis duab. ad eam propius illicò appulerunt. Hanc correptam, ad Generalem egerunt. In ea 7. Chineses, 215. modios oryzae, & certam plumbi quantitatem, ac magnam concharum copiam, in Manillam inuecturi erāt, ex Conbou, à Manille 120. milliarium interuallo distante, quo iussu Gubernatoris 40. stipendiarios milites Hispanos ad prænominatam expeditionem traiecerant, aduentātes. Hæc naus quinque vel sex onerum erat, ad speciem Chinesium efficta nauium, prora camini forma, suspensis ligneis anchoris eminebat, quarum funes ex sparto seu arundinibus cōstabant. Interius, proluuiæ seu emissarium, cum foro concinnè, ac artatè constructum erat. In nauibus munditiei summè student: nec nisi ligneis anchoris vtuntur ad naues etiam 200. onerum capaces. Dominus huius nauis Chinesis ex Conton: Pilottus verò cum cæteris nautis ex Chincheo oriundi erant. Quæ duæ regiones etsi inter sese certis ritibus distinguantur: nihilominus tamē communi lingua vtuntur, & dissidiis plerunq; grauissimis discordāt. Regionis huius peritissimi erant, cōprimis autem Pilottus, qui inter Lusitanos in Malacca & Macca tēpore longo egit: ex quorum conuersatione Lusitanorū quoq; linguam addidicerat. Itaq; Hollandorū votis is admodū opportunus accedebat: cū sine mōstratore eo cursum suū cōficere ægrè potuissent. Generalis ergo dominū nauiculæ cum

Pilotto

Pilotto sua in naue secum retinuit, & Chinenfib. cæteris 10. vel 12. viros addidit de suis, quorum moderator erat Iacob Theunifs. In ista Chanpan seu naui Chinenfi, quinq; Chinenfes relinquebantur, qui eam suo modo proferrent & gubernarent. Nā Hollandi ipsa vti minimè norant. Ex huius nauis opulentia Hollandi 50. modios oryzæ sibi vendicantes, cætera omnia intacta relinquebant.

Die 8. in Cabo prædicto morati sunt. Ibi Generalis nauclerum ac Pilottū Chinensem præfente senatu bellico de omni Manille conditione ac statu rogauit. Qui responderunt, ex noua Hispania ibi duas grandes naues subsistere, quæ in Mexico quotannis vela facere solent. Eodem in portu nauem quoq; Teutonicam agere, à Malacca-
Hollandi omnem Manille statū ac rationem expiscantur.
nis pretio redemptam. Et has omnes naues in portu Cubite dicto, recta ante Manillam conspicuo, duorum milliariū spatio, anchoris incumbere: ac ante portum hunc duo castella seu Propugnacula, pro defendendis dictis nauib. iam inanibus, instructa esse. Cæterū, quod ciuitatem Manille attineret, eam dicebāt, hoc tempore aggere firmo ac saxoso vndiquaq; cinctā esse, & extra hanc plures 15000. Chinenfib. habitare, qui opificiis ac cōmerciis variis vacent. Ad hanc præterea quotannis vltra 400. naues ex China, nimirum ex ciuitate ac regione Chincheo cum serico ac mercib. pretiosis aliis cōmeare, ac illis permutatis argentū pro mercib. auerere: nauesq; has certo anni tēpore, nempe à Decemb. mēse vsq; ad paschatos festū, appellere solere. Tum addebant hoc etiam, præter dictas naues, duas alias quoque ex Iapan propediem appulsuras esse, quæ ferramenta, ac metalla alia, cum lardo ac cibis similibus adueherent.

Hæc vniuersa, postquam Generalis cum senatu accuratius pensitasset, optimum esse statuit, ad sinum vsque ante Manille positum cursum pertendere.

Pilottus siquidem recensuerat, ibi paruam quandam insulam Marabilles vocatā ac 15. circiter milliariis à Manille distitam, anchoris fundadis admodū commodā esse, & ex hac statione rerum omnium statum diurnis excursionib. subinde explorari posse. Eodem ergo illico die ex sinu enauigarūt: in quo partim propter malaciam, partim propter aduersos ventos diebus integris quinis obhæserant, & inde Hispanicam hanc Barquen interim corripuerant.

Die 9. vento Euro perflante intra occasum ac septentrionem peruadentes Massabaten insulam præternauigarunt, & ad Manille metam intenderunt. Circa meridiem cum fines Massabate attigissent, cursum suum propter venti cōmoditatem tota nocte intra occasum ac septentrionem incitauerunt.

Die 10. circa vesperam spatiosam insulam Bankingle attigerunt. Cui dum succederent, repente tanta ventorum tranquillitas incubuit, vt vicinam stationē occupare non possent. Tota ergo nocte naues propter vētos incōstantes passim in æquore iactatæ fluctuarunt.

Die 11. ex orto solo se à prædicta insula integri milliaris meta abactos esse viderunt. Et cum malacia prior continuaret, hoc die stationem vicinam ægrè obtinere poterant. Nihilominus tamen vespera appellente à prædicta insula interuallo dimidij milliaris anchoras fecerunt, fundum bonum 18. passuum tenentes.

Die 12. Cum vtrisque scaphis hauriendæ aquæ instituto in terram egressi sunt. Nam discretis illic locis aquæ copia magna parabilis erat. Quam vt tutius inuasare possent, armis instructos præsidarios quosdam disposuerunt, qui Indos, fors è sylua ex insidiis erupturos arcerent & profligarent. Confecta re, sub vesperam pluuiosam ad naues reuersi sunt.

*Liburnica
perdit anchoram.*

Die 13. ex austro ortuque procellis tam sæuis irruentibus verberati sunt, vt Liburnica, Concordia dicta anchoræ suæ iacturam faceret, & hac spoliata iam mero ventorum arbitrio agigaretur. Pari ratione funis quoque prætorix naus diruptus est: quam tamen alia anchora iactata prompte refixerunt. Circa meridiem, cum aër serenior & trāquillior esset, prætorix anchorâ recuperatâ, cursum paulò longius ea promouit, & iuxta Liburnicam sub prædicta insula confedit. Quæ, quod perditam anchorâ recipere non posset, aliam à Generali accepit: qui tamen ipsemet præter duas, & totidem funes, superstites non haberet.

Die 15. cùm infra prædictam insulam anchoris incumberent, tantum aquæ hauserunt, quanto sibi opus fore censuerunt. Nam dolia pleraque impleuerant: cui negotio ea insula cōmoditatis plurimum contulerat. Ventus tamen ambiguus, ac aër densis imbris horridus erat.

*Duas Bar-
quas capiunt.*

Eodem die duas Barquas gallinis ac porcis onustas prædati sunt, quæ tributum suum, ex aliquot vicis, Hispanorum imperio subiectis collectum, in Manillam conuecturæ erant. In his 250. gallinæ, porci autem 50. capiebantur: pro quibus Generalis Indis lintei fasces aliquot, pretij loco impertiuit, cum scripto ad Gubernatorem dato, quo aduentum suum illi nunciabat. Hæc præda Hollandis admodum tempestiua ac opportuna venerat: cum illic loci alias Indi vniuersi ad conspectum eorum fugitarent, nec quicquam alicunde redimere possent.

Die 16. leuatis anchoris, ex Bankingle insula, lata ac edita in ambitu 12. vel 15. milliaria complexa, soluerunt. Ea ab Indis, Hispano vetigalibus habitatur: in qua olim quoq; sacrificus egerat, qui tamen tunc temporis absens aliò emigrarat. Itaq; cursum suum intra occidentem septentrionemq; versus insulam Mindore, à priore statione 8. circiter milliariibus distante, direxerunt: in cuius aduerso alia quoq; insula Lon bou dicta, duorum milliarium interuallo absita est, ita vt eo loco propter oppositas insulas transitus angustus sit, cum in harum medio alia adhuc minor insula cubet, iuxta quam vtrinq; nauibus

bus transiri potest. Antequam vero penitus Bankinglen defererent, iterum duas alias Canoas naēti sunt, 30. porcis & 100. gallinis, in Manillam vehendis oneratas. Et cum hæc quoque sibi omnia vendicarent, partem carnis suillæ sale condiuerunt, vt diutius incorrupta perduret. Canoarum autem dominos, cum litteris suis ad Gubernatorem in Manillam dimiserunt, quibus significabāt, se rerum summa penuria coactos tributum ibi intercepisse. Circa vesperam mari tranquilliore, angustias ante Mindoren transmittere non potuerunt.

Duas alias naues intercepti sunt.

Die 21. cum incerto passu propter malaciam adhuc ferrentur intra Mindoren & Bankinglen, vbi quatrduo integro iactari peruadere nō poterant: coacti ad insulam retrò commearunt. Ibi ergo Barquas aliquot siue Champans ex freto Manille egredi vidētes, 12. Musquettarios scapha ad eos sustinendos emisērunt, vt ex ipsis statum Manille percontari possent. Sed & ad scapham defendendam Capitaneus Biesman ponē infecutus est. Interim Musquettarij incitato cursu ad nauem quandam auidi properarunt, vt eam priusquam terram attingeret, corriperent. Sed hac velis pernicipibus Hollandos anteuer-
tente, quicunque in ea deueherentur, confertim exiliuerunt, & fuga quoquouersum effusi sunt. Sic Hollandi nauem vacuam, storeis cōstratam occupantes in ea habitum sacerdotalem, quem profugus sacrificus reliquerat, inuenerunt. Hæc dum agerentur, à Manille Barqua alia appulit. Quam cum Generalis infēctaretur, Hispani cum suis Indis certatim ad terram remos agentes, fuga sese proripuerunt: quos prætoriam scapha destituta, ob id fēctari minimè potuit.

Chanpan vacuam possidet.

Media nocte, Iacob Thuniss, Chanpan Chinenfis occupatæ præfectus, ad prætoriam contendens Generalem rogauit, an in latus australe euagari debeat, vt Capitaneum Biesman, cum scapha sua adhuc absentem, requireret. Huic Generalis per gubernatorem suum renunciauit, vt non egrederetur, sed hac nocte prætoriæ vicinus expectaret. Quem ob id, cum propter densas noctis tenebras accuratius non obseruarent, pro accepto mandato munus suum executurum existimauerunt. Cum verò illuxisset, rerum statu dispecto, nec Chanpan, nec præfectum eius vllibi locorum viderunt: vt iam certò suspicarentur, à quinque illis Chinenfibus, qui vnà in naue illa erant, incautos ac parum vigiles, omnes cæsos ac obtruncatos esse.

Die 22. Celox siue Liburnica Concórdia, quæ in huius Insulæ sinu quodam anchoris nisa fuerat, & propter incumbentem tempestatem grauiorem prætoriam è conspectu amiserat, manè ad Generalem pertendebat. Hæc in transitu nauiculam quandam ex Manille venientem conspicata est. Ad quam priusquam appellere possent, illa iam oræ admota, omnes aufugerunt. Hollandi tamen nauem siue Fregatten ad formam triremium industriè concinnatam inuadentes, animaduenterunt, eadem Hispanos nonnullos cum signifero ve-

Fregatten capiunt.

ctos fuisse: cuius rei documentū ex vexillo relicto Hispanico ac nonnullis vestibus sumpserunt. Sed mercibus ac repertis rebus extractis, Fregatten funditus merferunt. Hoc confecto ad Generalem, qui iam iam porrò vadendi in procinctu erat, redierunt. Et cum ventus admodum cōmodus esset, cursum suum intra occasum ac septentrionem per angustias Mindore imprimentes, metam ad Manillen, 30. inde miliaribus adhuc distantem legerunt.

Hoc tempore Iacob Thunifs, cum Chanpan ac sociis nedum redierat. Itaque de istis quid actum esset, admodum solliciti fuerunt. Et licet suspicari facile liceret, Hollandos omnes à Chinenfibus obtruncatos esse: certa tamen veritatis documenta haurire ex nullo poterant. Cumque naus illius Pilottum, qui in prætoriam translatus erat, quid de re ista sentiret, interrogassent: se quidem dicebat de istis nihil certius compertum habere: nauem tamen suam cū mercibus perditam haud leuiter doleo. Nomina, qui in Chanpan fuerunt, sunt, Iacob Thunifs Ostervvick, gubernator: Cornelis Dierckfs ex Vtrecht: Cent Adrianēfs ex Vlissinghen: Nicolaes Cassier: Ian Ians Aep: & Pieter Ians tubicen.

Die 23. manè Argesten adepti sunt. Nam prægressa nocte ferè tota propter tranquillitatem ventorum, vela obliquare cogebantur. Itaq; cursum suum intra occidentem ac septentrionem intendentes, circa meridiem Mindore angustias attigerunt, Mindoren quidem ipsam cum altera in medio posita insula à dextra, Lonbou verò insulam à læua relinquentes. Intercurrens inter has insulas latitudo, miliare vnum supplebat. Freto seu angustia transmissa, propiùs ad septentrionem declinarunt, vt iugum superius, à quo in continentem Manillæ tutus excursus datur, occuparet. Nam illic ex vna parte terra firma, ex altera apertus Ocean⁹ patet. Eo ergò toto die ac nocte cursū suum intra septentrionem ac occasum impulerunt, terram ipsam è conspectu nunquam dimittentes.

Die 14. sub exortum solis 10. circiter miliaribus à sinu ante Manillen posito aberant. Iugum eius versus austrum ac septentrionem ad angulum vsq; sinus exporrigitur: quod circa meridiē euincentes, in vicino loco ingressum amplum, 5. miliaribus diffusum deprehenderūt, quæ fauces erant sinus Manillæ. In medio eius Mirabilles insula sita est: à qua si prospectus feratur lōgius, orbica insula alia apparet, formam pilei forinsecus exhibens. Cæterum hinc ad ingressus latus occidentale pronauigarunt, cum ad Mirabilles insulam penetrare nō possent, in sinus parte occidentali anchoras firmantes, cum à Manille ciuitate 12. adhuc miliaribus abessent. Ibi terra admodum deserta ac inculta quædam visitur. Secundum quam Canoam quandam corripuerunt, sex Hispanis ac aliquam multis Indis oneratam, sed ex his de statu Manille nihil expiscari poterant, quod se Mirabilles insulæ incolas esse prætenderent.

Die 26. In prætoria naui omnis senatus bellicus conuenit, vt de liberatio fusciperetur, quonā modo rebus omnium optimè consuli posset. Cumque de hac re Indus singulari examine audiretur: consultissimum ac tutissimum esse decreuerunt, vt in littore ad 10. aut 14. vsque Februarium moræ fierent: siquidem à Pilottis Chinenfibus, qui tam loci istius quam Indiæ orientalis exquisitam notitiā habebant, intellexerant, intra octiduum duas ex Iapan naues ferro ac farina oneratas in Manillam appulsuras esse: quas postea, mense vel Ianuario vel Februario vel Martio, naues quoque Chinenfes insecuturæ sint, sicut fufius superius commemoratum est. Has ergò in littore expectandi consilium erat, vt periculum fieret, an cum his commercia iusta & idonea agitari possent. Et hoc decretum, scripto exceptū, propria cuiuslibet manu subscriptum est.

Eo ergò in loco sua quasi castra egerunt, iam quidem prorsum, iam iterum vorsum nonnihil procedentes, & magna parte anchoris quieti incumbentes. Hoc enim anni tempore solus istic Eurvs perflare suevit, nulla mutatione aut vicissitudine variabilis. Circa fines istos sinus ac anguli diuersi sunt, fundis idoneis omnes insignes. Et à sinu ante Manillam, terra ad occasum ac septentrionem excurrentes, in angulum quendam sub 15. gradu in lineæ parte boreali positum excurrit, 12. circiter à dicto sinu miliaribus distans. Et hinc terra iterum ad Pagesmany: quæ continenti Manillæ cohæret, diducitur: quæ insula Luffon dicitur, ac ipsa Anglia Scotiaque iunctis maior est. In confinibus istis complures aliæ magnæ quoque insule visuntur, Hispanorū iurisdictioni vniuersę subditę, ac vectigales. Ea enim gens cū egena & paupercula sit, atque nuda (quæ tamen propter Hispanorum conuersationem tunicis lineis nunc vti cæpit) ab Hispanis cogi ac subiugum agi, facili opera potuit. Hæ quidem insulæ ex se & soli fertilitate non admodum opulentæ sunt: negotiationibus tamē incolæ crebris cum Chinenfibus operam dantes, frequenter admodum ditescunt. Nam commerciorum tractandorum peritissimi sunt.

Die 3. Decembr. cum Generalis fixis anchoris incumberet: Capitaneus autem Biesman naue sua prorsum vorsum peruaderet: magnæ cuiusdam naui, ex alto Oceano accurrentis vestigium accepit. Hanc captam ad Generalem adduxit. Hæc vna istarum nauium erat, de quibus Pilottus antea indicium fecerat, ferramentis, farinaque ac pernīs onerata, cuiusmodi merces ex Iappon in Manillam vendendæ conuehuntur. Ista naui onerum 50. capax, 25. dies co itinere obtriuerat, aliarum trium, quæ tempestatum vi disiectæ sunt, comes ac socia.

Harum nauium mira structura ac forma est. Parte anteriore late ac camini specie expāsæ sunt. vela earū ex arundine aut alga contexta, voluulo attrahuntur: quas anchoris ligneis firmant. Funes harum ex stramine parati sunt. His iter suum mira & incredibili celeritate confi-

cere

*Luffon insula
maxima.*

*Iapponicam
naue captam.*

*Iapponicarū
nauium de-
scriptio.*

*Lapponum de-
scriptio.*

*Arma lappo-
nensium.*

*Iesuitarum
commercium &
veneratio.*

cere possunt. Huius nauis Capitaneum, ex lapponia oriundum, Generalis lautè accepit. Nomen eius erat lamista Citissamundo. Vestibus lappones ac tunicis oblongis vtuntur, habitui Polonorum ferè similibus. Capitanei (qui genere nobili erat) vestes ex serico lucido, foliis ac floribus intertextis, mira arte ac industria veluti pictæ visebantur. Capillis nouacula rasis lappones se vniuersi caluos reddunt, in solo occipite floccum vnum retinentes. Bellandi gens peritissima & prudentissima est, corpore procero ac quadrato. In lapponia quæ arma cuduntur, omnium totius Indiæ orientalis optima ac nobilissima sunt, vt sunt acinaces, sclopi, arcus, tela, quorum Hollandi certa genera nacti sunt. Acinaces acutissimi ac penetrantissimi sūt, ita vt in lapponia dicantur inueniri homines, qui vno ictu tres viros detruncare valeant. Emptores bonitatis indicium à cæso sclauo sumūt. Pretio magno veneunt, & ab omnibus magni fiunt.

lapponia olim multos Reges nouerat, qui se mutuis subinde bellis conficiebant. Nunc vniuersa vnius imperio subiecta est. Lusitanis quidem in lapponia negotiationes ac commercia liberrima sunt: sed iuris ac potestatis, eorum, nihil quisquam habet præter Iesuitas, qui negotiationes illic omnium amplissimas agunt. Hi verò plerique omnes Lusitani sunt: qui dum in lapponia egerunt, maximam primatum ac plebis partē de religione Papistica informarunt, & eos variis somniis persuasos in suas partes adeò pertraxerunt, vt ab his iam quasi pro deunculis habeantur & colantur. Hi ipsi Iesuitæ sedulo etiam cauent, ne quisquam alterius ordinis monachus in has terras recipiatur. Sic se rerum ac hominum omnium dominos constituentes, ibi commercia opulentissima ac frequentissima tractant. Horum persuasum aiunt ipsum quoque Lapponum regem eò perductum esse, vt acceptandę religionis spem omnibus mouerit. Illuc Lusitani quotannis magna naui mercibus onusta profiscuntur. Ac olim quidem ingenti commodò quæstuque illic com meatum est. Hodie verò vltra duplum lucrari non licet. Nam & ipsi met iam pleraque parare didicerunt: & ex Chincheo Chinenſes cum serico ac mercibus aliis abundantissimis illuc subinde commeant. Lapponibus enim in Chinam propter continuorum bellorum pericula tutus transitus non est. Tum & Rex nullam exteram nationem in regni sui limites admittit.

*Annonam ex
Lapponēſi na-
ue accipiunt.*

Huius nauis Capitaneum Generalis de piscium ac farinæ certa quantitate compellauit ac rogauit, pretium pro iis iustum offerens. Is ergò lubēs vltro 29. corbes farina, & 8. corbes piscibus refertos cum nonnullis pernisi ei obtulit. Ab eodem Generalis etiam anchoram ligneam cum stramineo fune accepit: quo de die ad naues sistendas is utebatur, cū ab anchoris malè instructus esset. Pro hisce Generalis pretij loco Capitaneo fasciculos aliquot linei panni cum tribus sclopetis reposuit: qua solutione is facile contentus erat. Idem à Generali com-

commeatum etiā ac vexillum petiit. Quæ in honorem sui principis Hollandi haud facilè elargiti sunt. Post hæc vtrinq; discessione facta, Iappones porrò in Manillam contenderunt, Hollandis in littorum priore statione continenter agentibus. Honorarij loco Generalis à Capitano etiam puerum octo annorum, patrio more vestitum rasumq; accepit. Corporis colore hi fusco sunt, & lingua loquuntur nō ineleganti: Characteribus in scribendo iisdem cum Chinesibus videntur. Vnde fit, vt etsi idiomate quidem ac linguis inter se differant adeò, vt ne quidem syllabam communem habeāt: literas tamen scriptas vtriq; legere, & sua lingua explicare haud difficulter possint.

Iapponum & Chinesium lingua diuersa: scriptio eadem.

Die 9. Caurum antiquum flantem adhuc senserunt, iuxta valium sese anchora lignea nixi continentes. Quæ tamē paulò post, cum soluta fuisset, vela ventis dare coacti sunt. Interim Liburnica, quæ ante biduum Cabo obiuerat, ad naues reuersus vino onusta Barquen, ex qua Hispani profugerant, aduexit. Hoc gustatum, vino sublimato quadamtenus simile apparebat. Id ex Coques arboribus parare solēt. Vino hoc ad vsus necessarios assumptò, Barque perterebrata demersa est. Vix hanc nauem exonerarant: en, desubitò aliam quoq; oryza ac gallinis onustam corripunt: quibus se iam haud leuiter reficiebāt. Cæterum tempus prout constitutum erat, in littore morantes, ex China appulsuras naues præstolati sunt. Nam cum his, isthac necessario transituris, negotiationes certissimas meditabantur.

Nauem vino onustam corripunt.

Die 12. Argeste admodum incitato insonante, funis anchoræ lignæ disruptus est. Itaq; noua anchora prolata opus fuit. Postea Generali ac Capitano Biesman consultum visum est, vt paulò penitius in fretum pergeretur: quod cōmodioris portus querendi temporis satis restaret. Sinum itaq; ante Manillam iterum transmiserunt ad latus occidentale declinantes, post cuius angulum seu prominentiam, 30. pass. anchoras miserunt. Vbi etsi quidem fundus satis commodus daretur; ventus tamen Caurus violentus naues haud leuiter quatiebat.

Circa vesperam scapham ad sinū quendam, in quo duæ Chinesium Chanpan agebant, emiserunt. Harum altera oryza nōdum decorticata onusta: altera nōdum omninò extructa ac parata erat. Has verò, quod Chineses vniuersi ad Hollādorū conspectū profugissent, & in syluas sese abscondissent, rei indignitate moti subuerterunt & merferunt. Interim tempestas prior nihil remittebat. Die 14. Iouis, cum vis venti adhuc continuaret, sub exortum solis duas naues ex Manillæ freto ad se properantes conspicati sunt. Quas cum primo intuitu Fregattas crederent: Generalis scapham suam cum aliquot militibus ad Liburnicā emisit, iubens, vt eius anchoris emotis, Capita-

E Manilla naues contra Holland. emisit.

*Punem ancho-
rarium detru-
cant.*

pedirent, quibus poscente casu contra naues aduentantes vterentur: in anchora extricanda quidem maximo nisu laborarunt, sed eandē tamen eruere minimē valuerunt. Instante ergo periculo coacti, funem præciderunt, quod naues hostiles sese iam propius intulissent: quas militares esse ex Manille emissas, tum ex vexillis, tum indicibus aliis æstimare facile quiuis poterat.

*Hollandorum
cum Manilla-
nis conflictum.*

Porro autem & ipse Generalis propius ad Liburnicam sese conferens, Capitaneum adhortabatur primò, vt res lētè tractaret, & tormenta secundum ventum dirigeret. Sed breui iterum mutata sententia, cum se læuam tenere videret, Capitaneū idē inclamauit, vt inuasionem nauium maturaret, & data occasione primitus vteretur. Is ergo recta in hostiles naues impetum fecit. Cæterum postquam in Hispanicā prætoriā, quæ prior & propior accesserat, Hollandi sua tormenta explodissent: eadem Hollandicis nauibus tam prope successit, vt militum turma gregatim eas iā occuparet, & in tabulata superiora confertim ascenderet. Hi pleriq; galeis ac clypeis auratis insignes, alta voce, Maina Peros, Maina Peros, clamitabant, vt Hollandi in naues suas descendere omnino cogerentur. Iam ergo Manillani sese nauibus positos omnino persuasum habebant, cum eorum 6. vel 7. contra vnum Hollandum subinde dimicarent. Hollandi tamē nihilominus infernè hastis ac sclopetis hostes suos tanta fortitudine exceperunt, vt plurimis eorum fufis, iā ferociam suam nō obscure deponerent. Interim & ViceAlmirans ex Manille propius se ingerens, cum sociā prætoriam naue aduena potitam censeret, cursum suū ad celocem intendit. Quo viso Capitaneus Biesman, velis conuersis à Generali discessit, sperans, cum secundo vēto sese manus hostium ita cōmodè declinaturū esse. Interim Almirans ex Manille toto die cum prætoria Hollandorū confertus cohærebat. Sed tormentis vtrinq; nō feriatū est. Manillani siquidem violento bombardarum incussu Hollandorū prætoriā transuersim pertuderant. Contra Hollandi nec ipsi quidem frigidè cōtra luctabantur: qui tamen propter raritatem sociorū tandem lassiores redditi, deditioni iam sese parare incipiebant. Nā ex ipsis plurimi vulneribus attriti erant. Generalis ergo, ignauiam & desperationem suorum militum animaduertens, in nauem descendit, ac minitatus est, nisi animo ac viribus resumptis instanter contra hostes pugnatum ascensuri essent, tum se haud cunctanter in puluerem tormentarium ignem coniicere, ac nauem omnem mergere statuisse. Hoc audito, contra hostes vniuersi, tam vulnerati quam ceteri sani, tanto iterum impetu Hollandi irruerūt, vt hostium pars magna iam è naue præcipitaretur.

Porro etsi quidem Manillani duas alias quoque Chanpan præsidiarias à tergo haberent: eæ tamen propter horrida bombardarum fulmina propius admoueri non sustinebant. Et cum ceteri Manillani iam à pugna diuturnitate admodum eneruati essent, omni studio id agere cæperunt, vt nauem suam ab Hollandica expedirent, &

ocys extricarent. Quod dum molirentur, maiora sua tormenta Hollandi in nauem hostilem crebris vicibus disploderunt, & quacunque agilitate poterant, ei damnum intenderunt. Tandem verò, cum vix eandem emotis vncis liberaissent & extricassent, ac breui interuallo ab Hollandis abscessissent: eadē iā manifestè mergi animaduersa est. Nam violentissimis globorū diuerberationib. ita patens ac lacera reddita erat, vt propter confertim irruentē aquam seruari minimè posset. Quæ ob id tam præcipiti ruina absorpta est, vt nec vela nec malus sui vllum vestigium relinquerent.

*Hollandi victo-
ria potiuntur.*

*Nauis Manil-
lana absorbe-
tur.*

Hollandi ergò hostes suos haud pridē admodum feroces ac iactabundos, iā gregatim ante oculos suos obnatātes, & lugubri voce Misericorde, Misericorde clamitantes, conspicati sunt. Qui in vndis ranarum more natitabant, 200. circiter erant: à quo numero illi excepti sunt, qui vel iam dum merfi perierūt, vel gladiis ac glandibus occubuerunt. Rebus ita pacatis, Hollandi vela sua recollegerunt, quod malus maior præfectus, rudentesque vniuersi miserè obtriti essent. Tum & propter crebras tormentorum exonerationes, tabulæ ac afferes nauium ita incaluerunt, vt iam manifestè ardere viderentur. Iam ergò, quin victores igne vincerentur & vniuersi conflagrarent, parum aberat. Attamen, cum ad flammæ restinguendas promptissimas operas omnes studiosè conferrent, Dei beneficio singulari, iis sopitis, etiam ex hoc interitus periculo Hollandi erepti sunt. Dici satis non queat, quāta deuotione Hollandi Deo Optimo Maximo iam gratias ingentes habuerint, quod ipsos tū ex hoc incendij tum oppugnationis grauiissimo periculo forti manu clementissimè eruiisset ac eripuisset. Nam victoriam hanc à solo coelorum moderatore promanasse, qui inficiaretur, nemo erat.

*Hollandorum
nauis ardet.*

Hostium iam viribus attritis, cum Hollandi deinceps periculo vacarent, extemporanea opera vtcunq; naue refarta & reparata, per medios Hispanos, in oceano gregatim adhuc natitātes, peruaferunt, multos eorum in transitu hastis perfodientes ac conficientes, & tormenta grandiora in eos displodētes. Inter hos spectaculo ridiculo sacrificus quoq; quidam, ex insigni suo facilè noscibilis natabat. In naue Generalis Hispanorum cæsorū quinq; reperti ac in salum exturbati sunt, qui pyxides argenteas secum habuerāt. Quæ ad apertæ schedulas paruas, diabolicis consecrationib. insignitas, quibus cōtra tela tutos se præstaret, continere visæ sunt. De huiusmodi siquidē præstigiis à suis sacerdotib. plerunq; instituuntur. Vnde fit, vt diabolicis superstitionibus qui Papæ in his locis suā fidem iurarunt, multo contaminatiores sint, ipsis illis, qui vel in media Roma vel Hispania agunt.

*Hispanorum
fæda ac dia-
bolica super-
stitiones.*

Hoc conflictu Hollandorum quinq; cæsi, & 26. vulnerati sunt. Cæsorū nomina erant, Huybert Ians de Troyen: Simon Ians de Opdā: V Vouter Adriās de V Voerden: Iacob Lock de Amstelredamo: Adrian Claes Coninck de Hoorn. Tot adēptis, prætoris nauis pri⁹ 53.

*Hollandorum
cæsorū no-
mina.*

viris munita, iam infirmior erat. Vulnerati autem à peritissimo Chirurgo, Alexandro Courtmans Antvverpio, probè ac diligenter curati sunt.

Cæterum cum iam in mari pergerent, Vice Almirantem ex Manille cum Liburnica, duorum milliarium intervallo cum secundo vento certare cursu conspicati sunt. Et tamen, quæ eius fors aut status essent exactè videre non potuerunt. Plerique tamen suspicabantur, eam ab hostibus breui & captum & occupatum iri. Propter metam enim longiorem non omnia exactè prospici poterant. Obscurè tamen apparebat, Hollandico vexillo adempto, Manillanum Liburnicæ iam suffixum esse. Quin & Hollandos hostium manus haud quaquam effugituros vel ex eo colligi facile poterat, quod in Liburnica ultra 25. viros iam non superessent, cum Hispanica naue 500. circiter armati veherentur. Quæ in super 10. tormentis, maioribus & minoribus, instructa erat.

Hæ naucs, à Gubernatore in Manille instructæ & emissæ sunt, quod is Hollandos in littore excubare intellexisset: & illæ eadem erant, quæ quotannis ex Manille in Mexico, serico ac pretiosis mercibus aliis oneratæ proficisci solitabant. Has iam ad obtruncandos & excindendos Hollandos emisserant: quod ferre non possent, exterarum nationes illuc negotiatum venire. In his magna pars Hispani erant: cæteri Indi, stipendiarii cum illis veniebant, qui tum sclopetis tum armis cæteris, quorum vsum ab Hispanis edocti erant, dexterimè uti poterant.

Gubernator in Manille

Gubernatoris in Manille nomen Francisco Telo est, qui regendæ & seruandæ insulæ gratia à rege Hispaniarum eò missus, tributa & census Indorum corrogat ac colligit. Is sedem ordinariam in Manille habens, negotiationes cum Chinenfibus amplissimas agit, qui sericum, aurumque, ac moschum cum mercibus aliis nobilissimis in Manillam inferunt, vnde porro illæ in Mexico traiciuntur, & commerciis aliis distrahuntur.

Residui in Borneo insula

Nulla commerciorum cum Manillanis spe apud Hollandos iam residua, hi deserta insula ea, ad Borneo insulam sese direxerunt, ut cum quod in primis opus erat, ibi reficerentur, & nauem laceram disruptaque redintegrarent. Nam & velum maius concisum, & reliqua vniuersa comminuta, & scapha comminuta laxataque erat adeò, ut aduenas naues ibi præstolari iam non integrum esset.

Circa vespèram cursum suum ad solstitium hybernium intendentes, noctu intra duas insulas medijs per nauigarunt, vento cauro non inidoneo perspirante. Cæterum Borneo insula à Manilla 180. circiter milliarium intervallo sub gradu quinto: Manilla vero sub grad. 14. & 45. min. in æquinoct. latere boreali sita est.

Die 16. Cauro adhuc continuante, cursum suum intra solstitium hybernium intenderunt, iuxta insulam quandam magnam, versus orientem

rum

rum longo tractu excurrentem, & in longitudine 180. circiter milliaribus habentem: Ea Hispanis subiecta, Gubernatori Sarmiento paret, ac Boluton insula dicitur. Secundum hanc 3. vel 6. milliarium spatio pergebant, duobus Chinenfibus Pilottis, in Borneo passim notissimis, instructi.

Die 19. mane cursum adhuc pertendebāt, quod dicerent Pilotti Chinenfes, circa fines istos breuia quædam sita esse, tam edita, vt funde eorum commodè conspici possit. Juxta hæc prætereuntes, à magna insula 6. ferè milliaribus aberant. Is locus transitu admodum periculosus est iis comprimis, qui eius nullam notitiam habent. Hinc vento cauro vehente antiqua meta pronauigarunt.

Die 23. Borneo insulam iuxta latus habuerunt. Ad cuius ciuitatem priusquam aditur, aliæ quoque insulæ 2. vel 3. circiter milliaribus à prædicta terra conspiciuntur, ad quas vela direxerunt, tentaturi, an hauriendæ aquæ copiam illic adipisci liceret, et si nullam scapham opitulatricem haberent.

Nam discedentes Manillani, hanc secum auexerant: vt colligatis trabibus contenti esse cogerentur. Circa meridiem ad dictas insulas perrexerūt: cumq; duorum ferè milliarium spatio ab iis distarent, breuia quædam saxosa à latere declinauerunt. Sub vesperam 15. milliarium interuallo lōgius ab insula eiekti sunt, quod propter nimiam ventorum aduersorum vim metam rectam tenere non possent. Ea nocte igitur anchoris incubuerunt.

Die 25. aquam haustum ad insulam appulerunt: quæ tamē propter oræ humilitatem propius adiri non potuit. Hinc ex Manille nauem quandam decurrentem prospexerunt, quam eo fine emissam putabant, vt de Hollandis ad Malaccanos nunciū deferrent. Quam quod iam nox ingrueret, & eadem infra vallum decliuius deproperaret, assequi non valuerunt. Re ergo frustra tentata, ab insula dicta resoluentes ad Borneo ciuitatem, inde 15. milliaribus adhuc distantem, cursum instituerunt. Hic angustia pressæ ac decliuis terræ erat, quæ ex Borneo egressa, intra insulam milliaris interuallo excurrit: quæ ex ortu ad nauigantibus, firma ac continens videtur.

A meridie diei 26. sinum ante Borneo ingressi sunt. Is grandis ac diffusus longis ambagibus nonnullarum insularū adhæsu in mare extenditur, ita vt ambitu suo tria fere milliaribus complectatur. Huius vnda placida ac quieta, fundus verò anchoris admodum commodus est. In vicino incurrente fluuio piscium maxima copia captatur, qua de causâ locus iste piscatoribus multis habitat, qui gregatim ad nauem scaphis suis sese contulerant, pisces pro linteis permutantes.

Hollandi in huius sinus occidentali parte iuxta angulum quandam non procul à terra diuerterunt: apud quem Rex in Borneo classem paratam habet, qua piscatorum tutela accuratur, & exterorum iniuriæ arcetur. Eius classis decurio ad Hollandos statim se ingerēs,

ipsis per Pilottos Chinenſes, linguæ iſtius gnaros indicauit, quod regio nomine ibi præſidiarius eſſet, nec poſſet, quin Regi ſuo, qui in ciuitate trium inde milliarium interuallo diſtante reſideret, ipſorum aduentum ocyus nunciaret.

Regi Borneo
munera mit-
tunt.

Generalis itaq; Chinenſium eorum, quos ſecum in nauib. habebat, vnum cum teſſerario emiſit, qui regi in Borneo, exhibitis nonnullis muneribus ſignificarent, quod regiones illas non niſi amici adiſſent, nec quenquā ſuorum ſubditorum aut defraudare, aut quacunuiſ alia iniuria afficere cogitarent, ſed vnice cū ipſis æqua ratione negotiari optarent. Rogare ergò ſubmiſſe, vt annonam ac aquam iuſto annumerato pretio ipſis impertire vellet.

Poſtero die Prauvvẽ ſeu naues plurimæ cum variis fructibus, ac gallinis piſcibusq; & vnda ad nauem appulerunt, quæ omnia Generalis linteis redemit. Indigenæ hi linteorum Chinenſium, quorum faſces aliquot ante Manillā Hollandi acceperant, auidiſſimi & cupidiffimi erant. Quæ verò ex Hollandia ſecum aduexerant, ea non magni faciebant. Multi quin etiam è nobilibus loci ſpectatū nauem aduenam venerūt: quos pleroſq; Generalis munuſculis impertiuit, vt illic nimirum ſecurius negotiari liceret.

Die 28. Pilottus, qui ad ſalutandum regem emiſſus fuerat, reuerſus, in comitatu ſuo grandem Prauvv habuit, qua miniſtri quidam regij aduentabant. Hæc ſuperne vexillo regio inſignis erat, æreis tormentis duobus munita, quib. curandis tractandiſq; Chinenſis quidam ex Patana, qui magno apud regē loco erat, aſtabat. Pilottus itaq; à rege reſponſum Generali attulit, Borneos dictis nō admodū fidere potuiſſe, ſed omnino perſuaſum habere, eos Hiſpanicæ factionis eſſe, cum quib. Rex bello ſubinde decerneret. Id ex eo ſibi verſimile fieri, quod in littore alia quoq; nauis moraretur, quæ huius aduenæ haud dubio ſocia ſit. Tum & Luſitanicā quādam Barquen prætereuntē in Borneo ſignificari curaffe, aduēturos haudquaquā negotiatores, ſed potius milites eſſe: & vt indigenæ ſibi cauèrent, adhortatū fuiſſe. Interim tamen cum miniſtri regij omnia intentē diſpexiſſent, longè aliud iam ſentiebant, dicentes, verè ſe nunc intelligere, quod non ex Hiſpanis eſſent, qua de re ſibi comprimis gratulentur. Redituros ſe itaq; ocyus, & quod vidiſſent, regi annuntiaturus eſſe. Prætendebāt hi quoq; Regem, vbi nationē quandam peregrinā appuliſſe intellexiſſet, petiſſe, vt ex aduenis quidam ad ipſum ſpectandus mitteretur.

Rex Borneo
Hollandum
ſpectare ſat-
git.

Quibus ob id Generalis reſpondit, ſe in gratiam regis haud grauatē præſtiturū eſſe, modo de ſuis Rex viciffim quendā ad naues interea mitteret. Quod proponere regi ſe velle promiſerunt miniſtri. Diſcedentibus Generalis ſclopos aliquot & loricam dedit, quæ munera regi honorario offerrent. Nam illic ita mos inualuit, vt aduenæ ſingulari munere regem afficiant. Miniſtris diſcedentibus, honoris gratia aliquot tormenta exonerata ſunt.

Prædictus Pilottus Chinenſis cum miniſtris denuo ad regem proſectus eſt, vt cautius diſpiceret, quas & quales ibi negotiationes ſperareliceret. Sed aromata is locus nulla promit, præter Campho-
ram, quæ omnium illic optima in tota India Orientali reperitur. Sed hanc maximi æſtimant, adeo, vt libram vnam non minoris 20. Regalib. octonorum vendant. Tum & vltra 300. aut 400. libras ibi redimere non licebat. Præter hanc, ibi nihil parabile erat, quod quæſtum aliquem præ ſe ferret: cum pleraque à Luſitanis iam antea inde euecta eſſent. Interea autem temporis cum piſcatoribus ac indigenis aliis de fructibus variis, gallinisque ac piſcibus cōtraxerunt, id ſtudioſe agentes, vt cumulatiſſimè nauēs inſtruerentur. Nam & hoc loco omnia ſua dolia replebant aquis ad ſpeciem optimis & ſaluberrimis.

*Campbora
nobiliffima in
Borneo.*

Die 30. mane miſſus Pilottus Chinenſis ad nauem cum mercatoribus aliquot Chinenſibus rediit. Hi in Borneo morabantur, cum naue 60. Picos piperis, quod vendendum ex Panama eo aduexerant, ingreſſi. Hos vendendos Hollandis obtulerunt.

Hi Chinenſes, non ſub Chinarum regis iuriſdictione agunt, ſed terram peculiarem, Patanam dictam incolūt, quæ ad littora Siau ſita eſt. Ibi ſuum peculiarem regem agnoſcunt: & tamen cæterorum Chinenſium moribus ac legibus viuunt. Nam & ipſi met Chinenſes quidem ſunt, ſed iſtius fere ordinis, quo apud nos prædatores cenſentur. Nam plerique è patria aut profugi aut eiecti ſunt. Hi in Patana reſederunt, quæ regio munitiſſima, & nulla vi domabilis eſt. Metropolis terræ illius Patana dicitur, portu pro nauibus vniuerſis tutiſſimo & commodiſſimo, in quo ſaluum conductum exteris omnibus præſtant. Quos verò in aperto oceano corripere poſſunt, eos non facile dimittunt. Hi referebant, Patanos nuper Chanpan Chinenſem prædatos fuiſſe, quæ ex Iaua venerat, & cum Hollandis, qui tum temporis illic hæſerant, negotiata fuerat: qui Chinenſibus Regales octonorum pro mercibus reddidiſſent. Ex quibus intelligi poterat, naues Hollandicas ac Zelandicas, quæ in Indiam Orientalem ſoluerant, ibi appuliſſe, & in Iaua maiore negotiationibus vacaſſe.

Hi Patani Chinenſes piper ſuum nimis grandi pretio æſtimabant, & meros Regales pro eo expoſcebant, quibus tamen Hollandi non admodum inſtructi erant. Nam quas merces magna ſecum parte attulerant, erant, panni lanei, Raſſen, Arras, & linteamina: quæ
viciffim Patani non magni æſtimabant. Nihilominus tamen contractibus firmandis tam diu operam dederunt, dum inter eos tandem ita conueniret, vt Hollandi pro 20. Picos piperis tertiam partem pecuniæ, & duas tertias mercium allatarum, nimirum pannorum & Arras, reponerent, quolibet Picos, 120. libras pendente, 13. Regalibus octonorum exoluendo. Ita de pacti, poſt biduum piper in naues inferre promiſerunt.

*Hollandorum
ac Pantanorū
qualis contractus.*

His iam à naue digreſſis, Pilottus Chinenſis, quem generalis ſecum

Hollandis Bornei insidiatur.

cum habebat, ipsum sedulo adhortatus est, vt sibi studiosè cauere, & rebus necessariis omnibus prospiceret. Certis enim se indiciis sensisse dicebat, Borneos proditorem, & oppressorem Hollandorum moliri, modo id vlla arte ac ingenio confectum dare possint.

Ipsi tamen nihilominus more suo in permutando perrexerunt, indies varios fructus, gallinasque ac oua, quæ Prauuv seu nauculis suis indigenæ subinde magna copia aduehebant, æquo pretio redimentes. Inter cætera verò, quidam ex Borneo, ex Canton Chinaensis, sed animi simplicioris & apertioris, ad nauem accessit, rogans etiam atq; etiam, vt in Hollandorum naui absconderetur. Nam in Borneo se debere dicebat, cui non esset soluendo. Rogabat itaq; vt pro scilauo ipsum deinde diucnderent.

Hic Pilotti sermones dato testimonio confirmabat, referens, magnum tum virorum tum rerum aliarum in Borneo apparatus fieri: ex quo non temere suspicari liceret, statuisse eos sub specie negotiationis proditoria & nefaria inuasiōe nauem subigere: cum alias, si sibi diligenter Hollandi cauere, & in excubiis vigiles essent, nullum suis copiis vniuersis, ipsis damnum dare possint.

*IANVARIVS.
An. 1601.*

Cal. Ian. An. 1601. sub exortum solis Prauuv plurimas sursum deorsum per sinum agi animaduenterunt, quæ post vniuersæ apud angulum quendam, vnus miliaris intervallo à naue distantem, congregarentur: ita vt vno loco Prauuv ultra 100. coactæ numerarentur. Ad eas ergò excipiendas sese vniuersos instruxerunt, & tormenta aliaque ad rem pertinentia, expediuerunt. His agitat, Prauuv quædam ad nauem appulit, duos pipere saccos refertos afferens, dicensque, eos à rege mitti, petente, vt pro istis arma quædam ipsi reponerent. Quod generalis nulla quidē mora aut perplexatione fecit: fraudis ac proditoris intellectæ signum ne quidem minimum edēs. Sed ex his præter duos in nauem non admisit. Paulo post Prauuv alia & secunda ad nauem accedit, qua 80. circiter vehebantur, storeis tamen ac velis, illi regioni familiaribus pleriq; intecti. Hac bos cum multis fructibus aduehebatur: quæ dicebāt, Regem aduenis honorarij loco missitare. Et hi vniuersi simul in nauem ascensuri erant, iubētes Hollandos, vt bouem sursum ad nauem inferrent, & apporrectos fructus à remigibus prehenderent. Quo dolo se id impetraturos censebant, vt simul in nauem recepti, eam cæsis Hollādīs commode occuparent. Cæterum Hollandi prouidi, nauem prius angulo cuidam ad mouerant, interdicebantque, ne nauem illi conscenderent. Quod ipsi tamen negligentes, confertim ac vi irrepere occæperunt: sed postquam cum sclopetis suis Hollandos in procinctu stare, ac ellychnia iam effumare viderent, à proposito desistentes, quid vellent, rogauerunt. Quibus Almirans, hoc se velle respondit, vt ex omni numero duo saltem tresue in nauem ascenderent, cæteri verò ab illo longius abscederent. Id quod promptè confectum datum est.

Borneo indigenarum nefaria insidia.

Post-

Posthæc quidam Patanus Chinenſis cum nobilibus ac miniſtris aliquot nauem aſcenderunt. Cumq; viderent, ibi diligentes excubias fieri, & conſilij ſui ſe non compotes pro voto reddi poſſe: excuſatione longiſſima prætexta indicarunt, ex Prauvv illis collectis nihil omnino ſuſpicionis capi debere, ſed cognatum Regis cum tot nauibus ac vniuerſis ſuis vxoribus animi gratia ad ſpectandam aduenam nauem illuc deſcendiſſe, nec quenquam quicquam hoſtili animo meditari ac vóluerẽ. Et ſi vero Hollandi rogarent, cur, ſi res ita ſe haberent, eius ipſis præiudiciũ quoddam non feciſſent: tamen ſe doli ac fraudis intentatæ verè gnaros eſſe, nec dum prodiderunt, ſed factũ diſſimulãtes, quod poterant, ſuppreſſerunt, ac regis illũ cognatum, nonnullis muneribus inſuper affecerunt. Hos poſteà Generalis à ſe dimiſit, admodum ſollicitos ac metuentes, ne meritam proditionis poenam luerent. Huius verò perfidæ proditionis quidã Chinenſis Patanus ſolus caput ac cauſa fuit: qui hunc ludum iam antè quoque luſerat. Nam haud pridem quinque fociis ſicariis adiutus, Barquen quoq; Luſitanicam occupauerat, eadem ferè, qua iam quoq; perfidia fretus. Nam ad hanc peregrinantium prætextu ingreſſi, cum Luſitanos ſecuros viſiſſent, inſultu in eos facto, vniuerſis capita amputauit, & hoſtili manu Barquen occuparunt. Quæ tamen poſteà violentis procellis ad Borneo depulſa, ab alijs iterum occupata eſt: ita vt ab eo Regi Borneo cum ſocijs iam è miniſterijs eſſent. Cæterũ cùm indigenæ Borneo viderèt, ſperato ſucceſſu proditionẽ non cõfici, cũ Prauvv vniuerſis è ſtatione ſua eruperunt, & quoquo verſum diſſipati ſunt.

Hæc Borneo inſula vna ex maximis eſt, quas India orientalis *Inſula Borneo* habet. Ipſa ciuitas in loco cœnoſo ac vliginoſo ſita eſt, vt Prauvv ſuis *deſcriptio.* à domo vna ad alteram ſubinde commeare poſſint. Hæc 3000. circiter domibus inſignis eſt. Præter has aliæ plurimæ paſſim in terra penitiore viſuntur. Locus populoliſſimus eſt, viri habitatores proceri ac ſagaces, armis inſtructi omnes incedunt, etſi ſortis ſint abiectiſſimæ, velut agricolæ & piſcatores. Arma habent, arcus, haſtaſq; quarum extremitates ferro præpilatæ ſunt, furcas noſtrates referentes. Tum & pharetras gerunt, 20. aut 30. iaculis plerunque refertas, quæ pleraque fucata & venenata ſunt. Hæc confertim in hoſtes eiaculantur. Quibus qui feritur, ita, vt ſanguis profluat, propter ſummã *Borneo indi-* veneni, quo delibuta ſunt, vim, haud dubio moritur. Mohumeti- *genarum tela* *Religio.* cam religionem omnes profitentur, citius acerbiffimũ mortis genus ſubituri, quã lardum guſtent. Qua cauſa nec porcos illic alunt. Tot vxores ducunt, quot ſe alere poſſe cenſent. Foeminæ eorum prudentiſſimæ ac ingenioliſſimæ ſunt, quarũ multæ ad naues quoq; venerant, vt commercijs operam darent, quorum tractandorum admodũ peritæ ſunt. Audaces ac animoſæ ſunt. Nam cũ vna illarũ ab Hol- *Audaces fa-* *mina.* do quodam paulò craſſius cõtractaretur, ad arma illico diuerſit, haſta ipſum traiectura etiam, niſi impetus interceptus fuiſſet. Corpo-

re fusco sunt hoc à cæteris Indis nihil differentes, Lumbos veste linea innectunt. Sed plebis sex tota nuda incedit. Quamuis & ex his nonnulli tunica crocea vel rubra vtantur, quam corpori apte circumuoluere norunt. Porro in capite fasciam gestant, ex tenuibus gossypinis velis constantem.

Rex Borneo, admodum puer, per vicarium seu gubernatorem regni habenas moderatur: cuius vices iam cognatus eius, annosus admodum administrat. Sedes regia in Borneo ciuitate est. Magno ministrorum ac Sclauorum numero stipatus est. Nobiles ac cognati regis admodum fastuosi ac superbi sunt. Quorum cum nonnulli obiectis Pravu ad nauem appulissent, gestibus ac sermonibus admodum grauib. utebantur, apud plerosq; magno loco habiti. In nauibus eorum mediis abacus seu mensa stabat, vasculis aliquot argenteis grauata, quib. suū Betele, ac calcem, quæ assiduo cōmasticat, asseruat.

*Hollandi ex
Borneo abiu-
riunt.*

Cum Hollandi in hoc Borneo sinu diebus aliquot egissent, & tū vnda, tū variis cibariis sese instruxissent: viderentq; porro negotiationes nullas sperari posse, quod præter eam piperis quantitatem, quæ ex Patane eò conuecta erat, nimirum 60. picos, de quibus Patani Hollandis picos 20. vendiderant, sed nondum tamen, vt promiserunt, propter tumultum intercurrentem tradiderant: Generalis cum officiariis cæteris sententiam fecit, vt inde discessione facta, cursus in Iauam & ciuitatem Bantam dirigeretur, tentareturq; an negotiationes ibi quæstuosiores & feliciores agitari possent. Omnibus ergo expeditis, iter de nouo magna spe ingressi sunt.

*Hollandis em-
ptum piper
traditur.*

Die 2. tanta tranquillitas mare occupauit, vt eodem die inde soluere non possent. Interà ad obhærentem nauem ex Borneo Pravu appulit, qua Chineses Patani mercatores piper venditum aduehebant. Qui dicebant, quòd propter incumbentem tumultum pridie promissis stare non potuerint. Borneos ijdem excusabant, quòd nihil quicquam hostile machinati fuissent. Hollandi ergo piperis picos 20. recipientes, pecuniam & merces, prout pacti erant, reposuerunt.

*Pondera Chi-
nensium.*

Chineses omnia sua bona mercesq; per Euanaer siue Romanee ponderant, & Cattas 100. pro vno Pyck numerant. Quælibet verò Catte pondo vnum est, cum quadrante, libræ Hispanicæ. Chinesibus his expeditis, illi ad Borneo reuersi sunt.

*Pilotus Chi-
nensis emanet.*

Pilotus iste, quem Hollandi ante Manillam acceperant, cum in Borneo amandatus fuisset, ad Hollandos non rediit, sed missis literis significauit, se ægrum admodum ac infirmum decumbere ex dysenteria, qua repente correptus sit. Itaq; quòd non reuerteretur, se excusauit, rogans, vt pro sedulis istis ministeriis, quæ iam diu ipsis præstisset, aliquid remunerationis acciperet. Generalis itaq; qui apud se euolvebat, quòd is & nauis & bonorum suorum iacturam fecisset, & iam, vnde viueret, nihil reliquum haberet, fascem Arras cum mercibus aliis honorarii loco ei misit. Nam quamdiu eū nauigationis

sua

suæ socium habuit, ministeria fidissima & cōmodissima expertus est.

Die 3. sub noctem, cum tenebræ densæ essent, quatuor Bornei ad nauem adnatarunt, eo instituto, vt funem anchorarium præciderent: vt ita, libera facta naus in terram concitatus illideretur. Id quod certè nullo ipsis dubio, vsu quoq; venisset, nisi tempestiuè consilium id sensissent. Nam præter anchoram eam, qua fixi ibi excubabant, vnā saltem in naui superstitem habebant. Quarum vna perditā; nulla arte longius se sustinere potuissent. Sed, vt dictum est, consilium tempestiuè olfacientes, prolatis sclopetis in eos glandes excusserunt, ac instantes in fugam egerunt. Hi Prauvv vnā secum aduexerant. Ex qua in vndas illapsi, eadem post vacuum ad nauem acta est. Prioribus noctibus iidem aliam quoq; Prauvv ab indigenis pretio emptam, absciderant: ita vt noua parata opus haberent. Scapham siquidem suā ante Manillam perdiderant, ita vt cogerentur, deficientibus aliis commodioribus, hisce nauculis contenti esse.

Postquam illuxisset, ventum ex terra perflantem habuerunt. Anchoris ita sublatis, inde soluerunt. Aliò quousq; progressi, post se nauem quandam conspicati sunt. Ad quam cum decurrissent, viderunt eam Chanpan esse, ac ex Iapponia in Manillam tendere: sed propter obortas violentiores tempestates, in littus Borneo compulsam esse, vt ibi reficeretur. Hæc ibi 4. menses exegit, priusquam in Manillam redire posset.

Huius capitaneum, virum senem ac obesum, natione Lusitanum ex Portaport, Emanuelē Louis vocatum, Generalis ad se accersiuit. Idem aliquandiu in Malacca & Macca, locis Chinesibus, habitauerat olim: tum temporis autem in Iapan ciuitatis cuiusdam Larga facque incola erat, ex portu seu insula Coihinochoe dicta pridem egressus, vbi duos integros menses exegerat. Quos secum socios habebat, ferè omnes Iappones erant, eo modo rasi, vt suprà commemorauimus. Pilottus autem natione Chinas erat. Ex hoc capitaneo intellexerunt, in Iapponia magnam Hollandicā nauem appulisse, quæ ex societate Pieter Verhagens esset, tempestatum iniuriis miserè concussam & laceratam, adeò, vt fame partim, partim aliis morbis plerisque confectis extinctisque, soli 14. in ea superstites essent. Locus quem primò accefferant, Bongo vocabatur, sub gr. 34. & minut. 40. situs. Sed Iapponus rex eandem nauem in portum alium Atonzam nominatum, abduci curauit. Is sub 36½ gradibus situs est: vbi 4. anchoris in portu peropportuno incumbebant. Idem quoque Capitaneus commemorabat, populū eius naus vniuersum liberum tutumq; ibi com meatum impetrasse, & eundi, quo vellent, promptā licentiam habere. Iisdem quoq; factam esse potestatem referebat, scapham nouam condendi, quā quò vellent, cōmearent. Quib. omnib. ex signis augurabantur, nauem eandem Verhagens prætoriam esse,

Nauis Verhagens socia in Iapponia appellit.

quæ 250. onera capiebat. Is ex Chili duabus nauibus soluerat quidem: quarum tamen alteram deferere coacti fuerunt. Vt enim Capitaneus referebat, multis tormentis, ac Regalibus octonorum, mercibusque aliis instructissima ea erat.

Ex sinu Borneo soluunt.

Hunc Capitaneum Generalis humaniter ac laute tractauit, & à discedente pernas aliquot cum annona alia emit, impendio rogitas, vt in lapponiam reuersus, Hollandos ex se salute suauissima impertiret. Quod cum ei recepisset: vicissim rogauit Generalem, vt vexillum ei cum cōmeatu Hollandico elargiretur. Quod nomine Illustrissimi principis ei haud cuctanter datum est, & vtrinque ita discessum est.

Die 5. cum Euris itineri commodus spiraret, resumptis anchoris in sinus ante Borneo septentrionalem partem vela impulerunt. Cumq; ex sinu eluctati fuissent, cursum suum intra septentrionem ac occasum direxerunt, altius mare occupaturi.

Die 6. cum serenum cælum fulgeret, terram Borneo adhuc in prospectu habuerunt. Ipsi vero in occasum intendētes, meta admodum periculosa & infida pronauigarunt. Nam in septentrionali latere nonnulla breuia, & in australi facie aliquot insulæ conspicuæ erant. Sed & loci eius gnarum nullum Pilottum habebant, & mappæ insuper non satis correctæ fidæque erant. Itaque dubio auspicio currendum fuit, die nebulis ac imbris admodum tristi.

Diei 9. aurora Generalis cum cæteris nautis commodum arbitratus est, vt iuxta continentem Malaccæ versus boream ad Pulo Tymon nauis dirigeretur ad gradum tertium, ne ab insula Pulo Tymon aberraretur. Hanc enim prius in conspectum dari necesse erat, quod Chinensis Pilottus à loco illo vsq; in lauam viæ peritus esset. Inde ergò versus austrum ac Zephyrum tendentes, circa meridiem solis altitudinem 3. gr. tenuerunt. Hinc ad austrum sitam quādam insulam conspicati, eam Pulo Tymon esse crediderunt. Ea sub grad. 2. minut. 15. sita erat. Ad eam cum spectatum propius appulissent, quæ esset, Pilottus Chinensis internoscere haud potuit. Eam tamen Borneo finitimam esse ratus est. Ibi plumbum 19. passibus iactantes, à prænomina insula milliaris vnus interuallo aberant. Ea nocte dubio cuētū, quo poterant, pernaugabant.

Anchoram ligneam parāt.

Die 20. sub auroram aliam iterum insulam intra septentrionem occasumque sitam conspicati, propius adacti breuia illi vicina deprehenderunt. Quæ cum transmisissent, paulo post profunditatem 24. & 25. passuum attigerunt, vbi milliaris vnus cum dimidio interuallo in angulo Euroaustrali 30. passibus confidentes anchoram ligneam iactauerunt, quam fabri ad formam Chinensium confecerāt. Nam præter vnā anchoram & funē vnum nihil reliquum habebāt. Vetus tum tēporis borealis spirabat: & lignea dicta anchora vsq; ad vesperā durabat: quā venti tam violenti incubuerunt, vt eadē sustinēdæ nauis iam nō amplius sufficeret. Nolētes ergò procedere, & ea statione exire coacti

coacti sunt. In littore illic forte nauē quandam conspexerāt. Ad hanc sese ingerere studuerunt, si fors quosdam Indos in colloquium pertrahere possent. Sed cum subinde magis magisque ad insulam conuicerentur, & nouis malis impedirentur, terrore perculsi sunt haud modico.

Die 11. sub auroram coelum admodum turbidum ac imbris infestum erat. Vento autem Cauro flante Hollandi sine velorum ope vlla in mari versabantur, sicut prægressa omni nocte fecerant. Nā noctu ad insulā appellere intutum videbatur. Vbi dies illuxisset, vela iterum tendentes, & intra septentrionem occasumq; cursum agentes, circa meridiem insulam quandam ad occasum austrumque vergentem conspicati sunt. Quod verò nox incumberet, vela iterum colligere coacti cursum suum obliquabant, cum eo tempore imbres frequentes incumberent.

Die 12. cum terra visā è conspectu euanuisset, velis iterum ventis datis intra septentrionem & occasum impulerunt: circa meridiem altitudinem gradus vnus. 30. minut. tenentes. Gubernatores verò putantes, se ex insulis iam dum eluctatos esse, cursum suum intra occasum ac austrum intenderūt. Sed circa vesperam terrā iterum quandā iuxta austrum occasumq; viderunt. Quæ cum meræ insulæ essent, intellexerunt, se non satis in occasum deflexisse, & has insulas in littore Borneo adhuc sitas esse, cum tamen littus Malaccanum siue Pochau teneri necesse esset, modo via ac tramite recto pergere vellet. Itaque consilio Gubernatorum commodum visum est, vt ambagibus nullis obitis pergeretur, sed recta per insulas, via compendiosiore ocys perumperetur.

Die 13. ex orto sole, aer totus illustris erat, ipsique visas ante insulas iam tenebant. Vbi intra occasum ac septentrionem inuecti, cum 7. vel 8. inde milliarium spatio alias quoque minutas insulas contuerentur, an per eas transire possent, periculum fecerunt.

Circa meridiem solis altitudo grad. 1. minut. 15. erat. Hac nocte tota cursum continuantes, postero mane intra scopulos nonnullos eminentes transmiserunt: post quos cum iam nullas amplius conspicuas insulas haberent, se eas vniuersas declinasse tandem arbitrati sunt. Et tamen nihilominus vento Cauro nocte ista obliquantes animaduenterunt, se iam æquinoctialem lineam vice tertia transmississe.

Tertid lineam æquinoctialem transeunt.

Die 16. aer admodum turbidus incumbibat. Sed deinde serenato coelo, versus austrum à se magnam insulam conspicati sunt, ad quam obtinendam postero metā omnem impenderunt. Cumque in transitu nauem quandam vidiissent, ad eam cursu facto operam daturi erant, vt ex illa Pilottum quandam nancisci possent. Circa meridiem eam attingentes, & Inconam esse videntes, ipsam intercepterunt, ac spoliauerunt. Hi ex lor se soluisse, regno nimirum Mala-

Holl. lonckam
pradantur, &
Pilottum ca-
piunt.-

cæ finitimo, & negotiandi animo ad insulas quasdam contendere dicebant. Huius moderatorem Generalis secum retinuit, quod eum industrium, & finitimorum locorum omnium ac insularum Moluccanarum quoque peritum esse videret. Is cum filio suo in prætoria naue remanens, nautis suis, vt pone eandem consequeretur loncka, mandauit.

Iam ergò ad insulam propius delati, aggere eius presso ac humili animaduerso, de capto tempestiuè Pilotto gaudio magno perfusi sunt. Sine hoc siquidem duce ac moderatore naufragium vix euitaturi fuissent, cum ex locorum imperitia meta admodum periculosa decurrerent. Pilottus ergò monitor erat, vt ex insulæ illius latere occidentali peruadentes, rectà in Bantam cursum agerent. Sed quod aequilo admodum importunus ingrueret, intra insulæ occasum ac septentrionem ambiuerunt. Cum illum angulum transadigere non possent, ea nocte à vallo recedere compulsi sunt.

Insula hæc Banta erat, versus septentrionem occasumq; vt & austrum ac ortum 7. milliarium spatio sub gr. 4. excurrent. Noctu ventus validus adeò & concitatus insonuit, vt metu excruciantur non leui, ne in vallum propius coniectarentur. Ibidem è conspectu suo lonckam comitem quoque, 5. vel 6. onerum capacem, perdiderunt.

Die 17. obliquè nunc prorsum nunc vortum commearunt, vt angulum dictū insulæ exuperarent. Sed quod ventus ex septentrione perflaret, nulla industria metam eam tenere potuerunt. His visis, Pilottus aliam sibi viam per insulæ angulum orientalem cognitam esse, innuit, cuius ductui lubentes vniuersi parebant. Nam sese differre longius non poterant, quod rudentum pars maxima miserè obtrita & confRACTA esset. Itaque intra ortum ac septentrionem intendentes, profunditatem 19. & 20. passuum tenuerunt.

Die 19. Cum meta præsumpta iugiter adhuc peruaderent, circa horam 9. insulam à se intra ortum ac septentrionem sitam conspexerunt. Ea Crimati vocabatur, à littore Borneo 4. vel 5. milliarium interuallo absistens. Hinc ergò primò intra ortum ac austrum, postea circa vesperam intra austrum ac occasum decurrentes, quasdam insulas non longè à Bancka, breuiis vicinis plurimis conspicuas animaduenterunt. Intra has à Crimati medias cursum suum versus austrum ac occasum perpulerunt.

Adamantes
boni.

Insulæ hæc omnes ab Indis habitantur: & in Crimati adamantes erui solent, quos venum postea in Malaccam inferunt. Hi in terrā suam peregrinis nullis aditum dant. Cursum suum hinc cum vento bono intra austrum ac occasum impulerunt.

Die 20. paulò ante solis exortum, breuia rectà sibi opposita viderunt. In quæ nullo dubio imegissent, si meta ea noctu percurrissent. Nam & ipsi Pilotto ea incognita fuere. Hoc loco profunditatem 25. passuum habuerunt.

Die

Die 22. insulæ illi vicini erant, quæ 10. milliaribus à littore Iauano distabāt: vnde terram editam Iauæ etiam prospicere poterant. Ceterum versus austrum ac occasum pergentes, circa vesperam angulum quendam terræ humilis Curabon attigerunt, quæ versus ortum à Bantam 25. & Iacatra 12. milliaribus distat, vbi littus versus occasum ac septentrionem, ac vicissim in austrum ac ortum effunditur. Hic cū Cæcias incumberet, 10. passibus anchoras iactare compulsi sunt, cum à terra 2. ferè milliaribus abessent.

Terra Iauæ ibi sub grad. 6. posita, magna parte ex ortu in occasum excurrit, sensuum æstimatione longitudine 200. circiter milliarium complexa, cum latitudine non admodum magna.

Die 23. ventus matutinus à vallo fortis spirabat. Itaque paulò profundius in mare se dantes, versus occasum ac septentrionem intenderunt. A meridie propter mutatum ventum, in occasum cursum flexerunt, circa vesperam tamen ad anchoras iterum diuertere compulsi, quod venti vis magno subinde incremento inualesceret. Itaque ferream anchoram iacentis, funem eius ruptura obtritum esse animaduenterunt, percussione certè non leui. Nam huius postremæ si iacturam fecissent, contra maris tempestates deinceps se nulla arte asserere potuissent. Itaque plagam illam sarcientes, ad mediam vsque noctem ibi egerunt; à qua cum ventus australis incumberet, cursum suum in Bantam continuare cæperunt.

Funis anchorarius plagiatus.

Die 24. vento Cæcia admodum valido insultante, cursui inhærere minimè potuerunt, sed circa vesperam retrò iuxta angulum ante Curabon passibus 15. anchoram facere compulsi sunt.

Sub auroram diei 25. Fauonio omnino aduerso impetiti sunt, nimirum in Bantam permeaturi. Qua de causa officarios Generalis omnes coëgit, vt deliberatio fieret, quid factu nunc optimum & commodissimum videretur. Nam præter anchoram vnā superstitem non habebant: cuius insuper funis admodum obtritus & infirmus erat. Tum & cuius obuium promptumque erat videre durationem eius non admodum diuturnam fore, nec spem in eo certam collocari posse: ideò comprimis, quod hoc loco persæpè obliquandum esset, & propter instans anni tempus Zephyri istic perennes ac continui flarent. Quibus omnibus exquisite trutinatis, proximum visum est, vt cursum suum in latere Iauæ orientale intendentes ad fauces seu angustias Balamboam contenderent, ac interea locum quendam, in quo sese reficere ac de nouo instruere possent, quærerent.

In Balamboam ire decernunt.

Die 25. decreto hoc publicè firmato, ac à singulis subscripto, anchoram, tribus ferè crepaturis insignem, emouentes, intra ortum austrumque irruperunt, & ad sinum Chirabon delati, Ionckas duas, pro ipsorum opinione in Bantam velas facturas, viderunt. Noctu vela stringentes, arbitrio vni maris sese mandarūt, quod per nocturnas tenebras plenis velis nauigare minimè auderent.

Die

Die 26. cum vento oborto Zephyroborea, Iauanam Ionckam infectati sunt. Quæ tamen, cum expeditior isto vento uti posset: eorum manus breui euitauit. Sic ad viam pertexendam se conferentes, intra Chirabon & Iaparam procurrerunt.

Die 27. tempore matutino terram quandam editam tenuerunt, in cuius parte orientali aditus humilis, & ante hunc iterum duæ insulæ conspicuæ erant, iuxta quas Ionckæ prædictæ anchoras fecerunt. Ad fines istos Iapare sita est. Ipsi verò toto die ad ortum vehente cæcia intendentes, circa vesperam sinum quendam attigerunt, cui rotunda ac orbica quædam insula Mandalecca dicta accubat, quæ inde versus solstitium brumale & plagam huic oppositam usque ad Maduram insulam exporrigitur. Ea nocte lento passu intra ortum ac meridiem impulsus est.

Die 28. manè à vallo se longius abiectos viderunt, ita, ut nec insulam amplius prospicerent. Hinc itaque in austrum agentes, circa meridiem terram Cindaye viderunt, colle, pileum referente, & inferius latiore, insignem. Arbores pleræque ibi candescunt. Porro secundum Cindaye littus pergentibus, Pilottus Indicus significauit, in finitimo illic loco quodam, Iortan vocato, annonam ac refectoria commodè parari posse. Iorta verò in terra firma Iauæ sita est, Maduræ insulæ opposita, ac portu peridoneo commodissima. Is etenim licet vnus miliaris amplitudinem non excedat: indicabat tamen Pilottus, profunditatem 6. passibus non minorem esse, ita, ut ibi excubari per commodè possit.

Iorta sita.

Maduram insulam ad-
eunt.

Eodem die circa meridiem Maduram insulam, grandem, ac 18. milliaria in complexu habentem, videntes, perpetuum in eam cursum fecerunt, vadum nimirum seu introitum intra continentem ac insulam situm peruestigantes: ubi in breuia impulsus, priusquam inde extricarentur, senis horis strenuè laborarunt. Cuius vnda quidem æquabilis, ac fundus mollis existerat. Tandem iuxta prædictum vadum intra continentem & Maduram insulam penetrantes, profunditatem 14. passuum receperunt. Eius ibi latitudo miliaris vnus spatium terminatur, cui alia quoque insula vicina est, quam in hoc, Maduram vero in altero latere reliquerunt.

Apud Iortam
anchors mit-
tunt.

Tribus miliaribus propius ad brumale solstitium, Iortan ciuitas sita est, apud quam 15. passibus breui à ciuitate ipsa interstitio confederunt. In huius portu Ionckas 10. ut & alias in tumultis arenarum agentes viderunt. Nam is locus iaciendis anchoris, & nauibus emundandis admodum idoneus est. Ibidem multæ de nouo Ionckæ extruebantur, forma admodum peregrina, ponè acuminatæ & coarctatæ, 20. 30. 40. aut 50. onerum capaces. Hinc in Moluccanas insulas ac Bantam crebræ excursions fiunt, nauesque eo loco rebus variis, in primis verò capis, aceto, & viæ necessariis aliis instruuntur.

Indigenarum hac vespera nemo ad naues accessit, præter Ionckā
ynam,

ynam, ibi in portu agentem. Huius dominus denunciabat, iam nihil aromatum ibi parabile esse, sed omnia hinc in Bantam auecta pridem esse propter naues Hollandicas, quæ istic appulissent. Idem referebat, iam id tempus opportunissimum instare, quo in Moluccanas insulas (ad quas semel tantum in anno nauigationes fierent) contēderetur: ad quas species ac aromata post 4. aut 5. menses demum conueherentur.

Die 29. ventus occidentalis spirabat. Hollandi autem ante Iortam eo loco erant, vbi reficiendæ paulatim naui operam impendere maturam possent. Post meridiem, Lusitani aliquot, qui & ipsi ibi stationem agebant, ad nauem aggressi, Hollandis porcellana vasa & alia similia leuiora vendiderunt. Hi ipsi quoq; confirmabant idem, quod nulla iam aromatum copia parabilis, quodque Ionckæ illæ, ante Iortam stantes, breui in Moluccanas soluturæ essent. Ab eo deinde Canoc quoque aliquot appulerunt, ex Iorta Bonnanas, & fructus alios, ac gallinas vehentes. Potestatem itaque generalis sociis fecit, vt pro arbitrio suo liberè cum istis permutarent, & se quisque necessariis rebus instrueret.

Holl. refectoria accipiunt.

Postero die Lusitani ad nauem denuò accesserunt, Generali Barren vnam Macis emptum offerentes. Pro qua Generalis ipsis pan-

Macem emittit.

nos reposuit, dicentibus, ante elapsum biduum se merces istas non tradere posse. Die 31. iidem Lusitani redierunt, quendam secum adducentes, quem in Iortam è suis primorem dicebant. Nam non procul a ciuitate domum peculiarem, vallo munitam Lusitani habent, in qua 7. vel 8. eorum agentes, negotiationibus vacant. Nam ibi merces varias vndecunque emptitant colliguntque, quas postea in Malaccam reuenditum mittunt. Cæteri populares eorum omnes in Malacca habitant, & quotannis huc sui quæstus causa commeant. Hi Generalem fructibus nonnullis, ac rebus leuioribus aliis per suos sclauos allatis donarunt. Quos Generalis vicissim linteis remunerauit, & in honorem eorum aliquot tormenta exonerauit.

Cal. Febr. prædicti tres Lusitani iterum in nauem ascenderunt, sclauos secum adducentes omnes Mestisches, id est, ex dimidio albos, ex dimidio atros. Inter illos quidam etiam in Lusitania natus erat, qui commemorabat, se in Hollandia quondam captiuum egisse, cum classis Hispanica ibi impressionem fecisset, & Capitanei Don Diego ministrum ac seruum fuisse. Idem quædam etiam germanica verba pronunciabat, & ex parte Gallicam linguam callebat, annos circiter 30. natus. Is ex Calis oriundus videbatur, quod ex morum ac gestuum grauitate singulari augurari licebat. Eorum primus hac vice in terra manserat. Hollandi cum de Mace aduehenda percontarentur: responsum acceperunt, nondum vniuersa parata esse: facturos se tamen, vt postero die certò ac indifferenter adue-

MMM hantur.

Hollandi Lusitanos secum retinent.

hantur. Quæ verba Generali suspicionem mouerunt, quasi Lusitani quid monstri alerent, & fictis verbis Hollandos elusos nefaria quadam prodicione circumuenturi essent. Securitatis itaque suæ gratia Lusitanos secum in naue retinuit: ac Pilottum suum in terram emisit, qui de Pilotto dispiceret, ipsos in Balamboam prouecturo. Is enim ex Malaica Pilottus causabatur, se finium istorum nullam notitiam habere. Hæc dum fierent, intereà Hollandi cum Iortanis de fructibus ac gallinis contraxerunt: pro quibus ipsis cultellos Norimbergenses, specula, aciculas, lintea, vestes laneas, & similia alia reposuerunt. Regales tamen octonorum his omnium carissimi erant. Tam foeminæ quam viri confertim ad permutationes cum Hollandis faciendas irruerant.

Eodem die Ioncka Iauana Iortæ portum ingressa, sui aduentus sexies exoneratis tormentis signum dederat.

Pilottus Chinenfis dimittitur.

Die 2. cæcias satis importunus spirauit, ibi hoc anni tēpore perennis. Is Monsfons dicitur. Hoc die Generalis Pilottum denuò in terram emisit, ac à se dimisit, quod porro eius tractus is minimè peritus esset. Cui discedenti muneris ac mercedis loco, pannos, ac lintea, & merces similes propter officia ac ministeria aliquandiu magna fide præstita largitus est. Cuius opera si caruissent, propter passim in trāsitu interiecta breuia ac tumulos, tanta meta cursum suum proferre haud quaquam potuissent. Hunc ante Manillam, in Chanpan quadam oryza onusta corripuerant: quæ Chanpan postea cum sex Hollandis, vt supra dictum est, amissa ac desiderata fuit. Ibidem alterum quoque Pilottum, in Borneo conductum, à se dimiserunt. Quos toto eò tempore, quo nauigationis focij ac moderatores fuerunt, humaniter ac laute semper habuerunt.

Macis aliquid accipiunt.

Circa vesperam, Lusitanorum quidam duos fascis Macis, dimidium ferè Bar constituentes (Bar verò 200. libras pendit) naui aduexit. Præter quam quantitatem nihil vltrà parabile esse prætendit. Nam & hanc non nisi magno labore comparari potuisse, ideò corrogatam, vt verbis fidem præstaret. Hollandi autem facile hinc suspicari potuerunt, merces eas non admodum probas fore: quod re ipsa quoque ita se habere paulò post compererunt.

Postero die tormenta sua in naui profundiora demiserunt, itineri nouiter adeūdo se totos accingentes. Nā iam fructibus necessariis vt Bonnanis, Limoniis, Granatis, & Tamarindis, contra luē scorbuti admodum salubribus, satis instructi erant. Pro cibariis aliis præter gallinas nihil compararunt: quod indigenæ omnes Mahumetanæ sectæ affeclæ essent, qui nec lardum edunt, nec suæ alunt.

Die 3. Generalis officarios vniuersos, vt Gubernatores, nautas, tesserarios & alios ad se conuocauit, & significauit, vt postquam iam à fructibus satis instructi essent, nec spes vlla plurium redimendarum ibi mercium affulgeret, iam sobrio consilio & prudenti medita-

meditatione decernerent, an cum isto & nauis & rerum aliarum apparatu in Moluccanas insulas pertendi & pronauigari deberet. Officiarij verò omnes vno ore responderunt, se ad iter hoc conficiendum nec anchoris, nec funibus, nec vllis aliis, viæ necessariis, satis instructos esse: quib. & ipse Generalis haud ambiguit astipulabatur. Itaque euolutis omnib. Generalis cum officiariis cæteris decreuit, vt primo quouis tempore reditus in patriam maturaretur. Hoc adeò fine commodum esse rati sunt, si per fretum Balamboam secundum lauem maioris latus orientale, & porro vltra Cabo de Bona Esperança cursus in Hollandiã institueretur. Quod iter, vt Deus, terræ, maris ac cœli summus moderator, benedictione sua clementer sospitaret, supplices ei vota profundissimo spiritu fecerunt.

Senatus statuit, vt in patriam reditus fiat.

Generalis ergò, dimissis Lusitanis, qui de suis quendam, Augustyn Nunges apud Hollandos reliquerant, quæcunque ad viæ felicitatem necessaria erant, prouidus adornauit.

Iortan ciuitas, iuxta littus sita, 1000. circiter domibus insignis est. Eæ omnes ex ligno fabrefactæ sunt: nullis muris vallatæ. Rex ciuitatis ac regionis illius Hollandorum tempore in Passaruan aberat, vbi maxima anni parte agere solet. Hic ipse est, qui ante annos quinque Balamboam ciuitatem obsidione cinxerat, cum naues ex Amstelredamo ibi appulissent. Qua etiam ciuitate tandem potitus, Regem eius cum omni familia ac cognatione extirpauit & deleuit. Durante eius ciuitatis obsidione populi numerus maximus interiit. Nam regionis eius aer vsque adeò insalubris erat, vt breui spatio infinitos abripuerit.

Descriptio Iortan ciuitatis & regis.

Cuius malignitatis asserunt causam fuisse sanguinis profusionem crebram ibi factam: qui putrefactus aërem seminario pestifero polluerit.

Prædictus Rex, Rey de Sorbay quoque salutatur, quæ ipsa quoque ciuitas à Iortan non longè distat: ita vt hodiè vnicus Rex, simul Sorbay, Iortan, Passaruan & Balamboam imperio suo moderetur. Regiones hæ vniuersæ Mahumeticam religionem profitentur, quæ tanta superstitione colunt, vt contra statuta eius ne tantillum quidē delinquant, etsi vitæ suæ iacturam facere cogantur. Ea pertinacia in edenda carne suilla comprimis insignis est.

Mahumetani à carne suilla abstinent.

Pagodes siue templa sua pleraque in syluis habent, à via publica certis interuallis semota: ad quæ magna ex parte circa meridiem precum faciendarum causa properant. In templis idola venerantur, cacodæmonis specie horrida, exertis cornibus truculenta, & triplici capiti imposita corona spectanda. In Iortan sacerdotum primarius habitat, qui cæterarum terrarum velut Papa ac Pontifex est. Huius aula extra ciuitatem, domibus frequentibus conspicua erat: & idem 120. annos ætatis attigerat. Is tamen multas vxores alebat, quæ ipsum fouerent & calefacerent, ac lacte suo nutrent. Nam propter extre-

Religio Mahumet. anorū.

Papa in Iortan, senex lacte fouetur.

mum senium cibo alio nullo frui poterat. Christianorum is iuratus hostis est. Rex tamen Lusitanis æquè ac nationibus aliis quædam priuilegia ac libertates indulget, quod ex horû negotiationibus quæstum vberissimum sentiat.

Lusitanorum mores.

Hi lauani belli periti ac gnarissimi sunt. plerique tamen fraudulentis & infidiatores: qui propter leuis quæstus spem hominem trucidare non verentur. Ad vxores eorum propius vno passu adire non licet: ne quid dicam de contrectatu. Eæ pannis lineis ac gossypinis vestitæ, Betele perpetuò mandunt.

Hollandi iorta soluunt.

Die 4. quamprimum Sol illuxisset, Hollandi ex littore Iortan soluerunt, Pilottum Malaicum, cum interprete Lusitanico secum vehentes: quorum hic in contractibus: ille in via, ipsis commodus esset. Itaque, vt in Balamboam penetrari posset, opus erat, vt in sinum reuerterentur. Nam intra Maduram ac lauam versus ortum iterum perripiendum erat. Hac meta ergò cum redirent, alicubi quidem aliquandiu obhæserunt, sed tamen eluctati tandem, & in viam Balamboam perducti, circa vesperam vela strinxerunt, & ventis nauem crediderunt.

Grandis triremis 600.0. nerum capax.

Die 5. manè vela iterum pandentes, à Passaruan non longè aberant, Panerucan à tergo relicta. Circa meridiem in editiore oceano nauem cum grâdi malo conspicati sunt, auxilio ac moderamine (vt apparebat) destitutam. Ad hanc cum properassent, eam cæcis ac abditis breuiis incumbere animaduenerunt. Ea nauis grandissima erat, onerum circiter 600. capax, in qua nonnullos nautas adhuc superstites viderunt è longinquo.

De hac naue Lusitanus, Augustyn Nunges, istiusmodi referebat: triremem nimirum eam ex Malacca esse, in hoc instructam, vt in Insulam Amboynam peruaderet, & Lusitanos, illic in extructo castello suo ab indigenis grauiter obsessos, præsidio reficeret. Lusitanorum enim consiliū esse, castellum forti præsidio munitū, ita ampliare & firmare, vt in eo securi, ac foedere cum Bandanis vniti, vniuersos alios, eò negotiationis gratia appulsuros, inde exigere & propulsare, solique deinceps in Moluccanas insulas commercij causâ commeari possent. Quod tamen consilium eorum, vis maior è cælo, isto naufragio inducto, clementer elusit ac impediuit. Quamquā qui in hac naui erant, suffocationis nullo periculo premerentur. Tota etenim nauis supra vndas eminebat, solo fundo altius in vndis defixa: cuius puppis quoque ponè iam liberata fuerat. Ex quo colligi poterat, eos ibidem ad minimum triduo integro obhæsisse. Iam enim nullis aliis hoc vnicum agere videbantur, vt bona ac merces commodè saluarent ac eriperent. Suspiciabantur tamen Hollandi, etiam sui inuadendi causa istos meta hac anteueruisse, quod fors comperissent, sibi per Balamboam transitum præsumptum esse.

Huiusce nauis tanta vastitas erat, vt in ea 800. circiter viri perueheren-

herentur, necessariis insuper rebus instructissimi. Nam ut dictum est, cum apparatu haud tenui in Moluccanas insulas quoque peruassuri erant. Ad hos Hollandi tam propinqui appulerunt, ut propter iam notatam aquarum mutationem ad scopulos eos latentes propius accedere non auderent. Quem secum Malaicum Pilottum Hollandi habebant, is recensabat, hoc iter se quidem aliquoties confecisse, sed breviorum istorum nullam unquam notitiam accepisse, quæ à lauam 2^æ milliariū circiter spatio deflecterent. Cæterum periclitante ibi naue relicta, Hollandi cominus ad terram sese extulerunt, & circa vesperam freti Balamboam versus austrum declinantis, ac intra Baly insulam maioremq; lauam intercurrentis fauces ingressi sunt.

Fretum Balamboam Hollandi obtinēt.

Baly insula, terra edita & sublimi constans, ibi ex ortu in occasum porrigitur. Hinc Hollandi propius ad Insulam lauam sese ingerentes, insignem profunditatem, obiectis tamen frequentibus scopulis periculosa, acceperunt: ubi anchoram secundum crepidinem Pracade, deorsum ferè ad vndas propendulam iactarunt. Ea verò breuia, in quib. dicta triremis obhæsit, hinc ad ortum austrumq; 4. ferè milliariis distabāt, quod ex prominente adhuc malo facile metiri poterant. Vespera tranquilla, ventus terrestris leuior inundabat.

Die 6. vento spirante cæcia, anchoras emolientes, longius in fretum penetrarunt. Sed in australi latere aditum non admodum diductum notarunt: à qua Baly insula 2. vel 3. milliariis adhuc aberat. Hic tranquillis ventis, iterum anchoris incumbere coacti sunt. Vbi dum starent, sex lonckæ ex Balamboam appulerunt. propter maliciam iuxta nauem Hollandorum confidere coactæ.

Itaque Generalis Malaicum & Lusitanicum Pilottos in lonckas illas emisit, ut, quo vellent, deinceps proficiscerentur, cum ipsorum ministerio amplius non opus haberet. Hac in statione tum noctem illam tum diem sequentem exegerunt. Nam etsi quidem distinctis aliquot vicibus anchoram emouissent: eandem tamen propter nimiam ventorum vim & miram loci profunditatem illicò iterum iactare coacti fuerunt.

Die 9. borealis ventus satis idoneus incumbens, fecit anchoram iterum attolli, & secundum longitudinem à freti faucibus 4. ferè milliariū spatio nauem proferri. A meridie, cum freti medium præcisè tenerent: ex altero latere Baly, ex altero verò lauam reliquerunt. Atque, cum cæciam leuiter spirantem sentirent, tota nocte feliciter promoti sunt, admirantes impendio, quod à fluctibus retrò non abicerentur. Ea nocte freti tractum extremum exsuperarunt: ad cuius limites collis rotundus quidam, insulæ similis emicat, post quem longa eminentia versus depressiorem terram ubi Balamboa sita est, porrigitur.

Die decimo cum fretum egressi essent, ponè respectantes, quo modo angustia post ipsos contigua Baly insula clauderetur;

animaduenterunt. Ibi porcinum angulum Baly, intra ortum ac meridiem à se declinantem habentes, cursum ad hybernum solstitium intenderunt, vt altiori mari propius sese confererent. Hinc Iauæ terra in occidentem tanto tractu procurrebat, quantum prospectu venari suo possent.

*Ad Cabo de
bona Esperan-
ça diuertunt.*

Die II. manè ventus Zephyrus perspirabat. Terram Iauæ autem à se intra ortum ac septentrionem conspicati, vento aduerso non leui quatiebantur. A meridie in austrum sub altitudine 13. grad. deflexerunt: à quo iterum propter ex aduerso vrgentes ventos in septentrionem abacti sunt. Cæterum hinc versus Cabo de bona Esperança ad solstitium hybernum deproperatum est.

*Solem in Ze-
nith habent.*

Die 18. vento ab occidente spirante, sub meridiem solem rectà vertici incumbentem attigerunt, ventis magna ex parte quietis & tranquillis. Illic latitudo 11. grad. & 20. min. erat. Hæc autem malacia diebus 10. integris durans, quo minus meta recta pergere possent, admodum obstitit.

MARTIVS.

Cal. Martij circa vesperam commodū Euronotum adepti cursum interrupto hætenus institerunt, altitudinem gr. 12. numerantes, nimirum in lineæ parte australi.

Die 14. altitudinem 20. grad. 44. minut. terentes, se nimis longo deflexu in austrum exorbitasse deprehenderunt. Cursum ergo correcturi propius ad occidentem intendebant.

Die 19. Martij Euro spirante, circa meridiem solis altitudinem 24. graduum, 45. minut. tenuerunt. Itaque intra septentrionem ac occasum impulsæ, die vigesimo quarto ad gradus 28. minut. decem euecti sunt.

APRILIS.

Cal. April. vulturnus admodum potens incubuit: quo tempore altitudo 30. grad. 50. minut. extitit.

Die 4. venti confertim tam violenti insonuerunt, vt nonnullis collectis velis opus esset. Et cum iam 32. gr. & 15. min. altitudinem tenerent, intra austrum ac occasum intenderunt, vt desiderati Cabo altitudinem adipisci possent.

Die 8. altitudinem gr. 34. & min. 45. occuparunt, vento bono & optato continuante.

Die 14. altitudo grad. 35. & 10. min. erat.

*Aquæ noua
dispensatio.*

Die 19. tum malacia, tum aduerso vento ambiguoque incumbentibus, generalis dispensandæ aquæ modum præstituit, vt porrò cuilibet indies quatuor saltem semunciæ ministrarentur, quæ quantitas quarta mensuræ meta minor est. Ad hanc parsimoniam propter diutius aduersos ventos instantes redacti sunt. Hoc tempore altitudo 34. grad. 30. min. erat.

Die 24. color vndæ mutatus plus virefcere incepit: quo loco auium copia magna comparuit. Circa vesperam, cum iam tenebræ incumberent, versus occasum æstiuum à se fulgorem, coruscanti igni

igni similem viderunt. Quem, cum tenebræ magis magisque densescerent, postea multò distinctius internouerunt, à quo non longius 4. milliaribus se abesse censuerunt: Rationeq; loci inita colligere aliud nihil poterant, quàm ibi terram eam sitam esse, quæ intra Cabo Falso & Cabo de bona Esperança intercederet. Hoc ergò igne ostenso, Deus eos iterum à singulari infortunio præseruauit. Nam pro suppuratione gubernatorum ibi à Cabo de bona Esperança 200. milliarium interuallo adhuc aberant, & si ductorem hunc ventum secuti fuissent, in terram facillime illidi poterant. Quem tamen ignem cum vidissent, in altiore Oceano sese recipientes, terram vicinam declinauerunt.

Circa meridiem altitudo solis 34. grad. & 35. minut. erat. Ibi propter malaciam obliquantes, vela sua, quæ prioribus tempestatum insultibus obtrita fuerant, refarciri curarunt. Sub vesperam occiduo vento spirante, passis iterum velis intra austrum occasumque incurrentes, noctu fulgorem ignis alium in ortu ac septentrione medio conspicati sunt.

Die 26. manè terram quandam à sese iuxta ortum ac septentrionem animaduenerunt. Ibi ventus ex occidentetam validus incubebat, ut velis vniuersis constrictis opus esset. Sine velis ergò ad concubiam usque noctem ventorum vi acti, postea vento meliori uti cœperunt.

Die 27. cum ventus tranquillus esset, circa meridiem solem in grad. 34. min. 40. habuerunt, à terra antea visa vix sex aut septem milliaribus distantes.

Cal. Maij vehente Africo intra occasum ac septentrionem incurrentes, à Cabo de Bona Esperança 45. circiter milliaribus se abesse extimarunt. Circa meridiem sol in grad. 37. min. 15. errabat.

Die 2. ventus præcipuè occiduus spirabat. Itaque altius procurre ipsi vectore eo non licebat. Sub noctem austro inualecente, intra septentrionem occasumque successu valdè optato promoti sunt, grad. 35. & 15. min. altitudinem numerantes.

Die 3. aurora terram quãdam intra orientem ac septentrionem sitam, pressam admodum, ac extremitati insulæ similem conspicati sunt. A qua cum seniorum milliarium interuallo adhuc abessent, bolide missa 80. pass. profunditatem æstimarunt. Indiciis itaque non leuibus sibi persuadebant, quod à Cabo de bona Esperança non abessent longius. Inde ergò Euro impellente, felici & propera meta ad occasum intenderunt. Circa vesperam prædictam terram versus septentrionem sitam adhuc obnotarunt.

Die 4. sub auroram terram præuisam è conspectu suo prodiderunt, rati se iam Cabo de bona Esperança admodum propinquos esse. Cursum ergò porrò versus occasum ac septentrionem continuantes, ad S. Helenæ insulam magno gaudio sese protulerunt, Deo

Ad S. Helenam
procurrunt.

trinuno, summo benefactori, de hac eousq; meta feliciter obtenta, gratias ingentes promentes.

Die 6. Cæcias incubuit. Ibi altitudo solis 33 grad. 10. min. numerabatur. Hoc vento diebus sex integris prouecti, 11. die solis grad. 30. min. 10. habuerunt. Post hæc circa vesperam à solis occasu ventus commodior, nimirum Libonotus incumbens, nauem propius ad S. Helenam pepulit.

*Tropicum cæ-
eri attingunt.*

Die 18. austro spirante intra septentrionem & occasum imprimentes, solis altitudinem 22. grad. min. 30. habuerunt, cum iam Tropicum cancri iterum attigissent.

Die 22. altitudo 16. grad. 30. min. erat. Ibi versus occasum vela ingerentes, à S. Helena 120. milliaribus sese abesse augurati sunt.

Die 23. vento australi vehente, sub meridiem solis altitudinem 16. grad. tenentes, cursui priori inhæserunt, distinctis vicibus iam pluuiis, iam serenitate reuertente.

*S. Helenam in-
sulam impe-
trant.*

*S. Helena de-
scriptio.*

Die 26. S. Helenam iuxta occasum ac septentrionem à se prospicati sunt. Ea terra editissima, duo in longitudine milliaria complecti videtur. In boreali latere præcipiti ac decliui monte insignis est. Porro ergò toto die vulturnum bonum & opportunum adhibentes, circa vesperam portum S. Helenæ ingressi sunt. Is in partem septentrionalem pandebatur, terra versus medium ortus ac austri prominente. In sinu ergò quodam priore, 14. passibus anchoras iactarunt, postquam editum eum angulum transmisissent, supra quem in prærupto monte suffixa crux videtur. Ab hoc angulo glandis iactu alius secundus abest, facello proximo insignis: iuxta quod recentis vndæ riuus deruit: quem postero die ingressi sunt. Generalis, postquam præsidarios disposuisset, & modum hauriendæ aquæ constituisset, in terram ipsemet egressus est. Nam, cum vnam tantum Canoam ex Borneo aduectam secum haberent, propter insulæ crepidines aquæ inuasatio ipsis difficilior facta est. Aqua, vt diximus, post facellum vnius à mari lapidis iactu deriuatur. Iuxta cuius ripam ficos plurimas confitas deprehenderunt. Mala aurantia ibi nulla inuenerunt. vnam tamen palmæ arborem ibidē quoq; nacti sunt. Hac ipsa in insula nomina quorundam descripta inuenerunt, eorum, qui ex Hollandia Anno 1599. in Indiam orientalem vela fecerant. Hoc verò anno, præter vnam Lusitanicam, quæ in Angolam cursum tenuerat, naues in portu nullæ egerant.

Die 28. hauriendæ aquæ instituto iterum in terram egressi sunt. Sed quod pluuiæ fortes prægressa nocte decidissent, vnda turbatior erat, quàm vt potari posset. Circa tamen meridiem, cum Sol illustrior emicuisset, aqua rursus inclaruit, vt tum eo, tum sequente toto die dolia sua vniuersa complere possent. Quidam à nautis ingentem piscium copiam captarunt. Quo cibo præcipuo illic vsi sunt. Etsi enim in ea insula damæ ac capreæ, numerosæque aues passim

passim videantur, eæ tamen vsque adeo feræ sunt, & fugaces, vt feriri ægrè possint

Die 30. Generalis potestatem vniuersis fecit, vt in terram egredierentur, tentarentq; an feras ac aues capere possent. Confertim ergò nonnullis iuga montis ascendentibus, præter damas duas ternasue ad nauem nihil attulerunt.

Circa huius diei vesperam, binis ante solis occubitus horis ex dicta S. Helenæ insula iterum soluerunt, quæ sub gr. 15. min. 50. sita est. *Ex S. Helenæ solunt.* Cursum suum inde intra occidentem & septentrionem spirante Africo immiserunt.

Cal. Iunij vento prædicto adhuc continuante, cursui suscepto iugiter inhæserunt.

Die 5. circa meridiem altitudo 10. grad. 30. min. attigerunt.

Die 7. Euro spirante, mane Insulam Ascensionem in septentrionali latere à se prouiderunt, à qua tum temporis septem ferè milliariibus aberant. A meridie altitudinem 8. grad. & 20. minut. habuerunt, visam insulam sub gradu circiter 8. sitam esse arbitantes.

Die 14. continuante Euro circa meridiem altit. min. 5. vel 6. in latere boreali lineæ habuerunt: quo die lineam æquinoctialem iam vice quarta transmiserant. A qua cum ab occasu paulò magis in septentrionem deuiarent, die 15. circa meridiem gr. 1. minut. 15. in lineæ septentrionali plaga tenuerunt. *Quarto lineæ æquinoctialem transmittunt.*

Die 16. ex septentrione 6. ad se naues appellere conspicati sunt: ad quas cum deproperassent, eas Hollandicas esse, & Generali Iacob Heemskerck parere, ac in Indiam orientalem pertendere, intellexerunt. *Iacob Heemskerck Generalis in Indiam orientalem abijt.* Hi in hoc itinere iam duos menses exegerant, & ViceAlmirantem cum Liburnica perdiderant, postquam cum 13. Hispanicis nauibus configerè coacti fuissent. Hæ enim propè Salinas insulas illas inuasérant. Celocem dicebant ab hostibus quidem captam esse: sed ViceAlmirantem tamen sperabant, è manibus eorum elapsum esse. Ex his ipsis Hollandi quoque indicium acceperunt gloriosæ eius victoriae, quam illustrissimus Belgij Princeps in Flandria contra Hispanos acquisiuisset: qua pugna aperta, Hispanorum ad 8000. millia cæsa, ipsemet vero Almirans de Arragon cum capitaneis ac dominis plurimis captiui facti sint. Referebant iidem, quod propter tumultum & seditionem in Anglia concitatum Milloort Excester cum primatibus aliis capitis supplicio affectus sit.

His cognitis & euolutis Generalis statuit post Angliam ac Hyberniam reditum in Hollandiam maturare. Itaq; circa vesperam, discessione sueto more facta, cursum suum intra septentrionem occasumq; direxit. Hoc tempore altitudo grad. 2. min. 40. in lineæ septentrionali latere erat.

Die 19. cum altitudinem 7. grad. attigissent, noctu imbribus impetiti sunt, quadriduo integro durantibus.

*Cynosuram
iterum videt.*

Die 24. Borea flante, sub noctem polum arcticum iterum conspicati sunt sub gr. 11. min. 10.

*IVLIVS.
Solem in ver-
tice habent.*

Die 5. Iulii Caurus potens fortisq; perflavit. Hic solem iterum recta vertici impendentem habuerunt.

Die 8. vento Euro spirante intra occasum ac septentrionem cursum impulerunt, à meridie sub grad. 27. agentes. Ibi in mari copiosas herbas fluctuare viderunt, Saragossa vocatas.

Saragossa.

Die 13. sub gr. 32. min. 30. malacia incubuit, diebus 15. integris durans: quo tempore Saragossa omnia plena erant.

*Panis reliquia
omnes distri-
buntur.*

Die 22. qui Dominicus erat, Generalis, quantum vsquam panis supererat, viritim distribuit: vbi 2. libræ unicuius cesserunt panis, admodum vermiculosi & corrupti, cuius vix portione dimidia frui possent. Deinceps ergo præter oryzam nihil reliquum habebant.

Die 28. circa vesperam Fauonius perspiravit, ipsiq; versus septentrionem nauem impulerunt, vt Corues & Floris transcendere possent. Postero die sub grad. 36. erant, à die 13. ad hunc vsq; perpetua malacia ferè vsi. Hoc verò die Fauonius iterum fortis incubuit, & Saragossæ plurimum apparuit.

AVGVSTVS.

Cal. Aug. cursum suum intra occasum æstium impulerunt, circa meridiem gr. 40. tenentes, & à Corues ac Floris insulis occidentioribus 45. circiter miliaribus distantes. Hinc verò visum est Generali ac gubernatoribus, vt metam porro suam intra Angliam ac Galliam ad Hollandiam corripere, quod propter annonæ penuriam, & supellectilis nauticæ inopiam post Angliam commodè transmitti non posse videretur. Itaq; cursum suum inde intra ortum ac septentrionem impulerunt.

*Hollandi gra-
uiter leduntur
à tormento.*

Die 11. versus ortum nauem conspicati, ad eam procurrerunt. Quam tamen, quod meta sua recta profestinaaret, assequi non potuerunt. Huic ergo exonerato tormento signum dantes, vela maiora demiserunt. Quod cum, qui in altera naui erant, prospexissent, cursum sistentes, disploso tormento expectationis futuræ indicium fecerunt. Itaq; cum boatu simili Hollandi ex eo tormento, quod in prora stabat, respōsum daturi essent: id violentissimo fragore discrepuit, & frustillatim dissiliit, ita, vt fragmina nonnulla per aërem grandi tonitru peruolarent, alia in malum maiorem incuterentur, qui ob id in tres partes confRACTUS EST.

Tormentorum magistro, qui aliquot passus retroactus fuerat, pes detruncatus est, præter alios, qui & ipsi nonnihil oblædebantur. Illius famulus, Pieter Reyner, eodem momento occisus est. Adeoq; hoc periculo non multò plures læsos esse, omnibus certè admirationi singulari fuit. Nam ipse Generalis cum multis suis tormento illi admodum propinquus astiterat. Porro, cum, quæ fierent, in altera naue isti viderent: cursum suum citra moram promouerunt, & inde soluerunt. Hollandi verò vela colligere, & malum nouum

uum condere coacti, postea intra ortum ac septentrionem concitatus iterum procurrerunt.

Die 13. sub gr. 48. min. 15. nauigarunt. Hic cum mappis suis gubernatores ad Generalem ingressi significarunt ei, quod à Sorlinghes 80. adhuc milliaribus abessent, nonnullis contra contendentibus, interuallum hoc 105. milliarium esse. Cursui nihilominus serio inhærentes, postero die bolide missa, 110. passuum profunditatem se habituros sperabant. Sed fundi nullum vestigium comparebat. Altitudo grad. 49. erat.

Die 17. manè iuxta occasum æstiuum terram quandam sibi videre visi sunt. Itaq; plumbo misso, 90. passus deprehenderunt. Gubernator Iacob, qui se loci istius peritum censebat, quod sub vesperam aut Angliam aut Lyfaert occupaturi essent, promittebat. Nam circa meridiem 49. grad. 25. min. altitudinem tenuerant.

Die 18. versus ortum manè tres naues conspicati sunt: quas attingentes, & cuiates essent, rogantes, intellexerunt, eas ex Embda sol- *Embda Hollandis panes & carnes resciunt.* uisse, & maiorem in Brasiliam, cæteras verò in S. Lucas vela facere. Hi emissa scapha Hollandis panes & carnes impertiuerunt: quibus Hollandi vicissim nonnihil piperis & oryzæ reddiderunt. Ex harum gubernatoribus Hollandi etiam intelligebant, quod metam illam, quâ in Angliam perducerentur, nondum tenerent, etsi Goutsteert sese iam transmississe putarent. Tres siquidem hæ naues, elapso die 15. adhuc in Pleymuyen versatæ erant, & ante biduum primum Heyfant viderant, ita, vt à statione illa Angliam 12. aut 15. milliaribus adhuc abesse omnino persuasum haberent. His expeditis, vtrique ad iter suum rediuerunt.

Die 19. manè terram quandam à se intra ortum & septentrionem sitam, prospexerunt. Ad hanc austro impellentes, Sorlinges esse deprehenderunt, vbi per saxa ac scopulos multos transmittere compellebantur. Vbi iam Sorlinges in septentrione post se reliquissent, cursum suum rectè ad angulum Lyfaert intenderunt. Sed quod iam tenebræ increbrescerent, illum diutius providere non potuerunt. Noctu ergò meta præsumpta ad occasum æstiuum præproperantes, postero die angulum Goutsteert attigerunt, quem à meridie circa horam tertiam transmiserunt.

Die 14. exorto sole, hora sexta, in conspectum Doeueren & Calis adepti sunt: à quo iterum post horam dimidiam nauem quandam sibi occurrentem prouiderunt. Hæc ex Amstelredamo militaris erat, cuius Capitaneus à Generali percontatus est, rerūne quarundam penuria is premeretur. Cognitaq; rerū multarum inopia, ei funem anchorarium cum Pilotto dedit, cuius ductu Maes ingredi tutò possent. A meridie diuortio facto, vtrique ad legendum suum iter perrexerunt.

Die vicesimo quinto ad ostium Maes siue Mosæ appellentes, anchora nauem firmarunt, à meridie eam penitus incurrentes. Sed

cum

cum ventus violentior reniteretur, compulsi sunt australius iuxta Briel anchoram iterum excutere: vbi parum aberat, quin in vallum impingerent.

*in patriam
redeunt.*

Die 26. sub exortū solis, vento austro & Libonoto perspirante, cum anchoram emoliri essent, circa meridiem, diuina ope ac auxilio adiuti Amstelredamum appellentes, profuso omnium gaudio & gratulatione accepti sunt.

Navigationis Hollandica Finis.





VERA ET GENVINA,
SED BREVIS. TAMEN ET
COMPENDIARIA DESIGNATIO IN-
SVLARVM, CIVITATVM, LOCORVMQVE ALIO-

rum maritimorum, quæ Hollandi instituta nauigatione magna ex
parte adiuerunt: vbi simul, quæ durante eo itinere singula-
ria ipsis acciderunt aut notata sunt, paucis ex-
plicantur edunturq;.

*HÆC NARRATIO FIGVRIS SEV SCHEMA-
tibus artificiosissimis aeneis expressa, ac edita est à THEOD. de BRY p.m.*

relictæ viduæ, & binis filijs JOAN. THEODORICO &

*JOAN. JSRAELE, ciuibus Francofur-
tensibus.*



FRANCOFVRTI,
EXCVDEBAT MATTHÆVS BECKER.

M. DCII.

THE UNIVERSITY OF CHICAGO
LIBRARY
CHICAGO, ILL.

I.

DELINEATIO ISOLAE DEL PRIN- CIPE, SEV INSVLÆ PRINCIPIS: ET EORVM, quæ ibidem gesta sunt, narratio.



INSVLA hac sub grad. 1½ in linea æquinoctialis parte boreali sita est. Ubi, cum propter agrorum magnam infirmitatem, & rerum aliarum penuriam, Hollandicum vexillo pacis in terram egrederentur, Æthiops quidam, Lusitanicæ linguae peritus, eosdem humaniter excepit, ac in castellum secum abductos, cibo potuq; affatim lauteq; tractavit. Lusitani interim ad scaphas emiserunt, qui ceteros quoq; blandimentis in castellum allicerent. Quem tamen dolum cum se frustra machinatos intellexissent: istos quatuor, qui iam in castello erant, adorti, tres in momento obtruncarunt & iugularunt, quarto profugo facto, & ad naues perfidiam intentatam deferente.

THE NEW YORK PUBLIC LIBRARY

ASTOR LENOX AND TILDEN FOUNDATIONS

125 WEST 4TH STREET, NEW YORK

DE PVGNA, QVA FRVSTRA HOL- LANDI CVM LVSITANIS DECREVERVNT.



Hoc ergò nefario dolo à Generali intellecto, improbitatem vindicaturus, 120. armatos contra Lusitanos emisit. Qui postquam longa dimicatione cum ipsis velitati essent, & in castelli occupationem sedulo incubuissent: tandem tamen re frustra tentatâ, ne grauioribus malis innassarentur, ad naues retro paulatim cesserunt. A. Castellum Lusitanorum designat. B. Locũ pugna cum Lusitanis commissæ. C. Hollandorum propugnaculum est, in tutelam extructum eorum, qui hauriendæ aquæ operam impendebant. D. Indigenæ sunt eius loci, tam viri quàm fœminæ. Vir, quidam primariorum est, qui peltis ac lanceis instructi incedere solent. Fœminæ cultris falcatis, quas manibus gestant, armatæ conspiciuntur: quarum colla corollæ precariæ, crucibus appensis insignes, cingunt: quas institutione Lusitanorum magna deuotione venerantur.

DE PVSIA 1774

1774

III.
INSVLAE RIOIAVERO
DELINEATIO.




USITANORVM imperio Rio Iauero insula quoq, subiecta est. In qua cum Hollandi sese reficere, ac idoneis rebus instruere vellent: prater 40. aut 50. poma aurantia nihil nacti sunt. Caterum ubi scaphis in terram egressi, Aethiopem obuium cum Lusitano corripuissent, ac eosdem via commonstratores secum abducturi essent: Indi confertim irruentes, in Hollandos tanta violentia sua tela extorserunt & conuibrarunt, vt aliquot eorum grauitervulnerarent, & duos caperent. Quos deinde tamen, restitutis Aethiope & Lusitano, velut permutatione facta, iterum liberos dimiserunt. A. velitationis locus est. B. locus est, quo captiuorum permutatio facta est. C. Insula ciuitas est. D. Lusitanorum propugnaculum est.

THE NEW YORK PUBLIC LIBRARY
ASTOR LENOX TILDEN FOUNDATION
1155 6TH AVENUE
NEW YORK 17, N.Y.



IV.
INSVLÆ S. SEBASTIANI
RRÆFIGVRATIO.



HOLLANDI, postquam ad S. Sebastiani insulam appulissent, scapha sex suorum de insula statu percontatum emiserunt. Hi vero ab Indis, ex dumetis ac syluis gregatim insultantibus obruti sunt. Quo conspectu cum duo cecidissent, quatuor ceteri ab Indis capti abrepti sunt. Qui priusquam abirent, scapham quoque Hollandorum confregerunt & comminuerunt: quod ex A. litera patet. B. Locus est, ex quo undam ac ligna auexerunt. C. Meta est, quā nouam scapham extruxerunt. D. Immensam adeo piscium multitudinem capiunt, ut retibus eosdem vix magno labore iunctoq; nisu in littus extrahere possint.

V.
DELINEATIO INSVLAE
SANCTÆ CLARÆ.



HACCE in insula Hollandi egros suos exposuerunt, ac eosdem accurata diligentiq; diuina curarunt, ut dierum 14. spatio uniuersi reualescerent, quinis exceptis, qui propter diuturnitatem morborum nimis attritis & elisis viribus, ibi extremam auram expirauerunt. Ex hac insula, quod ad annonam faceret, præter herbas ac duas prunos, quarum fructibus haud leuiter recreati & refecti sunt, nihil comparare licuit. Et, ne egri ab insulanis opprimerentur, diligentibus præsidijs ac excubijs is locus custoditus est. Non longo ab hac insula intervallo locus est, ubi copiam grandem piscium captauerunt. Apud hanc insulam, nauium quandam, bonis ac mercibus prius exinanitam, ac itineri continuando ineptam, iniectis ignibus concremauerunt.

THE UNIVERSITY OF CHICAGO



THE UNIVERSITY OF CHICAGO
LIBRARY
1911

VI. PORTO DE SEYRO.



Hoc in loco Capitaneus Iacobus Ianss Huydecooper extinctus est, postquam immanitate Scorbuti longo tempore attritus & confectus fuisset. Is ceremonijs ac exequijs suctis in eadem insula sepultus est. Terra hac hominum quidem ac arborum sterilis erat, sed magnam tamen ferarum, ut ceruorum, bubalorum, ac struthiocamelorum copiam alebat. Ibidem Generalis duabus scaphis certo cum militum numero in littus egressus est. Cum verò neminem indigenarum offendere potuisset : quinis Hollandis cum expresso mandato, ne qua ex scaphis se aliorum efferrent, relictis, lecta militum manu in terra penitiora loca peruasit. Interim, cum, qui pro scapharum tutela relictī fuerant, pellendi frigoris instituto longius à scaphis expatiati essent: repente ex insidijs ab Indis inuasi, ac telis confestim vibratis ita impetiti sunt, ut tres eorum illico caderent, duo profugi verò in scapham sese ingerentes, vix elaberentur. Reuersus ergo Capitaneus, cum tres in littore exanimis iacere, & scapharum alteram abactam esse videret : latrocinium suorum in Indis vindicaturus terram omnem quidem peruagatus est. sed nemine inuento ad naues tandem redijt. Eodem in loco multi Indorum tumuli conspiciebantur, erectis ac suffixis telis pennisq; coornati.

THE UNIVERSITY OF CHICAGO

THE UNIVERSITY OF CHICAGO
LIBRARY
1891

VII.
 QVID HOLLANDIS IN FRETI
 QVADAM VICINA INSVLA
 acciderit.




POSTQVAM Hollandi insulam quandam, in freto Magellanico non longè à Capo de Nassau sitam, attigissent, & Indorum quosdam scaphis vectos animaduertissent : ad eos concitatus remis appulerunt. Quare visa, Indi in terram exilientes, fuga sese in editum quendam montem receperunt. Cumq; pinguinarum auferendarum causa Hollandos aduentare censerent : pinguinas aliquot desuper in scaphas eorum coniecerunt : sed ne sic quidem pacatos Hollandos videntes, lapides ac spicula in eosdem plurima coniecerunt, & in fugam sese tandem dederunt. Hollandi ergo, postquam instructa manu loca istlic vicina quoquo versum peruagati indigenas quærerent : specum prae grandem quandam animaduertierunt, Indis viris feminisq; ac infantibus planè refertam : qui in appropinquantes Hollandos concitatissimè sua iacula emiserunt. Pugna ergo utrinq; inualecente, Hollandi specum occupare prius non potuerunt, quàm excussis glandibus viros uniuersos confecissent. Eo factò, cum antrum postea inuaderent, relictas fœminas suis liberis pronas incumbentes, conspexerunt. Quorum è numero, cum duas puellas & pueros quatuor selegissent, ad naues parca victoria redierunt.

THE
OLD HOLLAND
GARDEN

THE
OLD HOLLAND
GARDEN

QVORITV HOLLANDI IN LA MOCHE INSVLA TRACTATI SINT.



fol. 36

IN La Moche insula Hollandi humanitatis nihil desiderauerunt. Nam ad indigenarū habitacula ducti, iussi sunt cū viris in truncis vicinis considerare. Aduenas spectandi causa, fœmina uniuersa ē domibus suis confluxerunt, ac à viris seorsim tribus ordinibus consederunt. Interea vetula quædam urceum cereuisia (cici dicta) plenum Hollandis obtulit, quo potu ipsi non parum affecti fuerunt. Hoc potionis genus hac ferè ratione confit. Vetula, quæ ex senio iam dentibus carent, fruges mastificant: masticas euomunt, & in certum cumulum expuunt. Ita illa madefacta & attrita, posteris diebus efferuere incipiunt. Vnde tandem ex miscella ista potus conficitur. Festorum suorum solemnitates ad hunc potum magna gratulatione exequuntur. Vbi certo loco quodam conuenientes, ex ordine consident. Et dum quidā eorum, qui editiore in trunco stat, ore certum quoddā metrum admodulatur, ceteri in orbem sibi inuicē appotant, vsq; dum inebrietur.

ALL INFORMATION CONTAINED
HEREIN IS UNCLASSIFIED

IX.
LADRONES INSVLAE
DESCRIPTIO.



INSVLA haec humilis est ac depressa, arboribus ac scopulis frequentibus aspera. Ex re nomen ea insula obtinuit: cuius incolae admodum furaces sunt & dolosi, adeò, ut satis sibi à furto eorum Hollandi cauere minimè potuerint. Nudi inambulanti, nisi quod praesuspensio folio pudenda sua foemina obuelent. Corpore fusco sunt. Viri capillos radunt: foemina promissos alunt. Sine legibus inter sese pecudum ritu cohabitanti, coeuntque. Vnde fit, ut multorum corpora luis venerea veneno miserè corrupta & defœdata conspiciantur.

THE UNIVERSITY OF CHICAGO

THE UNIVERSITY OF CHICAGO
LIBRARY
1800 EAST 5TH AVENUE
CHICAGO, ILL. 60607
TEL: 773-936-5000
FAX: 773-936-5001
WWW.CHICAGO.EDU

X.
QVID IN LADRONES IN-
SVLA HOLLANDIS ACCIDERIT.



IN hac insula ad Hollandorum nauem 200. circiter Canoa confluerunt, quarum qualibet duos ternosue ferebat. Hi in contractibus & commercijs supra modum fraudulentis inuenti sunt. Permutationes ita fiebant. Hollandi è naue funiculum, cui fragmentum ferri appenderant, deorsum ad Canoas demittebant. Ferrum Indi auide arripientes, funi sacculum oryza plenum appenderunt. Qui tamen sacci pleriq, cum effunderentur, vix semipleni reperti fuerunt, quod supernè quidem oryza cmineret, fundus verò sacci folijs ac rebus inanibus alijs confertus esset. Sed & hoc accidit. Quidam ex illis nauem ascenderant. Ibi vnus, dispecta occasione, incauto Hollando gladium è manibus extricat, & cum eo in mare deorsum insilit, ac infra undas ad insulam pernatat. Cum ergo Generalis crebris iniurijs offensior in eos sclopetis defulminasset, confertim pleriq, ex canois exilientes, aliquandiu sub aquis latitarunt. Qui cum suis nauiculis euersi fuerant, hi ranarum modo adnatabant, & canoas suas conuertentes priore situ locabant. Nauicula eorum oblonga sunt, angustaq, quibus inconuersis mira agilitate nunc prorsum nunc vorsum vela facientes vtuntur.

XI.
DE SINV BAYE LA
BAYE



SINVS iste à Manille 8. leucarum spatio ferè distat. Quam regionem cum Hollandi Hispanicæ iurisdictioni subiectam esse cognoscerent, vexillum Hispanicum nauibus suffixerunt, & quendam è nautis habitu monachali induerunt, ut hoc inuento quosdam Hispanorum ad se illicerent. Cum ergo quidam ex illis tandem appropinquasset, ac in nauem ascendisset: dolo deceptus curauit, ut annonæ copia maxima per Indos ad nauem proueretur. Sed cum res in suspicionem à nonnullis vocaretur, Hispani ad nauem capitaneum amandarunt, qui de commeatu regio Hollandos compellaret. Cui cum Ducis Mauritij literæ ostenderentur: perculsus animo, quid diceret, non habuit. Itaq; porro commeatus nihil ad naues perlatum est. Appicti sunt hic non solum illius loci, sed & vniversorum noua Hispania indigenarum habitus accultus.



XII.
IAPONVM EFFIGIATIO
AC DESCRIPTIO.




HOLLANDI cum iam à Manille non abessent longius, occurrentem sibi nauem ex Iaponia habuerunt : cuius incolæ hic adumbrantur. Hi procero & erecto corpore sunt, habitu Polonorum fere induti, ac tunicis promissis vestiti. Primas inter hos veste pretiosa serica, floribus intertextis conspicua, insignis erat. Milites periti & industrij sunt, qui armis, ut arcubus, hastis, sclopetis & acinacibus expeditissime uti norunt. Toto capite calui ac rasi, postrema saltem occipitij parte floccum oblongum alunt.

ddd

ITALIAE



XIII.
HOLLANDORVM CVM HI-
SPANIS ANTE MANILLAM
pugna naualis.



Cum ante Manillam Hollandi agerent, Hispani contra ipsos nauem instructissimam tum militibus, tum tormentis emiserunt, ut eandem aut euerterent, aut captarent. Sed cum à prima velitatione pugna adeo inualuisset, ut Hollandorum nauem Hispani iam dum occuparent: inferne per extensas crates Hollandi infestantes Hispanos tanto robore ac animo inuasērunt, ut multis cæsis, retrocedere, ac ad nauem suam redire cogerentur. Cumq; desperata victoria iam in Manillam recurrere inciperent: navis, qua violētis tormentorum diuerberationibus admodū comminuta fuerat, mergi ac in fundū declinare visa est. Ibi ergo Hispanos uniuersos Hollandi iā ante conspectū suū suffocari viderunt. Nihilominus tamē Hollandorū Vicealmirans ab Hispanica Vicealm. in fuga correpta & occupata est. His appicta est navis Iaponica cū velis ex storea intertextis, ac lignea anchora.

XIV.
BORNEO INSULAE
DESCRPTIO.



BX insularum in tota India orientali maximis ac precipuis Borneo est, sinu admodum magno insignis, iuxta quem metropolis Borneo, 2000. aut 3000. domibus conspicua, in loco vliginoso extructa conspicitur. Ciuitatis eius ea ratio est, vt à domo vna in aliam scaphis commeandum sit. Insula aliàs optime culta ac ferax est: cuius indigenæ viri proceri ac cordati sunt: quorum ne quidem infimus quisq, sine armis suis in publicum prodit. Odio Vatiniano Hispanos prosequuntur, ac legibus Mahumeticis viuunt, sicut id ex historia latius patet.

F I N I S.

117
B O R N O M I A
G E R M A N Y

SPECIAL 87-B
Folio 25915
G
159
A519
1602

